





John Carter Brown.









Rich Says

"This work contains a treatise
concerning the Indians; and
another on the just motives of
the Spaniards for making war
upon the barbarians."





REVERENDI

PATRIS F. FRANCISCI DE VI-

ctoria, ordinis Prædicatorũ, sacre Theologiæ

in Salmanticensi Academia quondam

primarij Professoris, Relectiones

Theologiæ XII. in duos

Tomos diuisæ:

Quarum seriem uersa pagella indicabit.

SUMMARIIS suis ubique locis adiectis, quæ cum
INDICE omnium copiosissimo.

TOMVS PRIMVS.



Lugduni, apud Iacobum Boyerium,

M. D. LVII.

Cum priuilegio Regis ad decennium.

PRIMVS TOMVS,

De { Potestate ecclesiæ, prior & posterior.
Potestate ciuili.
Potestate concilij.
Indis prior.
Indis posterior, siue de iure belli.
Matrimonio.

SECVNDVS TOMVS,

De { Augmento charitatis.
Temperantia.
Homicidio.
Simonia.
Magia.
Eo ad quod tenetur veniens ad vsum
rationis.

EXTRAIT DV PRIVILEGE
DV ROY.

3

JOHN CARTER BROWN

PAR grace & priuilege du Roy est permis à laques Boyer libraire de Salamanca, de imprimer ou faire imprimer vne fois ou plusieurs ce present liure intitule, Reuerédiss. Patris Fratris Francisci de Victoria, ordinis Prædicatorum, sacrae Theologiæ in Salmanticensi Academia quondam primarij Professoris Relectiões duodecim Theologicæ. Et fait deffence de par ledit Seigneur, à tous autres libraires, imprimeurs, & personnes quelzconques, de ne imprimer, ne faire imprimer ledit liure, vendre, ne distribuer en ses pais, terres, & seigneuries, si ce n'est par le consentement dudit Boyer: sur peine de améde arbitraire & confiscation des liures qu'ilz auroyēt imprimez. Et ce iusques au tēps & terme de dix ans, à compter du iour & dattē qu'ilz seront paracheuez de imprimer, comme plus à plain est contenu par les lettres patentes sur ce données à Paris le dernier iour de Iuillet, l'an de grace mil cinq cens cinquante six, & de son regne le dixiesme.

Par le Roy, *maistre Francois Barthelemy, maistre des requestes ordinaire de l'hostel present:*

signé, Fizes.

Et sceelés du grand seel en cire iaulne à simple queue.

a 2 ILLV

ILLVSTRISSIMO, AC

REVERENDISSIMO D. D. FERDINANDO Valdesio, Archiepiscopo Hispalensi, supremoque in regnis Hispaniarum Inquisitori Iacobus Boyerius Bibliopola S. P. D.



OMINUM genera multa esse non ignoras (Praesul illustrissime) qui in perniciem bonarum literarum quodammodo nati esse videntur: sed unum illud certissimum, qui (ut ait Comicus) labore alieno magnam partem gloriam, uerbis saepe in se transmouent. Ab his enim factum est, ut complura doctissimorum uirorum opera uel omnino supprimeretur, uel alieno sub nomine truncata, uel imperitorum hominum stultis cogitationibus sepulta posteritati obtruderetur. Quae pestis cum in omnes bonas artes irrepserit, mirum tamen est, quo pacto tam longe lateque in praclarissima disciplinarum omnium Theologia grauetur, ut pristino candori & sinceritati uix iam ullus sit relictus locus. Nam si ueterum ecclesiasticorum scriptorum libros adstate-

ad staterā reuocare uelimus, nullus profecto
erit, qui ab ea labe se liberum possit asserere.
Origenes, Hieronymus, Augustinus, Am-
brosius, quot in locis trūcati, confusi, obscuri,
perplexi, ac deniq; alienis inuentis cōspurcati
leguntur? Quot præterea uolumina, otiosorū
hominum deliramenta, uiris illis grauissimis
& religiosissimis falsò attribuūtur? In cuius
generis homines cū optimi ac eruditissimi
uiri Frāncisci de Victoria (cuius ego memoria
maximè recreor) lucubrationes incidissent,
quid non licenter in eis sibi permiserūt? alius
transcribendo miserè dilacerauit, alius cor-
ruptè recitauit, alius suppresso uiri nomine
bonam magnamq; operis partem usurpauit:
plures deniq; mentis insanæ cōmenta, uiri il-
lius religiosissimi doctrina ac singulari erudi-
tione, non secus ac gemmam adulterinā auro
contexerunt: debitamq; authori gloriam sce-
leratissimi quiq; impune sibi uendicauerunt.
Cui ego malo cū auxilium accerferem, nul-
lum nec præsentius, nec dignius quàm tuum,
adhiberi posse existimauit, qui ad bonas artes

6
restituendas, ad Christianā religionem pro
mouendam, ad omnes deniq; uirtutes stabi
liendas, unus præ cæteris quodammodo natus
esse uideris. Cuius rei testis est fidelis cel. ber
rima hæc Salmanticensis Academia, quā
extructis ad fouenda literatorum hominum
studia monumentis, ac ædificijs, ista tua libe
ralitate & magnificentia non inferioribus,
multo clariorem, ac ornatiorem reddidisti.
Atq; ut interim omittā præclarissimas ani
mi tui dotes omni laude superiores, generis
splendorem, ordinis istius Archiepiscopalis
amplitudinem, cæterāq; in uniuersam Hispa
niam beneficia, quorum memoriam uentura
secula (quando eas laudes incredibilis animi
tui māsuetudo prædicari nō sinit) eternis cōs
secrabit encomijs: me dudū aliquid edere cogi
tantē impulit summa tua erga omnes bene
uolentia & amor, ut audacter qualecunque
meæ in te obseruantia testimonium darem.
Illud autem erit opus hoc duodecim Relectio
num, uiri nūquam satis dignè laudati, Fran
cisci de Victoria: quod si eo animo suscipis ac
tueris,

tueris, quo authorem ipsum, quandiu hoc cō-
muni respirandi beneficio usus est, à te dilectū
atque amatum scio: iam nihil est, quòd male-
uolorum hominum calumnias reformidem.

Allatrent usque licet, & dente canino
mordeant laudis alienæ fures: nam dum lae-
bores nostros tibi gratos esse sentiam, illis es-
se ingratos, hoc sciant mihi gratissimum.
Quantam uerò operam dederim, ut totum o-
pus tersum ac planè purum in lucem eru-
erem, ijs licebit aestimare, qui ipsum au-
thorem aliquando dicentem audiuerunt: &
ijs, qui paulò accuratius hanc editionem con-
siderarint, atq; cum priuatis scriptis contule-
rint. Adiecimus præterea, ut & nihil orna-
menti desiderari posset, & lectorem labo-
re non mediocri subleuaremus, Relectionum
singularum ἀνακεφαλαιώσις quandam, addi-
tionēsque, locorum sacræ scripturæ indi-
ces. Denique nihil à me prætermisum est,
in quo doctissimi uiri memoria & laudi non
studiosissimè consuluerim. Suscipe igitur
(Præsul amplissime) has industriæ nostræ pri-

*mioias, tuoque patrocínio & clientela foue,
ut cætera eiusdem authoris opera in quartũ
Sententiarum, atque alios Diui Thomæ li-
bros, ex hoc uno periculum faciãt, ac prope-
diem in lucem alacrius prodeant. Dominus*

*Iesus Christus R. D. U. sem-
per sua manu protegat. Sal-
mantica, Calendis*

Septembris.

1556.

IACOBVS BOYERIVS

LECTORI S.



COGITANTI mihi (candide lector)
quod meritò cō queritur Tragicus ille So-
phocles, ὅς ἐστιν ἐστὶν, τῶν ἡρώων ἀνδρῶν,
nullisq; rebus hominum memoriam im-
mortalitati firmitus commendari, quàm li-
terarum monumētis: maiori profectò laude digni semper
uisi sunt duo illa philosophiæ lumina, Plato & Xenophō,
quoddiligentissimè præclare dicta factaq; Socratis poste-
ritati tradiderint, quàm ipse, qui primum ea dixerit, aut
fecerit. Illorum enim opera factum est, ut grauißimi au-
thoris memoria (donec aliqua bonarum literarum exta-
bunt uestigia) apud omnes sit celebris & perpetua, qui
fortè magna ex parte ne uixisse quidem cognoscèretur.
Quam ego operam si religiosissimo uiro Francisco de Vi-
ctoria præstarem, me rem haud mediocri laude dignam,
& sacre Theologiæ studiosis maximè utilem facturum
putaui. Is enim uir fuit tanta eruditione, tanta religione,
tanta deniq; ingenij dexteritate in tractandis sacris elo-
quijs, ut non solum Socratem illum umbratilis tantum ac
fucatæ philosophiæ authorem longè superauerit: uerum
etiam sinceræ ueritatis antistitè nullum sibi reliquerit se-
cundum. Ille autem cùm nihil aut perpauca typis tradide-
rit, uidebam tanti uiri laudem & gloriam sensim (ut sit
cæteris mortalium rebus) ex hominum memoria labi, ac
studiosos tãtæ doctrinæ fructibus priuari. Nihil ergo prius
habui, quàm eius opera è tenebris eruere, quæq; aliquan-
do in scholis dictasset, tanquàm ille Xenophon in unum
colligere, ac doctorum uirorum summa diligentia ab omni
iniuria uindicare. Opus uerò longe maius expectatione

prodiſt. Duodecim enim Repetitiones ſummo labore, & rei familiaris non mediocri diſpendio corraſimus: eas in duos Tomos diuiſimus, præclaroq; ordine coniunximus. Quas ſi à te, candide leſtor, probari ſenſero, mihi abunde cumulatèque ſatiſfactum putabo.

IN AVTHOREM IACOBI BOFFAEI
EPIGRAMMA.

Cùm noua ſcriptorum moles naſcatur in annos:
Morte tamen Domini ſcripta ſepulta iacent.
At tua, quæ toties uoluſti tradere morti,
Morte patris uiuunt pignora clara magis.

EIVSDEM AD LIBRVM.

I liber in lucem tineis blattisq; ſepultus:
Iam ter quinque annos delituiſſe ſat eſt.
Iam pœnas patri nimium, nimiumq; dediſti:
Zoilus haud, qui te mordeat, ullus erit.
Si tamen offendas, duro qui te ore ſalutent,
Dicito, Si pietas non mouet ulla mei,
Parcite cui blattæ, cui ignis, cui fata parentis:
Nunquid erunt uobis pectora dura magis?

REVERENDI

PATRIS FRATRIS FRANCISCI à Victoria, ordinis Prædicatorum, sacre Theologiæ in Salmanticensi Academia quondā professoris primarij Relectio prior.

DE POTESTATE ECCLE

sia, super illum locum Matthæi decimo sexto, Tibi dabo claves Regni calorum.

S V M M A.

- 1 Ecclesia, dictio Græca, quid significet, & de eius uaria interpretatione.
- 2 Ecclesia, & Synagoga, an sint idē, & in quo differāt.
- 3 Synagoga quid & unde deducatur.
- 4 Ecclesiam nostram quare Apostoli nūquam dixerint Synagogam, sed semper Ecclesiam.
- 5 Ecclesiæ quod sint plures præter fidelium ecclesias.
- 6 Hæretici an sint membra ecclesiæ, & sic de ecclesia.
- 7 Hæresis, quid signet. Et unde Hæretici dicantur.



DE POTESTATE Ecclesiæ impræsentiarum disputaturus, de ipso Ecclesiæ nomine, ut pauca prius præmittam, necesse est, ut intelligatur quid sit id, de cuius

potestate differere constituimus. Ergo Ecclesia*, uocabulum Græcum & nomen est,

ἐκκλησία, *as*, conciliū, concio, cōgregatio, & locus ipse, quo conuenitur, vt etiam capit Lucianus in Dialogo Mercurij, & Maia. Vnde ἐκκλησία, *as*, concionor, & ἐκκλησία, *sis*, cōcionator. Verbū est ante salutē orbis, id est, ante Christi anitatem nondum Latinitate donatum, sicut pleraque alia Græca fuerūt, nec (quod sciam) per ea tempora ab aliquo Latinorum vsurpatum. Sed tamen apud Christianæ eloquentiæ & religionis patres & principes frequentissimum, vt videre est apud Tertullianum, Cyprianum, Lactantium, Hieronymum, aliōsque item clarissimos authores. Vbi verò sacræ literæ Græcæ habent Ecclesiam, interpretes plurimū idem verbum reliquerunt, sed nonnunquam etiā pro Ecclesia, aut congregationem, aut concionem verterunt: vt Deut. 18. vbi nos ita legimus, Prophetam de gente tua, & de fratribus tuis sicut me, suscitabit tibi Dominus Deus tuus: ipsum audies, vt petisti à Domino Deo tuo in Horeb, quādo concio congregata est. Septuaginta habēt, In die ecclesię, ἐκκλησίας. Et * est idem vocabulū sicut synagoga: signat enim συναγωγή congregationem, contractiōnem. Vnde Genesis 1. congregationes aquarum vocauit maria. Septuaginta translulerunt συναγωγάς, synagogas. Inter quæ tamen duo nomina nonnihil interesse videtur. Vnde Hieronymus, exponens illud Prouerb. 5. Penē fui in omni

Hierony.

in omni malo in medio ecclesiæ & synagogæ:
 dicit, Ecclesia, & synagoga Græca nomina
 sunt, & vnam & eandem rem significant, Lati
 nè conuentum, scilicet plurimorum adinui
 cem. Si autem accuratiùs distinguamus, eccle
 sia conuocatio, synagoga * congregatio dici
 tur. Vnde συναγω, congreco, non conuoco. vi
 detur enim dictum ἀπὸ τοῦ συν ἃγω, duco, traho.
 Et Augustinus Psalmo 81. super illud, Deus *August.*
 stetit in synagoga Deorum. id est, populorum
 Israël. Ipsorum propriè, inquit, synagoga dici
 solet, quamuis & ecclesia dictum sit: sed * no
 stram Apostoli synagogā nunquam dixerunt,
 sed semper ecclesiam, siue discernendi causa, si
 ue quòd inter cōgregationem, aut synagogā,
 & conuocationem (vnde ecclesia nomen acce
 pit) aliquid distet, quòd scilicet congregari &
 pecora solent, ac ipsa propriè, quorum & gre
 ges propriè dicimus. Cōuocari est magis vten
 tium ratione, vt sunt homines. Idem Isidorus
 lib. 8. Etymolo. c. 8. vt notetur scilicet irratio
 nalitas Iudæorum. Quamuis autem ecclesia, si
 rationem nominis aspicias, pro quacunq; ho
 minum congregatione accipi possit: tamen in
 sacris literis siue nouum, siue vetus testamen
 tum reuoluatur, non inuenies (quātum puto)
 nisi pro concione, aut cōgregatione fidelium, id
 est, vnius religiōis aliquo modo, siue bonorū,
 siue malorum. quamuis * in illis ipsis locis sa
 tis

tis appareat esse alias ecclesias præter fidelium ecclesias. Dicitur enim ecclesia sanctorum, & ecclesia Dei, & ecclesia Israël, &, Odiui ecclesiam malignantium. Sed hoc etiam modo loquendo de ecclesia dubitari potest, an * heretici sint de ecclesia. Et quidem eos esse de ecclesia videtur, quia ecclesia iudicat de illis, ut patet cum excommunicet, & ad iudicium pertrahat, & tamen nihil ad ecclesiam de ijs, qui foris sunt. 1. Corint. 5. Quid enim mihi de ijs qui foris sunt iudicare? Item tenentur præceptis ecclesiae. Item baptismus est sacramentum ecclesiae, & heretici sunt verè baptizati. Item, ut postea disputabitur, hereticus potest esse non solum presbyter, sed Pontifex etiam summus. ergo caput ecclesiae, & per consequens membrum ecclesiae. Certè licet disputatio non videatur ad rem multum attinere, sed potius ad nomen ipsum: sed videtur & in sacris literis etiam apud vetustiores patrum non accipi ecclesiam, nisi pro congregatione fidelium, atque adeo hereticos non censeri intra ecclesiam. Hæresis * sanè electionem, aut sectam, vel diuisionem signare videtur, ut Isidorus dicit lib. Etym. ergo heretici ideo videntur dicti, quod ab ecclesia diuisi, & secti sunt. Item Matth. 18. dictum est Petro, quod qui ecclesiam non audierit, sit quasi ethnicus, & publicanus. ergo non plus heretici annumerari in ecclesia debent, quam ethnici, & publicani.

Item

An heretici
sint mem-
bra ecclesiae.

Matth. 18.

Item ad Eph. 4. Apostolus, Vnus Deus, vna si *Eph. 4.*
des, vnum baptisma. Videtur quòd hæc tria cõ
tineant vnitatẽ ecclesiæ. Item de summa trini-
tate & fide catholica, Vna est fidelis ecclesia,
extra quã nullus omnino saluatur. Ergo infi-
deles nõ sunt de ista ecclesia. Cyprianus ad Ro *Cypria.*
gatianum, Hæc sunt initia hæreticorum, & or-
tus, atque conatus schismaticorum, si de eccle-
sia egreditur, si altare profanum foris colloca-
tur. August. super Ioã. Propter hanc fidei com *August.*
munitatem omnes vnum sumus, iuxta illud,
Omnes vnũ, vos estis in Christo Iesu. Glo. id
est, in fide Iesu Christi. Et demum Ecclesia ni-
hil aliud videtur significare, quàm Christianã
republicam, seu communitatem, & religio-
nem. Parum autem refert, an hæretici aliquo
iure aut ratione spectent ad ecclesiam: certe re
& operibus in ecclesia non continentur: sicut
transfugæ non pertinent ad exercitum, à quo
transfugerunt. Nos itaque in hac Relectione
de Ecclesia, hoc nomine solum vtimur aclo-
quimur, vt idem sit, quod fidelium commu-
nitas, siue respublica.

QVÆSTIO PRIMA.

*An in Ecclesia sit aliqua dignitas, uel autho-
ritas ecclesiastica, præter potestatem ciuile.*

S V M M A.

x Potentiæ quæ dicantur. Et quòd non sit idem Pote-
stas, & Potentia.

Potestates

- 1 Potestates qui potius appellentur, ab authore recensentur.
- 2 Ecclesia utrum præter civilem, & laicam potestatem necessario habeat etiam aliam spiritualem.
- 3 Potestas ad quid constituatur in republica.
- 4 Vitæ quòd sint duæ, una terrena, altera spiritualis. Et quomodo humana societas nõ possit sine utraque manere.
- 5 Claves regni cælorum, potestas remittendi peccata, & excommunicandi, consecrandi &c. quòd sint in ecclesia.
- 6 Apostoli domini quam potestatem, & auctoritatem habuerint in ecclesia.
- 7 Potestas temporalis, & civilis, quòd sit integra apud paganos.
- 8 Potestas gubernandi quòd scientiam exigat.
- 9 Potestas regia quamuis cõtineat omnem potestatem civilem, quòd tamen non habeat auctoritatem ad cultum diuinum, & ad actiones spirituales, ostenditur.
- 10 Deus quomodo uniuersalis ecclesiæ duas instituerit dignitates.
- 11 Potestatis spiritualis testimonia ex scripturis recensentur.
- 12 Deus quòd ea sapientia, qua constituit in naturalibus, ut inferiora regerentur à superioribus, eadem etiã prouidit, ut in ecclesia sua ordo rerum esset circa dignitates, & officia.

P R I M V M oportet, sicut de nomine Ecclesiæ fecimus, ita quid per nomen Potestatis intelligatur, declarare. Neq; enim omnino idem videtur esse potestas, quod potètia.

Nec

Nec materiam siquidem, neq; sensus, imò nec intellectum, aut volùtatem potestates, sed potentias vocamus. Còtrà * autem magistratus, sacerdotia, & omnino imperia potestates potius, quàm potentias appellât. Ergo vt S. Tho. *S. Thom.* 4. dist. xxiiij. q. j. j. q. ij. ad 3. exponit, videtur potestas præter potetiã ad actionem dicere præminentiam quandam, & auctoritatem. Atq; adeò quærere, an in ecclesia sit aliqua potestas spiritualis: perinde est ac quærere, an in ecclesia sit aliqua vis, aut auctoritas ad aliqd spirituale; & hæc, an sit alia à civili potestate. Ita vocat Paul. ad Roma. 13. Omnis anima potestati- *Rom. 13.* bus sublimioribus subdita sit.

¶ Ad hanc quæstionem, quoniam permultæ, & quidem graues, nobis disputandæ sunt, breuiter respondeo per vnicã conclusionem. Necessè * est in ecclesia præter ciuilem & laicam potestatem esse aliam spiritualem. Hæc conclusio probatur. In ecclesia sunt plures actiones, & variæ non spectantes ad vnã potestatem: & aliquæ spectant ad potestatem ciuilem, aliæ non ad illam, sed ad aliam potestatem, scilicet spiritualem. Vnde de ecclesia dicitur, quòd astitit à dextris Dei in vestitu deaurato, circumdata varietate, Psalmo. 44. Sed potestates distinguuntur ex fine, sicut potentia per obiecta. Ergo præter potestatem ciuilem oportet ponere aliam spiritualem.

b ¶ Secun

¶ Secundò probat Durand. in tracta. de origi-
 4 ne iuris, Potestas * cōstituitur in republica, vt
 homines prouocentur ad bonum, & arceātur

1. Pet. 2. à malis, iuxta illud 1. Petri 2. quòd potestas est

ad vindictam malorum, laudem verò bono-

rum. & Rom. 12. Vis non timere potestatem?

bonum fac, & habebis laudem. Quòd si bona

quidem ad quæ homines promoueri deberēt,

& mala, à quibus deterreri oportet, spectarent

solùm ad vitam politicam præsentem, suffice-

ret certè temporalis, & laica potestas. Et cùm

vita fideiū non solùm tendat in finem, & sta-

tum ciuilem, imò multo impensius & princi-

palius in bona perpetua, quærendo primum,

iuxta Domini consiliū, Primum quærite re-

Matth. 7. gnum Dei. Matth. 7. & eam felicitatem, quam
 oculus non vidit, nec auris audiuit: timeat
 præterea mala, & pœnas potius alterius vitæ,

quàm præsentis, nec tam eos, qui occidūt cor-

pus, quàm eum, qui postquam occiderit, ha-

bet potestatem & corp⁹, & animam perdere,

Matth. 10. & mittere in gehennā ignis; Matth. 10. & Luc.

Luc. 12. 12. ideo vt homines dirigantur & prouehātur
 in finem illum supernaturalem, & si fortè ab-

errauerint, reuocentur in rectam viam, vel lau-

de, vel præmio, vel timore, vel pœna: necessa-

rium fuit, vt esset aliqua potestas præter ciui-

Hugo. lem. Hanc rationem eleganter ponit Hugo de
 3 sacra. Pet. 2. Duæ*, inquit, sunt vitæ: vna terre-

na, alia

na, alia spiritalis. Vt autem vtraque in iustitia seruetur, & vtilitas proueniat: primum utique distributi sunt, qui vtriusq; bona secundum necessitatem acquirant: deinde alij, qui eam secundum æquitatem dispensent. Si ergo non potest humana societas sine vtraque vita manere, necessaria est duplex potestas ad cōseruationem iustitiæ: vna quæ præsit terrenis, ad ordinandum vitam terrenam: alia, quæ præsit spiritualibus ad componendam vitam spiritua-

¶ Tertiò probatur. In *ecclesia sunt clauēs regni cælorum. *Matth. 16. & 18.* Sed hæc potestas *Matth. 16.* est alia à potestate ciuili, quæ certè non habet *18.* huiusmodi clauēs. ergo, &c. Cōfirmat. In ecclesia est potestas remittendi peccata. *Iohā. 20.* ea *Iohā. 20.* non est in Rege, nec in alio magistratu ciuili. ergo, &c. Item in ecclesia est potestas excommunicandi. *Matth. 18. & 1. ad Corinth. 5.* Item est *Matth. 18.* potestas consecrandi verum corpus Christi. *1. Corint. 5.* *Luc. 22. & 1. Corinth. 11.* *Luc. 22.*

¶ Quartò principaliter, Apostoli *Domini habuerunt potestatem, & authoritatē in ecclesia, vt ex locis iam inductis, & ex alijs multis constat: ea autem non fuit ciuilis, cum regnū eorū nec potestas fuerit de hoc mundo. ergo, &c.

¶ Quintò, Apud *paganos est integra potestas temporalis & ciuilis, vt aliàs à me probatum est, & satis constat ex Paulo, *Rom. 13.* vbi *Rom. 13.* iubet esse subiectos principibus etiā paganis,
b 2 & apud

& apud eos non est potestas ecclesiastica: ergo hæc potestas distincta est ab illa. Vltimò, Quia
 9 * potestas gubernandi exigit sciētiam, iuxta il-
 Grego. lud Grego. Ars artiū, regimen animarum. Sed
 principes temporales non habent iure legem
 diuinam, quam oportet esse regulam potesta-
 tis ecclesiasticæ. Ergo oportet esse alios Pōti-
 fices, & præsides sacrorum, quàm principes se-
 culares. Item confirmatur, Quia nō sufficeret
 vnus & idem homo vtrūque munus implere,
 neq; vtranque disciplinā percipere, scilicet ad-
 ministrandi secularē & ecclesiasticā rem publi-
 cā: nec si maximè vtrūq; calleret, posset vtriq;
 administrationi commodè intendere, & uaca-
 10 re. Confirmatur apertè, Nam * regia potestas
 continet omnem potestatem ciuilem: hoc enim
 importat Rex, vt sit vnus supra omnes in repu-
 blica: sed Rex non habet authoritatē ad cultū
 diuinū, & ad actiones spirituales. Ergo est al-
 lia potestas distincta à potestate ciuili. Antecē-
 dens patet: quia ad mandatū Domini fuit Saul
 1. Reg. 10. institutus in Regem. 1. Reg. 10. Samuel scripsit
 legem regni, & scripsit in libro, & reposuit co-
 ram Domino, & tamen non est data ei pote-
 stas sacerdotalis: imò cū postea Saul in Gal-
 gala obtulisset holocaustum propter absentiam
 Samuelis, vindicata est seuerissimè præsum-
 ptio: & dictū est ei, Stultè egisti, nec custodisti
 mandatū Domini, qđ præcepit tibi: qđ si nō fe-
 cisses,

ciffes, iam nūc præparasset Dominus regnum
 tuū super Israël in sempiternū. *1. Reg. 13. De v. 1. Reg. 13.*
 traq; potestate Pelagius Papa: & habet 96. dis.
 c. duo sunt. Duo sunt (inquit) Imperator Au-
 guste, quibus principaliter hic regitur mūdus,
 authoritas sacra Pontificū, & regalis potestas.
 Et cōfirmatur: quia etiā apud Gentiles erant
 Pontifices, & Sacerdotes, ad quos spectabat
 administratio sacrorum, & non ad Consules,
 aut alios magistratus ciuiles. Et in c. si Impe-
 rator. eadē distinctione. Si Imperator catholi-
 cus est, filius est, non præsul ecclesiæ, quod ad
 religionem competit, (discere enim cōuenit,
 non docere) habet priuilegia potestatis suæ,
 quæ administrādis legibus publicis diuinitus
 consequutus est. Et in c. solitæ. de maiorita. &
 obedien. Fecit Deus * duo luminaria magna
 in firmamento cæli, hoc est, vniuersalis eccle-
 siæ duas instituit dignitates. De vtraque in ve-
 teri testamēto aperta habemus exempla: & de
 seculari quidem Exod. 17. quod Moyſes ex ele-
 ctis viris strenuis de cunctis Israël constituit
 eos principes populi tribunos, & cēturiones,
 & quinquagenarios, & decanos, qui iudicarēt
 populum Dei omni tempore. Numeri autem
 3. ponuntur gradus summi Sacerdotis Aaron,
 & minorum Sacerdotum subministrantium.
 Sumpti, inquit, sunt sacerdotes Eleazar, &
 Ithamar coram Aaron. & infra, Dabis Leuitas
 b 3 Aaron

Exod. 17.

Num. 3.

- Aarō & filijs eius, quibus traditi sunt ad Israël
Rom. 12. in ministeriū. In nouo autē testamento, *Rom.*
13. 12. & 13. Paul. Omnis anima potestatibus sub-
 limioribus subdita sit. Quod de qua potestate
 intelligendum sit, ipse Paul⁹ illic satis ostēdit.
1. Pet. 2. & Petrus 1. sua Epistola, cap. 2. Subiecti estote
 omni humanæ creaturæ propter Deum, siue
 Regi quasi præcellenti, siue Ducibus tanquā à
 Deo missis ad vindictā malorum, laudem ve-
 rō bonorum. Quamquam Lyranus de vtraq;
 potestate, Pauli locum intelligendum censet.
12 Sed * de spiritali potestate plura testimonia
 sunt, quā vel opus sit, vel vacet in præsentia
Iohā. ultim. recēdere. Iohānis vltimo, Pasce oues meas. &
Iohānis 20. Quorum remiseritis peccata, &c. Iohā. 20. Et
 tibi dabo claues regni cælorū. & Et quodcūq;
Matth. 18. solueritis, &c. *Matt. 16.* & 18. & de presbytero
18. rum potestate *Luc. 22.* Hoc facite in meam cō-
Luc. 22. memorationem. Et iterum de ratione consti-
 tuēdi Episcopos, presbyteros, diaconos, 1. ad
1. Timoth. 3. Timot. 3. item ad Tit. 1. Actuum 14. & 20. Sed
Tit. 1. ad maiorem declarationem huius cōclusionis
Act. 14. arguitur paucis argumētis contra illā. Primò,
20. Multitudo principatuum mala, ex Aristot. 12.
 Metaphy. & in libro Politico. ergo non expe-
 dit in ecclesia esse varias & distinctas potesta-
 tes, maximè cū ecclesia sit nō solūm vna res-
 publica, sed vnū corpus. *Ro. 12.* Multi unū cor-
Rom. 12. pus sum⁹ in Christo. & *1. Cor. 12.* Et sic habere
1. Corint. 12. multos

multos principes, aut prælatos, videt quasi habere multa capita vnius corporis: quod monstruosum est, ergo potius cōuenire videret, vt vnus atq; idē res seculares & ecclesiasticas administraret. Secūdo, Ciuilis potestatis finis est reddere, aut cōstituere homines bonos, & edere studiosos, id est virtutib' præditos. 2. Ethico. Sed hoc satis est ad consequutionē felicitatis, non solum humanæ & temporalis, sed etiā immortalis, & supernaturalis. ergo frustra cōminiscimur aliam potestatē. Tertiò, *Matth. 17.* Dominus dixit, Ergo liberi sunt filij. vbi glo. In quolibet regno filij regis liberi sunt. Christiani autem sunt filij Dei. Dedit eis potestatē filios Dei fieri. *Iohā. 1.* ergo liberi. & *Iohā. 3.* Si *Iohā. 1. & 3.* ergo filius vos liberauerit, veri liberi eritis. & *1. Corin. 7.* Pretio empti estis, nolite fieri serui hominum. Ex quibus locis videtur Christianos exemptos esse & liberos ab omni potestate, & subiectione, sed omnes esse æquales, nec alteros dominari, alteros seruire: & sic nulla erit authoritas, vel potestas, saltem iurisdictionis. Quartò arguitur, In statu innocentie non fuisset aliqua potestas. ergo nec nunc debet esse. nam Christus redemit nos. Item sunt argumenta hæreticorum, ac schismaticorum, quibus simplicium hominum corda à debita obedientia vel principum, vel sacerdotum dehortantur & reuocant, resistentes Dei ordinationi

ad suam ipsoꝝ damnationem, & perditioneꝝ,
 vt Paul. ait: nec opus erat alijs responsis post
 tam aperta testimonia scripturarum, quibus il
 lorum uesania aperte retúditur: sed quia sapiē
 tibus, & insipientibus debitores sumus, ad so
 Sap. 7. lutionem istorum est attendédum, quod Sap.
 7. dicitur, quòd sapientia attingit à fine vsque
 ad finem fortiter, & disponit omnia suauiter.
 Hoc est enim propriũ sapientiæ, vt etiã Arist.
 tradit i. Metaphy. ordinate omnia disponere.
 Potuit ergo Deus sicut summè sapiēs, ita sum
 mè potens, sine ullo ordine principũ & subie
 ctóꝝ prælatorũ & inferiorũ omnia quidẽ gu
 bernare, administrare & sine ulla etiã, si ita uo
 luisset, iactura rerũ creatarũ. Sed pfectò hoc
 non erat consentaneum tantæ sapientiæ, & in
 finitæ prouidetiæ: sed potius ita componere,
 ut orbis non rerum cumulus fortè iacentium
 deforme spectaculũ redderetur, sed ut corpus
 potius quoddã unum, aut ædificium suis parti
 bus, & ut uelut membris constaret, seruaretq;
 23. decorem dignum suo authore. Eadem * ergo
 sapientia, qua constituit in naturalibus, ut in
 feriora regerentur à superioribus, ut i. Meta
 phy. dicitur, & Diony. 4. c. de diuinis nomi. no
 minatim de sole dicit: & qua etiã in cælis uo
 luit, ut inferiores angeli à superioribus illumi
 narentur: eadẽ inquã puidit, ut in ecclesia sua
 ordo rerũ esset, & ut distributa officia, ut alij
 oculi

oculi essent, alij manus, alij etiam pedes, & reliqua, in hanc ratione cōposita. Vt etiam Apostolus dicit eleganter 1. Corint. 12. Sicut enim corpus unum est, & membra habet multa, omnia autē membra corporis cū sint multa, unum autem corpus sunt: sic & Christus, &c. In hanc sententiam disertissimè. Nam & ipse Aristote. primo Politico. expedire ait in omni multitudine rectè cōposita, ut aliquis principetur, cæteri pareant, in quo consistit ratio potestatis. Ad primum igitur argumentum respōdeo, quòd esset quidem incoueniens, si essent plures principatus, aut magistratus, ad eūdem finem, & ex æquo: quod in proposito nō contingit. nec enim ad eundem finem contendit potestas civilis & ecclesiastica, ut suprà satis explicatum est. Præterea nec ex æquo se habent, sed certo modo una potestas ad aliam ordinatur, ut infrà disputabitur. Ad secundum etiam aperta est solutio ex superioribus. Nec enim tota administratio civilis satis est ad constituendum hominem in statu salutis æternæ, nec sufficit moralis aut civilis uirtus, & bonitas ad uitam æternam, cū, ut reliqua omittamus, necessaria sit fides. Mar. 16. Qui uerò nō crediderit, &c. sacramēta etiā semp fuerint aliqua, Nisi enim renat⁹ fuerit ex aqua, &c. Iohā. 3. Et nisi manducaueritis carnem filij hominis, non intrabitis in regnū cælorum. Collatio autem

b s sacra

sacramentorum non spectat ad potestatem ciuilem, sed spiritualem, & ecclesiasticam. Itaque sicut oportet iustitiam nostram abundare supra iustitiam Scribarum & Phariseorū, *Matth. 5.* ita oportet abundare supra iustitiam, non solum paganorum & hæreticorum, sed etiam bonorum philosophorū: & sic habere aliquos actus ordinatos in supernaturalia.

¶ De tertio argumento disputabo latius inferius, cum agemus de libertate Ecclesiasticorū. Sed pro solutione in præsentia dico, cum scilicet Thom. & Bonauēt. in fine 2. Senten. quod *Thom. & Bonauen.* Christus illic loquutus est de se & discipulis suis, qui omnino erant liberi, uel ratione officij, quod exercebant etiam ex autoritate, scilicet spiritualis potestatis, ratione cuius etiam stipendia illis debebantur: iuxta illud, Si spiritualia uobis seminamus, multum est ut carnalia uestra metamus. *1. Corint. 9.* Vel, quia nihil habentes, hac ratione se liberos reddiderāt ab omni exactione: nec enim tributum debetur ratione personæ, sed bonorum, nec per subiectionem ad potestatem spiritualem aliquid deperit de libertate, cum ea tota sit non ad utilitatem potestatis, uel præsidētis, sed subditorū.

¶ Ad quartum respondeo, negando assumptum. quamuis enim nō fuissent magistratus, nec principes ad cogendum homines timore poenarum, fuisset tamen potestas directiua, & gubernatiua,

gubernatiua, ut potestas paterna, cui tenerentur filij parere. Imò multiplicato humano genere, uero similis est, futuros aliquos, q̄ præessent sacris: & sic fuisset aliqua ratio etiam potestatis spiritualis. Sed de hoc etiam statim latius, & S. Thom. i. part. q. xcvi. arti. 4.

QVAESTIO SECVNDA.

Utrum potestatis ecclesiastica sit aliquis effectus propriè & uerè spiritualis.

S V M M A.

- 1 Potestas ecclesiastica, quòd sit uerè & simpliciter causa alicuius effectus spiritualis.
- 2 Potestas ecclesiastica, quòd sit duplex. Et de earum effectibus. Et quomodo nonnulli hereticorum ab utraq; clauē tollunt omnem effectum merè spiritualem.
- 3 Potestas utraq; ordinis scilicet, & iurisdictionis, quòd habeat uerum effectum spiritualem, probatur.
- 4 Christus inquātum homo, quòd habuerit potestatem remittēdi peccata, & quomodo sepe usus fuerit ea, imò & eam tradiderit Apostolis. Et de remissione peccatorum per clauē Ecclesiæ traditas.
- 5 Error duplex eorum, qui dicunt uirtute clauium non uerè remitti peccata, sed solum ostendi remissa.
- 6 Remedia duo efficacia ad remissionem peccatorum à Deo in ecclesia relicta.
- 7 Clauē ecclesiæ, quòd sola sufficiant ad salutem, & ad aperiendum regnum celorum, ubi nulla alia uia esset apertum.
- 8 Contritio quid importet.
- 9 Dolor, quando non dicatur contritio.

Dolor

10 *Dolor qualis sufficiat ad remissionem peccatorum cum clauibus.*

SED QVIA distinximus potestatem ecclesiasticam à civili ex fine (quæ scilicet altera in finem temporalem ordinata est, alia in spirituale) sequitur secunda quæstio, An sit aliquis effectus pure & simpliciter spiritualis. Ad hanc quæstionem respondeo primò, dato quòd potestas ecclesiastica nullum haberet huiusmodi effectum spiritualem, nihilominus differret à potestate civili, & diceretur potestas spiritualis. Probat hoc, & ostenditur: nam adhuc haberet finem distinctum à fine potestatis secularis, puta beatitudinem supernaturalem, & cultum diuinum, & bonum spiritus, id est, animæ: quæ omnia non spectant ad potestatem civilem, sed ecclesiasticam, & inter spiritualia annumerantur. Secundò pono conclusionem, quòd * potestas ecclesiastica uerè & simpliciter est causa alicuius effectus spiritualis. Pro casus declaratione est reuocanda in præsentia illa distinctio Theologorum, de duplici potestate, ordinis scilicet, & iurisdictionis. Duplex igitur potestas est ecclesiastica, potestas ordinis, & iurisdictionis. Potestas ordinis est in ordine ad corpus Christi uerum, scilicet eucharistiam: iurisdictionis in ordine ad corpus Christi mysticum, id est ad gubernandum populum Christianum in ordine ad beatitudinem supernaturalem. Sed
in pote

in potestate ordinis nō solū intelligitur potestas consecrandi eucharistiam, sed disponendi, & idoneos reddendi homines ad eucharistiam, imō omnia gerendi, quæ ordinantur aliquo modo ad eucharistiam, ut est cōsecrandi presbyteros, & alios ordines cōferendi, & uniuersim omnia sacramenta administrandi, remittendi quoque peccata, & tandem omnia faciendi, quæ alicui ratione alicuius consecrationis conueniunt: unde etiam potestas ordinis, potestas consecrationis plerunque uocatur. Ad potestatem autem iurisdictionis spectat gubernatio populi Christiani extra Sacramentum, uel cōsecrationem, uel administrationem: ut est leges ferre, & tollere, excommunicare, dicere ius extra forum pœnitentiæ, & id genus alia facere. His præmissis est aduertendum, quod nonnulli hæreticorum ab utraque claue tollunt omnem effectum purè spiritualem. Qui enim negant in eucharistia contineri uerum corpus Christi, negant aliquid spirituale confici à sacerdote cōsecrante eucharistiam. Eucharistia enim apud eos nec est, nec continet aliquid spirituale, sed symbolū solū est, & signum uel corporis Christi, uel gratiæ, idē etiā negāt sacerdotem euāgelicum uerè remittere peccata, inde etiam à potestate iurisdictionis effectum aliquem spiritualement prorsus tollunt, negantes excommunicationem aliquid spirituale

spirituale auferre ab excoīcato, sed solū cōmu-
 nicationē exteriorē fīdeliū, q̄ spiritualis nō est.
 Sed omīssa prima uesania h̄reticorū circa eu-
 charistiā, de qua nunc nihil constitui tractare:
 de remissione peccatorum, & effectu excom-
 municationis dicendum aliquid est: nec mul-
 tis tamen, eò quòd in ordinarijs lectionibus
 locum illum aliquāto accuratiū tractauerim.
 Sed quia etiam inter catholicos authores sunt,
 qui potestati ordinis non simpliciter tribuant
 remissionem peccatorū, uel collationem gra-
 tiæ, uel omnino aliquem effectum uerē spiri-
 tualem: atque alij etiam, qui per excommuni-
 cationem non concedāt tolli aliquid spiritua-
 le: ideo repetendo conclusionem, dico, quòd
 3. utraque potestas, scilicet ordinis, & iurisdi-
 ctionis habet uerum effectum spirituale. Et
 primò dico, quòd clauēs ecclesiæ, siue autori-
 tas ecclesiastica est ea propriè remissionis pec-
 catorum, & gratiæ. Est autem disputatio eadē
 cum illa, an per sacramentum p̄nitentiæ con-
 cedatur aliquando prima gratia. De qua qua-
 stione licet inter antiquos, & grauiores autho-
 res non uideatur magnopere dubitatum, apud
 quos in confesso fuit, uirtute clauium nōnun-
 quam peccata ita remitti, ut sine illis non re-
 mitterentur: tamen inter recentiores scripto-
 res non est aut parua, aut parum acris conten-
 tio, & dimicatio. dicunt enim ex illis quidam,
 acutiores

acutiores quidem, & ingeniosiores, quàm par
 esset in theologica philosophia, quòd pecca-
 ta mortalia remitti nunquam possunt, nisi per
 contritionem, atque adeò nec uirtute clauu-
 unquam peccata remittuntur, aut confertur
 prima gratia: non remittuntur inquam in fo-
 ro Dei, & ut remitti propriè dicat tolli pecca-
 ta. Cum quibus aliàs maiori studio & conatu
 confliximus. Nunc summa sequens fastigia re-
 rum, paucis argumentis arguo pro conclusio-
 ne nostra, & contra illorum sententiam. Et
 primo adduco uerba Domini, Iohā. 20. Quo- *Iohan. 20.*
 rum remisistis peccata, remittuntur eis. Et
 quodcūque solueritis super terram, &c. *Matth. 13.*
 13. Et tibi dabo clauēs regni cælorū, *Matth. 16.*
 16. ¶ Ex quibus arguitur sic, Illa uerba sunt eadē,
 quæ ponuntur in nostrā conclusionē. Ergo si
 illa uera sunt, cōclusio nostra uera est. Et con-
 firmatur, Remitti peccata, ppriè hoc sonat, tol-
 li scilicet peccata, quibus aliquis prius teneba-
 tur: nec certè significat ostendi, aut declarari
 prius remissā, sicut remittere debitum. Cōfir-
 matur secundo, Christus habuit potestatem
 remittendi propriè peccata ad sensum conclu-
 sionis, & potuit eam dimittere Apostolis: sed
 non alijs uerbis apertioribus potuit declarare
 donationem, aut commissionem illius pote-
 statis, quàm illis, quib⁹ dedit clauēs. ergo, &c.
 Quòd* autem Christus habuerit huiusmodi
 pote-

*Mar. 2.**Matth. 9.**Luc. 15.**Matth. 18.*

potestatem etiam in quârum homo, certè non est dubitandum. Ipse enim dixit Marci 2. & Matth. 9. & Luc. 15. Vt autem sciatis quòd filius hominis in terra habet potestatem dimittendi peccata, ait paralytico, &c. & Matth. 18. Data est mihi omnis potestas in cælo & in terra. Et certè non solum habuit potestatem declarandi remissionem peccatorum, nec dubito quin usus fuerit illa potestate, cum dixit paralytico, Fili dimittuntur tibi peccata tua: & cum dixit Luc. 7. Remittunt ei peccata multa, quoniam dilexit multum. nec Christus uoluit ostendere, ac disputare, aut defendere se habere potestatem declarandi peccata esse dimissa. Eisdem autem uerbis, quibus dixit, Remittuntur tibi peccata, dixit, Quorum remisistis peccata. eadem enim uis uerbi est remittendi, & dimittendi, nisi quòd Latinius fortassis est remittere, quàm dimittere: sed Græcè idè utrobique uerbum est. Facit quod eodem loco Dominus promisit, Sicut misit me Pater, & ego mitto uos. & statim sequitur, Accipite spiritum sanctum, quorum remi. &c. unde uidetur, quod talem potestatem dedit, qualem habuit. Item quid opus erat dare Spiritum sanctum ad soluendum, uel remittendum peccata in foro ecclesie duntaxat, uel ad ostendendum remissa? Profectò Apostoli per illa uerba aliud intelligere non poterant, quàm se ueram potestatem remittendi peccata accepisse.

accepisse. nec uerò satis intelligi potest, quo modo clauēs regni cælorum tradiderit Dominus, si (vt isti docent) nunquam sacerdos regnum cælorū aperit. Quis enim alius usus clauium, nisi ad aperiendum, aut claudendum? Secundo principaliter arguitur, Si enim clauēs ligare uerè possunt, remittere peccata non possunt: nō inter priuilegia ecclesię, & gratias, sed inter onera potiùs, & quidem grauissima, numerari clauēs deberent. Quid enim beneficij accepimus, si ratione clauium obnoxij quidem sumus ad peccata cōfitendū (quod est permolestum) si cum peccato ad clauēs ueneris, non modò gratiam, aut remissionem non consequeris: sed (quod isti non diffitentur) nouo peccato grauaberis, & teneberis? Quid tāto pre hanc potestatem sancti in cælum laudibus efferunt, præconio tollunt? Quid tantum præmium illius insignis cōfessionis & fidei principis Apostolorum, pro cuius remuneratione Dominus ei pollicitus est, Tibi dabo clauēs regni cælorū: uinculus potiùs catenæ, aut quiduis potiùs, quàm clauēs sunt? Si quidem teneamur clauibus illis, non soluimur: deterior multo in hac parte esset conditio legis Euangelicæ, quàm naturæ, aut Mosaicę. Tertiò principaliter arguitur, Si sensus uerborū esset, Absoluo, id est ostendo absolutū: ergo illa forma absolutionis esset recta & legitima, Ego te de-
c. claro

claro absolutum : qua tamen nec illi quidem auferent uti. Confirmatur, Cui enim ostēdit sacerdos peccatorem absolutum? non ecclesiæ quidem, multo autem minus Deo. Præterea sacerdos uerè remittit pœnam debitam peccatis, nec ostēdit solū remissam. ergo uel uerbū remitti, aut absolui, oportet æquiuocè capi, uel propriè respectu utriusque. Quartò principaliter arguitur, In baptismo remittūtur peccata: ergo in sacramento pœnitentiæ. Ad hoc argumentum uariè respōdetur ab illis. Aliqui enim dicunt, in adulto etiam non remitti primò per baptismum: alij non negant quidem de baptismo, negant tamen de sacramento pœnitentiæ. Sed cū eisdem uerbis in Euāgelio habeatur, imò uidetur apertius haberi de remissione peccatorum per claues, quàm per baptismum: profectò nec probabiliter, nec constanter concedi de baptismo potest, & negari de clauibus. Quòd autem baptismus detur in remissionē peccatorū, præterquā quòd sancti omnes iuratissimè confirmāt, non uideo quomodo negari possit: illic enim non potest esse remissio peccatorū, id est declaratio, ut ipsi in sacramēto pœnitentiæ intelligi uolunt. Si ergo secundū Scripturam est remissio peccatorum, oportet ut sit uerè & propriè remissio: imò uidetur articulus fidei. Confitemur enim unum baptismum in remissionē peccatorū. Et cōfirmatur

tur, Si enim (ut aduersæ opinionis authores fatentur) per sacramentum peccatum originale & ueniale primò tolli potest: unde hæc coarctatio, uel diuinatio potius orta est, nō posse se extēdere ad peccata mortalia, cū in Euangelio absolutē in remissionē peccatorum data sacramenta legamus, nulla differētia posita de originali, aut ueniali à mortalib⁹? Quinto, Si sacramenta nunquam conferunt primam gratiam adultis (nam idem apud eos est de omnibus iudicium) quid ergo est, quòd omnes sancti, omnes authores docent & prædicant sacramenta nouæ legis esse causam gratiæ? Sed aiūt per sacramēta augeri gratiam. Primū omniū hoc nescio, an sit priuilegium sacramētorum, cū in omni actu meritorio augeatur gratia. Sed non ex opere, inquiūt, operato, ut ipsorū uerbis utar. Esto sanè. Sed quid mea? tantum enim consequar etiā eorum sententia. Si paulū in actu meritorio animum, aut conatum intendero, quantum per illud opus operatum consequuturus sum, quanta est hæc prærogatiua sacramentorum, ut per sacramenta obtineant aliquem gradum gratiæ, quem tantuli actus intentione & feruore facile cōsequi possent? Ergo adduci non possunt, quin aliquid potius sacramenta conferant. Sed ut quid uim facimus uerbis, & loco suo detorquemus? Dare enim gratiam nec fuit, nec erit unquam au-

gere gratiam. Etenim gratiæ est facere amicū,
aut gratum. hoc enim significat constituere in
gratia, ex non grato gratum facere. Aliud sanè
est augere amicitiam, aliud amicum facere: &
nūquam antiqui ad hunc modū loquuti sunt,
ut augere gratiam intelligerēt esse causam gra-
tiæ. Sexto & ultimò, Si enim clauēs nō remit-
tunt peccata, nullum argumentum habemus
ex Scriptura, quòd sit aliquod sacramentū pœ-
nitentiæ. In Scriptura enim nō habemus aliud,
nisi quòd per clauēs remittūtur peccata. Si ad
hoc per te non requiritur collatio gratiæ, quia
non est nisi declaratio: nihil restat ut quid po-
namus sacramentum pœnitentiæ. Propter hoc
enim solū ponimus, quia ex Scriptura ha-
betur, quòd per clauēs remittuntur peccata.
& hoc non potest fieri sine gratia. ergo clauēs
conferunt gratiam: & sic conficitur sacramen-
tum. totum autem hoc artificium ruit ad sen-
suentiam illorum. Omnino * mihi nō uidetur
ferendum, dicere quòd uirtute clauū non ue-
rè remittantur peccata, sed solū ostendantur
remissa: sed homines alioqui acres, & docti,
bis in hac disputatione peccant, & errant, ex
eo, quòd non bene sentiant de contritione,
putantes primò, quòd contritio est ita suffi-
ciens ad remissionem peccatorum, quòd quasi
ex iustitia debeat remissio, & gratia, posita
cōtritione: unde etiam prouenit, ut meritum
ponant

ponant congruum ad primam gratiam contrā apostolum Paulum: non considerātes, quòd quacunq; dispositione posita in peccatore, est omnino tanta liberalitas in collatione gratiæ, & tam gratis remittūtur peccata, sicut data fuit gratia Adæ in primo statu, imò magis. nec oportet imaginari aliud meritum, nisi puram misericordiam diuinam: nec plus contritio est meritum ad gratiam, uel remissionem peccatorum, quàm bona opera sunt merita ad prædestinationem. Hæc enim erat bona pars erroris Pelagianorum, si ego quicquam intelligo. Secundò errant contrario modo, credentes, quòd contritio ita sit necessaria ad remissionem peccatorum, quòd penè Deus ipse uix posset sine contritione remittere peccata. Veritas autem sic habet, quòd * ad remissionem peccatorum Deus in ecclesia duo remedia efficacia reliquit, aut pœnitentiam, aut clauēs ecclesiæ. Et ita apertè scriptum est, Per clauēs ecclesiæ remittuntur peccata, sicut per pœnitentiam. Satis est ergo, ut quis non ponat obicem clauibus. id est, non obijciatur peccato præterito uel futuro: hoc est, ut pœniteat de præterito, & proponat in futurum cauere, etiā si hoc ita faciat, ut non sufficiat ad remissionē peccatorū, sed remanēat in peccato. Hæc enim dispositio non requiritur ad remissionem peccati, sed solūm ne ponat obicem clauib⁹. Hoc.

ergo est summum beneficium & priuilegium, quo Christus redemptor ecclesiā suam in nouo testamento singulariter ornauit. hoc est qđ tantum celebratur à uetustissimis & sanctissimis Patribus, qđ * omnino clauēs Ecclesiæ sufficiunt ad aperiendum regnum cælorum, ubi nulla alia uia apertum esset: sed solæ sufficiunt ad salutem. nec mihi de hoc dubitandū omnino uidetur, & maximè quia in Concilio Florentino dictum est, Effectus sacramenti pœnitentiæ est absolutio à peccatis.

¶ Sed cōtra hanc veram sententiā arguit. Primo, Accedens ad sacramētum pœnitentiæ in peccato mortali, nō cōsequitur remissionem peccatorum, imò peccat de integro. ergo clauēs non remittūt peccata. Cōfirmatur, Quia liceret ergo scienter accedere cū peccato ad clauēs. Secundo, Cū aliquis post contritionem accedit ad sacramentum pœnitentiæ, est uerū sacramentum, & forma uniuocè idem significat, sicut cū quis accedit ante contritionem: sed tunc non absoluit sacerdos, sed ostendit absolutum. ergo sic debet intelligi absolutio & remissio peccatorum, id est declaratio. Tertio arguitur, Vel sufficit quicumque dolor ad tollendum obicem, & recipiendum gratiam, uel non. Si aliquis non sufficit, nō uidetur posse assignari quis solus sufficiat, nisi sola contritio. eodem enim modo uidetur de quocunq; alio

alio dolore. ergo requiritur contritio. Si autē quilibet dolor sufficit, dolor solū timore pœnæ non satis est. ergo. Quartò, Eodem pacto uidentur clauēs habere potestatem retinendi peccata, sicut remittendi: sed clarum est, quòd clauēs non aliter retinent peccata nisi declarādo nō remissā à Deo, nec possunt retinere nisi quæ Deus retinuit. ergo similiter remittere peccata, solūm erit ostēdere remissā à Deo. *Ad solu. ad ar. soluendū hæc argumenta, nota. Primo, quòd doctor subtilis in 4. di. 14. q. ultima. ar. 3. uide-*
tur expressè dicere, quòd non requiritur alia dispositio, ut aliquis per hoc sacramentum pœnitentiæ recipiat gratiam, nisi solūm, ut uelit recipere, & se subijcere clauibus. Et idem dicit de sacramēto baptismi. Caietanus etiā nomi-
natim de baptismo dicit 3. par. q. 36. ar. 2. ad pri-
mu. q. ad remissionem peccatorū, etiā mor-
talium in baptismo nō exigitur aliquis dolor,
sed sola uoluntas recipiendi baptismum in re-
misionem peccatorum. Et profectò idem ha-
beret consequenter dicere de sacramento pœ-
nitentiæ, quòd ita manifestè datur in remis-
sionem peccatorum, sicut baptismus: & tamē
Caietanus negat de pœnitentia qđ cōcedit de
baptismo: quā cōstāter, ipse uiderit. S. Tho. S. Thom.
etiā 3. part. q. 97. ar. 3. ad secundū dicit, quòd
baptismus datur per modum ablutionis, & est
generatio, id est mutatio de non esse spiritua-

li ad esse spirituale: ideo non inconuenit accēdere ad baptismum cum conscientia peccati mortalis, non autem ad eucharistiam, quā nō debet dari nisi uiuenti: datur enim per modū alimenti. Hac certē ratione consequenter uideretur idem dicendum de sacramento pœnitentiæ, qđ institutum est ad suscitandum mortuos: & sic non erit inconueniens accedere ad clauēs ecclesiæ cū cōscientia peccati mortalis. Et posset magna probabilitate defendi, Quisquis sine cōplacentia quidē peccatorū præteritorū, sed etiam sine aliquo dolore solum cū proposito cauendi in futurū à peccatis, accedat ad sacramentum pœnitentiæ, animo recipiēdi remissionem peccatorum, quòd re uera recipiet: nescio an uerum sit, impugnari profectò non uehemēter posset. Sed non adeò longius à cōmuni uia, & doctrina discedens, secundò dico, quòd non licet accedere ad sacramentum pœnitentiæ cum conscientia peccati mortalis: ne talis consequeretur peccatorum remissionem. Pro quo est aduertendum, quòd

* cōtritio reuera nihil aliud importat, nisi dolorem de peccatis propter Deum, id est eo quòd sunt offensiuā Dei, cū proposito cauendi in futurum: nec quicquam aliud est de ratione contritionis, reiectis anxijis & subtilibus disputationibus scholasticis, parū in hanc rem conferentibus, & physicis potius quàm theologicis.

logicis. Nec apud me dubium unquam erit quin quicumque dolet de omnibus peccatis suis absolutè, quia sunt offensiva Dei, proponit etiam omnino in futurum seruare omnia præcepta Dei: talis consequatur remissionem peccatorum, si nihil sit aliud quod impediat.

¶ Potest *uerò esse talis dolor, qui non sit contritio: quia aliunde impeditur, puta quia cum tali dolore perseverat ex ignorantia in aliquo peccato, ut quia retinet alienum, uel manet in aliquo errore: ut heretici, aut infideles, qui dolent quidem de peccatis suis, & propter Deum, & proponunt in futurum: sed talis dolor in eis nec est contritio, nec sufficit ad remissionem peccatorum: non quia requiratur maior, nec alius dolor, quàm ille, sed quia tenentur ad aliud, quod non implent. itaque ab extrinseco impeditur, ne ille dolor sufficiat, quod de se sufficeret quidem. Vnde in nullo mutato dolore, sed solum si talis alienum restitueret, aut dimitteret errorem, ille idem dolor esset contritio. quod in hac materia est commendandum, ne in rebus ad salutem necessarijs descendamus ad discendum uel incredibilia, uel non intelligibilia.

¶ Hoc ergo præmisso, dico primò, Si is, qui accedit ad sacramentum poenitentiae, scit & aduertit se nullum habere dolorem peccatorum præteritorum, quamuis habeat propositum

in futurum, non consequitur remissionem peccatorum, imò peccat mortaliter.

¶ Secundò, Si talis dolet quidē, sed intelligit se non dolere, quia sunt offensua Dei, sed ob quancūq; aliā rationem, puta aut propter pœnas inferni: profectò etiam talis dolor nō sufficit, quia ille nō dolet offendisse Deū: nihil autem refert quòd doleat, si nō doleat offendisse Deū: idem est enim ac si nullo modo doleret.

¶ Tertiò, Quocunque doleat, si omnino putat se adhuc esse in mortali, & non esse contritum, non uidetur etiam sufficere. & sic dico, quòd accedere cū cōscientia peccati mortalis ad hoc sacramentū, est peccatū nouū, quia ponit obicē. Et hoc est probabile: nō quia clauēs nō sufficiāt, sed q̃a uirtualiter cōplaceat in peccato q̃ nō dolet, nec uult dolere se offendisse.

¶ Quartò, Si putat se doluisse propter Deū, & proponit in futurū, semper cōsequitur gratiam, nisi aliunde ponat obicem ad sensum declaratum, puta quia perseuerat in aliquo peccato nō defectu doloris. Sed dices, Iam talis ante sacramentum consequeretur gratiam, quia per te ille dolor est contritio.

¶ Propterea dico quintò, q̃ stat, q̃ aliquis putet se dolere, q̃a sunt offensua Dei: & tamen reuera nō ideo dolet, sed ob aliā causam. Quāuis enim uideatur posse experiri aliquē se dolere: sed an doleant quia offenderūt Deum, profectò

fectò ignorari potest. Præuolat enim (ut ait Augu.) intellectus, sequitur tardus, aut nullus effectus. Et sic contingit, quòd aliquis putat se dolere propter Deum, & non dolet, aut nò propter Deum dolet: & in tali fit remissio peccatorum uirtute clauium.

10 ¶ Sextò dico, & sequitur ex dictis, q^d * omnis ille dolor, & solus, sufficit ad remissionem peccatorum cum clauibus, de quo peccator existimat quòd sit contritio: id est sufficiens dolor, si non sit aliud impedimentum extrinsecum, uel sit tanta negligentia examinandi, ut rediret in naturam omissionis. Si enim quis nullà aduertentiam adhiberet, aut considerationem ad examinandum statum conscientie suæ, sed sic temere existimaret se sufficiens pœnituisse: idem est etiam iudicium ac si nò pœnituisset. Sed si bona fide, facta probabili examinatione putat se sufficiens pœnituisse, quauis decipiatur, cum sacramento pœnitentiæ consequitur sine dubio remissionem peccatorum: & per hæc satis patet ad primum, & tertium argumentum. Sed contra hanc determinationē arguitur argumento còmuni, Talis, qui existimat se sufficiens pœnituisse, uel habet ignorantiā uincibilem, uel inuincibilem. Si inuincibile, ergo nò tenetur ampli^{us} dolere: ergo sufficiens fecit ad quod tenebatur. ergo iam sunt ei remissa peccata. Si uincibilem, ergo accedens ad sacramentum

mentum cum tali peccato mortali, non excusatur. ergo non das hominem, qui recipiat primam gratiam in sacramento pœnitentiæ.

¶ Respondetur dupliciter. Primò, quòd illa ignorantia est inuincibilis. Et cum arguis, Ergo iam consequitur remissionem peccatorum: nego consequentiam, sed solum sequitur, quòd non peccat de nouo per omissionem contritionis.

¶ Secundo, & melius dico, quòd illa ignorantia est uincibilis: & cum inferis, Ergo peccat accedens, nego consequentiam. Non enim facit irreuerentiam sacramento, nisi qui scienter accedit in mortali. Sicut si quis celebraret sine ara, quântumcûque ignorantia esset crassa, non peccaret. Vel potest dici, quòd talis ignorantia est uincibilis respectu dilectionis peccatorum, uel præcepti de contritione, si ullû esset: inuincibilis autem respectu sacramenti. Nec hoc est mirabile. aliqua enim ignorantia excusaret respectu unius aliquando, quæ non excusaret respectu alterius. Vt, exempli gratia, ignorantia, quæ excusaret conferentem sacramentum in mortali, non excusaret recipientem, ut notum est: maior enim examinatio requiritur cōscientiæ ad recipiendum eucharistiã, quàm ad conferendum, etiamsi ad utrunque exigatur examinatio conscientiæ. Ad secundum argumentum respondetur, quòd cum aliquis post

post contritionem accedit ad sacramentū pœnitentiæ, dico quòd uerè absoluitur: sacerdos enim fert sententiam sufficientem ad ponendum hunc in gratia, etiam si non prius fuisset in gratia.

¶ Ad quartum dico, quòd retinere & nō remittere, non est declarare non esse remissā, ut ipsi uolunt: potest enim contingere, quòd ex hoc solū, quòd non absoluitur per clauēs, non remittantur peccata, ut expositum suprà est. Et præterea cū (ut in præsentia supponimus) quilibet peccator teneatur adire clauēs, remissio etiam quæ fit in contritione, dependet à clauibus, imò fit uirtute clauium, sicut gratia quæ data fuit ante passionem Christi. Et demum utcunque fit, dato quòd retinere fit non declarare, non oportet quòd remittere fit declarare. Nos enim solū uolumus, & dicimus uerba accipi debere in sua propria significatione, ut remittere fit remittere, sicut retinere, retinere. Quòd si retinere non potest aliter fieri nisi declarādo, retinere erit declarare: sed remittere potest aliter esse, ideo etiā aliter accipiendum est. Ergo ex hac disputatione constat potestatem ordinis habere efficaciam alicuius spiritualis effectus. Nec tamen uolo dicere nullum alium ab isto habere posse; sed hunc esse potissimum, & qui ex sacris literis testatur & notior fit: alioqui ex potestate ordinis,

dinis, ut sunt omnes consecrationes episcoporum, presbyterorū, in quibus effectus datur purē & uerē spiritualis. Et hæc quidem quantum ad effectum potestatis ordinis. Restat ut etiā dicamus de potestate iurisdictionis, utrū scilicet excommunicatio sit effectus spiritualis, uel habeat effectum spirituale. De quo latē dixi in quarto Sententia. in materia de clauibus: ideo uide illic.

QVAESTIO TERTIA.

A quo iure sit inducta potestas ecclesiastica.

S V M M A.

- 1 Potestas ecclesiastica quo iure sit introducta.
- 2 Potestatis ciuilis & ecclesiastica differentia.
- 3 Potestas ecclesiastica, quod quantum ad aliquam potestatem sui habuerit ortum à iure naturali, uel positiuo.
- 4 Potestas ecclesiastica, & spiritualis tota, quæ nunc residet in ecclesia, quod sit de iure diuino positiuo mediate, uel immediate.
- 5 Potestas spiritualis tota, quæ fuit in ueteri lege, quod fuerit de iure diuino positiuo.
- 6 Potestatem totā in ueteri lege iure diuino institutam, quod potuerit Israëliticus populus sua auctoritate instituire, etiam si à Deo instituta non fuisset.

POSTQVAM ex parte disputatum est de ipsa potestate secūdū se & de effectū, & sine illius in generali: uidetur operæpretium nos facturos, si de causa efficiēti, & ortu ipsius potestatis

potestatis ecclesiasticæ differam⁹. Sic enim pro Arist. doctrina, pbè hanc potestaté cognoscere poterim⁹, si causas illius cognoscamus omnes. Postquam ergo disputatum est de causa finali, quæ potissima est ad agendum, de causa efficienti, & de authore huius potestatis quæritur. * Ergo quo iure introducta est potestas ecclesiastica?

¶ Et sit prima propositio, Tota hæc potestas secundum suâ amplitudinem non habuit, nec potuit habere ortum à iure positivo. Hæc est manifesta ex supradictis: habet enim plures effectus spirituales, qui excedunt humanam potestatem, ut est remissio peccatorum, gratia, consecratio diuinissimæ eucharistiæ, & talia. Item omnino totam humanam facultatem excedit: ergo non potuit habere originem à iure humano, iuxta illud, Quis potest remittere peccata nisi solus Deus? Marc. 2. & bene dicebant eum blasphemare nisi esset Deus. Idem Luc. 5. & 7. Quis est hic, qui etiam peccata dimittit? Et cõfirmatur, Quia non potuit habere ortû à iure civili: quia (ut ostensum est) hæc potestas distinguitur à civili potestate: ius autem ecclesiasticum præsupponit iam potestaté constitutam. ergo non potuit potestas ecclesiastica habere ortum à iure positivo. Tertiò patet manifestè, quia Christus, q̃ est uerus Deus, primus dedit claues regni cælorum. Matth. 16.

¶ Secun

¶ Secunda propositio, Nec potuit etiam tota hæc potestas habere ortum à iure naturali: patet ex eodem, quia etiam hæc potestas habet effectum supra totam naturam. ergo nec ius naturale potuit instituere hanc potestatem. Vnde
² * differentia est inter potestatem ciuilem, & potestatem ecclesiasticam: quia potestas ciuilis habet ortum à republica, quia est in finem naturalem reipublicæ: ut aliàs à nobis disputatum est. Hæc autem potestas excellit non solum priuatam singulorum auctoritatem, sed etiam totius mundi: & licet ius naturale sit ius diuinum, tamen non se extendit ultra limites naturæ, & sic non potest se extendere usque ad terminum uel finem huius potestatis spiritualis. Et confirmat, Quia cognitio naturalis non se extendit ad effectus huius potestatis: ergo nec ius naturale, uel potestas naturalis. Item cum per hanc potestatem homo constituatur in esse gratiæ: si hæc potestas esset naturalis, homo ex naturalibus posset consequi gratiam: qui est error damnatus ab ecclesia contra Pelagianos: Rom. 3. 4. & contra Paulum ad Rom. 3. 4. & 5. Iustificati ex fide.

³ ¶ Tertia propositio, Nihilominus * potestas ecclesiastica quantum ad aliquam potestatem sui habuit ortum à iure naturali, uel positiuo, id est quantum ad aliquos effectus, & actus huius potestatis. Probatur, quia (ut supra dictum est)

est) etiam stando in iure naturali utraq; potestas est necessaria in republica. In solo enim iure naturali intelligi potest Deū esse, & quod remunerator est inquirētibus. hoc enim Apostolus dicit ad Roma. I. & philosophis manifestum fuisse tradit, sempiternam quoque Dei uirtutem & diuinitatem. Ex quo etiam sequitur Deum esse à mortalibus colendum. ergo etiam si nulla esset ordinatio particularis à Deo, potuerunt in republica aliqui deputari ad solam administrationem cultus diuini, qui haberent praelationem & auctoritatem sacrorum, & talis potestas esset spiritualis, & non ciuilis, sicut modò est de iure diuino. imò hoc nomine damnantur ab Apostolo sapientes philosophorū, quòd cū cognouissent Deū, non sicut Deum glorificauerunt, sed mutauerunt gloriam inuisibilis Dei, in similitudine imaginis corruptibilis hominis, & coluerunt, & seruiuerunt creaturæ potius, quàm creatori. Quare sicut humana institutione legimus fuisse sacerdotia, pontifices, sacrificia falſorum deorum apud gentes, eadem institutione potuerunt esse sacrificia & sacerdotia ad cultum ueri Dei, & ea fuisset uera potestas spiritualis distincta à potestate ciuili. Imò, ut statim dicemus, aliquando inter ueros Dei cultores fuit talis potestas spiritualis, solum humana auctoritate introducta.

d ¶ Quarta

4 ¶ Quarta propositio, Tota* potestas ecclesiastica & spiritualis, quæ nunc residet in ecclesia, est de iure diuino positiuo mediâtè uel immediâtè. Probatur, & declaratur hæc conclusio. Nam, ut infrâ disputatur, tota potestas ecclesiastica deriuata est ab Apostolis, sed Apostoli habuerûnt potestâtè à Christo uero Deo, & Domino. ergo tota potestas ecclesiastica est de iure diuino positiuo. Dixi autem mediâtè uel immediâtè, non solùm quia primò habuerunt Apostoli, & inde deriuata sit in successores: sed quia non nego quin in ecclesia sit aliqua potestas ecclesiastica solùm de iure positiuo, ut dicam non ita multo pòst: sed ea ortum habuit à potestate ecclesiastica, quæ est de iure diuino, qualis est potestas minorum ordinum, & fortasse aliqua alia, de qua statim. Et confirmatur authoritatè Apostoli ad Ephes. 4. Vnicuique nostrum data est gratia secundum mensuram donationis Christi, & ipse dedit quosdam quidem apostolos, quosdam autem prophetas, alios uerò euangelistas, alios autem pastores, & doctores ad confirmationem sanctorum in opus ministerij, in ædificatione corporis Christi. Sed omnis potestas ecclesiastica uel est aliqua illarum ab Apostolo enumeratorum, uel pendet ab illis. ergo, &c.

¶ Quinta propositio, Tota* potestas spiritualis

tualis, quæ fuit in ueteri lege, id est, post liber-
 tatem populi Israël ab Aegyptiorum seruitute,
 fuit de iure diuino positiuo. Hæc conclusio non
 aliter opus est ut probetur, quam ex tenore &
 ferie legis. Tota enim lex data est à Deo, de
 qua lege ad Gala. 3. Lex data est per angelos in *Gala. 3.*
 manu Mediatoris. & Matth. 15. loquens Iu- *Matth. 15.*
 daeis ait, Irritum fecistis mandatum Dei pro-
 pter traditiones uestras. & loquitur de præce-
 pto decalogi, Honora patrem tuum & matrem
 tuam, &c. & Stephanus Act. 7. dicit, qd fuit data
 in dispositione angelorum. & Moyses accepit
 uerba uitæ ut daret populo. Et Paul. Hebræ. r.
 Multifarie multisq; modis olim Deus loquens
 Patribus in prophetis, &c. & Manichæorum
 error fuit, quod lex Moyfi non esset lex Dei.
 & hoc in ipsa lege frequenter dicit, Si feceritis
 præceptum Domini, & madata Domini cu-
 stodieritis, & similia. Sed in ipsa lege continetur
 ordo & ratio totius cultus diuini per pontifi-
 ces & sacerdotes & ministros, ut supra osten-
 sum est. ergo tota potestas illa circa diuinum
 cultum, quæ sola erat potestas spiritualis, fuit
 iure diuino positiuo introducta. Et Exod. 24.
 dicitur, quod Moyses assumens uolumen fœ-
 deris legit audiēte populo, qui dixerūt, Omnia
 quæ locutus est Dominus faciemus. & infrà ait
 Moyses, Hic est sanguis fœderis quod pepigit
 Dominus uobiscum. Quod Paul. Heb. 9. aper- *Heb. 9.*
 d 2 tius

tius retulit, Hic sanguis testamenti quod mandauit ad uos deus.

¶ Sexta propositio, *Totam potestatem institutâ in ueteri lege iure diuino potuit populus Israël sua autoritate instituere, etiâ si à deo instituta nō fuisset. Hæc pbatur ex tertia propositione. Nā cognito deo, & maiestate diuina, uel per lumē naturale, uel per lumen fidei, potuit populus constituere pōtiffices, sacerdotes, sacrificia, & cæremonias ad cultū diuinū, licet fortassis nō potuissent tot figuras & symbola futurarū rerū instituere, cū nec possent futura ita distincta cognoscere, nec aptas & cōuenientes figuras ad ea portendendum & designandum instituere. Facit illud ad Heb. 9. Si enim sanguis aut taurorum, aut cinis uitulæ aspersus inquinatos sanctificat ad emundationem carnis, quanto magis sanguis Christi? Ex quibus uerbis constat ueterem legem non mundare nisi carnem.

Heb. 9.

QUANDO INCEPIT

Potestas ecclesiastica.

S V M M A.

1. Potestas aliqua spiriualis quod potuerit esse in statu innocentie.
2. Potestas spiriualis, quod statim post peccatum fuerit in lege nature.
3. Potestas omnis spiriualis, quæ fuit in lege nature, licet

cet

et potuerit esse solum auctoritate humana, quod tamen uerisimile sit uel quod ex speciali reuelatione diuina, uel instinctu et motione diuina fuerit constituta auctoritas aliqua, et potestas spiritualis, et aliqua sacrificia et sacramenta, et alia caeremoniae spectantes ad cultum diuinum, et ad salutem spiritualem animarum.

- 4 Potestas spiritualis, quod fuerit aliqua in lege scripta, probatur.
- 5 Auctoritas propria, et perfecte spiritualis (quae sunt clauis regni caelorum) quod nunquam fuerit in lege naturae, nec in lege scripta ante nostri redemptoris aduentum, ostenditur.
- 6 Sacerdotes ueteris legis, an haberent potestatem ferendi leges, et praecipua faciendi obligantia in foro animae.
- 7 Potestas spiritualis, quae fuit in ueteri testamento, quod tota expirauerit, et antiquata fuerit in lege euangelica, nec amplius perseverauerit. Et quod sacerdotes noui testamenti non sint successores illorum, sed omnino sit noua potestas.
- 8 Auctoritas perfecta, et propria spiritualis, quod tota inceperit ab aduentu Christi, qui fuit primus auctor, et dator clauium, et potestatis spiritualis.
- 9 Christus quando clauis dederit apostolis, uariae sententiae recensentur.

SVO ORDINE sequitur, ut quaeramus, quando inceperit haec potestas, utrum ab initio mundi. Et sit prima propositio, In statu innocentiae potuit esse aliqua potestas spiritualis. Probatur paucis. Non est dubitandum quin in statu innocentiae fuisset cultus
d 3 diuinus,

diuinus, non solum interior, sed exterior. Cum enim homo componatur ex anima & corpore, consentaneum est, ut non solum anima & intellectu colat Deus, sed actionibus etiam corporeis, & exterioribus, & hoc in omni statu. Est autem norandum, quod licet pro statu innocentiae non fuisset aliquod dominium, & praelatia coerciua (in quo sensu ad maledictionem dictum est mulieri, Sub uiri potestate eris. Genes. 3.) aut coactiua: fuisset tamen potestas directiua, & gubernatiua, sicut fuissent etiam praecipitores ad docendum, & institutum adoloscens, ita etiam praepositi ad dirigendum in agendis: alias fuisset rerum confusio, & inordinatio deformis, si quilibet pro arbitrio suo diuersis moribus uiueret, etiam si omnes recte uiuerent: & eadem ratione non fuisset decora respublica, si quilibet suo ritu deum coleret, & non esset consensus & uniformitas in cultu diuino. Nullo modo igitur est dubitandum quin si status innocentiae perseuerasset, fuissent constitutiones, & ordinationes, tum ad uitam ciuilem, tum maxime ad uitam spiritualem & cultum diuinum, & fuissent etiam praepositi, qui haberent curam rerum ordinandarum, & haec potestas esset spiritualis, cum esset ad finem spiritualem, nec imaginandum quod omnino essent in otio sine aliquo exercitio, & opere exteriori.

Secunda

¶ Secūda propositio, * Statim post peccatum fuit in lege naturæ potestas spiritualis. Probat-
 tur, quia ut dicit S. Tho. secunda secundæ: Si-
 cut pro omni ætate, & tempore fuit necessaria
 fides supernaturalis, ita fuit necessaria prou-
 dentia ad supernaturalem finem, & opus fuit
 ut homines actiones suas dirigerent non so-
 lum in finem naturalem & politicum, sed etiam
 in finem supernaturalem, & spiritualem, & per
 consequens, ut esset etiam aliquis cultus Dei,
 qui est author, & dominus, à quo beatitudi-
 nem solum sperare possumus. Sed sicut huma-
 na opera non possunt commodè ordinari in
 finem humanum, nisi in republica sint aliqui
 qui præsideant, & aliqui qui pareant: ita etiam
 non possent opera hominum conuenienter
 ordinari in illum finem supernaturalem, nisi
 ad hanc rem aliqui præficerentur, qui curam
 gererent deducendi homines in talem finem,
 & hæc est spiritualis potestas: ergo ea fuit sta-
 tim à principio. Cōfirmatur, Semper fuit ec-
 clesia, id est, cōmunitas spiritualis ordinata ad
 finem supernaturalem, sed non est perfecta res-
 publica sine magistratu & autoritate: ergo
 semper fuit talis potestas. Secundò probatur,
 quia Abel uidetur fuisse sacerdos, cū legatur
 de eo, quòd obtulerit sacrificium, & quidem
 deo acceptum. Gen. 4. & Heb. 11. unde Augu.
 lib. 5. ad Orosiū, Tria maxime iustitiæ præco-
 nia in

S. Tho.

August.

Gene. 14.

Psalm. 109.

Heb. 6.

nia in Abel fuisse comprobatur, uirginitas, sacerdotium, & martirium, in quibus Christi figuram gessit. Tertio probatur, quod fuisset in lege naturæ uera potestas spiritualis, quia Melchisedec erat dei sacerdos, Gen. 14. quem doctores dicunt fuisse Sem filium Noë: unde etiam graues authores dicunt in lege naturæ primogenitos fuisse sacerdotes. Quod autem fuerit uerum sacerdotium, non solum inde constat, quod Abraham benedictionem ab eo accepit, sed magis ex eo quod Christus dominus dictus est sacerdos, & pontifex secundum ordinem Melchisedec, Psalm. 109. & Heb. 6.

³ ¶ Tertia propositio, Licet* omnis potestas spiritualis, quæ fuit in lege naturæ, potuerit esse solum autoritate humana, tamen uerisimile est, uel quod ex speciali reuelatione diuina, uel instinctu, & motione diuina fuit constituta aliqua authoritas, & potestas spiritualis, & aliqua sacrificia, & sacramenta, & aliæ ceremoniæ spectantes ad cultum diuinum, & ad salutem spirituale animarum. Prima pars patet ex supradictis, quia (ut statim declarabo) ante aduentum domini nullus fuit effectus alicuius potestatis, qui reuera excederet humanam facultatem. Ergo tota potestas spiritualis potuit autoritate humana constitui: & si aliquod erat sacramentum ad deletionem peccati originalis, illud non indigebat autoritate diuina. Et quia reuera
nullana

nullam efficaciam habebat, nisi in quantū erat testimonium fidei: & quia nullum certum signum erat de iure diuino cōtra originale, sed quæcunque protestatio fidei satis erat saltem de iure diuino, in humano statuto, uel consuetudine: credendum est fuisse certum aliquem ritum ad purgationem peccati originalis. Secunda pars probatur, quia si fides semper fuit necessaria, & nunquam defuit in quacunque ætate (ut dictum est) maximè uidetur reuelationem factam de ratione colendi deum, quæ potissima pars est ueræ religionis, & uitæ fidelis. Et confirmatur, quia cū dominus ita diligenter in ueteri lege rationem instituerit diuini cultus, tot sacerdotia, ministeria, solennitates, cæremonias, non est credendum cessasse omnino ante legē, quin cultores suos, uel reuelatione, uel interiori aliquo motu instruxerit quomodo piè & religiosè ipsum colerent, licet non sit dubitandum, quin fuerit multò simplicior cultus, quàm in lege scripta.

¶ Quarta propositio, In* lege scripta certū est fuisse aliquā potestatem spirituale. Hęc propositio nota est auctoritate legis ipsius, ubi tam multa tradita sunt de sacerdotio, & ministerio spirituali. Sed quòd fuerit propriè & uerè potestas, & dignitas spiritualis, patet primū ex auctoritate illa Pauli Heb. 7. Translato sacerdotio, necesse est, ut legis translatio fiat. ubi Heb. 7.

d 5 Paul.

Paul. ex professo contendit probare sacerdotium Christi esse prestantius sacerdotio ueteris legis. Frustra autem insumeret operam illam, si sacerdotiū nō fuisset uerū sacerdotiū, id est, authoritas, & potestas spiritualis. Item post institutionē regum perseuerauerunt sacerdotes, ut patet de Samuele 1. Reg. 10. Ergo sacerdotiū erat potestas distincta à potestate ciuili, ergo spiritualis. Item de Caipha dicit euāgelista Iohan. 11. quod cū esset pontifex anni illius, prophetauit. Ex quo omnino uidetur, quod pontificatus ille esset uera dignitas, & authoritas spiritualis.

Iohan. 11.

¶ Quinta propositio, His nō obstatibus dico, quod authoritas* propriè & perfectè spiritualis, quæ sunt clauēs regni cælorū, nunquā fuerunt in lege naturæ, nec in lege scripta ante aduentum redemptoris nostri. Probatur propositio, Regnum cælorū post peccatum protoparentum semper fuit clausum ante aduentum Christi. ergo ante aduentum eius non fuerunt clauēs, unde ipse solus dicitur habere clauem Dauid, quæ aperit, & nemo claudit. Apoc. 3. Secundo probo, quia totum sacerdotium ueteris legis cum omnibus suis sacrificijs, oblationibus sacris, nō poterat dare gratiam, quia nō iustificabat, ut Paul. Ro. 3. & Gal. 2. Ex operibus legis non iustificabitur omnis caro corā illo. & Gala. 2. Si ex lege iustitia, ergo Christus

Apoc. 3.

Rom. 3.

Gal. 2.

Gal. 2.

stus

stus gratis mortuus est. Heb. 9. Sanguis hirco Heb. 9.
rum, aut taurorum, & cinis uitulæ aspersus in-
quinatos sanctificat ad emundationem car-
nis. Et in alijs uarijs locis non solum testatur,
sed probat. Ergo nec illi sacerdotes habebant
claves, nec erat in eis uera potestas spiritualis:
unde dico, quod nullum effectum purè spiri-
tualè poterant conferre, sed omnia erāt tem-
poralia, & materialia, signū dūtaxat, ac figu-
ra rerū spiritualiū, & sacerdotes leuitici habe-
bāt solum claves, & curam tēpli materialis: un-
de nec remittebāt peccata, nec aliquā potesta-
tē purè spiritualē habebant, sed omnia, quæ ge-
rebantur, erāt media ordinata ad gratiam no-
uæ legis: ideo illa potestas erat spiritualis, sed
longè aliter quàm potestas ecclesiastica in lege
euangelica.

¶ Vtrum* autem sacerdotes ueteris legis habe-
rent potestatem ferendi leges, & præcepta fa-
ciendi obligantia in foro animæ, dubitari cer-
tè potest. Cū enim in ueteri lege præter mo-
ralia præcepta Dominus tot iudicialia & cære-
monialia præcepta tradiderit, ubi omnia circa
cultum diuinum tam distinctè, & speciatim
erant instituta: non erat opus præceptis, aliās
creuisset obligatio in immensum, ut nō solum
grauis, sed intolerabilis esset. In lege autē euan-
gelica, quam Dominus paucissimis præceptis
generalibus in libertate reliquit, necesse fuit,
ut apud

ut apud pontifices maneret authoritas ferēdi
 leges utiles, & accōmodas ad gubernationem
 rerum spiritualium: sed cū non obstantibus
 iudicialibus prāceptis ipsius legis nihilomi-
 nus apud Reges maneret potestas condenda-
 rū: itidē uidetur dicendum de sacerdotibus
 ueteris legis, quōd habebant authoritatem fa-
 ciendi prācepta, & leges, uel saltē uim coacti-
 uam ad instituendum ministros, & leuitas, &
 pro tempore cogendi ad sacrificia, & oblatio-
 nes, & reliqua, quæ erant legis & diuini cul-
 tus (hoc enim est habere authoritatem & esse
 pontificem) & prācepta eius obligarent non
 minus quā prācepta Regis. Et quōd essent
 aliqua prācepta, uel instituta eorum, uidetur
 ex eo loco *Matth. 15.* Irritum fecistis manda-
 tū Dei propter traditiōes uestras. ubi Chryso-
 sto. uidetur dicere, quōd erant uera manda-
 ta. Et confirmatur ex *Deutero. 17. c.* ubi de sa-
 cerdote leuitici generis dicitur, Qui autem su-
 perbierit, nolens obedire sacerdotis imperio,
 qui eo tempore ministrat domino deo tuo, ex
 decreto iudicis morietur homo ille, & aufe-
 res malum ex Israël. Vnde uidetur, quōd tene-
 rentur ei obedire etiam sub peccato mortali:
 nō enim pōena mortis pro minore delicto in-
 ferebatur. Et quōd reuera essent prācepta hu-
 mana, *Matth. 23.* Super cathedrā Moyſi sede-
 runt scribæ & pharisei: omnia ergo quæcun-
 que

que dixerint uobis, seruare, & facite, secūdū uero opera eorum nolite facere: alligāt autē onera grauiā, & importabilia, & imponunt in humeros hominum, digito autē suo nolūt attingere. Non uidetur autem loqui de præceptis legis, quæ non dicerentur importabilia, cum essent præcepta sapientiæ diuinæ, quæ disponit omnia suauiter. Ergo erant præcepta pontificum, & sacerdotum. ita glossa dicit, licet Chrysostomus totum referat ad legem.

¶ Sexta propositio. Potestas* spiritualis, quæ fuit in ueteri testamēto, tota expirauit, & antiquata est, nec perseuerauit in lege euangelica: nec sacerdotes noui testamēti sunt successores illorum, sed est noua potestas omnino. Probat. Quia potestas euangelica deriuata est tota à sacerdotio Christi. sed Christus non fuit sacerdos secūdū ordinē Aarō, sed secūdū ordinem Melchisedec. Heb. 7. unde & Paulus infrā probat. esse aliam legem, quia est aliud sacerdotium. Ergo omnino illud sacerdotium periit. Dani. 9. In dimidio hebdomadæ deficiet hostia, & sacrificium, & erit in templo desolatio.

¶ Septima propositio, Perfecta* autoritas & proprie spiritualis, tota incepit ab aduentu Christi, qui fuit primus author & dator clauium, & potestatis spiritualis, & qui propria autoritate poterat conferre gratiam, & peccata remittere per potestatem excellentiæ. Marc. 2. & Luc.

Luc. 7.

& Luc. 7. Et illam potestatem licet nō eodem modo, sed determinatam, & aliquo modo alligatam sacramentis, reliquit in ecclesia sua, patet Matthēi 16. & 18. & Iohan. 20. & 21. 1. Cor. 5. 2. Corin. 2. Hebr. 13. Obedite præpositis uestris, & subiaceite eis. Item Luc. 22. Hoc facite in meam commemorationem.

Matth. 16.

Cor. 18.

Iohā. 20. 21.

1. Corin. 5.

2. Cor. 2.

Heb. 13.

Luc. 22.

Armach.

Iohan. 20.

Act. 1.

Iohan. 20.

¶ Quando autem dederit clauēs, non omnino inter doctores satis cōuenit. & Armachanus quidem lib. 11. c. 14. & 15. de quæstionibus Armeni. dicit, quod nō est data potestas in aliquo loco, ex omnibus supradictis. & quidem quod nō, Iohan. 20. Quorum remiseritis peccata, &c. probat, quia Actū 1. dicit Petrus ad apostolos de Iuda, Quod cōnumeratus erat in nobis, & sortitus est sortem ministerij huius. & inducit prophetiam, Fiat cōmemoratio eius deserta, & non sit qui habitet in ea, & episcopatum eius accipiat alter. & statim orantes dixerūt, Tu domine, qui nosti corda filiorum hominum, ostende quem elegeris ex his duobus unum accipere locū ministerij huius, de quo preuaricatus est Iudas. Ex quo (inquit) uidetur constare, quod Matthias non habuit nisi quod amisit Iudas. Ergo tota potestas data fuit ante resurrectionem. Item Iohan. 20. dicitur, q̄ Thomas unus de duodecim nō erat cum aliis apostolis, quando uenit Iesus, & dixit, Quorum remiseritis. Ergo, &c. nō habuisset po-

let po

set potestatem. Item Mar. 6. dicitur, quòd un- *Marc. 6.*
gebât ægrotos oleo. hoc autē spectat ad pres-
byteros, ut patet Iaco. 5. ante ergo resurrectio *Iaco. 5.*

nē fuerunt presbyteri. imò ex eodē habetur,
quòd ante cœnam dominicam. Item probatur
quòd nec Matth. 16. nec 18. fuerit data pote- *Matth. 16.*
stas. Probatur, quia potestas ordinis tota si- *et. 18.*
mul data est: aliàs ordo non esset unum sacra-
mētum, sed plura. Sed in cœna acceperunt po-
testatē ordinis secūdū aliorū sentētiā, quo ad
cōsecrationē corporis Christi. ergo antea nō
habebant clauēs, quia ista dātur simul. Et ideo
Armachanus putat, quòd tota potestas data
est Mar. 3. quando instituit eos apostolos. Le-
gitur enim quòd ascendens in montem, uoca- *Mar. 3.*
uit ad se quos uoluit ipse, & uenerunt ad eū,
& fecit quòd essent cū illo, & ut mitteret eos
prædicare, & dedit eis potestatem curandi in-
firmos, & eiijciendi dæmonia. Sed ad authori-
tatem apostolatus spectant clauēs tam ordinis
quàm iurisdictionis. Ergo tūc acceperunt to-
tam potestatē. Et posset cōfirmari, quia Pau-
lus non legitur accepisse aliam potestatem ni-
si apostolatus: quia à Christo domino nō legi-
tur nisi solūm q̄ missus est ad prædicandū, &
portandum nomen domini coram gentibus.
Actuum 9. Et ipse solūm uocat se electū apo- *Act. 9.*
stolum: ab apostolis autē nihil accepit, ut ipse
testatur, quòd qui uidebantur esse aliquid, ni-
hil

Gal. 2. nihil illi cōtulerūt. *Gal. 2.* Et ibidē, Qui operatus est Petro in apostolatū circumcisionis, operatus est & mihi inter gētes. Sed Paulus habuit omnem potestatē: ergo quādo facti sunt apostoli, receperūt totam potestatē spirituale.

⁹ ¶ Ad hoc dubium primò non * magni refert quando acceperint clauēs, aut ante passionem uel post, modo constet eos accepisse, sicut ex euangelio notum est. Secundò probabile est eos accepisse clauēs, & potestatem, non simul, sed per partes: itaque uidentur accepisse potestatem iurisdictionis in foro exteriori, *Matt.*

Matt. 18.

Luc. 12.

Iohan. 20.

Iohan. 21.

18. ordinis, quantum ad consecrationem corporis Christi, *Luc. 12.* clauēs uerò in foro interiori, *Iohan. 20.* Primatum autem, & plenitudinem potestatis uidetur Petrus accepisse *Iohā. 21.* Pasce oues meas. & quod Armachanus ait, si non simul acceperunt totam potestatem, fore, ut non esset unum sacramentum ordinis, non necesse est. Quāquam enim Christus potestatem clauium non simul totam nec uno loco dedit: non idē tamen consequitur, ut etiā pontifices possint eam authoritatem diuidere, sed totam simul tribuunt, & uno ordinis sacramento: nec fortasse possent diuim tradere. Vel fortē satius esset dicere, quicquid ante resurrectionem à Christo de hac potestate dictum, aut factum fuerit, totum intelligi debere in futurum, id est post resurrectionem. Si-

cut

cut enim Matth. 16. fuit tantum promissio clauum, ubi omnia in futurum sequantur, Super hanc petram edificabo ecclesiam meam, & tibi dabo clauis regni celorum. ita uidetur institutio in futurum facta Matth. 18. & sic Apostolos nullas habuisse clauis ante illa uerba, Accipite spiritum sanctum, quorum remiseritis peccata, &c. Certè puto, ante resurrectionem non potuisse Apostolos exercuisse iurisdictionem etiam in foro interiori, & dubito an potuissent consecrare corpus Christi: quanquam de hoc probabilius uidetur quod potuerint: sed oppositum non est improbable, sed nihil certi de hoc haberi potest, nisi quod habuerunt à Christo clauis, & potestatem omnem spiritualem.

VTRVM POTESTAS SPIRITUALIS SIT SUPRA POTESTATEM CUIILEM.

S V M M A.

- 1 Potestas spiritualis, quod sit præstantior, & eminentior potestate temporali, ostenditur.
- 2 Papa, an sit orbis dominus.
- 3 Potestas temporalis quod non dependeat à summo pontifice, sicut aliæ potestates spirituales inferiores, &c.
- 4 Potestas civilis, quod non sit subiecta potestati temporali papæ tanquam domino temporali.
- 5 Papa, quod non habeat iudicare, saltem uia ordinaria, de causis principum, aut regnorum titulis, nec potest

- test ad eum appellari in causis ciuilibus.
- 6 Papa, quod non habeat potestatem deponendi principem secularem, etiam ex iusta causa ratione auctoritatis temporalis.
 - 7 Papa, quod non habeat confirmare, nec possit infirmare leges ciuiles.
 - 8 Potestas mere temporalis, quod nulla sit in papa, uidelicet quæ ad finem ordinetur temporalem.
 - 9 Potestas temporalis, quod non dependeat à spiritali omnino eo modo, quo ars, siue facultas inferior dependet à superiori.
 - 10 Potestas ciuilis, quod aliquo modo subiecta sit, non potestati temporali summi pontificis, sed potestati spiritali.
 - 11 Ecclesiæ quod insit aliqua potestas, et authoritas temporalis in toto orbe.
 - 12 Papa, quod in ordine ad finem spirituales habeat amplissimam potestatem temporalem supra omnes principes, et reges, et imperatorem.
 - 13 Potestas temporalis in summo pontifice, qualiter inactetur.
 - 14 Papa, an, et quando esset audiendus rege contradicente, et quando non, in his, quæ ad aliquam legem ciuilem, aut administrationem temporalem attinent.
 - 15 Christus, an totius orbis fuerit dominus.
 - 16 Christus, quod non fuerit rex hereditaria successione.
 - 17 Christus, quod dono dei non habuerit dominium temporale, quale est dominium principum.
 - 18 Christi regnum in toto orbe, quo titulo fuerit.

DISSERVIMVS, quanquam non pro rei dignitate, sed tamen pro temporis &

ris & ingenij nostri angustia, de potestate spirituali in genere, & de fine ipsius, & origine siue authore: uisus sum mihi nō abs re facturū, si priusquam descendamus ad disputandum de subiecto ipsius potestatis, aliquid tractauero de comparatione potestatis ciuilis & spiritualis inter se. Et duas potissimum quæstiones cōstitui disputare. Altera, An potestas ciuilis sit subiecta spirituali potestati. Altera, An e contrario ecclesiastici sint subiecti potestati ciuili. nam utraque quæstio in utranque partem assertores & defensores non paucos, nec postremi nominis habet. Est ergo quæstio, An potestas spiritualis sit superior ad potestatem temporalem, aut ciuilem. Et quia, ut in præsentia supponimus, & infrā probaturi sumus, papa est princeps summus in tota potestate ecclesiastica: queritur, utrū papa sit superior ad oēs principes & potestates téporales. Nec reuoco in disputationem, utrum ex duabus potestatibus sit perfectior. Est enim in confesso, spirituale^{*} esse præstantiorem, & eminētiorem, & supremę dignitatis. Facultates enim sicut & artes & potentix æstimandæ sunt ex fine, sicut & omnia alia, quæ ad finem sunt. Finis autem potestatis spiritualis longè excellit finem temporalem potestatis, quātum scilicet perfecta beatitudo, & ultima felicitas excellit humanam, aut terrenam felicitatem. Et ut ait In

nocentius in c. solitæ. de maio, & obediēti.
Heb. 7. Spiritualia tanto temporalibus sunt digniora,
 quanto anima præfertur corpori. Et *Hebr. 7.*
 Apostolus probat dignitatem sacerdotij euā-
 gelici ex eo, quòd Melchisedec, qui erat Dei
Gen. 14. sacerdos, benedixit Abraham. *Gene. 14.* Sine
 cōtrouersia aut maior est qui benedicit, quàm
 qui benedicitur. Abraham autem erat prin-
 cept temporalis, aut personam gerebat tempo-
 ralis potestatis. Omnino igitur maior & augu-
 stior est potestas spiritualis temporali, atque
 adeò maiori cultu & obseruantia prosequen-
 da. Ergo omiſſa hac comparatione ad aliam
 trāſeamus, Vtrum scilicet papa sit superior po-
 testate ciuili iurisdictione & autoritate. Et
 quidem sunt qui tanto studio, & fauore ponti-
 ficum feruntur, ut putent Reges & alios prin-
 cipes temporales non esse nisi uicarios, aut lé-
 gatos Romani pōtificis, & ut ministros pote-
 statis papalis, & quòd omnis potestas tempo-
 ralis deriuetur à Romano pontifice. Alij econ-
 trario ita eximunt principes à potestate eccle-
 siastica, ut nihil penè integrum relinquant ec-
 clesiasticæ potestati, sed omnes causas etiam
 spirituales uelint deferri ad iudiciū ciuile, &
 illic terminari. Nos inter utrosque utrāque po-
 testatem temperantes, aliquot propositioni-
 bus quæſtioni propositæ respondebimus.

¶ Prima propositio, Papa* non est orbis domi-
 nus.

nus. Probatur *Matt. 20. & Luc. 22.* Scitis quia *Matt. 20.*
principes gentium dominatur eorum, & qui *Luc. 22.*
maiores sunt potestatem exercent inter eos,
non ita erit inter uos. & statim, Filius homi-
nis nō uenit ministrari, sed ministrare, & ani-
mam suam dare redemptionem pro multis. In
quo loco uidetur Dominus uetuisse, ne etiam
priuati uellent dominari, tantum abest, ut eis
principatum tradiderit. Quem locum Bernardus
inducit de considera. ad Eugenium libro
2. dicens, Nam quid tibi aliud dimisit S. Apo-
stolus? Quod autē, inquit, habeo, hoc tibi do.
Quid illud? unum scio, non est aurum, nec ar-
gentum. Esto ut alia quacunque ratione hoc ti-
bi uendices, sed nō apostolico iure: nec enim
ille tibi dare quod nō habuit, potuit: quod ha-
buit dedit, sollicitudinem (ut dixit, super eccle-
sias. nunquid dominationem mundi? Ipsum
audi. Nec dominātes, inquit, in clero, sed for-
ma facti gregis. & ne forte putes sola humilita-
te dictum, non etiam in ueritate, uox Domi-
ni in euangelio est. Principes gentium domi-
nantur, &c. Planē Apostolis interdicitur do-
minatus. Quomodo tu & tibi usurpare audes
aut dominās apostolatum, aut Apostolis do-
minatum. planē ab alterutro prohiberis: si
utrunque simul habere uoles, perdes utrun-
que, alioqui non te exceptum illorum nume-
ro putes, Ipsi regnauerunt, & non ex me, prin-

cipes extiterunt, & non cognoui. forma apostolica hæc est, Dominatio interdicitur, indicitur ministratio. Et infra, Exi in agrum, ager mundus est, exi non tanquam dominus, sed tanquam uillicus. Item papa fatetur se recepisse dominium aliquarum terrarum ab Imperatore. 12. q. 1. c. futurum. Itē patet 96. dis. c. cum aduenerunt. Ventum est ultra, sibi nec Imperator iura pontificatus arripiat, nec Pontifex nomen Imperatoris sibi usurpet. Præterea, Papa non habet dominium in terris infidelium, quia non habet potestatem nisi intra ecclesiā: de his enim quæ foris sunt, nihil ad eū.

1. Cor. 5. secundum Apostolum 1. ad Corin. 5. & infideles sunt uerè domini, cum Apostolus Roma.

Rom. 13. 13. præcipiat eis pendere tributum etiam à fidelibus, & dicit eos habere potestatem à Deo, & obediendum legibus eorum, & tamē illi non habent dominium à papa: quia certè ipse nollet eos habere, & dat operam ad euertendum imperium paganorum. ergo non est dominus orbis. Ex quo patet error multorum iurisperitorum, ut Archiepi. Panormita. Angeli. & Ancho. Syluest. & multorum aliorum, qui putant, quòd papa est dominus orbis propriè dominio tēporali, & quòd habet auctoritatem & iurisdictionem temporalem in toto orbe supra omnes principes. Hoc ego nō dubito esse manifestè falsum, cum tamen ipsi dicant esse manifestè

manifestè uerum. ego puto esse merum com-
mētum in adulationem & assentationem pon-
tificum, unde & cordatiores iurisperiti op-
positum tenēt, ut Iohan. An. & Hugo, nec S.
Tho. qui fuit studiosissimus authoritati pon-
tificiæ, hoc dominium unquam tribuit sum-
mo pontifici. Patet etiam secundò, esse non
solum falsum, sed ludibrio dignū, quòd iidem
dicūt in donatione facta Syluestro, si qua fuit:
uel in posteriori à Philippo Augusto, nō fuisse
factam donationem, sed restitutionē: imò
econtrario Syluestrum donasse Constantino
imperium orientale propter bonum pacis. Et
similiter quòd papa non utitur administratio-
ne tēporali in toto orbe Christiano: hoc, in-
quunt non esse propter defectum authorita-
tis, sed propter nutriendum in filiis uinculum
unitatis & pacis. Certè hoc nullum habet fun-
damentum in scripturis, nec usquā legimus
hanc potestatem datam Apostolis à Christo,
nec ipsos ea usos, nec docuisse se habere ali-
quod tale dominium: imò nec ipse papa unquā
agnouit hanc potestatem, imò oppositū testatur
in multis locis, ex quib⁹ aliqua adducta sunt:
& apertè doctissimus Innocentius in c. per ue-
nerabilem, qui filij sint legitimi. dicit se nō ha-
bere potestatem in temporalibus supra regem
Franciæ.

¶ Secunda propositio, Potestas * temporalis.
e 4 non

non dependet à summo Pontifice sicut aliæ potestates spirituales inferiores, puta sicut episcopatus, aut curatus, aut aliæ potestates spirituales: Probatur ista ex prima, Quia episcopis & inferioribus potestatibus ipse dat potestatem & authoritatem certo modo, ut infra disputabitur: sed Regibus, & principibus nullā dat potestatem, quia nemo dat quod non habet: ipse autem nō est dominus, ut probatum est. Ergo nec potest dare dominium, & per consequens nec facere Reges, nec principes temporales, dico per potestatem temporalem. Hoc etiam probatum est in præcedentibus per confessionem ipsorum summorum pontificum. Et probatur etiam ratione, Quia potestas temporalis erat ante claves ecclesiæ: erāt enim principes veri & domini temporales ante aduētum Christi, nec Christus uenit tollere aliena, &c. nec ecclesia indiget hoc dominio, &c. Ista propositio nō omnino est eadem cum prima: quia fieri posset, ut ad papam spectaret cōstituere Reges, licet non esset ipse dominus, sicut dat dominium, & titulum ad præbendam, & bona temporalia, quorum nō est dominus propriè: & sicut Imperator facit, & instituit duces, quāuis non sit propriè dominus illius ditionis, quia non posset sibi reseruare. Sed dico quòd nec hoc modo papa est supra Reges, & principes, quòd institutio eorum,

eorum, uel fuerit, uel posset esse à summo pontifice, nec dubito plus de ista, quàm de prima, licet etiam assertores alterius partis communiter dicant, quòd papa instituit omnem potestatem temporalem tanquam delegatam, & subordinatam sibi: & q̃ ipse cōstituit Constantinum Imperatorem: sed totum hoc est fictitium, & sine quacunque probabilitate, nec innititur uel ratione, uel testimonijs uel scripturæ, uel saltem alicuius ex patribus, uel uerè theologis. Sed glossatores iuris hoc dominium dederunt papæ, cùm ipsi essent pauperes rebus, & doctrina. Item dominia priuata non dependent à papa: ergo nec publica.

¶ Tertia propositio, Potestas* ciuilis non est subiecta potestati temporali papæ. nō dico autem, quòd non sit subiecta papæ: quia certum est omnes potestates esse subiectas papæ ratione potestatis spiritualis, quia omnes sunt oues, & ipse est pastor. Sed dico non esse subiectam ei tanquam domino temporali. Hæc propositio differt à prima & secunda. Quia dato quòd non esset dominus orbis, nec haberet instituere dominos: posset esse superior, sicut Imperator est superior aliquibus Regibus, & tamē nec est dominus regnorum, nec instituere habet reges in illis prouincijs: uel sicut Rex Frācorū proximis tēporib⁹ erat superior ad comitē Flādrigē, & tamē nec erat propriè dominus, nec instituebat

stituebat comitē: imò Rex est supra omnes pri-
 uatas personas regni, & tamen non facit eos
 dominos rerū suarum. Dico ergo, q̄ ne hoc
 modo principes, aut reges subiiciuntur papæ.
 Ista non indiget probatione, patet enim ex-
 præcedentibus. Sed potest confirmari, Quia
 respub. temporalis est respublica perfecta, &
 integra. ergo non est subiecta alicui extra se,
 aliās non esset integra. ergo potest sibi consti-
 tuere principē nullo modo subiectum. Item
 tempore quo fuerunt Reges, & sacerdotes
 in populo Israël, non legimus, quòd sacer-
 dotes haberent temporale dominium. Vn-
 de eigo cū in Scriptura nihil habeatur de
 hac potestate, ortum habuit hæc potestas? Va-
 lidissima probatio omnium istorum est, Quia
 non probatur aliquo modo hæc temporalis
 potestas in summo Pontifice. ergo non habet
 illam. Item quare episcopus non haberet illam
 potestatem temporalem in suo episcopatu?
 Ex his propositionibus sequitur corollarium
 manifestè, quòd * papa nō habet iudicare sal-
 tem uia ordinaria de causis principum, aut iu-
 ribus ditionum, & regnorum titulis, nec po-
 test ad eum appellari in causis ciuilibus. Hæc
 patet ex dictis, quia si non est nec dominus,
 nec superior, non est quare ad eum appelletur:
 & dico papam non habere hanc potestatem non
 solum quātum ad usum, & executionem, sed
 nec

nec quantū ad authoritatē. Qui enim sunt defensores temporalis potestatis in papa, fatentur quidem papam non habere usum & executionem ordinariam huius potestatis: sed hoc non defectu authoritatis, sed quia ipse dedit, & transtulit potestatem & usum eius in principes. Ego uero dico ipsum nec habere usum nec potestatem, & ideo nec ad ipsum spectare iudicium causarum temporalium, nec in prima instantia, nec in gradu appellationis. Dico uerò ordinarie: non enim nego, quin in casu possit haberi recursus ad papam, & quod ipse possit rescindere iudicium ciuile. Sed hoc non ratione potestatis temporalis, sed ratione spiritualis præcisè, ut statim dicturus sum. Hanc conclusionem confitetur Alexander papa tertius in c. causam. extra. Nos attēdentes, quod ad regem pertinet, non ad ecclesiam de possessionibus iudicare, ne uideamur iuri Anglorū detrahere, qui ipsarum iudicium ad se asserūt pertinere, fraternitati uestre mādamus, Regi possessionū iudiciū relinquētes, &c. Et Bernardus ad Eugenium, In criminibus, non in possessionibus potestas uestra: propter illa si quidem has accepistis clauēs regni cælorum. & infra, Habent hæc infima terrena iudices suos, & principes terræ. Idem Innocentius tertius in c. nouit. de iudicijs. Non enim intendimus iudicare de feudis, cuius scilicet ad ipsum regem

regem spectat iudicium. Sequitur secundò,
 quòd* ipse non habet potestatem deponendi
 principem secularem, etiam ex iusta causa, eo
 modo quo potest deponere episcopum. Hoc
 semper intelligo, ratione authoritatis tempo-
 ralis: quia per potestatem spiritualem, & in ca-
 su, secus est, ut postea dicā. Hoc corollarium
 patet ex dictis. Sequitur tertio, quòd* nec ha-
 bet confirmare, nec potest infirmare leges ciui-
 les. Patet ex dictis, quia si potestas ciuilis nō de-
 pēdet ab eo, ergo nec actus potestatis ciuilis.
 ¶ Quarta propositio, In * papa nulla est po-
 testas merè temporalis. Declaro hāc. Potestas
 ciuilis, & tēporalis est, quæ habet finem tem-
 poralem: spiritualis est, quæ habet finem spiri-
 tualem. Dico quòd in papa nulla est potestas,
 quæ ordinetur ad finem temporalem, quæ est
 merè temporalis potestas. Ita tenet Caieta. in
 apolo. c. 6. ad octauum argumētum Almani.
 Probatur, Quia ut suprā dictū est, potestas spi-
 ritualis distinguitur à temporali ex fine, quia
 potestas spiritualis tendit ad finem spiritua-
 lem. sed summus pontifex non est nisi perso-
 na, uel sacerdos, in quo est summa potestas ec-
 clesiastica: ergo nō habet potestatem, quæ ha-
 bet finem temporalem. Et confirmatur, Sine
 aliqua potestate purè temporali esset summus
 pontifex, quia haberet summam potestaté ec-
 clesiasticam: ergo non est ponenda in eo ali-
 qua

qua potestas temporalis. Confirmatur secundo, Necessitas & ratio rerum sumenda est ex fine, sed nullus finis est ponendi hanc potestatem, ergo. Et quamuis inter defensores alterius sententiæ sint aliqui de numero Thomistarum, tamē puto S. Thomā esse huius sententiæ, tum quia, ut dictum est, cū fuerit studio sus impediō pontificum, nunquā tamen huiusmodi potestatem tribuit papæ, tum maxime, quia ut infrā alio loco dicturus sum secundum S. Tho. ecclesiastici sunt exempti à tributis priuilegio principū seculariū. Quod si papa est Dominus tēporalis, ut isti autumant, et Reges habent imperiū ab ipso, non erat opus priuilegio principum ad exemptionē ecclesiasticorū.

¶ Quinta propositio, Temporalis * potestas nō depēdet à spirituali omnino, eo modo quo ars, siue facultas inferior depēdet, à superiori, ut frēnorū ars inseruit equestri, fabrilis nauticæ, armorum militari. Hāc posuit propter docto, qui hanc comparisonem ponunt inter istas duas potestates. Probatur, Potestas ciuilis non est præcisè propter spirituales, sed ars inferior est præcisè propter superiorem, ergo comparatio non est omnino similis. Antecedens pro utraque parte patet. Nam si nō esset militaris, nō esset armorū ars, nec frēnorū, nisi esset equestris. Sunt enim oēs huiusmodi organicæ, id est, instrumentales: cessante autē fine, nullus

ne, nullus est instrumenti usus, imò nullum esset instrumentum. Non sic autem est de potestate ciuili in ordine ad spiritualem. Dato enim quòd non esset aliqua potestas spiritalis, nec aliqua beatitudo supernaturalis, esset aliquis ordo in tēporali repub. & esset aliqua potestas sicut est in rebus naturalibus, etiam irrationalibus, inter quas aliqua agunt, alia patiuntur propter bonum duntaxat uniuersi. ergo magna est differentia. Non est ergo sic intelligendum, quòd una dependet ab alia, q̄ sit præcisè propter illam uel tanquā instrumentū eius, uel tanquam pars illius: sicut potestas prætoris, est pars regiæ potestatis, sed est integra & perfectā potestas in se, & ppter propriū finē immediatē: sed nihilominus est aliquo modo, ut suprà dictū est, ordinata ad potestatem spiritualem. Et confirmatur, Quia ex sententia meliorū philosophorum, uir fortis deberet ponere uitam pro repub. etiam si non esset aliqua felicitas post hanc uitam. Ergo adhuc maneret respublica secluso fine spiritalis potestatis, & per consequens maneret aliquis ordo principatus, & subditorum, sine quo nō esset propria respublica.

¶ Sexta propositio, His non obstantibus, potestas* ciuilis aliquo modo subiecta est, non potestati temporali summi Pontificis, sed potestati spiritali. Probat, Quia si finis alicuius

ius facultatis dependet à fine alterius facultatis: ergo etiam facultas dependet à facultate. 1. Ethico. Hanc comparisonem ponit S. Tho. secunda secundæ. q. 40. arti. 3. ad tertium. Sed finis temporalis potestatis dependet à fine spiritualis aliquo modo: ergo etiam potestas civilis à spirituali. Assumptum probatur, Quia specialitas humana est imperfecta, & ordinatur in beatitudinem supernaturalem tanquam in perfectam, sicut ars armorum fabricandorum ordinatur in militarem & imperatoriam, & fabricandi navem nauticam, & fabricandi uomeres agri culturæ, & sic de alijs. Itaque non oportet imaginari, quod potestas civilis, & spiritualis sint sicut sunt duæ res publicæ disparatæ & differentes, ut Gallorum, & Anglorum. Et confirmatur hoc & declaratur, Si enim administratio civilis esset in detrimentum administratio nis spiritualis, etiã si ad finem proprium civilis potestatis esset comoda administratio: tamen teneretur Rex, aut princeps mutare huiusmodi administrationem (ut statim probatur sum). Ergo civilis potestas est subiecta aliquo modo potestati spirituali. Sed contra, Quia etiã si administratio spiritualis noceret reipublice, teneretur Pontifex mutare. Responso, Non est uerum, si esset necessarium, uel ualde utile, & tamen etiam si perirent bona temporalia, deberet poni pro spiritualibus in necessitate, uel magna utilitate.

utilitate. Nec ualet dicere, quòd licet hoc sit uerum, tamen hoc non est, nec ratione subiectionis, aut dependentiæ, sed quia finis spiritualis potestatis est perfectior, quàm ciuilis, & ideo ex ordine charitatis debet opponi bonum spirituale bono téporali. hoc, inquam, non ualet. Nam si potestas temporalis, non aliquo modo subijceretur spirituali, & ordinaretur ad illam, dato quòd bonũ spirituale esset maius, non inde nasceretur obligatio ad conseruandum bonum spirituale cum detrimento boni temporalis. Probatur, Nam gubernator unius reipub. non tenetur, imò non debet cõseruare bonum alterius reipub. quantumcunque maiori cum detrimento suæ reipublicæ. Imò nec homo priuatus tenetur adire detrimentum bonorum suorum pro conseruatione alienæ reip. Si ergo respublica ciuilis & spiritualis essent omnino indepédètes, sicut duæ respu. temporales, uel sicut duæ artes impertinentes, nõ teneretur princeps téporalis subuenire spiritualibus cum detrimento temporalis reipub. Nec ualet dicere, quòd Rex tenetur subuenire rebus spiritualibus, quia est respectu subditorum suorum: & si subditi facerent iacturã in bonis spiritualibus, iam opus esset subuenire cum quocunque detrimento bonorum, uel gubernationis téporalis, aliàs noceret illis: sed hoc est propter subiectionem,

hoc,

hoc, inquam, non ualet, quia non solum respectu subditorum suorum. Sed si ex administratione reipublicæ ciuili in Hispania fieret magna iactura bonorum spiritualium in Africa, teneretur princeps corrigere huiusmodi administrationē. Ergo hoc est propter depēdētiā, & ordinationem. Et confirmatur hoc, Quia tota ecclesia est unū corpus, nec ex reipublica ciuili & spiritali fiunt duo corpora: sed unum tantum, ut certum est ex apostolo Paulo, ut supra inductum est. quia Christus est caput totius ecclesiæ, & esset monstruosum, uel unum corpus esse sine capite, uel unum caput habere duo corpora, sed in uno corpore omnia sunt inuicē cōnexa, & subordinata, & partes ignobiliores sunt propter nobiliores. Ergo etiā in reipublica Christiana oīa sunt subordinata, & cōnexa, & officia, & fines, & potestates: & nullo modo est dicēdū, quod spiritualia sunt ppter tēporalia. Ergo ecōtrario tēporalia sunt propter spiritualia, & dependent ab illis. Item probatur, Quia non uidetur esse minoris dignitatis sacerdos nouæ legis, quàm ueteris legis, qui poterat etiam causas temporales in casu terminare, ut supra probatum est Deu. 17.

¶ Septima propositio, In ecclesia* est aliqua potestas, & authoritas temporalis in toto orbe. Ista patet primò ex. c. oēs. dist. 22. in quo Nicolaus papa inquit, Christus beato Petro uitæ

f. æternæ

æternæ clauigero, terreni simul, & cælestis imperij iura commisit. ubi gl. Argumentum, inquit, quod papa habet utrumque gladium, spiritualem scilicet & temporalem. Item allegat 66. d. c. tibi duo, & c. nos sanctorum & c. iuratos. Item est expressa determinatio beati Bernardi ad Eugen. ubi tamen nihil omnino tribuit assentioni & gratiæ Pontificis, sed potius quantum licet, reprimit ambitionem illius sedis. Et probatur ratione, Necessarium fuit ad commodam administrationem ecclesiæ & ad finem spiritualem ecclesiæ, ut in ecclesia esset potestas temporalis. Ergo est ponenda talis potestas. Antecedens probatur, & declarabitur in octaua propositione, quæ talis est.

12 ¶ Octaua propositio, In ordine ad finem spiritualem papa habet amplissimam potestatem temporalem supra omnes Principes & Reges & Imperatorem. Et primo, quod in ecclesia sit potestas temporalis in ordine ad finem spiritualium, probatur: quia temporalia, ut supra dictum est, aliquo modo sunt necessaria & ordinata ad finem spiritualem. Ergo Christus non satis prouidisset, & cauisset rebus spiritualibus, si, non reliquisset aliquam potestatem, ad quam spectaret quando opus esset ordinare, & uti temporalibus conuenienter ad finem spiritualem: sed hoc non spectat ad officium principum secularium, qui ignorant proportionem

rerum

rerum temporalium ad spiritualia, nec habent curam rerum spiritualium: ergo ista cura utendi temporalibus ad spiritualia, est potestatis ecclesiasticæ: ergo si necessarium sit ad conseruationem, aut administrationem rerum spiritualium aliquando uti materiali gladio, & auctoritate temporalis, papa hoc poterit. Dico uerò, quòd habet amplissimā potestatem: quia quantum, & quando necesse est ad finem spirituale, potest non solum omnia, quæ principes seculares possunt, sed & facere nouos principes, & tollere alios, & imperia diuidere, & pleraque alia. Sed ut hæc magis exponantur, dubitatur, Vtrum * hæc potestas temporalis in summo pontifice intelligatur solum mediāte potestate, & gladio spirituali, an immediatè exercere potestatis temporalis actum: exempli gratia, si pro defensione fidei necesse est ut Hispani proficiscantur ad bellum aduersus Saracenos, utrum papa solum possit censuris, & præceptis cogere Regē ut proficiscatur ad bellum: an ipse indicare bellū propria auctoritate, & uocare Hispanos in bellum, & q̄ teneātur eū sequi sicut Regē. Vel, ut sit exēplū familiaris, Imperator fecit legē, ut possessor etiam male si dei præscriberet, & suppono, quòd lex nō est de se ita iniqua, quin haberet uim legis, nisi esset reuocata: nihilominus quia est occasio iniuriarum, & rapinarum, & plus mali affert,

f 2 quā

quàm boni, expedit ut tollatur & antiquetur. Dubitatur an papa possit sua authoritate immediata reuocare, & contrariam ferre, an solum possit præcipere Imperatori, & cogere ut reuocet, & tollat. Respondeo primò, quòd papa nò potest immediatè reuocare eam legem, quia hoc spectat ad potestatem ciuilem: & papa non debet, nec potest usurpare potestatem ciuilem nisi necessitate, aliàs faceret iniuriam principibus, si occuparet officium eorum. Probatur, Quia si solum per hoc quòd sit conueniens ad finem spiritualem aliquis actus potestatis ciuilis, posset papa, illam exercere, cum tota administratio temporalis sit necessaria ad finem spiritualem, posset papa semper exercere totam potestatem ciuilem, & sic cessaret officium principum. Non ergo sufficit, ut aliquid sit necessarium ad finem spiritualem ad hoc, quòd spectet ad papam, sed oportet, ut illud sit in casu necessitatis. id est ubi cessat potestas ciuilis, & nò ubi facere potest officium suum. Dico ergo quòd papa primò debet uti potestate spirituali, iubendo scilicet illud reuocari, & si nolit princeps secularis, tunc potest ipse, & debet propria authoritate reuocare, & erit reuocata. Et eodem modo dico, si populus Christianus eligeret principem infidelem, de quo meritò timeret, quòd populum auerteret à fide, ille nihilominus manendo in iure diuino solum,

solùm, esset uerus princeps, nihilominus papa deberet admonere populum, imò præcipere, ut tolleret illum: quòd si nollet, aut non posset, tunc papa sua authoritate posset eum tollere, & qui prius erat uerus princeps, authoritate papæ perderet principatum. Et similiter dico in alijs negotijs temporalibus, quòd papa nò potest præuenire potestatem temporalem, & quantumcunque potestas temporalis sit negligens in administratione reipublice si hoc nò uergit in detrimētum rerum spiritualium, Pótifex nihil potest: sed si hoc uergit in iacturam grauem spiritualium, potest adhibere remedium eo modo, quo dictum est. Et similiter si principes inter se belligerant de aliqua prouincia cum manifesto detrimento, & malo religionis, non solùm potest interdicare eis bellum, sed si aliter conuenire nò possunt, potest iudicare inter illos per authoritatem propriam, & dare ius unicorum, & auferre alteri. Ratio omnium istorum est, quia respublica spiritualis debet esse perfecta sicut & temporalis, & per consequens sibi sufficiens. sed respublica temporalis hoc iuris habet, ut si aliter nò potest seruare se indemnem, & incolumem, posset exercere iurisdictionem & authoritatē in aliena prouincia. Si enim aliter Hispani nò possunt se defendere ab iniurijs Gallorum, possent occupare ciuitates eorum, & consti-

tuere eis nouos principes, & dominos, & punire nocentes, &c. propria autoritate facere, ac si essent uerè domini, ut omnes doctores habent fateri. Ergo similiter si potestas spiritalis non potest seruare indemnè suam rempublicam, poterit cū autoritate omnia facere necessaria, ad illum finem: aliàs potestas esset manca, & non sufficienter instructa ad suū finem. Dubitatur secundo, Si* enim papa non habet potestatem téporalem ordinariam, sed duntaxat in casu necessitatis, si papa diceret aliquam legem ciuilem, aut aliquam administrationem temporalem non esse conuenientem, & non expedire gubernationi reipublicæ, & iuberet eam tolli, Rex autem diceret contrarium, cuius sententiæ standum esset? Respondeo, si papa diceret talem administrationem non expedire gubernationi téporali reipublicæ, papa non esset audiendus: quia hoc iudicium non spectat ad eum, sed ad principem: & dato, quòd uerum esset, nihil ad autoritatē papæ. Eo enim ipso quòd hoc non sit contrarium saluti animarum, & religioni, cessat officium papæ. Sed si papa dicat talem administrationem cedere in detrimētum salutis spiritualis, ut quòd talis lex seruari nō posset sine peccato mortali, aut esse contra ius diuinum, aut esse fomentum peccatorum, standum esset iudicio Pontificis, quia Rex non habet iudicare de rebus

de rebus spiritualibus, ut suprà dictum est. Et hoc intelligitur, nisi aperte erraret, uel faceret in fraudē. Habet enim Pontifex rationem habere téporalis administrationis, nec quicquid primò aspectu uidetur conducere ad promouendum religionem, statim decernere sine respectu rerum temporalium: non enim tenentur nec principes nec populi ad optimam rationem uitæ Christianæ, nec ad hoc possunt cogi, sed solùm ad conseruandum legem Christianam intra certos limites, & terminos. Et confirmatur hoc, quia cùm sint in una ecclesia relictæ à Christo duæ potestates distinctæ ad conseruationem & incrementum bonorũ, tam temporalium, quàm spiritualium, & possint non rarò oriri dubia & controuersie inter utrâque potestatem, non uideretur perfectè prouisum ecclesiæ, nisi esset aliquod iudicium, ubi terminarentur huiusmodi dubia: aliàs omne regnum diuisum desolaretur *Mat. 12. the. 12. Luc. 11.* Et nō est rationale dicere, quòd hoc spectet ad principes seculares, qui nō possunt rectè iudicare de spiritualibus. Ergo uidetur quòd potius hoc spectet ad principes ecclesiasticos. Et præterea quātumcunque interueniat detrimentum in administratione temporalium, si aliquid est necessarium ad uitam spiritualem subditorum, postponi debent téporalia. Et ideo cùm cognitio rerum spiritua-

lium spectet ad praelatos ecclesiasticos, etiam iudicium de comparatione temporalium ad spiritualia oportet ut ad eos spectet. Ad hunc sensum supra positum uidetur ponere auctoritatem in temporalibus in summo Pontifice Petrus de Palud licet eam extendat benignius quam opus est. Et uide illum in trac. De potest ecclesiæ. Bonifacius octauus in extrauaganti, unam sanctam. In hac quidem scilicet Romani pontificis potestate, duos esse gladios, spirituales scilicet & temporalem, euangelicis dictis instruimur. Nam dicentibus Apostolis, Ecce duo gladij: hic, &c. & consequenter dicit, Non est potestas nisi à Deo: quæ autem à Deo sunt, ordinata sunt, non autem ordinata essent, nisi gladius esset sub gladio, & tanquam inferior reduceretur per alium in suprema. Et idē determinat Innocentius tertius in c. per uenerabilem. qui fil. sint. legiti. Sed contra aliqua ex prædictis possunt fieri argumenta, quibus moti sunt aliqui ex authoribus ad sententiandum contrariū aliquarū propositionum assertarū. An Christus fuerit dominus totius orbis. Arguitur ergo primò, maximè contra tres primas propositiones, Christus* redemptor noster fuit dominus orbis, etiam secundum humanitatem: sed papa est uicarius Christi: ergo papa est simpliciter uerus dominus orbis, & sic habet omnimodam potestatem supra omnes.

nes principes, & supra omnem potestatem tē-
 poralem. Antecedens patet, quia ipse est Rex
 regum, & dominus dominantium, Apoc. 18. *Apoc. 18.*
 & ipse de se dicit, Data est mihi omnis pote-
 stas in cælo & in terra Matth. 28. Et de ipso ha *Matth. 28*
 betur in prophetis, quòd ipse dominabitur
 Gentium. Psal. 21. Et regnum ipsius omnibus *Psal. 21.*
 dominabitur. Psal. 102. & 46. quòd regnabit *Psal. 102. &*
 super Gentes. Minor autem probatur, tū quia *46.*
 absolūtè dictum est Petro, Pasce oues meas,
 Iohan. ultimo. sine limitatione ergo uidetur, *Iohan. ultimi*
 quòd habet auctoritatem pascendi sicut Chri-
 stus scilicet in spiritualibus, & temporalibus.
 Item quia Apostolis dictum est, Sicut misit
 me Pater, & ego mitto uos. Iohan. 20. sed *Iohan. 20.*
 ipse missus est cum utraque potestate: ergo
 etiam in ecclesia manet utraque potestas.
 Item, Quia uidetur, q̄ se regem fecerit, quia
 de hoc accusatus fuit, nec ipse uidetur negasse.
 Luc. 23. & Iohan. 19. & Math. 27. Ad hoc argu *Luc. 23.*
 mentum primū dico, quòd non statim ua-
 let, quia Christus habuit potestatem tempora *Iohan. 19.*
 lem, uel fuit orbis dominus: ergo hanc potesta-
 tē reliquit in ecclesia, sicut, doctores cōfiteu-
 tur, q̄ in Christo fuit potestas excellentiæ,
 quam tamen nō reliquit in ecclesia. Nec enim
 est in ecclesia potestas instituendi noua sacra-
 menta, nec destituendi iam condita, nec re-
 mittendi peccata sine sacramēto, quæ pote-
 stas

stas fuit in Christo, Et sic esto, quòd conceda-
 tur, quòd Christus habuerit dominium to-
 tius orbis, expediebat quidem, quòd ipse ha-
 beret, tum propter authoritatē personæ, tum
 quia erat renouaturus orbem, & ipse non po-
 terat abuti potestate: non autem expediebat,
 ut eam potestatem relinqueret in ecclesia,
 quia possent pontifices malè uti ad perniciem
 ecclesiæ: sicut etiam doctores alterius senten-
 tiæ fatentur non expedire, ut papa exerceat il-
 lam potestatē. Quid autem opus erat ista po-
 testate mathematica, quam nusquā esset ec-
 clesia in usu habitura? Secūdò, quia alio loco
 16 prolixiùs hūc locū de tēporali potestate Chri-
 sti tractaui, in præsentia dico, quòd * Chri-
 stus non fuit rex hæreditaria successione. Pa-
 tet, quia de hoc regno nihil habemus in Evan-
 gelio, & frustra fingimus: & uidetur quòd
 fœmina nō posset uenire ad regnum, & sic nec
 17 Christus. Tertiò dico, q̃* nec puto eū etiam
 dono Dei habuisse dominium temporale, qua-
 le est dominium principum: sed regnum ipsius
 fuit alterius rationis. Et utrūque horum pro-
 batur: quia ubicunque fit mentio de regno
 Messia in Scriptura, semper ostenditur esse
 alterius generis, & ad alium finem quàm re-
 18 gna temporalia. Hoc patet in Psal. 2. Ego autē
 cōstitutus sum Rex ab eo super Sion mōtem
 sanctū eius, prædicās præceptū eius. Quem lo-
 cum

cum ipse dignatus est exponere in Euangelio Iohan. 18. Regnum meum non est de hoc mundo. Ego ad hoc ueni in mundum, ut testimonium perhibeam ueritati. Quod idē est, ac dicere, prædicans præceptum eius in quo loco profectò in sensu literalī uidetur omnino exclusisse omnē opinionem de regno temporali. Cū enim Pilatus interrogasset, Tu es rex iudeorum, Respōdit Dominus, A temetipso hoc dicis, an alii tibi dixerūt de me? Quæ uerba id apertè ostendunt. Nam Pilatus legis ignarus, & religionis, non poterat intelligere aliud regnum, nisi temporale, quale principes seculi habent: atque adeò si hoc à se diceret, an Christus scilicet esset rex non poterat intelligere, nisi de regno temporali, & oportuisset aliter respōdisse, quàm respondit. Si autem hoc dicebat ex criminatione Iudeorum, qui dicebant eum se regem facere, aliter erat respondendum. Et sic postquā Pilatus dixit, Gens tua, & pontifices tui tradiderunt tē mihi, Dominus uoluit eum admonere, ne deciperetur calumniis iudeorum, sed intelligeret, quòd regnum, cuius Iudæos malè habebat Christum se regem facere, nō esse tale regnū, quale Pilatus potuerat intellexisse, sed esse regnum Messia, quod uon erat regnum de hoc mundo, id est, non eiisdem rationis, nec ad eum finem, ad quem alia regna ordinantur, sed

sed ad prædicationem ueritatis : quasi dicat,
 Noli falli, regnum meum, de cuius affectatio-
 ne me Iudæi accusant, non est tale regnum,
 qualia uestra regna. Itaque non negat cri-
 men obiectum, si sanè, & uerè intelligatur,
 Neque Iudæi unquam eum accusauerunt de
 alio regno, nisi de regno Messia. sic enim di-
 cebant Luc. 23. Hunc inuenimus subuerten-
 tem gentem nostram, prohibentem tributa da-
 ri Cæsari, & dicentem se Christum regem esse.
 Verum est autem, quòd Iudæi putabant re-
 gnum Messia esse regnum temporale, cuius
 sententiæ etiam uidetur esse isti, qui ei tribuunt
 hæreditario iure regnum Iudæorum, quod ta-
 men Christus aperte negauit. Regnum* ergo.
 Christi in toto orbe nec fuit ex aliquo princi-
 pio humano, puta iure paterno, aut electione,
 aut alio simili titulo, nec ad aliquem finem té-
 poralem, sed fuit titulo redemptionis, sicut
 Apostolus dixit, Factus est obediens usque ad
 mortem, propter quod & Deus exaltauit il-
 lum, & donauit illi nomen, quod est super
 omne nomen, ut in nomine Iesu omne genu
 flectatur, cælestium, terrestriū, & inferiorū.
 Philipen. secundo. Atque etiam ad finem re-
 demptionis, qui est finis spiritalis, ad quē fi-
 nē habuit plenissimā potestatē, etiā in téporali-
 bus, & potuit mutare omnia regna mundi, &
 nouos principes instituere & alios redigere
 in

in ordinē, & priuatas facere, & omnia facere,
 quæ ad finem redemptionis, propter quem
 in orbem uenerat, opus essent: quam etiā po-
 testatem in casu non negamus ecclesiæ. Pro-
 fectò si omnes Christiani uellent principes pa-
 ganos eligere, papa posset obstare, & Christia-
 nos principes præficere. Facit etiam illud, Non
 enim misit Deus filium suum in mundum, ut
 iudicet mundum, sed ut saluetur mundus per *Iohan. 3.*
 ipsum. *Iohan. 3.* & alibi. Quis me constituit iu- *Luc. 12.*
 dicem inter uos? *Luc. 12.* Et ratione probari
 potest, quia non est usus ea potestate, & fru-
 stra est potentia, quæ nõ reducitur ad actum.
 Sed dicunt propter dignitatem, & perfectio-
 nem. magna uerò dignitas, quã affectaret Do-
 minus, earum rerum scilicet quas omnes Pau- *Philip. 3.*
 lus tâquã stercora arbitratus est, *Philipen. 3.*
 Certè Christus uerbo docuit contemnere,
 non solùm usum, sed proprietatem rerũ tem-
 poralium, nedum exemplo sibi uendicasset.
 itē faciūt argumentũ ex illo. *Luc. 22.* Ecce duo *Luc. 22.*
 gladij hĩc. De quo uide Caietan. in ientaculo.
 * Bonifacius in extrauaganti intelligit. de gla-
 dio spiritali, & temporali. & Bernardus ad
 Eugenium. Tertiò Arguitur, Zacharias pon-
 tifex deposuit à Regno regem Francorum
 Christianum, & præfecit in regno Pipinũ, Ca-
 roli magni patrem, ut testatur Gelasius. 15. qđ.
 6. c. alius. Stephanus papa trāstulit imperium à
 Græcis

Græcis ad Germanos tempore Constantini imperatoris, & instituit primum imperatorem Carolum cognomento magnum, ut testatur Innocentius tertius in c. uenerabilē. de electione. uide in c. licet, de foro cōpetēti, & in clementina, pastoralis. de re iudicata. Item Innocentius quartus Regi Portugalię interdixit regni administrationē, ut habetur in c. grandi. de supplenda negligentia prælatorum. lib. 6. Ad omnia hæc respondetur, quòd nihilo plus probant, quàm à nobis assertum est, quòd scilicet in casu summus pontifex omnia illa potest, ubi scilicet illa sunt necessaria ad tollēdū scandalum in regno, ad protectionem religionis contra paganos, & alia similia. Quartò arguitur, Ad ecclesiasticam potestatem spectat cognoscere de omni peccato mortali, saltem deuoluitur iudicium ad illam per uiam correctionis fraternæ. Matthe. 18. Cū ergo in omni causa quantumcunque seculari altera pars facit iniuriam, ergo ecclesia poterit iudicare de illa causa, & sic poterit cognoscere de omni cōtrouersia, & causa seculari, quod spectat ad potestatem ciuilem. Respondetur in multis articulis & causis, Vtrum pars faciat iniuriam, dependet ex iure ciuili: & ideo non spectat ad potestatem ecclesiasticā de illa causa, sed oportet q̄ terminetur in foro suo, scilicet ciuili. Postquā autem illi terminata est, si pars altera nollet

Matth. 18.

ra nollet obedire, tunc ratione peccati posset haberi recursus ad ecclesiam, sed non prius. Secundò, Ille processus, quo tales causæ deuoluuntur ad iudicium ecclesiæ, est solum ad finem correctionis fraternæ, & non ad satisfactionem partis læsæ: in foro autem ciuili contrario modo, & ideò iudicium illud potestatis ecclesiasticæ nõ est temporale, sed spirituale, nec etiam illo iudicio debet aut potest papa uti in fraudem, aut impedimētum iurisdictionis ciuilis. De duobus gladiis clarū est, quòd in sensu literali nihil habetur. Sed cū Christus ostendisset eos habituros contradictionem, & necesse esse habere defensionem, ipsi errantes dixerunt, Ecce duo gladij hīc, &c. Vide Turrem crematam libro. 2. c. 113. 114. 115. Secundò potest fieri argumētū, quia pōtiffices distribuunt prouincias infidelium, ut patet de insulis inuētis ab Hispanis: sed ex dictis patet solutio. Nihilominus uitandus est error Ocham. in dialog. lib. 6. c. 8. & in fine dialogi. & Gerson. lect. 4. de uita spiritali. quòd papa non omnia peccata potest punire sentētia excommunicationis, puta peccata, quæ sunt cōtra legem naturæ, sed solum quæ sunt directè contra Euangelium, ut de sacramētis, & fide. Hoc est cōtra Paul. 2. Corin. 5. ubi excommunicat incestum: quod tamen peccatū est contra naturam.

Vtrum

VTRVM ECCLESIASTICI

sint exempti à potestate ciuili.

S V M M A.

- 1 Ecclesiastici, quòd iure sint exempti, & liberi à potestate ciuili, &c.
- 2 Clericorum, quòd non omnis exemptio sit de iure diuino.
- 3 Clericorum aliqua exemptio à potestate seculari, quòd sit de iure diuino.
- 4 Clericorum personæ, quòd nō omnino, & quoad omnia sint exemptæ à potestate ciuili, nec iure diuino, nec humano.
- 5 Ecclesiasticæ personæ dato quòd non essent exemptæ iure diuino, aut Casareo, quòd summus Pōtifex potuit eas eximere à potestate ciuili.
- 6 Clericorum exemptio, maximè quoad personas, ita quòd nec iudicari, nec pūniri à seculari potestate possint, quòd sit multū conformis iuri diuino, & naturali.
- 7 Clericorum exemptio, siue sit de iure diuino, siue non, quòd tamen non possit à principe seculari huiusmodi libertas, uel exemptio tolli.
- 8 Clericorū libertas si esset in manifestam Reipub. perniciem, & pontifices nollent remediū adhibere, quid agendum.
- 9 Prætores, & magistratus omnes citra Principē, quòd grauiter errent, & peccent, iudicia exercentes contra priuilegia clericorum, quāuis perniciosorum.

SEQUITVR consequenter, ut econtra-
Srio quæramus, an ecclesiastici sint exēpti
à potestate ciuili. Ad quæstionem respondeo
breuiter

breuiter per propositiones.

¶ Prima, Ecclesiastici * iure sunt exempti & liberi à potestate ciuili, ita ut non possint conueniri apud iudicem secularem in causis criminalibus, uel ciuilibus. II. q. I. & in uarijs locis, quæ omitto, quia nota sunt, & non est opus uos illorum admonere, & oppositum est condemnatum in concilio Constantiensi inter articulos Iohannis VVicleff.

¶ Secunda propositio, Non * omnis exemptio clericorū est de iure diuino. Probatur primò, Hoc non habetur alicubi in iure diuino: ergo nō est tali iure sancita, huiusmodi exemptio. Antecedens probatur, Quia duo testimonia, quæ adducunt ad hoc probandum, non satis ostendunt hanc exemptionem. primus locus est Matth. 17. ubi cū exegissent didrachma à Christo, Dominus dixit Petro, Reges gētium à quibus accipiunt tributum uel censum, à filiis suis, an ab alienis? Et ille dixit, ab alienis. Dixit illi Iesus. Ergo liberi sunt filij. Vt autem non scandalizemus eos, uade ad mare, & mitte hamum, & eum piscem, qui prius ascēderit, tolle, & aperto ore eius, inuenies staterem, illum sumens, da eis pro me & pro te. Ex quo loco arguunt, In illo loco Christus signauit ali- quod hominum genus non esse obnoxium principibus, sed esse liberum: non autem uidetur intelligi posse alius ordo hominū præ-

ter ecclesiasticos, qualis erat Christus cū Apostolis. ergo illi sunt liberi. Assumptum probatur, quia certē non intelligitur de militibus, nec de nobilibus, omnes autē alij sunt subiecti tributo. ergo omnino oportet, quod intelligatur de ecclesiasticis. Respondetur ad istum locum ex S. Tho. & Bonauent. in fine secūdi senten. quod Dominus loquebatur de se, & discipulis suis, qui non erāt seruilis conditionis, nec res temporales habebant, de quibus dominis suis obligarentur ad tributa soluenda: Et ideo non sequitur, quod omnis Christianus, inquit, sit particeps huius libertatis, sed illi solū, qui Apostolicam uitam sequentes, non sunt seruilis conditionis. Fortasse ergo solū uoluit Christus eximere eos, qui nō habent facultates: ecclesiastici autem habent. Itē dicit S. Tho. in illum locum Matthæi, ubi etiam dicit, quod uidetur uelle Dominus innuere, quod ipse nō tenetur soluere censum, quia sit Rex: ipse enim est Rex regum, & dominus dominantium. Est autem differētia inter tributum, & censum. Tributum enim soluitur ex bonis, census autem pro capite in signum subiectionis. Christus autem non erat subiectus, quia rex, & ad hoc satis erat, quod esset rex regno Messia, etiam si non esset rex regno seculari. Messias enim quo ad personā saltem

saltem exemptus erat à potestate principum. Item etiam erat de genere regum, erat enim filius David, unde illud uidebatur satis ad exemptionem. Si enim pater est exemptus, etiam filius: ergo si maiores Christi fuerunt exempti, ergo etiam Christus, etiam lege gentium. Vel aliter, et credo quòd uerius. Christus enim est rex totius orbis, & per consequens filij naturales Dei sunt exempti etiam iure gentiù, & ideo Christus liber: non tollebat enim libertatem humanitas, fortè enim Christus uoluit significare se filium Dei. Secundum locum ex Scriptura solent afferre, Nolite tangere Christos meos. *Psal. 104.* ex quo uolunt habere, quòd eum clerici sint christi Domini, cùm sint reuera uncti, & consecrati Dominò, quòd non licet eos tãgere, hoc est nec iudicare. Sed ille locus nihil iuuat causam clericorum. Nam aut illud testimonium nihil de clericis, aut solũ in sensu allegorico, unde non trahitur argumentum. Secundò principaliter arguitur, Quia clerici sunt exempti à tributis non iure diuino, sed priuilegio principum. Hoc expressè dicit S. Tho. super illum locum *Rom. 13.* Ideo non tributa prastatis: & dicit hanc exemptionem habere æquitatem quandam, non autem necessitatẽ. Et probatur, Quia in eo loco absolute Paulus præcipit solui tributa, nulla men-

tionē facta de clericis, aut alio genere hominum. ergo illa exemptio à tributis non est de iure diuino. omnino enim est licentiosè & temere factum, si canon positus in Scriptura est generalis, ponere exceptionem, quę nusquam in Scriptura posita sit, cū Scriptura sit aperta omnino. Certè puto clericos nō esse exemptos à tributis iure diuino. Et confirmatur, Quia sentiunt commodum, ergo debent sentire onus.

3 ¶ Tertia propositio, Aliqua* exemptio clericorum à potestate seculari est de iure diuino. Hęc probatur, In causis purè ecclesiasticis clerici nō subiiciuntur potestati ciuili de iure diuino. ergo aliqua exemptio est de iure diuino. Antecedens patet ex dictis. Quia potestas ecclesiastica est distincta à ciuili, nec ab ea dependet, & princeps secularis non habet iudicare de causis spiritualibus: ergo quo ad illas causas ecclesiastici sunt omnino exempti. Et confirmatur, Tota potestas principum secularium est à communitate & republica, ut in præsentia supponimus. sed respublica non habet aliquā potestatem spiritualem ut infra, ostenditur: ergo nec princeps secularis potest in rebus spiritualibus iudicium habere. Et confirmatur secundo, Quia Apostoli exercebant, & curabant totā administrationem ecclesię sine respectu nec autoritate principum secularium

rum:& ita omnes sancti fecerunt etiam post
Christianitatem principum. Ergo ecclesia ha-
bet omnimodam potestatem in rebus ecclesia-
sticis, nec subiiciuntur principibus. Actuum 5.
5: Petrus interfecit Ananiam & Sapphiram.
Damnatum est oppositum contra Marfi. de
Padua. Ex his seq. corollarium, Quod si princi-
pes circa administrationem rerum ecclesiasti-
carum aliquid loci habēt, ut eligere episcopū,
aut præsentrare personas ad dignitates, aut sa-
cerdotia ecclesiastica, hoc totum habent priui-
legio & indulgentia ecclesiæ, non ratione suæ
dignitatis. Corollarium constat ex dictis, Cir-
ca quod nota, quod dominus Caietanus Caiet.
concedit libro de potestate papæ. c. 27. quod
etiam circa administrationem ecclesiasticam
possunt principes resistere papæ, si manifestè
dissipet ecclesiam, ut si perniciosè provideat
vel simoniacè det beneficia, nō est danda pos-
sessio illis, nec obediendum in malis. uide il-
lum. Confirmatur hoc ex c. quanquam. de cē-
sibus. quod personæ ecclesiasticæ non solum iu-
re humano, sed diuino sunt exemptæ à secula-
ribus. & c. si Imperator. 96. dist. quod Deus uo-
luit non à legibus publicis nec à potestatibus
seculi, sed à Pōtificibus, & Sacerdotibus ordi-
nari, & iudicari. Et confirmatur hoc totum,
Quia Petro dictum est, Pasce oues meas. Io-
hann. 21. Si ergo princeps haberet iudicare in cau-

sis ecclesiasticis, uel hanc potestatem haberet ex æquo cum papa: & hoc non est possibile, quia esset confusio Reipub. nec supra Petrum, quia Petrus habuit immediatè à Christo. Ergo non potest habere nisi sub Petro, uel à Petro, &c. Et cōfirmatur iterū ex uerbis & facto magni Constātini, qui (ut refert Rufinus lib. 10. ecclesiasticæ historiæ) cū episcopi, qui cōuenerant ad synodum Nicenam, obtulissent ei libellos, ubi continebantur causæ & querelæ aliorum aduersus alios, conuocatis illis omnibus, dixit, Deus uos constituit sacerdotes, & potestatem de nobis quoque iudicandi, & ideo nos à uobis rectè iudicamur, uos autem iudicari ab hominibus non potestis. Ecce confessionem Imperatoris: & quidem (ut uerisimile est) non ex suo sensu expressa, sed instructus à uiris spiritualibus, & sapientibus. Hoc uidetur dixisse: ubi confitetur non posse clericos iudicari ab hominibus. Si hoc uerum est, certè potissimū uerum habet in causis spiritualibus: ita quòd non est dubitandum quin principes non habeant aliquod iudicium, nec administrationem nec de iure diuino, nec à republica in rebus spiritualibus: & si quid iuris habent, totum est ab ecclesia.

¶ Quarta propositio, Personæ* clericorum non omnino & quo ad omnia sunt exemptæ à potestate ciuili, nec iure diuino, nec humano.

no. Patet, Clerici tenentur obedire legibus ciuilibus in his quæ spectant ad gubernationē & administrationem temporalem ciuitatis, & non impediunt administrationem ecclesiasticam, & peccant facientes contra legem. Ergo non omnino sunt exempti. Consequentia est nota. Nam si essent omnino exempti, nō plus tenerentur ad leges ciuitatis, quàm si essent aliterius reipublice. Antecedēs autem probatur. Quia clerici præter hoc, q̄ sunt ministri ecclesiæ, sunt ciues ciuitatis. Ergo tenentur uiuere aliquibus legibus ciuilibus, & non legibus ciuilibus latis à papa: quia papa non potest cōdere leges ciuiles ordinariē, ut suprā probatū est. ergo clerici tenentur uiuere legibus ciuilibus latis ab Imperatore, aut principe laico. Itē Rex est rex nō solūm laicorū, sed & clericorū: ergo aliquo modo subiiciuntur ei. Item clerici quantum ad temporalia non administrantur potestate ecclesiastica, ut dictum est. ergo habent principem, cui tenentur obedire in temporalibus.

¶ Quinta propositio, Dato* quod personę ecclesiasticæ non essent exemptæ iure Diuino, aut Cæsareo, summus Pontifex potuit eas eximere à potestate ciuili. Probatur, Hoc est conueniens, imò uidetur necessarium ad administrationem rerum spiritualium, quod personę ecclesiasticæ sint exemptæ à iudicio ciuili: &

g 4 ut suprā

ut supra dictum est, res publica ecclesiastica est perfecta, & sibi sufficiens: ergo in ea est potestas ad ferendas leges conuenientes administrationi ecclesiæ: ergo si exemptio clericorum est cōueniens, potest ferre leges de tali exemptione. Quod autem sit necessaria talis exemptio, patet: quia si ministri ecclesiæ possent trahi ad iudicium seculare, possent auocari à ministro ecclesiæ, & non possent commodè uacare officio suo. Nemo enim militans Deo, implicat se negotijs secularibus. 2. Thim. 2. & ita si implicarētur ministri iudicijs secularibus, nō possent Deo militare. Itē papa posset propria authoritate deligere ministros ecclesiasticos, non obstante, quod potestas ciuilis contradiceret: ergo eadem ratione potest subtrahere illos à iudicio seculari. Item cū pro causis ecclesiasticis, ut dictum est, posset conueniri, imo non posset alibi appellari, nisi in iudicio ecclesiastico, si posset simul uocari ad iudicium seculare, esset omnino perplexus, ut non posset satisfacere utrique iudicio. Item quia re uera nullo modo erat consentaneum, ut ecclesiastici, qui sunt pastores ipsorum etiam iudicum secularium, uexarētur in iudicio à subditis suis.

6 ¶ Sexta propositio, Exemptio * clericorum, maxime quo ad personas, ita scilicet quod nec iudicari, nec puniri à seculari potestate possint,

sint, est multum conformis iuri diuino, & naturali. hæc propositio primò probatur ex illo iudicio magni Constantini, supra posito, cuius uerba sunt, Vos autem non potestis ab hominibus iudicari, propter quod dei solius inter uos expectate iudicium, & uestra iurgia quæcunque sunt, ad diuinum reseruétur examen: uos enim nobis à Deo dati estis dii, conueniens non est, ut homo iudicet deos. Idem apparet ex facto Ioseph, Gen. 47. qui reliquit terram sacerdotalem liberam. Item sunt distinctæ potestates & respublicæ: ergo de se oportet ut habeant proprios ministros, qui non habeant seruire alijs præpositis, nec ab illis occu-
 pari. Item omnino sequeretur magna absurditas, ut prætor diceret causam coram episcopo, & episcopus coram prætore, & esset scandalum: qua etiã ratione Apostolus prohibet, ne apud ethnicos habeant causas. I. Cor. 6. Audet aliquis uestrum habens negotium contra alterum iudicari apud iniquos, & non apud sanctos? Effet apertè scandalum, si prædicatores haberent causas coram rege pagano.

¶ Septima propositio, Siue exemptio clericorum sit de iure diuino, siue non: tamen nõ potest à principe seculari tolli talis libertas, uel exemptio. Hæc primùm patet ex quinta, quia postquam hoc expedit administrationi rerum ecclesiasticarum, papa potuit eximere mini-

stros ecclesiæ etiam sine autoritate principū. Secūdo probatur, Quia potestas principū est tota à republica. sed tota respublica Christiana iam consensit in hanc libertatem ecclesiasticorū. Ergo principes nō possunt illā auferre.

¶ Octaua propositio, Nihilominus* si libertas clericorum esset in manifestam reip. perniciem, ita ut ecclesiastici impune bacchantur in cædem laicorum, & pontifices nollent adhibere remedium, possent principes consulere suis ciuibus, non obstante priuilegio clericorum. Probatur, Quia (ut suprà dictum est) respublica ciuilis est perfecta, & sibi sufficiens: ergo potest se defendere, & seruare ab iniuria cuiuscūque propria autoritate, & super hoc leges conuenientes ferre. Et confirmatur, Nā possunt principes seruare proprias respublicas ab iniuria aliarum rerū publicarū, non solum per modum defensionis, sed authoritatiuè, ut suprà ostensum est: ergo etiam ab iniurijs clericorum.

¶ Nona propositio, Prætores* tamen, & omnes magistratus citra principē grauiter errant, & peccant, iudicia exercentes contra priuilegia clericorū, quamuis perniciosorū, & etiam criminosos ab ecclesiis extrahentes extra casus in iure permisos. Probatur hoc, Quia nō sunt subditi illorum, nec habent potestatem in illos, & stantibus legibus, non licet eis agere
contr

contra leges, & ipsi non habent potestatem, uel tollendi legem, uel dispensandi in lege, sed solum principes. Iohannes uicesimus secundus in extrauagantibus damnauit errores Marsilii de Padua, & Iohannis de Landuno: inter quos unus est, quod cum Christus in Euangelio Matth. 17. soluit tributum, hoc fecit non liberalitate, & condescensione, sed necessitate coactus. Secundus, quod ad Imperatorem spectat corrigere papam, ac instituere. Tertius, quod unus sacerdos habet maiorem auctoritatem, quam alius, hoc habet ab Imperatore, & sicut dedit potestatem tollere. Quartus, quod nec papa, nec tota ecclesia posset punire quemcumque hominem coactum, nisi Imperator dedisset auctoritatem. Caiet. De potestate papae c. 27. dicit quod quamuis quilibet licite possit occidere papam inuasorem, se defendendo: tamen nulli licet papam propter homicidium punire poena mortis: & credo quod intelligit iure diuino, alias nihil esset dictum.

RELECTIO SECVNDA

DE POTESTATE ECCLESIASTICA.

S V M M A.

- 1 Potestas ecclesiastica, an sit per se in tota ecclesia.
- 2 Potestas ecclesiastica, siue spiritalis quomodo possit esse in tota ecclesia, ostenditur.
- 3 Potestas spiritalis tota, quae fuit in ueteri lege, quo primò,

primò, & solū in tribu leuitica fuerit.

4 Potestas uerè, & proprie spiritalis, qualis nunc est in ecclesia, quæ uocatur potestas ecclesiastica, quod nec primo, nec per se, imò nullo modo sit immediatè in tota ecclesia uniuersali eo modo, quo potestas ciuilis est in republica.

i Ecclesia ex quibus constet.

6 Potestas ecclesiastica quod immediatè sit in consilio, & etiam ratio totius. Et mult. a de potestate Concilij.

IN ALIA Relectione pro ann. 1531, diſſe-
ruimus de potestate ecclesiastica ex parte,
hoc est, de ecclesiastica potestate, quo iure, &
quando instituta est, de distinctione ipsius à
potestate ciuili, de comparatione eius ad pote-
statem ciuilem: in hac relectione consequen-
ter disputaturi sumus de subiecto huius pote-
statis, & reliquas grauioreſ quæſtiones theolo-
gicas circa potestatem contingentes. Ante o-
mnia ergo quæritur, * An potestas ecclesiasti-
ca sit per se in tota ecclesia, distinguendo eccle-
siam uniuersalem à singularibus personis, eo
modo quo cōcedūt tū philosophi, tū Theolo-
gi. & uerū est, quod ciuilis potestas est im-
mediatè in tota republica. Et quidem posset
uideri, q̃ sic est. Primò ex hoc ipso, quod exē-
pli gratia attulimus, nam potestas secularis est
in tota republica, & ab illa deriuatur in magi-
stratus, & alias potestates, & ordo gratiæ non
tollit ordinem nature, cum utrūque sit à Deo.
Potest hoc confirmari, Quia ordinatio reipu-
blica

blicæ ciuilib, æque est à Deo sicut & ecclesiasti-
 cæ, nec fuit de iurè naturali: si ergo hoc fuit da-
 tum reipublicæ ciuili ut ab ea dependeat tota
 potestas ciuilib, ut quid hoc Deus nō dedisset
 ecclesiæ suæ dilectissimæ? Ergo eadem ratio-
 ne uidetur quod potestas ecclesiastica sit in to-
 ta uniuersali ecclesia, quæ nihil aliud est;
 quàm Christianorum quædam respublica. Et
 probatur, Quia utraque potestas est propter
 bonum reipublicæ ergo si propter bonum, &
 in bonum reipublicæ cōstituta est, uidetur q̃
 primò debet esse in republica. Confirmatur se-
 cundò, Quia concilium dicit in suis Decretis,
 uniuersalem ecclesiam representans. Et confir-
 matur, Quia in concilio ritè congregato est
 immediatè potestas ecclesiastica, ut in presen-
 tia suppono tanquā uerum, & statim probatu-
 rus sum: sed concilium non uidetur uendicare
 sibi illam potestatem nisi inquātum gerit per-
 sonam & uices totius ecclesiæ uniuersalis. Se-
 cundò arguitur principaliter, Quia ecclesia eli-
 git summum pontificem. Cardinales enim nō
 sua auctoritate, sed ecclesiæ eligunt papam: er-
 go ecclesia habet summam potestatem. non
 enim posset dare quod non habet. Tertiò ar-
 guitur ex illo Matt. 18. Dic ecclesiæ, & si eccle-
 sia non audierit, sit tibi tanquam ethnicus, &
 publicanus. ubi data est potestas ecclesiæ. Quar-
 to arguitur, Prælati sunt ministri ecclesiæ, er-
 go po

Matt. 18.

go potestas est ecclesiæ. Ad solutionem huius quæstionis oportet reuocare in hanc disputationem distinctionem illam dudum à nobis positam in proxima relectione, quæ talis est, Potestas ecclesiastica dupliciter accipi potest. Vno modo largè pro quacunque autoritate, aut potestate ordinata per se ad finem spiritua-lem, & ad cultum diuinum, siue habeat aliquè effectum spiritualem & supernaturalè, siue nò habeat: qualis fuit potestas omnis ecclesiastica, aut clauis ecclesiæ datæ à Domino, cuius modi fuit Sacerdotium totum in lege naturæ, & in lege scripta. Aliter capitur potestas ecclesiastica pro potestate & autoritate propriè spiri-
 tuali, aperiendi scilicet & claudendi regnum
 cælorum, quæ sola potestas uocatur clauis à
 Domino, Mat. 16. & 18. quæ solæ habet effectū
 spirituale, ut in priori relectione declaratū est.

Matth. 16.
 18.

¶ His præmissis sit prima propositio, Pote-
 2 stas* ecclesiastica siue spiritalis, primo mo-
 do potest esse in tota ecclesia siue republica.
 Probatur hoc, Quia quælibet respublica con-
 stituta, illustrata est à Deo. Patet ad Roma. 13.
 Non est potestas nisi à Deo. Secundū corolla-
 rium, Sacerdotes Gentilium poterant leges &
 decreta facere de cultu sacrorum. Patet, quia
 habebāt authoritatem uel lumine fidei, uel so-
 lū lumine naturali sine noua autoritate or-
 dinati in finem spirituale, & sunt capaces cul-
 tus

Rom. 13.

tus diuini, imò ad hoc tenentur præcepto iuris naturalis, ut superiùs ostensum est. De hoc enim damnâtur Gêtiles ad Romanos 1. Quia *Rom. 1.* cum cognouissent Deum, non sicut Deû glorificauerunt, sed administratio huius cultus, uel omnium admonitionum, quæ ordinantur ad finem spiritualem, ut suprà probatû est, non spectare ad potestatem ciuilem, sed ad aliud genus potestatis: ergo apud rempublicam residet huiusmodi potestas spiritualis. Sequitur consequenter corollarium, quòd in lege naturæ respublica habuit authoritatem constituenti sacerdotes, & alios ministros diuini cultus. Hoc patet ex conclusione. Nam si in republica erat huiusmodi potestas, poterat eam mandare, & comittere cuiquæ uellet. Et Confirmatur, Nam cum talis potestas iure naturæ nõ spectaret potiùs ad unum ex ciuibus, quàm ad alium, nõ poterat aliter prouideri, nisi auctoritate reipublicæ. Signum autê huius est, quòd in historia siue fidelium, siue Gêtilium in lege naturæ non legimus sacerdotes aliter constitutos, quàm uel populi suffragiis, sicut apud Romanos, uel regis authoritate apud quem est reipublicæ tota potestas. Si enim Melchisedec fuerit Sem, filius primogenitus Noë (ut Hebræi putant) & hæc fuerit prærogatiua omnium primogenitorum: hoc non est credendum fuisse aliquo speciali præcepto, aut instituto

stituto Diuino, sed ipsius Noë, qui princeps suorum fuit ordinatiõe, aut aliàs aliqua populorum aut nationum ordinatione, uel cõstitutione. Vt enim à nobis in priori relectione disputatũ est, nulla fuit ea ætate potestas, quæ indigeret peculiari autoritate diuina. Et si Abel fuit sacerdos, hoc fuit ipsius Adæ primi parentis ordinatione, quæ & durare potuit usque ad tempora Noë. Et Augusti. 5. libro ad Orosium. & ad Hebræ. 11. dicit quòd obtulit sacrificium.

3 ¶ Secunda propositio, Tota* potestas spiritalis, quæ fuit in ueteri lege, erat primò, & solã in tribu Leuitica, nec licebat alicui ex alia tribu ministrare in templo. Hoc patet Deute. 10. ubi post mortem Aarõ, qui & ipse erat de tribu Leui, functus est sacerdotio Eleazar filius eius: & ex eo tempore iugiter separauit tribum Leui, ut portaret arcã fœderis Domini, & staret coram eo in ministerio, ac benediceret in nomine eius usque in præsentẽ diem: quamobrem nõ habuit Leui partem, nec possessionem cum fratribus suis, quia ipse Dominus possessio eius est. Et idẽ habetur Iosue. 13. Tribui autem Leui non dedi possessionem, sed sacerdotia, & uictima Domini dei israel, ipsa est eius hæreditas. Et confirmatur ex Paulo ad Heb. 7. ubi dicit, quòd Leui, qui decimas accipit, decimatus est in lûbis patris eius Abrahæ. & iterum

& iterum, Si ergo consummatio per sacerdotium Leviticum erat, quid adhuc necessarium fuit secundum ordinem Melchisedec alium surgere sacerdotem? Ex quo patet, quod totum sacerdotium ueteris legis erat in tribu Leuitica. Et confirmatur, Quia ibidem Paulus dicit de duobus: manifestum est enim quod de Iuda ortus sit Dominus noster: in qua tribu nihil de sacerdotibus loquutus est Moyses: & eadem ratio est de aliis tribubus, de quibus etiam nihil loquutus est Moyses.

¶ Tertia Conclusio, Potestas * secundo modo, id est uerè et propriè spiritualis, qualis nunc est in ecclesia, quæ uocatur potestas ecclesiastica: nec primò, nec per se, imò nullo modo est immediatè in tota ecclesia uniuersali eo modo, quo potestas ciuilis est in republica. Probat conclusio, Quia uel còuenit toti ecclesiæ iure naturali, aut humano, aut diuino. sed nullo tali iure conuenit, ergo non est in illa. Antecedens patet, quia (ut disputatum abundè à nobis fuit in priori relectione) potestas ecclesiastica excedit & ius humanum, & naturale: tum ex parte finis, quia ordinatur in finem supernaturalem: tum ex parte effectus, quia omnino excedit omnem humanam facultatem, qualis est peccatorum remissio, collatio gratiæ, eucharistiæ consecratio. Relinquitur ergo ut nec naturali, nec humano iure hæc potestas

h conue

conuenire possit ecclesiæ uniuersali. Quod autem non conueniat iure diuino, patet: quia tota hæc potestas authorem habet solum Christum dominum nostrum redemptorem, qui est caput omnis principatus & potestatis, ad
Colos. 2. Colos. 2. & ad *Phi. 4.* et ad *Heb. 7.* et ad *Colos. 2.*
Philip. 4. 2. Ipse dedit Apostolos, Prophetas, Euangelistas, Pastores, & Doctores ad consummationem sanctorum, in opus ministerij, in ædificationem corporis Christi. Et ad *Ephes. 4.* dicitur, Vnicuique uestrum data est gratia secundum mensuram donationis. Et *Apoca. 3.* Solus habet dominari regni. Et Apostolus ad
Hebr. 7. 8. 9. Hebræos. 7. 8. & 9. ostendit quod sacerdotium noui testamenti est aliud à sacerdotio ueteris legis, & quod sacerdotium ecclesiæ est secundum ordinem Melchisedec. Est enim trāslatum sacerdotium cum lege, ut Apostolus dicit. sed Christus habuit sacerdotium nō ab ecclesia, sed à Deo, ut patet. *Ioh. 15.* Non uos me
Iohan. 15 *Luc. 5.* elegistis. *Luc. 5.* Et *Psal. 2.* Ego autē cōstitutus sum rex ab eo super Sion montē, &c. Et *Apo-*
Hebr. 5. stolus hoc locis citatis ostendit: & ad *Hebr. 5.* Sicut & Christus non semetipsum ut pontifex fieret, sed qui loquutus est ad eum, Filius meus es tu, ego hodie genui te. quemadmodum alio loco dicit, Tu es sacerdos in æternum secundum ordinem Melchisedec. Et
Hebr. 7. apertè. c. 7. Aliter quidem sine iureiurando sacerdot es

cerdotes facti sunt, hîc autem cum iureiuran-
 do per eum, qui dixit ad illum, Iuravit Domi-
 nus, & nō pœnitebit eum, tū es sacerdos, &c.
 Et Psal. 44. Thronus tuus in seculum secu- *Psal. 44.*
 li, propterea unxit te Deus Deus tuus oleo
 exultationis. Iāmque dubitari non debet, nec
 potest, quin tota potestas ecclesiastica sit à
 Christo, & quòd ipse non habuerit eam ab ec-
 clesia: sed ipse dederit alijs ius illud, Iohan. *Iohan. 20.*
 20. Sicut misit me Pater, & ego mitto uos.
 Quòd autem ipse non dederit immediatè, &
 primo ecclesiæ, sed certis suppositis, & perso-
 nis: patet Matth. 16. ubi promisit Petro claves, *Matth. 16.*
 & super eum se ædificaturum ecclesiam polli-
 citus: cui etiam Iohan. ultimo, dixit, Pasce *Iohan. ulti-*
 oues meas. Et omnibus Apostolis. Iohan. 20. *mo.*
 Quorū remiseritis peccata, &c. nusquam inue- *Iohan. 20.*
 nitur dedisse ecclesiæ in communi. nam etiam
 Apostolis in Cœna dedit potestatem conse-
 crandi eucharistiam. Lucæ. 22. Hoc facite in *Luc. 22.*
 meam commemorationem. Et ipse non to-
 tam communitatem sed, solos Apostolos duo-
 decim dicit elegisse, Iohan. 6. Item quando-
 cunque Christus dedit hanc potestatem, non
 erat tota ecclesia, sed soli Apostoli, etiam non
 admissis 72. discipulis. Præterea si potestas ec-
 clesiastica esset primò in ecclesia, sequitur
 quòd omnes alij haberent potestatem ab ec-
 clesia, hoc est à communitate, & republica
 h 2 Christia

Christianorum, sicut omnis potestas ciuilis est à cōmunitate. Consequens patet falsum. Nec enim Apostoli, nec succēsores eorū habuerunt potestatem ab alijs hominibus, sed ipsi à Christo, & alij ab Apostolis, imò nullus unquam habuit ab ecclesia uniuersali. Præterea Paul. ad Gala. 1. testatur se non ab hominibus, nec per hominē, sed per Iesum Christū & Deum patrem Apostolum constitutum. Et si mile poterant dicere alij Apostoli. Præterea in scripturis nusquam legimus sacerdotes ex autoritate & consensu plebis constitutos, sed à pontificibus, & prælatis, ut Paulus ordinauit Timotheum, & Titum. 1. ad Timot. 4. Noli negligere gratiam, quæ in te est, quæ data est tibi per prophetiā secundum impositionem manuum præbyteri. Et idem repetit 2. ad Timo. 1. idē ad Titum. 1. habet huius rei gratia, Reliqui te Cretæ, ut ea quæ defunt, corrigas, & constituas per ciuitates præbyteros. Itē ad Hebr. 5. Nec quisquam sumat sibi honorem, sed qui uocatur à Deo tanquam Aaron. A Deo dixit, non à plebe, ut uult impius Lutherus, Aaron siquidem, non à plebe constitutus legitur, sed à Deo, ut patet Exod. 28. Nec unquam auditum est in tota serie scripturarum sacerdotes inter fideles aut plebis autoritate, aut consensu institutos: & ethnici sacerdotes suffragijs populi creabantur, tales erant & Pha

Phamonis sacerdotes, sed talis cōsecratio, qua
le sacerdotiū erat. Item. I. ad Timo. 5. admonet *1. Timot. 5.*
Paulus, Manus citò nemini imposueris. non
ergo à plebe, sed ab episcopo creabantur sacer
dotes. non ergo potestas ecclesiastica est pri
mò, & immediatè in tota ecclesia, sed in certis
personis. Probatur ratione, Quia in potestate
ecclesiastica continetur potestas consecrandi
sacrosanctam eucharistiam: sed hæc potestas
non est immediatè in communitate, cū illa
non detur sine cōsecratione, nec potest eccle
sia immediatè consecrare. Et confirmatur,
Potestas remittendi peccata in foro interiori
& pœnitentiæ non est in ecclesia immediatè.
Item eadem ratione potestas episcopalis esset
immediatè in prouinciam episcopi. Conse
quens nullus concedit. Nemo enim concedit,
quòd totus populus unius prouinciæ habeat
immediatè potestatem episcopalem, uel quòd
ab illo deriuetur potestas in episcopum: ergo
similiter nec in tota ecclesia. Item cōfirmatur
hæc ratio, In communitate domestica, id est
in familia, potestas, & autoritas regendi non
est immediatè penes familiam, sed penes pa
trem familias: sed episcopus est tanquam pa
ter in ecclesia, quia est tanquam uir, uel mari
tus eius: ergo. Item arguit Caieta. Certum est, *Caietanus.*
ut suprà diximus, quòd potestas ecclesiastica
primò fuit in Christo domino totius ecclesię,
h 3 tanquam

tanquam in principe, non subdito ecclesiæ,
 nec dependens ab illa. sed episcopus adhuc est
 caput & princeps ecclesiæ, est enim adhuc no-
 biscum usque ad consummationem seculi,
Matt. 28 Matth. 28. Et iudex uiuorum & mortuorum.
Aët. 10 Actuum. 10. Et uiuit, & regnat Deus in secula
Apoc. 1 seculorum, Apoca. 1. Et apprimè Paulus. 1. ad
1. Corin. 15 1. Corin. 15. de hoc regno Domini loquens di-
 cit, Vnusquisque autem in suo ordine, primi-
 tiæ Christus: deinde hi, qui sunt Christi, qui
 in aduentum eius crediderunt: deinde finis,
 cum tradiderit regnum Deo & patri, cum eua-
 cuauerit omnem principatum, & uirtutem, &
 potestatem. Oportet autem illum regnare, do-
 nec ponat omnes inimicos sub pedibus eius.
 Contrà, Ad Christum tâquam ad principem
 spectat ordinare de legato, & uicario suo, &
 ab ipso deriuatur potestas eius, non ab eccle-
 sia, quæ ex natura sua non est domina in ordi-
 ne ad spiritualia, sed serua Christi, quia redem-
 pta est ab eo. Et sic relinquitur, quòd sicut
 princeps ecclesiæ non habet auctoritatem ab
 ecclesia, ita nec uicarius eius. Item probatur
 quòd Christus maneat adhuc caput ecclesiæ:
 quia aliàs non esset sacerdos in æternum. Non
 enim est sacerdos nisi in ecclesia. Et Confir-
 matur hoc, Quia doctores, & sancti non uo-
 cant summum Pontificem uicarium ecclesiæ,
 sed uicarium Christi. Ita enim est uicarius
 Christi

Christi successor Petri, sicut Petrus: Petrum aut & alios Apostolos ecclesia uocat uicarios Dei: ut patet in præfatione, Vt eisdem rectoribus gubernetur, quos operis tui uoluisti esse uicarios. Et glo. super illud Mathæ. 16. Tu es *Matt. 16.* Petrus, dicit Petrum fuisse uicarium Christi. Item arguit Caieta. Signum apertum est hanc potestatem non residere immediatè, & primò apud ecclesiam, quòd ecclesia non potest sibi retinere, nec duobus, aut tribus committere: quòd tamen posset, si ius principatus esset apud illam: sicut posset respublica ad administrationem ciuiliū, uel retinere sibi regimen uel creare Consules, uel Tribunos etiam supra potestatem regiam, sicut erant Ephori apud Lacedemonios, & Senatores supra principem apud Venetos: quod tamen ecclesia nullo modo posset, ut infra ostendemus. Præterea non potest potestas committi alicui communitati, cuius magna pars non est capax illius, sed in ecclesia sunt complures, qui non sunt capaces huius potestatis. ergo non est immediatè in ecclesia. Minor infra probabitur de mulieribus, pueris, & nonnullis fortasse alijs. Item quando aliquid committitur immediatè alicui communitati, omnes illius communitatis æqualiter se habent ad illam, ut patet in re publica seculari respectu ciuilis potestatis absolute: sed non omnes æqualiter se habent in

g 4 ecclesia

ecclesia ad clauēs, ut constat, & statim disputa-
bo: ergo, &c. Vltimò, Potestas spiritualis, qua-
lis erat in ueteri lege, non erat commissa toti
plebi, sed solùm uni tribui, scilicet Leuiticæ,
multo certè minus uidetur tam sublimem po-
testatem, qualis est euangelica, uulgatam toti
plebi.

¶ Ad primum argumentum factum in princi-
pio quæstionis respondetur, negando conse-
quentiam: & differentia, ac ratio est aperta. Ci-
uilis enim potestas, ut declaratum est, non se
extendit nisi ad finem & effectum naturalem:
& sic potestas illa cõmuniter à natura datur,
omne autem naturale est cõmune, & pri-
mò committitur uel speciei, uel communita-
ti, ut esse mortale homini. sed potestas eccle-
siastica est supernaturalis, atque à Deo ad su-
periores data: nec respublica est domina respec-
tu huius potestatis, sed serua, ut dictum est,
& Christus est rex & dominus nō à commu-
nitate ipsa, sed à Deo: & ideo non oportet spe-
ctare quomodo se habeant particulares perso-
næ ad totam communitatem. Licet enim in or-
dine ad naturalia communitas sit superior, &
quilibet homo uelut subiectus, & inferior in
ordine, tamen ad hanc potestatem totum pen-
det ex uoluntate & institutione Christi, qui
fuit primus author huius potestatis. Et præ-
terea respu. spiritualis habet regem Christum,
& potestas

& potestas in ecclesia est uicaria. Et si inſtes,
quia reſpublica Chriſtiana etiam in ordine
ad ſpiritualia eſt unum corpus, ut patet ex Pau
lo ad Roma. 12. & 1. Corin. 12. ſed in corpore
Rom. 12. &
1. Corin. 12.
naturali quicquid committitur parti princi
palius & primo, committitur toti, ut homo
potius uidet quàm oculus, & potestas audien
di potius eſt hominis, quàm aurium: & ſic de
reliquis humanis uiribus. Et oculus potius eſt
hominis, quàm ſuus. ergo ſimiliter in corpore
myſtico eccleſiæ, potestas ſpiritualium ſingula
rium hominum prius erit in eccleſia tota. Re
ſpōdetur, quòd ſicut Ariſto. dicit, parabola, &
analogia nō oportet nec poteſt per omnia eſſe
ſimilis: aliàs iam non parabola, ſed ipſa eadem
res eſſet. Et ideo ut dicit S. Tho. 3. parte, Licet
S. Tho.
corpus naturale, & myſticū multa habeant ſi
milis, nō tamē omnia, ſed differunt non pau
cis, non ſolūm quantū ad eſſe naturale, quia
omnis poteſtas corporis naturalis oportet eſſe
ſimul. Eccleſia* autem conſtat ex omnibus fi
delibus ab Abel iuſto, uſque in finē ſeculi: ſed
multo magis quantū ad ſpiritualia. Vnus enim
homo eſt capax gratiæ, & alterius formæ ſpi
ritualis, quæ non poteſt committi immediatē
toti. itē pars naturalis eſt præciſe proter totū
in corpore: in eccleſia ſinguli homines ſunt
propter Deum, & propter ſe ſolūm, nec bonū
priuatū ordinatur ad bonum totius, ſaltem
h 5 præciſe

præcisè, nec principaliter, sicut nec gratia, nec fides, nec spes, nec aliæ formæ supernaturales sunt immediatè in tota communitate: sic nec potestas spiritalis, quæ est æquè, aut plus etiâ supernaturalis. Ad confirmationem responde tur ex Caietano in apolo. c. 6. cōcedēdo, quòd
 * in concilio est immediatè potestas ecclesiasti ca etiâ ratione totius. Sic enim nomine concilii fiunt absolutiones, & damnationes, & omnia decreta: ut etiam in primo concilio Apostolorū, Actuum. 15. habetur, scilicet, Placuit nobis collectis in unum, & uisum est Spiritui sancto & nobis. Et sic est in tota synodo quasi una potestas. & ideo etiam reclamantibus aliquibus ex concilio, tamen nomine totius cōcilii decernitur, & dicitur totum concilium facere: sed hanc potestatem non habēt, quia representēt totam ecclesiam uniuersalē, ut imaginātur alii, nec ex cōmissione Christi facta immediatè, uel toti ecclesiæ, uel cōcilio, sed solum quia est unio & congregatio ex potestatibus ecclesiasticis. Et probatur, Respublica circa temporalia potest administrare se suo arbitrio: & ideo nihil obstat, quin potestas ciuilis sit apud eam: sed circa spiritualia non suo arbitrio, sed Christi gubernāda est. In summa, Potestas ciuilis non est nisi licentia, & posse licet, potestas autem ecclesiastica dicit efficaciam ad spiritualia: dico inquam, quòd illam potestatem

potestatem non habent qui in concilio congregantur, quia reputent ecclesiam totam uniuersalem, ut falsò alii imaginantur, nec ex commissione Christi facta immediatè toti ecclesiae, uel concilio, sed solùm quia est unio, uel congregatio ex potestatibus ecclesiasticis, & à singulis deriuatur ad totum. & ideò nihil posset totum concilium, quod non possent Patres. per se singuli secundum suam potestatem: unde hæc potestas non est in concilio immediatè iure diuino, sed ex uoluntate Prælatorum, qui uolunt ex seipsis unam auctoritatem, & uelut unum corpus constituere. Imò non solùm in synodo uniuersali, sed etiam in prouinciali, uel etiã totius Oriëntis: sicut cū omnes conueniunt ad celebrandum illud concilium, esset etiam una auctoritas in tota illa congregatione ratione suæ totalitatis. Sequitur siquidem, quòd dato, quòd omnes episcopi essent æquales, id est, quòd nullus esset superior alio: tamẽ decreta concilii obligarēt omnes, nec possent rescindi ab aliquo illorum: & tamen notū est, quòd non imaginantur etiam aduersarii, quod illi habent potestatem à tota plebe prouinciarum suarum, nec quòd sit etiam aliqua potestas ecclesiastica immediatè in tota una prouincia, quia eadem ratione ponetur in tota una parochia: quod omnino esset absurdum sentire uel dicere profectò. Ergo ita se habet totū concilium

concilium uniuersale ad ecclesiam uniuersalē, sicut concilium prouinciale ad prouinciam: & fictitium omnino est aliud imaginari. Est itaque solum potestas immediatē in toto concilio ex uoluntate prælatorum: qui instituunt unam potestatem, & auctoritatem, cui etiam seipso subiciunt, sicut partes toti: hoc enim significat, quod uolunt congregare conciliū, quod uolunt stare decretis eius. Ad secundam cōfirmationem respondetur primò, Hoc solum inuenitur in modernis conciliis, ut Basiliensi, Constantiensi, non autem in antiquis. Nec mirū est, si in modo loquendi erratū sit. Secūdo dico ut suprà, Quod reputātur nō tāquā uicarii, uel legati, sed tanquā patres & pastores, & tutores ecclesię. Ex quo sequitur cōtra sentētiā, uel imaginationem aliquorum scholasticorum, quod si casu omnes episcopi Christianitatis conuenirent in unum locum non animo celebrandi concilium, nulla esset immediatē potestas ecclesiastica in tota illa multitudine. Non enim locus, aut corporalis congregatio dat eis illam potestatem, sed uoluntas eorum. Vnde si nulla erat potestas in omnibus simul, cū essent in suis prouinciis, nec etiam est cū sunt in eodem loco, & in eodē templo: aliās eadem ratione si episcopi unius regni conuenirent ad curiam causa uisitandi Regem, iam esset ibi cōcilium Et si obiciās, quia iam

iam hoc est determinare, quòd còcilium non sit supra papam, contra determinationem Parisiensem (si enim nulla est potestas in concilio nisi deriuata à patribus, sequitur manifestè nō esse maioris potestatis quā papa, respōdetur primò, In præsentia nihil constitui disputare de illa odiosa comparatione papæ & concilii. Secundò, ea quæ dicta sunt, non pugnant cum aliqua sententia illorum circa illam congregationem. undecunque enim còcilium habeat potestatem, & si deriuetur ab ipsis prælatis: potest teneri quòd est maior in toto concilio, quàm in papa, sicut in concilio prouinciali, quàm in quocūque prælato concilii. Si hoc non placet, posset teneri, quòd potestas in còcilio est immediatè à Deo, sed non quia tenet locum totius ecclesiæ uniuersalis, sed quia est unio ex omnibus prælatis ecclesiæ, etiam si omnes alii Christiani dissentirēt. Et adhuc etiā cum ista opinione stat utraque sentētia de cōparatione papæ & concilii. Ad secundum argumentum principale disputaturus sum paulo pòst, ad quē spectat electio summi Pontificis. Sed in præsentia primò nego, quòd Cardinales nomine ecclesiæ uniuersalis eligant, sed ex ordinatione ecclesiastica, uel summi Pontificis, ut potestea dicam. Secūdò dico, quòd dato, quòd ad uniuersalem ecclesiam spectet electio, non ualet consequentia, ergo in ecclesia est

est potestas, uel autoritas ecclesiastica immediate. Antecedens est notum in iure, quod non oportet ut electores habeant auctoritatem ad quem eligunt, sicut patet de electionibus Imperatoris: imò electores abbatum nullam habent auctoritatem, uel dignitatem, si habent auctoritatē, & potestatem applicandi dignitatem illi. Ad tertium argumentum respondetur ex domino Caietano. in Apolo. c. 2. ad cuius euidētiā inquirendum est quid nomine ecclesiæ intelligatur in illo loco, Dic ecclesiæ: & cum sit sermo de ecclesia, ad quam spectat audire, & iudicare, oportet ut ecclesia accipiatur, uel pro ecclesia uniuersali, uel pro ecclesia uniuersaliter, id est pro omni ecclesia, uel pro aliqua particulari ecclesia, uel indistinctè pro qualibet ecclesia. Dico ergo primò, quod non potest accipi solū pro ecclesia uniuersali: quia clarum est, quod ad corrigendum fratrem non oportet me ire ad concilium uniuersale. Item etiam, quia cum eadem uerba dixerit beato Petro, sicut ecclesiæ: scilicet, Quodcunque ligaueris super terram, &c. negari non potest, quin etiam Petrus habeat illam potestatem, quam dicunt datam ecclesiæ: ergo non solū potest intelligi ecclesia uniuersalis. Et per idē patet, quod non intelligitur de aliqua ecclesia particulari, puta Mediolanensi, quia non oportet nos recurrere ad illam ad correctionem fra-

tris nec etiã de omni collectione propter ecclesiæ admonitionem. Restat ergo quòd accipiatur pro ecclesia indistinctè, seu indefinitè: ita quòd ecclesiæ datum est iudicium fratris, non determinando hanc uel illam: & quoniã actor sequitur forum rei, determinatur ad ecclesiam fratris peccantis siue propria, siue cõmuni, & superiori: & ille est apert⁹ sensus illius præcepti. Sed dubiũ est, quid significetur nomine ecclesiæ in illo loco: & breuiter dico, q̃ potest intelligi cõuocatio, seu collectio fidelium. Sed dicũt aduersarii, quòd hoc loco ecclesia significat communitatem fidelium, non in seipsis, sed in prælatis eorũ, siue papa intersit siue nō. Sed q̃ ille nō sit sensus literalis, ostēditur, quia utrobique oportet sumi eodem modo respectu cuiuscũque particularis. Certũ est autē, quòd si peccator sit de ecclesia Mediolanensi, si ad correctionem ipsius procedendũ est, non oportet dicere ecclesiæ Mediolanensi, id est, communitati Mediolanensium, siue episcopus sit, siue non. Vnde dico, quòd licet ex ui uocabuli ecclesiæ non aliud intelligatur nisi communitas fidelium, tamen ex uerbis sequentibus, Si ecclesiam nō audierit, & Quæcunque solueritis super terram, &c. cõstat accipiendum esse pro ecclesia habente authoritatem. Et cũ hæc non sit sine prælato, constat intelligi non posse ecclesiam pro aliqua congregatione

gregatiōe sine prælato, sed clauditur ipse prælatus: quod & aliter probatur. Nam si in nomine ecclesiæ non includitur prælatus illius, oportet alterum duorum, uel quod ecclesia particularis habet potestatem iurisdictionis etiam inuito episcopo, uel quod nomine ecclesiæ non intelligitur ipsa communitas. Certum est enim quod ecclesia, de qua dicitur, Dic ecclesiæ, habet potestatem excommunicandi: & certè ita est, quod nomine ecclesiæ in illo loco intelligitur prælatus, qui est caput ecclesiæ. hoc enim est dicere ecclesiæ, sicut iudicium episcopi dicitur iudicium ecclesiæ: & excommunicatus ab episcopo dicitur excommunicatus ab ecclesia. Dictum est autem, Dic ecclesiæ, & non episcopo, quia intelligitur, quod dicitur dici episcopo, non tanquam priuato, sed in foro publico. & ideo dicitur, in foro, & iudicio ecclesiæ. & hoc apertè manifestatur: quia usus illius præcepti in ecclesia talis est ut dicatur peccatum fratris prælato, & tunc intelligimus dixisse ecclesiæ. Dixit autem, Amen dico uobis, quodcunque solueritis, &c. in plurali numero, uel quia iudicium ecclesiæ licet fiat autoritate unius prælati, tamen non debet fieri nisi per multos: uel simpliciter quia erant futuri multi prælati, & multæ ecclesiæ. Dico præterea cum Caietano, quod in loco Matth. 17. nulla potestas uidetur data. Nam ex illo

ex illo, Dic ecclesiæ, non datur aliqua potestas. sed præcipitur denuntiatio: per illa uerò, Si ecclesia non audierit, sit tibi tanquã ethnicus & publicanus, præcipitur euitatio: per illa uero uerba, Quæcunque solueritis, &c. patet nullam dari authoritatem, quia per eadem uerba dictum est Petro, Quodcunque solueritis, &c. Matth. 16. etiam non est data ei aliqua potestas, sed postea Iohan. ultimo, Pasce oues meas. Sed significatur solùm quantæ efficacix esset futura sententia ecclesiæ, quam illic non dat, sed solùm uel permittit, uel supponit, & demum ad ueritatem illorum non oportet quòd ecclesia habeat immediatè authoritatem à Christo, sed satis est, quòd habeat à suo prælato, uel prælatis congregatis, uel ab ipso papa. adhuc enim ecclesia haberet potestatem, & quilibet teneretur audire ecclesiam: ergo frustra comminiscitur hanc potestatem. Ex omnibus sic patet, quòd ex eo loco, Matth. 18. nullo modo habeatur, quòd sit aliqua authoritas iure diuino immediatè nec in ecclesia uniuersali, nec etiam in concilio, quamuis hoc secundum possit probabiliter dici in sensu suprà explicato. Hunc locum prolixius tractaui: quia aduersarii nihil aliud ex scripturis afferunt ad probandum quòd iure diuino sit authoritas in ecclesia uniuersali immediatè, & in concilio. Addit Caieta. quòd in

Matth. 16

Matth. 18.

i die

die Cœne fuit institutum sacramentum ordinis, & per consequens quando Dominus dixit ea uerba Matth. 18. nō erat potestas episcoporum, nec presbyterorum, & per consequens non dedit tunc potestatem concilii, quod constat ex episcopis & presbyteris. Ad quartū nō est opus multis, & primū potius alii prælati solent dici ministri ecclesiæ, quā papa: & certū est, quod non dicuntur ministri ecclesiæ, quia acceperint authoritatē ab ecclesia uniuersali: sed uel quia ministrant ecclesiæ uel in ecclesia: uel quia à principe ecclesiæ sunt instituti. Et clarum est, quod etiam si nihil authoritatis ponatur in ecclesia uniuersali, nihilominus dicentur ministri ecclesiæ. Cæterū quod potius debeant dici omnes tam papa quā alii prælati ministri Christi quā ecclesiæ, patet

1. Cor. 2. ex Paulo, Si qd donauit, in Christi, &c. 2. Cor. 2. & alibi. Sic nos existimet homo, ut ministros Christi. 1. Corin. 4. Omnis potestas spiritalis & ecclesiastica est quoddā donum Dei, & pure supernaturale. Sicut ergo alia dona, ut gratia, charitas, fides, & prophetia non data sunt primò ecclesiæ, sed primò conueniunt particularibus personis, & est fides in ecclesia, quia aliqui particulares credunt: ita etiam potestas ecclesiastica data est certis personis primò, & per illos conuenit ecclesiæ. & omnino est commentum sophisticum, imaginari potestatem

statem ecclesiasticam in communitate, qua nunquam esset usura, sed omnia geruntur, & semper gesta sunt per praelatos qui deriuati sunt ab Apostolis, sicut reuera si à natura essent principes in republica ciuili, & omnes magistratus sufficiens ad gubernationem reipub. profectò frustra somniaremus potestatem ciuilem in republica immediatè.

SECUNDA QVAESTIO PRINCIPALIS, *An potestas ecclesiastica sit Christianis.*

S V M M A.

- 1 Christiani omnes, quòd nec sint sacerdotes, nec omnes æquales, sed quòd sit ordo in ecclesia, & gradus ecclesiasticae potestatis.
- 2 Christiani an sint aliqui, quibus conuenire non possit potestas ecclesiastica.
- 3 Mulieres, quòd nec sacerdotes esse possint, nec aliquem ordinem aut potestatem ecclesiasticam habere, quæ sit de iure diuino.
- 4 Abbatisse, & aliæ monasteriorum & uirginum matres, quòd nullam habeant potestatem nec iurisdictionem spiritualem.
- 5 Monachæ an non teneantur obedire Abbatisse.
- 6 Iure diuino quòd nullus alius de numero Christianorum præter foeminas excluditur à potestate ecclesiastica, siue ordinis, siue iurisdictionis.
- 7 Potestas ecclesiastica siue ordinis, siue iurisdictionis: quòd tota fuerit in Petro Apostolo.
- 8 Apostoli omnes an habuerint potestatem immediatam à

Christo, an solus Petrus à Christo, & alij à Petro.

- 9] Potestatem omnem, quam Apostoli habuerunt, quòd receperint immediatè à Christo, probatur.
- 10 Apostoli, an æqualem acceperint cum Petro potestatem.
- 11 Petrus, quòd inter Apostolos omnes fuerit autoritate, & potestate primus & princeps, cum summa supra totam ecclesiam potestate.
- 12 Potestatè ecclesiasticam aliquam, quòd nullus alius à Christo uideatur accepisse, præter sacros Apostolos.
- 13 Potestas ecclesiastica quòd non solum fuerit in Apostolis, sed etiam in alijs.
- 14 Potestas omnis ordinis & iurisdictionis, quæ prius erat in Christi Apostolis, quòd illis defunctis perseverauerit in ecclesia, probatur.
- 15 Gradus ecclesiæ, quòd perseveraturi sint in ecclesia usque ad ultimum iudicium, & mortuorum resurrectionem.
- 16 Potestas ordinis in ecclesia, quòd tota deriuata sit, & pendeat immediatè ab episcopis.
- 17 Petro Apostolorum principe defuncto, quòd aliquis ei successerit cum simili & autoritate, & potestate iurisdictionis in totum orbem.
- 18 Petro mortuo, quòd ecclesia habeat potestatem subrogandi, & instituendi alium loco illius, etiam si petrus nihil de hoc prius constituisset.
- 19 Electio summi Pontificis ad quem spectaret cardinalibus deficientibus, negligentibus, aut perniciosè inter se disidentibus.
- 20 Electio summi Pontificis deficientibus cardinalibus, &c. quòd non uideatur spectare ad totum clerum.
- 21 Sedes apostolica in quocunque casu uacaret, manendo in solo

in solo iure diuino, ad quem spectaret electio.

22 Petrus beatus, quod uel solus, uel cum alijs apostolis potuerit constiture formam, & rationem, qua post obitum eligeretur ei successor.

23 Petrus beatus, quod potuerit eligere, & designare successorem, qui, eo defuncto, sine alia electione esset summus Pontifex.

24 Eligendi summum Pontificem ratio, quæ nunc seruatur in ecclesia, quod non sit de iure diuino.

25 Eligendi summum Pontificem ratio, quod sit ex constitutione, & authoritate ecclesiæ, aut summorum Pontificum, quæ eadem est, & eadem authoritate mutari possit.

26 Apostolis alijs quod successerit nemo cum equali potestate & authoritate iurisdictionis.

27 Apostolorum aliorum quilibet à Petro, quod potuerit relinquere successorem, licet non uniuersalem, saltem in quacunque provincia uoluisset, qui esset uerus episcopus illius provincię.

28 Apostoli, quod non solum potuerunt relinquere sibi successores, sed etiam quilibet successorum eorum potuerit similiter sibi relinquere successorem.

29 Episcopus quilibet, quod in sua provincia potuit condere legem, ut presbyteri eligerent episcopum, uel aliam formam institutionis dare, etiam sede Petri inconsulta.

30 Petri successores, quod potuerunt, & possunt pro suo arbitrio episcopos creare in singulis provinciis, & quasunque leges de hac re prius latas tollere, & nouas condere, provincias distinguere, & omnia ad hoc spectantia pro suo iudicio, & potestate facere.

i 3 Priusquam

PRIVS QVAM uenianus ad solidam & germanam ueritatem, oportet ut adulterinas, & falsas sententias excludamus: quod ut commodius fiat, rursus propono quæstionem, An potestas ecclesiastica sit in omnibus aut singulis Christianis. In cuius quæstionis definitione licet omnes catholici authores factis conueniant, tamen neoterici hæretici incredibili arrogantia à tota ecclesia receptæ sententiæ aduersantur, asserentes, & contendentes omnes, Christianos ex quo esse sacerdotes, nec esse aliquos gradus ecclesiastici ordinis in ecclesia. Nec tamen multis aut rationibus aut testimoniis hoc probare laborant, sed suo more, uno, aut altero scripturarum loco in suam sententiam detorto, mordicus hæresim suam retinent, & factionem propugnant. Sed uerba imprudentissimi in primis Lutheri ascribere satius est, in libro primo de abroganda missa priuata. ita dicit, Nos omnes eodē quo Christus, sacerdotes sacerdotio sumus, qui Christiani filii Christi summi sacerdotis sumus: nec ex ullo Scripturæ sanctæ testimonio id habetur, q̃ sacerdotes rasi & uncti aliqui in nouo testamento dicantur distincti à laicis. & paulo post, Stat irrefragabilis sentētia, sacerdotes uisibiles, & à laicis diuersos in nouo testamento nullos esse, qui autem sunt, sine testimonio scripturarum & sine uocatione Dei sunt:

hoc

hoc autem quid est aliud, quàm ex diabolo esse?
 Et alibi dicit, q̄ puer, & mulier, & q̄libet Chri-
 stianus absoluerè pòt à peccatis. adducit illud.
 1. Pe. 2. Vos autè genus electū, regale sacerdo-
 tium, gens sancta, populus acquis. &c. Et eodē
 loco, Et ipsi tanquā lapides uiui superædifica-
 mini domus spiritualis, in sacerdotiū sanctū.
 Constat autè Petrū loqui generaliter omnib⁹
 fidelibus, & non solis ordinatis in sacerdotes.
 Item Ioh. in Apoc. c. 5. Fecisti nos Deo nostro
 regnū & sacerdotes. & Apoc. 20. Sed erūt sacer-
 dotes Dei & Christi eius. Quæ omnia uult di-
 cta esse de omnib⁹ Christianis. Itē illud. Matth.
 18. Quodcunq; solueritis super terrā, &c. gene-
 ralissimè affirmat dictū esse oīb⁹ Christianis.
 ¶ Cōtra omnes hæreticos pono cōclusionē,
 Nō omnes Christiani sunt sacerdotes eo mo-
 do, quo sunt sacerdotes ab ecclesia ordinati, id
 est cū potestate consecrandi eucharistiam, &
 absoluedi à peccatis. Vel ponatur sub aliis uer-
 bis sic, Nec * omnes Christiani sunt sacerdo-
 tes, nec oēs sunt æquales, sed est ordo in eccle-
 sia, & grad⁹ ecclesiasticæ potestatis. Hæc quæ-
 stionē totāq; hanc disputationē, quàm potero
 paucis absoluā. Postquā enim nulla cū catholi-
 cis nobis cōcertatio est, sed solū cū hæreticis,
 nihil operæpretiū facturū me puto, si religio-
 sam, & piā prorsus concionem hoc argumē-
 to diuti⁹ retinero. Et alioqui clarissimi uiri,

Roma. 12.

1. Corin. 12.

Rosenfis episcopus, & Iodocus Clitoueus de hoc capite aduersus Lutherum doctissimè & disertissimè scripserunt, quos scio uobis familiares esse. Probo igitur conclusionem totam simul. Primò Paul. ad Roma. 12. totam ecclesiam quasi quoddam corpus mysticum esse dicit, quòd uariis organis & membris sit compositum. Sicut in uno, inquit, corpore multa sunt membra, omnia autem membra non eundem actum habent, ita multi unum corpus sumus in Christo, singuli autem alter alterius membra: habentes autem donationes secundum gratiam, quæ data est nobis, differentes, & 1. Cor. 12. Si corpus unum est, & mēbra habet multa, omnia autem membra corporis cum sint multa, unum tamen corpus sunt: ita & Christus & corpus nō est unum mēbrum, sed multa. Si dixerit pes, quoniam non sum manus, non sum de corpore, non ideo non est de corpore? si totum corpus oculus, ubi auditus? si totum auditus, ubi odoratus? nunc autem posuit Deus membra unumquodque sicut uoluit. quòd si essent omnia unum membrum, ubi copus? nunc autem multa quidem membra, num autem corpus. Et in principio illius. c. Diuisiones gratiarum sunt, idem autem Spiritus, & diuisiones ministracionum sunt, idem autem Dominus, & diuisiones operationum sunt, idem uerò Deus, & c. Rogo, & appello

appello religiosas, & pias aures, si omnes in ecclesia æquales sunt, quo modo fecit Deus, ut Paulus dicit uaria membra, manus, pedes, oculos, aures, in corpore ecclesiæ? omnes sumus oculi Lutheri, ubi ergo pedes? aut quomodo erit uerum, quod Paulus in eadem epistola & cap. subiungit, Non potest autem dicere oculus manui, Opera tua non indigeo: aut iterum caput pedibus, Non estis mihi necessarii? Certè si Lutherum audiamus, pedes poterunt dicere capiti, Nō es nobis necessarium. sic enim ipse docet, pedes hoc est plebem, sic non indigere capite, hoc est sacerdote, sed omnes eos esse sacerdotes. Item in eodem loco Paulus, Et quosdam quidem posuit Deus in ecclesia, primò Apostolos, secundò Prophetas, tertio Doctores: & alios item gradus ecclesiæ recenset, ubi omnino uidetur sanctus Apostolus ex instituto uelle elidere arrogantiam eorum, qui omnes in ecclesia æquare uolebant: uel rursus superbiam reprimere aliquorum, qui in altiore gradu constituti, inferiores cōtemnebant: aut certè plebem admonere, ne se eo minus in corpore Christi cōtētos reputarēt, quod inter gradus ecclesiasticos non censerentur. In eandem sententiam scribit ad Ephes. 4. Et ipse *Ephes. 4.* dedit quosdā quidē Apostolos, alios autē Prophetas, alios uerò Euāgelistas, alios autē Pastores, & Doctores, ad cōsummationē sanctorū,

in opus ministerii in ædificationem corporis
 Apoc. 21. Christi. Iohan. itē Apoc. 21. Ego Iohānes uidi
 sanctā ciuitatē, nouam, descendētē de cēlo, &
 Deo paratam, sicut spōsam ornatam uiro suo.
 Qua ratione erit ecclesia ciuitas, in qua nulli
 sint magistratus, nulli moderatores, & nullus
 ordo ciuiū, sed æqualitas, uel cōfusio potius,
 & turba pro suo cuiusq; arbitrio & libidine a-
 gentium. Nec enim est ciuitas, ut Orator ait,
 quæcunque in unum locum quorumcunque
 hominum multitudo consistit. Idem Aposto.

1. Timoth. 5. 1. Timot. 5. ut nemini citò manus imponeret:
 1. Timoth. 4. certē ut sacerdotem consecraret. Idē 1. Timo.

4. Noli negligere gratiam quæ in te est, quæ da-
 ta est tibi per prophetiam cū impositione ma-
 nuum presbyteri. Et 2. Timoth. 1. Ut resuscites
 1. Timoth. 1. gratiam, quæ est in te, per impositionem ma-
 nuum mearū. Titum præterea admonet c. i. ut
 constituat per ciuitates presbyteros. In Acti-
 bus Apostolorum de Paulo, & eius collegis le-
 gitur constituisse per diuersas ecclesias pre-

Act. 20. sbyteros. Actuum 20. Paulus ad presbyteros
 Asiæ Milētum accersitos. Vos, inquit, posuit
 Spiritus sanctus episcopos regere ecclesiā Dei.

1. Corin. 3. Certē ipse Apostolus Paulus 1. ad Corinth. 3.
 apertē distinguit plebem à sacerdotibus. Dei
 enim sumus, inquit, adiutores, Dei agricul-
 tura estis. Sed uideo uobis ingratam esse ora-
 tionem hanc sanē, in qua in re nō dubia utar-
 argumen

argumentis non necessariis: relinquam enim primam hanc conclusionem tanquam certam, non omnes Christianos esse æquales in potestate ecclesiastica. Certè Tertullianus, cuius autoritas, quod ad antiquitates spectat grauissima est, de præscriptionibus hæreticorum execratur, non solum quòd noui hæretici dicunt omnes Christianos esse ex æquo sacerdotes, sed ordinationes tam incertas. Ordinationes (inquit) eorum leues, temerariæ, inconstantes: itaque alius hodie episcopus, cras alius, hodie diaconus, qui cras lector, hodie presbyter, qui cras laicus: nam apud eos laicis sacerdotalia munera iniunguntur.

¶ Sed ex hac quæstione emergere uidetur dubium non contemnendum, An* sint aliqui Christiani, quibus conuenire non possit potestas ecclesiastica. Et primò quidem dubitatur de mulieribus, an sint capaces ecclesiastici ordinis, & potestatis. Et quidem uideri possit, quòd sint, ex eo quòd Paul. ad Gala. 3. *Gala. 3.* dicit: quòd non est Iudæus nec Græcus, non est seruus, nec liber, non est masculus, nec femina in Christo Iesu. quare nò uidetur quòd ad ministrandum Christo in ordine ecclesiastico feminae reiici debeant in lege Christi. Item prophetia est (ut uidetur) tantæ dignitatis, sicut potestas ecclesiastica, quæ tamen

tamen mulieribus aliquando communicatur,
ut patet de Deborah, ut patet 4. Regum.

¶ Hoc nō obstāte pono cōclusionē, Mulieres
* nec sacerdotes esse possunt, nec aliquem or-
dinem, aut potestatem ecclesiasticam habere,
quæ quidem sit de iure diuino. Hanc cō-
clusionem uideo placere omnibus auctori-
bus, atque adeo, quanquam defendi contra-
rium non absurde fortasse possit, tamen ne
more iureconsultorum nouas cōclusiones
afferamus, ex sententia doctorum probo hanc
cōclusionem. Primò, Nam ordines, & po-
testates ecclesiasticæ omnes ordinantur (ut
late à nobis disputatum est) ad gubernatio-
nem populi, & directionem in finem spiritua-
lem, sed ex sacris literis hæc non possunt con-
uenire mulieri. unde. 1. Corin. 14. Mulieres in
ecclesia taceant, non enim permittitur eis lo-
qui, sed subditas esse: si quid autem uolunt di-
scere, domi uiros suos interrogent, turpe
enim est mulieri loqui in ecclesia. Et ne quis
putet hoc esse Pauli præceptum, & non iure
diuino, adiunxit, Si quis uidetur propheta esse
aut spiritalis, cognoscat quæ scribo uerbis,
quia Domini sunt mandata. Et. 1. ad Timo. 2.
Mulier in silentio discat cum omni subiectio-
ne, docere autem mulieri non permitto, nec
dominari in uirem, sed esse in silentio. Ita
etiam fuit constitutum in concilio Carthagi-
nensi,

nēsi, ut refert 23 dist. c. mulieres. & Ambrosius
 est in eadē sentētia. ut 33. quæstiōe 5. c. mulie
 res. Philosophus. 1. Ethicorū dicit, corruptio
 nē esse reipu. ut principatus & administratio
 ad scēminā deueniāt. Itē dominus nullā pote
 statē legitur cōmisisse mulieri, etiam sanctissi
 mę, simul & sapiētissime matri, ut patet in cœ
 na, & post resurrectionem. Itē nō cōmitti
 tur eis, ut præsint uiris, sed cōtrā, ut sint sub
 iectæ. Vnde Gen. 3. Sub uiri potestate erit. Et *Gen. 3.*
 quod profectō me plus mouet est, quod in
 tam longa annorum serie, in tanta copia opti
 marum, & sapientissimarum scēminarum,
 nunquam ecclesia tentauit ad potestatem aut
 ministeriū ecclesiasticū aliquā assumere. Hoc
 autem magnū argumētum apud me & in hac,
 & similibus causis est, qđ nūquā factū est, cū
 fuerit magna occasio & copia faciēdi, putem
 ideo non esse factū, quod fieri nec licuerit nec
 potuerit. Itaque sic puto nec licere quidem
 scēminam quocunque diuino ordine sacra
 re: quod si secus actū sit, nihil omnino agi: sed
 tamen etiam si hoc uerum sit, dubitari tamen
 potest, an mulieres, quæ in monasteriis uirgi
 nibus præficiuntur, aliquam potestatem ec
 clesiasticā habeant, saltem iurisdictionis,
 si ordinis habere non possunt, qualem Abba
 tissæ usurpant, ferentes leges & præcepta ad
 formam & morem episcoporum. Respondeo,
 Nec

Nec de hac quæstione magnam uideo contro-
uersiam inter theologos. Nam de iure consul-
tis uideant ipsi quid sentiant. Itaque ex senten-
tia S. Tho. & meliorum theologorum pono
+ cōclusionem, Abbatissæ, * & aliæ matres mo-
nasteriorum, & uirginum nullam habent po-
testatem spiritualement, nec iurisdictionem spiri-
tualem. Probatur, Quia tota potestas spiritua-
lis ortum habet à clauibus, mulier autem non
potest habere clauis, quia sunt propriè sacer-
dotum: ergo nec iurisdictionē spiritualement. Et
licet aliqui habeant iurisdictionem spiritua-
lem, qui non sunt sacerdotes, nec habent cla-
ues, nullus tamen habet iurisdictionem spiri-
tualem, qui non sit capax & sacerdotii, & cla-
uium. Et confirmatur hoc, Nam nō sunt peio-
ris conditionis religiosi professi, qui tamen
nō sunt clerici quantum ad hoc, quā religio
sæ fœminæ: sed religioso non clerico, ut om-
nes dicunt doctores, non potest committi iu-
risdictio spiritualis: ergo multo minus fœmi-
næ cuicunque. Item non potest absolueret: er-
go nec ligare. Certè non ad eandem spectat
potestatem. Itē quicūque habet iurisdictionē
extra forum pœnitentiæ, potest excōmunicare:
omnis enim iudex habet uim coactiuam: fœ-
mina hoc non potest: ergo. Itē non habet sciē-
tiam spiritualement, nec ad eam spectat habere: er-
go non potest iudicare de spiritualibus. Esset
enim

enim periculosissimū cōmittere salutē spiritua-
lem animarū ei, qui iudicare nō possit quid ex-
pediat, aut noceat animarū incolumitati. Ex
quo sequitur, q̄ tales Abbatissæ nō possunt ali-
quid mādare in forma præcepti, putā in uirtu-
te Spiritus sancti, & sanctæ obedientiæ, & sub
præcepto: nec si faciat, tenet factum, ita quod
obliget tanquā præceptum episcopi, aut Abba-
tis, aut Prioris. Esset enim absurdū cōmittere
huiusmodi potestatem, quæ magnam eruditio-
nem exigit, ad discernendum quæ materia sit
digna tali censura, uel qualis sit huiusmodi o-
bligatio, imò nec intelligere posset an quis
transgressus esset huiusmodi præceptum.

¶ Et si quærat quis fortasse, an non monachæ
tenentur obedire Abbatissæ? Dico q̄ tenētur
primò, quia tenentur seruare regulam suā, ubi
continetur obedientia Abbatissæ. Secūdò di-
co, quod tenentur præceptis eius ad modum,
quo filix, uel filii tenentur obedire patri: pec-
cant enim trāsgressores præceptorū patris, nec
tamē pater habet iurisdictionē spiritualement: &
tandem tenentur obedire Abbatissæ, sicut te-
nent ad alia statuta suæ regulæ, ubi nō est spiri-
tualis p̄ceptio. Vel dico, q̄ absolutè nolle obe-
dire Abbatissæ, est mortale: sed Abbatissa non
pōt facere noua præcepta. Hæc autē oīa dicta
sunt ratione iuris positiui, non diuini: quāuis
enim mulier iure diuino nō possit habere, uel
ordi

ordinem, uel dignitatem spiritualement, & iurisdictionem, posset tamen habere potestatem aliquam iurisdictionis spiritualis, sicut & laici possent, nisi iura prohiberent: iura autem non plus concedunt in hac parte Abbatissæ, quàm laicis.

¶ Ultima conclusio circa hanc materiam, Nullus * aliud de numero Christianorum, præter fœminas, excluditur diuino iure à potestate ecclesiastica, siue ordinis, siue iurisdictionis. Vnde dico cum doctoribus, quod etiam puer potest fieri sacerdos, & amentes, & in uniuersum omnes Christiani. Et differentiam assignant doctores, quia illi peruenire possunt ad statum, ubi possint commodè exercere potestatem. est enim impedimentum contingens, secus in fœminis. Doctores tamen excludunt pueros à consecratione episcopali iure diuino, ita, ut si puer consecratur in episcopum, consecratio non teneat, sed certè non adeò graui ratione permoti. Atque adeò si concedimus posse in sacerdotem consecrari, non satis uideo quid obstat, quomin⁹ & episcopus possit ordinari, sed in medium hoc relinqui potest, nec quicquid habeo certi asserere.

¶ Diximus hætenus, in quibus non sit, aut esse non possit ecclesiastica potestas. Restat ut iam dicamus in quibus inueniat huiusmodi potestas. Et ut ad originem suam totam rem reuocemus, sit prima

ma cōclusio, Totapoteestas ecclesiasticaet ordi-
 nis & iurisdictionis fuit in Petro Apostolo.
 Hæc cōclusio nota est ex Euāgelio Mat. 16. *Matth. 16.*
 Tibi dabo clauēs regni cælorū, & super hāc petrā
 ædificabo ecclesiam meam. Et Iohan. ultimo. *Iohā. ultimo*
 Pasce oves meas. In ominibus Apostolis fuit
 potestas ecclesiastica ordinis, & iurisdictionis.
 Hæc etiam nota est. Dictum est enim omni-
 bus simul, Hoc facite in meam commemora-
 tionē: et, Quorū remiseritis peccata. & Quod-
 cūque solueritis, &c. Luc. 22. Mat. 18. Ioh. 20. *Luc. 22.*
 Sed est circa quæstionem hanc primū dubiū, *Mat. 18.*
 *An omnes Apostoli habuerint potestatē im- *Iohan. 20.*
 mediatē à Christo, an solus Petrus à Christo,
 & alii à Petro. Et de potestate quidem ordi-
 nis, de qua minus dubitādum uidebatur, non
 omnino uidetur esse certum. Nam & Iacobus
 ordinatus fuit episcopus Hirosolymitanus
 post ascensionem Domini à Petro, Iacobo, &
 Iohanne, ut habetur in c. porrò. d. 66. & Pau-
 lus, ac Barnabas ordinati etiam ab aliis fuerūt.
 legitur enim. Actuum. 13. Segregate mihi Pau- *Actuum. 13.*
 lum & Barnabam. Et subiungitur, Imponen-
 tes illis manus, dimiserunt. ubi glo. in modum
 ordinatorum. & tamen non est dubitandum,
 quin Paulus tantam potestatem acceperit à
 Christo, quantam alii Apostoli acceperunt.
 Non enim certum uidetur, quòd omnes Apo-
 stoli habuerint totam potestatem ordinis à
 k Christo,

Christo, quanquā de hac potestate satis doctores conueniūt. Sed de potestate iurisdictionis bona pars Christianorū, & quidē grauissimorū, contendunt, solum Petrū habuisse à Christo, eā potestaté, ceteros autē omnes à Petro. Quod probant primò magnorū quidē uirorū authoritate, ut Anacleti, Cypriani, Aug. Leonis, Alex. Quorū ego uerba recitare superfluo; eo q̄ re uera non significāt id, quod auctores hui⁹ sententiæ uolūt. Si q̄s cupit uidere, legat apud cardinalē Turrē Crematā libro. 2. c. 54. sed eorū sanctorū testimonia eò rēdūt, ut asseuerēt solūm omnē authoritatē post Petrū, à Petro habuisse originē, ab eoque pendere, ipsūmq̄ Petrū principē fuisse tum aliorum Apostolorū, tum autē totius ecclesiæ Christi: quod tātū abest ut nos negemus, ut pro intollerādo errore cōtrariā sententiā habeamus. Sed si testimoniis nō efficiunt quod uolūt, rationibus hoc euincere conantur. Et prima ratio eorū est, Nā Apostoli nō habuerunt subditos ab ipso Christo: ergo nec iurisdictionē, quæ nisi in subditos esse nō potest. Antecedēs probatur, Quia uel oēs homines, uel certos. Non secundū: quia uolūtariē diceremus hos potius quā illos, eū in Euāgelio nō habeatur: nec oēs dedisse uidetur. fuissent enim multi Pastores, & ex æquo habētes plenitudinē potestatis in ecclesia, qđ in omni principatu uitiosum est.

est. Multitudo enim principū est pernitiōsa, ut
 Aristoteli etiam dicit. 12. Metaphy. & Omne regnū *Aristo.*
 diuisum' desolabitur. Præterea nō esset unum
 ouile, & unus pastor gregis Christi, si essent
 multi pastores ex equo. Præterea nō uidet' quo
 modo Petrus fuisset princeps & caput supra
 alios Apostolos, si alii similē cū Petro à Chri-
 sto potestātē accepissent.

¶ Verū qā in cōtrariū uidet' stare Euāgeliū,
 pono talē conclusiōē, Omnē* potestātē, quā
 Apostoli habuerūt, receperūt imediatē à Chri-
 sto. Probat' primò, Omnib' dictū est Mat. 18. *Mattb. 18.*
 Quæcūq; solueritis sup' terrā, &c. Itē omnib',
 Hoc facite in meā cōmemoratiōē. Itē, Quo
 rū remiseritis peccata, Ioh. 20. & Mat. ultimo, *Iohan. 20.*
 Eūtes ī mūdū uniuersum, prædicate Euāgeliū *Matt. ultio*
 omni creaturæ. & Io. 20. Sicut misit me Pater *mo.*
 et ego mitto uos. Itē Christus fecit eos omnes *Iohan. 20.*
 Apostolos, ut patet Matt. 10. & Mar. 3. & Luc. *Matt. 10.*
 6. & 1. Cor. 12. & ad Eph. 4. sed ad officiū Apo *Mar. 3.*
 stolatus spectat potestas ordinis & iurisdictio *Luc. 6.*
 nis: ergo utrāque habuerūt Apostoli à Chri- *1. Cor. 12.*
 sto. Vnde est cōsiderādū, q' tria spectant ad di *Ephes. 4.*
 gnitatē Apostolatus. Primū, authoritas guber-
 nādī populum fidelem: secūdum, facultas do-
 cendi: tertiū, potestas miraculorū. Hęc ostēdū
 tur primò, Luc. 9. scribitur, q' cōuocatis Iesus *Luc. 9.*
 duodecim Apostolis, dedit eis potestātē super
 oīa dæmonia, & ut languores curarēt, & misit
 eos

- eos prædicare regnum Dei, & sanare infirmos.
Matth. ultimo. Matt. quoque ultimo. Dominus dixit eis, Eū-
 tes in mundum uniuersum, docete omnes gē-
 tes, baptizantes, & docentes seruare omnia,
 quæ mandauī uobis. In prima quoque epistola
1. Corin. 12. ad Cor. c. 12. Ipse posuit quidē Apostolos, glo-
 dicit, omnium ordinatores, & iudices. Itaque
 si Christus eos Apostolos fecit, nec Apostoli
 esse poterant sine potestate ordinis & iurisdic-
 tionis: ergo utraque à Christo acceperunt.
 Item non uidentur minorem potestatem alii
 Apostoli recepisse à Christo, quàm Paulus: sed
 Paulus omnem potestatem, quā habuit habuit à
 Christo, ipse enim dicit ad *Gala. 1.* quòd non
 ab homine, nec per hominem habuit, potesta-
 tem. Et ad *Gala. 2.* disertè dicit se nihil accepisse
 ab aliis Apostolis, & nominatim à Petro. Qui
 uidebātur inquit, aliquid esse, nihil mihi con-
 tulerunt, qui enim operatus est Petro in apo-
 stolatu circuncisionis, operatus est & mihi
 inter Gētes. Pro certo ergo mihi uidetur pro-
 nuntiandum, & tenēdum, Apostolos omnes
 accepisse utranque potestatem à Christo:
10 ¶ Sed superest dubium, An æqualem accepe-
 rint cū Petro: nā hæc etiā quæstio in utranque
 partē habet assertores. Sed quia ad maiora fe-
 stināti nō uacat utriusque partis fundamenta
 tradere, pro sentētia, quā ueriorē puto, pono
 cōclusionē, Quòd Apostoli omnes habuerūt
 æqualem

æqualē potestatem cum Petro. Quam sic intel-
 ligo, quòd quilibet Apostolorū habuit pote-
 statē ecclesiasticam in toto orbe, & ad omnes
 actus ad quos Petrus habuit. Hęc probatur pri-
 mò quo ad primā partem ex loco iam citato
 Matth. ultimo. Euntes in mundū uniuersum,
 &c. & sine exceptione, Quæcūque solueritis,
 &c. Et quorū remiseritis peccata, &c. & Iohā.
 20. Sicut misit me Pater, &c. Christus autē mis-
 sus fuerat in totum orbem: ergo & in totū or-
 bem ipse misit Apostolos. Secunda uerò pars,
 quòd ad omnes actus, hoc uidetur posse pro-
 bari ex eo, q̃ (ut dictum est) autoritas guber-
 nādi est de ratione apostolatus: & nō uidetur
 quòd sit limitata, quia nulla ratione diceretur
 quòd extēdat se ad certos actus, & nō ad alios
 sed potius probatur ex gestis Apostolorū ipso-
 rum, qui ubique terrarū cōstituebāt ecclesias,
 & episcopos, & leges ferebant pro potestate:
 nec apparet quid Petrus posset, quòd non &
 alii. Et Paul⁹ ad Gala. 1. & 2. satis defendit se pa
 rem potestatem cum Petro habere. Hęc est
 apertē sententia Cypriani in epistola de uni- *Cypria.*
 tate ecclesiæ ad Nouatianū. & habetur. 24. q. 1.
 Ego dico tibi hoc, Vtique erant ceteri Apo-
 stoli, quod Petrus, pari consortio præditi, &
 honoris, & potestatis. Nec audienda est glo.
 dicens hoc debere intelligi in ordine & digni-
 tate consecrationis, non in potestatis plenitu-
 dine:

dine: ut patere potest ipsam epistolam diui Cypriani legenti.

¶ Et ne quisquā suspicetur me uelle quicquā derogare de dignitate, aut prerogatiua, aut primatu Petri, quē non solum cū catholica ecclesia cōfitemur, sed etiā pro uirili defendimus: **II** pono aliā cōclusionē, Petrus* inter oēs Apostolos fuit autoritate & potestate primus, & princeps cū summa supra totā ecclesiā potestate. De hac cōclusionē à doctissimis uiris non iusti solū, sed pręgades libri cōfecti sunt, et editi, atque adeo ego breui me hoc loco nūc expedīā, paucis modo contētus Euāgelii testimoniis. Primus locus est Mat. 10. Duodecim autē Apostolorū nomina sunt hęc. Primus Simō, & dicitur Petrus. Et Luc. 6. uocat Dominus discipulos suos, & elegit duodecim ex ipsis, quos & Apostolos nominauit, Simonē, quē cognominauit Petrū, & Andream fratrē eius, &c. Et eodē ordine nominātur & numerant à Marc. c. 3. & tamē nulla ratione Petr' potuit dici primus nisi dignitate apostolatus: nā ordine quidē uocatiōis, prim' fuit Andreas frater Petri, ut patet ex primo. c. Ioh. imò Andreas iam uocatus à Christo, ut refert Ioh. inuenit Simonē fratrē suū, & dixit ei, Inuenimus Messīā: & adduxit eum ad Iesum. Est præterea insigne testimoniū, & omnino nō refractario & obstinato intellectuui apertissimū, Mat. 16. ubi ad quęstionem

Matt. 10.

Luc. 6.

Iohan. 1.

Matt. 16.

stionē Domini musantib' & cūctantibus aliis
 discipulis, respōdet Petrus, Tu es Christ' fili'
 Dei uiui. Cui Domin', Beatus es Simō Bario
 na, quia caro & sanguis nō, &c. sed Pater me',
 &c. & ego dico tibi q tu es Petr', & sup hāc
 petrā ædificabo ecclesiā meā, & tibi dabo cla-
 ues regni cælorū. Certē uel cæco notū esse po-
 test pro tam præclara confessione aliquid pro-
 missum Petro præ cæteris Apostolis. Itē, Ego
 orabo pro te, & tu aliquādo conuersus, cōfir-
 ma fratres, &c. Luc. 22. Nec obscurior locus *Luc. 22.*
 est ille Ioh. ultimo ubi cūm bis Dominus ro- *Iohan. ult.*
 gasset Petrū, an se diligeret plus aliis Aposto- *mo.*
 lis, illo respōdente se quidem amare, subiun-
 xit bis, Pasce oues meas, pasce agnos meos.
 Prorsus est hominis præposteri, & peruersē
 alioqui apertū testimoniū interpretantis, ne-
 gare Christū eo loco uoluisse Petro pro maio-
 ri erga se amore maiorem etiam auctoritatem
 præstare. atque uel ex his duobus locis liqui-
 dō cōstat Petro integrā auctoritatē in ecclesia
 cōmissam. Cui enim data est, si Petro est nega-
 ta? Licet etiā, ut dictū est, alii Apostoli habue-
 rint æqualē potestātē cum Petro ad sensum su-
 præpositū, tamē potestas Petri erat eminētior.
 Primò, quia potestas Petri fuit ordinaria,
 Apostolorum autem extra ordinaria. Secūda
 quę sequitur ex hac, Potestas Petri erat per-
 seueratura in ecclesia, non autem aliorum.

Tertiò, aliorum potestas nec supra Petrũ, nec supra se inuicem, Petri autẽ supra omnes alios. Quartò, aliorum potestas subordinata Petri auctoritati. præualuisset enim autoritas Petri contra auctoritatem aliorum.

¶ Sed ut aliquãdo illum locum, Pasce agnos meos, absoluã (nã difficilior alius restat) sit in hoc argumẽto hæc ultima cõclusio, Præter* factos Apostolos nullus alius à Christo potestãtẽ ecclesiasticã aliquã uidet accepisse. et probatur etiã, quia in omnib⁹ locis, ubi data est potestas, nõ erãt discipuli. Hęc probat, Nã si quis quã alius accepisset: maximẽ fuissent ex numero septuaginta duorũ discipulorũ: sed illi non uidetur accepisse: ergo de nullo est uerisimile q̃ acceperit. De septuaginta duobus autẽ probat. Nã Ioseph, qui cognominatus est Barnabas, erat unus ex discipulis, ut patet Act. 1. & tamẽ Actuũ. 9. dicitur post ascensionẽ Domini q̃ erat Leuites. Nõ est autẽ credendũ, si Christus potestãtẽ aliquã ecclesiasticã dedisset ei, q̃ fecisset solũ Leuitam, quia Dei perfecta sunt opẽra. & Philippus, qui prædicauit Samaritanis, Actuũ. 8. & baptizauit eunuchũ Cãdakis reginæ, nõ fuit Philippus Apostolus, ut multi putãt, nec sinẽ causa, q̃ ad baptismũ ipsius, Samaritani nõ recepissent Spiritũ sanctũ: sed dicunt esse Philippũ unũ ex septem diaconis, de quo Act. 6. & 21. Hic igitur Philippus nõ uidetur dubi

Actuum. 1.

Actuum. 9.

Actuum. 8.

dubitandū quinesset de numero septuaginta duorū cū post Apostolos nō temere legat̃ alius præstator prædicator, aut minister Euangelii, ad quod opus delecti fuerūt discipuli, & tamē nō erat presbyter, sed tātū diacon⁹. Imo septuaginta illi diaconi, qui Act. 6. electi fuerunt ad ministrandum mensis, creduntur fuisse de numero discipulorū. nō enim ex neophytis fuissent assumpti ad tale ministerium, & tamē nō erant presbyteri, ut pro certo constat: imò reuera nullam habēt spiritualement potestātē. Ergo septuaginta duo Discipuli, nec fuerūt à Christo ordinati, nec habuerunt potestātē aliquam ecclesiasticam, quæ sine ordine non est. Restat ergo cōclusio uera, q̃ præter Apostolos nullus alius accepit à Christo potestatem ecclesiasticam: atque ita habemus primam originem potestatis ecclesiasticæ. fuerunt enim & primi & soli, qui à Christo domino & redemptore nostro hanc potestatem acceperunt duodecim Apostoli.

¶ Superest nunc tractare, qua ratione hæc potestas deriuata est usque ad nos, & perseverat in ecclesia, et sic erit absolutū totū negotiū, qđ suscepim⁹ de subiecto potestatis ecclesiasticæ. Sit ergo de hac quæstione prima propositio, Potestas* ecclesiastica nō solū fuit in Apostolis: sed etiā in aliis. hæc est nota ex scripturis. Nam Paulus cōstituit episcopum Titū. & Ti-

k 5 motheum

Actuum. 9.

motheū, ut patet. 1. Timo. 4. & 2. ad eundē. 1. & ad Tit. 1. & ad Eph. idē Apostolus dat præcepta & rationē instituendi, & creādi presbyteros. 1. Timo. 3. & ad Titum. 1. & Act. 20. Paulus loquitur ad presbyteros Asiæ. & Io. in Apoc. meminuit episcopi Laodiceæ. ergo præter Apostolos aliqui alii habuerūt potestatem ecclesiasticā.

14 ¶ Secunda propositio, Defunctis* Apostolis Christi, perseverauit in ecclesia omnis potestas ordinis & iurisdictionis, quæ prius erat in Apostolis. Probatur, Gradus potestatis ecclesiæ sunt instituti à Christo non solum pro tempore Apostolorū, sed in totū tempus, quo perseveratura erat in ecclesia: ergo perseverauerunt in ecclesia post decessum Apostolorum.

Ephē. 4. Antecedens patet ad Ephēsi. 4. Et ipse dedit quosdam quidem Apostolos, alios autē Pastores, & Doctores ad consummationem Sanctorum, in opus ministerii, in ædificationem corporis Christi, donec occurramus omnes in unitatem fidei, & agnitionis filii Dei, in uirū perfectum, in mensuram ætatis plenitudinis

15 Christi. Ex quo loco patet, qd* gradus ecclesiæ sunt perseveraturi in ecclesia usque ad ultimū iudiciū, & resurrectionē mortuorum. Item

Hebr. 7. ut Pau. dicit ad Heb. 7. Trās lato sacerdotio, necesse est ut legis translatio fiat. Ergo amisso sacerdotio, etiā necesse est ut lex amittat. ergo si in ecclesia nō esset sacerdotiū institutū à Xpo, nec

nec etiā esset lex Christi. lex autē Christi est æterna, est enim testamētū eius æternū, ut Pau. ait ad Heb. 13. & Baruch. 2. Statuā eis testamētum alterū sempiternū. Et in eodē. c. 4. uocat *Baruch. 2.* legē Christi legē sempiternā. ergo necesse est ut perseveret sacerdotiū à Christo institutum. In sacerdotio autē omnis spiritualis potestas intelligit, & includit. Itē nō esset Christus sacerdos in æternū, ut Propheta & Paulus appellat, si eius sacerdotiū cadere & perire debuisset: nō enim est Christus sacerdos nisi in ecclesia. Itē est præceptū in ecclesia, de sumptione eucharistiæ, ut patet Ioh. 6. Nisi māducaueritis carnē, *Iohan. 6.* &c. Sed sine sacerdotio eucharistiæ cōsecratio fieri nō pōt: ergo. Itē, saltem cōstat Apostolos reliquisse episcopos, & presbyteros, ut de Paulo non semel scriptum est: & potestas illorum non expiravit Apostolis defunctis: ergo potestas in ecclesia fuit etiam defunctis Apostolis, potestas (inquam) ecclesiastica.

¶ Tertia propositio, Tota* potestas ordinis in ecclesia deriuata est, & pēdet īmediate ab episcopis. Volo dicere, quōd sicut Apostoli, & illi soli habuerūt iure diuino ordinare, & cōsecrare presbyteros, & alios īferiores ministros, ita omnes, & soli episcopi hoc habēt etiā iure diuino. Et q̄ episcopi habeant hāc potestatē, patet. 1. Timo. 5. Man' citō nemini īpotueris. qđ *1. Timo.* de ordinatione presbyteri intelligēdum omnes

nes sancti docent. Et c. 5. instituit Timotheū,
 quales presbyteros eligere debeat. Oportet in
 quīt episcopum irreprehensibilem esse, unius
 uxoris uirum, &c. quōd de presbytero intelli-
 gendum patet, ex eo quōd statim subiicit qua-
 les oporteat esse diaconos. & ad Titum. i. Hu-
 ius rei gratia relinqui te Cretæ, ut cōstituas per
 ciuitates presbyteros si quis sine crimine est.
 Nec de hoc inter catholicos est dubitatio epis-
 copos hanc habere potestatem. Et q̄ soli epis-
 pi habeant, uidetur, q̄ nunquam legimus ordi-
 nationes factas nisi ab Apostolis, uel ab episco-
 pis aliis. Vnde etiam Actuum 14. de Paulo &
 Barnaba legīt, q̄ cōstitutis Lystrę, & Iconio,
 & Antiochiæ per singulas ecclesias presbyte-
 ris, decesserūt. Et Dionisius Apostolorū disci-
 pulus, & Synchroni^o libro de ecclesiastica hic
 rarchia, ubi formam ecclesiasticā ab Apostolis
 traditā disertē, & copiosē tractat, solis Pon-
 tificibus ordinationem ministrorum tribuit,
 imò nec oleum sanctū, quo sacratur presby-
 teri, ab alio, quā à Pōtifice docet confici pos-
 se. Item potestas ordinis est iuris diuini: ergo
 nō est usurpanda nisi ab eis, quibus constat iu-
 re diuino commissum, tales sunt soli episcopi:
 ergo &c. Item consuetudo uniuersalis eccle-
 siæ semper tenuit, ut soli episcopi ordinatio-
 nes faciant; & est, ut supra dixi, grauissimum
 argumentum, quōd nunquam factū est, ideo

non

non esse, quia non licuerit, aut certè non potuerit. Itaque impium, & hereticum est credere, quod noui heretici putant, sacerdotem uel plebis electione, uel quacunque alia ratione, quam episcopi consecratione constitui posse. Verum est, quod qui teneret episcopum à presbytero non differre consecrationem, sed sola potestate, & iurisdictione, consequenter necessario haberet concedere quilibet presbyterum posse etiam presbyteros consecrare: nam potestas iurisdictionis non facit potestatem consecrandi. Sed quia illam sententiam existimo falsam, ut suo loco patebit, per se uero in conclusione posita, quod omnibus, & solis episcopis conuenit ordinatio ministrorum. Nec nunc disputo, an ex privilegio summorum Pontificum Abbates aliqui habeant conferre aliquos ordines, uel minores uel etiam maiores. si enim aliqui ordines non sunt iuris diuini, ut certò constat de minoribus, non est dubitandum quin collatio illorum committi possit non episcopo. Si uero maiores omnes iuris diuini sunt, quod in praesentia non puto, profectò uidetur nec committi etiam posse nisi episcopis, qui soli iure diuino habent: quam non est eadem ratio de presbyteratu, & diaconatu, ut fateor, sed hoc omnino uide probabilibus, quod nec etiam diaconi ordinari possent nisi ab episcopis, siquidem iuris diuini ille ordo est.

¶ Quar

17 ¶ Quarta ppositio, Defuncto* Petro principi Apostolorū, aliq̃s successit Petro cū simili autoritate, & potestate iurisdic̃tiōis in totū orbem. Probatur à sancto Tho. 4. cōtra Gent. c. 76. Christus sic instituit ecclesiam, ut esset usque in seculum duratura. Vnde Esa. 9. Super solium Dauid, & super regnum eius sedebit, ut cōfirmet illud, & corroboret in iudicio & iustitia à modo, & usq; in sempiternū. Sed Christus edificauit ecclesiam super Petrum, ut ipse dicit Mat. 16. ergo opus fuit, ut eo medio sublato, alius loco ipsius subrogaretur. Itē in ueteri lege à Deo instituta semper fuit unus summus Sacerdos. Patet Deutero. 17. & aliis locis. Hoc est quod Augusti. 24. quæstio. 1. c. quodcunque. dicit, quod cum Petrus accepit clauēs, accepit non tanquam priuatus, sed nomine ecclesiæ: hoc est, data est ei potestas, quæ esset duratura in ecclesia, in cuius ædificationem Christus dedit. Vnde sicut Adam quædam dona habuit personalia, que in posteros transfundere non potuit, ut plenitudinem omnium scientiarum, quædam autem communia statui innocentix, ut iustitiam, gratiam, immortalitatem: sic & Petrus priuata dona habuit, quædam in quibus successorem non habuit (nec enim erat necesse) ut gratiam miraculorum, donum linguarum: quædam uerò accepit, in posteros

ros translaturus, ut potestatem clauium, quā non sibi, sed ecclesiæ accepit. Item ille ordo, à principio constitutus à Christo in ecclesia, ut scilicet esset unum caput, & unus princeps super omnia in tota ecclesia, erat cōueniētissimus ad administrationē ecclesię. Quod cōstat non solū facto ipso Christi, cuius est summa sapientia, & prouidentia, sed etiā cōsensu, etiā meliorum Philosophorum, qui Monarchiam aliis principatibus præferunt, ut cōstat ex Aristot. in Politicorum, & Ethicorū libris, & Metaphysicorum. Sed Christus nō minus diligit nunc ecclesiā suā, quā tunc diligebat, cū etiam promisit se nobis adfuturū usque ad consummationē seculi, Matt. ultimo. ergo nullo modo est uerisimile, q̃ uoluerit, defuncto Petro, *Matth. ultimo.* mutare rationem, & formā administrationis ab ipso Petro institutam, ut scilicet esset unus princeps totius potestatis ecclesiasticæ. Nec enim Petrus principatum in suum commodū acceperat, sed in utilitatem, & ædificationem ecclesiæ. Et re uera nō minus perniciosus fuit error negātium perseuerare in ecclesia unum Pontificem, cui omnes Christiani subesse teneantur, quā eorū, qui omnes Christianos æquales uolunt esse. hic enim maiorem orbis Christiani partē primò in schismata deduxit, deinde ab ecclesia alienauit, postremò in impiētissimam Mahumeti perfidiam impulit.

Certè

Certè qui beato Petro principatum non negant, nulla ratione se tueri possunt, quin unti etiam nunc summum Monarcham in ecclesia concedant. In hanc sententiam sunt aperta testimonia Ignatii, Cyrilli. Chrysof. & aliorum doctorum Græcorum, imò & Conciliorum in ipsa Græcia celebratorum. Nā de Latinis authoribus & Synodis ne dubitandum quidem est: quin omnes in unam hanc sententiam cōspirauerint. Sed esto ut ita sit, sicut certò est, ut in ecclesia semper sit unus successor Petri cū pari etiā dignitate, & autoritate. Superest inquirendū, qua uia, qua ratione ea dignitas, & potestas Petri, deriuari, & perueniri possit ad alium. Nec enim ex morte Petri ad unum alium certum suprema illa potestas attinebit.

¶ Sit pro hac quæstione in ordine quinta
 18 propositio, Petro* mortuo, ecclesia habet potestatem subrogandi, & instituendi alium loco illius, etiam si Petrus nihil de hoc prius cōstituisset. Hęc probatur. Licet enim ecclesia (ut in relectione priori declaratū à nobis est) nō posset potestatem spiritualement constituit, nec (ut ita dicam) formaliter in se habet, ut suprà explicauimus: tamen semel constituta à Christo potestate, non uidetur, quòd ecclesia sit peioris cōditionis ad eligendum sibi principem, quàm ciuilis respublica, quæ quocunque casu, deficiente principe, potest sibi alium constituit.

stituire. Item, ut dictum est, hæc potestas oportebat ut perseveraret in ecclesia, sed defuncto Petro, & nihil de successore providente, nec statuente, ut contingere poterat, non restabat aliud mediū, nisi per electionem ecclesiæ. Ergo ecclesia poterat alium eligere. Et confirmatur, Quia nunc etiamsi aut bellū, aut pestilentia, aut alia calamitas, aut casus absumeret Cardinales omnes, non uideretur dubitandum quin ecclesia posset providere sibi de summo Pótifice: aliās uacaret perpetuò illa sedes, quæ tamē perpetuò debet durare. Item illa potestas est communis, & spectat ad totam ecclesiā. ergo à tota ecclesia debet provideri, & nō ab aliqua peculiari ecclesia, uel certo ordine, aut genere hominum: imò negligentibus Cardinalibus, aut perniciosè dissidētibus, ecclesia posset sibi providere.

¶ Sed an ab omnibus Christianis? Respōdeo, & sit sexta propositio, Electio * summi Pontificis in tali casu spectaret ad solum clerū, & nullo modo ad populum. Probatur, Quia administratio rerum spiritaliū nullo modo spectat ad laicos, ut aliās à nobis probatum est: sed institutio summi Pontificis maximè spectat ad gubernationem, & administrationem rerum spiritualium: ergo nullo modo spectat ad laicos. Item electio presbyterorum, aut episcoporum non spectat ad plebem, ut suprà latè

1 probatum

probatum est. ergo multominus electio summi Sacerdotis. Item populus non potest iudicare merita & qualitates requisitas ad dignitatem summi Pōtificis, nec examinare, & discernere inter dignū, & indignū: ergo electio, uel institutio non spectat ad plebem. Esset enim absurdum, ut prouidentia Sacerdotii commissā esset illis, qui nisi fortè & casu nō possent rectè prouidere. Item, Quia talis electio esset prorsus impossibilis, cū esset impossibile ut totus populus conueniret ad eligendum, nec postquam conuenissent, possent, ut maior pars unum & eundem optaret.

20 ¶ Septima propositio, Imò, * non uidetur etiā talis electio spectare ad totum clerum: quia licet ad omnes clericos spectet administratio spiritualium, tamen non omnia spectant ad omnes, sed citra episcopos omnes habent certa & limitata ministeria, extra quæ non extendit se eorum officium, ut diaconi ministrant presbyteris: prebyteri autem ministrant sacramenta: nec ea quæ sunt autoritate, spectant ad officium eorum, & eadē ratione uix conuenire posset clerus totius orbis ad talem electionem.

21 ¶ Vnde sit octaua propositio, In * quocunque

que casu uacaret sedes apostolica, manendo in solo iure diuino, electio spectaret ad omnes episcopos Christianitatis. Probatur, Quia ipsi sunt pastores gregis, & curatores, & tutores, & tota administratio ecclesiastica citra summum Pontificem spectat ad eos, & omnia possunt per se, quæ inferiores omnes possunt. Dico enim quod quomocunque, siue instituto, siue casu omnes episcopi Christiani conuenirent, in tali casu episcopi possent eligere unum summum Pontificem tantæ authoritatis, sicut fuit beatus Petrus, etiam reclamantibus omnibus uel maiori parte laicorum, aut etiam clericorum.

¶ Sed quia hæc forma esset etiam uehementer difficilis, ac penè impossibilis: sit nona propositio, Beatus * Petrus, uel solus, uel cum aliis Apostolis potuit constituere formam, & rationem, qua post obitum eligeretur ei successor. Probatur breuiter & clarè, quia habebat plenitudinem potestatis & administrationis ad ferendas leges conuenientes ecclesiæ, sed hæc erat una lex etiã necessaria ad gubernationem ecclesiæ de electione summi Pontificis: ergo potuit eam cõdere. Secundò pbat, Tota ecclesia posset hanc legem facere, imò facta est in Conciliis: ergo Petr' potuit, quia aliàs nõ habuisset

habuisset summam potestatem. Et confirmatur, Quia omnis alia forma eligendi, seclufa lege lata à Petro erat uel impossibilis, si à tota ecclesia, uel à toto clero: uel saltem magna occasio schismatum, si per omnes episcopos deberet fieri. ergo omnino hoc expediebat, ut lege daretur certa uia & ratio eligendi. Verum circa has propositiones oritur dubium. nam Episcopus Romanus est summus Pontifex, ergo dato q̃ Petrus decessisset, sufficebat Romanus clerus ad eligendum Episcopum Romanum, & per consequens summum Pontificem. Et augetur dubiũ. Nam (ut ex historia habetur) aliquando uel clerus Romanus, uel populus summum Sacerdotem eligebãt. Respondeo primò, An Episcopus Romanus sit iure diuino summus Sacerdos, inferiùs (si uacauerit) disputaturus sum. Secundò dico, quòd si clerus, aut populus Romanus aliquando hoc iuris habuit, ut eligeret summum Pontificem, hoc fuit certè, uel lege de hoc lata, uel consuetudine recepta, & nõ iure diuino. Nam etiam eligẽte Romano clero, si Episcopi Christiani ratam habebant electionem, hoc satis esse potuit, ut illa forma electionis per aliquam aetate seruaretur.

²³ ¶ Decima propositio, Beatus* Petrus potuit eligere sibi & designare successorem, qui defuncto Petro, sine alia electione esset summus

mus Pontifex. Hæc propositio non recipitur à theologis recentioribus, quòd sint pontificiæ dignitati aliquanto infestiores quàm deceret alioqui pios, et Christianos scriptores. Sed probatur primò ex facto Petri, qui (si fides habenda est uera narratibus) Clemétem uiuens ipse uiuétém in pontificem nominauit, ut habetur. 8. q. 1. c. si Petrus. ex autoritate Iohan. scilicet tertii qui fuit temporibus Iustiniani. Item probatur manifesto & inuicto argumento, Nam, ut probatum suprà est, poterat ferre legem de electione successoris: sed potuisset ferre legem, ut uiuens Pontifex eligeret successorem, imò illa lex uidetur futura conuenientissima ad tollenda schismata, & ambitiones. Sicut apud Romanos durâte adhuc magistratu Consulium designabantur futuri Consules, quare non ita potuit fieri de summo Pontifice? Item potuit ferre legem, ut Episcopus uiuens nominaret sibi successorem, quare nò potuit de summo Pontifice? Sequitur consequenter, quòd tantundem potuit facere quilibet successor Petri. Patet, quia habuit eadè potestatem.

¶ Vndecima propositio, Ratio* eligendi sum-
mum Pontificem, quæ nunc seruatur in ecclesia, non est de iure diuino. Hæc nota est ex præcedentibus, quia exclusa humana lege, spectat ad Episcopos. Item, Nusquam inuenitur

in toto iure diuino. Itē, Petri successores potuerunt eā mutare, ut dictū est. Itē, nō semper hoc modo fuit facta. Et ultimo, quia ordo Cardinaliū, qui nunc sunt electores, nō est iure diuino.

²⁵ ¶ Ultima propositio, Ratio* eligēdi summum Pontificē, est ex constitutione & autoritate ecclesiæ aut summorū Pontificum, quæ eadē est, & eadē autoritate mutari posset. Hæc est ratio & origo qua autoritas & dignitas beati Petri ad nos usque perseverauerit, & duratura est in finē seculi.

¶ Superest ut agamus de successoribus aliorū Apostolorū. de quo sit prima propositio, Ne
²⁶ mo* successit aliis Apostolis cū æquali potestate & autoritate iurisdictionis: hoc est, ut in toto orbe haberet plenitudinē potestatis, sicut quilibet Apostolorū habuisset, ut suprā ostēsum est. Hæc probat primò ipso facto. De nullo enim legim⁹, qd se gesserit pro episcopo uniuersalis ecclesiæ, præter Romanum Pontificē, sed proximi quique Apostolorū, uel Hierosolymitanus, uel Antiochenus, uel alterius urbis episcopus dictus est. Secundò, Quia illa potestas uniuersalis in aliis Apostolis fuit extraordinaria, & personalis, ut dictū est (& sic nō potuerunt eā successoribus relinquere) & sola potestas Petri erat ordinaria, & in perpetuum duratura: ab ecclesia autē nullus recipit tā amplam

plam potestatem, quæ etiã sine suo capite nihil potest: nec à summo Sacerdote, hoc est, uel Petro, uel Clemente, legimus quicquam subrogatum cuiquam Apostolorum cum illa potestatis amplitudine. Tertiò, Fuiſſet maxima occasio schimatis & dissensionum in successoribus, qui non erant in gratia confirmati, si prouincias non habuissent distinctas.

¶ Secunda propositio, Quilibet * aliorum Apostolorum à Petro potuit relinquere successorem, licet non uniuersalem, saltè in quacunque prouincia uoluisset, qui esset uerus episcopus illi prouinciæ. Hanc propositionem scio non placituram omnibus doctoribus, tum theologis, tum iuriconsultis, nec episcopis Cardinalibus, Turre Crema. & Caieta. Omnes enim illa persuasio semel inuasit, omnem potestatem iurisdictionis ita dependere à Romano pontifice, ut nullus possit habere nec minimam quidem spiritualem potestatem, nisi ex mandato, uel lege ipsius post Apostolos quidem, qui ex singulari priuilegio habuerunt à Christo, quod nullus alius potest habere nisi à Petro. Sed probo primò hanc propositionem aperte, Quilibet Apostolorum potuit uiuens creare episcopum in quacunque prouincia, & ille non amitteret potestatem defuncto Apostolo: ergo potuit relinquere successorem

forem. Antecedens est notū, quia Paulus constituit Titum & Timotheum, & idē iuris habuerunt alii Apostoli: & in hoc sensu propositio à nemine negari potest. Sed dico eā esse ueram in sensu, in quo diximus Petrum potuisse nominare successorem: id est qui re uera nō haberet potestatem nisi post obitum Apostolici: ita inquam potuit Iohannes in Asia nominare Ignatium, ut post se episcopus esset in ea prouincia. Hoc probatur, Nam ut suprā abūdē probatum est, nec alii diffitentur, cæteri Apostoli uiuentes equalem habuerunt potestatem cum Petro: ergo potuerunt condere legem, ut uiuēs ipse eligeret sibi successorē. ergo potuit illa legē ipse primus eligere. Certē de auctoritate non uidetur dubitandū eis, qui cōcedunt æqualē auctoritatē aliis Apostolis cū Petro. Et si Petrus poterat talem legem ferre in prouinciis, quare Paulus non potuisset? Imò certum est nō indigere alios Apostolos expectasse mandatum Petri ad omnia quæcūque opus erant in prouinciis. Atque adeo uidetur mihi propositio non solū probabilis, sed de qua dubitari non potest.

- 23 ¶ Tertia propositio, Non * solū Apostoli hoc potuerunt, sed quilibet successorum similiter potuit relinquere sibi successorem. Hæc probatur apertē ex secunda. Nam lata lege à Iohanne, uel Paulo, ut uiuens episcopus nominaret

minaret successorē, potuisset Titus nominare aliū. Sed ultrā addo (quod difficilius uidetur, sed puto nō minū uerum) quod etiam si de hoc nulla lex esset lata à Paulo, potuit Titus, & Timotheus nominare sibi successorē, inconsulto etiā successorē Petri: & simile de omnibus aliis episcopis. Probatur, Quia episcop⁹ est pastor, & gubernator prouinciæ iure diuino. ergo si maiore potestate nō impediretur, potest facere omnia, quæ expediunt ad salutem suæ prouinciæ: sed hoc potuit maximè eo tempore esse expediens, ut uiuens episcopus nominaret successorē: ergo potuit hoc facere, imò & legem ferre, ut hoc modo perpetuò fieret. Vnde enim habemus, quòd episcopus possit legem condere de electione abbatis, uel parochi, uel de quacunque alia re, & non de electione episcopi? Et confirmatur, Quia certè non solum hoc uidebatur possibile, & conueniens, sed omnino eo tempore necessarium. Quomodo enim defuncto in ultima India episcopo, potuissent expectare mandatum Petri ad sufficiendum nouum episcopum? Et hæc omnia dicta sunt quantum ad potestatem iurisdictionis. Nam quo ad potestatem ordinis, si episcopatus dicit ordinem uel potestate distinctam à presbytero, & à iurisdictione, sicut uideo placere penè omnib⁹: oportuit præter electionem concurrere aliquam consecrationem

tionem, tam ad institutionem papæ, quàm episcoporum: sed illam potuit facere quilibet episcopus uiuens, sacramento successorem uel etiam uno defuncto, episcopus alteri⁹ prouinciæ potuit ordinare successorem prius electum, & nominatum.

²⁹ ¶ Ultima propositio, Quilibet * episcopus in sua prouincia potuit condere legē, ut presbyteri eligerēt episcopum, uel aliam formam institutionis dare, etiam inconsulta sede Petri. Hæc sequitur ex aliis. Nam potuit leges conuenientes prouinciæ facere de hac re, sicut de aliis. Ecce rationem, quomodo autoritas, & dignitas episcopalis potuit deriuari successiuē ab uno in alterum usque ad nos, & per episcopos omnis alia potestas inferior. Sed his non obstantibus (ne quis putet me uelle derogare Romanæ sedi, & dignitati) pono aliam conclusionem, Successores * Petri potuerunt, & possunt pro suo arbitrio episcopos creare in singulis prouinciis; & quascunque leges de hac re prius latas tollere, & nouas cōdere, & prouincias distinguere, & omnia ad hæc spectantia pro suo iudicio & potestate facere. Omnia enim quæ dicta sunt, intelligenda sunt, nisi à sede Petri aliter prouideatur. Hæc propositio probatur clarè, Quia Petro dictum est absolute, Pasce oues meas, sine aliqua exceptione. Ergo ad Petrum spectat omnis administratio
fine

sine limitatione, & per consequens etiam creatio episcoporum. Si enim quicumque aliorum Apostolorum hoc poterat, & fecerunt, ut constat, multo magis ad Petrum & successores Petri. Ex quo patet corollarium, quod nunc non potest episcopus fieri nisi secundum formam traditam à summis Pontificibus: & si secus tentatum fuerit, nihil efficietur ratum, sed totum erit irritum, & inane. Dico uero quantum ad authoritatē iurisdictionis: nam quod ad consecrationem spectat, secus est. Secundò sequitur, quod tota potestas ecclesiastica, siue ordinis, siue iurisdictionis, mediatè, uel immediatè tota pendet à sede Petri. Patet, quia ab illa sede pendunt episcopi: ab eis presbyteri, & omnes inferiores ordi-

nes, & potestates.

Laudetur Christus

in æternum,

Amen.

*

REVERENDI PATRIS

FRATRIS FRANCISCI A VI
CTORIA RELECTIO
DE POTESTATE
CIVILI.

S V M M A.

- 1 Potestas omnis seu publica, seu priuata, qua respublica secularis administratur, quod non solum iusta & legitima sit, sed ita Deum auctorem habeat, ut nec orbi totius consensu tolli, aut abrogari possit, ostenditur.
- 2 Potestas, quod sit duplex, publica, & priuata.
- 3 Potestatis civilis finis quis sit.
- 4 Hominis miseria recensetur. Et quid faciendum oportuit, ut illius necessitatibus consuleretur.
- 5 Ciuitatum, rerumque publicarum fons & origo, quod non fuerit inuentum hominum, sed tanquam à natura profectum.
- 6 Potestatis civilis causa efficiens quæ.
- 7 Respublica unde habeat potestatem civilem. Et de causa materiali eiusdem potestatis. Et penes quem iure naturali & diuino resideat.
- 8 Monarchia, siue regia potestas, quod non solum iusta sit, & legitima, sed quod reges etiam à iure diuino & naturali habeant potestatem, & non ab ipsa republica, aut prorsus ab hominibus.
- 9 Potestates, quibus infidelium respublicæ gubernantur, an sint legitime. Vel, an inter paganos sint legitimi principes, & magistratus.

Potestatis

- 10 Potestatis publicæ secularis tres causæ explicantur.
- 11 Libertas, quòd non sit minor in regali principatu, quàm in aristocratico, & democratico.
- 12 Respublica, quòd tota possit puniri licitè pro peccato regis.
- 13 Bellum quando nullum esset iustum.
- 14 Reipublicæ sicut maior pars regem supra totam rem publi. constituere potest, alijs inuitis: quòd ita pars maior Christianorum, reliquis etiam renitētibus monarcham unum creare iure possit, cui omnes principes & provinciæ parere teneantur.
- 15 Principū leges, & constitutiones, quomodo obligent in foro conscientie. Et quid de præceptis parentum in filios, & maritorum in uxores.
- 16 Lex humana & diuina in quo differant, & in quo etiam conueniant.
- 17 Lex diuina quòd sicut habet uim obligandi ad culpā, ita & lex humana.
- 18 Legum humanarum transgressores, ad quam culpam obligentur, ad mortalem, an ad ueniam solū.
- 19 Leges humanæ quando obligent ad mortale, & quando ad ueniale, qualiter dignosci poterit.
- 20 Rex si uellet non obligare ad culpam, an posset.
- 21 Leges ciuiles, an obligent legislatores, & maxime reges.
- 22 Legis ratione cessante, an cesset obligatio.
- 23 Tyrannorum leges an obligent.
- 24 Præcepta parentum, quòd eodem modo obligent, sicut leges ciuiles. Et idem de præceptis maritorum in uxores.

Officium



FFICIVM, ac munus Theologi tam latè patet, ut nullum argumentum, nulla disputatio, nullus locus alien' uideatur à theologica professione, & instituto. Et fortasse hoc etiam in causa est, sicut de Oatore dicit Cicero, cū in omni disciplinarum genere, omnib'que artibus tam pauci inueniantur, & clari, & excellentes uiri: tanta sit, ne plus exigam, theologorum bonorum inopia, & solidorum. Est autem Theologia omnium disciplinarum, studiorumque orbis prima, quam Græci *θεολογια* uocant. Quare nihil mirum uideri debet, si nō tam multi in tam difficili re sanè absoluti inueniantur. In tam igitur magno solo, ac latè patenti scripturarum omnium doctorum campo cū infinita suppeterent, unū potissimum locum mihi delegi: certè si pro sua dignitate à me tractari ualeat, dignum uestro conspectu, uiri ornatissimi, & doctissimi. Locus itaque est de republica: de qua re cū grauissimi, & eruditissimi uiri multa differuerint, plura tamen supersunt. Et quoniam argumentum amplius est, quàm ut una disputatione expleri posset, de potestate publica & priuata, qua re publica gubernatur, hodie negotium suscepi.

¶ Locus relegendus ac tractandus est in Magistro sententiarū in. 2. d. 44. & sumptus est à Paulo.

ROM. 13. ad Ro. 13. Nō est potestas nisi à Deo. In quem locum

locum licet permulta sint quæ afferri possent, tamen impræsentiarum de laica, seu seculari potestate tota nostra disputatio erit nullis limitibus coërcita, ne effusius quàm opus sit, erret, & euagetur. Tota ergo præsens relectio tribus terminabitur conclusionibus.

¶ Prima conclusio est, Omnis * seu publica, seu priuata potestas, qua respublica secularis administratur, nõ solum iusta, & legitima est, sed ita Deum actorem habet, ut nec orbis totius consensu tolli, aut abrogari possit. Priusquam ad probationem huius conclusionis veniam, nonnulla mihi præmittenda sunt, ad eius explanationem, & intelligentiam necessaria. Nec tamen omnia, quæ in hoc amplissimo argumento cõgeri possunt, persequi constitui, sed astricto & pressso sermone, scholastico more, quantum potero, paucissima uerba, quæ solum instituto sunt necessaria, conferã. Cum
 * autẽ duplex sit potestas, publica, seu priuata, pri^o de publica, mox uerò de priuata agam^o. Et quoniã (ut Arist. admonet) unũquodq; tũc arbitramur scire, cũ causas eius cognoscim^o, operæpretiũ me facturũ puto, si ciuilis, et laicę potestatis, de qua tota futura est oratio, causas inuestigauero. Quib^o certẽ pceptis, & uis, & effectus ipsius potestatis faciliẽ patebũt. Illud igit in primis notare oportet, qd ipse Arist. in Phisicis docet, Nõ in naturalib^o tantũ, sed in oĩbus
 Arist.
 Arist.
 prorsus

prorsus humanis rebus necessitatem considerandum ex fine, utpote causarum omnium & prima & potissima. Quod dogma, seu ab Aristot. inuētum fuerit, siue à Platone receptum, ingens philosophiæ argumentum fuit, magnamq; rebus omnibus attulit lucem. Anteriores homines non eruditionis expertes, sed primi etiam nominis philosophi, necessitatē rerū materiæ tribuebant, ac si (ut ipsius Arist. exemplo utar) domum ita necessariò constructam esse putarent: non quòd humanis usibus ita expediret, sed quia grauiam quidem deorsum suapte natura ferantur, idcirco lapides quidem ac fundamenta sunt infra terram, supra autem propter leuitatem præminent ligna. Item homines inferiùs pedes habere non incessus gratia, sed quòd ea pars maximè crassior sit. Ossa que similiter animantibus inesse, nō quòd ita necessaria fuerint, ut caro membræque corporis stabilitatem haberent, sed quòd ea materia durior & solidior sit. Verumenimvero homines crassis opinionibus imbuti, toto (ut aiūt) cælo errabant, ut nec rerum aliquarum rationem secundum sententiā eorum reddere possent, certè optimarum maximarumque rerum fabricam artificio philosophandi ratione nullo modo expedire possent. Quomodo enim illi, ut non inquiram qua materiæ uarietate terra ornatur in media sede mundi locata, solida, & globosa,

& globosa, & undique circum se suis nuti-
bus conglobata, uestita floribus, herbis, arbo-
ribus, ut nō exigam unde fontium gelidæ peren-
nitates, liquores perlucidi, unde riparum uesti-
tus uiridissimi: singularium partium membrorumq;
hominis compositionem uni materię acceptā,
referrent? Quæ est illa materię uis, quæ inter
animantia oculos homini sublimes dedit, cæ-
lumque uidere iussit, & erectos ad sydera tol-
lere uult? Ita enim illi respōdet fieri aliter nō
potuisse, quàm ut homo erectus esset, bruta ue-
rò prona, inclinataque: & non finis alicuius,
aut utilitatis gratia, sed quod animantium mate-
riæ, disparque conditio esset. Atque ex hoc ca-
pite manauit Epicuri stolidissimum placitum,
& eius discipuli Lucretii. Dicebat enim nec o-
culos ad uidendum esse natos, nec aures ad au-
diendum, sed omnia fortuito atque adeo ex
illo atomorum multifario concursu per in-
finitum & inanem uolitatum contigisse, quo
nihil potest dici, uel fingi, aut stultius, aut
ineptius, nec quicquam procliuius quàm tam
apertam stultitiam arguere. Quod copiosissi-
mè Cicero De natura Deorum, & Lactan-
tius De opificio Dei fecerunt. Sed nostro insti-
tuto, & præsentī proposito satis erit, ut sum-
mam ueritatem teneamus, qua omīssa, sem-
per necesse errare est. Credamusque non cæ-
lum, nec terrā, ac reliquas orbis partes homi-
nemque

minemque ipsum orbis principiū, sed omnia, quæ cælo continentur, alicuius usus & finis gratia stetit, fierique omnia, atque ita fieri necesse propter finem, unde ratio & necessitas rerum accipienda est.

¶ Quærendum igitur & inuestigandum nobis superest, quis sit finis ille, cuius gratia potestas hæc, de qua tractaturi sumus, constituta sit. Pro quo considerare oportet, quod sicut homo cæteris animalibus præstat ratione, sapientia, atque sermone, ita illi æterno, immortalis, sapienti; animali, multa à providentia gubernatrice denegata sunt, quæ reliquis animalibus sunt tributa, & concessa. Iam enim primum ut communitati & tutelæ animantium consultum esset, ab ipso statim principio omnia alia animalia suis tegumentis natura mater dotauit, quo facilius possent uim pruinarum & frigoris sustinere. Singulis autem quibus ad propulsandos impetus extraneos sua propria munimenta constituit, aut ut naturalibus telis repugnaret feriores, aut quæ sunt imbecilliores, subtrahant se periculis pernecitate fugiendi, aut rostro ueluti hasta se protegant, aut latibulis sepiant: & ita quædam illorum, aut plumis leuius in sublimem suspensa sint, aut suffulta unguibus, uel instructa cornibus: nullique præsidium sui deest.

⁴ Hominem autem unum ratione & uirtute concessa relinquit fragilem, imbecilem, inopem, & infirmum,

mum, omniq; auxilio destitutū, undiq; indigentem, & nudū, incrinemq; contra se ex naufragio producit, in cuius uita misérias sparsit, quippe qui ab ipso statim ortu nihil aliud potest quàm fragilitatis suę cōditione plorata fleatibus comminari. Iuxta illud, Repleti multis miseriis: & tantum ut restet (ut Poëta refert) transire malorum. Vt ergo huiusmodi necessitatib' cōsuleretur, necessariū porrò fuit, ut homines non uagi errarent, & palātes instar ferarū in solitudine, sed in societate uiuētes, inuicem sibi adiūmēto essent. uæ enim soli (ait Sapiens) quia si ceciderit, nō habet subleuantē: si autē fuerint multi, fouebuntur mutuó. Atque adeò ex hoc capite Aristo. 2. Ethico. admonet, *Aristo.*
 nō sine doctrina, & experientia perfici posse *2. Ethico.*
 ex parte intellectu, q in solitudine haberi minime pōt. Imò etiā hoc loco brutis animalibus ipsis inferiores esse uidemus, qā illa necessaria sibi per se cognoscere possunt, hoīes autē nullaten' hoc possunt. Rursus etiā sermo intellectu est nūti', & i hūc solū usū datū Aristo. tradit, quo unoq; homo cæteris animalib' antecedit: q extra hominū societate null' foret: atq; adeò etiā, si fieri posset, si sapiētia esset sine sermone ingrata & inscibilis esset ipsa sapiētia. Ita enim in Ecclesiastico habetur, Sapiētia abscondita, & thesaur' inuisus, q utilitas in utrisq;? Quapropter & in. 1. Politic. Arist. ostendit hominē naturaliter

turaliter esse ciuilem, sociabilemque. Iam uerò uoluntas, cuius ornamenta sunt iustitia & amicitia, deformis uerò omnino, ac uelut manca, extra hominum consortia sit necesse est: iustitia quidē nisi à multitudine exerceri non potest: amicitia uerò, sine qua non aqua, non igne, non sole (ut ait Cicero pluribus locis) iurimur, & sine qua nulla uirtus est secundum Aristo. sententiam: sine uitæ communicatione omnis periit. Et si constaret humana uita, & sibi sufficeret, tamen in solitudine non nisi inuocunda, & inamabilis esse posset nihil enim natura solitariū amat, omnesque, ut ait Aristo. natura ferimur ad communicationē. Si quis (inquit Cicero) in cælū ascendisset, naturamque mundi, atque syderum inspexisset pulchritudinē, insuauis illi sine amico administratio foret. Quare & Timō ille Atheniensis, qui se instituto ab hominum communitate segregarat, inhumana, brutalique natura ab Aristo. i. Politi. censetur, & inter feras huiusmodi homines ponuntur. Sicut enim ait Augu. libro de amicitia. Ego enim eos non tantum homines, quam bestias dixerim, qui sic dicunt esse uiuendum, ut nulli consolationi sint, nulli etiam oneri uel dolori, qui nihil delectationis ex alterius bono concipiant, nihil amaritudinis sua alijs peruersitate inferāt, amare nullum, amari à nullo curantes. Cū itaque

itaque humanæ societates propter hunc finem constitutæ sint scilicet ut alter alterius onera portaret, & inter omnes societates societas civilis ea sit, in qua commodius homines necessitatibus subueniant: sequitur, communitatem esse (ut ita dixerim) naturalissimam communicationem naturæ convenientissimam. quanquā enim mutua officia sibi præstent, non tamē familia una sufficiens est sibi, & maximē aduersus vim iniuriamque propulsandam: quæ maximē ea uidetur & Cham, & Nemrod adduxisse, ut primi omnium homines in ciuitatem cogèrent, ut legitur Gen. 10. Patet ergo quod *Gene. 10*
 * fons & origo ciuitatū rerūque publicarū, nō inuentum esse hominū, neque inter artificia numerādum, sed tanquā à natura profectum, quæ ad mortaliū tutelā, & conseruationē hāc rationē mortalibus suggessit, atque ex eodē capite statutum consequitur eundē esse finem eandēque necessitatem publicarū potestatum. Si enim ad mortalium incolumitatē necessaria sunt cōcilia & cœtus hominum, societas nulla cōsistere potest sine ui aliqua & potestate gubernante, & prouidente. idē omnino usque utilitas est, & publicæ potestatis, & communitatis, societatisque. Si enim omnes æquales essent, & nulli potestati subditi, nō quoque ex sua sententia & arbitrio in diuersitatem tendente, necessario distraheretur
 m 3 respublica

res publica, dissolueretur ciuitas, nisi aliqua esset prouidentia, quæ in communi curaret consuleretque cõmuni bono. Omne enim regnũ in seipsum diuisum, desolabitur. Et ubi nõ est gubernator (ut ait sapiens) dissipabitur populus. sicut corpus hominũ in sua integritate cõseruari non posset, nisi esset aliqua uis ordinatrix, quæ singula membra in usus aliorum membrorum, maximè in commodum totius hominis componeret: sane ita in ciuitate contingere necesse esset, si unusquisque pro suarum rerum utilitate sollicitus esset, & unusquisque ciuis publicum bonum negligeret. Habemus igitur finalem, & potissimam causam potestatis ciuilis, & secularis utilitatem, imò potiùs ingentem necessitatem, cui nisi dii repugnant. Efficientem* uerò causam huius potestatis ex dictis facillè est intelligere. Si enim publicam potestatem ordinemus constitutam iure naturali, ius autem naturale Deum solum actore cognoscit: manifestum euadit, potestatem publicam à Deo esse, nec hominum conditione aut iure aliquo positiuo contineri. Deus enim qui omnia in sapientia fecit, quisque attingit à fine usque ad finem fortiter, & disponit omnia suauiter, & cuius opera omnia ordinata sunt, ut ait Apostolus: huius naturæ cõditionis homines constituit, ut nisi in societate uiuere non ualerent. imò (ut apud Ciceronem differit Scipio)

nihil

nihil est illi principi Deo, qui omnem mundū regit, & quicquid est in terris fecit, acceptius, quam concilia cuiusque hominum iure societatis, quæ ciuitates appellantur. Et si respublicæ societatesque iure diuino seu naturali sunt constitutæ, potestates, etiam sine quibus respublicæ stare non possent. Item de iure diuino etiam, ut nullum dubium superesse possit, rationibus & testimoniis confirmabimus. Et primò quidem Aristo. 7. Politico. grauiā & leuiā à generante moueri asserit, non ob aliam causam, quam ob naturalem illam inclinationem quam habent à generante, & necessitatem ad motum. Si ergo Deus necessitatem istā atque inclinationem hominibus dedit, ut in societate & sub alia potestate regente degere non possent, hoc ipsum deo actori acceptum referre necesse est. Que enim apud omnes naturalia sunt, à Deo naturaliter sine dubio sunt: qui enim dat speciem, seu formam ut idem Aristo ait, dat ad speciem seu formam consequentiam. Quamobrē etiam Paulus admonet, Qui potestati resistit, Dei ordinationi resistit. Constitutione* ergo diuina respublica hanc potestatem habet: causa uerò materialis, in qua huiusmodi potestas residet iure naturali & diuino, est ipsa respublica, cui de se competit gubernare seipsam, & administrare & omnes potestates suas in communi benem 4 dirigere

dirigere. Quod sic probatur, Nam cū de iure naturali & diuino est aliqua potestas gubernādi rem publicam, & sublato communi iure politico & humano, non sit maior ratio, ut potestas illa sit in uno, quā in altero, necesse est, ut ipsa communitas sit sibi sufficiens, & habeat potestatem gubernādi se. Si enim prius quā in ciuitatem homines cōuenirent, nemo erat aliis superior, non est aliqua ratio, cur in ipso cōtū, seu cōuentu ciuili, quisque sibi super alios potestatem uendicaret: maxime cū quilibet homo iure naturali habet potestatem, & ius defendendi se, nihil magis naturale quā uim ui repellere. Et certē non est aliqua ratio, cur hanc potestatem respublica non obiciat circa suos ciuet tanquam in membra ad integritatem totius & conseruationem publici boni. Item hominē occidere, est iure diuino prohibitum, ut patet in præceptis Decalogi: ergo autoritas occidēdi oportet q̄ sit iure diuino. sed respublica, ut ex usu & consuetudine constat, habet auctoritatem occidendi hominem: ergo habet à iure diuino. Nec satis est dicere, quod ius diuinum non prohibet absolutē occidere hominē, sed occidere innocentē. quia conclusio est, quod homini priuato non licet occidere hominē, quamuis criminofum: ergo aliquam auctoritatem habet respublica occidendi hominē, quam non habet priuatus homo, &

homo: & illa non potest esse iure positivo, ergo iure diuino. Et quia hæc potestas principaliter est in regibus, quibus respublica commisit uices suas, de regio principatu & potestate disputandum est. De qua non desunt aliqui, etiam de numero Christianorum, qui non solum negant regiâ potestatem esse à Deo, sed etiam omnes reges, duces, principes, dicunt esse tyrannos, & huius libertatis esse prædones, adeo infensi sunt omnibus dominationibus, & potestatibus, una duntaxat respublica excepta: quod etiam probare conantur autoritatibus & rationibus. Et primò quidē, quia homo cōditus est in libertate. non enim in illo felici statu innocentiae quisquam dominus fuisse, nec quicquā seruiuisset. Secūdo, quia homini à principio dictum est, Dominamini piscibus maris, & uolatilibus cæli. & rursus, Fecit Deus hominem ut præesset piscibus maris, &c. nec dixit hominibus. Tertiò, quia in lege naturæ inter cultores ueri Dei nūquam legimus aliquē principē fuisse. Quartò, quia principatus ortū habuit à tyrānide. primū enim Nemrod qui fuit à posteritate reprobata à Noë, accepit tyrannidem, qui fuit filius Cham. Genes. 10. nec sancti doctores hoc sub silentio præterierunt. *Grego.* Greg. enim unum cōtra naturā & magnū dicit esse, uelle dominari hominē, cū naturali iure omnes homines sint æquales. & Isidorus,

Communis (inquit) omniū possessio, & una
 libertas iuris naturalis est, propria uti liberta-
 te: quod si ante legem euangelicā regius pote-
 status prohibitus nō esset, saltem Christianos
 dicūt libertate donatos à Christo. Patet ex illo
 loco, ubi dicit Dominus, Reges terræ à quibus
 accipiunt tributū, à filiis suis, an ab alienis? re-
 spondit Petrus, Ab alienis. Ex quo, inquit,
 certum est, Christianos tributū nō debere nisi
 ratioe scēdali. Et cōfirmatur per illud Aposto-
 li, Nemini quicquā debeatis, nisi ut uos inuicē
 diligatis. Itē, nolite fieri serui hominum: empti
 enim estis pretio magno. & rursus ad Ephesi.
 Vnus Dominus, inquit, una fides, unū baptis-
 ma. Non ergo licet nos Christianos principes
 superinducere. Vnde homines factiosi, corru-
 pti superbia, & ambitione, nihil mirum, si ad-
 uersus principes seditiones mouent. Ideo* nos
 cū omnibus sapiētibus melius dicimus, Mo-
 narchiam siue regiam potestātē nō solū iustā
 esse, & legitimā, sed dico reges etiam à iure
 diuino & naturali habere potestātē, & non ab
 ipsā republica, aut prorsus ab hominibus. Et
 probatur, Quia cū respublica potestatem ha-
 bet in reipublicæ partes, hæc autē potestas per
 ipsam multitudinem exerceri non potest (nō
 enim commodē posset leges condere, atq; edi-
 cta proponere, lites dirimere & transgressores
 punire) necesse ergo fuit, ut potestatis admini-
 stratio

stratio alicui, aut aliquibus commēdaret, qui huiusmodi curam gererent: & nihil refert uni aut pluribus cōmēdēt: ergo potuit cōmēdari potestas, quæ eadē est, quæ reipub. Et auctoritatibus probatur. Constat enim regnū nō esse cōtrariū iuri naturali, ut isti putāt. ius enim naturale est immutabile, ut Aristot. probat. 5. Ethico. & etiā habet in decretis. Nam si regnū esset cōtra ius naturale, nullo seculo, aut etate iustū esse potuit. cuius cōtrariū esse cōstat ex ueteri testamento, ubi laudat Melchisedec Rex Salē, & Ioseph procurator regni Pharaonis, & exactor tributorum, & Iacob uir iustus regionē incolendā à Pharaone accepit, & Daniel cum sociis suis constitutus est à Nabuchodonosor præfectus prouinciæ: quod utique uiri sancti non admisissent, si regnum pro tyrannide reputassent. Et Deuteronom. 10. ponūtur leges, & conditiones regibus, quibus regnaturi erāt apud filios Israël: nec prohibentur regem sibi cōstituere, sed tantū ne sit alienigena, qui cōstituendus esset, & ibi præcipitur, ut stet sacerdotis præcepto, & decreto sub capitis etiam pœna: nihil autem interest an sit sacerdos, aut rex, dummodo eandem habeat potestatem. Et Leuitæ constituuntur iudices, qui potestatem haberent uitæ & mortis. Et in libris Regum quidam reges ab ipso Deo constituti legūtur, alii eius præcepto præpositi: quod utiq;
nunquam

nūquā Dominus fecisset, si cōtra ius naturale fuisset. Et Machabæi, uiri fortissimi & sanctissimi ab omnib⁹ reputātur, qui tamē suorū patrū principatū aut delatū tulceperūt, aut iustis de causis illud sibi uindicauerūt. Est uerò prorsus absurdū existimare aliquid esse cōtrarium iuri naturali, aut diuino, quod rerum humanarum administrationi expedisset. Non itaque, ut sapiēter ait Iob, Deus tāquam timidus abiicit potestatem, cū ipse sit potens, nec libertas euāgelica (ut seditiosi homines imperitæ plebis auribus suggerunt) regis potestati impedimento est. Vt enim alio loco ostenditur, nihil quod lege naturali licitum sit, Euangelio prohibetur: atque in hoc maxime libertas euāgelica consistit. Quare si ante Euāgelium ciuitatibus reges sibi cōstituere licebat, nō est cōstitutum post Euāgelium non licere. Et certe si reges, legitimi principes non essent, nunquā Apostoli Christi nobis ut illis pareamus, commendassent. Cū enim Paulus ad Rom. 13. nihil aliud agere uideretur. Omnis inquit anima potestatibus sublimioribus subdita sit. Et iterum, Non est potestas nisi à Deo. & Qui resistit potestati, Dei ordinationi resistit. & multa alia in hanc sentētiā ad Timo. tertio. Ad mone, inquit, illos principibus & potestatibus subditos esse. Et Secundę Timo. 15. Obsecro autem primū omnium fieri obsecrationes

Roma. 13.

nes pro regibus, & omnibus, qui in sublimitate sunt constituti, ut quietam & tranquillam vitam agamus. Et primæ 2. cap. Subiecti estote omni creaturæ propter Deum, siue regi, &c. Videtur ergo quod regia potestas sit non à republica, sed ab ipso Deo, ut catholici doctores sentiunt. Quamuis enim à republica constituatur (creat enim respublica regem) non potestatem, sed propriam authoritatem in regem trāfert, nec sunt duæ potestates, una regia, altera communis. Atque ideo sicut potestatem reipublicæ à Deo & à iure naturali constitutam esse dicimus, idem prorsus de regia potestate dicamus necesse est (quod satis consonum reipublicæ videtur) cōsuetudineque, quæ principes Dei, non ministros reipublicæ appellat. Salomō ait enim, Per me reges regnāt. Et Dominus Pilato respondit, Nō haberes potestatem, nisi tradita esset de super, id est de cælo: errare uidentur authores concedentes reipublicæ potestatem esse de iure diuino, non autem regiam potestatem. Quod si homines, uel respublica nō haberent potestatem à Deo, sed ex cōdito omnes conuenirent, & pro bono publico uellent potestatem contra se constituere, illa quidem esset ab hominibus sicut est, quam religiosi tribuūt abbati. Nō ita uerò est. cōstituta est enim in republica omnib⁹ etiā ciuib⁹ inuitis potestas seipsam administrādi, in quo officio ciuiles reges consti

ges cōstitutū sunt. Sed dubitari potest, an^{*} ita etiā sit de potestatibus, quibus infidelū respūblice gubernant: scilicet an inter paganos sint legitimi principes, & alii magistratus. Et uideatur q̄ nō: quia si ex Christiano fieret quis infidelis, omni prorsus publica potestate, ut iura dicūt, priuat̄ propter infidelitatē: ergo cū ea dē ratio infidelitatis maneat ei, impediet legitimū principatū, aut potestatē. Et Richardus, uir alioqui prætātissimī ingenii, in libro De paupertate Christi, nō solū infidelitatē, sed quodcunque mortale peccatū putat impedire omnē potestatē, & dominiū, iurisdictionemque tā publicā quā priuatā, & titulum, & fundamentū cuiuscunq; potestatis credit esse gratiā: cuius rationes prætereo, quia infirmiores sunt, quā ut declaratione indigeāt. Nec omnino est dubitādū quin apud ethnicos sint legitimi principes & domini, cū Apostolus in locis suprā dictis, obediēdū potestatib⁹ & principibus & toto tpe seruire præcipiat, q̄ certē eo tpe oēs erāt infideles. Et Ioseph & Daniel, paganorū principes, pcuratores, et ministri erāt: nec aut principes Christiani seculares aut ecclesiastici huiusmodi potestate & principatu priuare possent infideles, eo dūtaxat titulo, q̄ infideles sunt, nisi ab eis alia iniuria profecta sit. Et^{*} tres quidem causæ publicæ potestatis secularis rectē explicantur per definitionem, quæ

quæ ab authoribus talis ponitur, Potestas publica est facultas, authoritas, siue ius gubernandi rempublicam civilem. Ex dictis facile patet probatio illius: quatenus ad publicam potestatem spectat, ostendimus publicas potestates esse à Deo, atque adeò iustas & legitimas: ex quibus sequitur probatio ultimæ partis conclusio nis suprâ positæ, in qua dicebamus, nullâ huiusmodi potestatem hominum cōsensu abrogari posse. Si enim homo cedere non potest iuri & facultati se defendendi, propriisque membris ex commodo suo utendi: ergo nec etiam potestati, cū hoc illi naturali & diuino iure competat. Itidem etiam respublica nullo modo potest priuari huiusmodi potestate tuendi se, & administrandi aduersus iniuriam & suorum & exteriorum, quod sine publicis potestatibus facere nō potest: atque ita si ciues omnes in hoc conuenirent, & omnes has potestates admitterēt, ut nullis tenerentur legibus, nulli imperarent, pactum esset nullum, & inualidum, utpote contra ius naturale. Ex superioribus infertur corollarium non contemnendum, his maximè, qui sub uno principatu & regali degunt. Solent enim ciuitates, quæ sine rege sunt, et populari administratiōe regunt iactare suā libertatē. Et corollarium est, Quod nō est minor libertas in regali principatu, q̃ in aristocratico & democratico, sic enim distinguit

guit Aristò. tertio Ethico. principatus in Monarchiam & principatum unius, Aristocratiam optimatum principatum, & Democratiam, id est popularem seu multitudinis principatum. Dico ergo non esse minorem libertatem in regali principatu, quàm in aliis. Probatur, Quia cum eadem sit potestas, ut suprà probatū est, siue in uno, siue in pluribus sit, & tantum uni melius sit subiici quàm pluribus. (tot enim sunt domini quot sunt superiores) ergo nō est minor libertas ubi omnes uni sunt subditi, quàm pluribus, maximè cum ubi sunt plures dominantes, plures sunt qui potestatem ambiant: & necesse est, ut seditionibus, & dissensionibus respub. sæpe laboret propter illorum diuersas sententias. Nulla enim fides regni sociis, ait Poëta. Et Dominus per prophetam, Pastores multi demoliti sunt vineam meam. Optimum ergo regnū est unius, sicut totus orbis ab uno principe & domino sapientissimo gubernatur. Secundū corollariū, quod ex superioribus
 12 potest inferri, est, Quod* tota respublica potest puniri licitè pro peccato regis. Vnde si rex iniustum bellum inferret alicui principi, potest ille, qui iniuriam accepit, prædari, & alia iure belli persequi, & occidere regis subditos, etiam si omnes sint innocentes: quia postquā rex à re publica constituitur, si quid ille insolenter committat, imputatur reipublicæ: tenetur enim

tur enim respublica non committere hanc potestatem nisi ei, qui iustè exerceat, & utatur potestate, aliàs periculo se committit. Tertiū corollarium, Nullum* bellum est iustum, si cōstat geri maiori malo reipublicæ, quàm bono, & utilitate, quantumvis aliunde suppetant tituli, & rationes ad bellū iustū. Probatur, Quia si respublica non habet potestatem inferendi bellum, nisi ad tuendum se, resque suas atq; se protegendum: ergo ubi ipso bello attenuatur potius atque atteritur, quàm augetur, bellum erit iniustum, siue à rege inferatur, siue à republica. Imò cū una respublica sit pars totius orbis, & maximè Christiana provincia pars totius reipublicæ, si bellum utile sit uni provincie, aut reipublice cum damno orbis aut Christianitatis, puto eo ipso bellum esse iniustum. ut si bellum Hispaniarum esset aduersus Gallos aliàs ex causis iustis susceptū, & alioquin regno Hispaniarum utile: tamen cū maiori malo & iactura geritur Christianitatis, puta quia Turcæ occupant interim provincias Christianorum, cessandum esset à tali bello. Et hæc ad explicationem primæ conclusionis.

¶ Secunda conclusio, Sicut* maior pars reipublicæ regem supra totam rempublicam constituere potest, aliis inuitis: ita pars maior Christianorum, reliquis etiam renitentibus, Mo-

a narchiam

narchiam unum creare iure potest, cui omnes principes & prouincie parere teneantur. Prima pars huius conclusionis satis ex superioribus patet. Si enim respublica suam potestatem uni alicui mandare potest, & hoc propter utilitatem reipublicæ, certum est non obstare assensus unius aut paucorum, quominus ceteri prouidere possent bono reipublicæ: aliàs non esset sufficienter consultum reipublicæ, si consensus omnium exigeretur, cum ille in multitudine, aut uix, aut nunquam contingat. satis ergo est ut maior pars conueniat in unum, ut iure aliquid fiat. Itē probat efficaciter, Quia duabus partibus dissentientibus, oportet ut præualeat sententia alicuius partis necessario. postquam contradictoria non debet, aut præualere sententia minoris partis: ergo sequenda est sententia maioris partis. Nam si ad creandum regem requiritur consensus omnium, quare etiam non requiritur ad non creandum? quare enim magis requiritur consensus omnium ad affirmatiuam, quam ad negatiuam? Secunda pars est, quod huius modi rex est super totam rem publicam: uolo dicere, quod in regio principatu rex est non solum supra singulos, sed etiam supra totam rempublicam, id est etiam supra omnes simul. De qua republ. quanquam sunt inter Philosophos uariæ sententiæ, multaque disputentur,

disputentur, tamen ego probo illam partem
conclusionis nostræ. Quia si respublica esset
supra regem, ergo esset principatus democrati-
cus, & popularis, & sic non est Monarchia &
principatus unius: & hæc uidetur esse senten-
tia. Aristo. 3. Politic. Item respublica potest da-
re potestaté alicui, non solum supra singulos,
sed etiam supra omnes simul, & ille haberet po-
testatem regiam, & non alia esset, quàm adhuc
principatus unius, nõ democraticus, aut aristo-
craticus. ergo rex est supra omnes. Item non
appellantur à rege ad rempublicam: ergo non
est maior respublica, nec superior. Tertia pars
conclusionis est, quòd maior pars Christiano-
rum posset Monarcham constituere. Proba-
tur, Nam tota ecclesia est quodammodo una
respublica, & unum corpus. Iuxta illud Aposto-
li, Omnes unum corpus sumus. ergo habet po-
testatem se conseruandi, & tuendi, ratio-
nemque optimam constituendi, qua se meliùs
ab hostibus defendere posset. Item cum finis
temporalis, ut alio loco uberiùs tractabitur,
sit sub spirituali, & ad illum dirigatur: si habe-
re unum Monarcham esset expediens ad de-
fensionem & propagationem religiõis fidei Chri-
stianæ, nõ uideo cur non possint illi, ad quos
spirituale spectat, cogere Christianos, ut unum
Monarcham crearent, sicut in fidei fauorem

ecclesiastici principes hæreticos priuant principatu aliâs legitimo. Item, quia aliquando genus humanum habuit istam potestatem, scilicet eligendi Monarcham, ut patet à principio antequam fieret diuisio: ergo & nunc potest: cum enim illa potestas esset iuris naturalis, nõ cessat. Ex hac conclusione infertur corollarium, Quod in liberis ciuitatibus, ut sunt Venetiæ, Florétia, posset maior pars eligere sibi regem aliis contradicentibus. Et hoc uerum uidetur, non solum quia hoc manifestè expedit reipublicæ: sed dato quod magis expediret politia aristocratica, aut democratica. Nã postquam respublica habet ius se administrandi, & id quod facit maior pars, facit tota: ergo potest accipere politiam, quam uoluerit, etiam si nõ sit optima, sicut Roma habuit aristocraticam, quæ forsân non est optima.

¶ Tertia conclusio, Principum* leges & constitutiones ita obligant, ut trãsgressores in foro conscientiæ culpæ rei sint: quam etiam uim parentum in filios, & maritorum in uxores habent præcepta. In hoc argumento, & pro materia huius conclusionis multa afferri possent, nec dictu indigna, nec inutilia, si tempus concederet. Sed ratione huius opportunitatis totam rem quam paucis potero, expediã. Et primum omnium, sunt qui putant leges nullã uim habere, ut earum trãsgressores culpa in foro conscientiæ

scientiæ teneantur, sed hanc solùm obligatio-
nem inducere, ut principes, & magistratus le-
gum uiolatores iustè punire possint, negant-
que subditos ad aliquid aliud coram Deo tene-
ri: sicut plerique religiosi de suis constitutio-
nibus dicunt, quòd obligat quidè ad pœnã, nò
ad culpam, nec sine ratione insaniunt, sed pro-
bant rationibus & argumentis non inualidis.
Primò, Quia aliàs sequeretur, secularem pote-
statè esse spirituale, si obligat in foro conscien-
tiæ. Secundò, Quia finis reipublicæ & potesta-
tis secularis est solùm aliquid temporale, puta
pacificus status ciuium quæ conuictus: sed hoc
nihil ad cōscientiam: ergo. Tertiò, Quia esset
omnino potestas secularis altera parte manca,
si obligaret, posset absoluerè, aut non posset.
Quartò, Quia tūc punirèt quis bis pro pecca-
to: nā in hoc mundo punirèt principes, in alio
aut Deus. Quintò, Nō potest imponere pœnã
spiritualem: ergo nec obligare ad culpã, cū nō
uideat maior ratio de uno, quã de alio. Sextò,
Nam uel est in potestate principis obligare ad
culpam, aut non. si primum, cōtrà, Quia præla-
ti spirituales possunt non obligare, ut patet in
religionibus. Si secūdū, quomodo ergo cōsta-
bit, quādo uelint obligare, cū ipsi nō explicet?
Sed his rationibus nō obstatibus, quas graues
doctores mouerūt, nō uidetur mihi dubitadū
quin leges ciuiles obliget in foro cōsciētiae, cū

hoc aperte uideatur Paulus testificari ad Roma. 13. Neceſſitate ſubditi eſtote nō ſolū propter iram, ſed propter cōſcientiā. Et Petrus dicit, Subiecti eſtote omni humane creature ꝑpter Deū, ſiue regi quaſi ꝑꝛeſtanti: quod etiā uidet nullo modo poſſe intelligi, ſi leges obligarēt ſolū in foro cōtētiōſo, & nō in foro cōſciētię. Sed quoniā poſſet aliquis reſpōdere, qđ nō ſit idē obligare in foro cōſciētię, & ad culpā, maxime cū religioſi cōfiteant ſe teneri ſuis legibus in foro cōſciētię, quę tamen culpā non inducunt. Ideo dico etiā, qđ leges ciuiles obligant ſub ꝑcēna ꝑccati, & culpę æquē ac leges eccleſiaſtica. Hoc probatur aperte ex dicto Pauli ad Roma. 13. Qui autem reſiſtunt, inquit, ipſi ſibi damnationē acquirunt. non autē incurritur damnatio, niſi propter culpā: ergo legum tranſgreſſores incurrunt corā Deo ueram culpam. Ad maiorem autem declarationē & confirmationem iſtorum, eſt aduertēdum, qđ lex humana & diuina in aliquo differunt, & in aliquo conueniunt. Differunt quidem: nā lex diuina ſicut à ſolo Deo fertur, ita à nullo alio, aut tolli, aut abrogari poteſt. Lex autē humana ſicut ꝑ hominem cōſtituitur, ita ab homine tolli, aut annullari poteſt. Differūt etiā quia in lege diuina ad hoc quòd iuſta ſit, & ꝑ hoc obligatoria, ſufficit uoluntas legiſlatoris, cū ſit ratione uoluntas. Vt autē lex humana ſit

na sit iusta, & possit abrogari, non sufficit uoluntas legislatoris: sed oportet quòd sit utilis reipublicæ, & moderata cum cæteris. Itē etiam differūt, quia diuina firmius, & intensius obligat. in multis enim casibus obligat lex diuina, ubi non obligat humana. Necego aliam differentiam satis uidere possem. Conueniunt autē in hoc, quòd lex diuina constituit aliquid in esse & genere uirtutis aut uitii: ita, quòd eo ipso secundum quod lege diuina præcipit, aliquid est bonum & officiosum, quod aliàs nō esset: & eo quòd prohibet, habet quòd sit malum, & uitiosum: quod aliàs non esset, ut exēplo de baptismo patet, & de confessione, & de aliis sacramentis, in quibus non est alia bonitas, quàm quòd sunt à Christo præcepta. Et usus carniū & alia quidē legalia in ueteri lege nō habebāt aliquid aliud uitii, nisi q̄ erāt prohibita in lege. unde cōstat, ut nullū sit uitii, nisi quia prohibitū in lege, nec uirtus, nisi quia præceptū uel laudatū in lege. Tota enim bonitas uoluntatis humanæ, ut doctores firmiter probāt, est ex cōformitate ad uolūtātē & legē diuinā, & omnis malitia ex deformitate ad legē diuinam prouenire, quæ est regula omniū actūū humanorū. Ita etiam lex humana habet uim cōstituēdi aliqd in esse uirtutis, & eius cōtrariū in esse uitii. Sic enim q̄a ebrietas est prohibita in lege diuina, est intēperātia: ita ieiuniū

est opus uirtutis, quia eadem lege commendatur, & abstinencia à cibis quibusdam est uirtus, quia præceptum est humana lege. Et ne exemplum afferamus solùm de ecclesiasticis legibus, emere pecunia magistratuum est ambitiosum quia prohibitum lege humana. Item sericum induere, est luxuriosum solùm, quia prohibitum. supra terminum legis erogare in conuiuio, erit intemperantia, quod ante legem potuit esse temperantia, & magnificentia. Nec quicquam interest quantum ad hoc inter legem humanam & diuinam. sicut enim meritum est in opere uirtutis, ita culpa in opere uitii. Ideo * sicut lex diuina habet uim obligandi ad culpam, ita & lex humana. Quod ne uoluntate dictum uideatur, probatur sic, Lex humana est à Deo, ergo eodem modo obligat sicut diuina. Assumptum probatur, Nam non solùm opus Dei dicitur, quod se solo producit, sed etiam quod mediantibus causis secundis efficitur: ergo non solùm dicitur lex diuina, quam ipse solus sancit, sed etiam quam Dei potestate homines tulerunt: sicut leges Pótificum dicitur non solùm quas papa per se tulit, sed etiam quas papæ autoritate alii inferiores tulerunt. ita enim uocantur papæ constitutiones universitatum, & collegiorum, quas constat papam non fecisse per se, sed alii eius autoritate condiderunt. Vel ut clariùs probetur, arguitur sic, supposito

supposito quòd papa habet auctoritatem con-
dendi leges obligatorias in foro conscientiae,
si papa committeret alicui ut daret leges alicui
communitati, præcipiens eis, ut obedirent,
nónne præcepta Legati haberét uim obligan-
di in foro conscientiae? Ergo qua ratione cum
Deus dicat, Per me reges regnant, & legum cò-
ditores iusta decernunt, quare decreta illo-
rum non obligabunt similiter in foro conscie-
tiae? Et ut apertiùs còstet, uidetur omnino ab-
surdum, quòd si papa præcipiat, quòd in hac
ciuitate obediât Cardinali legato, præcepta Le-
gati obligarent ad culpam, ut omnes faten-
tur. & cum Christus præcipiat parere principi-
bus, negare principum legem obligaret ad cul-
pam. Et tandem qui concedunt leges pontifi-
cum obligare ad culpam, negare nullo modo
possunt, quin etiam leges ciuiles obligent. Ita
Dominus constituit principes seculares ad gu-
bernandam rempublicam secularem, sicut Pò-
tiffices ad spiritualem. Nec illico dictum Domi-
ni, Qui uos spernit, me spernit, non solum ad
ecclesiasticos, sed etiam ad ciuiles magistratus
spectat: nec minus diligenter in scriptura com-
mendatur obedientia principum secularium,
quàm ecclesiasticorù. Nihil ergo interest quã-
tùm ad obligationem, q̃ tã humanæ sint le-
ges, quàm diuinæ, sicut æquè uerum sacramen-
tum esset ab Apostolis, aut ab ecclesia condi-

tum, si eam potestatem habuisset, ac si à Christo: nec minus obligabat lex uetus, quæ tamen per angelos fuit data, non à Deo per se, quàm obligat Euangelica ab ipso Christo per se ipsum data: & hoc pro certo tenendum.

18 Dubitari autem potest * ad quam culpam obligentur, ad mortalem, an ad ueniale solum. Et quod obligent ad mortalem aliquando, satis constare potest ex uerbo Pauli iam allegato. Qui autem resistunt, sibi damnationem acquirunt. Item Dathan, & Abirom deuorati sunt, quia resisterunt Moyse & Aaron: non autem puniuntur pœna mortis pro culpa ueniali. In cōtrarium autem, quod nūquā obligent ad mortale, uidetur. Nam si concurreret præceptum diuinū solum ad ueniale obligans, cum quacunq; lege humana, potius oportebit transgredi legem humanam, quàm mentiri: si autem lex humana aliqua obligaret ad mortale, potius esset parendum illi, quàm præcepto de ueniali, cum mortale potius sit fugiendum. Respondetur ad hoc dubium graue ex paulo antè dictis. Dictum est, quod quo ad uim obligandi idem est iudicium de legibus humanis & diuinis: ad considerandum autem quomodo, aut quantum obligant humanæ leges, oportet eas cōsiderare, ac si essent diuinæ. Humana enim lex, quæ si esset diuina, obligaret ad ueniale, obligat etiam ad mortale: & quæ si esset

si esset diuina, obligaret ad mortale, obligat etiam ad mortale. Dictum est enim quòd quātum ad hoc nihil refert, eodē modo obligant, ac si essent latae à Deo, licet nō ita firmiter. Sic ergo inter leges diuinas aliquę obligāt ad mortale, & aliquę ad ueniale: ita etiā humanę aliquę ad ueniale, aliquę autem ad mortale obligant. Sed * qualiter dignosci possit, quando obligent leges humanę ad ueniale, & quando ad mortale, cū lex ipsa ciuilis hoc non significet, imò nec legislator de hoc cogitauit quando condidit legem: respondetur, quòd nec in lege quidem diuina, & maximē naturali, semper significat, quod pręceptum sit de mortali, & quod de ueniali, & inter ipsa mortalia non significatur grauitas alterius ad alterum, id est quod illorum sit grauius. Sicut enim dicitur, Non occides, ita dicitur, Non furtum facies, & Non mentieris, & De omni uerbo otioso reddenda est ratio: eadem ergo est regula, & ratio distinguendi grauitatem alicuius peccati. Tantum enim relinquitur cogitandum ex parte materię. Sicut in lege naturali & diuina illud æstimatur mortale, quod est contra honorem Dei, uel charitatem proximi, ut est blasphemia, homicidium: id autē ueniale, quod est difforme rationi, & legi, non autem est contra honorē Dei, aut proximi charitatem, ut uerbum otiosum, & alia id genus

id genus. Sic etiam erit in legibus humanis. si enim aliquid statuatur, quod multum expediat ad pacem ciuium, ad incrementum boni publici, ad honestatem morum: transgressio illius uidetur mortale peccatum. Si autem quod instituitur, non sit adeo necessarium, sed uelut quoddam leue, erit ueniale. Exempla non ita sunt in promptu, sicut in legibus diuinis: sed potest accipi de tributo, quod uidetur omnino necessarium ad defensionem rei publicæ, & ad alia publica munia & opera: & ideo si quis non solueret, esset mortale, & ideo si nulla lex data esset à Deo, sed totam curam legum ferendarum mandasset hominibus, & esset lex ciuilis, Non occides, &, Non mētieris: prima obligaret ad mortale, secūda ad ueniale. Sicut nunc cū sunt diuinæ leges, ita si quis contra legem ciuilem uenaretur, aut indueretur bysso, nō uidetur mortale. Alia exempla commodiora poni possent: nec enim pendet hoc ex uoluntate legislatoris, sed ex natura & qualitate rei, & materiæ. Ex quo patet quantus est error iuniorum quorundam theologorum, dicentium grauitatem peccatorum sumendam esse & cōsiderandam ex quantitate obligationis, cū contrā omnino faciēdum sit. Nā quātitas obligationis sumenda est ex quantitate materiæ, nec naturaliter scimus maiorem esse obligationē de non occidendo, quā de non furando,

furando, nisi ex ipsa materia, & non econtra-
rio. Nec oportet respicere, an illud, quod præ-
cipitur, aut prohibetur, sit nunc, aut semel in
magnum commodum, aut malum reipublicæ,
sed quale sit, si communiter, aut ab omnibus,
aut multis fiat. Si enim prohibetur nequis pe-
cunias extra regnum portet, quicunque expor-
tant, peccant mortaliter, quamvis una expor-
tatio parum noceat reipub. Sed quia si comu-
niter fieret, exhauriretur regnum. Ita lex com-
munis obligat ad mortale. sicut una fornica-
tio parum nocet: sed si passim fieret, multum
noceret. Sed contra dicta arguitur uehemen-
ter. quia si ex parte materiæ est attendenda gra-
uitas peccati: ergo lex nõ facit culpam. Si enim
illa transgressio est in damnum reipublicæ
post legem, ergo ante legē: ergo prius erat pec-
catum, & tam graue, sicut post legem. Respon-
detur primò, quòd lex non solum obligat
prohibendo, sed præcipiendo, & sic aliquid,
quod ante legem erat bonum reipublicæ, non
tamen necessarium, lex potest præcipere, & sic
post legem transgressio illius erit peccatum,
quod prius non erat peccatum. Secundò dico,
quòd, ut patet in exemplis primò positis, po-
test esse aliquid, quod sit ante legem malum
in aliquo, & in aliquo non: post legem autem
illud erit in omnibus malum: quia fuit ratio
sufficiens

sufficiens prohibendi omnibus, ut portarent sericum, uel auream uestem, erat quid prius malum in paupere nobili: post legem autem in omnibus, quia fuit sufficiens ratio prohibendi omnibus, licet nullum erat de se inconueniens, quod aliquis de magnatibus haberet uestem auream, aut sericam. Sed adhuc superest dubium*, Si rex uellet non obligare ad culpam, an posset? Respondetur, quod non est dubium quod possit sicut potest ecclesiasticus legislator, qui quandocunque facit aliqua statuta, sine quacunque obligatione, ut praelatus religiosorum inter fratres suos. Esset enim contra rationem dicere, quod constitutiones praelati ecclesiastici non semper obligent ad culpam, & secularium non possint non obligare. Aliquando enim legislator, siue ecclesiasticus, siue secularis non uult in suis legibus exigere obedientiam debitam à subditis, sed simpliciter ordinat quid faciendum sit, dicens, & dirigens potius, quam præcipiens: qualiter multa uidentur esse in legibus & pragmaticis ciuilibus, & ecclesiasticis: sicut non semper cum petit pecuniam creditor, exigit tanquam uolens obligare.

²¹ ¶ Quæritur tandem, * An leges ciuiles obligent

gent legislatores, & maximè reges. Videtur enim aliquibus quòd non, cum sint supra totam rempublicam, & nullus possit obligari nisi à superiori: sed certius & probabilius est, quòd obligentur. Quod probatur primò, Quia facit iniuriam reipublicæ, & reliquis civibus, si cum ipse sit pars reipublicæ, non habeat partem oneris: iuxta personam tamen & suam qualitatem, & dignitatem. sed ista obligatio est indirecta, ideo aliter probatur. Nam eandem vim habent latæ leges à rege, ac si ferrentur à tota republica, ut suprà declaratum est. Sed leges latæ à republica obligant omnes: ergo etiam si ferantur à rege, obligant ipsum regem. Et confirmatur, Quia in aristocratico principatu senatusconsultum obligat ipsos senatores authores illorum, & in populari regimine plebiscita obligant ipsum populum: ergo similiter leges regiæ obligant ipsum regem: & licet sit voluntarium regi condere legem, tamen non est in voluntate sua non obligare, aut obligari, sicut in pactis. liberè enim quisquis paciscitur, pactis tamen tenetur. Ex omnibus dictis inferitur corollarium, quòd ius gentium non solum habet vim ex pacto ex conducto inter homines, sed etiam

etiam habet uim legis. habet enim totus orbis, qui aliquādo est una respublica, potestatem ferendi leges æquas, & conuenientes omnibus, quales sunt in iure gentium. Ex quo patet, quod mortaliter peccant uiolantes iura gentium. Ex quo patet, quod mortaliter peccant uiolantes iura gentium, siue in pace, siue in bello: in rebus tamē grauioribus, ut est de incolumitate legatorum, non licet uni regno nolle teneri iure gentium: est enim latum totius orbis autoritate.

¶ Circa tertiam conclusionem dubitatur, 12 Vtrum * cessante ratione legis, cesset obligatio ut (exempli gratia) prohibetur lege, nequis noctu telum portet, & ratio eius est propter nocturna pericula, ego autem scio nullum esse contra me periculum, an sim in culpa arma ferendo. Respondetur dupliciter. Potest ratio legis cessare uno modo, Ratio propterquam lex lata est: ut si tempore belli prohibeantur arma ad Gallos deferri, tempore pacis lex non obligat: eadem ratio requiritur ut lex obliget, & duret, & ad hoc quod feratur deficit. ergo ratio ad ferendum. ergo etiam ad conseruandū illam. Et confirmatur, Quia per easdem causas res corrumpitur, per quas generatur. Item si lex non est utilis reipublicæ, iam non est lex. Secundo potest cessare ratio in particulari quo ad aliquem. Non ergo ad omnes absolute, uel quo ad plures, ut in casu posito, nihilominus etiam talis

ralis obligatur lege. Quia enim sequitur sæpe pericula ex armis nocturnis, est sufficiens ratio ut omnib⁹ prohibeatur, aliàs lex nullius esset efficaciæ, cū unusquisq; putaret legē non pro se esse positā, sed propter alios: & ita in aliis præceptis non ratio particularis, sed utilis est attendenda. Dubitatur * de Tyrannorū legibus an obligent. Et uidetur q^d non, cum non habeant potestatem aliquam. In contrarium est, Quia cū respublica opprimatur à Tyranno, & nō sit sui iuris, nec possit ipse ferre leges, nec iam antè datas exequi, si non pareret Tyrāno, iam respublica interiret. Certè uidetur, q^d leges, quę sunt conuenientes reipublicæ, obligent, etiā si ferantur à tyrāno, nō quidē quia à tyrāno latæ, sed ex cōsensu reipublicæ, cū sanctius sit ut seruētur leges à Tyrāno latę, quā quòd nullæ seruentur. Et certè essent in apertam perniciem reipublicæ, si principes, qui non habent iustum titulum, occuparent regnū, quòd nulla essent iudicia, nec aliquo modo possent malefactores puniri, aut coerceri, cum non sit tyrannus iudex legitimus, si leges eius non obligant.

¶ Ultima pars conclusionis est, Quòd * præcepta parentum eodem modo obligant, sicut leges ciuiles, & præcepta maritorum in uxores. Probatur de filiis, Nam sicut præcipitur obedire præpositis, ita commendatur obedire parentibus;

rētibus: ut patet ex illo, Filii obedite parētib⁹, Ephesi. 6. & Colo. 3. ergo si est culpa nō parere
Ephē. 6. prapōsitis, etiam erit peccatū nō obedire parentibus. Et ad Roma. 1. inter crimina & peccata in quā Deus dicit permisisse gentes incidere, annumeratur & hoc, Parentibus non obedientes. Item, Quia leges prācipiunt obedientiam parentum: ergo si leges obligant ad culpam, etiam erit culpa non obedire parentibus. Et certē hoc uidetur inclusum in illo prācepto de honoratione parentum, & sic ut suprà dictum est, q̄ leges aliquando quidem obligant ad mortale, aliquādo uerò ad ueniale, ita uidetur dicendum de prāceptis parentum. Unde certē si pater aliquid prāciperet, quod multum referret ad administrationē familiæ, trāsgressio illius uidetur mortalis, imò etiā in iis, quæ spectant ad dispositionem ipsius filii. Sed sicut dictum est, quòd non omnis lex obligat ad culpam, puta illa, in qua rex plus dirigit, quā prācipit: multò magis hoc habet uim de parentibus, qui non semper uolunt exigere debitum obedientiæ, sed solū prācipientes aliquid, uolunt significare uoluntatem suam.

¶ Aduertendum tamen est, quòd cū familia sit pars reipublicæ, quòd leges possunt determinare, in quibus filii teneantur obedire parentibus, & in quibus non oporteat, sicut deter-

determinavit usque ad quam ætatem, & sic in aliis non erit culpa non obedire parētibus: sic etiam ad leges spectat determinare quæ pœna posset castigare pater filiū inobedientē & cō-
 ērcere ne ultra liceat patri progredi. De præcep-
 tis autē uirorū circa uxores pbari potest. Nā aliās nō poterit constare familia, nisi sit unum caput, cui cæteri parere teneantur: hoc autem est uir, qui est caput domus, & uxoris, ad Eph.
 5. Et ibidem, Mulieres suis uiris subditæ sint Eph. 5.
 sicut Domino. Et postea dicit, Vxor autem timeat uirum suum. Item quia leges hoc iubent,
 ergo tenentur obedire, & etiam ad le-
 ges spectat quomodo, & quo usq;
 uxor teneatur obedire uiro &
 an posset uir uxorem uer-
 beribus castigare si-
 cut de filiis di-
 ximus deter-
 mina-
 re.
 Deo gra-
 tias.

*

o

2

Reueren-

REVERENDI PATRIS FRATRIS FRANCISCI A VICTORIA

de potestate pape, & concilij relectio, cū questione,
Vtrum concilium generale possit facere decreta, &
leges condere, quas nec summus Pontifex possit immu-
tare, uel per dispensationem, uel prorsus per abroga-
tionem.

*Locus relegendus est apud Iohannem, Pasce
oues meas. Iohan. cap. ultimo.*

S V M M A.

- 1 Papa in quo genere decretorum aut canonum nihil
possit immutare dispensando, & multo minus abro-
gando.
- 2 Concilium, si declarat aliquid esse de fide, aut de iure
diuino, quod Papa in hoc nihil possit declarare, aut im-
mutare, maxime si tale ius spectet ad fidem, uel ad mo-
res ecclesie uniuersalis.
- 3 Papa, quod possit dispensare in legibus, & statutis con-
cilij generalis.
- 4 Summus pontifex, quod non solum possit dispensare
in statutis conciliorum, sed in totum, & aliquando ab-
rogare talem legem, uel statutum.
- 5 Papa non obitante decreto irritante concilij, quod
posset dispensare in statutis eius.
- 6 Papa, quod dispensando in legibus, & decretis, tam
conciliorum, quam aliorum pontificum, possit erra-
re, & grauiter peccare.
- 7 Papa, quod non liceat dispensare in legibus, & decre-
tis conciliorum pro suo arbitrio, & sine causa ratio-
nabili, etiam ubi nihil continent iuris diuini.

Papa

- 8 Papa, quòd multo minus potest abrogare sine causa rationabili decreta concilij, quàm in eis dispensare.
- 9 Lex aliqua etiam positiua, quòd posset esse in ecclesià, & fortè aliquæ tales sunt, in quibus expediret, ut nunquam dispensaretur.
- 10 Conciliū quādo, & in quo casu posset declarare, & de terminare, & etiam statuere, ut in aliqua lege ecclesiastica nunquam dispensaretur.
- 11 Concilium quòd uidetur non posse errare in determinatione, quòd in aliqua lege ecclesiastica nunquā dispensetur.
- 12 Concilij facta determinatione, quòd nunquā in aliqua lege ecclesiastica dispensetur, an liceret nunquam Papæ dispensare in tali lege, & utrū dispensando ex quacunque causa, peccaret mortaliter.
- 13 Decretum si fieret à concilio, quòd in aliquibus legibus ecclesiasticis nūquam dispensaretur, quòd tale decretum non deberet apponi in multis legibus, sed solū in paucis, hisque grauissimis, & ualde necessarijs.
- 14 Decreto facto per conciliū, quòd in aliqua lege ecclesiastica nunquam dispensetur. Si, illo non obstante, Papa dispensaret, utrum teneret factum, esto quòd malè faceret.
- 15 Papa sicut peccaret dispensans contra decretum concilij, quòd ita etiam peccaret petens dispensationem, & utens illa, ostenditur.
- 16 Pontificis dispensationes, quòd sint in duplici differentia, & quæ sint.
- 17 Papa quid possit, aut quid non possit, &c. quòd non spectet ad subditos illud determinare, aut examinare,

probatur.

- 18 Papæ mandatum, aut dispensatio, quod non semper obliget subditos ad parendum.
- 19 Papa si dispensaret, in quo casu subditi non tenerentur parere dispensationi.
- 20 Papa quod non deberet egresferre, sed potius gaudere quod fieret aliquod decretum à concilio, quo cauere-
tur, ut in aliqua lege ecclesiastica nunquam dispensa-
retur.
- 21 Papæ mandatis, an liceat resistere per appellationem ad futurum concilium.
- 22 Pontificis mādatis resistere, & non parere, quod non uideatur permittendum cuicumque priuato sua auctoritate, etiam si huius modi mandata essent contra determinationem concilij.
- 23 Papa si facta declaratione, & decreto à concilio, contrarium mandaret, quid agendum.
- 24 Concilium, quando, & in quo casu posset conuocari, & congregari contra uoluntatem Papæ.
- 25 Concilium quæ maximè debeat cauere, si quando decretum aliquod esset faciendum, ut Papæ auctoritas illibata conseruetur.



PRO parte affirmatiua quæstionis arguitur, Quia concilium est super papam, ergo papa nō potest immutare decreta illius. Consequentia patet, quia par in parem non habet imperium. c. innotuit. de electione. ergo multo minus inferior in superiorem. Antecedens

recedens est communis sententia omnium Pa-
risiensium, & multorum doctorum. Et con-
firmatur consequentia, Quia aliàs eadem ra-
tione posset defendi, q̃ episcopus posset dispē-
sare in legibus papæ, imò & in legibus conciliorum. si enim papa cū sit inferior, nihilomi-
nus potest dispensare; aut abrogare legem cō-
cilii: ergo non obstat etiam, quòd episcopus
dato quòd sit inferior, non possit etiam dispē-
sare. & confirmatur iterum, saltem recepta illa
opinio de superioritate cōcilii, uidetur om-
nino sequēda pars affirmatiua: sed illa opinio
est probabilis, ergo etiam hæc. Confirmatur,
Quia dato q̃ sint pares potestates, par in pa-
rem non habet imperium, ut in dicto c. inno-
tuit. ergo non potest tollere quòd concilium
sancit. unde uidetur, quòd concilium in hac
causa posset dicere Pontifici, quod Hebræi re-
sponderunt Moyfi, Exo. 2. Quis te constituit
Iudicem super nos, & principem? Et summus
Pontifex debet meminisse illius responsi Do-
mini nostri, Quis me constituit Iudicem su-
per uos? Luc. 12.

Exod. 2.

Luc. 12.

¶ In cōtrarium est, Quia dispensatio & abro-
gatio legis tempore & loco opportuno est pa-
scere gregem. omnis enim actus iurisdictionis
est actus pastoris. sed summus Pōtifex est uni-
uersalis pastor, iuxta uerba proposita Iohan.
20. Pasce oues meas. Et in concilio Calcedo-

Iohan. 20.

Matth. 18. acclamatum est Pontifici Leoni Apostolico
 œcumenico. i. uniuerſali paſtori. Et Matth. 18.
 Quodcunque ſolueris ſuper terram, &c. Sed
 diſpenſare eſt ſoluere obligationem. ergo. No
 tandum primò quòd (ut ponit Herbeus d.
 47.) primò differētia eſt inter abrogare, & diſ
 penſare, & interpretari, pro quo uide Sylue
 ſtrum in uerbo papa. §. 16. Notandum ſecun
 dò, quòd omnes doctores diſtinguunt, ſpecia
 liter S. Tho. quolibeto 4. arti. 13. & multis aliis
 locis, q̃ duplex eſt genus canonum & decreto
 rum, ſiue ſint conciliorum, ſiue ſint ſanctorū,
 patrum, & eſt unum genus canonum re uera de
 iure diuino, ſicut quæ pertinent ad articulos
 & fidei, ad ſubſtantiam ſacramentorū, aut qui
 neceſſariam habent connexionem ad legem
 diuinam ſeu naturalem, pertinentia ad bonos
 mores.

¶ Et ut certo ordine ac more theologorum
 procedamus, ſit prima propoſitio. In* hoc ge
 nere decretorum aut canonum Papa nihil po
 teſt immutare diſpenſando, & multo minus
 abrogando. Concluſio eſt omnium theolo
 gorum absque controuerſia, quidquid Cano
 niſtæ diſputent. Et ponit eam ſanct. Tho. in
 multis locis, ut in quolibeto ubi ſuprà, & in
 primo ſentent. d. 47. & in 3. ſenten. d. 37. uide
 uerba eius 1. 2. q. 97. ar. 4. ad tertium. & q. 100.
 artic. 8. & poteſt breuiter probari, quia ius na
 turale

turale est immutabile, & ut habetur in decretis d. 5. cap. 1. naturale ius semper permanet. & Esa. 24. contra eos qui temere tentauerunt immutare ius naturale, dicit q̄ transgressi sunt leges, mutauerunt ius, dissipauerunt fœdus sempiternum, &c. Sed ius diuinum & positium habent eâdem uim, sicut naturale, quia ius naturale nō habet uim, nisi quia latum est auctoritate diuina: aliâs non esset obligatoriu, quid quid dicat Gregorius: cū obligatio esse non possit nisi à superiori: ergo simpliciter in iure diuino non cadit dispensatio humana.

¶ Pro maiori & breuiori declaratione argumentor contra istam propositionem. Primò, Papa potest dispensare in matrimonio rato non consummato, & insolubilitas matrimonii est de iure diuino: ergo potest dispensare. Maior probatur, Quia uotum solenne dirimit matrimonium, ut patet in c. ex publico. de cōuersione coniugatorum. Sed uotum solenne est de iure positio, ut patet in c. unico de uoto in. 6. ergo ius positium tollit ius diuinū. Minor patet ex illo, Quos Deus coniunxit, homo non separet. Matth. 19. & 1. ad Corin. 7. Secundo argumetur, Papa dispensat in gradibus prohibitis iure diuino: ergo. Antecedens patet Quia accipere relictam fratris est prohibitum iure diuino, ut patet Leuit. 18. Vxorem fratris sui nullus accipiat. Et eodem modo accipere

o s amitam,

amitam, uel materteram ibidem expressè prohibetur: & tamen Papa dispensat in istis: ergo. Tertiò papa dispēsat in uoto saltē simplici, ut patet ex usu, & in titulo de uoto & uoti redemptione: & tamē seruare uotum est de iure diuino, si quid uonisti, ne moreris reddere, displicet enim Deo infidelis & stulta promissio, Ec-

Eccle. 5. clerici 5. Idem expressè *Deutero. 23.* Quartò papa dispēsat cum bigamo, & homicida, sed tales sunt irregulares de iure diuino, ut patet

1. Timoth. 3. 1. ad *Timoth. 3.* Oportet episcopum unius esse uxoris uirum, non percussorem, quod glossa, & omnes dicunt, quòd intelligitur de presbyteris: quod patet, quia statim subdit, diaconos similiter pudicos, nulla alia mentione facta de presbyteris. Confirmatur, Quia talis irregularitas nō tollitur per baptismum, sicut alie irregularitates, ut doctores dicūt in 4. d. 27. ex autoritate Augustini, Ambrosii & omnium doctorum theologorum, & canonistarum. Et quòd possit dispensare cum bigamo, tenet sanctus Tho. in 4. distinctio. 27. quæstio. 3. articu. 3. & in quodlibeto 4. quæstio. 5. & doctores de bigamis capitu. nuper. & capitu. fina. & d. 34. capitu. lector. glossa dicit licitum in papa dispensare cum archiepiscopo Panormitano bigamo, & cū homicida posse etiam dispensare. tenet Abbas in capitu. si dignum. & in capitulo de homicidio, dicens communiter

communiter hoc teneri per doctores : nec hoc dubitant theologi. Quintò, papa est uicarius Christi ex themate, Pasce oues meas:& ex illo, Quodcunque solueris super terram, &c.& habetur in cap.ter corporalia.de translatione episcopi.& in capitulo proximo.de homicidio in 6.Imò Paulus de omnibus Apostolis ait 2.ad Corinth.6.Pro Christo fungamur legatione. Et Dominus expressè, Qui uos audit, me audit,&c. Et sicut misit me Pater, ita & ego mitto uos.sed uicarius & delegatus potest quicquid potest principalis, nisi sit ei prohibitum specialiter, ut extra.de officio delegati, & officio uicarii, per totum.sed non inuenitur ubi sit prohibita dispensatio Papæ, ergo. Confirmatur, Quia Apostoli dispensauerunt in lege diuina, ut in baptismo, In nomine Patris, & Filii, & Spiritus sancti, ipsi baptizabant in nomine Iesu. Et Petrus occidit Ananiam & Sapphiram. Actu. quinto.

Act.5.

¶ Ad primum argumentum communis scholæ theologorum in 4.distinctio.27.negat maiorem, scilicet quòd Papa possit dispensare: sed in contrarium sunt multi doctores canonistarum in d.c.ex publico.& cùm illis Cardinalis Caietan^{us} in particulari opusculo super hoc: Caietanus.
& nostris tēporibus dicitur factū à Clemente 7.sed nihil refert quam opinionem teneamus, si cano.

& canonistarum, consequenter oportet dicere, quòd insolubilitas matrimonii ante consummationem non est de iure diuino: & illa uerba Saluatoris intelliguntur & exponuntur de matrimonio iam consummato: quamuis aliter posset responderi, ut dicemus in solutione ad quartū. Si uerò opinionem theologorum teneamus, quæ probabilior uidetur, quia aliàs partes per se possent dirimere matrimonium, & matrimonium sequens teneret, & infideles, &c. tūc ad rationem de ingressu religionis dicimus, quòd est de iure diuino, quòd professio dirimit matrimonium, quòd ius diuinum constat ex autoritate Dei, & & non ecclesiæ. Votum autem solenne est de iure positiuo quātū ad determinationem & modū, puta quæ ætate, & quo ordine, quo tempore, &c. Sed non quātū ad substantiam suam. Ad secundum argumentum aliqui, ut archiepiscopus Floren. 3. q. titulo. 1. cap. 14. & Palud. in 4. d. 40. uidetur tenere, quòd in omnibus gradibus prohibitis in Leuitico papa non possit dispensare. & Hoc reputat Syluest. probabilius. Sed oppositū uidetur probabilius, ut tenet Caieta 22. q. 154. arg. 9. & de terminatū fuit Romæ in his diebus in causa regis Angliæ. & ideo hanc opinionem tenendo, respondetur ad argumenta, quòd præcepta ueteris legis, quæ non sunt de iure naturali,

Archiepiscopus
Floren.
Palud.
Syluester.
Caietanus

naturali, omnia cessauerunt, nec habent obligationem plus præcepta iudicialia, quam caeremonialia, ut omnes doctores tenet, & necessarium est tenendū: quod Paulus ita determinat ad Hebr. 7. Translato enim sacerdotio, necesse & ut translatio Legis fiat, ut habetur in cap. translato de constitutionibus. & S. Tho. in 12. q. 103. ar. 3. probat enim Paulus, quod sacerdotium Christi est aliud à sacerdotio ueteris legis, & per consequens quod lex uetus expirauit: & idem probat ad Hebr. 8. per hoc quod Dominus uocat testamentum nouum: ex quo arguit Paulus, quod antiquum testamētum interiiit. Dico ergo, quod aliqui gradus prohibiti in Leuitico, non sunt de iure naturali. Imo Caietanus tenet, quod nullus præter primum in linea recta. Ad tertium, proponitur quod multi tenent, quod papa non potest dispensare in uotis. Quia dispensatio, ut suprà diximus, est relaxatio iuris, obligatio aut uoti: certum est nunc de iure positiuo: ergo dispensatio uoti est relaxatio iuris diuini: quod uidetur durum. Vnde dicunt, quod nunquam potest dispensare in uoto, nisi uel uotum ipsum fiat, aut sit illicitum & inutile, aut maioris boni impedimentum: hoc autem non est relaxare ius diuinum, sed interpretari, quod non est propriè dispensare. In illis enim casibus re uera tale uotum non est obligatorium
iure

S. Thom.

iure diuino. imò si constat, quilibet potest proprio arbitrio nō implere uotum. Et huiusmodi sententiæ uidetur fuisse S. Thom. in. 22. q. 88. artic. 10. ad tertium, ubi diserte determinat, quòd non cadit dispensatio in uoto, nisi quia est simpliciter malum, aut inutile, aut maioris boni impedimentum. Imò hoc dicit esse propriè dispensatio. Et utinam hæc opinio non sit uera. In contrarium est communis opinio, scilicet quòd potest etiam tollere obligationem. Et probatur, Irritatio uoti est de iure positiuo, & non diuino: & certum est quòd ius posituum dat licentiam parentibus usque ad certam ætatem: & tamen irritatio non interpretatur, sed tollit obligationem uoti. Et tunc ad argumentum respondent aliqui, quòd duplex est ius diuinum, quoddam absolutum & independens, quod nō supponit actum humanum, ut præceptum de baptismo, de eucharistia, quo omnes obligantur, nec eius obligatio pendet ex humano actu, aut iudicio. Aliud est dependens ex humano actu, quod scilicet non obligat nisi mediante actu humano. nullum enim ius diuinum obligat ad ingrediendum religionem, sed si quis promittat eam, obligatur iure diuino implere promissum. Ex qua distinctione respondeo ad argumentum, quòd in iure diuino non dependenti non potest papa dispensare

penſare, ſed bene in iure diuino dependenti. quia habet poteſtatem tollendi id quod hominis poteſtati inditū eſt. Probabilis eſt iſte modus reſpondendi, ſed qui poſſit tamen impugnari. Melius tamen uidetur reſpondere ut reſpondet S. Thom. in 22. q. 88. artic. 10. ad ſecundum, ubi ſic arguit. In iis, quæ ſunt in lege naturæ, & in præceptis dominicis non poteſt per hominem diſpenſari, & præcipue in præceptis primæ tabulæ. Sed implere uotum eſt de lege naturæ, & lege diuina, ut ſuprà probatum eſt. ergo in uoto diſpenſari non poteſt. Reſpondetur quòd ſicut de iure naturæ tenetur implere præceptū & uotū, ita & ex iisdē tenetur obedire ſuperioris legi & mandato. Et tamē cū diſpenſatur in aliqua lege humana, non fit ut legi non obediatur, quòd eſt cōtra legem naturæ & mandatum diuinum: ſed fit, ut quòd erat lex, non ſit lex in hoc caſu: ita etiam authoritate ſuperioris diſpenſantis fit ut hoc quòd continebatur ſub uoto, non contineatur in quantum determinatur in hoc caſu hoc non eſſe congruā materiā uoti. Et ideo prælatus ſic diſpenſans, non diſpenſat in præcepto iuris naturalis, ſed determinat id quòd cadebat ſub obligatione deliberatiōis humanæ: quòd nō potuit omnia aſpicere, iam nō cadat. unde patet, q̄ S. Tho. facit idē iudiciū de uoto et de lege humana, ita ut talis obligatio ſit qua ſi peculiari

si peculiari legi quòd iste obligetur: & ita dispensatio in uoto est dispensatio in actu humano. Itaque uidetur quòd duplex sit obligatio, diuina & humana. Humana etiam est duplex, ex lege, & ex uoto. Aliter potest dici, q̄ in uoto non sit nisi promissio quædam. Idem uidetur dicendum de hac promissione, & de aliis. qui enim p̄misit aliquid, tenetur seruare promissum de iure naturali, ut S. Tho. dicit in 22. q. 88. ar. 3. ad 1. in promissione autē humana potest ille, cui⁹ interest, remittere & liberare promittentem à redditione promissi. hoc autem non est abrogare, uel dispensare in lege diuina, & per consequens nec si superior in hoc dispensat, est dispensare in lege diuina, & si Deus ipse remitteret uotum, non esset dispensatio in lege diuina de impletionem uoti. Ita ergo quia papa habet uices Dei, potest remittere debitum ex rationali causa, nec ex hoc dispensat in lege diuina. Cōfirmatur, Episcopus potest dispensare in uoto, ut certum est, & sic dato, quòd disputetur de Papa, non dubitatur quando episcopus non possit dispensare in lege diuina. Et sic propter dispensationem uoti non oportet dicere, quòd Papa possit dispensare in lege diuina. Ad quartum breuiter & facilliter respondetur, quòd in scriptura sacra sunt aliqua præcepta & mandata iuris diuini, idest authoritate diuina lata, quamuis promulgata

ab A postea.

ab Apostolis, sicut de extrema unctione dicunt doctores, quod est sacramentum iuris diuini, sed promulgatum Iacobi 5. Et Apostolus 1. ad Corinth. 7. Iis qui matrimonio sunt i. *Corin. 7.* iuncti, præcipio non ego, sed Dominus, uxorem à uiro non discedere. Alia sunt statuta ab Apostolis ipsis, ut Paulus ubi suprà, Nam ceteris dico ego, non Dominus, si quis habet uxorem infidelem, & hæc consentit habitare cum illo, non dimittat illam. Et non est dubitandum, quod Apostoli multa disposuerant sua autoritate, sicut nunc pōtiffices faciūt. Et Paulus 1. ad Corinth. 11. Cū uenero, cætera disponā. 1. *Corin. 11.* Et in his cum par in parem non habeat imperium, non est dubitandum quin successores Apostolorum habeant auctoritatem dispensandi huiusmodi, ut sunt statuta de bigamis, homicidio, & de utroque. Patet primò, Quia irregularitas illorum non est de iure naturali absolutè, ut constat: in noua autem lege non sunt præcepta negatiua, aut prohibitiua, nisi iuris naturalis, ut docet S. Tho. 12. q. 108. art. 1. & ideo dicitur lex libertatis Iacobi 1. & 2. & irregularitas homicidii tollitur per baptismū. d. 5. capit. si qui per baptismum. secundum Innocētium, Gosfredum, & Gullielmum, & omnes theologos, in 4. d. quod si esset de iure naturali aut diuino, tolli non posset. Et propterea si homicida, aut bigamus ordinaretur etiā
p absque

absque dispensatione, manet ordinatus, & recipit characterem, ut Doctores determinant in 4. Sed illa irregularitas nō est de iure diuino, aliās non teneret factum. sic si mulier ordinaretur, non teneret ordinatio, nec ualeret. & sic papa potest dispensare, cū sit de iure positivo. Confirmatur, Illa quæ constituta sunt ab Apostolis, non sunt de iure diuino: quod etiā in concilio Apostolorum Actuum 15. dicitur, Visum est Spiritui sancto & nobis, nihil ultra imponere uobis quā hęc necessaria, ut abstinere ab immolatis simulachrorum & sanguine, & suffocato. Iam nulla est: non potuisset autem cessare si fuissent de iure diuino: ergo. Ad quintum respondetur, quod uerum est, quod Papa est uicarius & legatus Christi. & nego consequentiam: non ergo inferitur, Est uicarius Christi, ergo potest quicquid potest Christus: nec unquam aliquis tribuit hanc licentiam papæ. & ad probationem respondetur, quod econtrario uicarius non habet quod non prohibetur, sed solum quod conceditur. Christus autem non concelsit solutionem aut relaxationem mandatorum suorum, sed solum ministeriorum dispensationem illorum, ut ait Apostolus 1. ad Corin. 3. Quid igitur est Apollo, quid uerō Paulus? ministri eius, cui creditis. & capitu. 4. Sic nos existimet homo, ut ministros Christi, & dispensatores, &c. &

1. Cor. 3.

2. Corin. 4.

&c.& officium Apostolorum Paulus semper
uocat ministerium, & 2.ad Corinth.6. In om
nibus exhibeamus nos sicut Dei ministros. cer^{2. Cor. 6.}
tè si quis mandata eius relaxaret, non se habe
ret sicut dei minister, sed sic æqualis, aut supe
rior. Item permissum est Pontifici remittere
peccata, non autem relaxatio mādatorum con
tra præcepta. Et 1.ad Corin.3. Fundamentum
aliud nemo ponere potest, præter id, quod po
situm est Iesus Christus, id est fides & lex. Illud^{1. Corin. 3.}
oportet, ut maneat immutatum, & illibatum,
prælati autem possunt ædificare, aurum, argē
tum, lapides pretiosos. Et tunc diceretur re
ctè, Obedire oportet plus Deo quàm homi
nibus. Item, Nunquā fuit talis autoritas di
spensandi in minimo præcepto cæremoniali,
tamen erant pontifices gubernatores ecclesiæ:
& ad hoc facit illud, Vnum iota, aut unus apex
non præteribūt à lege, donec omnia fiant. Itē
ratione, Quia dispēlatio in lege spectat solum
ad legislatorem, uel cui specialiter commise
rit. sanctus Tho. 12. q. 97. ar. 10. ad tertium. ma
net ergo conclusio tanquā certa & firma, &c.
quòd in primo genere præceptorum concilii,
scilicet quæ sunt iuris diuini, Papa non potest
dispensare. & totū cōfirmatur ex. c. contra. 25. q.
1. ubi Zozinus papa dicit, Contra statuta san
ctorum Patrum cōdere aliquid aut immutare
nec huius quidē sedis pōt. autoritas. Idē ha
betur

betur in capitulo, cùm ad monasterium. de statu monachorum.

¶ Sed dato quòd ita sit, quòd papa non potest aliquid immutare in iis, quæ sunt iuris diuini, tamen an ad papam uel concilium spectat interpretari & declarare tale ius, adhuc posset dubitari, An si cõciliũ aliquod determinet aliquid esse de fide, aut de iure diuino, papa possit hoc aliter declarare. sed in hoc nulla est contentio, & ideo breuiter sit secunda propositio. Si* cõciliũ declarat aliquid esse de fide, aut de iure diuino, papa in hoc nihil potest declarare, aut immutare, maximè si tale ius spectet ad fidem, uel ad mores ecclesiæ uniuersalis. Probatur, Quia in illa concilio errare non potest, iuxta promissum Luc. 22. Ego oraui pro te, &c. & Matth. 18. Vbicunque fuerint duo, uel tres, &c. & non minus est spiritus sanctus in quocũque concilio generali, quàm in concilio Apostolorum, ubi spiritus sanctus assistebat, Act. 15. Visum est Spiritui sancto, &c. Cõfirmatur, Quia si in illis conciliũ errare posset, & papa errare posset, et utrũque errare posset, stādũ esset potiùs cõcilio. ergo postquã determinatũ fuit in cõcilio Apostolorũ, q̃ legalia erāt extincta, nō potuit Petr⁹ aliter definire: ita in quocũque cõcilio generali. Et patet, Quia si errare posset, non esset ecclesia fundata supra firmam petram, cùm semper maneret

Luc. 22.

Matt. 18.

maneret dubia, & uacillaret, nec Euangelium esset certum, cum Augustinus dicat se credere euangelio nisi propter authorem ecclesiae: & non posset Petrus confirmare fratres suos, nec esset lux mundi, Matthæ. 5. nec esset uera promissio Spiritus sancti. Quem ego, inquit, mittam uobis à Patre, ille uos docebit omnia. Aliud genus canonum est decretorum, quæ omnino sunt extra ius naturale, & diuinum, sed spectant, & sunt utilia ad conseruationem iuris naturalis & diuini. præsuppono enim, quod prælati in ecclesia possunt concedere leges etiam obligatorias multo magis quam principes seculares, qui hoc possunt, ut patet apud Paulum ad Roma. 13. & ex beato Petro, 1. Petri. 2. & patet ex illo, Qui uos audit, me audit. Luc. 10. Et supra cathedram Moyse, Matth. 23. & Paul. ad Hebræ. 13. Obedite præpositis uestris. Nec de hoc est aliqua contentio inter catholicos, quanquam sit cum nouis hæreticis huius temporis, & licet sit unus doctor theologus, scilicet Gerson inter recentiores, qui uidetur dicere, quod papa non possit ferre leges obligatorias, nisi sequantur ex iure diuino, uel naturali, sed ille non auditur à theologis in hac parte, & quædam alia tenet profectò male sonantia in doctrina theologica: quod si prælati hoc possunt, multo magis concilia,

Luc. 10.

Matt. 23.

Hebr. 13.

¶ De hoc ergo genere uertitur maximè in dubiũ, utrum papa possit immutare, aut dispẽsando, aut abrogando, ut de ieiunio quadragimæ, de horis canonicis, & similibus: de quibus sit tertia propositio, Papa potest dispensare in legibus, & statutis concilii generalis. Pro huius conclusionis probatione est notandum, quòd de comparatione potestatis papæ est duplex sententia, altera est S. Tho. & sequacium multorum: & aliorum doctorum tam in theologia quàm in iure canonico, quòd papa est supra concilium, & altera est communis sententia Parisensium, & multorum etiam doctorum in theologia & canonibus, ut Panormi. & aliorum, cõtraria, quòd concilium est supra papam: non tamen est locus nunc disputandi quæ illarum sit uerior, quia non de hoc agitur. Puto utranque esse probabilem opinionem: & quia quælibet habet magnos assertores, non oportet in quæstione proposita procedere solùm ex altera opinione, sed statuere quid dicendum, quæcunque sententiam sequamur. Et ideo dico conclusionem positam esse ueram, non solùm tenendo primam opinionem, sed etiam secundam. Et probatur primò, Quia leges humanæ sunt de humanis actibus, qui sunt pro temporum & personarum conditione uariabiles, & quod in communi expedit, uni persone, uel in aliquo

quo casu non conuenit, uel in alio tempore,
 ut ait August. 1. Delibero arbitrio. Et hæc est
 causa, quare Aristo. dicit 7. Ethico. Necesse *Aristo. 7.*
 est in principe *ἐπιμένειν* esse siue æquitatem, *Ethico.*
 cuius officium est in casibus, ubi tenor legis
 uergit in detrimentum reipublicæ, discedere
 à uerbis legis: eadem inquam ratione est ne-
 cesse in ecclesia esse auctoritatem dispensan-
 di pro loco & tempore. & ita tenet S. Tho. 22.
 q. 88. artic. 10. Aliàs multa, quæ pro bono pu-
 blico sunt ordinata, uerterentur in perniciem
 reipublicæ, ut in c. regula. d. 29. dicitur, quòd
 regula sanctorum Patrum pro uarietate tem-
 porum & locorum temperatur. Si ergo huius-
 modi dispensatio est necessaria in republi-
 ca, dicere quòd solùm residet in concilio,
 absurdum est, cum dispensationes sint ne-
 cessariæ ordinare propter uariationem ca-
 suum & temporum. Concilium autem non
 sæpe potest congregari, nec Apostolos legi-
 mus nisi bis congregasse concilium, semel
 Actu. 1. ad electionem Matt. & iterum Actu
 19. super cōtentionem legaliū. ergo oportet q̃
 resideat in papa. Et uerisimile S. Th. 12. q. 97.
 ar. 4. dicit, quòd in omni lege humana potest
 dispensari per rectores reipu. Item dato quòd
 concilium esset supra papam, hoc tamen non
 est intelligendum extensiuè, id est, quòd ali-
 quē actū possit conciliū, in quē papa nō pos-

fit. hoc enim nullo modo est probabile, sed solum intensuè, putà si contrarium determinare tur, esset standum potius concilio, uel q̃ Papa teneretur parère concilio, & non e contrario. Cùm ergo concilium posset dispensare in suis decretis, ergo etiam Papa poterit. Item aliàs nō esset Papa. hoc enim omnes intelligunt per Papam, in quo omnis potestas ecclesiastica residet. si enim dispensatio in legibus ecclesiasticis eximeretur à Papa, iam potestas Papæ esset particularis, & non uniuersalis. Item est uicarius Christi (ut supra probatum est) ergo habet generalem administrationem ad omnia. Item Papa est generalis commissarius Dei, assumptus in plenitudinem potestatis, 2. q. 6. qui se scit. & 24. q. 5. quodcunque ergo potest in omnem actum iurisdictionis. Item cùm concilium possit dispensare suis legibus, saltem cōcilium posset hāc potestatem committere suo legato, seu uicario. Si ergo summus Pontifex non posset dispēsare, & ille legatus possit, iam daretur in ecclesia aliquis prælatus maior papa: & sic papa non esset supremus, & omnino esset sacrilegium dicere, quòd concilium possit constituere in ecclesia aliquam potestatem superiorem papa, quem Christus constituit. Item conclusio firmiter probatur testimoniis suprā inductis, Iohan. 22. Pasce oues meas. & Matth. 18. Quodcunq; solueris super terram. dispen

Iohan. 22.

Matth. 18.

dispensare autem parcere est, & soluere. Vltimo probatur, Quia impedimenta, quæ impediant, & dirimunt matrimoniū de iure positivo, ut aliqui gradus consanguinitatis, & affinitatis, sunt ex autoritate conciliorum, ut patet extra. de consanguini. & affini. capit. non debet. & 35. quæstio. 3. de affinitate. & in multis capitulis eadem causa & quæstio. Et tamen quotidie Papa dispensat, saltem in 3. gradu & 4. nec quisquam dubitat, quin factum teneat, & est sententia omnium doctorum. Et habetur expressè in capitulo. quod dilectio. & in capitulo. quia circa. de consanguini. & affini. & 35. q. 3. quædam lex. §. quod scripsi. Hanc conclusionem ponit S. Tho. in opusculo contra impugnantes religionem. Omnia, inquit, statuta sanctorum Patrum sunt relicta dispensationi papæ, ut possit ea mutare, uel dispensare secundum opportunitatem temporum & negotiorum. Et illud Zozini 25. quæstio. 7. contra statuta Patrum, ut supra dicitur, intelligendum de statutis spectantibus ad ius diuinum. Et hæc est sententia expressa domini Archiepiscopi Rhemensis libro de Synodis capitulo. 39. Facultatem, inquit, temperandorum siue mutandorum canonum potestati Romani Pontificis adiacere non dubitamus.

¶ Quarta propositio, Summus * Pontifex non solum potest dispensare in statutis concilio-

P § rum, sed

rum, sed in totum, & aliquando abrogare talem legem, uel statutum. Hæc patet ex præcedenti & eius probatione. Quia aliquando expedit abrogationem alicuius legis ad rectam gubernationem ecclesiæ, ut in capitu. non debet. de consanguinitate & affinitate. & in capitu. alma mater. de sententia excommunicationis. unde cum concilium generale congregari ex toto orbe difficile possit, oportet quod sit in ecclesia aliqua potestas, quæ hæc possit. Et confirmatur tertia & quarta conclusio. Non enim uidetur, quin summus Pôtifex possit, quod potest sola consuetudo. sed consuetudo rationabilis potest tollere statuta conciliorum, ut patet Actuum 15. Constitutum fuit, ut Christiani abstinerent à suffocato, ab immolato & sanguine. Visum est, inquit, Spiritui sancto & nobis, nihil ultra imponere uobis oneris, quàm hæc necessaria, ut abstinereatis uos ab immolatis simulachrorum, & sanguine, & suffocato. Et hoc fuit obseruatum in ecclesia, non solum à conuersis ex Iudæis, sed etiam à Gentilibus per multos annos, nō solum tempore Apostolorum, sed multo post. ut patet ex Tertulliano in Apologetico capitu. 9. imò expresse in concilio Gangrensi, quod fuit post Nicenum (ut habetur d. 70. capitu. si quis carnem.) habetur inquam quod non

non licet uesti sanguine, aut suffocato: tamen sola consuetudo abrogauit illud præceptum, nusquam enim legitur reuocatum. unde apud Græcos, apud quos perseverat consuetudo, fortasse adhuc obligat obligatio. Quid ergo obstat, quin aliquis summorum Pontificum aduertens iam illud præceptum non esse necessarium, abrogaret illud, quantumcunque esset latum à concilio Apostolorum? Hanc conclusionem tenent non solum doctores, qui sequuntur sententiam, quod papa est supra concilium, sed & tenentes contrariam opinionem. Vnde Panormita. in capitu. significasti. de electione, ita tenet. & est sententia universalis Iohan. Andr. quod potest tollere, & mutare statuta concilii, in capitu. statutum. de rescrip. Nec certè de his duabus conclusionibus posset quis rationabiliter dubitare, nec posset quis nisi magna temeritate affirmare, si Papa ex rationabili causa dispenses in ieiunio quadragesimæ, uel abstinentia carniū, quod non teneat dispensatio: tamen illa sunt ex statutis conciliorum.

Panormita.

Iohan. Andr.

¶ Sed dato quod absolute ita sit, tamen restat magnum dubium, Vtrum saltem si concilium prohiberet dispensationem, & addat decretum irritans, si secus fieret, utrum saltem si in tali lege possit dispensare

fare papa. De qua q. primò tenendo, quòd papa est supra concilium, uidetur q. non possit dubitari, quin hoc possit: quia si par in parem non habet imperium, multo minus inferior in superiorem. Sed tenendo alteram partem, prima facie etiam uidetur, quòd sequatur, quòd si concilium hoc prohibet, quòd papa non possit. Ista q. fuit agitata in concilio Basiliensi. in quo fuerunt quidam theologi, & iurisperiti, qui contendebant, quòd si in aliquo statuto concilii addatur decretum irritans, quòd papa in tali statuto non possit dispensare: & si tentaret hoc facere, nihil faceret. Contra quos Cardinalis de Turre fecit opusculum, quod uocauit De decreto irritante, in quo contrarium illius sententiæ contendedat ostendere. sed illum librum ego inuenire non potui, sed tamen pro nostra sententia respondeo ad hoc dubium, secundum utranque opinionem, siue teneamus quòd concilium est supra papam, siue contrarium. Et sit quinta propositio. Non* obstante decreto irritante concilii, papa posset dispēsare in statutis eius. Hoc probatur primò, Quia cessante tali decreto, papa habet talem potestatem ex officio suo ad dispensandum in statutis conciliorum: sed concilium non potest limitare potestatem papæ, uel officium papæ: ergo non obstante tali decreto potest. Et confirmatur, Quia papa nō habet

habet potestatem dispensandi ab ipso concilio. totam enim potestatem habet ab ipso iure diuino: ergo conciliū non potest auferre ei illam potestatem. Item: cū conciliū possit illā auctoritatem dispensandi committere alicui episcopo, si posset auferre à papa, iam esset necessaria aliqua potestas maior papa, ut supra arguebamus. Et confirmatur, Quia papa iam nō esset uniuersalis pastor, si esset aliquis actus iurisdictionis, in quem papa non posset, scilicet talis dispensatio, que fieri quidem posset, sed non à papa. Item eadem ratione concilium posset prohibere, ne papa posset dare indulgentias, uel absolueret ab excommunicatione pro tali crimine, uel tali, uel aliam quamcunque partē iurisdictionis adimere: quod esset absurdum, iam enim non esset papa. Consequentia autem patet, Quia si posset adimere istū actum iurisdictionis, quare nō quamcunque alium? Itaque puto falsū & periculosum dicere, quod ratione decreti irritantis tolleretur à papa potestas dispensandi. Gerſon autem Cancellarius Parisiēsis 1. parte trac. 3. determinatio ne, quod concilium generale potest limitare usum potestatis papalis certis legibus. ut non possit uel dispensare, uel abrogare decretum conciliorum. imò aliquem ex rationabili causa auferre ab obedientia pape: & multa in hac sententiam tradit. Sed ille doctor per omnia fuit

fuit infestissimus authoritati summorum Pontificum, & multos alios in fecit suo ueneno: parum enim differt à schismate eius sententia de authoritate papæ. Itē potest argui. Vel enim leges concilii exceptæ sunt à papa, uel non. Si nō sunt, ergo non obstante quocunque decreto papa poterit dispensare. Si sunt exceptæ, ergo etiam si non abiecerint decretum tale, erunt exemptæ, & papa nō poterit dispensare. Probat, quia leges diuinæ sunt exemptæ ab humana iurisdictione: etiam si nunquam sit prohibita dispensatio, tamen nulla potestas humana potest in illis dispensare: & episcopus non potest dispensare in legibus papæ, quia est inferior, nec opus est alia prohibitionē. Et profectō si ita est concilium supra papam, sicut supra episcopos, oportet dare aliquam rationem quare episcopus non potest dispensare in statutis conciliorum, & potest papa. Panormi. in tractatu de concilio Basiliens. numero 18. contendit, quod papa in iis quæ pertinent ad salutem, & generalē statum ecclesiæ, non potest contra statuta conciliorum uenire. citat ad hoc Archidia. in c. sic 40. d. in quo cap. dicit Gregorius se suscipere quatuor concilia principalia, sicut sancti Euāgelii quatuor libros: ex quo arguit, quod sicut papa nihil potest immutare circa contenta in Euāgelio, ita nec circa decreta conciliorum.

¶ Sed quia ex sententia & conclusionibus supradicti

prædictis uidentur omnia relicta in arbitrium
unius hominis non confirmati in gratia, sed
qui potest & errare, & peccare: ideo oportet
inuenire aliquod remedium ad obuiandum
huic tanto periculo, et ideo fit sexta propositio,
Papa* dispensando in legibus & decretis tā cōci-
liorū, quā aliorū Pōtificum, potest errare, &
grauiter peccare. Vtinā liceret dubitare de hac
cōclusionē. sed uidemus quotidie à Romana
curia tā largas, imò omnino dissolutas dispēsa-
tiones profectas, ut orbis ferre nō possit, nec
solū in scandalū pusillorū, sed maiorū. Sed hæc
patebit clarius ex questionibus sequentibus.

¶ Erit ergo septima propositio, Nō* licet pa-
pe dispensare in legib⁹ et decretis cōciliorū pro
suo arbitrio, & sine causa rationabili, etiā ubi
nihil cōtinent iuris diuini. Probat, Quia leges
humanæ & cōciliorū maximè sunt necessariæ
ad gubernationē & administrationē ecclesiæ:
ita ut sine illis nec ius qdē diuinū seruari pos-
sit. Ergo si papa per irrationabiles & temera-
rias dispēsatōes tollat uel omnino, uel ex ma-
gna parte legū obseruationē: hoc necesse est, ut
uerget in detrimētū magnū ecclesię. ergo nō
potest hoc papa facere sine graui peccato. Antē
cedēs autē patet, Si quis imaginē ecclesiā sine
legib⁹ humanis, intelliget profectò magnā cō-
fusionē & inordinationē, scilicet uidebit nul-
lo pacto cōstare, nec fidē, nec religionē Chri-
stianam

stianam. cū enim de iure diuino non sit determinatum tēpus ad susceptionem sacramētorum, & de confessione, & eucharistia, imò baptismo, item nec ratio sacrificii, & totius cultus diuini: nulla ratio administrationis defendi posset in ecclesia sublatiis legibus humanis, & esset intolerabilis deformitas, si quilibet uiueret suo arbitrio, etiam inter terminos iuris diuini. Et confirmatur, Quia non sunt minus necessariae leges ad administrationem ecclesiae, quàm ciuitatis: sed res publica, siue ciuitas, non potest esse sine legibus humanis, ut constat: ergo nec ecclesia. Nec sine causa Paulus ad Roma. 13. inquit, quòd qui legibus humanis resistunt, damnationem sibi acquirunt.

Roma. 13.

Isido.

Aristo.

Et sic Isidorus dicit, Factae sunt leges, ut earū metu humana coërceretur audacia, tutaq; esset inter improbos innocentia. Et Aristot. 1. Rhetor. q. melius est omnia ordinari lege, quàm dimittere iudicium arbitrio. Secundo probatur, Quia si leges debent fieri pro bono communi (debet enim lex nullo priuato commodo, sed pro utilitate omnium conscribi. c. erit autem lex. 4. d. ut ait Isidorus) ita etiam dispensatio, quae est quasi lex quaedam, debet habere rationem boni communis, aliàs erit dissipatio, & non dispensatio. Tertiò, Talis dispensatio esset in iniuriam aliorū: ergo non est licita. Antecedens patet, quia una conditio legis est, quòd sit

quòd sit æqualis, nō autem esset æqualis, si si
ne causa rationabili aliquis eximeretur à lege,
alii autē lege premiarētur: quod sit per temera
rias & uoluntarias dispensationes. ergo illud
est illicitū. Cōfirmatur, Quia lex uel est ipsum
ius, uel ius est effectus legis: unde & secūdum
diuersas leges dicitur ius naturale, ciuile, cano
nicū. sed ius, & æquum, siue equale, idem est.
ergo oportet omnino, quòd lex sit æqualis.
Et confirmatur hoc, Quia si in principio legis
siue causa rationabili ceteris omnibus paribus
legislator imposeret legem aliquibus, alios au
tem eximeret: faceret illis iniuriam. ergo eadē
ratione, imò multo magis post legem latam.
Quartò, Non licet papę dispensare in propriis
legibus sine rationabili causa, ergo nec in legi
bus concilii. Antecedens patet, Quia non po
test ipse eximere alios. Assumptum probatur,
Quia dato, quòd princeps non sit subditus
suis legibus quātum ad pœnam, uel quantum
ad uim coactiuam, tenetur tamē quantum ad
uim directiuam, & in foro conscientiae tene
tur uiuere secūdum illas, quia (ut dicitur extra.
de const. cap. cū omnes.) quod quisque iuris
in alterum statuit, ipse debet uti eo. Et Sapien
tis dicit authoritas, Patere legem, quam ipse
tuleris. Vnde Matth. 23. impropèrantur scribæ
à Domino, quòd dicunt, & non faciunt: &
quòd aliis onera grauiā imponunt, ipsi au
tem

Matth 23.

S. Tho. tem nolunt digito mouere. unde & **S. Tho.** 12. q. 96. ar. 5. ad 3. dicit q^d quantum ad dei iudiciū princeps non est à lege solutus. Et hoc non solum est uerum ratione scandali, uel quia esset causa infirmitatis legum: sed de per se. facerēt enim iniuriā aliis, cum ipse princeps est membrum rei publicæ. Facit enim iniuriam non ferendo partem oneris sine iusta causa. Lex autē digna uox. **C. de legib.** ubi dicitur, quòd princeps nō tenetur suis legibus. intelligitur quantum ad uim coactiuam.

3 ¶ **O**ctaua propositio, Multo * minus poterit abrogare sine rationabili causa decreta concilii. Ista patet, quia magis est abrogare, quàm dispensare: imo ex hoc iterum fingit argumentū pro septima conclusione. Quia non licet papæ abrogare, ergo nec ita passim & sine rationabili causa licet dispensare. Antecedens est notum apud omnes, maximè illa decreta, quæ spectāt ad uniuersalem statum ecclesiæ, uel ad bonam administrationem religionis, & morū in ecclesia. Nullus enim concederet, quin papa grauiter delinqueret, si derogaret omnino legib⁹ de gradibus prohibitis ad matrimoniū. Item de irregularitatibus, ut de bigamia, & de homicidio. Probatur autem consequentia clare. Quia si passim cū omnibus petentibus dispensaret, iam nullus esset effectus legis, & frustra
lata

lata esset lex. Quid enim iuuasset prohibuisse bigamos à sacerdotio, si omnes bigami, qui uolunt, promouentur? & similiter homicide? Lex enim lata est, ut ita non fierent, nō ut fierent cum licentia. & ideo si quis aduertat, intelliget esse peruersissimam licentiam istarum dispensationum. Nam legum natura hæc est, ut regulariter quidem, & ut in plurimum lex obseruetur: dispensatio autem fiat rarò, & in casibus peculiaribus. est enim, ut doctores omnes dicūt, dispensatio quasi quædā interpretatio iuris in casibus, quos legislator uidere nō potuit. Per istas autem dispensationes fit omnino contrario modo, ut lex quidem quàm rarissimè seruetur, dispensatio autem fiat regularis, ut in plurimum. Nullus enim est, qui uelit contrahere cum consanguinitate, qui non obtineat dispensationem: nec bigamus uult promoueri, qui non dispensetur, nec etiam homicida, aut saltem mutilator. Et ita de aliis penè legibus omnibus positiuis. Itaq; si quis non cōtrahit cū consanguinea, nō est ratione legis, sed quia non cupit, uel non placet. Et si quis consideret, intelliget, qd si tollatur lex de impedimētis matrimonii, uel irregularitatis, nō plures tales contrahent, aut, promouebuntur quàm tunc faciūt per dispensationē. nunc enim solum seruāt legem qui uolunt, uel for-

tè pauper aliquis, qui non habet unde possit dispensationem procurare, quod iterum est alia species iniurię, ut pauperes excludatur, diuites admittant, nulla alia causa posita. Atque adeo sunt ueræ 7. & 8. conclusiones, ut Caiet. in apologia de potestate papæ dicit, quod nō solum decreta concilii generalis, sed nec prouincialis papa potest licitè abrogare, aut super eis dispensare, sine rationabili causa. ubi etiā tenet, quod decreta concilii obligant papam in foro cōscientiæ. cui in hac parte eo magis credendum est, quia fuit semper fautor & studiosus potestatis pontificiæ, quam etiam eo tempore sanctum concilium defendit. Et istæ conclusiones sunt communiter doctorum, & Syluest. expressè tenet Sylue. in uerbo, papa. §. 15. & in uerbo, concilio. §. 2. & est expressè ex mente sanct. Tho. 12. & 22. & contra impugnantes religionem. & Panor. in c. non debet. de consan. & affinitate.

9. ¶ Nona propositio, Aliqua * lex etiam positua posset esse in ecclesia, & forte aliquæ tales sunt in quibus expediret ut nunquā dispensaretur. Probatur, Quia (ut dictum est) ius diuinum aut nullo modo, aut uix obseruari potest sine aliquibus legibus humanis. ergo aliquæ leges humanæ sunt tam utiles, imo penè necessarię ad obseruationē Christianæ religionis, ut uniuersalis obseruatio illarū sit ualde utilis ecclesiæ, &

ecclesiæ. & econtrariò etiã si aliquãdo uideat
dispensatio rationabilis, tamen multo utilior
esset inuiolabilis obseruatio legis, quàm ut ape-
riatur ianua ad dispensationes. Exemplum
est de statuto, capit. omnis utriusque sexus. de
pœnitentia & remissione. quod licet sit de iu-
re diuino quantum ad confessionem, & com-
munionem, tamen quantum ad tempus est de
iure positiuo: nō est dubium quin melius sit,
quòd nunquàm in eo dispensetur. Quia si se-
mel detur locus dispensationi, & relinquatur
arbitrio humano iudicare an sit causa rationa-
bilis dispensandi per ambitionem principum,
aut gratiã, aut improbitatem hominum, mul-
tiplicabuntur dispensationes cum magno pe-
riculo, non solùm iuris humani, sed etiam diui-
ni. Multæ aliæ leges possent dari tales. Confir-
matur, Quia etiam se offerunt casus, in quibus
uideretur etiam conueniens, ut in lege diuina
dispensaretur, ut quòd aliquis relinqueret pri-
mam uxorem, & transfret ad secundam ad pa-
cẽ regni, uel familiæ, uel haberet duas, uel mē-
tiretur pro aliqua magna utilitate, & tamen
nec Deus dispensat unquã, nec reliquit in ec-
clesia potestatem dispensandi (ut suprà di-
ctum est.) nimirum summa sapientia cùm in-
telligeret maius detrimentum sequuturum,
semel data licentia dispensandi, quàm bo-

num, quod prouenire possit ex tali dispensatione etiam aliâs rationabili. Nec solum hoc est uerum ex iure diuino naturali, sed etiam de iure diuino positiuo. Nunquam enim in ueteri testamento dispensatum est, ut quis comederet carnes suillas, nec alia uetita in lege, nec in quocunque mandato totius legis: nec in noua lege, ut aliquis non baptizaretur, aut cõfiteretur, cum tamen possunt prætendi causæ apparentiores ad dispensandum, quàm sæpe fiat pro legibus humanis. Certè nisi Christus optimè prouidisset expedire ecclesiæ suæ, ut nunquam in talibus legibus dispensaretur, reliquisset potestatem dispensandi. nescio quis reprehendisset, tamen uiri sapientes laudant Chartusiensēs, qui in sua abstinentia carnum nunquam dispensant, non obstante quacunque occasione, aut periculo. Si enim semel inciperent dispēsari, maior esset, seu latius extendere dispensatio, quàm obseruatio. Similiter profectò est in aliquibus legibus humanis, in quibus sanctius esset nunquam dispensare, quàm illarum rigorem flectere per dispensationem. Sed dicunt, quòd contingunt aliquando casus magnæ necessitatis, ubi sequatur magnum periculum nisi dispensetur. Respondetur primò, Aliquæ sunt leges, ex quibus nunquam sequi potest tale inconueniens, ut patet

ut patet consideranti, sicut nec in legibus diuinis. mala enim non sequuntur ex obseruatione bonarum legum, sed ex dispensatione illarum. Secundo, Etiam minus malum esset illud, quam dare occasionem ad infirmadas & uiolandas leges necessarias ad conseruationem religionis. Et praeterea cum dicimus nunquam esse dispensandum, non excludimus unum casum qui forte posset contingere in mille annis, quando scilicet sequeretur aliquod magnum scandalum: tunc enim merito posset dispensari, dummodo hoc esset lege cautum, ne relinqueretur arbitrio humano. Vtinam eligerentur aliquae leges grauiiores, & concernentes uniuersalem statum ecclesiae, & magis necessariae ad gubernationem eius, & reformationes morum, in quibus nullus esset locus dispensationi. In quocunque enim casu praerendum est bonum commune bono priuato, quod per dispensationem praetenditur: sed manerent inuolabiles sicut diuinae, si nec per papam nec per concilium dispensaretur.

¶ Decima propositio, Si ex usu, & experientia, aut prouidentia intelligeretur, quod si dispensaretur in aliqua lege ecclesiastica, uergeret in perniciem, aut graue damnum ecclesiae, & religionis: conciliū posset hoc declarare, & determinare, & etiam statuere, ut in tali lege nunquam dispensaretur. Hec probatur, Quia declarare quidem

certum est quod spectat ad concilium, statuere autem probabile est quod possit, quia sicut dictum est in 9. quæstione, hoc expediret, ergo concilium posset facere tale statutum. Item quia papa potest facere tale statutum, ergo etiam concilium.

¹¹ ¶ Undecima propositio, Videtur* quod in tali determinatione concilium errare non possit. Probatur, quia est de iis, quæ spectant ad mores uniuersales ecclesiæ, ergo non potest errare in huiusmodi determinatione, & statuto.

¹² ¶ Duodecima propositio, Facta* tali determinatione, nunquam liceret papæ dispensare in tali lege, & peccaret mortaliter, dispensando ex quacunque causa. Probatur, Quia si conciliū determinasset, quod dispensatio est perniciofa per decimā propositionē, & nō potest errare per undecimā ergo ita est, q̄ est perniciofa dispensatio, ergo est illicita. Itē si papa dispēsat sine rationabili causa, peccat, ut in septima propositione dictum est: sed nulla potest esse rationabilis causa dispensandi contra mādarum concilii generalis. Ergo malè faceret dispensando: quia grauius est & melius, obseruare sententiam concilii, quod errare non potest, quàm obseruare, uel capere causas, uel casus particulares. Item si concilium determinat, quod dispensatio in tali lege est perniciofa toti ecclesiæ, hoc maxime esset, quando
talis

talis dispensatio uergeret in detrimentum, nō
solum legis humanæ, sed etiam iuris diuini:
quia (ut dictum est) ius diuinum seruari non
potest sine legibus humanis. Et si concilium
deberet facere aliquod tale statutum, in quo
nunquam esset dispensatio: ideo esset, quia ex
talibus dispensationibus sequeretur quod aut
perniciēs, aut periculum esset contra ius di-
uinum. non enim deberet esse pro decimis,
aut bonis ecclesiasticis, sed pro maioribus re-
bus. Vt si ex dispensatione puerorum seque-
retur mala administratio in ecclesia, & ex con-
sequenti uitiosa administratio sacramento-
rum, morum corruptela, & nullum bonum
ex tali administratione posset nasci: merito
concilium determinaret, ut nunquam fieret
dispensatio in illa lege. Et tunc arguitur sic,
Papa non potest dispensare in iure diuino, ut
dictum est suprā in 1. propositione. ergo si ali-
qua lex humana est necessaria ad obseruatio-
nem iuris diuini, non poterit papa dispen-
sare licite in illa. Sed tota difficultas est, quia
licet dispensatio temeraria, & uulgata, & irra-
tionabilis possit esse pernicioſa, tamen dispē-
satio particularis ex rationabili causa & raro,
non esset pernicioſa priuata, ut cum isto pue-
ro uel iuvene optimæ indolis, & morum opti-
morum, erudito & nobili, & qui re uera plus
proderit quā quicumque alius, dispensetur

quòd fiat episcopus . ergo cōcilium nō potest
determinare, q̄ uulgariter omnis talis dispen-
satio in tali lege est pernicioſa, ſed temeraria,
& paſſim facta: & per conſequens non potest
prohibere ſummum Pontificem ne in aliquo
caſu emergenti poſſit diſpensare. Reſpōdeo ad
hoc dubium. Primò, quòd leges non reſpiciūt
caſus particulares: ſed ad hoc quòd lex uniuer-
ſaliter feratur, ſatis eſt q̄ quaſi ſemper ſit expe-
diens, uel ut plurimum. Exempla ſunt clara, ſi
per ſe conſideremus aliquomodo expedire, ut
uir relinqueret uxorem, & aliam duceret, uel
quia ſterilis, uel quia intolerabilis, uel quia ma-
lis moribus inficit fortasſe maritum: ſed quia
ut iam plurimum expedit, ideo lata eſt uulgari-
ter lex, ne aliquis dimittat uxorem, etiā ſi fue-
rit hæretica, & conaretur maritum ſubuer-
tere, uel in quocunq; alio caſu. Idem de plura-
litate uxorū etiam pro pace, imò conuerſiō-
ne totius regni. Item nullū inconueniens uide-
tur aliquando ſequi ex concubitu fornicario,
ſi per ſe cōſideretur. Ratio enim quare eſt mā-
lus, & prohibitus, eſt, quia eſt cōtra bonum
prolis, ut naceret ſine certo patre, & per cōſe-
quens malè educaretur. Hoc autem ceſſare
poſteſt in caſu ubi mulier eſt ſterilis, & iam æta-
tis prouectæ: & tamen uniuerſaliter eſt prohi-
bita fornicatio, cum quibuſuis circumſtantiis,
quia in prolibus ſequeretur mala educatio, &
procreatio

procreatio prolis. Ita profecto legislatores humani possunt habere rationem & respectum ad illud, quod penè semper accidit, etiam si aliquando deficiat, & ferre leges uniuersaliter etiam in quocunque casu: & si non esset lata lex de insolubilitate matrimonii à Deo, ecclesia posset condere illam legem ita uniuersalem, sicut fecit ipse Deus. & indispensabilem in quocunque casu: quia si nunc lata à Deo ita uniuersalis est rationabilis, & utilis, etiam esset talis lata à concilio, uel papa. Nil enim facit à quo sit lata lex ad hoc, quòd sit rationabilis: nec Deus faceret leges ita indispensables, nisi ita expediret. disponit enim omnia sua uiter. *Sapientia 9.* & ut conuenit rebus. Et in legibus humanis prohibetur uniuersaliter aliquid omnibus uti, tamen ratio legis non inuenitur in omnibus. Verbi gratia, Prohibetur ne nocturno tempore aliquis armatus incedat: certè ratio legis est, quia illo tempore solent insidiæ fieri, & cædes, & est maior licentia peccandi. Si quis autem certus, quòd nihil mali factururus est ex hoc, sed ex aliqua alia occasione portat arma illo tempore, est reus legis, & peccat contra legem, & meritò puni: & si esset lata excómunicatio, incurreret sententiam. quia propter pericula frequèter accidètia rationabiliter fuit facta prohibitio in omnibus.

Si ergo

si ergo licet aliquando aliquis iunior rationaliter possit assumi in episcopum: tamen quia hoc esset rarò, & contrarium plurimùm contingit, posset concilium ordinare, quòd cum nullo dispensaretur: & hoc est profectò uerum, etiam si nulla ratio esset, optimè faceret. Sed propter hoc est notandum, quòd non solum oportet expectare in condendis legibus quid boni sequatur ex casibus particularibus, & ex obseruatione legis, uel quid mali in his casibus singulis in transgressione illius, sed quid sequatur, si tollatur talis lex uniuersaliter. Verbi gratia, si consideremus quid mali sequatur ex ista fornicatione aut illa, non uidetur quòd sequatur magnum inconueniens, & si aliquod, posset etiam facilè adhiberi remedium: sed si consideremus quid mali sequeretur, si tollatur illa prohibitio, intelligeremus quàm necessaria est illa lex. Si enim liceret fornicari, non solum sequitur praua educatio proli, sed etiam quòd non sit procreatio liberorum, & periret genus humanum. si enim hoc liceret, multi non ducerent uxores, & mallent uti libertate: & per consequens cum ex huiusmodi uago concubitu non multiplicarentur liberi, sed rarò eueniant, sequitur defectus & inopia filiorum in republica, sequitur quod non sint familiae, & per consequens auitates, nec respublicae, & multa alia inconuenientia. Idem patet

tebit de insolubilitate matrimonii. Non enim oportet respicere ad hoc quid mali sequatur, si Petrus uxorem suam reliquerit, sed oportet uidere quid mali sequatur, si passim liceat dimittere uxores. Cum enim inter coniuges sæpe incidat iurgia, & capiat eos inuicem satietas, rara essent matrimonia firma. Et cum relicta ab uno non reciperetur ab alio, esset magnum periculum incontinentiæ, & primum esset in magnam iacturam & detrimentum liberorum, qui relinquerentur aut sine matre apud nouercam, aut sine patre apud matrem, & multa alia mala: unde iustissimè est adèpta illa facultas. Ita in legib⁹ ecclesiasticis nõ oportet cõsiderare quid boni, aut quid mali sequatur, si iste iuuenis fiat episcopus, uel si quis emat hoc beneficium, quia non uidetur magnũ malũ: sed oportet considerare quid sequerẽt, si hoc passim liceret fieri siue per dispensationẽ, siue alia quacunq; uia, sequeretur enim confusio, & perniciēs rerũ ecclesiasticarum, & bonorum morum, ut constat. Et ideo si hoc alia ratione impediri non potest, nisi ista, ut omnino tollatur facultas dispensandi, hæc accipienda est. Præterea considerandum est, quod ratio legis põt esse rata, & determinata, q̃a est in cõmuni, & uniuersali. Sed ratio legitima dispensandi in lege nõ põt esse determinata, quia est ex singularibus cõiecturis, & circũstãtiis, de quibus

quibus non potest haberi scientia, nec certitudo, ut Philosophus dicit: quia uariatur in infinitum. & ideo oportet si dispensandum est, quod relinquatur arbitrio humano, quando, et quomodo: & cum sint tot rerum uarietates, sæpe proponuntur circumstantiæ, quæ licet non sint sufficientes, sunt apparentes, uel uerisimiles, & per consequens trahunt hominem ad dispensandum frequenter in lege: cuius tamen obseruatio est necessaria, & sic defraudatur intentio legis. Et præterea est magna improbitas hominum, qui nituntur in uetitum semper, cupiuntque negata, et qui concupiscunt, quia lex dicit, Nō concupisces. Et prælati, etiā summus Pontifex errare potest in huiusmodi dispensationibus, ut in sexta propositione dictum est, & sunt infirmi ad resistendum ambitioni importunitatibus. Ideo si maneat licentia dispensandi in legibus pro suo arbitrio, periculum est manifestum, ne dispensationes fiat sæpius irrationabiliter, quam cum causa rationabili, cum magno detrimento ecclesiæ. ergo si aliud remedium adhiberi non potest, quam hoc, hoc accipiendum est. Præterea considerandum est, quod in moralibus non oportet multum considerare quid possit fieri, sed quid in rerum statu & natura inueniatur, & contingat, & potius experientia tot annorum, quam argumentationibus standum est. Possent iudices esse fortes uiri, ac ita iusti, ut nullis muneribus corrumpere-
tur, aut

tur, aut retraherentur à iustitia: sed quia usu & experientia compertum est, quòd iudices atci-
pientes munera, nò rectè solent iudicare, ideo
generaliter prohibitum est munera accipere. Ita
in proposito nos bene possumus philosophari
& imaginari, quod summi pontifices possent esse
sapientissimi, & sanctissimi uiri, & quod nunquam
dispensabunt sine legitima causa: sed clamat ex-
perientia in contrarium: & uidemus, quod nullus quæ-
rit dispensationem, quin obtineat. ergo desperan-
dum est, quod si relinquatur dispensationes arbitrio
humano, quòd solùm fient ex legitima causa. Et
quauis sint multi summi pontifices sapientes
& sancti, unus potest omnia perdere & maxi-
mè quia summus Pontifex non potest exami-
nare omnes causas obrutus grauissimis occu-
pationibus spiritualibus, & temporalibus, & ne-
cesse habet mādare aliis curā, à quibus sæpe fal-
li potest, etiā si fuerit B. Gregori⁹. Et præterea
dicit Arist. i. Rhetoricorū, & S. Tho. 22. q. 95.
ar. i. ad secundū. quod omnia quæ possunt, debēt le-
ge determinari, et disponi, et quā paucissima
relinqui arbitrio iudicis. Cuius præcepti mul-
tas ponit rationes: sed potissima est, quia legisla-
tor fert leges in uniuersali, & de futuris, nec
tūc innitit aut gratia amicorū, aut improbita-
te hominū, aut prece, aut pretio, sed solū habet
in cōcilio bonū reipublicæ, cui oēs fauent. sed
in casibus particularibus cōcurrent multa quæ
possunt

Aristot.

S. Thom.

possunt hominem ab æquo, & bono auertere. Et ideo multo liberior est ad ferendas leges, quàm tot iudices. Itē leges ponuntur ex magna cōsideratione, in particulari autem nō uacat ita considerare. Ita est in proposito, leges ecclesię feruntur cum assensu omnium, & à nemine impugnantur, aut contradicuntur, & sic sunt optimæ. Sed in dispensationibus concurrunt multa, quæ inducere possunt ad non rectè dispensandū: & ideo optimum esset rescindere occasiones. Et adhuc ita loquimur, quasi cum magna difficultate fiant dispensationes, & oporteat adhibere magnas machinas ad extorquendam unam dispensationem, & non sint Romæ expectantes, an quis uelit petere dispensationē omniū, quæ legibus sancita sunt. Sed dicet aliquis, Videmus semper in literis apostolicis dispensationum, quòd semper profertur causa iusta dispensationis: ergo si ita sit, quid opus est ista noua cautela? Respondetur, Ego nullam dispensationem in particulari cōdemno, nec meum est, non iudico alienum seruum. Fortasse ita est ut dicitur. Sed uideo duo. Primum, quòd in fine anni sunt tot dispensationes factæ, quòd nescio an sint tot, qui legem seruent. Secundo uideo, quòd omnes, qui petunt, afferunt dispensationes, quos omnes mirū est habere legitimas causas, ut cū eis dispensetur in impedimentis matrimonii, ætatis

ætatis ad ordines, & irregularitates, & pluralitates beneficiorum. Itaque omnibus pensatis, uideretur certè conducibile, ut hac ratione quis iret obuiam huic dispensationi legū optimarum, ut prohiberetur dispensatio absolute. Quòd si omnino uideatur durum, & necessarium esse, ut omnis lex habeat aliquam exceptionem, nec aliqua lex humana sit omnino indispensabilis, hoc statuatur lege, in quo casu possit papa dispensare, & terminet in tali, & in tali, & nō aliās, & sic poterit fieri dispensatio sine uiolatiōe, & dispensatione legis. Sed tutius & iustius uideretur, ut fieret absolute de aliquibus legibus. Est præterea considerandum, quòd (ut dictum est) bonum commune est præferendum bono particulari, & ideo cū lex lata sit propter bonū publicum, dato q̄ ita esset, quòd ex illa in casu particulari sequeretur detrimentum alicuius particularis, etiam ubi aliās esset irrationabile, tamen ferendum est propter conseruationem boni communis, nec statim oportet occurrere ad dispensationes, quia dispensando in causis iustis, aperitur ianua ad dispensationes iniustas. Circa quod optimè S. Tho. 12. q. 97. ar. 4. ad 1. & q. 100. ar. 8. dicit, quòd nunquam dispensatio est facienda cum detrimento boni communis. & 22. q. 88. articu. 12. dicit, quòd omnis dispensatio à prælato debet fieri ad honorem Dei, uel utilitatem

San. Tho.

litatem ecclesiæ. & 12. q. 97. articu. 4. quod qui dispensat, non habens intentionē ad bonum commune, infidelis est. ex quo patet, quod in dispensationibus non est legitima causa, quæ solum respicit priuatam utilitatem, & specialiter personæ priuatæ, sed debet potius habere respectū, an talis dispensatio uergat in bonum commune, uel econtrario. Vnde cum aliquæ leges sint ita grauēs, ita necessariae ad bonam gubernationem, & statum ecclesiæ: si tunc contingat casus, ubi dispensatio uideatur irrationalis, melius esset ut non dispensaretur, etiā ubi non esset dispensatio prohibita, ut præsupponimus in ista propositione 12. Exēplum est clarum si ista lex, quod filii clericorum non succedant parentibus in beneficiis, iudicatur esse necessaria in ecclesia: dato quod sit aliquis talis filius ita dotatus omni uirtute, & doctrina, ut omnino expediret ut succederet patri, & nullus alius sit ita idoneus, & possit hoc fieri non solum sine omni scandalo, sed etiam ad gratiam totius populi: melius esset, ut non dispensaretur cum tali, ut tollatur spes aliis procurandi tales dispensationes. Et demum cum ex duobus malis minus sit eligendum, ut in decretis. 13. d. duo mala. & Aristot. libro sexto Topico. dato quod non dispensaret in aliquibus casibus, esset malum tamen, cum necesse sit, uel incidere

incidere in hoc malum, uel per hanc occasionem uenire in maius malum, scilicet desolationem, & corruptionem legum necessaria- rum: melius est tolerare hoc primum malum, ut etiam cum aliquo detrimento nunquam dispensetur, quàm ut permissa licentia dispensandi, fiat perniciēs morum & legum. Si quis obiiciat, quòd huiusmodi decretum esset omnino nouum, & nunquam simile factum in aliquo concilio œcumenico, ubi tamen fuerunt patres sapientissimi: ergo nullo modo debet præsumi hoc inceptum in nouo concilio, quod certè ut sit celeberrimum, nunquam superabit auctoritatem & maiestatem illorum antiquorum patrum. Ad hoc respondetur distinguendo tempora, ut dicunt Iuristæ, & concordando iura. Tempore conciliorum antiquorum erant pontifices similes patribus cōciliorum, quòd ad retinendum, & inuocandum ab immoderata & effusa licentia dispensandi non erat opus huiusmodi decreto: imò si bene reuoluntur iura & historiæ apud antiquos patres, non præsumebāt pontifices decreta cōciliorum: ita facilliter & passim dispēsare, sed tanquā oracula diuina obseruabāt: nec iam nō ita temere, sed fortasse nec semel dispensabant contra statuta conciliorum, maximè circa leges graues, & paulatim ad hanc intemperan-

tiam dispensationum deuentum est, & ad hūc talem statum, ubi nec mala nostra, nec remedia pati possumus, & ideo necesse est aliam rationem excogitare ad conseruandas leges. Da mihi Clementes, Linos, Syluestros, & omnia permittam arbitrio eorum. Sed ut nihil grauius dicatur in recentiores Pontifices, certē multis partibus sunt priscis illis inferiores. Et hoc de 12. propositione.

¶ Decimatertia propositio, *Tale decretū nō deberet apponi in multis legibus, sed solū in paucis, hisque grauissimis, & ualde necessariis. Hęc patet: primo, quia cū papa sit pastor uniuersalis, nō debet limitari eius authoritas sine urgenti necessitate, aliās fieret ei iniuria. Item si hoc extenderetur ad multas leges, hoc iterū posset uergere in impedimentum administrationis Ecclesię, quia dispensationes aliquando sunt necessarię, ut dictum est. Item esset occasio, ut sub illo prętextu papa cōtemneretur tāquam haberet manus ligatas, & sumerent licentiam aliqui ad rebellandum contra eum, Et tandē hoc non debet fieri, nisi solū in aliqua lege ita necessaria, ut ex eius dispēfatione immineret magna perniciēs ecclesię. Sed restat magnū dubium, factō *tali decreto, utrū si illo non obstante papa dispensaret, teneret factum, dato quod malē faceret.

¶ Sit decimaquarta propositio, Tale decretū non

non facit de per se, quòd papa nò possit dispē-
 sare, sed solùm quòd non liceat. Probatur i. ut
 probatum fuit suprà q. 3. 4. & 5. cùm potestas
 papæ non sit à concilio, sed à Christo, concil-
 ium non potest coarctare auctoritatem papa-
 lem, aut limitare: ergo si possit dispensare sine
 tali decreto, posset etiam illo posito. Itē quia
 (ut suprà probatum est) concilium nihil po-
 test, quin papa illud possit, sed concilium pos-
 set dispensare nò obstante proprio decreto: er-
 go etiam papa. Item si illud decretum fieret ab
 uno summo pontifice, alius sequens posset di-
 spensare, quia par in parem non habet impe-
 rium: sed non habet maiorem auctoritatem à
 concilio quàm à papa, ut suprà probatum est. *Syluest.*
 Et Syluest. in uerbo, papa. §. 15. dicit secundum
 mentem S. Tho. quòd papa potest etiam sine
 causā dispensare in omni iure positiuo, & etiā
 illud irritare. Itaque si irritaret, de facto nulla
 essent, sed irrita: sed in hoc peccaret de quo-
 cunque statuto concilii, ut probat glossa i. in
 cap. ubi periculum. §. hoc sancto concilio. de
 electione. de quo Panormita. in c. significasti.
 de electione. & Iohan. Andreas & alii. Suppo-
 no autem, quòd ualeat ista consequentia,
 Si papa male dispensat, ergo non ualet illa di-
 spensatio. Si enim sine causā dispensaret in
 gradibus prohibitis ad matrimonium de iure
 r 3 positiuo,

*Panormi.
 Iohan. andr.*

positiuo, dispensatio teneret, & matrimonium sic contractum esset ualidum. Nec tamé uolo dicere, quòd omnis dispensatio papæ etiam in iure positiuo ualeat: sed dico, quòd si non ualeat hoc, aliunde est, & non solum ratione iuris positiui, ut infra dicemus, scilicet siue papa sit supra concilium, siue econtrario. ergo si non obstante tali decreto adhuc papa potest dispensare, in quo saluatur ista superioritas concilii supra papam? Respondeo, Satis est ad hoc, quòd papa tenetur, & malè faceret contraveniendo decreto concilii. Vel fortè diceretur, quòd papa non potest tollere talem legem, & irritare, si concilium prohibeat, sed potest dispensare: quia manente tali lege, spectat ad eum omnis actus iurisdictionis in ecclesia. itaque si papa contra decretum concilii institueret puerum in episcopum, talis re uera esset episcopus, & haberet iurisdictionem.

- 15 ¶ Decimaquinta propositio, Eodem* modo sicut papa peccaret dispensans contra tale decretum, etiam peccaret petens dispensationem, aut utens illa. Probatur primò, Quia cõsentit, imo eo ipso operatur peccato alterius: & nõ solum qui malè faciunt, digni sunt morte, sed qui consentiunt facientibus, ad Roma. 1. Item ille est occasio tantorum malorum, quæ ex huiusmodi dispensationibus sequuntur, ut supra ostensum est.

tum est. Item etiam faciunt iniuriam aliis, si exi-
mant se à lege. Quemadmodum si rex exigeret
tributū ab aliquibus ciuitatibus, & eximeret
alias sine causa: non solum rex peccaret, sed
etiam ciuitas illa, quod non subiret partem
oneris. Non tamen uolo dicere, quod si papa
mortaliter peccat dispensando irrationabili-
ter, quod etiam dispensatus utens dispensatio
peccat: sed nolo recipere uniuersaliter conclu-
sionem Panormita. & aliorum in c. non est. de
uoto. quod dispensatus à papa in quocunque
iure positiuo, etiam sine causa, quod est tu-
tus in conscientia. Quæ tamen potest esse ue-
ra, si intelligatur, quod est tutus, hoc est,
quod factum per illam tenet. Etiam in con-
scientia non est uniuersaliter uera, si intelli-
gatur, quod talis sine peccato potest illa uti,
ut si dispensetur cum sacerdote, ut ducat uxo-
rem: & probatur, quod (ut suprà arguebā) papa
peccaret dispensans secum sine causa legitima,
quia in foro cōscientiæ tenetur suis legibus. er-
go nō potest eximere aliū plus quàm seipsum
quin peccet. Vnde & ipsemet Panor. cōfitetur,
quod dispēfatus ad plura beneficia sine causa,
non est tutus in conscientia. Et ita Iohā. And.
tenet in c. de multa. de præb. conformiter ad S.
Tho. quotlib. 9. q. 7. licet hoc etiā non solū ui-
deatur cōtra ius positiuū, sed cōtra ius natura-
le: tamē cōtra quēstionē arguitur, Quia si papa

omnino irritaret aliquod ius positium, & si-
ne causa, & irrationabiliter faceret, non pecca-
ret qui postea non seruaret tale ius, ergo etiam
si dispensat in illo, quia dispensatio est relaxa-
tio iuris circa istū, sicut irritatio circa omnes.
Antecedens patet, quia certè si papa tolleret
abstinētiā carniū in feria sexta, null⁹ peccaret,
si uesceret carnibus illis dieb⁹, nec si tollat iura
de impedimentis matrimonii. Respondeo con-
cedendo antecedens, quia reuera nullus ma-
net titulus obligationis, quia nec iure diuino,
nec positiuo. & nego consequentiam: & ratio
est, quia manente iure in ordine ad alios, irra-
tionabiliter facit, qui non uiuit æquali iure
cum aliis: atque ideo nō omnino caret culpa,
licet sæpe excusetur à mortali. Sed restat graue
dubium, si summus Pontifex dispensat in tali
statuto non obstante tali decreto prohibente,
utrum subditi, ad quos spectat recipere, & pa-
rere tali dispensationi, teneātur. uerbi gratia,
si statuitur in concilio, quòd nullus ante æta-
tem uiginti annorum possit habere beneficiū
curatum, & in hoc nunquā dispensetur, di-
spensat papa cum puero, non solū cōtra de-
cretum concilii, sed etiam sine alia rationabili
causa, an parochia teneatur recipere illum, &
dare illi decimas. Pro examinatione dubii est
16 notandum, quòd * dispensationes Pontificis
sunt in duplici differentia. Quædam sunt om-
nino

nino gratiosæ, gratiosas uoco, quæ spectat solum ad gratiã id est, beneficium dispensati, nec faciunt ad commodum uel incommodum aliorum, ut dispensatio in ieiuniis, & abstinentiis, & ætate ordinandorum, in impedimentis matrimonii, & similibus. & in huiusmodi non est locus dubii, quia solum spectat ad ipsum dispensatio. Et tenet factum. Alię sunt dispensationes, quæ possunt spectare ad commodum aliorum, uel ad detrimentum aliorum, ut in exemplo posito, quod aliquis puer sit parochus istorum, quod habeat beneficium & decimas sine residentia, quod recipiat fructus præbendæ non seruiens, quod unus habeat uiginti beneficia. Ista enim sunt huiusmodi, quæ multum spectant ad iura communia, commoda, uel incommoda aliorum, & de huiusmodi uertitur in dubium, nec est facilis disputatio. Sed dicam, nihil omnino asserendo, sed proponendo solum quæ uidentur probabiliora esse.

¶ Decima sexta propositio, Non * spectat ad subditos determinare, aut examinare, quid possit papa, aut quid non possit, & quomodo teneantur parere, uel non. Probatur, Quia sacrilegium est disputare de potentia principis & præcipue Papæ. 17. quæst. 4. §. committitur. & sequen. Secundò, Quia hoc ipsum determinare quæ sit potestas spiritualis alicuius, est iurisdic-
r 5

risdic-
tio

risdictio, & est pars gubernationis, quæ non spectat ad subditos, saltem erga superiores. ergo hoc non conuenit illis. Tertiò, Quia profectò hoc esset in turbationem & dissolutionem Ecclesiasticæ hierarchiæ, & authoritatis, si quilibet posset dicere, Papa non potest: & hoc modo eximeret se à mandatis papæ, & esset manifestum nutrimentum inobedientiæ, & schismatum, & herefeum. Imò hinc natæ sunt hæreses, ut ait Cypria. q̃ sacerdoti Dei, uel papæ non obeditur, sed quilibet audet dicere, quòd Papa malefacit, & q̃ nō potest facere: & ideo si papæ erraret, melius esset ut in omnibus illis pareat, quā per hoc, q̃ unus habeat licentiam non parendi papæ in uno casu: forsan rationabiliter daret occasionem ut alii non pareant etiam in iustis & honestis.

¹⁸ ¶ Decima septima propositio, Nō* semper mā datum papæ, aut dispensatio obligat subditos ad parendum. Nec loquor hic in casu, q̃ Papa aliquid præcipiat manifestè cōtra ius diuinū: hoc enim fortè nunquā cōtinget, nec cōtingit, nec esset dubiū q̃ non esset parendū. Sed extralē casum probatur primò, Papa nō habet maiorem potestatem ad dispensandū, quā ad ferēdum leges: sed si ferret legem iniquā, & iniustam, aliās intolerabilē, & ualde grauē, subditi nō tenerent parere. ergo nec etiam si dispensatio sit huiusmodi. Antecedēspatet, Quia, sicut

S. Tho.

S. Tho. optimè 12. q. 96. arti. 4. lex non obligat S. Tho.
subditos in foro conscientiae nisi sit iusta: ad
hoc autem qd sit iusta, requiruntur tria, primū
potestas in terete, deinde finis, scilicet propter
bonum commune, postremò forma, ut secun-
dū æqualitatē proportionis imponat subditis
legēs nō onerosas. Et econtrario sunt iniustę,
uel ubi deest autoritas, uel cū pręses impo-
nit onera subditis non pertinentia ad utilitatē
communem, sed magis pro propria cōmodita-
te, uel cupiditate, uel gloria, uel etiam aliorum
priuatorū, uel etiā ex forma, cū inæqualiter
onera dispensantur, etiam si ordinentur ad bo-
num cōmune, uel etiam si facit contra ius di-
uinum. Et ex quacunque causa lex sit iniusta,
non obligat, inquit sanct. Tho. in foro con-
scientiae, nisi fortè propter scandalum uitan-
dum. Quia, sicut Augusti. in libr. de libero ar-
bitrio ait, lex esse non uidetur, quæ iusta
non fuerit. ergo si Papa legem aliquam iniu-
stam faceret ex aliqua prædictarum causarum,
non tenerentur subditi parēre. ergo nec si di-
spensatio esset iniusta ex aliqua tali causa: quia
non potest magis grauare subditos per di-
spensationem, quā per leges. Et quod non
solum intelligat sanctus Thomas, quando le-
ges sunt contra ius diuinum, patet illic, quia
quatuor causas ponit, unde potest esse iniu-
sta: & quarta est, si sit contra ius diuinum,
& tamen

& tamen undecunque sit iniusta, generaliter dicitur quòd non obligat. Et confirmatur, Quia lex ciuilis iniusta non obligat, ergo nec ecclesiastica. Antecedens patet, quia potestas principum est à republica, quæ non dedit eis potestatem ad grauandum subditos, sed conseruandum. Consequentia autem probatur, quia certè absurdum esset dicere, quòd habet maiorem papa auctoritatem ad nocendum & grauandum subditos, quàm secularis potestas, cùm illi sit solùm data potestas ad pascendum. S. Thom. absolute loquitur de omni lege humana iniusta uniuersaliter sine distinctione: nec hoc potest esse dubium, quin quantum ad hoc idem sit iudicium de potestate ecclesiastica & ciuili, nec prorsus habet maiorem auctoritatē in spiritualibus, quàm rex in temporalibus: utraque enim potestas est à Deo, Róm. 13. cap. Et confirmatur ex illo prouerb. 8. Per me reges regnant, & legum conditores iusta decernunt. Ex quo patet, quòd non habet à Deo potestatem decernendi iniusta. Secundò arguitur, Sententia in iusta à quocunque sit data, non obligat, ergo nec lex. Antecedens pro nūc supponitur ex cōsensu omnium doctorū, Quòd si sit iniusta secundum se, id est, non solùm in forma procedendi, id est, quia non tribuit unicuique quod suum est, siue iudex faciat
ex malicia,

ex malicia, siue ex falsa præsumptione, nõ obligat partes. Et certum est, quòd si papa ferret sententiam contra innocentem de pecunia uel alia re, siue faceret certa scientia, siue ex falsa præsumptione: talis sententia non obligat. Et consequentia uidetur nota: quare enim potiùs obligaret lex iniusta, quàm sententia, cùm lex plus noceat? Tertiò, lex iniusta episcopi non obligat, ergo nec papæ. Antecedens est notũ, & cõcessum ab omnibus. Et cõsequẽtia uidetur nota, quia nõ habet maiore authoritatẽ papa ad inferendũ iniuriã, quàm episcopus. circa ea enim quæ sunt sui officii & in proprios subditos non minus potest, quàm papa. Quartò arguitur, deducendo ad manifestissimam inconuenientiam. Quis enim diceret, quòd si papa sine rationabili causã conderet legem, quòd Christiani loco decimarum soluerent quintam, aut quartam partem fructuũ: quòd obligarentur Christiani illa lege? Vel si arrogaret sibi sic annata episcopatum, ita etiam medietatem omnium fructuum ecclesiasticorum, uel alias peiores leges faceret: in his enim agitur de iactura temporali: peior autem esset iactura spiritualis. Nec sufficit respondere, quòd papa non facit huiusmodi: hoc enim est loqui de facto, de quo non disputatur. Sed quid iuris si faceret? Ego pro certo habeo, quòd omnes leges iniustæ,
etiam

etiam papæ, non obligant in foro conscientie. Quod si ita est, quare dispensationes iniuste & in grauamen aliorum obligabunt? Item potestas papæ est ad edificandum, non dissipandum. Sed huiusmodi dispensationes sunt ad dissipandum, non ad edificandum: ergo non sunt recipiendæ. Item doctores dicunt, quod in concernentibus uniuersalem statum ecclesiæ, non potest papa disponere contra statutum concilii generalis, ut in c. literas. de restit. spolia. & notat Abbas in dicto c. significasti. & Innocen. in c. quanto de cõsue. & maximè ubi ecclesia declararet. ergo in tali casu subditi non tenentur parère, etiam si solum ageret contra ius posituum. Et omnia hæc confirmantur, Quia papa non est dominus ecclesiæ, nec bonorum eius. hoc enim est generaliter omnibus prælatis prohibitum, Luc. 22. Reges gentium dominantur eorum, uos autem non sic. Et Matth. 20. & Marc. 10. & i. Petri. 5. Non dominantes in clerum, sed forma facti gregis. Et Paul. i. ad Corin. 4. Sic nos existimet homo, ut ministros Christi, & dispensatores ministeriorum Dei. Ergo non potest disponere pro arbitrio, sed secundum quod est expediens ecclesiæ.

19 ¶ Decima octaua propositio, Facta tali declaratione, et decreto concilii, si, ut dictum est in 10. q. papa dispensaret, subditi non tenentur parère tali

LUC. 22.

Matt. 20.

Marc. 10.

1. Pet. 5.

1. Corin. 4.

tali dispensationi. Probatur, Quia ex 13. cōclu-
sione, si lex, aut dispensatio iniusta non obli-
gāt subditos ad parendū, ergo licet nō spectet
ad subditos hoc iudicare (ut dictū est in 16. q.)
tamen postquā conciliū hoc declarasset, nō te-
nerentur subditi parēre. Itaque si conciliū de-
terminat, quòd dispensatio cum pueris ad epi-
scopatū est perniciofa ecclesiæ, & prohiberet
ne unquā in hoc dispensaretur: si hoc non ob-
stāte, papa mitteret puerum pro episcopo, nō
tenerētur subditi recipere illum, nec obedire.

¶ Decimanona propositio, Papa* nō deberet
ægreferre, sed potius gaudere q̄ fieret aliquod
tale decretū. Probatur hæc propositio, Si iustū
est & expediens, ut suprā probatū est, quòd pa-
pa debeat procurare omne cōmodū ecclesiæ:
ergo de hoc debet gaudere. Itē quia in hoc nul-
lo modo lædit̄ authoritas illius. Nō enim pro-
hibetur talis dispēsatio inferiori, nec q̄ nō li-
ceret ei dispēsare, uel nō posset: nec est propter
defectum authoritatis, quam habet amplissi-
mam, & à nullo limitabilem, sed propter ma-
teriam ipsam, quæ non recipit dispensationē
sine magno malo ecclesiæ. Sicut qui negat eū
posse dispensare in uoto solenni, nec etiam in
aliis uotis sine rationabili causa, nihil dero-
gat authoritati ipsius: sicut nec authoritati di-
uinæ, qui negat posse creari infinitū, aut posse
mentiri, & similia. Item si concilium retineret
sibi;

sibi auctoritatem dispensandi, & negaret papæ, posset meritò conqueri: sed nec ita est faciendum, sed absolutè, quòd à quocunque nò fiat dispensatio. Item, quia, ut dicunt iuristæ, exceptio: firmat regulam in contrarium, & sicut dum excipiuntur paucissimi casus, sit regula, quòd in omnibus aliis pareatur papæ. Item hac ratione uitant improbitates, & molestias principum, qui solent instare odiosissimè pro dispensationibus absurdis prorsus, & irrationalibus, quibus est difficile papam negare aliquid, nec principum solum, sed hominù etià insolentium, qui omnia se posse consequi sperant Romæ, & uel pertrahunt pontifices in suam uoluntatem, uel sunt graues, & importuni pontificibus, à quibus essent liberi per aliquod tale decretum: & deberet papa dicere, Omnia mihi licent, sed non omnia expediūt. & Omnia possum, sed non omnia ædificant. Et (quod certè non est contènendum) tolleretur scandalum, & sermones multorum, qui malè sentiunt, & loquuntur de Romana curia, hac una occasione huiusmodi dispensationum.

¶ Sed restat dubium, si ita est, quòd subditi non tenentur parère huiusmodi dispensationibus, qua uia possit resisti mandatis Papæ, si forte uelit cogere ad parendum. Respòdeo, & sit
 21 20. conclusio. Non * uidetur mihi quòd expediat

pediat, nec liceat resistere mandatis papę per
uiam appellationis ad futurum concilium. Be
ne scio quod Panormita, & Gerson & Ochā,
defendunt, quod licet appellare à papa ad cō-
cilium: sed illi (ut suprā dixi) sunt plurimū
infesti authoritati summorum Pontificum. Et
sic probatur breuiter ex capit. ipsi sunt. 9. q. 3.
Ipsi sunt canones, qui appellationes totius ec-
clesiæ ad huius sanctæ sedis examen uolue-
runt deferri, ab ipsa uerò nunquā prorsus
appellari debere sanxerunt, & eadem q. capitū.
nemo, nec ualet responsio, id est à nullo alio
prælato, & nunquā, id est à nulla particulari
ecclesia: quia de hoc nunquā fuit: ergo. Sed
quia de hac re sunt multæ quæstiones, & con-
tentiones, uolo extendere probationes. Certè
si in aliquo casu licet appellare ad concilium,
nescio quare non in omni casu, ubi Pontifex
facit iniuriā, imò ubi est dubiū utrū faciat. Et
arguitur sic, Vel appellatio à summo Pontifi-
ce ad concilium est de iure diuino, & ius diui-
num non distinguit in causa grauiori uel le-
uiori. Ergo si licet in aliqua causa appellare, er-
gò in qualibet quantumcunque leui. Si autem
est de iure positiuo, primū nullum tale ius
profertur, ubi talis appellatio concedatur, nisi
fortè ex aliquo concilio moderno, & schima-
tico, & dubio, quale fuit Basiliensē. nec autho-
ritas glos. uel Panormita. hoc tenentium est
f alicuius

alicuius momenti sine confirmatione iuris. si
hec nō est de iure diuino, sed iure positio, &
si est aliquod tale ius, nunquam distinxit inter
causam & causam: unde nullo modo conse-
quenter loquuntur doctores, qui concedunt
quod in causis grauissimis à papa potest appel-
lari, non autem in aliis. Et dico non esse appel-
landum, etiam si teneamus, quod concilium
est supra papam. Quamuis enim ita sit, tamen
cū sit papa, oportet quod ultima decisio cau-
sarum spectet ad eundē. Et confirmatur, Quia
à rege non est appellatio: sed non est neganda
tanta autoritas papæ in spiritualibus, sicut re-
gi. ergo. Sed dato quod secūdum se liceret, di-
co quod non expedit. Præterea hoc probatur
experientia, & exemplis, quæ in moralibus fa-
ciunt magnam probationem. Omnes enim ap-
pellationes hætenus factæ ad concilium, ma-
le cesserunt, & tandem deuenerunt in schisma
aliquod, uel etiam hæresim. Secūdo, quia hoc
esset magna occasio turbationis in ecclesia:
primū, quia si papa timeret ne facta eius de-
berent rescindi in concilio, nunquam uellet
congregare concilium cum magna iactura re-
rum ecclesiasticarum. Profecto uelle cōgrega-
re sine illo, uel non licet, uel esset ualde diffi-
le. Semper enim erunt aliqui, imò maior pars,
qui uelit seq partes Pōtificis, & unus princeps
fauet cōcilio, alius pōtifici. et sic nihil pacifice,
nec

nec ad utilitatē ecclesiæ posset fieri: imò. erūt multo maiores turbationes, ut experiētia cōpertū est. Ab eo tempore, quō propter nouas opiniones doctorū pōtiffices inceperūt timere cōcilia, ecclesia manet sine cōciliis, & manebit cū magna calamitate et pernicie religionis.

²² ¶ Vicesima prima propositio, Non * uidetur permittendum cuiunque priuato sua auctoritate resistere, & nō parēre mādatis Pontificis, quantumcunque essent contra determinationem concilii. Probatur, Quia esset magna irreuerentia, & quasi contemptus summæ auctoritatis, si cuilibet hoc concederetur respectu papæ: quod non licet in ordine ad ipsum, à cuius mandato, quantumcunque iniusto, non licet propria auctoritate discedere.

²³ ¶ Vicesima secunda propositio, Facta * tali declaratione, & decreto concilii, si papa contrarium mandaret, possent uel episcopi, uel concilium prouinciale per se resistere tali mandato, uel etiam implorare principes, ut auctoritate eorum resisterent summo Pontifici, impediendo executionem mandatorum eius. In ista conclusione erat tota difficultas, & propter quam tota disputatio est exorta. Hæc conclusio primò tenendo, quòd concilium est supra papam, non indiget noua probatione: & ita tenentes illam partem, nō reuocarent in dubium. sed quia, ut suprà diximus, hīc procedi-

f 2 mus

*Caieta.**Syluest.*

mus secundum utranque opinionem, simpliciter probatur conclusio. Et primum quod mihi fecit animum tenendi hanc sententiam, fuit, quod doctores egregii, & aliter magni defensores autoritatis pontificiæ, etiam in ordine ad concilium tenent expressè hanc sententiã, ut Caiet. in ipso opere, in quo tenet superiori-
tatem papæ supra concilium, c. 27. dicit post alia, Resistendum est ergo etiã in faciem papæ publicè dilaniantis ecclesiam: uerbi gratia, quia non uult dare beneficia ecclesiastica, nisi pro pecunia, aut commutatione officii, & cum omni obedientia & reuerentia neganda est iis, qui emerunt possessionem talium beneficiorum. Et Syluest. in uerbo, papa, §. 4. Quid autem, inquit, faciendum est quando papa suis moribus ecclesiã destruit? & §. 15. dicit, quod si papa sine causa uellet abrogare ius posituum: respondet, peccaret quidem, nec esset permittendum nec ei obediendum in malis, sed resistendum per honestam reprehensionem. Vnde si uellet totum thesaurum ecclesiæ aut patrimonium Petri dare parentibus, uel eius ecclesiam destruere, uel huiusmodi, non esset permittendum, sed resistendum. Et ratio est, Quia in destruendo nihil potest, & si de destructione constat, potest resisti. Ex istis omnibus habetur, quod ubi mandata uel facta papæ essent in destructionem ecclesiæ, potest

test resisti, & impedire executionem mandatorum. ergo si iam constet ex determinatione concilii, quòd huiusmodi dispensationes sint in destructionem ecclesiæ, pòterunt gubernatores ipsius ecclesiæ, & principes resistere in his. Secundo probatur, Quia uim ui repellere licet iure naturali. Sed papa infert uim huiusmodi mandatis & dispensationibus, quia facit iniuriam, ut supra probatum est: ergo licitum est resistere illi. Vnde, ut dicit Cietanus, omnia ista loquimur, non quòd aliquis posset esse iudex papæ, nec auctoritatem habeat in illum, sed per modum defensionis: cuiuslibet enim est ius ad resistendum iniuriæ, & impediendum, defendendumque. Sequitur corollarium, Quòd non solum liceret non parere talibus mandatis, sed etiam facto & ui, si opus esset, resistere illis, & impedire armis executionem illorum mandatorum, & maxime intercedente publica auctoritate, ut principis, & comprehendere, & punire executores talium mandatorum, semper tamen seruato moderamine inculpatæ tutelæ, non excedendo reuerentiam, nec negando aliquo pacto auctoritatē illius, sed solum allegando, quòd hoc est iniustum, & in detrimentum ecclesiæ. Et confirmatur totum hoc. Quia profectò tyrânicū est dicere, quòd sum mus pontifex habeat maiorem auctoritatem

ad gubernandum ecclesiam, quàm rex ad gubernandam ciuitatem, & rempublicam temporalem: & si rex faceret graues iniurias, posset ei resisti, non solum uiribus & iure, sed etiam facto: ergo etiam possumus papæ. & hoc de ista conclusione.

²⁴ ¶ Vicefimatertia propositio, Propter iniustas dispensationes, uel alia mandata insolentia, quæ in perniciem ecclesiæ procedunt, posset conuocari, & congregari concilium contra uoluntatem papæ, ut si resisteret, obuiaret eius insolentiæ. Hoc expressè tenet Syluest. in uerbo papa. §. 4. Quod si papa suis moribus destruit ecclesiam, potest conuocari concilium contra eius uoluntatem, ut per illud papa moneatur, & Deus inuocetur, & resistendo, in malis remedium apponatur. Hoc expressè tenet Turre crema. assertor uehementissimus Pontificiæ dignitatis lib. 3. c. 10. ubi loquens de utilitate conciliorum, Celebratio, inquit, conciliorum utilis est ad refranandum exorbitantias quorundam Pontificum, qui pontificatum suum aut extra sanctorum Patrum regulas pro uoluntate exercent, aut simoniaca prauitate dehonestant, aut seculi uanitate & uita scandalosa confundunt. Hac de causa congregatum legitur concilium episcoporum Italiæ Romæ, per Imperatorem contra Iohannem papam 12. qui uenator, lubricus, & incorri-

incurrigibilis erat. Quod factum laudat, & approbat Turre crema. & hoc est ualde utile. Vt enim ait Ermisda papa in epistola ad episcopos per Hispaniam constitutos, difficile est, ut cuiusque cor si prauis cogitationibus induretur, ut in se patiatur culpandus fieri, cum noverit se iudicium subeundum concilii. Vnde etiam confirmantur quæ suprà dicta sunt. Nihil enim prodesset congregatio concilii, nisi sua autoritate posset determinare, quibus in rebus Pontifex non debet, nec possit attentare contra Patrum decreta, & sanctiones. Et hæc de uicesimatertia propositione sufficiant.

3, ¶ Vicesimaquarta propositio, In * omnibus supradictis cauendum est maximè à duobus: Primum, ut quātum fieri possit, seruetur semper illibata autoritas, obseruata reuerentia quæ debetur papæ: quia eius contemptus, uel contumelia, uel quæcunque irreuerentia, uergit in dehonestatem ecclesiæ: ut habeatur in summo honore etiam à summis principibus. & si semel inciperet sperni eius autoritas, tota ecclesia laboraret schismatibus, & factionibus. Vnde etiam in concilio si aliquod tale decretum faciendum esset, oporteret ut quàm modestissimè loqueretur de autoritate & persona papæ, ut puta,

4 f ta, sub

ta sub hac forma. Quamuis hætenus summi Pontifices moti probabilibus uel apparentibus causis dispensauerint, ut aliquis plura beneficia possit obtinere, uel ut aliquis ingressum habeat ad aliquod beneficium uiuente adhuc legitimo possessore: tamen quia hoc usu & experientia compertum est uergeri in magnam confusionem ecclesiæ, & perniciem ecclesiarum; prohibemus omnino, ne posthac cum aliquo quacunque occasione uel merito super hoc dispensetur. quod si fecus factum fuerit, sacrum concilium existimaturum summum Pontificem contra suam dignitatem & officium, & cōtra sacrum conciliū, atque adeo cōtra Christi honorē fecisse. Per quam quidem sanctionē non intendimus summæ authoritati & dignitati quicquam derogare, nec eius potestatem aliquo pacto limitare: sed declaramus hoc esse necessarium ad rectā & piā administrationē ecclesiæ, ne posthac summorum Pōtificum in hac re, sua authoritate abutantur, sub hac forma, uel alia commodiori, proponitur decretum ad remedium & salutem ecclesiæ sine offensione Pontificis. secundum quod maximè cauendum in hac re est scandalum: primum in ipso decreto faciendo, ne fortè summus Pontifex indignatus de hoc concilio, & repugnans ne hoc

ne hoc decernatur, turbet totum concilium,
& impediatur alia commoda, quæ à concilio
fieri possunt, & diuidatur concilium in
schisma, & factiones. Sed deinde debet ualde
caueri à scandalo, si fortè Papa negligat hu-
iusmodi decretum Patrum: & oporteat illi re-
sistere. debet enim ualde animaduerti, ne hoc
fiat cum scandalo, & inde oriatur maius ma-
lum, & ne si semel detur licentia prin-
cipibus resistendi, & non paren-
di Pontifici in aliquo, ipsi
accipiant in aliis,
ubi minimum
expediat.

*

REVERENDI PA-
TRIS FRATRIS FRAN-
cisci à Viçloria, De Indis
insulanis relectio
prior.

*Locus relegendus est ex Matth. Docete om-
nes gentes, baptizantes eos in nomi-
ne Patris, & Filii, & Spiritus
sancti. Matth. ultimo
capite.*

S V M M A.

- 1 Dubius in rebus ut sic tutus in conscientia, quomodo debeat consultare illos, ad quos spectat hæc docere.
- 2 Dubius in rebus, quomodo post consultationem rei dubiæ debeat sequi id, quod diffinitum fuerit à sapientibus esse illicitum, etiam si aliàs esset licitum.
- 3 Dubius in rebus, si post consultationem rei dubiæ diffiniatur à sapientibus illud esse licitum, quod aliàs est illicitum, ut sit tutus in conscientia, an debeat sequi sententiam illorum.
- 4 Indi barbari, utrum essent ueri domini ante aduentum Hispanorum priuatim, & publice. Et utrum essent inter eos aliqui uiri principes, & domini aliorum.
- 5 Error quorundam recensetur, qui dicebant, nullum in peccato mortali existentē habere dominium in quacunque re.
- 6 Peccatum mortale, quod non impediat dominium civile, & uerum dominium.
- 7 Dominium utrum perdatur ratione infidelitatis.

Hæreticus

- 8 Hæreticus, quòd iure diuino non amittat dominium bonorum suorum ob hæresim commissam.
- 9 Hæreticus an de iure humano perdat dominium bonorum suorum.
- 10 Hæreticus, quòd à die commissi criminis incurrat confiscationem bonorum.
- 11 Hæreticorum bona quòd non liceat fisco occupare ante condemnationem, quamuis de crimine constet.
- 12 Condemnatione facta etiam post mortem hæretici, quòd retro agatur confiscatio ad tempus commissi criminis, ad quamcunque peruenerit potestatem.
- 13 Hæretici uenditiones, donationes, & omnis alia alienatio bonorum, quòd à die commissi criminis sint inuálida. &c.
- 14 Hæreticus quòd sit dominus bonorum suorum in foro conscientie antequam condemnetur.
- 15 Hæreticus, quòd licitè potest uiuere ex bonis suis.
- 16 Hæreticus, quòd titulo gratuito potest transferre bona sua, putà donando.
- 17 Hæretico quòd non liceat titulo oneroso, putà uendendo, aut dando in dotem, bona sua transferre, si crimen posset uenire in iudicium.
- 18 Hæreticus in quo casu etiam titulo oneroso posset bona sua licitè alienare.
- 19 Barbari, quòd nec propter peccata alia mortalia, nec propter peccatum infidelitatis impendantur quin sint ueri domini tam publicè quàm priuatim.
- 20 Dominij ut quis sit capax, an usus rationis requiratur.
- 21 Puer an possit esse dominus ante usum rationis.
- 22 Amens, an possit esse dominus.
- 23 Barbari, quòd amentie prætextu non impendantur

esse ueri domini, cum non sint amentes, probatur.

- 24 Indi barbari antequam Hispani ad illos uenissent quomodo erant ueri domini, & publicè, & priuatim.
- 25 Imperator, quòd non sit totius orbis dominus.
- 26 Imperator, dato quòd esset dominus mundi, quòd non ob id posset occupare prouincias barbarorum, & constituere nouos dominos, & ueteres deponere, uel uestigia capere.
- 27 Papa, quòd non sit dominus ciuili, aut temporalis totius orbis, loquendo propriè de dominio, & potestate ciuili.
- 28 Summus Pontifex, dato quòd haberet potestatem secularem in mundo, quòd non posset eam dare principibus secularibus.
- 29 Papa, quòd habeat potestatem temporalem in ordine ad spiritualia.
- 30 Papa, quòd nullam potestatem temporalem habeat in barbaros indos, neque in alios infideles.
- 31 Barbari si nolint recognoscere dominium aliquod papæ, quòd non ob id possit eis bellum inferri, & illorum bona occupari.
- 32 Barbari, an priusquam aliquid audissent de fide Christi, peccabant peccato infidelitatis, eo quòd non crederent Christo.
- 33 Ignorantia ad hoc quòd alicui imputetur, & sit peccatum, uel uincibilis, quid requiratur. Et quid de ignorantia inuincibili.
- 34 Barbari, an ad primum fidei Christianæ nuntium tenentur credere, ita quòd peccent mortaliter non credentes Christo, solum per simplicem annuntiationem, &c.
- 35 Barbaris si simpliciter fides annuntiaretur, & proponeretur,

poneretur, & nollent statim recipere, quòd hac ratione non possent Hispani illis bellum inferre, neque iure belli contra eos agere.

36 Barbari rogati, & admoniti, ut audiant pacificè loquētes de religione, quomodo si nolint, non excusentur à peccato mortali.

37 Barbari quando tenerentur recipere Christi fidem sub mortalis peccati pœna.

38 Barbaris an hæcenus ita proposita & annuntiata fuerit fides Christiana, ut teneantur credere sub nouo peccato, quòd non satis liqueat secundum authorem.

39 Barbaris & si quantumcunque fides annuntiata probabiliter & sufficienter fuerit, & noluerint eam recipere, quòd non tamen ob id liceat eos bello persequi, & bonis suis spoliare.

40 Principes Christiani, quòd non possint, etiam auctoritate Papæ, coërcere Barbaros à peccatis contra legem naturæ, nec ratione illorum eos punire.



DOCETE omnes gentes, baptizantes eos in nomine Patris, & Filii, & Spiritus sancti. Matthæi ultimo. In quem locum mouetur quæstio pastoralis, An liceat baptizare filios infidelium inuitis parentibus. Quæ quæstio tractatur à doctoribus 4. Sententiarum distinctio .4. & à sancto Thom. secunda secundæ quæstio. 10. artic. 12. & 3. parte quæstio. 68. articu. 10. Et tota disputatio & relectio suscepta est propter barbaros istos noui orbis, quos Indos uulgò uocant, qui ante quadraginta

ginta annos uenerunt in potestatem Hispanorum, ignoti prius nostro orbi. Circa quos præsens disputatio habebit tres partes. In prima tractabitur quo iure uenerint barbari in ditionem Hispanorum. In secunda, quòd possint Hispaniarum principes erga illos in temporalibus & in ciuilibus. In tertia, & possint uel ipsi, uel ecclesia erga illos in spiritualibus, & in spectantibus ad religionem. Vbi respondebitur ad quæstionem propositam. Quo ad primam partem, ante omnia uidetur quòd tota hæc disputatio sit inutilis & otiosa, nõ solum inter nos, ad quos nõ spectat, aut si omnia rectè geruntur in administratione illorum hominũ disputare, aut dubitare de illo negotio, aut si quicquam fortè peccatur, illud emendare: sed neque apud eos, quorum interest hæc considerare & administrare. Primò, quia neque principes Hispaniarum, neque qui eorum consiliis præpositi sunt, tenentur de integro examinare & retractare iura, & titulos, de quibus aliàs deliberatum est, & decretum, maxime in his, quæ bona fide principes occupant, & sunt in pacifica possessione. Quia, ut Arist. dicit. 3. Ethico. si semper quispiam consultauerit, in infinitum res abiret, neque possent principes & eorũ consiliarii esse securi & certi in conscientia sua: & si oporteret à primordio repetere titulos suæ ditionis, nihil exploratum

raturum possent tenere. Et præterea cum principes nostri, scilicet Ferdināus, & Isabella, qui primi occupauerunt regiones illas, fuerint Christianissimi, & imperator Carolus quintus sit princeps iustissimus, & religiosissimus: non est credendum quin habeant exploratissima & exquisitissima omnia que spectare possunt ad securitatem sui status, & conscientiae, maximè in tanta re: atque adeò non solum superuacaneum, sed etiam temerarium uideri potest de his disputare, & hoc uidetur quærere nodum in scyrpo, & iniquitatem in domo iusti. Pro solutione huius obiectionis est considerandum, quòd Arist. dicit tertio Ethicor. quod sicut consultatio & deliberatio non est de rebus impossibilibus, aut necessariis, ita nec consultatio moralis est nec de illis, de quibus certum & notum est esse licita & honesta, neque ecòtrario, de quibus certum est esse illicita, & inhonesta. Neque enim quisquam rectè consultauerit, an temperatè, fortiter, iustè uiuendum sit, uel iniustè, aut turpiter agendum, neque an adulterandum, an peierandum, colendi parentes, & cætera huiusmodi. Certè non esset consultatio Christiana: sed cum aliquid agendum proponitur de quo dubitari merito potest, an sit rectum uel prauum, iustum aut iniustum, de his expedit consultare, & deliberare,

rare, neque prius temere aliquid agere, quam sit inuentum & exploratum, quod liceat, aut non liceat. Talia sunt quæ in utranque partem habent speciem boni aut mali, qualia sunt multa genera commutationum, & contractuum, & negotiorum. Et in his omnibus ita res se habet, qd si quis antequam deliberauerit, & legitime illi constiterit tale factum licitum esse, aliquid tale faceret, & fortè secundum se esset licitum: talis peccaret, neque excusaretur per ignorantiam: cum illa, ut patet, non esset inuincibilis, postquam ille non facit quod in se est, ad examinandum quod liceat, aut non liceat. Ad hoc enim ut actus sit bonus, oportet si aliàs non est certum, ut fiat secundum diffinitionem & determinationem sapientis. Hæc enim est una conditio boni actus, 2. Ethic. ut fiat secundum diffinitionem sapientis, atque adeò si iste non consuluit sapientes in re dubia, excusari non potest. Imò dato quod talis actus secundum se licitus esset, postquam dubitatur, meritò de illo tenetur quilibet consultare, & arbitrio sapientum facere, etià si fortè illi errarent. Vnde si quis contractum, de quo inter homines dubitatur an sit licitus necne, faceret sine consilio doctiorum, sine dubio peccaret, etiam si aliàs contractus esset licitus, & ipse ita putaret, non ex autoritate sapientis, sed ex sua affectione, & sententia. Et eadem ratione si

ne si quis in re dubia consuluit sapientes, & illi determinauerint illud non licere: si talis proprio iudicio faceret aliquid tale, peccaret, etiam si aliâs illud in se esset licitum. Vt si quis exempli gratia esset dubius an hæc sit uxor sua, consultat, an teneatur reddere debitum, uel utrum liceat, uel etiam exigere: respondetur à doctoribus quòd nullo modo licet, ipse autem ex affectu uxoris uel propria cupiditate, non credit, sed putat sibi licere, certè peccaret accedens ad uxorem, quamuis de se licitum esset, sicut re uera est, quia talis facit contra conscientiam, quam tenetur habere. Tenetur enim credere in his quæ spectant ad salutem, his, quos ecclesia posuit ad docendum: & in re dubia arbitriū illorū est lex. Sicut enim in foro contentioso iudex tenetur iudicare, secundum allegata & probata: ita in foro conscientiae quilibet tenetur iudicare, non ex proprio sensu, sed uel per rationem probabilem, uel per auctoritatem sapientiorum, aliâs est temerarium iudicium, & exponit se periculo errandi, & hoc ipso errat. Sicut in ueteri testamento Deute. 17. præcipiebatur, Si quid esset ambiguum inter sanguinē & sanguinem, causam & causam, lepram & non lepram, & iudicium intra portas tuas uideris uariare: surge, & ascēde ad locū, quē elegerit Dominus Deus tuus, ueniensque ad sacerdotes Leuitici ge-
t neris

Deute. 17.

neris, & ad iudices, qui fuerint illo tempore, quæresque ab eis, qui iudicabunt tibi iudicium veritatis, & facies quodcunque dixerint qui præsumt loco, sequerisque sententiam eorum, neque declinabis ad dextram neque ad sinistram. Ita inquam in rebus dubiis tenetur quilibet consulere illos quos ecclesia ad hoc constituit, quales sunt prælati, prædicatores, confessores, diuinæ & humanæ legis periti. Sunt enim in ecclesia alii oculi, alii pedes, &c. 1. ad Corint. 12. Et Ephes. 4. & ipse dedit quidam quosdam apostolos, alios euangelistas, alios autem pastores, & doctores. Et, Super cathedram Moysi sederunt Scribæ & Pharisei, omnia quæcunque dixerint vobis, seruare & facite. Math. 23. Et facit etiam præceptum Aristo. 1. Ethic. ex Hesiodo,

1. Corin. 12.
Ephes. 4.

Matth. 23
Aristo.

At qui ex se nescit, cuiquam neque porrigit aures,

Vt bona percipiat, demens & inutilis ille est. Itaque non satis est ad securitatem uitæ & conscientiæ, ut quis putet se bene agere: sed in rebus dubiis necesse est ut aliorum, ad quos spectat, authoritati nitatur. Nec enim negotiatoribus satis est ut nihil faciant, quod ipsis illicitum putent, si aliàs sine concilio peritorum illicitos contractus faciant. Vnde non puto uerum quod Cardin. Caiet. dicit, quod si reuera aliquod secundum se est licitum, si ueniat indubium,

Caiet.

dubium, quicumque prædicatores, aut confes-
sores, qui alius habent auctoritatem iudican-
di in istis, dicant illud esse illicitum, uel sicut
ueniale dicunt esse mortale: quòd ex affectu
ad rem nò credit illis, sed format sibi conscien-
tiam, quòd non est mortale, nò peccat. Exem-
plum ponit, ut quòd fœminæ utantur fucò, &
aliis ornamentis superfluis, quod reuera non
est mortale, dato quòd prædicatores & cõfes-
sores diceret esse mortale: fœmina ex studio se
ornandi non credit, sed putat uel esse licitum,
uel non esse mortale, non peccat mortaliter
ita se ornando. Hoc inquam periculosum est.
Nam fœmina tenetur credere in his quæ sunt
necessaria ad salutem, peritis, & exponit se pe-
riculo faciendi contra illud, quod secundum
sententiam sapientum est mortale, Et econ-
trario in re dubia si quis deliberauit cum sa-
pientibus, & accepit determinationem, quòd
illud est licitum: talis est tutus in conscientia,
quousque fortasse iterum sit admonitus, uel
tali auctoritate, uel huiusmodi rationibus,
quibus meritò debeat moueri ad dubitandum,
uel etiam credendum contrarium. hoc est no-
tum, quia facit quod in se est, etiam si igno-
rantia est inuincibilis. Ex his ergo conficiun-
tur propositiones.

¶ Prima, In * rebus dubiis quilibet tenetur
consultare illos ad quos spectat hæc docere,

t 2 aliàs

aliàs non est tutus in conscientia, siue illa dubia sint in se licita, siue illicita.

² ¶ Secunda, Si* post consultationem rei dubie diffinitum sit à sapientibus illud esse illicitum, quilibet tenetur sequi sententiam illorum, & contrarium faciens non excusatur, etiam si aliàs illud esset licitum.

³ ¶ Tertia e contrario, * Si post consultationem rei dubiæ diffinitum sit à sapientibus illud esse licitum, qui sequitur sententiam illorum, est tutus, etiam si aliàs sit illicitum.

¶ Ergo redeundo ad propositum negotium barbarorum, nec est de se ita euidenter iniustū, ut non possit disputari de iustitia illius: nec rursus ita euidenter iustum, ut dubitari nō possit de iniustitia illius: sed in utranque partē uidetur habere speciem. Nam primū cū uideamus totum illud negotium administrari per uiros & doctos, & bonos, credibile est rectè & iustè omnia tractari. Deinde cū audiamus tot hominū cædes, tot spolia hominum alioqui innoxiorum, deturbatos tot dominos possessionibus, & ditionibus suis priuatos, dubitari meritò potest iure an iniuria hæc facta sint: & sic hæc disputatio non uidetur omnino superuacanea. & per hoc patet responsio ad obiectionem. Et primū, dato quòd nullum esset dubium in tota hac quæstione, non est nouum disputationes theologicas institui

stitui de re certa. Nam & disputamus de incarnatione Domini, & aliis articulis fidei. Non enim semper disputationes theologicae sunt in genere deliberatiuo. Sed pleræque in genere demonstratiuo, id est non ad consultandum, sed ad docendum susceptæ.

¶ Quòd si quis occurrat dicēs, Licet aliquando fuerint aliqua dubia circa hoc negotium, fuerunt tamen iam hæc tractata & diffinita à sapientibus, & sic ex consilio eorum iam omnia administrari, nec opus esse noua examinatione: respōdetur primùm, si ita est benedictus Deus, nec nostra disputatio quicquam obstat, neque ego mouere uolo nouas querelas. Secūdò dico, quòd hæc determinatio non spectat ad iurisconsultos, uel saltem non ad solos illos. Quia cū illi barbari, ut statim dicam, nō essent subiecti iure humano, res illorum non sunt examinandæ per leges humanas, sed diuinas, quarum iuristæ non satis periti ut per se possint huiusmodi quæstiones diffinire. Nec satis scio, an unquam ad disputationem & determinationem huius quæstionis uocati fuerint Theologi digni, qui audiri de tãta re possent. Et cū agatur de foro cōsciētiae, hoc spectat ad sacerdotes, id est ad ecclesiam, diffinire. unde Deutero. 17. præcipitur Regi, ut accipiat exemplar legis de manu sacerdotis. Tertiò, ut summa rei sit satis examinata

Deut. 17.

& certa, nonne in tanto negotio possunt alia
 peculiaria dubia occurrere, quæ meritò dispu-
 tari possent? Itaque non solum nō otiosū ali-
 quod, & inutile, sed magnopere pretium me-
 facturum putarem, si hanc quæstionem pro di-
 gnitate possem tractare. Redeundo ergo ad
 quæstionem, ut ex ordine procedamus, quæri-
 tur primò utrum* essent ueri domini ante ad-
 4 uentum Hispanorum, & priuatim & publice:
 id est utrum essent ueri domini priuatarum
 rerū & possessionum, & utrū essent inter eos
 aliqui uiri principes. & domini aliorum. Et
 posset uideri quòd non. Quia serui non ha-
 bent dominiū rerum: seruus enim nihil suum
 habere potest. Instituta per quas. perso. nob.
 acquirere liceat. § item uobis. &. ff. de acqui-
 rend. hæred. l. placet: unde quicquid acquiri-
 tur, domino acquiritur. Institu. de his qui sunt
 sui, uel alien. iur. §. nam apud omnes. Sed bar-
 bari isti sunt serui. Probatur. nam ut Aristo. r.
 Ethico. eleganter & accuratè tradit, aliqui sunt
 natura serui quibus, scilicet melius est serui-
 re, quàm imperare. ii autem, quibus ratio non
 sufficit ad regendum etiam seipsos, sed solum
 ad iussa capeffendum, & quorum uis magis in
 corpore est quàm in animo. Sed profectò si ali-
 qui tales sunt, maximè isti barbari, qui re uera
 parū distare uidentur à brutis animantibus, &
 omnino sunt inhabiles ad regendum: & sine
 dubio

Aristo.

Ethi. r.

dubio melius est illis ut regantur ab aliis, quam ut se ipsos regant. Et Aristot. dicit iustum naturale esse, ut tales seruiant. ergo tales non possunt esse domini. Nec obstat, quod ante aduentum Hispanorum non haberent alios dominos: non enim repugant, seruum esse sine domino. ut notat glo. in l. si usum fructum. ff. de liberali causa. Imò habetur expresse in ipsa lege, & est casus expressus in l. quod seruus. de seruo. stipulatio. de seruo, qui à domino relictus est, & à nullo occupatus, quod potest à quocunque occupari. si ergo erant serui, poterunt ab Hispanis occupari.

¶ In contrarium est, Quia illi erant in pacifica possessione rerum & publice & priuatim: ergo omnino (nisi contrarium constet) habendi sunt pro dominis, neque indicta causa possessione deturbandi. Pro solutione nolo reuocare in propositum multa, quæ à doctoribus traduntur de diffinitione dominii, quæ à me etiam latè adducta sunt in materia de restitutione, 4. dis. 15. & secunda secundæ, q. 62. Illa inquam prætereo, ne occasione illorum omittam magis necessaria. Et ideo his prætermis- sis notandum, quod si barbari non haberent dominium, non uidetur quod possit prætendi alia causa, nisi uel quia sunt peccatores, uel quia infideles, uel quia amentes, uel insensati. Fuerunt ergo aliqui, * qui defendebant, quod

Vuicleff.

Armachus.

Osee. 8.

Rom. 1.

1. Reg. 15. &

16.

Daniel. 4.

Ez. 5.

Gene. 1.

titulus domini est gratia, & per consequens quod peccatores, saltem mortali peccato, nullum habent dominium in quacunque re. Iste fuit error pauperum de Lugduno, siue Valdésium, & postea Iohannis Vuicleff. Cuius unus error damnatus in concilio Constantien. fuit, Nullus est dominus civilis, dum est in peccato mortali. Eadem fuit sententia Armachani libr. 10. de quaestio. Arme. c. 4. & in dialogo. Defensorium pacis. & probat Armach. quia tale dominium reprobatur à Deo. Osee. 8. Ipsi regnaverunt, & non ex me, principes extiterunt, & non cognoui. Et subiungitur causa, Argētum & aurum suum fecerunt sibi idola ut interirent, &c. Et ideo, inquit, tales carent iusto dominio apud Deum. Certum est autem omne dominiū esse autoritate diuina, cum ipse sit creator omnium, neque aliquis possit habere dominium nisi cui ipse dederit. Nō est autem consentaneum, ut det inobediētibus, & transgressoribus præceptorū suorum: sicut & principes humani non dant sua bona, ut uillas, aut castra rebellibus, & si dederint auferunt. Per humana autem debemus iudicare de diuinis. Rom. 1. ergo ita Deus nō concedit dominium inobedientibus. Vnde in signum huius Deus aliquando tales proiicit à principatu, ut Saullem. 1. Reg. 15. & 16. & de Nabuchodonosor. & Balthasar, Dani. 4. & 5. Itē Genes. 1. Faciamus hominem

hominem ad imaginem & similitudinem nostram ut præsit piscibus maris, &c. Apparet quod dominium fundetur in imagine Dei, sed hæc non est in peccatore, aliàs esset filius: filii autem sunt propter imaginem patris, ergo non est dominus. Item talis committit crimen læsæ maiestatis, ergo meretur perdere dominium. Item August. dicit, quod peccator non est dignus pane, quo uestitur. Item Dominus dederat primis parentibus dominium paradisi, & ratione peccati priuauit eos, Genes. 3. ergo. Verum est, quod tam Vuicleff, quam Armachanus non distinctè loquuntur, & uidentur potius loqui de dominio superioritatis, quod est principum. Sed quia argumenta æqualiter procedunt de omni dominio, ideo uidetur sentire de omni dominio generaliter. & ita intelligit illorum sententiam Conradus libro 1. q. 7. & satis clare dicit Armachus. Qui ergo sequeretur hanc sententiam, posset dicere, quod barbari non erant in peccato mortali.

August.

Conradus.

¶ Sed contra hanc sententiam ponitur propositio, Peccatum* mortale non impedit dominium ciuile, & uerum dominium. Hæc propositio licet sit determinata in concilio Constantiæ, probatur tamē. Primò arguit Almain. 4. distin. 15. q. 2. ex Aliaco, quia tunc existens in peccato mortali, & constitutus in extrema necessitate esset perplexus, quia tenetur come

Almain.

dere panem:& si non habet dominium, accipit alienum. ergo non potest euadere mortale. Sed hoc argumentum parum procedit, primum neque Armachanus, neque VVicleff uidetur loqui de dominio naturali sed ciuili. Secundò negatur consequentia, & diceretur, quòd in casu necessitatis posset alienum accipere. Tertio, Non est perplexus, quia potest pœnitere. & ideo aliter arguitur. Primò, Quia si peccator nō habet dominium ciuile, de quo uidentur loqui, ergo nec naturale. cōsequens est falsum, ergo. Probo consequentiam, Quia etiam dominium naturale est ex dono Dei, sicut ciuile: imò plus, quia ciuile uidetur esse de iure humano. ergo si propter offensam Dei homo perderet dominium ciuile, eadem ratio ne perderet etiam dominium naturale. Falsitas autem probatur, Quia non perdit dominium super proprios actus, & super propria membra. habet enim peccator ius defendendi propriam uitā. Secundò, Scriptura sacra sæpe nominat reges illos, qui mali erāt, & peccatores, ut patet de Salomone, Achab. & aliis multis: nō est autē rex qui non est dominus: ergo. Tertiò conuerto argumentum factum pro parte contraria, Dominium fundatur in imagine Dei: sed homo est imago per naturam, scilicet per potentias rationales. ergo non perditur per peccatum mortale. Minor probatur ex

August.

3. Regu.

Augusti. libro 9. de trini. & ex doctoribus. *Augusti.*

Quartò, Dauid uocabat Saulem dominum suum, & regem tempore quo persequebatur. *1. Regu. 16.*

1. Reg. 16. & aliis locis. imò tempore Dauid ali-
quando peccauit, nec perdidit regnum. *Quin*
tò, Genes. 49. Non auferetur sceptrum de Iu- *Genes. 49.*

da, nec dux de femore eius donec ueniat, qui mittendus est, &c. & tum multi fuerunt mali re-
ges. ergo. Sextò, Potestas spiritualis non perdi-
tur per peccatū mortale, ergo nec ciuilis, quia

multo minus uidetur fundari in gratia, quàm spiritualis. Antecedens autem patet, quia pre-
sbyter malus consecrat eucharistiam, & malus episcopus sacerdotes, ut certum est: licet Vui-
cleff neget, concedit tamē Armachanus. Item

1. Pet. 2. Obedite præpositis uestris, non tan- *1. Pet. 2.*
tū bonis, sed etiam dyscolis. Vltimo, Nullo

modo est uerisimile, cum sit præceptum obe-
dire principibus, ad Roma. 13. & 1. P. 2. & non *Rom. 13.*
capere alienum, quòd uoluerit Deus quòd *1. Pet. 2.*

esset ita incertum, quòd essent ueri principes, & domini. Et in summa, hæc est manifesta hæ-
resis: & sicut Deus solem suum oriri facit su-
per bonos & malos, & pluit super iustum & iniustum: ita bona temporalia dedit bonis & malis, nec disputatur eo quòd dubitetur, sed ut crimine ab uno, id est à tam amenti hæresi discamus omnes hæreticos.

¶ Sed restat, utrum* saltem ratione infidelita-
tis

Lib. 6.

S. Tho.

Rom. 13.

1. Pet. 2.

Tob. 2.

Genes. 47.

tis perdatur dominium. Et uidetur quòd sic,
quia hæretici nò habent dominium: ergo nec
alii infideles, quia non uidentur esse melioris
còditionis. Antecedens autem patet ex c. cum
secundum. de hæret. libr. 6. ubi cauetur, quòd
bona hæreticorum ipso iure sunt confiscata.
Respondeo per propositiones. Prima, Infideli-
tas non est impedimentum, quominus aliquis
sit uerus dominus. Hæc còclusio est S. Tho. 2.
2a. secundæ, q. 10. ar. 12. Et probatur etiam
primò. Quia Scriptura uocat reges aliquos in-
fideles, ut Sennacherib, & Pharaonem, & mul-
tos alios reges. Item quia grauius peccatum est
odium Dei, quàm infidelitas. sed per odium,
&c. Item Paul. ad Roma. 13. & Petr. 1. Pet. 2. iu-
bent præstare obedientiam principibus, quia
tunc erant omnes infideles, & seruos obedire
dominis. Item Tobias iubebat reddi agnum à
Gentilibus captum tanquam furtiuium Tob.
2. quod non esset, si Gentiles non haberent
dominium. Item Ioseph fecit totam terram
Aegypti tributariam Pharaoni, qui erat infide-
lis, Genes. 47. Item ratione S. Tho. Quia fides
non tollit nec ius naturale, nec humanum,
sed dominia sunt uel de iure naturali, aut hu-
mano. ergo non tolluntur dominia per defe-
ctum fidei. Et tandem iste est ita manifestus
error, sicut præcedens, & est hæreticum. Ex
quo patet, quòd nec à Saracenis, nec à Iudeis,
uel

uel aliis infidelibus licet capere res quas possident, perse loquendo, id est quia infideles sunt: sed est furtum, uel rapina, non minus quam à Christianis.

¶ Sed quia peculiaris difficultas est de hæresi, sit secunda propositio, Stando* in iure diuino, hæreticus non amittit dominium bonorum, hæc est omnium, & est nota. Cum enim amissio bonorum sit pœna, & nulla est pœna de lege diuina pro isto statu, constat stando in iure diuino non amitti bona propter hæresim. Item patet hæc propositio ex prima. Nam si propter aliam infidelitatem non perditur dominium, nec propter hæresim, cum nihil sit cautum specialiter de hæresi quantum ad hoc in iure diuino. Sed* utrum de iure humano? Conradus quidem libr. 1. q. 7. con. 2. & 3. uidetur tenere quòd hæreticus ipso facto perdit dominium bonorum suorum: ita quòd in foro conscientie cadit à dominio. Ex quo infert, quòd nec potest alienare, & alienatio non tenet, si fiat. Probatur ex illo c. cum secundum leges, ubi propterea præmittit, quòd propter aliqua crimina secundum leges, eo ipso suarum rerum dominium auctores delictorum perdunt. & papa determinat, quòd idem sit pro crimine hæresis. & idem uidetur tenere Iohan. Andr. in d. c. cum secundum, & uidetur haberi ex l. 4. C. de hæret. ubi interdicatur hæreticis

Conradus.

Iohan. And.
l. 4. C. de hæ-
reti.

reticis uenditio, & donatio, & omnis contractus bonorum suorum.

*Directo.
Baptista*

¶ Item leges obligant in foro conscientiae, prima secundae q. 96. articu. 4. sed pro declaratione sit tertia propositio, Hæreticus* à die commissi criminis incurrit confiscationem bonorum. Ita tenent communiter doctores & est determinatio Directo. libr. 3. titulo 9. & summa Baptista in uerbo absol. §. 17. & uidetur diffinitum in illo. c. cum secundum leges & in d. l. 4. C. de hæret.

¶ Quarta propositio, * Nihilominus quamuis constet de crimine, ante tamen condemnationem non licet fisco occupare bona hæreticorum. Hæc est etiam omnium, & est determinatio dicti c. cum secundum. Imò esset contra ius diuinum, & naturale, ut pœna daretur executioni antequam quis condemnatur. Sequitur ex tertia conclusione, quòd* condemnatione facta etiam post mortem, retroagitur confiscatio ad tempus commissi criminis ad quamcunque peruenerit potestatem. Hoc corollariū est etiam omniū, & particulariter Pannoni. in c. si. de hæreticis. Secundò sequitur, quòd* uenditiones, donationes, & omnis alia alienatio bonorum à die commissi criminis sunt inualidæ. itaque facta condemnatione, omnes rescinduntur à fisco, etiam pretio non restituto emptoribus. Etiam hæc est omnium & Pa

& Panormita. ubi. s. & patet ex d. l. 4. C. de hæreticis.

¶ Quinta propositio, Nihilominus* hæreticus est dominus in foro conscientie antequam condemnetur. Hæc propositio uidetur contra Conrad. & Direct. & Iohan. Andr. sed tamen est propositio Syluest. in uerbo, hæres. §. 8. Et tenet illam, & disputat ad longum Adrian. quot. 6. q. 2. & idem uidetur Caieta. in summa in uerbo pœna. Et probatur primò, Quia hoc ipsum scilicet, priuari in foro conscientie est pœna. ergo nullo modo debet infligi ante condemnationem: nec satis scio an ius humanum hoc posset facere. Item probatur manifestè, Quia ut patet in illo c. cum secundum leges. eodem modo sunt confiscata bona ipso facto propter incestas nuptias. Item si mulier ingenua rapta nubat raptori: imò si quis de mercibus importatis nō soluat uectigalia consueta, ipso facto bona confiscantur. Item qui illicitas merces exportat, ut arma, ferrum, ad Saracenos: ut patent omnia ista in. d. c. cum secundum leges & c. de incestis nuptiis. l. cum ancillis. & c. de raptu uirgi. l. una. & de Iudeis. c. ita quorundam. & ff. de uectig. l. fin. Imò papa in d. c. cum secundum. expressè dicit, quòd sicut est confiscatio in illis casibus, ita uult quòd fiat propter hæresim. Sed nullus negat, quin incestuosus, & raptor, & deferens arma Saracenis, & non

& non soluens uestigalia, quin maneat uerus dominus bonorum suorum in foro conscientia: quare ergo non conuenienter dicunt de hæretico? & ipse Conradus etiam eodem modo dicit de illis casibus, & de hæretico. & grauius esset cogere hominem iam emendatum ab hæresi, restituere, bona fisco. Sequitur corollarium, quod *hæreticus potest licite uiuere ex bonis suis. Secundò sequitur item, quod *titulo gratiofo potest transferre bona sua, puta donâdo. Sequitur tertio, qd *titulo oneroso, puta uendendo, aut dando in dotem, si crimē posset uenire in iudicium, nō licet transferre. Patet, quia decipit emptorem, & ponit eum in periculo perdēdi & rem & pretium, si uēditōr condemnatur. Vltimò sequitur, quod *si re uera non esset periculum confiscationis, posset etiam licite titulo oneroso alienare, ut qui esset hæreticus in Germania, catholicus posset licite emere ab illo. Graue esset, qd non posset licite in aliqua ciuitate Lutheranorum si quis est catholicus, emere agrum ab hæretico, nec uendere illi: quod tamen necessario esset dicendum, si omnino hæreticus non est dominus in foro conscientia.

¶ Ex omnibus his sequitur conclusio, Quod *barbari nec propter peccata alia mortalia, nec propter peccatū infidelitatis nō impediuntur quin sint ueri domini, tam publicè quàm priuatim:

nec hoc titulo possunt à Christianis occupari
 bona & terræ illorum, ut latè & eleganter de-
 ducit Caiet. secunda secūdæ. q. 66. ar. 8. Restat *Caiet. a.*
 an ideo non essent domini, quia sunt insen-
 sati, uel amentes. Et circa hoc dubium est, an
 *ad hoc ut aliquis sit capax domini, requira-
 tur usus rationis. & Conradus quidē libro, 1. q. *Conradus.*
 6. ponit conclusionem, quòd dominium con-
 uenit creaturæ irrationabili tā sensibili quàm
 insensibili. Probatur, Quia dominium nihil
 aliud est quàm ius utendi re in usum suum:
 Sed bruta habent ius super herbas, & plantas.
 Genes. 1. Ecce dedi uobis omnem herbam af- *Genes. 1.*
 ferentem semen super terrā, & uniuersa ligna,
 quæ habent in semetipsis sementem generis
 sui, ut sint uobis in escam, & cunctis animati-
 bus terræ. Item astra habent ius illuminandi,
 Gene. 1. Posuit ea in firmamento cæli, ut luce- *Genes. 1.*
 rent, ac præessent diei, ac nocti. Et leo habet
 dominium super omnia animalia gressibilia,
 unde & rex animantium uocatur. Et aquila
 est domina inter uolucres, unde Psal. 103. Hero *Psal. 103.*
 dii domus dux est eorum. Eiusdem sententiæ
 est Syluest. in uerbo dominium, in principio, *Syluest.*
 ubi dicit, quòd elementa dominantur inuicē.
 ¶ Sed respondeo per propositiones. Prima,
 Creaturæ irrationales non possunt habere
 dominium. Patet, quia dominium est ius, ut
 fatetur etiam Conrad. sed creaturæ irrationa-

les nō possunt habere ius:ergo nec dominiū. probatur minor, quia nō possūt pati iniuriā, ergo nō habent ius. Probatur assumptū, Quia qui prohiberet lupum, aut leonem à præda, uel bouem à pastu, nō faceret ei iniuriam, nec qui claudit fenestram ne sol illuminet, facit iniuriam soli. Et confirmatur, Quia si bruta habēt dominium, ergo qui tolleret herbam à ceruo, faceret furtū, quia caperet alienum inuito domino. Item, Ferae non habent dominium sui, ergo multominus aliarum rerum. Assumptū probatur, Quia licet eas impune interficere etiā animi gratia: unde etiā Philo. l. politi. q. ue natio ferarū est iusta. & naturalis. Item, ipsæ, ferae & omnia irrationalia, sunt hominis per proprietatē, multo magis quàm serui. ergo si serui nō possunt habere aliquid suū, multominus irrationalia. Et confirmatur propositio authoritate S. Tho. prima secundæ, q. 1. ar. 1. & 2. & q. 6. ar. & 1. contra Gent. c. 110. sola creatura rationalis habet dominiū sui actus, quia ut ipse etiā dicit prima primæ, q. 82. ad. 3. per hoc aliquis est dominus suorū actūū, quia potest hoc uel illud eligere. Vnde etiam, ut ibidem dicit, appetitus circa ultimum finem nō sumus domini. si ergo bruta nō habent dominium suorum actuum, ergo nec aliarum rerum. Et licet disputatio uideatur de nomine, certē hoc est ualde improprie loqui, & præter communem modum

modum loquēdi tribuere dominium irrationalibus. Non enim dicimus aliquem esse dominum, nisi eius, quod situm est in sua facultate. Ita enim loquimur, Non est in mea facultate, non est in mea potestate, quando non sum dominus. Bruta autem cum non moueant se, sed potius moueātur, ut S. Tho. ait prima secundæ, ubi suprā: eadem ratione nec habēt dominium. Nec ualet quod Syluest. dicit, quod dominium aliquando nō dicit ius, sed solam potentiam. & hoc modo ignis habet dominium in aquam: si enim hoc satis est ad dominium, ergo latro habet dominium ad interficiendum hominem, quia habet potentiam ad hoc, & fur habet potentiam ad capiendum pecuniam. Quod autem dicit astra dominari, & leonem esse regem, certū est dictum metaphoricè, & per translationem.

¶ Sed * potest uideri dubium de puero ante usum rationis an possit esse dominus. Quia uidetur nihil differre ab irrationalibus: & Apostolus ad Galat. 4. Quanto tempore hæ- *Gala. 4.* res paruulus est, nihil differt à seruo: Sed seruus nō est dominus, ergo, &c. Sed sit secunda Propositio, Pueri ante usum rationis possunt esse domini. Hoc patet, Quia possunt pati iniuriam, ergo habent ius rerum, ergo & dominium, quod nihil aliud est, quàm ius. Item bona pupillorum non sunt in bonis tutorum: &

habent dominos, ergo pupillos. Itē, pueri sunt hæredes. Sed hæres est q̄ succedit in ius defuncti, & qui est dominus hæreditatis. l. cum hæres. ff. de diuer. & tempora. præscrip. & inst. de hæred. qualita. & differentia. §. fin. Item diximus, q̄ fundamentū dominiū est imago Dei, quæ adhuc est in pueris. & Apostolus eodē loco Gala. 4. Quanto tēpore hæres paruulus est, nihil differt à seruo, cum sit dominus omniū. Nec est idem de creatura irrationali, quia puer non est propter alium, sed propter se, sicut est brutum.

32. ¶ Sed * de amentibus quid? Dico de perpetuò amentibus quòd nec habēt, nec est spes habituros usum rationis: sitque tertia propositio.

¶ Videtur adhuc quòd possint esse domini, quia possunt pati iniuriam: ergo habent ius. sed hoc remitto ad iuriscōsultos, utrum possint habere dominium ciuile, & quicquid sit de hoc, sit ad propositū. Quarta propositio, 33. Nec * ex hac parte impediuntur barbari ne sint ueri domini. Probatur, Quia secundū rei ueritatem non sunt amentes, sed habent pro suo modo usum rationis. Patet, Quia habent ordinem aliquem in suis rebus, postquam habent ciuitates, quæ ordine constant, & habent matrimonia distincta, magistratus, dominos, leges, opificia, commutationes, quæ omnia requirunt usum rationis: item religionis specie:

item

item nō errant in rebus, quæ aliis sunt euiden-
tes, quod est indicium usus rationis. Itē Deus
& natura non deficiunt in necessariis pro ma-
gna parte speciei: præcipuum autem in homi-
ne est ratio, & frustra est potentia, quæ non
reducitur ad actū. Item fuissent sine culpa sua
tot millibus annorū extra statum salutis, cū
essent nati in peccato, & non haberēt baptis-
mum, nec usum rationis ad quæredum neces-
saria ad salutem, unde quod uideantur tam in-
sensati & hebetes, puto maxima ex parte ue-
nire ex mala & barbara educatione, cū etiā
apud nos uideamus multos rusticorum parum
differentes à brutis animantibus. Restat ergo,
ex omnibus dictis, quod sine dubio barbari
erāt & publicè & priuatim ita ueri domini,
sicut Christiani: nec hoc titulo potuerunt spo-
liari aut principes, aut priuati rebus suis, q̄ nō
essent ueri domini. Et graue esset negare illis,
qui nihil iniuriæ unquam fecerunt, quod cō-
cedimus Saracenis, & Iudæis perpetuis hosti-
bus religionis Christianæ: quos nō negamus
habere uera dominia rerū suarum, si aliās non
occupauerunt terras Christianorum.

¶ Superest respondere ad argumenta in con-
trarium, ubi arguebatur, quod isti uidentur
serui à natura, quia parum ualent ratione ad
regendum etiā seipfos. Ad hoc respondeo,
quod certe Aristoteles non intellexit, quod

tales, qui parum ualent ingenio, sint natura alieni iuris, & non habeant dominium, & sui & aliarum rerum: hæc enim est seruitus civilis & legitima, qua nullus est seruus à natura: nec uult Philosophus quòd si qui sunt natura parum mente ualidi, quòd liceat occupare patrimonia illorum, & illos redigere in seruitutem, & uenales facere: sed uult docere, quòd à natura est in illis necessitas, quia indigent ab aliis regi & gubernari: & bonum est illis subdi aliis, sicut filii indigent subiici parentibus ante adultam ætatem, & uxor uiro. Et quòd hæc sit intensio philosophi, patet: quia eodem modo dicit, quòd natura sunt aliqui domini, scilicet qui ualent intellectu. Certum est autem, quòd non intelligit, quòd tales possent sibi arripere imperiũ in alios illo titulo, q̃ sint sapientiores, sed quia natura habent facultatem ut possint imperare & regere. Et sic, dato quòd isti barbari sint ita inepti & hebetes, ut dicitur: non ideo negandum est habere uerum dominium, nec sunt in numero seruorum civilium habendi. Verum est, quòd ex hac ratione & titulo posset oriri aliquod ius ad subiiciendum eos, ut infrà dicemus.

²⁴ ¶ Restat cõclusio certa, Quòd * antequã Hispani ad illos uenissent, illi erant ueri domini, & publicè & priuatim. Supposito ergo quòd sunt uel erant ueri domini, superest uidere quo

quo titulo potuerint Hispani uenire in possessione illius regionis: & primò referam titulos qui possint prætendi, sed non idonei nec legitimi. Secundò ponam alios titulos legitimos, quibus potuerint barbari uenire in ditionem Hispanorum. Sunt autem septem tituli, qui possunt prætendi, sed non idonei, septem autem alii uel octo iusti & legitimi.

¶ Primus ergo titulus posset esse, quòd Imperator est dominus mundi: & sic dato, quòd tēpore præterito fuisset aliquid uitii, iam esset purgatum in Cæsare imperatore Christianissimo. Nam dato q̃ ita sit, quòd sint ueri domini, possent habere superiores dominos, sicut inferiores principes habēt regem, & aliqui reges habēt imperatorem, unde in eandem rem possunt plures habere dominium: unde illa distinctio iuristarum, Dominium, altum, bassum, directum, utile, merum, mixtum. Dubitatur ergo utrum isti haberent dominum superiorem. Et quia non potest esse dubium nisi de Imperatore, aut de papa, de istis dicemus. Et primò de Imperatore. Et uidetur quòd Imperator sit totius orbis dominus, & per consequens etiam barbarorum. Primùm ex communi appellatione, quam tribuunt Imperatori, Diuo Maximiliano, aut Carolo semper Augusto, orbis domino. Item, Exiit edictum à Cæsare augusto, ut describeretur uniuersus

Luc. 2. orbis, *Luc. 2.* Sed non debent esse peioris conditionis Imperatores Christiani. Item, Dominus uidetur iudicasse Cæsare, esse uerū dominū Iudæorū. Reddite, inquit, quæ sunt Cæsaris, Cæsari, &c. *Luc. 20.* nō uidetur autē quod ius posset habere, nisi quia Imperator. ergo. De hoc *Bart.* in extrauagāt. ad reprimen. quæ est *Henri. 7.* tenet exp. esse, quod imperator de iure est totius orbis dominus. Et idē tenet *glos.* in c. per uenerabil. qui filii sint legi. Et item ad longum *glo.* in c. uenerabil. de electio. & probant primò. 8. q. 1. in apibus, ubi Hieronymus dicit, quod in apibus unus est rex, & in mundo unus Imperator. Itē ff. ad l. Rhodi. l. de precatio. ubi Imperator Antonin⁹ dicit, Ego quidem mundi dominus. Et in l. bene à Zenone. C. de quadru. præscrip. omnia principis esse intelliguntur. Et posset etiam probari: quia Adam primò, & postea Noë uidetur fuisse domini orbis, *Genes. 1.* Faciamus hominem ad imaginem & similitudinem nostram, ut præsit piscib⁹ maris, & uolatilibus cæli, uniuersæque terre, &c. & infra, Crescite, & multiplicamini, et replete terrā, & subiicite eā, &c. Et idē in sententia dictum est Noë *Gene. 8.* Sed illi habuerūt successores, ergo. Item quia non est credendum, quin Deus instituerit in orbe optimum genus gubernationis, *Psal. 103.* Omnia in sapientia fecisti. Sed illud est Monarchia, ut *S. Tho.*

S.Tho. egregiè disputat, de regi. princ. libr. i. c. 2. & uidetur sentire Arist. 3. Politi. ergo uidetur quòd ex institutione diuina debeat esse unus Imperator in orbe. Item ea quæ sunt præter naturā, debēt imitari naturalia: sed in naturalibus est semper unus rector, ut in apibus, in corpore cor, in anima una ratio. ergo ita debet esse in orbe unus rector, sicut unus Deus.

¶ Sed hæc opinio est sine aliquo fundamēto. Et ideo sit prima cōclusio. Imperator* non est dominus totius orbis. Probatur, Quia dominium non potest esse nisi uel iure naturali, uel diuino, uel humano. Sed nullo tali est dominus orbis, ergo. Minor probatur, primum de iure naturali, quia ut bene dicit S.Tho. i. p. q. 92. articu. 1. ad secundum, & q. 96. articu. 4. In iure naturali homines liberi sunt, excepto dominio paterno, & maritali. De iure enim naturali pater habet dominium supra filios, & maritus in uxorem. Ergo nullus est qui iure naturali habeat imperium orbis. Et, sicut etiam dicit secunda secūda, q. 10. articu. 10. dominium & prælatio introducta sunt iure humano, ergo nō sunt de iure naturali: nec esset maior ratio quare hoc dominium conueniret Germanis magis quàm Gallis. Et Arist. i. Politi. Duplex est potestas, una familiaris, ut patris ad filios, uiri ad uxorem, & hæc est naturalis. Alia est ciuilis, quæ licet à natura quidē habeat or-

u s tum,

tum, & ideo potest dici de iure naturæ, ut S. Tho. de regimi. prin. c. 1. lib. 1. est enim homo animal ciuile: non tamen natura sed lege constituta est. De iure autem diuino ante aduentum Christi redemptoris non legimus fuisse imperatorem & dominum mundi, quamuis gloss. illa Bar. in extrauagan. ad reprimend. adducat de Nabuchodonosor, Dani. 9. de quo dicitur, Tu rex regum es, deus cæli, regnum, fortitudinem, gloriam, & imperium dedit tibi, & omnia in quibus habitarent filii hominum. Sed certum est, quod nec Nabuchodonosor accepit imperium specialiter à Deo, sed eo modo quo alii principes. Rom. 13. Omnis potestas à domino Deo est. & Prouerb. 8. Per me reges regnant, & legum conditores iusta discernunt. Nec etiam habuit imperium iure in totum orbem, ut putat. Barto. nam Iudæi non erant ei subiecti iure. Item ex hoc ipso patet, quod nullus erat de iure diuino dominus totius mundi, quia gens Iudæorum erat libera ab omni alienigena, imò erat prohibitum in lege, ut haberent dominum alienigenam Deu. 17. Non poteris alterius gentis hominem regem facere. Et quamuis S. Tho. de regi. principi. lib. 3. c. 4. & 5. uidetur dicere, quod imperium Romanorum fuit à Deo traditum propter iustitiam illorum & amorem patriæ, & propter optimas leges, quas habebant, hoc non est intelligendum,

telligendum, quòd ex traditione, aut ex institutione diuina, haberet imperium, ut August. etiam dicit 18. de ciuit. Dei, sed quòd prouidentia diuina factum est, ut consequerentur imperium orbis: sed alio iure scilicet uel iusti belli, uel alia ratione, non eo modo quo habuit Saul, & Dauid regnum à Deo. Et hoc facile intelliget si quis consideret, qua ratione, & successione imperia & dominia in orbe peruenierint usque ad nos. ut enim omittamus omnia, quæ præcesserunt diluuium, certè post Noë orbis fuit diuisus in diuersas prouincias & regna siue hoc fuerit ex ipsius Noë ordinatione, qui superuixit diluuiò 350. annos, *Genes. 9.*
Berosus. qui in diuersas regiones misit colonias, ut patet apud Berosum Babylonicum: siue, quod uerisimilius est, ex consensu mutuo gentium, diuersæ familiæ occupauerunt diuersas prouincias, ut *Gen. 13.* Abraham dixit ad Lot, *Genes. 13.*
 Ecce uniuersa terra coram te est, si ad sinistram ieris, ego dextram tenebo: si tu dextram elegeris, ego ad sinistram pergam. Vnde *Genes. 10.*
Genes. 10. traditur, quòd per pronepotes Noë diuisæ sunt nationes, & regiones, siue in aliquibus regionibus primò inceperunt esse domini per tyrannidem, sicut uidetur fuisse Nemrod, de quo *Genes. 10.* quòd primus incepit esse potens in terra: siue conuenientibus in unum aliquibus in unam rempublicam ex consensu
 communi

communi sibi constituerunt principem. Certum est enim uel his, uel aliis non dissimilibus modis dominia, & imperia incepisse in mundo, ac postea, uel iure hæreditario, uel iure belli, uel aliquo alio tali titulo deriuata esse usque ad nostram ætatem, saltem usque ad aduentum Saluatoris. Ex quo patet, nullum ante aduentum Christi habuisse iure diuino orbis imperium, neque illo titulo hodie posse imperatorem sibi arrogare orbis dominium, & per consequens nec barbarorum. Sed post aduentum Domini posset quis prætere, quòd ex traditione Christi esset unus imperator in orbe, quia Christus etiam secundum humanitatem fuit orbis dominus, iuxta illud Matth. 28. Data est mihi omnis potestas, &c. quod secundum August. & Hieronymum intelligitur secundum humanitatem. Et, Omnia subiecit sub pedibus eius, ut introducit Apostolus 1. Corin. in fin. ergo sicut reliquit in terra unum uicarium in spiritualibus, ita reliquit etiam in temporalibus, & hic est imperator. Et S. Tho. de regi. prin. libr. 3. c. 13. dicit, quòd Christus à natiuitate sua erat uerus mundi dominus, & monarcha, cuius uices gerebat Augustus, licet non intelligens. clarum est, quòd non gerebat uices in spiritualibus, sed in téporalibus. Cùm ergo regnum Christi si fuit temporale, fuit in toto orbe, ergo etiam Augustus erat Dominus orbis,

Matth. 28.

S. Tho.

nus orbis, & eadem ratione successores eius. Sed neque hoc dici ullo modo potest. Primū, quia hoc ipsum est unum dubium, an Christus secundum humanitatem fuerit Dominus temporalis orbis. Et probabilius est quòd nō, & ipse Dominus uidetur asseruisse in illo loco, Regnum meum non est de hoc mundo. *Iohan. 18.*
Vnde & S. Tho. illic dicit, quòd dominium *S. Tho.* Christi ordinatur ad salutem animæ, & ad spiritualia bona, licet à temporalibus non excludatur eo modo, quo ad spiritualia ordinatur. Vnde patet, quòd non est sententia S. Thom. quòd regnum eius esset eiusdem rationis cum regno ciuili & temporali, sed ita est, quòd ad finem redemptionis habebat omnimodam potestatem, etiam in temporalibus: sed secluso illo fine, nullam habebat. Et primum, dato quòd fuisset Dominus temporalis, hoc est diuinare dicere quòd reliquit illam potestatem imperatori, cum de hoc nulla mentio facta sit in tota scriptura. Et quod S. Tho. dicit, quòd Augustus gerebat uices Christi, primū hoc dixit in illo c. In tertia autē parte, ubi loquitur ex instituto de potestate Christi, nullam mentionē facit de hac tēporali potestate Christi. Secūdo S. Tho. intelligit, q̄ gerebat uices per hoc, quia temporalis potestas est subiecta & ministra spiritualis potestatis. Imò hoc modo reges sunt ministri episcoporum, sicut & ars fabri

S. Thom.

fabrilis est subiecta equestri, & militari: sed tamen miles, aut dux non est faber, sed habet imperare fabro in armis fabricandis. Et S. Tho. in illo loco Iohan. 18. expressè dicit regnum Christi non esse temporale, nec tale regnum, quale Pilatus intelligebat, sed regnum spirituale, quod ipse Dominus declarat eodem loco, Tu dicis quia rex sum ego. ego in hoc natus sum, & ad hoc ueni in mundum, ut testimonium perhibeam ueritati. Et sic patet, quòd est merum commentum dicere, quòd ex traditione Christi sit unus imperator & Dominus mundi. Quod etiam aperte cõfirmatur, Quia si hoc esset ex iure diuino, quomodo imperiũ fuit diuisum in Orientale & Occidentale? primo inter filios magni Constantini, & postea ab Stephano papa, qui imperiũ Occidentale transtulit ad Germanos, ut habetur in d.c. per uenerabilẽ. Est enim ineptum, & incruditum, quod glo. illic dicit, quòd Græci postea non fuerunt imperatores. Nunquam enim imperatores Germani hoc titulo prætenderunt se esse Græciæ dominos. Et Iohannes Palæologus Imperator Constantinopolitanus, in concilio Florentino habitus est pro legitimo imperatore. Et præterea patrimonium ecclesiæ (ut fatetur ipsi Iuristę, etiã Bartolus) nõ est subiectum imperatori. q. si omnia essent subiecta, imperatori iure diuino, ex nulla donatione

tione imperatorum, nec alio titulo potuissent eximi ab imperatore, sicut nec papa potest quēquam eximere à potestate papæ. Item nec regnum Hispaniæ est subiectum imperatori, nec Frācorum, ut etiam habetur in d. c. per uenerabilem. licet glo. ex capite suo addat, quòd hoc non est de iure, sed de facto. Itē doctores concedunt quòd ciuitates, quæ aliquando fuerunt subiectæ imperio, potuerunt per consuetudinem eximi ab imperio: quod non esset, si subiectio esset de iure diuino. De iurē autē humano constat, quòd imperator non est dominus orbis. Quia uel esset sola autoritate legis: & nulla talis est, & si esset, nihil operaretur, quia lex præsupponit iurisdictionem. si ergo ante legē non habebat imperator iurisdictionem in orbe, lex non potuit obligare nō subditos, nec hoc habuit imperator aut per legitimam successionem, aut donationem, aut permutationem, aut emptionem, aut iusto bello, aut electione, aut aliquo alio legali titulo, ut constat. Ergo nunquam imperator fuit dominus totius mundi. Secunda conclusio, Dato quòd imperator esset dominus mundi, non ideo posset occupare prouincias barbarorum, & constituere nouos dominos, & ueteres deponere, uel uectigalia capere. Probat, Quia etiam qui imperatori tribuunt dominium orbis, non dicunt eum esse dominum per proprietatem,

ut gl. in pro-
prio dige-
storum. prietatem, sed solum per iurisdictionē: quod
 ius non se extendit ad hoc, ut conuertat pro-
 uincias in suos usus, aut donet pro suo arbi-
 trio oppida, aut etiam prædia. Ex dictis ergo
 patet, quod hoc titulo non possunt Hispani
 occupare illas provincias.

¶ Secundus titulus. Quod prædicitur, & qui-
 dem uehementer asseritur ad iustam possessio-
 nem illarum prouinciarū, est ex parte summi
 Pontificis. Dicunt enim quod summus Ponti-
 fex est monarcha etiam temporalis in toto or-
 be, & per consequens, quod potuit constitue-
 re Hispaniarum reges principes illorum barba-
 rorum: & ita factum est. Circa hoc opinio est
 quorundam iurisperitorum, quod papa ha-
 bet plenam iurisdictionem in temporalibus in
 toto orbe terrarum, adicientes etiam, quod
 omnium principum secularium potestas à pa-
 pa in eos deriuata sit. Ita tenet Hostien. in c. q.
 super his. de uo. & archiepif. 2. parte, titulo 22.
 c. 5. §. 8. & Ang. Anch. ita tenet Syluest. quod
 multo etiam largius, & benignius hanc pote-
 statem tribuit papæ, in uerbo, infidelitas. §. 7.
 & in uerbo, papa. §. 7. 10. 11. & 14. & in uerbo,
 legitimus. §. 4. mirabilia dicit in illis locis circa
 hoc: ut puta, quod potestas imperatoris & o-
 mnium aliorū principū est subdelegata respec-
 tu papæ, & quod est deriuata à Deo median-
 te papa, & q. tota illorum potestas dependet à
 papa,

papa, & quòd Constantinus donauit terras pa-
 pæ in recognitione domini temporalis. Et
 econtrario papa donauit Constantino impe-
 rium in usum & stipendium. Imò quòd Con-
 stātinus nihil donauit, sed reddidit quod erat
 subtractum: & quòd papa non exercet iurisdic-
 tionem in temporalibus extra patrimonium
 ecclesiæ, non est propter defectum authorita-
 tis, sed ad uitandum scandalum Iudæorum, &
 ad nutriendam pacem, & multa alia his uanio-
 ra, & absurdiora. Tota probatio istorum est,
 Quia, Domini est terra, & plenitudo eius: &
 Data est mihi omnis potestas in cælo & in ter-
 ra. & papa est uicarius Dei & Christi. & ad
 Eph. 2. Christus factus est pro nobis obediēs
 usque ad mortem, &c. Et huius opinionis etiā
 uidetur esse Bart. in illa extraua. ad reprimen-
 dam & uidetur fauere S. Tho. in fine secun-
 di sentētiarum, cuius ultima uerba sunt in so-
 lutione ad quartum argumētum, quòd est ulti-
 mum totius libri, quòd papa tenet utriusque
 potestatis apicem, scilicet secularis & spiritua-
 lis. & eiusdem opinionis est Herbeus de pote-
 state ecclesiæ. Hoc ergo fundamento iactō, di-
 cunt authores huius sententiæ. Primò, quòd
 papa liberè potuit cōstituere principes barba-
 rorū reges Hispaniæ, tāquam supremus domi-
 nus temporalis. Secūdò dicunt, quòd dato
 quòd hoc non posset, saltem si barbari nolunt
 x recogno

recognoscere dominium temporale papæ in eos, quòd hac ratione potest eis inferre bellū, & imponere principes. Vtrunque autem factū est. nam primò summus Pontifex concessit illas prouincias Regibus Hispaniæ. Secundò etiam barbaris propositum fuit, & significatum, quòd papa est uicarius Dei, & habet uices eius in terris: & ideo, quòd recognoscant eum superiorem, quòd si illi recusauerint, iusto titulo est eis bellum illatum, & occupatæ prouinciæ illorum, &c. Et hoc secundū nominatim dicit Hosti. ubi suprà, & summa Angé.

¶ Sed quia de dominio temporali papæ prolixè disputaui in relectione de potestate ecclesiastica, ideo hic breuiter per propositiones respondebo. Prima, Papa * non est dominus ciuilis, aut temporalis totius orbis, loquendo propriè de dominio & potestate ciuili. Hæc cōclusio est Turre. Crema. libro secūdo, c. 113. & Iohannis And. & Hugo. 69. dist. cum ad uerum. Et fatetur doctissimus Innocen. in d. c. per uenerabilem, se non habere potestatem temporalem in regno Franciæ. Et uidetur expressa sententia Bernardi in secundo libro de consi. ad Eugeni. Et opposita sententia uidetur esse contra præceptum Domini, qui Mat. 20. & Luc. 22. ait, Scitis quia principes gētium dominātur eorum, &c. non ita erit inter uos. Item cōtra præceptum Apostoli, Nō dominā

tes

Turre Cre.

Hugo.

Innocen.

Bernard.

Matth. 20.

Luc. 22.

1. P. 5.

tes in clerum, sed forma facti gregis. Et si Christus dominus non habuit dominium temporale, ut suprà tanquam probabilius disputatū est, etiam ex sententia S. Tho. multo minus papa habet, qui est uicari⁹: & isti tribuūt summo Pontifici quod ipse nunquam agnouit: imò contrarium fatetur in multis locis, ut in relectione additum est. Et satis est probatū de imperatore, sicut suprà: quia non potest ei conuenire dominium nisi iure naturali, aut diuino, aut humano. Naturali, aut humano, certum est quòd non. De diuino nullum profertur. ergo frustra asseritur, & uolūtariè. Et quòd Dominus dixit Petro, Pasce oues meas, satis ostendit esse potestatem in spiritualibus, & nō temporalibus. Et primū ostendit nō esse in toto orbe. nam ipse dixit Iohan. 10. quòd in fine seculi fiet unum ouile, & unus pastor. Vnde satis constat in præsentia non omnes esse oues huius ouilis, saltem infideles. Item dato quòd Christus haberet hanc potestatem, constat nō esse commissam papæ. Patet, quia non minus papa est uicarius Christi in spiritualib⁹, quàm in temporalibus. sed papa non habet iurisdictionem spiritualement super infideles, ut etiam fatetur aduersarii, & uidetur expressè 1. Cor. 5. Quid ad me de his, qui foris sunt, iudicare? ergo nec etiam in temporalibus. Et certè argumentum nullum est, Christus habuit potesta-

S. Tho.

Iohan. ult.

Iohan. 10.

1. Corin. 5.

tē tēporale in toto orbe. ergo & papa habet; nam Christus sine dubio habuit potestatem spiritualement in toto orbe, non minus supra fideles, quā supra infideles; & potuit ferre leges obligātes totum orbem, sicut fecit de baptismo, & articulis fidei; & tamen papa nō habet illam potestatem supra infideles, nec posset eos excommunicare, nec prohibere cōnubia in gradibus iure diuino permisis. ergo. Itē quia etiā secūdu doctores Christus potestāte excellentiæ non cōmisit etiam Apostolis, ergo etiam nihil ualet cōsequentia, Christus habuit potestātē tēporālē in orbe, ergo & papa. ¶ Secunda prōpo. Dato* q̄ summus Pontifex haberet talem potestatem secularem in mūdo, non posset eam dare principibus secularibus. Hoc patet, quia est annexa papatui, nec potest eam papa separare ab officio summi Pontificis, nec potest priuare successorem illa potestate, quia non potest esse sequens summus Pontifex minor præcessore suo; & si unus Pontifex dedisset hanc potestatem, uel nulla esset talis collatio, uel sequens Pontifex posset auferre.

29 ¶ Tertia propositio, Papa* habet potestatem temporālē in ordinē ad spiritualia, id est quantum necesse est ad administrationem rerū spiritualium. Hæc etiā est Turre Crema. ubi su-

Turre Cre. præ c. 114. & est omnium doctorum. Et probatur,

tur, quia ars, ad quam pertinet finis superior, est imperatiua & præceptiua artium ad quas spectant fines inferiores. i. Ethico. Sed finis potestatis spiritualis est ultima felicitas, finis i. Ethico. autem potestatis ciuilis est felicitas politica. ergo potestas temporalis est subiecta spirituali. Et hac ratione utitur Innocen. in c. solitaria. de maiori. & obedien. Et confirmat, quia cui commissa est cura alicuius officii, intelligitur concessa omnia sine quibus officium rectè expediri nõ potest. de officio delega. c. i. Cum De off. del. ergo ex cõmissiõe Christi papa sit pastor spiritualis, & hoc officium impediri possit per potestatem ciuilem, cùm Deus & natura non deficient in necessariis: non est dubitandum quin fuerit ei relicta potestas in temporalibus quantum necesse est ad gubernationem spiritualium. Et hac ratione potest papa infringere leges ciuiles, quæ sunt nutritiua peccatorũ, sicut infregit leges de præscriptiõe malę fidei, ut patet de præscrip. c. fin. Et hac etiam ratione discordantibus principib⁹ de iure alicuius principatus, & in bella ruentibus, potest esse iudex, & cognoscere de iure partium, & sententiam ferre, quam tenentur recipere principes, ne scilicet eueniant tot mala spiritualia, quot ex bello inter principes Christianorũ necesse est oriri. Et licet hoc uel non faciat papa, uel nõ sæpe faciat, hoc nõ est quia nõ potest, ut di-

Durandus. cit dominus Durand. sed quia timet scandalum, ne principes putent hoc facere per ambitionem, uel ueritus rebellionem principum à sede apostolica. Et hac ratione potest aliquando reges deponere, & etiam nouos constituisse, sicut aliquando factum est. Et certè nullus legitime Christianus deberet negare hanc potestatem papæ. Et ita tenent Palud. & Durand.

Paulud. de potestate eccle. & Henric. Gand. quotlibet. 6. articu. 23. & ad hunc sensum intelligenda sunt iura quæ dicunt papam habere utrumque gladium, quæ multa sunt, & quicumque doctores antiquiores qui hoc dicunt sicut etiam S. Tho. in 1. Sententia. ut citatum est. Imò non dubito quin episcopi habeant hoc modo auctoritatem temporalem in suo episcopatu eadem ratione, qua papa in orbe. Vnde malè dicunt, & malè faciunt, uel principes, uel magistratus, qui contendunt impedire episcopos ne coërceant seculares à peccatis per pœnas pecuniarias, aut exilium, aut alias pœnas temporales. hoc enim non est supra potestatem eorum, modò non faciant ex auaritia, & ad questum, sed ad necessitatem, & commodum rerum spiritualium. Et ex hoc loco iterum sumitur argumentum pro prima cõclusionem: si enim papa esset dominus orbis, etiã episcopus esset dominus temporalis in suo episcopatu, quia etiam in suo episcopatu est uicarius Christi: quod

quod tamen aduersarii negant.

³⁰ ¶ Quarta conclusio, Papa* nullam potestatem temporalem habet in barbaros istos, neque in alios infideles. Hæc patet ex 1. & 3. Nam si nō habet potestatem temporalem nisi in ordine ad spiritualia, sed non habet potestatem spirituales in illos. 1. Corin. 5. ergo nec temporale.

³¹ Sequitur corollarium, quod * etiam si barbari nolint recognoscere dominium aliquod papæ, non ideo potest eis bellum inferri, & bona illorum occupari. Patet, quia nullum tale dominium habet, & confirmatur hoc manifeste. Nam (ut infra dicitur, & aduersarii fatentur) dato quod barbari nolint recipere Christum pro domino, non tamen possunt bello peti, aut aliquo malo affici: absurdissimum est autem quod ipsi dicunt, & faciunt, quod cum possint impune non recipere Christum, teneantur recipere uicarium eius, alias possint bello cogi, & spoliari omnibus bonis, imò & supplicio affici. Et cōfirmatur iterum, quia causa secundum istos quare etiam si nolint recipere Christum, aut fidem eius, non possunt cogi, est, quia non potest eis euidenter probari per rationes naturales: sed multo minus potest probari dominium papæ, ergo etiam non possunt cogi ad recognoscendum hoc dominium. Et Syluest. quamuis latissimè loquatur de potestate papæ, tamen in uerbo, infideles. septi-

Syluest.

*Innoce.**S. Tho.**Caieta.*

mo expresse tenet contra Hostien. quod infideles non possunt bello cogi ad recognoscendum hoc dominium, nec hoc titulo possunt spoliari bonis suis. Et ita tenet. Innocentius in d. c. quod super his. de uot. Et non est dubium quin. S. Tho. sit huius sententiae, secunda secunda, q. 66. arti. 8. ad secundum. & Caieta. illic expresse, ubi dicit S. Tho. quod infideles non possunt spoliari suis bonis, nisi qui sunt subditi principibus temporalibus, propter causas legum legitimas, propter quas etiam alii subditi possunt priuari. Imò nec Saraceni inter Christianos unquam isto titulo fuerunt spoliati suis bonis, aut aliquo incommodo affecti. Nam si iste titulus est sufficiens ad inferendum eis bellum, hoc tantundem est, ac si quis dicat, quod ratione infidelitatis possunt spoliari. Certum est enim quod nullus infidelium recognoscit hoc dominium. nullus autem doctor, nec etiam inter aduersarios est, qui hoc concedat, scilicet quod solo titulo infidelitatis possunt spoliari. ergo omnino est sophisticum, quod isti doctores dicunt, quod si infideles recognoscunt dominium Roma. pontificis, non possunt bello infestari, bene autem si non recognoscunt. Nullus enim recognoscit. Ex quo patet, quod nec iste titulus est idoneus contra barbaros, uel quia papa dederit provincias illas tanquam dominus absolute, uel quia

quia non recognoscunt dominium papæ, habent causam iusti belli contra illos. Et hanc sententiam tenet Caietanus latè secunda secundæ, quæst. 66. articulo 8. ad secundum. Nec authoritas canonistarum in contrarium multum debet mouere: quia (ut suprà dictum est) hæc tractanda sunt ex iure diuino, & plures & maiores contrarium tenent, inter quos etiam est Iohan. Andr. nec habent pro se aliquem textum. nec etiam grauis authoritas Archie. Floren. hoc loco recipienda est, secutus est enim Augu. Ancha. sicut aliàs solet sequi Canonistas. Ex dictis patet, quòd Hispani cū primum nauigauerunt ad terras barbarorum, nullum ius secum afferebant occupandi prouincias illorum.

¶ Et ideo alius titulus est, qui potest prætendi iure inuentionis, nec alius titulus à principio prætendebatur: & hoc solo titulo primo nauigauit Columbus Ianuen. Et uidetur quòd hic titulus sit idoneus, quia illa, quæ sunt deserta, sunt iure gentium & naturali occupantis. Instituta de rerum diuisione. §. feræ bestiarum. ergo cū Hispani fuerint primi, qui inuenerint, & occupauerint illas prouincias, sequitur quòd iure possident, sicut si solitudinem inhabitatam hætenus inuenissent. Sed de isto titulo qui tertius est, non oportet multa uerba facere: quia ut suprà probatum est, barbari erant

bari erant ueri domini, & publicè & priuatim. Ius autem gentium ut quod in nullius bonis est, occupanti concedit: ut habetur expressè in d. §. feræ bestię. Vnde cum non carerent domino, non cadunt sub illo titulo. Et sic licet iste titulus cum alio aliquid facere possit (ut infra dicitur) tamen per se nihil iuuat ad possessionem illorum, non plusquam si illi inuenissent nos.

¶ Et ideo quartus titulus prætenditur, quia scilicet nolunt recipere fidem Christi, cum tamen proponatur eis, & sub obtestationibus admoneantur, ut recipiant. & uidetur quòd iste titulus sit legitimus ad occupandas terras barbarorum. Primò, quia barbari tenentur recipere fidem Christi: quia, Qui crediderit, & baptizatus fuerit, saluus erit, qui uerò non crediderit, condemnabitur. Nullus autè condemnatur nisi pro mortali. Et Actuum 4. Non est aliud nomen datum hominibus, in quo oporteat nos saluos fieri ergo. cum papa sit minister Christi, saltem in spiritualibus, uidetur quòd saltem authoritate papæ possent cogi ad recipiendam fidem Christi: & si requisiti nolint recipere, iure belli possit agi contra eos. Imò uidetur, quòd etiam principes sua authoritate hoc possint, quia sunt ministri Dei. Ro. 13. Et uindices in iram eis qui malè agūt. isti autem pessimè agunt, nō recipientes fidem Christi.

ergo

*Marc. ultimi-
mo.*

Actuum 4.

Rom. 13.

ergo possunt cogi à principibus. Secúndò, qui-
 si Galli nollent obedire regi suo. *posset* rex Hi-
 spaniæ cogere illos ut obediret, ut certum est.
 ergo si nolunt obedire Deo, qui est uerus &
 supremus dominus, possunt principes Chri-
 stiani cogere illos barbaros, ut obediant. non
 enim uidetur quòd debeat esse peioris condi-
 tionis causa Dei, quàm hominum. Et confir-
 matur, Quia sicut arguit Scotus 4. distin. 4. q. *Scotus 4.*

9. de pueris infidelium baptizandis, potius de-
 bet aliquis cogi ad obediendum domino su-
 periori, quàm inferiori. Si ergo cogi possent
 barbari ut obedirent principibus suis, ergo
 multo magis ut obediât Christo, & Deo. Ter-
 tio, quia si blasphemarent publicè Christum,
 possent bello cogi, ut desisterent ab huiusmo-
 di blasphemiiis, ut doctores concedunt, & ue-
 rum est. Possemus enim bello persequi, si ute-
 rentur crucifixo ad irrisionem, uel quocūque
 modo abuterentur ad ignominiã rebus Chri-
 stianis, ut fingentes ad illusionem sacramenta
 ecclesiæ, uel aliquod simile. Quod etiã patet.
 Nam si facerent iniuriam Regi Christiano,
 etiã defuncto, possemus uindicare iniuriam.
 multo ergo magis si faciãt iniuriam Christo,
 qui est rex uiuus Christianorum. Nec de hoc
 est dubitandum, quia si Christus uiueret in-
 ter mortales, & pagani facerent ei iniuriam,
 non est dubium quin possemus bello perse-
 qui

*Et S. Tho. se-
 cunda secun-
 da, q. 10. ar-
 ticu. 2.*

S. Thom.

qui iniuriam: ergo etiam nunc. Sed maius peccatum est infidelitas, quam blasphemia, quia ut S. Tho. dicit, & probat secunda secundæ, q. 10. articu. 3. infidelitas est grauissimum inter peccata quæ contingunt in perversitate mori, & blasphemia, & nõ opponitur directè fidei, sed confessioni fidei. Infidelitas etiam tollit principium conuersionis in Deum, scilicet fidem, non autem blasphemia. si ergo pro blasphemia in Christum possunt Christiani bello persequi infideles: ergo pro ipsa infidelitate. Et confirmatur, Quod blasphemia non sit ita magnum peccatum, sicut infidelitas. Quia pro infidelitate est pœna capitalis Christiano per leges ciuiles, non autem pro blasphemia.

³² ¶ Pro responsione sit prima propositio. Barbari* priusquã aliquid audissent de fide Christi, non peccabant peccato infidelitatis, eo qd non crederent Christo. Hæc propositio est ad litteram. S. Tho. secunda secundæ q. 10. articu. 1. ubi dicit, quod apud eos, qui nihil audierunt de Christo, infidelitas non habet rationem peccati, sed magis pœnæ, quia talis ignorantia diuinorum, ex peccato primi parentis secuta est. Qui autem (inquit) sic sunt infideles, damnantur quidem propter alia peccata, sed non propter peccatum infidelitatis. Vnde Dominus dicit Iohan. 15. Si non uenissem, & loquutus eis non fuisset, peccatum non haberent.

S. Thom.

Quod

Quod exponens August. dicit, quòd loquitur *August.*
de illo peccato, quo non crediderunt in Chri-
stum. Idem uidetur dicere S. Tho. secunda se-
cundæ, q. 10. di. 6. & q. 34. arti. 2. ad secundum.

Hæc propositio est contra multos doctores,
& primò contra Altisio, 3. p. in q. Vtrum fidei *Altisio.*

potest subesse falsum. Vbi dicit, quòd non po-
est aliquis habere ignorantiam inuincibilem,
nò solù Christi, sed cuiuscūque articuli fidei:
quia si faciat quod in se est, Dominus illumina-
bit, siue per doctore intrinsecū, siue extrinse-
cū: & sic semper est peccatū mortale credere ali-
quid cōtrariū articulis fidei. Ponit exemplum
de uetula, cui episcopus prædicaret aliquid cō-
tra fidei articulum. Et generaliter dicit, quòd
ignorantia iuris diuini neminem excusat. Ea-
dem fuit opinio Guillelmi Parisien. qui eodē
modo argumētatur. Vel enim talis facit quod
in se est, & illuminabitur: si non facit, non ex-
cusatur. Et in eadem sententia uidetur fuisse
Gerson, de spiritali uita animæ, lect. 4. Con-
cors (inquit) est sententia doctorum, quòd in
his, quæ sunt iuris diuini, non cadit ignoran-
tia inuincibilis, quin facienti quod in se est,
Deus semper assistat paratus illustrare mentē,
quantum oportebit ad salutem, & erroris eui-
tationem. Et Hugo de sancto Victore libro 2.
parte 9. c. 5. dicit neminem excusari per ignorā-
tiam à præcepto baptismi suscipiendi: quia ni-
si sua

si sua culpa destiterit, audire & scire poterit, ut exemplum est de Cornelio. Actuum 10. Hanc sententiam & opinionem limitat Adrian. in quodlibetis, q. 4. Ea, inquit, quæ sunt iuris diuini, sunt in duplici differētia. Quædam sunt, ad quorum scientiam Deus non obligat omnes uniuersaliter, ut sunt apices iuris diuini, & difficultates circa illud, & circa scripturam sacram, & præcepta: & circa hæc bene potest cadere ignorantia inuincibilis, etiam si quis faciat totum quod in se est. Alia sunt, ad quorum scientiā Deus generaliter obligat omnes, ut articuli fidei, præcepta uniuersalia legis: & de his est uerum, quod doctores dicunt, quod non potest quis excusari per ignorantiam. Si enim quis faciat quod in se est, illuminabitur à Deo per doctore interiorē, uel exteriorē. Sed nihilominus conclusio posita uidetur expressè de intentione S. Tho. Et probatur, Tales, qui nunquam audierunt quantumcunque sint aliās peccatores, ignorant inuincibiliter: ergo talis ignorantia non est peccatum. Antecedens patet ex illo ad Roma. 10. Quomodo credent nisi audiant: quomodo autem audiēt sine prædicante? ergo si non est eis prædicata, ignorant inuincibiliter, quia non possunt scire. Neque Paulus condemnat infideles, quia non faciunt quod in se est, ut illuminentur à Deo: sed quia cū audissent, nō crediderunt.

Nunquid

Nunquid(inquit)non audierunt? Et quidem in omnem terram exiuit sonus eorum.Ex hoc condemnat illos, quia in omnem terram fuit prædicatum Euangelium, aliàs non condemnaturus quantumcunque haberent alia peccata.Vnde etiam decipitur Adrianus in alio puncto circa materiam de ignorantia. Dicit enim in eodem quotlib. quòd etiam in materia morum si quis adhibet omnem industriam, & diligentiam ad sciendum ea quæ oportet, non satis est ad excusationem ignorantia, nisi per contritionem peccatorum disponat se ad hoc ut illuminetur à Deo: ut si quis dubitat de aliquo contractu, & quærit à uiris doctis, & aliàs laborat ad sciendum ueritatem, & putat esse licitum: si fortè non est licitus, & exercet, nõ excusatur. Si fortè aliàs est in peccato, quia non facit totum quod in se est ad uincendum ignorantiam, & licet stet, quòd etiam si disponat se ad gratiam, non illuminetur: tamen non excusatur, nisi tollat hoc impedimentum, scilicet peccatum.Vnde si de eodem casu & tractatu Petrus & Iohannes dubitant, & faciunt æqualem diligentiam humanam, & uterque putat esse licitū: Petrus autem est in gratia, Iohannes in peccato: Petrus habet ignorantiam inuincibilem, Iohannes uincibilem; & si uterque exerceat contractum, Petrus excusatur, Iohannes non excusatur. Fallitur inquam in hoc, si

Adrianus,

hoc, sicut à me disputatum est latè prima secūda, in materia de ignorantia. Mirabile enim esset dicere, quòd in nulla materia iuris diuini posset habere ignorātiā inuincibilem infidelis, imò quicumque est in peccato mortali. Imò sequitur, quòd ille Petrus, qui erat in gratia, & ignorabat inuincibiliter aliquid circa usuram, aut simoniam, solum per hoc quòd caderet in mortale, illa ignorantia fieret uincibilis. quod absurdum est.

33 ¶ Vnde dico, quòd* ad hoc, quòd ignorantia imputetur, & sit peccatum uel uincibilis, requiritur negligentia circa illam materiam, puta, quia noluit audire, uel auditum non credidit: & econtrario ad ignorantiam inuincibilem satis est, quòd fecerit humanam diligentiam ad sciendum, etiam si aliās sit in mortali. Vnde quantum ad hoc idem est iudicium nūc & statim post aduentum Christi, uel post passionē eius. Nec posset Adrianus negare, quin paulo post passionem Domini Iudæi, qui erāt in India, uel Hispania, ignorabant inuincibiliter passionē Domini, quantumcūque essent in mortali, imò expressè hoc ipse concedit in r. q. ad quartum, in materia de obseruantia legalium. Et certum est, quòd Iudæi absentes à Iudæa, siue essent in peccato, siue non, habebant ignorantiam de baptismo inuincibilem. Sicut ergo tunc poterat cadere ignorantia inuincibilis

uincibilis de hoc, ita & nunc apud eos, apud quos non est facta annuntiatio de baptismo. Sed in hoc decipiuntur isti doctores, quia putant, quod si ponamus ignorantiam inuincibilem de baptismo, aut fide Christi, quod statim consequitur, quod possit aliquis saluari sine baptismo, aut fide Christi. quod tamē nō sequitur. Barbari enim ad quos non peruenit annuntiatio fidei, aut religionis Christianæ, damnabūtur propter peccata mortalia, aut idololatriā, sed non propter peccatum infidelitatis, ut dicit S. Tho. quod si facerent quod in se est, bene uiuēdo secundum legem naturæ, ita est, quod Dominus prouideret, & illuminaret illos circa nomen Christi: non ideo tamē sequitur, quod si male uiuant, imputetur eis ad peccatum ignorantia, aut infidelitas circa baptismum, & fidem Christianam.

* ¶ Secunda propositio, Barbari * non ad primum nuntium fidei Christianæ tenentur credere, ita quod peccent mortaliter, non credentes Christo solū per hoc, quod simpliciter annuntiatur eis, & proponitur, quod uera religio est Christiana, & quod Christus est saluator & redemptor mundi, sine miraculis, aut quacūque alia probatione, aut suasionē. Probatur hæc conclusio ex prima. Si enim ante quā aliquid audissent de religione Christiana, excusabātur, nō obligantur de nouo per huiusmodi simplicem
y propo

*Caieta.**S. Thom.**Eccle. 19.
Iob 41. 15.*

propositionem, & annuntiationem, cum talis annuntiatio nullum sit argumentum aut motuum ad credendum. Imò, ut Caieta ait secundà secundæ, q. 1. articu. 4. temere & imprudenter quis crederet aliquid, maximè in his, quæ spectant ad salutem, nisi cognoscat à viro fide digno illud asseri. quod barbari non cognoscent, cum ignorèt qui, aut quales sint, qui eis nouam religionem proponunt. Et confirmatur, quia ut ait S. Tho. secundà secundæ, q. 1. articu. 4. ad secundum argumen. & articu. 5. ad primum, ea quæ sunt fidei, sunt uisa, & euidentia sub ratione credibilis. non enim fidelis crederet nisi uideret ea esse credenda, uel propter euidentiam signorum, uel propter aliquod huiusmodi. ergo ubi neque huiusmodi signa, neque aliquod aliud ad persuadendum concurrat, non tenentur barbari credere. Et confirmatur, quia si simul Saraceni eodem modo proponerent barbaris sectam suam simpliciter, sicut Christiani, non tenerentur eis credere, ut certum est. ergo nec Christianis sine aliquo motiuo, & suasionem proponentibus, quia non possunt, nec tenentur diuinare utra sit uerior religio, nisi appareant probabiliora motiua pro altera parte. hoc enim esset citò credere, quod est leuis corde, ut dicit Ecclesiasticus c. 19. Et confirmatur per illud Iohan. 15. Si signa non fecissem, &c. peccatum non haberent. ergo ubi nulla sunt signa,

signa, neque motiua, nullum erit peccatū. Ex qua propositione sequitur, quòd* si solum illo modo proponatur fides barbaris, & nō recipiant, nō hac ratione possunt Hispani inferre illis bellum, neque iure belli contra eos agere. Patet, quia sunt innocētes quātum ad hoc, nec fecerunt aliquam iniuriam Hispanis. Et cōfirmatur hoc corollarium, quia ut S. Tho. tradit secūda secūda, q. 4. articu. 1. ad bellum iustum requiritur causa iusta, ut scilicet illi, qui impugnantur propter aliquā culpā, impugnationē mereātur. Vnde Augustinus dicit libro 83. q. Iusta bella solent diffiniri, quæ ulciscuntur iniurias, si gens, uel ciuitas plectenda est, quæ uel uindicare neglexerit quod à suis improbe factum est, uel reddere quod per iniuriam ablatum est. Si ergo nulla præcessit à barbaris iniuria, nulla est causa iusti belli. Et hæc est sentētia cōmunis omniū doctorū, nō solum theologorū, sed etiā cōsultorū, ut Hostiensis, *Hostien.* Innocētii, & aliorū. Et ponit eā disertè Caieta. *Innocen.* *Caieta.* ta. secūda secūda, q. 66. articu. 8. nec scio aliquē doctorē qui oppositū sentiat. Vnde hic nō esset legitimus titulus ad occupādas prouincias barbarorum, & spoliandos priores dominos.

¶ Tertia propositio, Si* barbari rogati & admoniti ut audiant pacificè loquentes de religione, nollent audire, non excusarētur à peccato mortali. Probatur, Quia, ut supponimus,

y 2 illi

*Marc.ulti.**Rom.10.*

illi habent grauissimos errores, de quibus nō habent rationes uerisimiles, aut probabiles. ergo si quis admoneat eos, ut audiant, ac deliberent de rebus spectantibus ad religionem, tenentur saltem audire, & cōsultare. Item necessarium est eis ad salutem credere in Christum, & baptizari. Marci ultimo, Qui crediderit, &c. Sed non possunt credere, nisi audiant. ad Rom.10. ergo tenentur audire, aliās essent extra statum salutis, sine culpa sua; si non tenentur audire.

37 ¶ Quarta propositio, Si *fides Christiana proponatur barbaris probabiliter, id est cū argumentis probabilibus, & rationabilibus, & cū uita honesta, & secundum legem naturæ studiosam, quæ magnum est argumentum ad confirmandam ueritatem: & hoc non semel, & per functionē, sed diligenter, & studiosè, barbari tenentur recipere fidem Christi sub pœna peccati mortalis. Probatur ex 3. cōclusiōe, Quia si tenentur audire, ergo & acquiescere auditis si sunt rationabilia: & patet magnifestè ex illo Marci ultimo, Eūtes in mundum uniuersum, prædicate Enāgelium omni creaturæ. Qui crediderit, & baptizatus fuerit, saluus erit: qui uerò non crediderit, cōdemnabitur. Et per illud Actuū 4. Non est aliud nomen datum hominibus, in quo oporteat nos saluos fieri.

*Marc.ulti.**Act.4.*

38 ¶ Secunda conclusio, *Non satis liquet mihi, anfi

an fides Christiana fuerit barbaris, haften^a ita
proposita, & annuntiata, ut teneantur credere
sub nouo peccato. Hoc dico, quia (ut patet ex
secunda propositione) non tenentur credere,
nisi proponatur eis fides cum probabili per
suasione. Sed miracula, & signa nulla audio,
nec exempla uitæ adeò religiosa: contrà, mul-
ta scandala, seu facinora, & multas impietates.
Vnde non uidetur q̃ religio Christiana satis
còmodè, & piè sit illis prædicata, ut illi tenean-
tur acquiescere: quanquã uidentur multi reli-
giosi, & alii ecclesiastici uiri, & uita, & exem-
plis, & diligenti prædicatione sufficienter ope-
ram & industriam adhibuisse in hoc negotio,
nisi ab aliis, quib⁹ alia cura est, impediti essent.

¶ Sexta propositio, * Quantumcunque fides
annuntiata sit barbaris probabiliter & sufficiẽ-
ter, & noluerint eam recipere: nontamen hac
ratione licet eos bello persequi, & spoliare bo-
nis suis. Hæc conclusio est expressa S. Tho. se-
cunda secundæ, q. 10. articu. 8. ubi dicit, q̃ infi-
deles, qui nunquã susceperunt fidem, sicut Gẽ-
tiles, & Iudæi, nullo modo sunt compellendi
ad fidem. Et est conclusio communis doctorũ
etiam in iure canonico & ciuili. Et probatur,
Quia credere est uoluntatis: timor autem mul-
tũ minuit de uoluntario, 3. Ethico. & ex ti-
more serui dũtaxat accedere ad mysteria, &
sacramenta Christi, sacrilegum est. Item pro-

y 3 batur

45. d. de Iu- batur ex cap. de Iudæis 45. distin. De Iudæis au-
 dæis. - tē præcepit sancta synodus, nemini deinceps
 ad credendū uim inferre. cui enim uult, Deus
 miseretur, & quem uult, indurat. Non est du-
 bium quin sententia concilii Toletani sit, ut
 non agatur cum Iudæis minis & terroribus
 ad recipiendam fidem. E idem dicit expresse

Grego.

Grego. in c. qui sincera. eadem distin. Qui sin-
 cera (inquit) intentione extraneos à Christia-
 na religione, ad fidem cupiunt perfectam per-
 ducere, blandimentis debent, non asperitati-
 bus studere: nam quicumque aliter agunt, &
 eos sub hoc uelamine à cōsuetā sui ritus uolue-
 rint cultura remouere, suas illic magis quā
 Dei causas probantur attendere. Item proba-
 tur quæstio ex usu & cōsuetudine ecclesiæ. Nū-
 quā enim imperatores Christiani, qui sanctif-
 simos, & sapientissimos pontifices à concilio
 habebant, bellum intulerunt infidelibus, eo
 quod nollent recipere Christianā religionē.
 Item bellum, nullum argumentum est pro ue-
 ritate fidei Christianæ. ergo per bellum barba-
 ri non possunt moueri ad credendum, sed ad
 fingendum se credere, & recipere fidem Chri-
 stianā, quod immane, & sacrilegum est. Et
 quāuis Scot. in 4. dict. 4. q. ultima, dicat, q̄ reli-
 giose fieret, si infideles cogerentur à principi-
 bus minis & terroribus ad fidem: hoc tamē nō
 uidetur intelligere, nisi de infidelibus, qui
 aliās

Scotus

aliās sunt subditi principum Christianorum, de quibus postea dicitur. barbari autem non sunt tales: unde puto q̄ nec Scotus asserit de barbaris istis. Patet itaque; q̄ neque iste titulus idoneus est, & legitimus ad occupandas pro uincias barbarorum.

¶ Alius titulus præteditur serio, & est titulus quintus, scilicet peccata ipsorum barbarorum. Dicunt enim q̄ licet non possint bello infestari ratione infidelitatis suæ, aut quia non recipiunt fidem Christianam, possunt tamē bello peti, propter alia peccata mortalia, quæ multa habēt & ipsa grauissima, ut aiunt. Circa peccata autē mortalia distinguūt. Dicūt enim, q̄ cū sint aliqua peccata, quæ nō sunt cōtra legē naturæ, sed solū cōtra legē diuinā positiuam: pro his barbari non possūt infestari. Alia autē sunt cōtra naturā, ut esus carnis humanæ, concubitus indifferēs, cū matre, sororibus, & cū masculis: & pro his possunt infestari bello; & cogi, ut ab his desistant. Et ratio utriusque est, quia circa alia peccata, quæ sunt contra legem positiuam, non potest eis ostendi euidenter, quod malè faciant: circa alia autem contra legem naturæ, potest eis ostendi, quod offendūt Deū: & per cōsequēs coerceri ne offendāt Deū. Præterea possunt cogi ut seruēt legē, quā ipsi profitētur, ea autē est lex naturæ. Hæc est opinio. Archiepis. Florenti. tertia parte, titulo 22. cap. Archiepis.

*Augus.**Anch.**Syluest.**Innocent.**Gene. 19.*

§. c. 8. post Augus. Anch. idem Syluest. in verb. papa. §. septimo : & est opinio. Innocen. in c. q̄ super his. de uoto. ubi expresse dicit, Credo quodd si gentiles, qui non habēt nisi legem naturæ; contra legem naturæ faciant, poterūt per papam puniri. Arguitur Genes. 19. ubi Sodomitæ pūiti sunt à Deo. Cū autem Dei iudicia sint nobis exemplaria, non uideo quare papa, qui est uicarius Christi, hoc non possit. Hæc Innocen. Et eadem ratione poterunt autoritate papæ puniri à principibus Christianis. Sed pono corollariū, Principes* Christiani, etiā autoritate papæ nō possunt coercere barbaros à peccatis contra legem naturæ. nec ratione illorum eos punire. Probatur primo. Quia præsupponunt falsum, quodd papa habeat iurisdictionē in illos, ut suprà dictum est. secundo, quia uel intelligunt uniuersaliter pro peccatis contra legem naturæ, ut pro furto, fornicatione, adulterio, uel peculiariter pro peccatis contra naturā, de quibus S. Tho. secunda secundæ, q. 154. arti. 11. ad secundum. quomodo peccatum contra naturam dicitur non solum quia est contra legem naturæ, sed contra ordinem naturalem, de quo 2. ad Corin. 2. uocatur immunditia, secundum glos. ut cōcubitus puerilis, & bestialis, uel scēminæ ad scēminam : de quo ad Rōm. 1. Si secūdo modo solum, cotrà arguitur. Quia homicidium est
ita

ita graue, uel grauius peccatum, & ita manifestum, quòd si pro illis licet, ergo & pro homicidio. Item blasphemia est ita graue peccatum, & ita manifestum. Si primo modo, id est generaliter pro omni peccato còtra legem naturæ: còtra, pro fornicatione nō licet. ergo nec pro aliis peccatis contra legem naturæ. Antecedēs patet 1. ad Corin. 5. Scripsi uobis in epistola, 1. Corin. 5. ne cōmisceamini fornicariis. Et primū, si quis frater nominatur inter uos fornicator, aut idolis seruiens, &c. & infrā, Quid enim mihi de his, quæ foris sunt, iudicare? ubi S. Tho. dicit, S. Thom.
Prælati acceperunt potestatem super eos tantum, qui se fidei subdiderūt. Vbi apertè patet, quòd Paulus dicit non spectare ad eum iudicium de infidelibus, & fornicariis, aut idololatriis. Itē nec omnia peccata contra legē naturæ possunt euidenter ostendi, saltem omnibus. Item hoc tantundem est dicere, ac si quis dicat, quòd propter infidelitatem liceat barbaros debellare: omnes enim sunt idololatræ. Item non licet papæ inferre bellum Christianis, quia sunt fornicarii, aut fures, imo quia sunt cynedi: nec ideo potest publicare terras eorum, & dare aliis principibus, hoc enim modo cū in omni prouincia sint multi peccatores, quotidie possent mutari regna. Et confirmatur. Grauiora enim peccata sunt hæc apud Christianos, qui sciunt illa esse peccata, quàm
y 5 apud

apud barbaros, qui ignorant esse peccata. Item mirum est, quod papa non possit ferre leges infidelibus, & possit exercere iudicia, & inferre pœnas. Item arguitur, & certè uidetur convincere, quia uel barbari tenentur ferre pœnas illatas pro illis peccatis, uel non. Si non tenentur, ergo nec papa potest inferre. si tenentur, ergo tenentur recognoscere papam tanquam dominum, & legislatorem. ergo si non recognoscatur, iam propter hoc solum potest eis inferri bellum: quod tamen isti negant, ut supra dictum est. Et profectò mirum est quod possunt impune negare auctoritatem, & iurisdictionem papæ: & tamen teneantur subire iudiciũ eius. Item nõ possunt acceptare iudicium papæ, qui non sunt Christiani. nullo enim alio iure papa potest eos condemnare aut punire, nisi quia uicarius Christi. Sed isti fatentur, tam Innocentiũ, August. Ancha. quàm etiam Archiepi. & Syluest. quod non possunt puniri, quia non recipiunt Christum. ergo nec quia non recipiunt iudicium papæ. hoc enim præsupponit illud. Et confirmatur, q̃ nec iste titulus, nec præcedens sit sufficiens. Quia etiam in ueteri Testamento, ubi tam armis res gerebatur, nunquã populus Israël occupauit terras infidelium: uel quia essent infideles, & idololatræ, uel quia haberet alia peccata cõtra naturã, qui multa habebant, quia erant idolo

idololatraz, & alia peccata contra naturã habebant, ut quia sacrificabant filios suos, & filias suas dæmoniis: sed uel ex spiritali dono Dei, uel quia trãsitũ impediabãt, & eos offenderãt. Itẽ quid isti uocãt profiteri legẽ naturã? si est cognoscere, nõ totam cognoscunt: si est uelle seruare legem naturã, contrã, etiam uolũt seruare totam legem diuinam. si enim scirent legem Christianam esse diuinam, uellent seruare. ergo non magis profitentur legem naturã, quàm Christianam. Item profectò maiores probationes habemus ad probandum legem Christi esse à Deo, & esse uerã quàm ad pbandũ q̃ fornicatio est mala, uel quẽrẽda alia, etiã lege naturali prohibita. Ergo si possunt cogi ad obseruãdũ leges naturã, quia potest probari: ergo etiã ad obseruationẽ legis euangelicã.

¶ Restat alius & sextus titulus, qui prætenditur, scilicet per electionem uolũtariam. Hispani enim cùm ad barbaros perueniunt, significant eis, quemadmodum rex Hispaniæ mittit eos pro cõmodis eorũ, & admonent eos, ut illum pro domino, & rege recipiant, & acceptent. & illi retulerũt placere sibi. & nihil tam naturale est, quàm uoluntatem domini uolentis rem suam in alium transferri, ratam haberi. Instituta de rerũ diuisione, §. per traditionem. Et est conclusio quòd neciste titulus est idoneus. Patet primò, Quia deberet abesse metus, &

tus, & ignorantia, quæ uitiant omnem electionem. Sed hæc maxime interuenit in illis electionibus, & acceptationibus. nesciunt enim barbari quid faciunt, imò fortè nec intelligūt quid petunt Hispani. Item hoc petunt circumstantes armati ab imbelli turba, & meticulosa. Item cū illi (ut suprà dictum est) haberēt ueros dominos, & principes, non potest populus sine alia rationabili causa accersere nouos dominos: quod est in detrimentum priorum. Item nec econtrario ipsi domini possunt nouum principem creare sine assensu populi. Cū ergo in huiusmodi electionibus & acceptationibus non concurrant omnia requisita ad legitimam electionem, omnino ille titulus nō est idoneus nec legitimus ad occupandas & obtinendas illas prouincias.

¶ Septimus titulus qui possit prætendi, scilicet ex speciali dono Dei. dicunt enim nescio qui, quòd Dominus in suo peculiari iudicio condemnauit istos barbaros omnes ad perditionem, propter abominationes suas, & tradidit in man^u Hispanorū, sicut olim Cananæos in manus Iudæorum. Sed de hoc nolo multum disputare; quia periculose crederetur alicui prophetiam asserenti contra communem legem, & contra regulas Scripturæ, nisi miraculis confirmaret doctrina sua: quæ tamen nulla proferūtur ab huiusmodi prophetis. Item
dato

dato quòd ita esset, quòd Dominus perditionem barbarorum facere constituisset, non tamen ideo consequitur, quòd ille, qui eos perderet, esset sine culpa, sicut nec erant sine culpa reges Babyloniæ, qui contra Ieroboam ducebant exercitum, & filios Israël ducebant in captiuitatem: licet re uera totú fuerit ex peculiari prouidentia Dei: sicut sæpe illud erat prædictum. Nec Ieroboam rectè auertit populum Israël à Roboam, quamuis hoc factum fuisset concilio Domini, sicut etiam Dominus per Prophetá comminatus fuerat: & utinà secluso peccato infidelitatis, non sint maiora peccata in moribus apud aliquos Christianos, quàm sunt inter illos barbaros. Scriptum est 1. Iohã. 4. Nolite credere omni spiritui, sed probate spiritus, utrum ex Deo sint. & ait S. Tho. prima secūdæ, q. 68. Dona dātur à Spiritu sancto ad perficiendum uirtutes. Vnde ubi fides, aut authoritas, aut prouidentia ostēdit quid agendum sit, non est recurrendum ad dona. Hæc de falsis & non idoneis titulis occupandi provincias barbarorum sufficiant. Sed notādum, quòd ego nihil uidi scriptum de hac quæstione, nec unquam interfui disputationi, aut cōsilio de hac materia: unde fieri posset, ut alii fortasse fundēt titulum, & iustitiam huius negotiationis, & principatus in aliquo prædictorum locorum, nō sine ratione aliqua. Sed ego
hactenus

hactenus non possum aliud intelligere, nisi quod dictum est: unde si non essent alii tituli quàm isti, profectò malè consultum esset saluti principum, uel potiùs eorum, ad quos spectat hæc dirigere. nam principes sequuntur aliorum consilium: quia per se hæc examinare non possunt. Quid prodest homini si uniuersum mundum lucretur, seipsum uerò perdat, & detrimentum sui faciat? Matth. 16. & Marc. 8. & Luc. 9.

DE TITVLIS, QVIBVS *barbari potuerint uenire in ditionem Hispanorum.*

S V M M A.

- 1 Barbari quomodo potuerunt uenire in ditionem Hispanorū ratione naturalis societatis, & cōmunitatis.
- 2 Hispani, quòd habeant ius peregrinandi ad Indorum barbarorum prouincias, & illic degendi, sine tamen eorū nocumento aliquo, nec possunt ab illis prohiberi.
- 3 Hispanis, quòd liceat apud Indos barbaros negotiari, sine patriæ tamen incommodo, importando merces, quibus illi carent, &c. & efferendo inde aurum, & argentum, uel alia quibus abundant. nec illorum Principes possunt impedimēto esse quominus subditi exerceant commercia inter Hispanos, &c.
- 4 Barbaris, quòd non liceat prohibere Hispanos à communicatione & participatione illorum, quæ apud eos sunt communia tam ciuibus, quàm hospitibus.

Liberi.

- 8 Liberi, si apud Indos nascantur ex parentibus Hispanis illic domicilium habentibus & uelint esse ciues, quod non possint arceri, uel à ciuitate, uel à commodo aliorum ciuium, ostenditur.
- 6 Barbari si uellent prohibere Hispanos quominus excerent cum illis commercia, &c. quid esset agendum.
- 7 Hispani si omnibus modestissime tentatis, non possunt consequi securitatem cum barbaris insulanis, nisi ciuitates occupando, & subiiciendo illos, an hoc facere licitè possint.
- 8 Hispani, quando, & in quo casu possent scire in barbaros tanquam in perfidos hostes, & in illos omnia belli iura prosequi, eos spoliare, imò & in captiuitatem redigere, quin etiam & dominos priores deponere, & nouos constituere.
- 9 Barbari quod causa religionis Christianæ propagandæ potuerunt in Hispanorum ditionem uenire. Et quod Christiani habeant ius prædicandi, & annuntiandi Euangelium in prouincijs barbarorum.
- 10 Papa, quod potuerit negotium conuersionis Indorum barbarorum solis Hispanis demandare, & omnibus alijs non solum prædicationem, sed etiam commercium interdicere.
- 11 Barbari, quod non sint debellandi, neque eorum bonis priuandi, si permittant Hispanos liberè, & sine impedimento Euangelium prædicare, siue illi fidem recipiant, siue non.
- 12 Barbari, siue eorum domini, siue ipsa multitudo, impediètes Euangelij promulgationem, quomodo ab Hispanis (absque tamen scandalo) possint coerceri. Et quid dicendum de his, qui prædicationem admittunt, conuersionem tamen aut interficiètes, uel punientes,
siue ter

- flue terrentes ad Christum conuersos impediunt.
- 13 Barbari, quomodo potuerunt in Hispanorum ditionem uenire, eo quod cum essent conuersi, & Christiani effecti, eorum principes ui, aut metu uolentes eos ab idololatria reuocare, ab Hispanis fuerint protecti, & sub eorum tutelam recepti.
- 14 Barbari, quod in Hispanorum uenire potuerint ditionem: quia cum bona pars eorum esset ad Christum conuersa, Papa, illis petentibus, aut non petentibus, potuerit ex rationabili causa dare illis Christianum principem, ut est Hispanorum rex, alijs dominis infidelibus repulsis.
- 15 Barbari insulam quomodo in ditionem Hispanorum uenire potuerunt propter tyrannidem.
- 16 Barbari Indi, quod potuerint in Hispanorum ditionem uenisse per ueram, & uoluntariam electionem.
- 17 Barbari, quod societatis, & amicitiae titulo potuerunt uenire in ditionem Hispanorum.
- 18 Hispani quod potuissent barbaros redigere sub eorum ditionem, si certò constaret eos esse amentes.

P R I M V S titulus potest uocari naturalis societatis, & communicationis. Nunc dicā de legitimis titulis, et idoneis, quibus barbari uenire potuerunt in ditionem Hispanorum. Et circa hoc sit prima conclusio, Hispani¹ habent ius peregrinandi in illas prouincias, & illic degendi, sine aliquo tamen nocumēto barbarorum, nec possunt ab illis prohiberi. Probatur primò ex iure gentium, quod uel est ius naturale, uel deriuatur ex iure naturali. Insti. de iure naturali, genti. quod naturalis ratio inter

tio inter omnes gētes constituitur, uocat ius gētium. Sic enim apud omnes nationes habetur inhumanum sine aliqua speciali causa hospites & peregrinos malè accipere: e contrario autem humanum, & officiosum, se habere bene erga hospites: quod non esset, si peregrini malè facerent, accedentes in alienas nationes. Secūdò, A principio orbis (cum omnia essent communia) licebat unicuique in quamque regionem uellet, intendere & peregrinari. Non autem uidetur hoc demptum per rerū diuisionem. nunquam enim fuit intentio gentium per illam diuisionem tollere hominū inuicem communicationem: & certè tēporibus Noë fuisset inhumanū. Tertio, Omnia licent, quæ non sunt prohibita, aut aliàs sunt in iniuria aut detrimento aliorum. Sed (ut supponimus) talis peregrinatio Hispanorum est sine iniuria aut damno barbarorum: ergo est licitū. Quartò, Non liceret Gallis prohibere Hispanos à peregrinatione Galliæ, uel etiam habitationis, aut econtrariò, si nullo modo cederet in damnum illorum, nec facerent iniuriam. ergo nec barbaris. Item quintò, Exilium est pœna etiam inter capitales. ergo non licet relegare hospites sine culpa. Item, sextò Hæc est una pars belli, prohibere aliquos tanquam hostes à ciuitate, uel prouincia, uel expellere iam existentes. Cum ergo barbari non habeant iustū

z bellum

bellum contra Hispanos, Supposito q̄ sint innoxii. ergo non licet illis prohibere Hispanos à patria sua. Item septimò facit illud Pœtæ,

Quod genus hoc hominum, q̄æuue hunc tam barbara morem,

Permittit patriam hospitio, prohibemur arena?

Eccle. 17.

Item octauo, Omne animal diligit sibi simile. Ecclesiasti, 17. ergo uidetur q̄ amicitia inter homines sit de iure naturali: & contra naturā est uitare consortium hominum innoxiorum.

Mat. 25

Item nonò facit illud Matth. 25. Hospes eram, & non collegistis me. Vnde cū iure naturali uideantur recipere hospites, illud Christi iudicium statuatur cum omnibus. Decimò, iure naturali communia sunt omnium, & aqua profluens, & mare: item flumina, & portus, atque naues iure gentium undecunque licet applicare. Institu. de rerum diuisione: & eadem ratione uidetur publicè. ergo neminem licet ab illis prohibere. ex quo sequitur, quòd barbari iniuriam facerent Hispanis, si prohiberent illos à suis regionibus. Item undecimò, ipsi admittūt omnes alios barbaros undecūque. ergo facerent iniuriam non admittentes Hispanos. Itē duodecimò, Quia si Hispanis non liceret peregrinari apud illos, uel hoc esset iure naturali, aut diuino, aut humano: naturali & diuino certè licet. si lex humana esset, quæ prohiberet

ret

ret sine aliqua causa à iure naturali, & diuino, esset inhumanum, nec esset rationabilis, & per consequens non haberet uim legis. Decimo tertio, Vel Hispani sunt subditi illorum, uel non. Si non sunt subditi, ergo nō possūt prohibere. Si sunt subditi, ergo debēt eos bene tractare. Item decimoquarto, Hispani sunt proximi barbarorū, ut patet ex Euāgelio Luc. 10. de Samaritano. Sed tenentur diligere proximos, Matth. 22. sicut se ipsos. ergo nō licet prohibere illos à patria sua sine causa. Aug^s. de doctrina Christiana, Cū dicitur, Diliges proximum tuū, manifestū est omnē hominē proximū esse.

Augus.

¶ Secunda propositio, Licet* Hispanis negotiari apud illos, sine patriæ tamen damno, puta exportantes illuc merces, quibus illi carēt: & adducētes illinc uel aurū, uel argētum, uel alia, quibus illi abundant. nec principes illorū possunt impedire subditos suos ne exerceant commercia inter Hispanos, nec econtrario cū illis. Probatur ex prima. Primò, quia etiā hoc uidetur ius gentium, ut sine detrimento ciuiū peregrini commercia exerceant. Item secundò eodem modo probatur, Cū hoc liceat iure diuino, ergo lex quæ hoc prohiberet sine dubio, causa non esset rationalis. Itē tertio, Princeps tenetur diligere Hispanos iure naturali. ergo non licet eis si potest fieri sine detrimento illorum, prohibere illos à cōmodis suis si-

ne causa. Quartò, Quia uidetur facere contra illud prouerbiũ, Nò facies alteri, quod tibi fieri nò uis. Et in summa certũ est, quòd nò plus possunt barbari prohibere Hispanos à commercio suo, quàm Christiani possunt prohibere alios Christianos. Clarum est autẽ, quòd si Hispani prohiberẽt Gallos à còmercio Hispaniarum, non propter bonum Hispaniæ, sed ne Galli participent aliquam utilitatem, lex esset iniqua, & contra charitatem. si autem hoc lege cauere iustè non potest, nec etiam facto fieri (quia lex non est iniqua, nisi propter executionem legis. & ut dicitur. ff. de iusti. & iure, uelut uim inter homines omnes cognationẽ quandam, natura constituit) uidetur contra ius naturale, ut homo hominem sine aliqua causa aduersetur. Nò enim homini homo lupus est, ut ait Ouidius, sed homo.

- 4 ¶ Tertia propositio, Si* quæ sunt apud barbaros còmunia tam ciuibus quàm hospitalibus, non licet barbaris prohibere Hispanos à communicatione & participatione illorum. Exempli gratia, Si licet aliis peregrinis uel effodere aurum in agro communi uel ex fluminibus, uel piscari margaritas in mari, uel in flumine: non possunt prohibere Hispanos, eo modo duntaxat, quo aliis licet, cùm diuites ciues, & naturales incolæ nò grauẽtur. Hæc probatur ex prima, & secunda. Nam si licet Hispanis

nis peregrinari & negotiari apud eos, ergo licet eis uti legibus & cōmodis oīm peregrinorū. Secūdo, Quia quæ in nullius bonis sunt, iure gētiū sunt occupātis. Insti. de rerū diui. §. ferre bestiæ. ergo si aurū in agro, uel margaritæ in mari, aut aliud quodcūque in fluminib⁹ nō est appropriatū iure naturali, erit occupātis, sicut & pisces in mari. Et quia multa hīc uidētur procedere ex iure gentium, non quod sit ius gentium: tamē quia deriuatur sufficienter ex iure naturali, manifestam uim habet ad dandum ius & obligandum. Et dato quod nō semper deriuetur ex iure naturali, satis uidetur esse consensus maioris partis totius orbis, maximē pro bono cōmuni omniū. Si enim post primā tēpora creati orbis, aut reparati post diluuiū, maior pars hominū cōstituerit, ut legati ubique essent inuiolabiles, ut mare esset commune, ut bello capti essent serui, & hoc ita expediret ut hospites non exigerentur: certē hoc haberet uim, etiam aliis repugnantibus.

¶ Quarta Propositio, Imò * si ex aliquo Hispano nascantur ibi liberi, & uelint esse ciues, non uidetur quod possint prohiberi uel à ciuitate uel à commodis aliorum ciuium. dico ex parentibus habentibus illic domicilium. Probatur, Quia hoc uidetur esse de iure gentium, ut ciuis dicatur, & sit, qui natus est in ciuitate. ff. de appe. l. ciues. Et cōfirmatur, Quia cū hō

mo sit animal ciuile, talis natus in una ciuitate, nō est ciuis alteri⁹ ciuitatis. Si ergo nō esset ciuis illi⁹ nō esset ciuis allicui⁹ ciuitatis, per qđ impediretur à iure naturali, & gētiū: imò uide-
tur, qđ qui uellet accipere domiciliū in aliqua ciuitate illorum, ut accipiēdo uxorem, uel alia ratione, qua alii peregrini solent fieri ciues: non uidetur quòd possint prohiberi plusquā alii: & per consequens gaudere priuilegiis ciuium sicut alii, modò etiam subeant onera aliorum. Etiam facit, quòd hospitalitas commendatur 1. P. 4. Hospitales inuicē. & 1. ad Timo. 3. de episcopo, Oportet episcopum hospitalē esse, unde econtrario nolle accipere hospites, & peregrinos, est de se malum.

1. Pet. 4.
Timot. 3.

¶ Quinta propositio, Si barbari uelint prohibere Hispanos in supra dictis à iure gentiū, putà uel commercio, uel aliis, quæ dicta sunt, Hispani primò debent ratiōe, & suasionibus tollere scādalū, & ostendere omni ratiōe se nō uenire ad nocēdum illis, sed pacifice uelle hospitari, & peregrinari sine aliquo incommodo illorum: & non solū uerbis, sed etiā ratione ostendere, iuxta illud, Omnia sapientes prius experiri decet. Quòd si reddita ratione barbari nolunt acquiescere, sed uelint ui agere, Hispani possunt se defendere, & omnia agere ad securitatem suam conuenientia: quia uim ui repellere licet. Nec solū hoc, sed si aliter tuti esse non

se nō possunt, artes, & munitiōes edificare : & si acceperint iniuriam, illam authoritatē principis bello prosequi, & alia belli iura agere. Probatur, Quia causa belli iusti est ad propulsandam & uindicandam iniuriam, ut suprà dictum est ex S. Tho. secunda secundæ, q. quarta. sed barbari prohibentes iure gentium Hispanos, faciūt eis iniuriam : ergo si necesse sit ad obtinendum ius suum bellum gerere, possunt hoc licitè facere. Sed est notādum, quòd cū barbari isti sint natura meticulosi, & aliās stolidi, & stulti, quātūcūque Hispani uelint eos demere à timore & reddere eos securos de pacifica conuersatione: possunt adhuc meritò timere, uidentes homines cultu extraneos, & armatos, & multo potētiores se. Et ideo si commoti hoc timore cōcurrunt ad exigendos, uel occidendos Hispanos, liceret quidem Hispanis se defendere, & seruato moderamine inculpatæ tutelæ, nec alia belli iura liceret exercere in illos, putà uel parta uictoria, & securitate, occidere illos, uel spoliare, uel occupare ciuitates eorū, quia in illo casu sunt innocētes, & meritò timēt, ut supponim⁹. Et ideò debēt Hispani se tueri : sed quātū fieri poterit cū minimo detrimēto illorum, quia est bellū dūtaxat defensiuū. Nec est incōueniēs, q̄ cū ex una parte est ius, & ex altera ignorantia inuincibilis, quòd sit bellum iustum ex utraque parte. Vt si

cut Galli tenent Burgundiam cum probabili ignorantia, credentes pertinere ad eos, Imperator autem noster habet ius certum ad illam prouinciã, qui potest bello repetere, & illi illam defendere: sic potest contingere cum barbaris, & hoc multum est considerandum. Alia enim sunt iura belli aduersus homines uerè noxios, & iniuriosos, & alia aduersus innocentes, & ignorantes. Sic etiam aliter uitandum est scandalum Phariseorum, aliter pusillorum, & infirmorum.

7 ¶ Sexta propositio, Si* omnibus tètatis, Hispani non possunt consequi securitatem cum barbaris, nisi occupãdo ciuitates, & subiiciendo illos, licite possunt hoc etiam facere. Probat, Quia finis belli est pax, & securitas: ut dicit Augu. ad Bonifacium. postquam (ut dictum est) licet Hispanis bellum suscipere, uel etiam si necesse sit, inferre, ergo licet omnia facere necessaria ad finem belli, scilicet ad obtinendam securitatem & pacem.

8 ¶ Septima cõclusio, Imò* si postquã Hispani omni diligentia, & re, & uerbo ostendissent, non stare per eos quin barbari pacificè, & sine damno suarum rerum agant, nihilominus barbari perseuerarent in malitia sua, & contenderent ad perditionem Hispanorum: iam tunc non tanquã cum innocentibus, sed tanquam cum perfidis hostibus agere possent, & omnia belli

belli iura in illos prosequi, & spoliare illos, & in captiuitatem redigere, & dominos priores deponere, & nouos constituere, moderatè tamen pro qualitate rei & iniuriarum. Hæc conclusio satis patet, quia, si licet eis bellū indicare, ergo etiam iura belli persequi. Et confirmatur, Quia non debent esse melioris conditionis, quia sunt infideles. Sed hæc omnia licerēt aduersus Christianos, si semel esset iustum bellum: ergo etiam licet aduersus illos. Item hoc est generale ius gentiū, ut omnia capta in bello fiant uictoris, ut habetur in l. si quid in bello. & l. hostes. ff. de captiuis. & c. ius gentium. i. distin. & expressiūs Institu. de rerum diuisione. §. Item qui ab hostibus. ubi dicitur, quòd iure gentium, quæ ab hostibus accepimus, statim nostra fiunt, adeò ut etiam homines in nostram seruitutem deducantur. Item, quia (ut doctores dicūt in materia de bello) princeps, qui habet iustum bellum, fit ipso iure iudex hostium, & potest eos iuridicè punire, & condemnare pro qualitate iniuriarum. Et confirmantur omnia suprà dicta. Quia legati iure gentium sunt inuiolabiles. & Hispani sunt legati Christianorum: ergo barbari tenentur eos audire, saltem benigniter, & non repellere. Iste ergo est primus titulus quo Hispani potuerunt occupare prouincias, & principatum barbarorum, modò fiat sine dolo, & fraude,

z § & non

& non quærant fictas causas belli. Si enim barbari promitterent Hispanos pacificè negotiari apud illos, nullam possent Hispani ex hac parte prætere iustam causam occupandi bona illorum non plusquam Christianorum.

¶ Alius titulus potest* esse, scilicet causa religionis Christianæ propagandæ: pro quo sit prima conclusio, Christiani habent ius prædicandi, & annuntiandi Euangelium in provinciis barbarorum. Hæc conclusio nota est ex illo, Prædicate Euāgeliū omni creaturæ, &c. Item,

1. *Thimo.* 2. Verbum Domini non est alligatum. 2. *Thim.* 2. Secundò patet ex prædictis, Quia si habent ius peregrinandi, & negotiandi apud illos, ergo possunt docere uirtutem uolenti audire, maximè de spectantibus ad salutem, & felicitatem multò magis, quàm aliquam humanā disciplinā. Tertiò, Quia aliàs illi essent extra statum salutis, sinò liceret Christianis ire ad eos ad annuntiandum Euangelium. Quartò, Quia correctio fraterna est de iure naturali, sicut & dilectio. cùm ergo omnes illi sint nō solum in peccatis, sed extra statū salutis: ergo ad Christianos spectat corrigere & dirigere eos, imò uidetur q̄ teneātur ad hoc. Quintò & ultimò Quia sunt proximi, ut suprā dictum est, & uni cuique mandauit Deus de proximo suo. Ecclesiast. 17. ergo spectat ad Christianos instruere illos ignorantes de summis rebus.

¶ Secunda

¶ Secunda cōclusio, Licet* hoc sit commune & liceat omnibus, tamen papa potuit hoc negotium mandare Hispanis, & interdicere omnibus aliis. Probat, Quia licet, ut supra dictū est, papa non sit dominus temporalis, tamē habet potestatem in temporalibus in ordine ad spiritualia. ergo cū spectet ad papam specialiter curare promotionem Euangelii in totum orbem, si ad prædicationem Euangelii in illis prouinciis commodiū possent principes Hispani dare operam, potest eis committere, & interdicere omnibus aliis: & non solum interdicere prædicationem, sed etiam cōmercium, si hoc ita expediret ad religionis Christianæ propagationem, quia potest ordinare tēporalia, sicut expedit spiritualibus. Si ergo hoc ita expedit, ergo spectat ad authoritatē & potestatem summi pontificis: sed omnino uidetur ita expedire, eoq; si indiscriminatim ex aliis prouinciis Christianorū cōcurrerent ad illas prouincias, possent se inuicem faciliē expedire, & excitare seditiones: unde & trāquillitas impediretur, & turbaretur negotium fidei, & conuersio barbarorum. Præterea cū principes Hispani suis auspiciis, & sumptibus primi omnium eam nauigationē susceperint, & tam feliciter nouum orbem inuenerint: iustum est, ut ea peregrinatio aliis interdicatur, & ipsi solum fruantur inuentis. Sicut etiam pro pace conseruanda

conseruanda inter principes, & religione amplificanda, potuit papa prouincias Saracenorum inter principes Christianos ita distribuire, ne alius in alterius partes transeat: sic etiam posset pro cōmodo religionis principes creare, & maximè ubi antea nulli fuissent principes Christiani.

¶ Tertia conclusio, Si *barbari permittant Hispanos liberè & sine impedimento, prædicare Euangelium, siue illi recipiant fidem, siue nō: nō licet hac ratione intētare illis bellum, nec aliās occupare terras illorum. Hæc probata est superiùs, ubi confutauimus quartum titulum: & per se patet, quia nunquam est bellum iustum, ubi nulla præcessit iniuria, secūda secundæ, q. 40. arti. r.

¶ Quarta conclusio, *Si barbari, siue ipsi domini, siue etiam multitudo impediāt Hispanos quominus liberè annūtient Euāgelium, Hispani reddita prius ratione ad tollendum scandalum, possunt illis inuitis prædicare, & dare operam ad conuersionem gentis illius: & si sit opus propter hoc, bellū suscipere, uel inferre, quo usque pariant opportunitatem & securitatem prædicandi Euangelium. Et idem est iudicium, si etiam permittentes prædicationem, impediāt conuersionem, occidētes, uel aliter puniētes conuersos ad Christum, uel minis, aut terroribus alios deterrentes. Hæc patet,

patet, Quia faciunt in hoc barbari iniuriam Hispanis, ut patet ex dictis. patet enim iustā esse belli causam. Secundò etiā, Quia impeditur commodum ipsorum barbarorum, quòd principes eorum non possunt impedire iustè. Ergo in fauorem illorum qui opprimuntur, & patiuntur iniuriam, possunt Hispani mouere bellum, maximè cū res sit tanti momenti. Ex qua etiam quæstione patet, quòd etiā hac ratione, si aliter negotium religionis procurari non potest, licet Hispanis occupare terras, & prouincias illorum, & novos dominos creare, & antiquos deponere, & prosequi iure belli, quæ in aliis bellis iustis licitè fieri possent, seruato semper modo, & ratione, ne ultra procedatur, quā opus sit: & potius de proprio iure remittatur, quā aliud quod licet, inuadendo, & semper omnia dirigendo magis ad commodum barbarorum, quā ad proprium quæstum. Sed considerādum ualde est quod Paul, dicit 1. ad Cor. 6. Omnia mihi licet 1. Corin. 6. sed non omnia expediunt. Hæc enim omnia quæ dicta sunt, intelliguntur per se loquendo. Fieri enim potest, ut per hæc bella, cædes, & spolia, potius impediretur conuersio barbarorū, quā quæreretur, & propagaretur. Et ideo hoc in primis cauendum est, ne offendiculum ponatur Euangelio. Si enim ponatur, cessandum esset ab hac ratione euangelizandi, & alia quærenda

quærenda esset. Sed nos ostendimus quòd per se licent. Ego non dubito quin opus fuerit ui & armis ut possent Hispani illic perseuerare: sed timeo ne ultra res progressa sit, quàm ius fasque permittebant. Iste ergo potuit esse secundus titulus legitimus, quo barbari potuerunt cadere in ditione Hispanorum. Sed semper habendum est præ oculis quod statim dictum est, ne hoc quod per se licitum est, reddatur malum per accidens: quia bonum est ex integra causa, malum autem per circumstantiam, ex Aristo. 3. Ethico. & Dionysio. 4. c. de diuinis nominibus.

23 ¶ Alius titulus potuit* esse, qui deriuatur ex isto, & est, Si qui ex barbaris conuersi sunt ad Christum, & principes eorum, ui aut metu, uolunt eos reuocare ad idololatriam, Hispani hac ratione etiam si necesse sit, possunt, si aliàs fieri nõ potest, mouere bellum, & cogere barbaros ut desistant ab illa iniuria, & contra per tinaces iura belli prosequi, & per consequens aliquando dominos deponere, sicut in aliis bellis iustis. & iste potest poni tertius titulus, & non solum titulus religionis, sed amicitie & societatis humanæ. Ex hoc enim quòd aliqui barbari sint conuersi ad religionem Christianam, sunt facti amici & socii Christianorum: & debemus operari bonum ad omnes, maxime autem ad domesticos fidei, ad Galat. 6

¶ Alius

* ¶ Alius titulus potest esse, * Si bona pars barbarorum conuerſi eſſent ad Chriſtum ſiue iure, ſiue iniuria, id eſt, dato q̃ minis, aut terroribus, uel aliàs nõ ſeruatis ſeruãdis, dũ modo uerè eſſent Chriſtiani, papa ex rationabili cauſa poſſet, uel ipſis petentibus, uel etiam non petentibus, dare illis principem Chriſtianum, & auferre alios dominos infideles. Probat, Quia ſi ita expediret ad conſeruationem religionis Chriſtianæ, quia timetur ne ſub dominis infidelibus apoſtatæ fiant, id eſt deficiant à fide, uel illa accaſione grauentur à ſuis dominis: in fauorem fidei papa potest mutare dominos. Et confirmat, Quia (ut doctores dicũt) & expreſſè S. Tho. ſecunda ſecundæ, q. 10. articu. 10. eccleſia poſſet omnes ſeruos Chriſtianos, qui ſeruiunt infidelibus, liberare eos, etiam ſi aliàs eſſent legitimè captiui. & hoc expreſſè dicit Innocentiũ. in d. c. ſuper his. de uot. Ergo magis poterit liberare alios ſubditos Chriſtianos, qui non ſunt tã aſtriçti, ſicut ſerui. Et cõfirmatur, Quia tãtum, uel plus, tenetur uxor uiro, ſicut ſubditus domino cùm illud uinculum ſit iuris diuini, hoc autem non: ſed in fauorem fidei liberatur uxor fidelis à uiro infideli, ſi maritus ei moleſtus eſt pro religione, ut patet ex Apoſtolo ad Cor. 7. & c. quanto. de diuortiis. Imò ita nunc conſuetũ eſt, ut ipſo facto, quòd alter coniugum conuertitur ad fidem, ſit liber ab alio

alio coniugum infideli: ergo etiam ecclesia in fauorem fidei, & ad uitandum periculum, potest liberare omnes Christianos ab obedientia, & subiectione dominorum infidelium, secluso scandalo. Et ponitur iste quartus titulus legitimus.

¶ Alius titulus potest* esse propter tyrannidē, uel ipsorum dominorum apud barbaros, uel etiam propter leges tyrannicas in iniuriam innocentum, puta quia sacrificant homines innocentes, uel alios occidunt indemnatos ad uescēdum carnibus eorum. Dico etiam, quod sine authoritate Pontificis possunt Hispani prohibere barbaros ab omni nefaria consuetudine, & ritu, quia possunt defendere innocentēs à morte iniusta. Hoc probatur, Quia unicuique mandauit Deus de proximo suo: & illi omnes sunt proximi: ergo quilibet potest defendere illos à tali tyrannide, & oppressione. & hoc maximè spectat ad principes. Item probatur 24. d. Erue eos, qui ducuntur ad mortē, & qui trahūtur ad interitum, liberare necesse est. Nec hoc solum intelligitur cū actu ducuntur ad mortem, sed etiam possunt cogere barbaros, ut cessent à tali ritu: & si nolunt, hac ratione potest eis bellum inferri, & iura belli in eos persequi. & si aliter tolli non potest sacrilegus ritus, possunt mutare dominos, & nouum principatum inducere. Et quantum ad hoc

hoc habet uerū illa opinio Inno. & Archiepi. supposito, q̄ pro peccatis contra naturam possunt puniri. intelligendū inquā, quando sunt in detrimētum innocentum: ut ex hoc quod facere prohibentur, scilicet sacrificare innocētes, & in esum conuertere. Nec obstat, q̄ omnes barbari cōsentiant in huiusmodi leges, & sacrificia, nec uolūt se hoc uindicari ab Hispanis. in his enim non ita sunt sui iuris, ut possint seip̄s, uel filios suos tradere ad mortem. & iste posset esse quintus titulus legitimus.

¶ Alius titulus posset esse* per ueram & uolūtariam electionem, putā si barbari ipsi intelligentes & prudētem administrationem, & humanitatem Hispanorum, ultrò uellent accipere in principem regem Hispaniæ tam domini, quā alii: hoc enim fieri posset, ut esset legitimus titulus etiam de lege naturali. quælibet enim respublica potest sibi constituere dominum, nec ad hoc esset necessarius consensus omnium, sed uidetur sufficere consensus maioris partis. Quia sic aliās disputauī in his, quæ spectant ad bonum reipublicæ. Illa quæ constituuntur à maiori parte, tenent, etiam aliis contradicētibus: aliās nihil posset geri pro utilitate reipublicæ, cū difficile sit, ut omnes conueniant in unam sentētiam. Vnde si in aliqua ciuitate, aut prouincia maior pars esset Christianorum, & illi in fauorem fidei, & pro

A bono

bono communi uellent habere principē Chri-
stianum, credo quòd possent eligere, aliis in-
uitis, etiā relinquendo alios dominos in fide-
les: & dico q̄ possent eligere principem, non
solum sibi, sed toti reipub. sicut & Galli pro
bono suæ reipublicæ mutauerunt principes, &
ablato regno à Childerico, tradiderūt Pipino,
Caroli magni patri: quam mutationem Zacha-
rias pontifex comprobauit. & hic potest poni.
sextus titulus.

17 ¶ Alius titulus causa * sociorū & amicorum. 17

Cum enim ipsi barbari inter se gerant aliquā-
do legitima bella, & pars, quæ iniuriam passa
est, & libet contrariæ bellum inferre, potest ac-
cersere Hispanos in auxilium, & præmia ui-
ctoriæ illis communicare, ut ferūtur fecisse Tal-
cathedani contra Mexicanos, qui cum Hispa-
nis composuerunt, ut eos iuuarent ad debel-
landos Mexicanos: haberent autem quicquid
iure belli ad eos spectare poterat. Quòd enim
hæc sit causa iusta belli pro sociis & amicis, nō
est dubium, ut etiam declarat Caieta, secunda
secundæ, q. 4. articu. 1. Quia æquè potest respu-
blica aduocare extraneos ad uindicādum ini-
micos contra extraneos malefactores. Et con-
firmatur, Quia profectò hæc maximè ratione
Romani dilatauerunt imperiū suum, dum sci-
licet sociis atque amicis auxilia præstabant, &
ea occasione iusta bella suscipientes, iure belli
in pos

Caieta.

in possessionem nouarum prouinciarum ueniebant. & tamen imperiū Romanum approbatur tāquā legitimum à beato Aug. libro. 13. *Augu.*
 de ciuita Dei, & à S. Tho. opusculo 22. & Syl. *S. Tho.*
 uest. Constantinum magnum pro imperatore *Sylues.*
 habuit, & Ambrosius Theodosium. Nō uidetur autem quo alio iuridico titulo uenerint *Ambro.*
 Romani in possessionem orbis, nisi iure belli, cuius maximæ occasiones fuerūt defensio, & uindictio sociorum Sicut & Abraham ad uindicandum regem Salem, & alios reges qui cum eo fœdus percusserant, dimicauit contra quatuor reges illius regionis. Genes. 14. à qui *Gene. 14.*
 bus ipse nullam iniuriam accepit. Et iste uidetur septimus & ultimus titulus, quo potuerūt, aut possent uenire barbari in possessionem & dominium Hispanorū, eorumque prouinciā.
 ¶ Alius titulus posset* non quidem asseri, sed reuocari in disputationē, & uideri aliquibus legitimus. De quo ego nihil affirmare audeo, sed nec omnino condemnare: & est talis, Barbari enim isti, licet ut suprā dictum est, non omnino sint amentes, tamen etiam parum distant ab amentibus: ita uidetur, q̃ nō sint idonei ad constituendam uel administrandam legitimam rem publicam etiam inter terminos humanos, & ciuiles. Vnde nec habent leges conueniētes, neque magistratus, imò nec sunt satis idonei ad gubernandum rem familiarem:

A 2 unde

unde etiam carent & literis, & artibus, non solum liberalibus, sed etiam mechanicis, & agri cultura diligenti, & opificibus, & multis aliis rebus commodis, imò necessariis ad usus humanos. Posset ergo quis dicere, quòd pro utilitate eorum possent principes Hispani accipere administrationem illorum, & constituere illis per oppida præfectos, & gubernatores: imò quia semper manet ista causa constituere etiam illis novos dominos, dūmodo constaret hoc illis expedire. Hoc inquam posset suaderi, quia si omnes erant amentes, nō dubium est quin hoc esset non solum licitum, sed convenientissimum: imò tenerentur ad hoc principes, sicut, si omnino essent infantes. Sed uidetur quantum ad hoc eadem ratio de illis, & de amētibus, quia nihil, aut paulo plus ualent ad gubernandum se ipsos, quàm amentes: imò quàm ipse ferræ & bestię, nec mitiori cibo quàm feræ, nec penè meliori utuntur: ergo eodē modo possent tradi ad gubernationem sapientiorum. Et confirmatur hoc apparēter. Nam si fortuna aliqua omnes adulti perirent apud illos, & manerent pueri, & adolēscētes habentes quidem aliqualem usum rationis, sed intra annos pueritię, & pubertatis: uidetur profectò, q̃ possent principes recipere curam illorū, & gubernare illos quādiu essent in tali statu. q̃ si hoc admittitur, uidetur certè non

tè non negandum, quin idem fieri posset circa barbaros supposita hebetudine, quam de illis referunt, qui apud eos fuerunt, quæ multo maior est, quam apud alias nationes sit in pueris & adolescentibus. Et certè hoc posset fundari in præcepto charitatis, cum illi sint proximi nostri, & teneamur bona illorū curare. & hoc (ut dixi) sit sine assertione propositum, & etiā cum illa limitatione, ut fiant propter bona, & utilitatem eorum, & non tantum ad quæstum Hispanorum, barbaris in omnibus uel nihil, melius uel peius habentibus, quam prius habebant. In hoc enim est totum periculum animarum, & salutis: & ad hoc posset etiam prodesse illud, quod suprà dictum est, quod aliqui sunt natura serui: nam tales uidetur omnes isti barbari, & sic possent ex parte gubernari ut serui. Sed ex tota disputatione uidetur sequi, quod si cessarent omnes isti tituli, ita quod barbari nullam rationem iusti belli darent, nec uellēt habere Hispanos principes, &c. quod cessaret tota illa peregrinatio, & cōmercium cum magna iactura Hispanorum, & etiam prouentus principum magnum detrimētum acciperent, quod non esset ferendum. Respondetur primò, Commercium non oporteret ut cessaret, quia ut iam declaratū est, multa sunt apud barbaros, quibus ipsi abundant, & per commutationem possent Hispani aduchere. Item mul-

A 3 ta etiam

ta etiam, quæ ipsi pro desertis habent, uel sunt
cōmunia omnibus uolētibus occupare: & Lu
sitani magnū cōmerciū habēt cū similibus gē
tibus, quas non subiecerunt, & cum magno
commodo. Secundo, Fortasse regiū reditus
non minores essent. nam equè iustè posset im
poni uectigal super aurum & argentum quod
à barbaris reportaretur, uel ad quintam partē,
uel etiam ad maiorem pro rei qualitate: & me
rito, cū nauigatio fuerit à principe inuenta,
& sua authoritate essent tuti negotiatores.

Tertiò patet, q̄ iam postquam ibi facta
est conuersio multorum barbaro
rum, nec expediret, nec lice
ret principi omnino
dimittere admini
strationem illa
rum prouin
ciarum.

* *
*

REVERENDI PATRIS

Patris Francisci à Victoria De Indis,

sive de iure belli Hispanorum in barba-

ros, Relatio posterior.

S V M M A.

- 1 Christianis quòd liceat militare, & bella gerere.
- 2 Bellum gerendi, aut incendi penes quem sit auctoritas.
- 3 Bellum defensionum, quòd quilibet possit suscipere, & gerere, etiam priuatis.
- 4 Inuasus à latrone, aut inimico, an possit repercutere inuasorem, si possit fugiendo euadere.
- 5 Respublica quaelibet, quòd habeat auctoritatem indicendi, & inferendi bellum.
- 6 Princeps, quòd eandem auctoritatem habeat ad indicendum & inferendum bellum, sicut respublica.
- 7 Respublica quid est & quis propriè dicatur Princeps.
- 8 Respublicæ, aut principes plures, si habeant unum communem dominum, aut principem, an possint per se inferre bellum sine auctoritate superioris principis.
- 9 Reguli, siue Principes, qui non præsumunt reipub. perficere, sed sunt partes alterius reipub. quòd non possint bellum inferre, aut gerere. Et quid dicendum de ciuitatibus.
- 10 Belli iusti quæ possit esse ratio, & causa. Et quòd iusti belli causa non sit diuersitas religionis, probatur.
- 11 Imperij amplificatio, quòd non sit iusta causa belli.
- 12 Principis gloria propria, aut aliud commodum, quòd non sit belli iusta causa.
- 13 Iniuria accepta, quòd sit unica & sola causa iusta ad

A 4 inferen

inferendum bellum.

- 14 Iniuria quaelibet, & quantavis, quòd non sufficiat ad bellum inferendum.
- 15 Bello iusto existente, quòd liceat omnia facere quæ ad defensionem boni publici sunt necessaria.
- 16 Bello iusto, quòd liceat recuperare omnes res perditas, & illarum partem.
- 17 Bello iusto, quòd liceat occupare ex bonis hostium impensam belli, & omnia damna ab hostibus iniuste illata.
- 18 Princeps iusti belli recuperatis rebus ab hostibus, quid ulterius possit facere.
- 19 Principi iusti belli, quòd liceat parta uictoria, recuperatis rebus, ac pace etiam & securitate habita, uindicare iniuriam ab hostibus acceptam, & animaduerte re in hostes, & punire illos pro iniurijs illatis.
- 20 Bellum ut dicatur iustum, quòd non semper sit satis principem credere se habere iustam causam.
- 21 Belli iustitia, quòd sit summopere, & magna cum diligentia examinanda.
- 22 Subditi, an teneantur examinare causam belli. Et quo modo si subdito constet de iniustitia belli, non liceat ei militare, etiam si Princeps imperet.
- 23 Subditi si habeant conscientiam de iniustitia belli, quòd non liceat illis sequi bellum, siue errent, siue non.
- 24 Senatores, reguli, & uniuersaliter omnes qui admittuntur, uel uocati, uel etiam ultro uenientes ad consilium publicum, uel regis, quòd teneantur iniusti belli causam examinare.
- 25 Belli causas examinare qui non teneantur, sed possint fide adhibita maioribus, licite militare.
- 26 Subditos militantes quando non excusaret ignorantia

tia de iniustitia belli.

- 27 Belli iniustitia si sit dubia, quid faciendum. Et quomodo si Princeps unus sit in legitima possessione, quod manente dubio non possit alius bello, & armis repetere.
- 28 Civitas, aut provincia, de qua dubitatur, an habeat legitimum possessorem, maxime si est deserta morte legitimi domini, &c. quid in tali casu sit agendum.
- 29 Dubitans de iure suo, etiam si pacifice possideat, quo modo examinare teneatur diligenter causam, si forte possit certum scire uel pro se, uel pro alio.
- 30 Examinata causa, quod quandiu rationabiliter perseverat dubium, legitimus possessor non teneatur cedere possessioni, sed quod possit licite retinere, ostenditur.
- 31 Subditis quod non solum liceat in bello defensionem in re dubia sequi principem suum in bellum, sed etiam in bello offensivo.
- 32 Bellum an possit ex utraque parte esse iustum. Et quo modo seclusa ignorantia hoc non possit contingere.
- 33 Princeps, siue subditus, qui ex ignorantia sequutus est bellum iniustum, si postea conspicerit ei de iniustitia belli, an teneatur restituere.
- 34 Innocentes interficere in bello, an liceat.
- 35 Innocentes interficere, quod nunquam per se & ex intentione liceat.
- 36 Interficere an liceat infantes & foeminas in bello contra Turcas. Et quid dicendum de agricolis apud Christianos, togatis, peregrinis, hospitibus, & clericis.
- 37 Interficere innocentes per accidens, etiam scienter, quod aliquando liceat, & aliquando non.
- 38 Innocentes, a quibus in futurum imminet periculum, an liceat interficere.
- 39 Spoliare an liceat innocentes inter hostes. Et quibus rebus

rebus sint spoliandi.

- 40 Bellum si satis commode geri potest non spoliando agricolas, aut alios innocentes, quod uideatur non licere eos spoliare. Et quid dicendum de peregrinis, & hospitibus qui sunt apud hostes.
- 41 Hostes si nolint restituere res iniuria ablatas, & non possit, qui est laesus, aliunde recuperare, quomodo possit undecunque satisfactionem capere, siue à nocentibus, siue ab innocentibus.
- 42 Innocentes, & pueri esto quod non sint interficiendi, an saltem liceat ducere illos in captiuitatem, & seruitutem.
- 43 Obsides, qui uel tempore induciarum, uel peracto bello ab hostibus recipiuntur, utrum interfici possint, si hostes fidem frangerent, & conuentis non starent.
- 44 Interficere an liceat omnes in bello nocentes.
- 45 Interficere quod liceat indifferenter omnes, qui in actuali conflictu praelij, uel in oppugnatione aut defensione ciuitatis contra pugnant, & quandiu res est in periculo.
- 46 Interficere quod liceat nocentes, parta uictoria, & rebus iam extra periculum positis.
- 47 Interficere quod non semper liceat omnes nocentes solum ad uindicandum iniuriam.
- 48 Interficere quod aliquando & liceat & expediat omnes nocentes, & hoc maxime in bello contra infideles. Et quid in bello contra Christianos.
- 49 Captiuos, aut deditos an liceat interficere, supposito, quod etià fuerunt nocentes.
- 50 Capta in bello iusto, utrum fiant capientium, & occupantium. Et quomodo capta in iusto bello usque ad sufficientem satisfactionem rerum ablatarum per iniuriam

- iuriam, & etiam impensarum fiant occupantium.
- 51 Mobilia omnia quomodo iure gentium fiant occupantis, etiam si excedant compensationem damnorum.
- 52 Militibus, an liceat ciuitatem permittere in prædam. Et quomodo non sit illicitum, sed & necessarium.
- 53 Militibus, quòd non liceat prædas agere, aut incendia facere sine authoritate, aliàs tenerentur ad restitutionem.
- 54 Occupare quòd liceat, & tenere agrù, arces, & oppida hostium quantum necessarium fuerit ad damnorum illatorum compensationem.
- 55 Occupare quòd liceat ab hostibus, & tenere arcem aliquam, aut ciuitatem pro paranda securitate, & uitando periculo, aut pro defensione, & ut tollatur ab hostibus occasio nocendi, &c.
- 56 Hostes multare parte agri, quòd liceat ratione iniuriæ illatæ, & nomine pænæ, hoc est ad uindictam. Et quomodo hac etiam ratione potest arx, aut oppidum cum moderamine occupari.
- 57 Tributa an liceat uictis hostibus imponere.
- 58 Principes hostium an liceat deponere, & nouos ponere & cōstituere, uel sibi principatum restituere. Et quomodo non passim, & ex quacunque causa belli iusti hoc liceat facere.
- 59 Principes hostium quando legitimè possent deponi, ostenditur.
- 60 Canones, seu regulæ belligerandi describuntur.



VIA possessio, & occupatio provinciarum illarum barbarorù, quos Indos uocant, uidetur tandem maxime iure belli posse: defendi ideo postquam

postquam in relectione de titulis disputavi, quos Hispani possunt prætere ad illas provincias, siue iustis, siue iniustis: uisum est de iure belli breuem disputationem habere, ut illæ relectiones absolutiores uideantur. Sed quia hæc disputatio etiam simul cum secunda relectione in scholis proponi oportuit, non licuit extendere calamum pro amplitudine, & dignitate argumenti, & materiæ, sed quantum breuitas temporis patiebatur. Itaque solum notabo propositiones principales in hac materia cum probationibus breuissimis, abstinens me à multis dubiis, quæ in hac disputatione conferri possent. Tractabo autem quatuor questiones principales. Prima, An omnino Christianis sit licitum bella gerere. Secunda, Apud quem sit autoritas, aut gerendi, aut indicendi bellum. Tertia, Quæ possint, & debeant esse causæ iusti belli. Quarta, Quid in bello iusto, & quantum liceat in hostes.

¶ Quantum ad primum, posset uideri, quod omnino bella sint interdicta Christianis. Prohibitum enim uidetur eis se defendere, iuxta lud, Non uos defendentes, charissimi, sed date locum iræ. Rom. 12. & Dominus in Euangelio, Si quis te percussit in dextram maxillam tuam, præbe illi & alteram. Et ego dico uobis non resistere malo. Matth. 5. & Matth. 26. Omnes qui acceperint gladium, gladio peribunt.

Neque

Rom. 12.
Matth. 5.

Neque satis uidetur respondere, quòd omnia hæc non sunt in præcepto, sed in consilio. Satis enim magnum inconueniens esset, si bella omnia, quæ à Christianis suscipiuntur, sunt contra consilium Domini. In contrarium est sententia doctorum, & usus receptus in ecclesia.

¶ Pro quæstionis explicatione nota, quòd licet inter catholicos satis conueniat de hac re, Lutherus tamen, qui nihil incontaminatum reliquit, negat Christianis etiã aduersus Turcas licere arma sumere: innixus tum locis Scripturæ suprà positis, tum autem, quòd si Turcæ inuadant christianitatem, illa est uoluntas Dei, cui resistere non licet. In qua tamen re nõ ita potuit imponere Germanis hominibus ad arma natis, sicut in aliis suis dogmatibus. Et Tertullianus nõ adeò uidetur abhorre ab hac sentetia, qui libro de corona militis, disputat, an in totum Christianis militia cõueniat. Et tandem profectò in ea opinione uidetur perseuerare, ut Christiano militare interdictũ putet. Cui, inquit, ne litigare quidẽ liceat. Sed relictis extraneis opinionibus, sit responsio ad quæstionem unica cõclusionem, Licet* Christianis militare & bella gerere. Hæc conclusio est Augusti. in multis locis contra Faustum, & libro 83. quæstionum, et de uerbis Domini, & secundo libro contra Manichæ. & in sermone de puero

*Augusti**Luc. 3.*

de puero Centurionis, & ad Bonifacium epistola, disertè astruit. Et probatur conclusio, ut probat August. ex uerbis Iohā. Baptistæ Luc. 3. ad milites, Neminem cōcutiatis, nemini iniuriam feceritis. Quòd si Christiana disciplina (inquit Augusti.) omnino bella culparet, hoc potius cōsiliū salutis petentibus in Euāgelio daretur, ut abiicerent arma, sēque militiæ omnino subtraherēt. Dictum est autē eis, Neminem cōcutiatis, contenti estote stipendiis uestris. Secundò probatur ratione, scilicet secunda secundæ, q. 40. artic. 1. Licet stringere gladium, & armis uti aduersus interiores malefactores, & seditiosos ciues, secundum illud Roma. 13. Non sine causa gladium portat, minister enim Dei est uindex in iram ei, qui malè agit: ergo etiam licet uti gladio, & armis aduersus hostes exteriores. Vnde principibus dictū est in Psal. Eripite pauperem, & egenū de manu peccatoris liberate. Tertiò, In lege naturæ hoc licuit, ut patet de Abraham, qui pugnavit contra quatuor Reges. Genes. 14. Item in lege scripta, ut patet de Dauid, & Machabæ. Et lex euangelica nihili interdicit, quod iure naturali licitum sit, ut S. Thom. eleganter tradit 12. q. 107. articu. ultimo. unde & dicitur lex libertatis Iaco. 1. & 2. ergo quod licebat in lege naturæ, & scripta, non minus licet in lege euangelica. Et quia de bello defensiuo reuocari in dubium

bium nō potest, quia uim ui repellere licet. ff. de iustitia, & iure, l. ut uim. Quartò probatur etiam de bello offensiuo, id est in quo non solum defenduntur, aut etiam repetuntur res, sed ubi petitur uindicta pro iniuria accepta. Probatur inquam quartò authoritate August. libro 83. quæst. & habetur c. dominus. 23. q. Iusta bella solent diffiniri, quæ ulciscuntur iniurias, si gens uel ciuitas plectenda est, quæ uel uindicare neglexit, quod à suis improbe factū est, uel reddere quod per iniuriam ablatum est. Probatur etiā de bello offensiuo: quia bellum etiam defensuum geri commodè non potest, nisi etiam uindicaretur in hostes, qui iniuriam fecerunt, aut conati sunt facere. fierent enim hostes audaciores ad iterum inuadendū nisi timore pœnæ deterreantur ab iniuria. Probatur etiam, Quia finis belli est pax, & securitas reipu. ut August. inquit de uerb. Domini, & ad Bonifa. sed non potest esse securitas in republica nisi hostes coërceātur metu belli ab iniuria: esset enim omnino iniqua conditio belli, si hostibus inuadentibus iniuste rem publicam, solum liceret reipu. auertere hostes nec possent ulterius prosequi. Probatur etiam ex fine, & bono totius orbis. Prorsus enim orbis consistere in felici statu non posset, imò esset rerum omnium pessima conditio, si tyranni quidem, & latrones, & raptores possent impune

impune iniurias facere, & opprimere bonos, & innocentes, nec liceret uicissim innocentibus animaduertere in nocētes. Probatur octa uo, & ultimò, Quia in moralibus potissimum argumentum est ab autoritate & exemplis. Probatur exemplis sanctorum, & bonorum uirorum, qui non solum bello defensiuo tuti sunt patriam, resque suas, sed etiam bello offensiuo profecuti sunt iniurias ab hostibus acceptas, uel attentatas, ut patet de Ionatha, & Simone, 1. Mach. 9. qui uindicauerunt mortē Iohānis fratris sui cōtra filios Iambri. Et in ecclesia Christiana patet de Constantino, Theodosio maiore, & aliis clarissimis & Christianissimis imperatoribus, qui multa bella utriusque generis gesserunt, cum haberent in consiliis sanctissimos, & doctissimos episcopos.

¶ Secunda quæstio, Apud * quem sit autoritas gerendi aut incendendi bellum. Pro qua sit prima propositio, Bellum * defensiuum quilibet potest suscipere & gerere, etiam priuatus. Hæc patet, Nam uim ui repellere licet. ff. ubi suprā. unde hoc bellum quilibet potest gerere sine autoritate cuiuscunque alterius, nō solum pro defensione personæ, sed etiam rerum, & bonorum. Sed circa istā conclusionē dubitatur primò, An * inuasus à latrone, aut inimico, possit repercutere inuasorē, si possit fugiendo euadere. Et Archiepiscopus quidem respondet

respondet, q̄ non. quia iam nō est defensio cū moderamine inculpatæ tutelæ: quilibet enim tenetur se defendere quantum poterit cum minimo detrimento inuasoris. Si ergo resistēdo oportet aut occidere, aut grauiter uulnerare inuasorē, potest autem se liberare fugiendo: ui^{Panor.} detur q̄ teneatur. Sed Panormitan. c. olim. de resti. spoliat. distinguit. si enim inuasus magnū dedecus subiret fugiendo, non tenetur fugere, sed potest reperiendi, iniuriam repellere: si uerò non faceret iacturam famæ, aut honoris, ut monachus, aut rusticus inuasus à nobili, & forti uiro, tenetur potius fugere. Bartol. autem in l. r. ff. de pœnis, & in l. furem. ff. de si^{Bartol.} caris, indistinctè tenet, q̄ licet se defendere, nec tenetur fugere: quia fuga est iniuria. l. item apud Labeonem. ff. de iniuriis. si autem pro rerum defensione licitum est armis resistere, ut in d. c. olim. & in c. dilecto. de sentētia excom. libro. 6. multo magis pro arcenda iniuria corporali, quæ maior est, quàm rerum iactura. l. in seruorum. ff. de pœn. Et hæc opinio potest probabiliter & satis tutò teneri, maximè cū iura ciuilia hoc concedant, ut in dicta l. furem. auctoritate autem legis nemo peccat: quia leges dant ius in foro conscientie. Vnde etiam si iure naturali non liceret occidere pro defensione rerum, uidetur q̄ iure ciuili factū sit licitū: & hoc reuera secluso scādalo, uidetur licere nō

B solum

solùm laico, sed etiã clerico, & religioso uiro,
 ¶ Secunda propositio, Quælibet ^{*} respublica
 habet authoritatem indicendi, & inferendi bel-
 lū. Pro probatione est notandū, q̃ differentia
 est quantum ad hoc inter priuatam personam,
 & rempublicã: quia priuata persona habet qui-
 dem ius defendendi se, & sua, ut dictum est: sed
 non habet ius uindicandi iniuriam, imò nec
 repetendi ex interuallo tēporis res ablatas. Sed
 defensio oportet ut fiat in præsentī periculo,
 quod consulti dicunt incontinenti. Vnde trās
 acta necessitate defensionis, cessat licentiã bel-
 li. Credo tamen, q̃ per iniuriam percussus pos-
 sit statim repercutere, etiam si inuasor non de-
 beret ultra progredi. Sed ad uitãdam ignomi-
 niã, & dedecus posset qui colaphum (exempli
 gratia) accepit, gladio statim repercutere, non
 ad sumendam uindictam, sed (ut dictum est)
 ad uitandam infamiã, & ignominiam. Sed res-
 publica habet authoritatem non solùm defen-
 sionis, sed etiã uindicandi se, & suos, & per-
 sequendi iniurias. quod probatur, quia ut Ari-
 sto. tradit tertio. Polit. Resp. debet esse sibi suf-
 ficiens: sed non posset sufficienter conseruare
 bonum publicum, & statum reip. si non posset
 uindicare iniuriam, & animaduertere in ho-
 stes. fierent enim (ut suprà dictum est) mali
 promptiores, & audaciores ad iniuriam infe-
 rendam, si possent impune hoc facere: & ideo
 necessa

*Arist. 3.
 Polit.*

necessarium est ad commodam rerum mortalium administrationem, ut hæc autoritas cōcedatur reipublicæ.

¶ Eandem* autoritatem habet quantum ad *Augu.* hoc princeps sicut respublica. Hæc est sentētia Augu. cōtra Faustū. Ordo, inquit, naturalis mortalium paci accommodatus, hoc poscit, ut suscipiendi belli autoritas, atque consilium penes principes sit. Et ratione probatur, Quia princeps non est nisi ex electione reip. ergo gerit uices, & autoritates illius: imò iam ubi sunt legitimi principes in republica, tota autoritas residet penes principes, neque sine illis aliquid publicè aut bello, aut pace geri potest. Sed tota difficultas est quid* est respublica, & quis proprie dicitur princeps? Ad hoc breuiter respondetur, q̃ respub. propriè uocatur perfecta communitas: sed hoc ipsum est dubiū quæ sit perfecta communitas. Pro quo notandum, q̃ perfectum idem est quod totum. dicitur enim imperfectum, cui aliquid deest, & contra perfectum, cui nihil deest. Est ergo perfecta respublica, aut communitas, quæ est per se totum, id est quæ non est alterius reip. pars, sed quæ habet proprias leges, proprium consilium, & proprios magistratus, quale est regnū Castellæ, & Aragoniæ, principat⁹ Venetorū, & alii similes. Nec enim obstat quin sint plures principatus, & respub. perfectæ sub uno prin-

cipe. Talis ergo respub. aut princeps illius, habet auctoritatem indicendi bellum, & sola talis. Sed ex hoc ipso dubitari meritò potest, an^{*} si plures huiusmodi respublicæ, aut principes habeant unum communē dominum, aut principem, an possint per se inferre bellum sine auctoritate superioris principis. Et respondeo, q^d sine dubio possunt, ut Reges, qui sunt subiecti Imperatori, possunt inuicem belligerare, non expectata auctoritate imperatoris: quia (ut dictum est) respub. debet sibi esse sufficiens, nec sufficeret sibi sine tali facultate. Ex quibus sequitur, & patet, q^d alii reguli, siue principes, qui non præ sunt reip. perfectæ, sed sunt partes alterius reip. non possunt bellum inferre, aut gerere, quemadmodum dux Albanus, aut comes beneuētaneus: sunt enim partes regni Castellæ, & per consequens non habent perfectas respub. Sed cum hæc sint magna ex parte aut iure gentiū, aut humano, consuetudo potest dare facultatem & auctoritatem belli gerendi. Vnde si qua ciuitas, aut alius princeps obtinuit antiqua consuetudine ius gerendi per se bellum, non est ei neganda hæc auctoritas, etiam si aliàs nō uidetur habere rempublicam perfectam. Item etiam necessitas hanc licentiam & auctoritatem concedere posset. Si enim in eodem regno una ciuitas aliam oppugnaret, uel aliquis ex duabus alium ducem, &

rex

rex negligeret, aut nō auderet vindicare iniurias illatas, posset ciuitas, aut dux, qui passus est iniuriam, non solum se defendere, sed etiā bellum inferre, & animaduvertere in hostes, & malefactores etiam occidere: quia aliās neque defendere quidem commodē se posset. Non enim hostes abstinere se ab iniuria, si illi qui patiuntur iniuriā, contenti essent solum se defendere. Qua ratione etiam conceditur priuato homini ut possit inuadere inimicum, si aliter nō patet ei uia se defendendi ab iniuria. & hęc satis de ista quæstione.

10 ¶ Tertia quæstio, Quæ * possit esse ratio, & causa iusti belli, quæque magis necessaria, est ad hanc causam, & disputationem barbarorum. Pro qua sit prima propositio, Causa iusti belli non est diuersitas religionis. Hęc probata fuit prolixē in proxima relectione. ubi impugnauius quartū titulum qui prætendi potest ad possessionem barbarorum: quia scilicet nolunt recipere fidem Christianam. & est sententia S. Tho. secunda secundę, q. 66. articu. 8. *S. Tho.* & communis sententia doctorum: neque scio aliquem qui contrarium sentiat.

11 ¶ Secunda propositio, Non * est iusta causa belli amplificatio imperii. Hęc notior est, quā ut probatione indigeat, aliās esset æquē iusta causa ex utraque parte belligerātū, & sic essent omnes innocētes. Ex quo iterū sequere

tur, q̄ non liceret occidere illos: & implicat cō
tradictionem, quòd esset iustum bellum.

- ¹² ¶ Tertia propositio, Nec* est iusta causa belli,
aut gloria propria, aut aliud cōmodum prin-
cipis. Hęc etiam nota est. Nam princeps debet
& bellum & pacem ordinare ad bonum com-
mune reipub. nec proprios reditus pro pro-
pria gloria aut commodo erogare, & multo
minus ciues suos periculis exponere. Hoc
nim interest inter regem legitimum, & tyran-
num, q̄ tyrannus ordinat regimen ad propriū
quæstum, & commodum: rex autem ad bonū
publicum, ut tradit Arist. 4. Politico. c. 10. Itē
habet auctoritatem à rep. ergo debet uti illa ad
bonum reip. Item leges debent esse nullo pri-
uato commodo, sed pro communi utilitate ci-
uium conscriptæ, ut habetur distin. 4. erit autē
lex ex Isidoro. ergo etiam leges belli debēt es-
se pro communi utilitate. Item hoc differunt

*Arist. 4.
Polit. c. 10.*

Arist. 1. Poli. c. 3. & 4. liberi à seruis, ut Arist. tradit primo Politico.
c. 3. & 4. & domini utuntur seruis ad propriam
utilitatem non seruorum: liberi autem non
sunt propter alios, sed propter se. Vnde q̄ prin-
cipes abutantur ciuibus, cogendo eos milita-
re, & pecuniam in bellum conferre, non pro
publico bono, sed pro priuato suo cōmodo:
est ciues seruos facere.

- ¹³ ¶ Quarta propositio, Vnica* est & sola causa
iusta inferendi bellum, iniuria accepta. Hęc
probat

probatur primo authoritate Augu. lib. 83. quæstio. Iusta bella solent diffiniri, & c. ut suprà. & est determinatio, scilicet Tho. secūda secundę q. 4. articul. 1. & omnium doctorum. Item bellum offensiuum est ad uindicandum, & animaduertendum in hostes, ut dictū est. sed uindicta esse non potest, ubi non præcessit culpa, & iniuria. ergo. Item maiorem authoritatē habet princeps supra extraneos, quā suos. sed in suos non potest gladium stringere, nisi fecerint iniuriam: ergo neque in extraneos. Et cōfirmatur ex eo, quod suprà allatum est ex Paulo, Rom. 13. de principe, Non sine causa gladium portat. minister enim Dei est uindex in iram ei qui malè agit. Ex quo cōstat, q̄ aduersus eos, qui nobis non nocēt, non licet ira gladij uti, cum occidere innocentes prohibitum sit iure naturali. Omitto nunc si fortè deus specialiter aliud præceperit, ipse enim est dominus uitę, & mortis, & posset pro suo iure aliter disponere.

¶ Quinta propositio*, Nō quælibet & quātuis iniuria sufficit ad bellū inferendū. Hęc probatur, Quia nec etiam in populares & naturales licet pro quacunque culpa pœnas atroces exequi, ut mortem, aut exilium, aut confiscationem bonorum. Cū ergo quæ in bello gegeruntur, omnia sint grauia, & atrocia, ut cædes, incendia, uastationes: non licet pro leui-

bus iniuriis bello persequi auctores iniuriarū,
quia iuxta mensuram delicti debet esse plaga-
rum modus. Deuteronom 25.

¶ Quarta quæstio est de iure belli, quod scilicet, & quantum liceat in bello iusto. de qua sit
15 prima propositio, In* bello licet omnia facere,
quæ necessaria sunt ad defensionem boni pub-
lici. Hæc nota est, cum ille sit finis belli, rem-
publi. defendere, & conseruare. Item hoc licet
priuato in de fensione sui, ut probatum est. er-
go multo magis licet reipub. & principi.

16 ¶ Secunda propositio, Licet* recuperare om-
nes res perditas, & illarum partem. Hæc etiā
est notior quā ut indigeat probatione. Ad
hoc enim uel infertur, uel suscipitur bellum.

17 ¶ Tertia propositio, Licet* occupare ex bonis
hostiū impēsam belli & oīa dāna ab hostibus
iniuste illata. Hæc patet, Quia ad omnia illa te-
nētur hōstes qui fecerunt iniuriam: ergo prin-
ceps belli potest omnia illa repetere, & bello-
exigere. Item ut prius. Quia cū nō patet alia
uia, licet priuato occupare omne debitum à
debitore. Item si quis esset legitimus iudex
utriusque partis gerentis bellum, deberet con-
dēnare iniustos aggressores, & auctores in-
iuriæ, non solum ad restituendas res ablatas,
sed etiam ad resarciendum impensam belli, &
omnia damna. Sed princeps, qui gerit iustum
bellum, habet se in casu belli tanquam iudex,
ut statim

ut statim dicemus.ergo etiam ille potest omnia illa ab hostibus exigere.

¹⁸ ¶ Quarta propositio, Nec* solum hæc licent, sed ulterius etiam progredi potest princeps iusti belli, quantum scilicet necesse est ad parendam pacem, & securitatem ab hostibus, puta diruere arcem hostium, & in hostico etiam munitionem erigere, si hoc necesse sit ad uitandum periculum ab hostibus. Probatur, Quia, ut suprà dictum est, finis belli est pax, & securitas. ergo gerenti bellum iustum licent omnia, quæ necessaria sunt ad consequendam pacem & securitatem. Item tranquillitas, & pax computantur inter bona humana: unde nec summa etiam bona faciunt statum felicem sine securitate: ergo si hostes eripiunt, & turbant tranquillitatem reipublice, licet uindicare ab illis per media conuenientia. Item contra hostes intra neos, hoc est contra malos ciues, licet hæc omnia facere. ergo etiam contra hostes extraneos. Antecedens patet. si quis enim in reipublice fecit iniuriam ciui, magistratus non solum cogit auctorem iniuriæ satisfacere læso, sed etiam si timetur ab illo, cogitur dare fideiussores, aut recedere à ciuitate, ita ut uitetur periculum ab illo. Ex quibus patet, quod parta uictoria, & recuperatis rebus, licet ab hostibus exigere obfides, naues, arma, & alia, quæ sine fraude necessaria sunt ad retinendum hostes in officio,

B 5 & ui

& uitandum ab illis periculum.

19 ¶ Quinta propositio, Nec tantum hoc licet, sed etiam parva uictoria, recuperatis rebus, & pace etiam & securitate habita, licet uindicare iniuriam ab hostibus acceptam, & animaduvertere in hostes, & punire illos pro iniuriis illatis. Pro cuius probatione notandum, quod principes non solum habent auctoritatem in suos, sed etiam in extraneos ad coercendum illos ut abstineant se ab iniuriis, & hoc iure gentium, & orbis totius auctoritate. Imò uidetur quod iure naturali, quia aliter orbis stare non posset nisi esset penes aliquos uis & auctoritas deterrendi improbos, & coercendi, ne innocentibus noceant. Ea autem quæ necessaria sunt ad gubernationem & conseruationem orbis, sunt de iure naturali, nec alia ratione probari potest, quod respublica iure naturali habet auctoritatem afficiendi supplicio, & pœnis ciues suos, qui reipublicæ sunt perniciosi. Quod si respub. hoc potest in suos, haud dubium quin orbis possit in quoscunque perniciosos & nequam homines: & hoc nõ nisi per principes. ergo pro certo principes possunt punire hostes qui iniuriam fecerunt reipu. & omnino postquam bellum ritè & iustè susceptum est, hostes obnoxii sunt principi tanquã iudici proprio. Et confirmatur hæc, Quia reuera nec pax, nec tranquillitas, quæ est finis belli,

belli, aliter haberi potest, nisi hostes malis, & damnis afficiantur, quibus deterreantur, ne iterum aliquid tale committant. Quæ omnia etiam probantur & confirmantur autoritate & exemplis bonorum. Vt enim suprà citatum est, Machabæi gesserunt bella non solum ad recipiendas res amissas, sed ad uindictam iniurias. Quod idem fecerunt Christianissimi principes, & religiosissimi imperatores. Et præterea non tollitur ignominia & dedecus reipublicæ, si fugatis tantum hostibus, sed etiam seueritate pœnæ afflictis & castigatis. Princeps autem non solum res alias, sed honorem, & auctoritatem reipublicæ defendere habet.

²⁰ ¶ Ex omnibus suprà dictis supersunt multa dubia. Et primum quidem dubium circa iustitiam belli, utrum ad bellum iustum sufficiat quod princeps credat se habere iustam causam. Ad hoc fit prima propositio, *Non semper hoc satis est. Probatur primum, Quia in aliis minoribus causis non sufficit nec principi nec priuatis, quod credat se iuste agere, ut notum est. possunt enim errare inciuiliter & affectatè: & ad actum bonum non sufficit sententia cuiusque, sed oportet ut fiat secundum iudicium sapientis, ut patet 2. Ethico. Item alias sequeretur, quod plurima essent bella iusta ex utraque parte. Communiter enim contingit, quod principes gerant bellum mala fide, sed credentes

credentes se iustam causam sequi: & sic omnes bellantes essent innocentes, & per consequensliceret interficere in bello. Item aliàs etiã Turcæ & Saraceni gererent iusta bella aduersus Christianos. putant enim se obsequium præstare Deo.

21 ¶ Secunda propositio, Oportet* ad bellum iustum magna diligentia examinare iustitiam & causas belli, & audire etiam rationes aduersariorum, si uelint ex æquo & bono disceptare. Omnia enim sapienti (ut ait comicus) uerbis prius experiri oportet, quàm armis, & oportet consulere probos, & sapientes uiros, & qui cum libertate, & sine ira, aut odio, & cupiditate loquãtur. Haud enim faciliè uerum cernitur (ut ait Crispus) ubi illa officiunt. Hæc manifesta est. Nam cùm in rebus moralibus difficile sit uerum & iustũ attingere, si negligenter ista tractentur, faciliè errabitur, nec talis error excusabit authores, maximè in re tãta, & ubi agitur de periculo & calamitate multorum, qui tandem sunt proximi, & quos diligere tenemur, sicut nos ipsos.

22 ¶ Secundum dubium, An* subditi teneantur examinare causam belli, uel an possint militare nulla diligentia circa hoc adhibita, quemadmodum uictores exequi possunt decretũ prætoris sine alia examinatione. De hoc dubio sit prima propositio, Si subdito cõstat de iniustitia belli,

Salust.

Licetozes.

tia belli, non licet militare, etiam ad imperium principis. Hæc patet, Quia non licet interficere innocentem quacunq[ue] authoritate. Si hostes sunt innocentes in eo casu, ergo non licet interficere illos. Item princeps peccat inferendo bellum in eo casu, sed non solum qui male agunt. sed qui consentiunt facientibus, digni sunt morte. ad Roma. i. ergo milites etiam mala fide pugnantes non excusantur. Item non licet interficere ciues innocentes mandato principis. ergo nec extraneos. Ex quo sequitur corollarium, Quod* etiam si subditi habeant conscientiam de iniustitia belli, non licet sequi bellum, siue errent, siue nō. Patet, Quia omne quod non est ex fide, peccatum est. ad Rom. 4.

¶ Secunda propositio, Senatores* & reguli, & uniuersaliter qui admittuntur, uel uocati, uel etiam ultro uenientes ad consilium publicum, uel principis, debent & tenentur examinare causam iniusti belli. Patet, Quia quicumque potest impedire periculum & damna proximorum, tenetur, maxime ubi agitur de periculo mortis, & maiorum malorum, quale est in bello. Sed tales possunt consilio suo & authoritate causas belli examinantes, auertere bellū, si fortē iniustū est. ergo tenentur. Item si negligētia istorum bellum iniustū gereretur, isti uidentur cōsentire. imputatur enim alicui quod potest & debet impedire, si

Roma. i.

Roma. v.

re, si non impedit. Item quia solus rex nō sufficit ad examinandas causas belli: & uerisimile est quod potest errare, imò quod errabit magno cum malo, & perniciē multorū. ergo non ex sola sententia regis, imò nec ex sentētia paucorum, sed multorum, & sapientum, & proborum debet geri bellum.

²⁵ ¶ Tertia propositio, Alii* minores qui non admittuntur nec audiuntur apud principem aut in consilio publico, non tenentur examinare causas belli, sed possunt credentes maioribus licitè militare. Probatur primò, Quia nec fieri potest, nec expediret reddere rationem negotiorum publicorum omnibus de plebe. Item quia homines inferioris ordinis, etiam si intelligerent iniustitiam belli, prohibere non possent, & sententia eorum non audiretur. ergo frustra examinarent causas belli. Item quia eiusmodi hominibus, nisi contrarium constituerit, sufficiens argumentum debet esse pro iustitia belli, quod publico consilio & auctoritate geratur. ergo non est opus illis ulteriori examinatione.

²⁶ ¶ Quarta propositio, Nihilominus* possent esse talia argumenta & indicia de iniustitia belli, quod ignorantia non excusaret, etiam huiusmodi subditos militantes. Patet, Quia posset esse talis ignorantia affectata, & prauo studio aduersus hostes cōcepta. Item aliās infideles

fideles excusarentur, sequētes principes suos in bello contra Christianos, & non liceret illos interficere: quia certum est, quòd credunt se habere iustam causam belli. Item excusarentur milites, qui crucifixerunt Christum ex ignorantia, sequentes edictum Pilati. Item etiam excusaretur populus Iudeorū, qui persuasus à maioribus, clamabat, Tolle, tolle, crucifige eum.

¶ Tertiū dubiū, Quid* faciendum cū iustitia belli dubia est, hoc est cum in utrāque partem sunt rationes apparentes & probabiles. Prima propositio, Quo ad ipsos principes uidetur, q̃ si unus est in legitima possessione, quòd manente dubio non possit alius bello, et armis repetere. Vt, exempli gratia, si rex Francorum est in legitima possessione Burgūdiæ, si etiam est dubium an habeat ius ad illam necne, non uidetur quòd Imperator possit armis repetere: & e contrario Rex Francorū Neapolim aut Mediolanū, si dubium est cuius iuris sint. Probatur, Quia in dubiis melior est cōditio possidentis. ergo nō licet spoliare possessorem pro re dubia. Item si res ageretur coram iudice legitimo, nūquam in re dubia spoliaret possessorem. ergo dato quod illi principes, qui præteritius, sint iudices in illa causa, nō potest licite spoliare possessorem manente dubio de iure. Item in rebus & causis priuatorum nunquam

quam in causa dubia licet spoliare possessorem legitimū: ergo nec in causis principum. leges enim sunt principum. si ergo secundum leges humanas non licet in causa dubia spoliare legitimum possessorem, ergo meritò potest obiici principibus, Patere legem, quam ipse tuleris. Quod enim quisque iuris in alios statuit, ipse eodem iure uti debet. Item aliàs esset bellum iustum ex utraque parte, & bellum nunquam cōponi posset. Si enim in causa dubia licet uni armis repetere, ergo alteri defendere: & postquam unus recuperasset, posset iterum alius reposcere. & sic nunquam esset finis bellorum cum pernicie & calamitate populorum.

28 ¶ Secunda propositio, Si* ciuitas, aut prouincia, de qua dubitatur, non habet legitimum possessorem, ut si deserta est morte legitimi domini, & dubitatur an hæres sit rex Hispaniæ, aut rex Gallorum, nec potest certum sciri: iure uidetur, quòd si unus uelit componere, & diuidere, uel compensare pro parte, quòd alter tenetur recipere conditionem, etiam si sit ui potetior, & possit armis totum occupare: nec haberet iustam causam belli. Probat, Quia aliū non facit iniuriam in pari causa, petendo æqualem partem. Item in priuatis causis, etiam in re dubia, non liceret totum occupare. Item eodem modo bellum esset iustum ex utraque parte. Item iustus iudex neutri totum addiceret, &

ret & attribueret.

¶ Tertia propositio, Qui* dubitat de iure suo etiam si pacificè possideat, tenetur examinare causam diligenter, & audire pacificè rationes alterius partis, si fortè possit certum scire uel pro se, uel pro alio. Hæc probatur, Quia iam non bona fide possidet qui dubitat, & negligit scire ueritatem. Item in causa matrimoniali, si quis etiam legitimus possessor incipit dubitare ueritatem, utrum hæc mulier sit sua, uel alterius: certum est quòd tenetur rem examinare. ergo eadem ratione in aliis causis. Itē principes sunt iudices in propriis causis, quia non habent superiores. sed certum est quòd si quis cōtra legitimum possessorē. opponit aliquid, quòd iudex tenetur examinare causam. ergo etiam principes in re dubia tenentur examinare causam.

¶ Quarta propositio, Examinata * causa quādiu rationabiliter perseverat dubium, legitimus possessor nō tenetur cedere possessioni, sed potest licitè retinere. Patet primò, Quia iudex non posset eum expoliare: ergo non ipse tenetur cedere, nec in toto, nec in parte. Item in causa matrimoniali non tenetur cedere. ut in c. inquisitioni. de sentētia excomunic. & in c. Dominus. de secūdis nup. ergo nec in aliis causis. Et Adrianus expressè q. secunda quotlibet. *Adrianus.*
C retinere

tinere possessionem: hoc quo ad ipsos principes in re dubia. Sed quo ad subditos indubio belli iusti, Adrianus quidē quotlibeto secundo, ad primum argumentum principale dicit, quod subditus dubitans de iusticia belli, id est utrum causa, quæ allegatur, sit sufficiens, uel simpliciter an subsit, causa sufficiens ad iudicandum bellum: non potest licitè etiam ad imperium superioris militare in tali bello. Probat, Quia exponit se periculo peccati mortalis. Item quia non est ex fide, quod secundum doctores & ueritatem, non solum intelligitur contra conscientiam certam, aut contra opinionatiuam, sed etiam contra dubiam.

3^r ¶ Sed sit quinta propositio, Primò non * est dubiū, quin in bello defensiuo liceat subditis in re dubia sequi principē suū in bellum, imò quod teneantur sequi, sed etiam de bello offensiuo. Probatur primò, quia princeps, ut dictum est, nec potest semper, nec debet reddere subditis rationes belli: & si subditi nō possint militare nisi postquam scirent iustitiam belli, res publica periclitaretur uehementer, & pateret iniurię ostium. Item in dubiis tutior sequenda est pars. sed si subditi in casu dubii nō sequantur principem suum in bellum, exponunt se periculo prodēdi hostibus rempublicam: quod multo grauius est, quàm pugnare contra hostes cum dubio. ergo debent potius

tius pugnare. Item manifestè probatur, Quia
licet tenetur exequi sententiam iudicis etiã
si dubitet an sit iusta. contrarium enim esset
ualde periculosum. Item hoc argumentum ui-
detur defendere August. contra Manich. Iustus *August.*
si forte etiam sub rege homine sacrilego mili-
tet, rectè potest eo iubente bellare: si, quod si-
bi iuuetur, uel non esse contra Dei præceptũ,
certum est, uel utrum sit, certum nõ est 23. q. 1.
quod culpatur. Ecce August. diffinientem ex-
pressè, quòd si non est certum, id est si dubiũ
est an sit contra Dei præceptum, quòd licitũ
est subdito bellare. Nec Adrianus se expedire
potest ab illa Augustini authoritate, quãuis se
in omnem partem tutat. sine dubio enim con-
clusio nostra est determinatio August. Nec ua-
let dicere, quòd talis debet tollere dubium, &
formare sibi conscientiam, quòd bellum sit iu-
stum: nam stat quòd nõ possit sicut in aliis du-
biis. Adrianus autem uidetur errasse in hoc, q̃
putauit, si dubito an hoc bellum sit iustũ prin-
cipi uel contrarium, sit causã iusta huius belli,
quòd statim cõsequatur, quòd dubito utrum
liceat mihi ire ad hoc bellum nec ne. Fateor
enim quòd nullo modo licet facere contra du-
bium conscientie, & si dubito, an liceat mihi
facere hoc, nec ne, pecco si faciam. sed non se-
quitur, dubito an sit iusta causã huius belli, er-
go dubito an liceat mihi bellare, uel militare in

hoc bello. Imò oppositum sequitur. Si enim dubito an bellum sit iustum, sequitur quòd licet mihi ad imperium principis mei militare. sic non sequitur, licetor dubitat an sententia iudicis iusta sit, ergo dubitat an liceat exequi sententiam, imò scit quòd tenetur exequi. & dubito an hæc sit uxor mea, ergo teneor ei reddere debitum.

82 ¶ Quartum dubiū est, * An possit esse bellum iustum ex utraque parte. Prima propositio, Seclusa ignorantia manifestum est, quòd nō potest contingere. Quia si constat de iure & iustitia utrius partis, nō licet in contrarium bellare, nec offendendo, nec defendendo. Secunda, Posita ignorantia probabili facti aut iuris potest esse ex ea parte qua uera iustitia est, bellum iustum per se, ex altera autem parte bellū iniustum, id est excusatum à peccato bona fide. Quia ignorantia inuincibilis excusat à toto. Item saltem ex parte subditorum sæpe potest contingere. Dato enim quòd princeps, qui gerit bellum iniustum, sciat iniustitiam belli, tamen (ut dictum est) subditi bona fide possunt sequi principem suum: & sic ex utraque parte subditi licite pugnant.

83 ¶ Sed ex hoc sequitur quintum dubiū, Vtrū * qui ex ignorantia sequutus est bellum iniustum, si postea constiterit ei de iniustitia belli, utrum teneatur restituere, siue loquamur de principe,

principe, siue de subdito. Prima proposito, Si quidem habebat probabilitatē de iustitia belli, tenetur adueniente notitia de iustitia, restituere ablata, quæ nō dum consumpsit; id est quantum factus est locupletior: non autē quæ consumpsit, quia regula iuris est, quōd qui nō est in culpa, non debet esse in damnum suum: sicut qui bona fide fuit in conuiuiō lautissimo furis, & res furtiue consumptæ sunt, non tenetur restituere, nisi fortē quantum domi consumpsisset. Si autem dubitauit de iniustitia belli, sequutus authoritatē principis. Syluest. in uerb. bellum, primo, §. 9. dicit, quōd tenetur de omnibus, quia mala fide pugnavit. ¶ Sed sit secunda propositio conformiter ad suprà dicta, Quōd nec iste tenetur de cōsumptis, sicut nec alius. quia (ut dictum est) licitē, & bona fide pugnavit. Sed esset uerum, quod Syluester dicit, si re uera dubitasset, anliceret ire ad bellum, quia iam facit contra cōscientiā. Sed est multū considerandum, quōd stat, qd bellum sit iustum & licitum per se, illicitum autē Christianis: stat enim quōd quis habeat ius ad recuperandam ciuitatem, aut prouinciam, & tamen ratione scandali fiat prorsus illicitum. cū enim, ut suprà dictum est, bella geri debeant pro bono communi, si ad recuperandam unam ciuitatem, necesse est qd sequantur maiora mala in repub. ut uastatio multarū

C 3 ciuita

ciuitatum, cædes magna mortalium, irritatio principum, occasiones nouorum bellorum in perniciem ecclesiæ: item quòd paganis detur opportunitas inuadendi & occupandi terras Christianorum: indubitatum est quin teneatur princeps potius cedere iuri suo, & abstinere se bello. Clarum est enim quòd si rex Gallorum ex gratia haberet ius ad recuperandum Mediolanum, ex bello autè & regnum Galliæ, & ipsa prouincia Mediolanensis patientur intoleranda mala, & calamitates graues: non licet ei recuperare. quia bellum ipsum aut fieri debet, uel propter bonum Galliæ, aut Mediolanenses. quando ergo ecòtra utriusque magna mala ex bello futura sunt, non potest bellum iustum esse.

¶ Circa aliam quæstionem quantum liceat in bello iusto, sunt etiã multa dubia. Primũ, *An liceat in bello interficere innocentes. & uidetur quòd sic, quia filii Israël primò interfece-
runt infantes, ut patet Ios. 6. in Iericho. & post ea Saul 1. Reg. 15. interfecit pueros in Amalec. utrumque ex auctoritate, & mādato Domini. Quæcunque autem scripta sunt, ad nostram doctrinam scripta sunt, ut patet ad Rom. 15. ergo & nunc si bellum sit iustum, licebit interficere innocentes. De hoc dubio sit prima propositio, Nunquã *licet per se & ex intentione interficere innocetẽ. probatur primo Exod. 23.

Inson

Iosue. 6.

1. Reg. 15.

Rom. 15.

Infontem & iustum non occides. Secundò, Fundamentum iusti belli est iniuria, ut suprà ostensum est. sed iniuria non est ab innocentè: ergo non licet bello uti contra illud. Tertiò, Non licet in republica pro delictis malorum interficere innocentes: ergo etiam nec pro iniuria malorum licet punire innocentes apud hostes. Quartò, Aliàs iam bellum esset iustum ex utraque parte, seclusa ignorantia: quod esse non potest, ut ostensum est. Et patet consequètia, quia innocentes, certum est quòd possent se defendere contra quemcunque conantem interficere. Et confirmatur totū hoc Deutero. 2. Mādavit filiis Israël, ut cū ui ceperint ciuitatē, alios quidē interficiāt, parcant autē mulieribus, & paruulis. Ex quo sequitur, q̃ etiā in bello cōtra Turcas nō licet interficere infantes. patet, quia sunt innocentes. Imò nec fœminas inter infideles. patet, quia q̃tū ad bellū spectat, præsuntur innocētēs, nisi fortè cōstaret de aliqua fœmina, q̃ esset in culpa. Imò idē uidetur iudiciū de innoxiiis agricolis apud Christianos, imò de alia gēte togata, & pacifica, quia omnes præsuntur innocētes, nisi cōtra constaret. Hac etiā ratiōe nec peregrinos, nec hospites qui uersant apud hostes quia præsuntur innocentes, nec re uera sunt hostes. Eadem ratione nec clericos, quia præsuntur innocentes in bello, nisi constet de

Deutero. 2.

contrario, ut cum actualiter pugnat.

37 ¶ Secūda ppositio, Per* accidēs autē etiā sciē-
ter aliquando licet interficere innocētes, putā
cum oppugnatur arx, aut ciuitas iustē, in qua
tamen constat multos esse innocētes, nec pos-
sunt machinę solui & alia tela, uel ignis subiici
ædificiis, quin etiam opprimantur innocen-
tes, sicut nocentes. Probatur, Quia aliās non
posset geri bellum contra ipsos nocentes, &
frustraretur iustitia bellantium: Sicut ecōtra-
riō si oppidum oppugnatur iniustē, & iustē
defenditur, licet mittere machinas, & alia tela
in obsessores, & in castra hostiū, dato quod in
ter illos sint aliqui pueri aut fuerint innoxii.
Sed tamen est cōsiderandum, quod paulo an-
tē dictū est, quod oportet cauere ne ex ipso
bello sequatur maiora mala, quā uitētur per
ipsum bellum: si enim ad summam belli ui-
ctoriam parum confert expugnare arcem,
aut oppidum, ubi est præsidium hostium, &
sunt multi innocentes, non uidetur quod li-
ceat ad expugnandum paucos nocentes, occi-
dere multos innocentes, subiiciendo ignem,
uel machinas, uel alia ratione, qua indifferēter
opprimantur innocentes cum nocentibus. Et
tandem nunquam uidetur licitum interficere
innocentes, etiam per accidens, & præter intē-
tionem, nisi quando bellum iustum expediri
& geri aliter non potest, iuxta illud Matth. 13.

Matt. 13.

Sinite

Sinite crescere zizania, ne fortè colligētes zizania, eradicetis simul & triticum. Sed circa hæc potest dubitari, An⁸ liceat interficere innocentes, à quibus tamen in futurum imminet periculum, putà, pueri Saracenorum sunt innocentes: sed timendum meritò est, ne facti adulti, pugnent contra Christianos, & inferant bellum cum periculo. Et præterea etiam togati puberes apud hostes, qui non sunt milites, præsumuntur innocētes: sed isti armabuntur postea in milites, & inferēt periculum, an liceat tales interficere. Et uidetur quòd sic, eadem ratione qua per accidens licet interficere alios innocentes. Item Deuteron. 20. præcipitur filiis Israël, ut cū expugnauerint aliquam ciuitatem, interficiant omnes puberes, nō est autem præsumendum, quòd omnes essent nocentes. Respōdetur ad hoc, licet posset fortasse defendi, quòd in tali casu possint interfici. Tamen credo, quòd nullo modo licet, quia non sunt facienda mala, ut uitentur etiam alia mala maiora. & intolerabile est, quòd occidatur aliquis pro peccato futuro. Et præterea sunt alia remedia ad cauendum in futurum ab illis, ut captiuitas, exilium, &c. ut statim dicemus. Vnde sequitur, quòd siue iam parta uictoria, siue in actu bellum geratur, si constat de innocentia alicuius militis, & milites possunt eum liberare, tenentur eum saluare. Ad argu-

C 5 mentum

mētū in cōtrariū, respōdeo, q̃ illud factū fuit speciali mādato Dei, qui iratus, & indignatus contra populos illos, uoluit perdere omnino. sicut misit ignem in Sodomam & Gomorham, qui deuoraret tam innocentes, quā nocentes: ipse autē est dominus omnium, nec dedit hanc licentiam ex lege communi. Et ad illud Deuterono. 20. possēt eodem modo responderi: sed quia illic data est lex belli cōmunis in omne tēpus futurū, potiūs uidetur, q̃ illud Dominus dixit, quia reuera omnes puberes reputantur in ciuitate inimica nocentes, & non possunt distingui innocentes à nocentibus: ideo omnes possunt interfici.

39 ¶ Secūdū dubiū est, An^{*} liceat spoliare innocētes inter hostes: sit quē prima proposi. Certū est q̃ licet spoliare innocētes bonis & rebus, q̃b^{*} hostes aduersum nos usuri sunt, ut armis, nauibus, machinis. Patet, Quia aliter uictoriā consequi non possemus. quæ est finis belli, imo etiam licet accipere pecunias innocentum, & comburere, & corrumpere frumenta, occidere equos, si ita opus est, ad debilitādum hostium uires. Ex quo sequitur corollarium, quòd si bellum sit perpetuum, licet indifferenter expoliare omnes apud hostes tam nocentes quā innocentes: quia ex opibus suorum hostes alunt bellum iniustum, & econtra debilitantur uires eorū si ciues eorum spoliantur.

¶ Secunda

¶ Secunda propositio, Si* bellum satis commodè geri potest, nō spoliando agricolas aut alios innocentes, uidetur quòd non liceat eos spoliare. Hoc tenet Syluest. in uerbo bellū. §. Syluest.
ro. quia bellū fundatur in iniuria, ergo non licet iure belli uti in innocentes, si aliunde potest recompensari iniuriæ. Imò addit Syluest. quòd etiam si fuerit iusta causa spoliandi innocentes, quòd transacto bello, tenetur uictor restituere illis quicquid superest. Sed hoc non puto esse necessarium: quia, ut infrà dicitur, si iure belli factum est, omnia cedunt in fauorē & ius, iustum bellum gerentium. unde si licitè sunt capta, puto quòd non sunt obnoxia restitutioni. Dictum tamen Syluestri pium est, & non improbabile. Spoliare autem peregrinos, & hospites, qui sunt apud hostes, nisi constet de culpa illorum, nullo modo licet, quia illi non sunt de numero hostium.

¶ Tertia propositio, Si* hostes nolunt restituere res iniuria ablatas, & non possit, qui latus est, aliunde commodè recuperare, potest undecunque satisfactionem capere, siue à nocentibus, siue ab innocentibus. Vt si latrones Galli fecerint prædas in agrum Hispanorum, & rex Francorum nolit cogere illos ad restitutionem, cum possit, possunt Hispani auctoritate principis spoliare mercatores Gallos, aut agricolas quantumcunque innocentes: quia licet fortè

August.

cet fortè à principio respu. aut princeps Gallo-
rū nō fuerit in culpa: iam est in culpa, quia ne-
gligit uindicare, ut ait Aug. qđ improbè à suis
factū est, & princeps læsus potest ex omni mē-
bro & parte reipu. satisfactionē accipere. Vn-
de literæ marcharum, aut repræsaliarum, quæ
à principibus in huiusmodi casibus concedun-
tur, non sunt per se iniustæ, quia per negligē-
tiam, & iniuriam alterius principis, concedit
læso suus princeps, ut possit recuperare bona
sua etiam ab innocentibus. sunt autem pericu-
losæ, & præbent occasione in rapinarum.

¶ Tertium dubium, Dato quòd* non liceat
interficere pueros & alios innocentes, an sal-
tem liceat ducere illos in captiuitatem, & ser-
uitutem. Sitque pro illius declaratione unica
propositio, Eodem modo licet ducere inno-
cētes in captiuitatem, sicut licet spoliare illos,
quia libertas & captiuitas inter bona fortunæ
reponuntur: unde quando bellum est talis cō-
ditionis, quòd licet spoliare indifferenter om-
nes hostes, & occupare omnia bona illorum,
etiam licet ducere in captiuitatem omnes ho-
stes siue nocentes, siue innocentes. & cū bel-
lum aduersus paganos sit huiusmodi, quia est
perpetuum, & nunquam satisfacere possunt
pro iniuriis, & damnis illatis: ideo non est du-
bitandum quin liceat & pueros, & scēminas Sa-
racenorum ducere in captiuitatem, & seruitu-
tem.

tem. sed quia iure gentium inter Christianos uidetur receptum, ut Christiani iure belli non fiant serui (in bello quidem inter Christianos) licet, si ita opus est, ad finem belli captiuos ducere etiam innocentes, ut pueros & fœminas: non quidē in seruitutē, sed ut pro illorum redemptione pecunias recipiamus. Quod tamē extendēdum non est ultrā, quā belli necessitas postulet, & cōsuetudo legitimē belligerantium obtinuit.

¶ Quartum dubium est, Vtrum *saltem obsides, qui uel tempore induciarum, uel peracto bello ab hostibus recipiunt, interfici possint, si hostes fidem fregerint, & conuentis nō steterint. Respondeo per unicam conclusionem, Quod si obsides aliās sint de numero nocētū, putā qui tulerunt contra eos arma, interfici iure possunt in eo casu. Si autem sunt innocentes, ex suprā dictis constat, quod interfici non possunt, ut cū sunt pueri, aut fœminæ, aut alii innocentes.

¶ Quintum dubium, An *saltem in bello liceat interficere omnes nocentes. Pro responsione notandum est, quod ut ex suprā dictis patet, bellum geritur primò ad defendendum nos & nostra. Secundò, ad recuperandum res ablatas. Tertiò, ad uindicandum acceptam iniuriam. Quartò, ad pacem & securitatem parandam. His præmissis sit prima propositio, In ipso

45 * ipso actuali conflictu pręlii, uel in oppugnatione, aut defensione ciuitatis licet indifferenter occidere omnes, qui cōtrā pugnant: & breuiter, quandiu res est in periculo. Hoc patet, Quia aliter rem bene gerere non possent belantes, nisi tollēdo omnes impediētes, & cōtrā pugnantes. Sed totum dubium est, & difficultas, an parta iam uictoria, & ubi periculum nō est ab hostibus, an liceat interficere omnes qui contrā arma tulerunt. Et uidetur apertē quōd sic. Quia, ut suprà relatum est, inter prę-

Deutero. 20. cepta militaria, quæ Dominus dedit Deutero. 20. unum est, ut expugnata ciuitate hostium, interficerēt omnes habitatores. Verba illius loci sunt hæc, Si quando accesseris ad expugnandam ciuitatem, offeres ei primū pacem. Si receperit, & aperuerit tibi portas, cunctus populus, qui in ea est, saluabitur, & seruiet tibi sub tributo: sin autem fœdus inire noluerit, & cœperit contrate bellum, oppugnabis eam. Cumque tradiderit Dominus Deus tuus eā in manū tua, percuties omne, quod in ea est generis masculini in ore gladii, absque mulieribus, & infantibus.

¶ Secunda propositio, Parta* uictoria, & rebus iam extra periculum positis, licet interficere nocentes. Probatur, Quia (ut iam dictum est) non solum ordinatur bellum ad recuperandas res, sed etiam ad uindicandum iniuriam:

ergo

ergo pro iniuria præterita licet interficere auctores iniuriæ. Item hoc licet in proprios ciues malefactores: ergo etiam in extraneos. quia (ut supra dictum est) belli princeps iure belli auctoritatem habet in hostes, sicut legitimus iudex, & princeps. Item, quia licet in præsentia non esset periculum ab hostibus, tamen in futurum securitas non haberetur nisi timore supplicii hostes continerentur.

¶ Tertia propositio, Solùm* ad uindicandam iniuriam non semper licet interficere omnes nocētes. Probatur, Quia etiam inter ciues nō liceret, ubi etiam esset delictum totius ciuitatis, aut prouinciæ interficere omnes delinquentes, nec in cōmuni rebelliōe liceret occidere, & perdere totū populū. Vnde pro simili factō Theodosius ab Ambrosio ab ecclesia est prohibitus. hoc enim esset cōtra publicū bonū, qđ tamē est finis belli, et pacis, ergo etiam nō licet tollere omnes nocētes ex hostibus. Oportet ergo habere rationem iniuriæ ab hostibus acceptæ, & dāni illati, & aliorū delictorū. Et ex hac consideratione procedere ad uindictā, & animaduersionē omni atrocitate, & inhumanitate seclusa. In hoc enim proposito Cice. 2. Officio. ait, qđ animaduertēdū est in noxios quātū *Cicero 2. Officio.* æquitas & humanitas patiātur. & Salust, Maiores nostri religiosissimi mortales nihil ui- *Salust.* cripiebant, præter iniuriæ licentiam. Aliquando

48 quando^{*} etiam licet & expedit interficere omnes nocētes. Probatur, Quia etiam bellum geritur ad pariendam pacem, & securitatem: sed aliquando aliter obtineri securitas nō potest, nisi tollēdo omnes hostes: & hoc maximè uidetur contra infideles, à quibus nunquam illis conditionibus pax æqua sperari potest. Et ideo unicū remedium est, tollere omnes, qui contrà arma ferre possunt, modò iam fuerint in culpa. Et ita intelligendum est illud præceptum Deuter. Aliàs autem in bello cōtra Christianos nō puto q̃ hoc sit licitum. Cū enim necesse sit ut ueniāt scandala (ut habetur Matt. 18.) & bella inter principes, si semper uictor interficeret aduersarios omnes, esset in perniciem generis humani, & Christianæ religionis, & orbis citò in solitudinem redigeretur: nec bella pro bono publico, sed in publicam calamitatē perditè gererentur. Oportet ergo ut pro mensura delicti sit plagarum modus, nec ultrà progrediatur uindicta, in quo etiam habenda est ratio & consideratio, quòd (ut suprà dictum est) subditi non tenētur, nec debent examinare causas belli, sed possunt sequi principem suum in bellum, contenti auctoritate principis, & publici cōsili: unde pro maiori parte, licet ex altera parte sit bellum iniustum, tamen milites qui ueniunt ad bellum, & pugnant in bello, aut defendunt, uel oppugnant

gnant ciuitates, ex utraque parte sunt innocentes. & ideo cū iam uicti sunt, & nō est periculum ab illis, credo quōd interfici non possunt, ne unus quidem ex illis, si præsūmitur, quōd bona fide in prælium uenerunt.

¶ Sextum dubium, An * liceat interficere deditos aut captiuos, supposito etiam quōd fuerunt nocentes. Respondetur, quōd per se loquendo, nihil obstat quominus capti in bello iniusto, aut dediti, si fuerunt nocentes, interfici possint, seruata æquitate: sed quia in bello multa iure gentium cōstituta sunt, uidetur receptum consuetudine, & usu belli, ut captiui parati uictoria (nisi fortē sint profugæ) & periculo transeunte, non interficiantur, & seruandum est ius gentium eo modo, quo inter bonos uiros seruari cōsuetū est. De deditis autē non lego, nec audio talē consuetudinem, imō in deditionibus arcium ciuitatū, solent quise dederūt, cauere sibi cōditionibus, ut salua sint capita, & salui mittātur: scilicet ueriti ne si simpliciter, & nullis cōditionibus dedātur, interficiantur: & hoc aliquoties factū legimus. Vnde nō uidetur iniquū, ut si oppidū nihil cauendō dedatur, quin mandato principis, aut iudicis, aliqui qui fuerunt notiores, occidantur.

¶ Septimum dubium, Vtrum * omnia capta in bello iusto fiant capientium, & occupantium. Prima propositio, Non est dū-

D bitandum,

bitandum, quin omnia capta in bello iusto
 usque ad sufficiētem satisfactionem rerum a-
 blatarum per iniuriam, & etiam impensarum,
 q̃ fiant occupantiū. Nec indiget probatione:
 quia ille est finis belli, sed seclusa cōsideratiōe
 & restitutionis & satisfactiōis. Sed stando in
 iure belli distinguendū uidetur: nā capta in bel-
 lo aut sunt mobilia, ut pecuniæ, uestes, argētū,
 aurum: aut immobilia, ut agri, oppida, arces.
 ¶ Secunda propositio, Mobilia* quidem iure
 gentium omnia fiunt occupantis, etiam si ex-
 cedant compensationem damnorum. hoc pa-
 tet ex l. si quid in bello, & l. hostes ff. de capti.
 & c. ius gentium. i. distinctio. & expressius Insti-
 tuta de rer. diuis. §. itē ea quæ ab hostibus. ubi
 dicitur, q̃ iure gentium, quæ ab hostibus ca-
 piuntur, statim nostra fiunt, aded ut etiam li-
 beri homines in nostram seruitutem deducā-
 tur. Et Ambros. libro de patriarch. dicit, cum
 Abraham occidit quatuor Reges, prædam qui-
 dem fuisse Abrahæ uictoris, quanquam recu-
 sauit accipere, Genes. 14. & 24. q. 5. Et confir-
 matur ex autoritate Domini, Deuterono. 25.
 ubi de ciuitate expugnanda dicit, Omnē præ-
 dam exercitui diuides, (& comedes de spo-
 liis hostium tuorum. Hanc sententiam tenet
 Adrianus in quæstione de restitutione, in
 particulari quæstione de bello. Et ita Syluest.
 in uerbo, bellum, §. 1. & §. 9. quod qui iustè pu-
 gnat

Ambro.

Genes. 14.

Deutero. 25.

Syluest.

gnat, non tenetur restituere prædam, 23. q. 7. si de rebus. Ex quo infert, quòd capta in bello iusto, non compensantur cum debito principali: ut tenet etiam Archi. 23. q. 2. Dominus noster ita tenet Bar. in. d. l. si quid in bello: & hoc intelligitur, etiam si hostis sit paratus aliis satisfacere de damno & iniuriis. Quod tamen limitat Syluest. & bene, quo usque secundu equitatem sit sufficienter satisfactum de damno & iniuria. Non enim est intelligendum, quòd si Galli exciderint unum pagum, aut ignobile oppidum Hispaniæ, quòd liceat Hispanis etiã (si possint) prædari totam Galliam. sed pro modo, & qualitate iniuriæ arbitrio boni uiri.

52 ¶ Sed ex hac determinatione sequitur dubium, An* liceat permittere militibus ciuitatem in prædam. Respondetur, & sit tertia propositio, Hoc de per se non est illicitum, sed necessarium est ad bellum gerendum, uel deterrendos hostes, uel ad accedendum militum animos. Ita Syluest. §. 10. Sicut etiam licet incendere ciuitatem ex rationali causa. Sed tamen quia ex huiusmodi permissionibus sequuntur plurima multa sæua, crudelia præter omnem humanitatem, quæ à barbaris militibus committuntur, innocentum cedes & cruciatus, uirginum raptus, matronarum stupra, templorum spolia: ideo sine dubio, sine magna necessitate, & causa maximè ciuitatem Christianam prædæ

tradere periniquum est. Sed si ita necessitas belli exigat, non est illicitum, etiam si crudele sit, quòd milites aliqua huiusmodi fœda, & illicita patrent, quæ tamen duces & interdicere & quam possunt, prohibere tenentur.

53 ¶ Quarta propositio, His omnibus nõ obstâ-
tibus, nõ * licet militibus sine auctoritate præ-
das agere, aut incédia facere, quia ipsi non sunt
iudices, sed executores, & tenentur ad restitu-
tionem.

¶ Sed de bonis & de rebus immobilibus ma-
ior difficultas est, & sit quinta propositio, Nõ
54 * est dubiũ quin liceat occupare & tenere agrũ,
& arces, & oppida hostiũ, quantum necessa-
rium est ad compensatiõem damnorum illato-
rum: putà si hostes diruerunt arcem nostram,
incenderunt ciuitatem, syluas, aut uineas, aut
oliueta: licebit occupare uicissim agrum ho-
stium, aut arcem, aut oppidum, & tenere. Si
enim licet capere recompensatiõem ab hosti-
bus pro rebus ablatis: certum est quòd iure di-
uino, & naturali, non plus licet hanc recom-
pensatiõem accipere in rebus mobilibus, quàm
in immobilibus.

55 ¶ Sexta propositio, Etiam * ad parandam se-
curitatem, & uitandum periculum ab hosti-
bus, licet occupare, & tenere arcem aliquam,
aut ciuitatem hostium necessariam ad defen-
sionem nostram aut tollendam hostibus occa-
sionem

sionem, unde possint nocere.

¶ Septima propositio, Etiam * pro iniuria illata, & nomine pœnæ, hoc est in uindictam, licet pro qualitate iniuriæ acceptæ multare hostes parte agri, aut etiam hac ratione occupare arcem, aut oppidum. sed hoc, ut diximus, debet fieri cum moderamine, & non quātum uiribus & potentia armorum occupari & expugnari potest. Et si necessitas, & ratio belli postulat, ut maior pars agri hostium occupetur, & plures ciuitates capiantur, oportet ut compositis rebus, & peracto bello restituantur, tantum retinendo, quantum sit iustum pro recompensatione damnorum, & impenſarum, & pro uindicta iniuriæ, seruata æquitate, & humanitate, quia pœna debet esse proportionata: & in tolerabile esset, quod si Galli agerent prędas in pecora Hispanorum, uel incenderent pagum unum, quod liceret occupare totum regnum Fræcorum. Quod autē hoc titulo liceat occupare, aut partē agri, aut aliquam ciuitatē hostiū, patet 1. Deut. 20. ubi datur licētia in bello occupandi ciuitatē, qui pacē recipere uoluerint. Itē malefactores intraneos licet punire hoc modo, scilicet priuare illos domo, aut agro, aut aut arce, p rei qualitate. ergo etiā extraneos. Itē superior iudex potest cōmodē de multare auctorem iniuriæ, tollendo scilicet ab eo ciuitatē, aut arcē. ergo & princeps, qui læsus est, hoc

Deuter. 20.

poterit, quia iure belli factus est tanquam iudex. Item imperium Romanum hoc modo & titulo auctum & amplificatum est, occupando scilicet iure belli ciuitates & prouincias hostiū à quibus iniuriam acceperant, & tamen imperium Romanorum tanquam iustum & legitimum defenditur ab August. Hieronymo, Ambro. Thoma, & aliis sanctis doctoribus. Imò posset uideri approbatum à Domino in illo loco, Reddite quò sunt Cæsaris Cæsari, & à Paulo, qui Cæsarem appellauit, & ad Roma. 13. ad monet potestatibus sublimioribus, & principibus subditos esse, & tributa pèdere, qui eo tempore omnes habebant auctoritatem ab imperio Romano.

Roma. 13.

37 ¶ Octauum dubium, Vtrum * liceat imponere uictis hostibus tributa. Respondetur, quòd sine dubio licet, non solum ad compensandū damna, sed etiam ratione pœnæ, & in uindictam. Hoc satis patet ex supradictis ex illo loco Deutero. 20. ubi dicit, quòd postquam ex iusta causa accesserint ad expugnandum ciuitatem, si receperit eos, & aperuerit portas, cunctus populus, qui in ea est, saluabitur, & seruiet illis sub tributo, & hoc ius, & usus belli obtinuit.

Deute. 20.

38 ¶ Nonum dubium, An * liceat deponere principes hostium, & novos ponere & constituere, uel sibi retinere principatum. Prima propositio,

positio, Hoc non passim, & ex quacunque causa belli iusti licet facere: ut patet ex dictis. Nam pœna non debet excedere quãtitatẽ & rationẽ iniurię, imò pœnæ sunt restringendæ, & fauores ampliandi, quæ est nõ solũ regula iuris humani, sed etiã naturalis, & diuini: ergo dato qđ iniuria illata ab hostibus sit sufficiens causa belli, non semper erit sufficiens ad exterminationem principatus hostis, & ad depositionem legitimorum, & naturalium principũ. hoc enim esset prorsus sæuum & inhumanum.

¶ Secunda propositio, Non * est negandum quin aliquando possint contingere sufficientes & legitimæ causæ uel ad mutandos principes uel ad occupandum principatum: & hoc uel pro multitudine & atrocitate damnorum & iniuriarum, uel maxime quando aliter securitas & pax ab hostibus obtineri non potest: & immineret grãde periculum reip. ab illis, nisi hoc fieret. Hoc patet. Si enim licet occupare ciuitatem ex causa, ut dictum est, ergo tollere principem ciuitatis. & eadem est ratio de provincia, & principe prouinciæ, si causa maior cõtingat. Sed notãdũ circa 6. 7. 8. & 9. dubiũ, quòd aliquando, imò frequenter non solum subditi, sed etiam principes ipsi, qui re uera nõ habent causam iustam, tamen bona fide gerũt bellum, ita inquam bona fide, quòd excusantur ab omni culpa, putã cum facta diligẽti ex-

minatione, ex sententia doctorum, & bonorum uirorum geritur bellum. Et cum nemo debeat sine culpa puniri in tali casu, quauis liceat uictori recuperare res ablatas, & forte impensam belli: tamen sicut non licet parta uictoria quęcunque interficere, ita nec ultra iustam satisfactionem occupare, nec exigere in rebus temporalibus, quia omnia alia fieri non possunt, nisi nomine pęnę, quę in innocentes cadere non debet. Ex his omnibus possunt componi pauci canones, & regulę belligerandi. Primus canon, * Supposito quod princeps habet auctoritatem gerendi bellum, primum omnium debet non quærere occasiones, & causas belli: sed si fieri potest, cum omnibus hominibus pacem habere, ut Paulus præcepit ad Ro. 12. debet autem recogitare, quod alii sunt proximi, quos tenemur diligere sicut nos ipsos, & quod habemus omnes unum commune Dominum, ante cuius tribunal tenemur rationem reddere. Est enim ultimę immanitatis, causas quærere, & gaudere, quod sint ad interficiendum, & perdendum homines quos Deus creauit, & pro quibus Christus mortuus est: sed coactum & inuitum uenire oportet ad necessitatem belli. Secundus canon, Conflato iam ex istis causis bello oportet illud gerere non ad perniciem gentis, contra quam bellandum est, sed ad consequutionem iuris sui, & defensionem patrię, & rei

Roma. 12.

& reipublicæ suæ, & ut ex illo bello pax ali-
quando, & securitas consequatur. Tertius ca-
non, Parta uictoria, & confecto bello, opor-
tet moderatè, & cum modestia Christiana, ui-
ctoria uti, & oportet uictorem existimare se
iudicem sedere inter duas respub. alteram, quæ
læsâ est, alteram, quæ iniuriam fecit: ut nō tan-
quam accusator, sed tanquam iudex sententi-
am ferat, qua satisfieri quidem possit reipublicæ
læsæ. Sed quantum fieri poterit, cum minima
calamitate, & malo reipublicæ nocentis. & sa-
tis est, ut castigatis nocentibus, quantum
licuerit: & maximè, quia ut pluri-
mum inter Christianos tota cul-
pa est penes principes. Nā sub-
diti bona fide pro principi-
bus pugnant: & est per-
iniquū, quod Poëta
ait, Vt quicquid
delirant Reges,
plectantur
Achiui.

*
* *

REVERENDI PATRIS

*fratris francisci à Victoria rele-**lio De matrimonio.*

S V M M A.

- 1 Matrimonium quid sit.
- 2 Matrimonij quotuplex finis.
- 3 Ius conueniendi, an satis sit ad matrimonij essentiam.
- 4 Consensus inter uirum & foeminam, an sit de ratione matrimonij.
- 5 Matrimonium quantum ad sui essentiam quid sit.
- 6 Matrimonij uinculum, quomodo ex lege naturali aut diuina non contrahatur, nisi coniugum ipsorum consensu, licet Deus sine dubio, nullo consensu uiri & foeminae interposito, constituere possit.
- 7 Matrimonium, quod nulla auctoritate humana possit constitui, nisi consensu contrahentium, probatur.
- 8 Matrimonij consensus qualis sit, inquiritur.
- 9 Canon, siue regula uniuersalis obseruanda, si ex aliquo pacto, aut stipulatione non statim ab initio oritur matrimonium.
- 10 Matrimonium si quis deceptus contrahat, an teneat.
- 11 Ecclesia sicut aliquas personas sua auctoritate reddit illegitimas ad contrahendum, an princeps hoc possit facere.
- 12 Auctoris sententia pro dubio, An princeps secularis possit ponere impedimentum matrimonio.



DE MATRIMONIO uerba facturus sum, Patres grauissimi, uiri-
que tum religiosissimi, tum ornatissi-
mi. Nec enim mihi integrum fuit
per amicos & necessarios argumentum, quod
fueram

fueram meditatus, tractare, & mea professione, & uestra expectatione fortasse non indignum. Cùm enim superioribus diebus delata esset in hâc uniuersitatē causâ de matrimonio illustrissimorum principum, regumque Anglorum, atque per aliquot dies in illos grauissimo doctorum, atque magistrorum iactata senatu, atque uentilata fuerit: contenderunt à me nonnulli mei inuicem studiosi, ut de ea re prima mea relectione differerem: quibus, quia negare nō licebat, cùm recepissem, necessariū mihi fuit, ut hoc alieno ære hodierna die me exoluerem. Quanquam profectò tot se mihi mala tam grauem causam aggresso obiecerūt, ut non mediocriter timeam, ne prius quàm ad illam penetrare possim, & tempore, & clepsidra, & uestra, quam mihi soletis præstare, bene uola audientia destituar. Ergo utcunque recessura sit, uestrum erit, & si quod expectabatis, audieritis, & quæ expectabatis, adhuc desideraueritis, meo nomini boni consulere, & meis conatibus & studiis (ut hactenus fecistis) uel fauere, uel conuiuere.

¶ Locus igitur à me relegendus in præsentiarum, & commentandus habetur Matth. 19. & infertur à Magistro sententia. 4. libro, Quod Matth. 19.
Deus coniunxit, homo non separet. In cuius loci explicatione tres erunt quæstiones & partes. In prima de constitutione matrimonii. In
secunda

Cicero.

secunda de impedimentis, in tertiâ de dissolutione agendum est. Et quia secundum Cicero-
nem 1. Officiorum, omnis, quæ à ratione susci-
pitur de aliqua re institutio, debet à definitio-
ne proficisci: ideo ante omnia quæritur* quid
sit matrimonium, an (ut quidam putant) matri-
monium sit ius inter uirum, & fœminam, quo
mutuò liceat uti ad liberorû procreationem,
aut (ut simplicius dicam) ad copulâ carnalem.
Et uidetur quod sic: quia omnis usus fœminæ
extra matrimoniû est illicitus. ergo matrimo-
nium est ius huius usus. Præterea per matrimo-
niû nihil aliud uidetur fieri, quàm quod uir,
& mulier consequantur facultatem utendi in-
uicem corporibus suis, ad usus generationis:
& sic facultas hæc nihil aliud uidet esse, quàm
ius licitè utendi: ergo in contrarium est, quod
matrimonium exigit inseparabilitatem, ut ex
themate huius disputationis patet, & Aposto.

1. *Corin.* 7. 1. ad *Cor.* 7. His, qui matrimonio iuncti sunt,
præcipio, non ego, sed Dominus, uxorem à ui-
ro non discedere: & si discesserit, manere in-
nuptâ, & uir uxorem non dimittat. Ad huius
dubii explicationem præmitto fundamentum
ex *Aristo.* 2. *Phy.* quod res naturales, necessita-
tes suas ex fine habent: matrimonium autè ab
Aristotele in libro *Politi.* inter naturalia com-
putatur. Dicit enim quod homo plus est ani-
mal coniugale, quàm politicum: & tamen di-
cit hominem

est hominē esse animal ciuile. habet ergo suos
fines propter quos est institutū. Deus autem,
qui author, & institutor est matrimonii, illud
non frustra, sed propter finem condidit. Est
autem duplex finis matrimonii secundum
Aristotelē, Primus, & potissimus, atque adeo
primarius, procreatio, & educatio prolis, &
non esse rationali, hoc est, ad uitam & uirtutem
ciuilem: quia dans formam, dat consequentia
ad formam, ut dicitur in libr. i. De genera. Ea,
quæ rei naturali conueniunt, in quantum ta-
lis est, ut ignis dat non solum formam ignis,
sed & calorem, & alias proprietates ignis: sic
etiam ad patres spectat, non solum dare substā-
tiam, sed & quæ hominis sunt, ut homo est, sci-
licet uitam secundum rationem, siue politicā.
Est enim homo natura animal ciuile, sicut &
ignis natura calidus: & ideo ad parentes spe-
ctat non solum conferre necessaria ad uitam
naturalem, sed etiam ad uitam ciuilem. Alter
finis est, mutua obsequia, & officia inter uirū
& fœminam. Sicut enim homo est animal in-
firmum, & alterius operis egens, ideo est ani-
mal ciuile: ita quia nō omnia munia ad uitam
hominum degendam sunt competentia, aut
omnino uiris, aut omnino fœminis, sed quæ-
dam spectant ad uiros, ut arare, ædificare & si-
milis, quædam autem ad fœminas, ut nere,
pinferre: ideo iunguntur mares & fœminæ.

¶ Loci

¶ Loci primum fundamentū est ad omnia penē, quæ in mea relectiōe disputaturus sum. Nā secundum Aristotelē libro De anima, dubia omnia cōtingentia de re aliqua, ex diffinitione illius solueda sunt. Ea autem, quæ sunt propter finem, optimē diffiniūtur per finem, quare & dubia incidentia de matrimonio ex fine matrimonii explicanda sunt. Sic ergo dico, q³ *ad matrimonii essentiā nō satis est ius cōueniendi. Probatur, Nā si uagus concubitus esset licitus, non satis esset ad rationem matrimonii. Patet, Quia illo posito, frustraretur talis coniunctio utroque fine matrimonii. Probatur. Si enim etiam uagus concubitus esset licitus, scilicet liber congressus uiui cuiuslibet cū qualibet fœmina, suus finis haberi nullo modo posset. Nam certē præterquam quòd ex tali concubitu rara solet proles contingere, non posset proles commodē, aut procreari, aut educari, incerto scilicet patre, non solū quo ad ciuilem, sed & quantum ad naturalem uitā, cum fœmina sit infirmior, & improuidentior sine uiro, quā ut totam filiorum curam sustinere possit; & certus pater esse non potest, si concubitus est promiscuus, & dato etiam, q³ una esset unius, sine tamen mutua obligatione impediretur adhuc uterque finis matrimonii. Nā neque procreatio proles esset certa ex libera coniunctione, neque educatio à parentibus,

tibus, qui inuicem conuiuere non tenentur, & instructio moralis esse uix posset, cū oportet filium apud matrem educari propter naturales necessitates, & rursum à patre doceri, qui tunc cum matre non habitaret. Præterea mutua obsequia & beneficia constare non possent, cū omnis beneficentia ex amore profisciscatur, qui esse non posset. uiri in fœminam, quæ alios uiros pateretur, nec fœminæ in uirum, qui cum aliis rem haberet. Atque ideo dico, quòd præter illud ius requiritur obligatio mutua certi uiri ad certam fœminam, & perpetua ad procreationē liberorū. Probat, Sine tali obligatione non constabit finis matrimonii: ea autē posita, cōstabit: ergo illa exigitur. *Roman. 7.* Confirmatur ex Apost. ad Rom. 7. Mulier sui corporis potestatem non habet, sed uir: similiter & uir potestatem sui coporis nō habet, sed mulier. ergo requiritur obligatio.

¶ Secundò dubitatur, & oritur dubium ex solutione primi dubii, An* de ratione matrimonii sit cōsensus inter uirum & fœminam. Et uidetur quòd sic, Quia de ratione matrimonii est obligatio, quæ non potest prouenire, nisi ex pacto, & consensu inter uirum, & fœminā. ergo exigitur contractus, uel pactum inter fœminam, & uirum. Et confirmatur, Nam ex sententia omnium iurisperitorum, & theologorum, matrimonium non transigitur, aut cōficitur

ficitur nisi consensu contrahentium, ut etiam Magister expandit, & decreta allegat. ergo. In contrarium est, quod omne ius, quod alicui competere potest ex pacto, potest conuenire decreto legis superioris: in omnibus enim aliis negotiis, ut effectus, & obligatio, quæ nascitur ex cōtractu & pacto, potest aliunde oriri, ut seruitus, quæ ex pacto oriri potest, eadem ex iure belli & aliis causis constituitur. Item translatio hæreditatis, quæ pacto conficitur, eadem aut iure præscriptionis, aut alio titulo fieri potest. non ergo uidetur negandum quin etiam obligatio maritalis, quæ contrahētium consensu, & pactione firmari solet, aliunde etiam possit proficisci. Pro solutione huius dubii dico, quod de ratione matrimonii, absolute loquendo, non est contractus, nec consensus inter uirum & fœminā. Probatur primò ex illo principio apud theologos acceptissimo, Quicquid Deus potest facere cū causa secūda, potest se solo facere. si ergo pacto, & consensu uiri, & fœminæ constituitur matrimonium: ergo Deus se solo posset facere illam obligationem, non ex consensu, aut pacto aliquo uiri & fœminæ, si mutuò utrūque obligare posset ad coniunctionem maritalem, eodem modo, sicut pacto & coniūctione coniuncti erant. Confirmatur, Quia Deus habet maius dominium super uirū & fœminam, quàm ipsi inter seipso:

seiplos: si ergo ipsi habent tradendi sui corporis potestatem: ergo etiam Deus. & tale matrimonium esset eiusdem rationis cum matrimonio ex pactis & consensu constituto: quia est obligatio eiusdem rationis, & ad eosdem fines: atque hoc negare, perinde esset ac si quis contenderet murē à sole generatū, nō esse uerum murem eiusdem rationis cum mure genito à patre: quod olim à legitima philosophia exploratum est. Cōfirmat, Dominus præcepit Osee. i. *Osee. i.*
 Sume tibi uxore fornicariam, & fac tibi filios fornicationis. ex eo præcepto si fuisset de certa scēmina, potuisset Oseas illam etiam inuitā in uxorem accipere, quia iam erat facta ipsius, quod egregiē factum asserunt. atque hoc pacto nō est necesse recurrere ad diuinam dispensationem in præcepto de fornicatione: quia Deus fecit, scilicet eam propriam Osee uxore. quod etiam matrimoniū uidetur ex serie prophetiæ dicenti, ubi illam uxorem uocauit, ut quid ergo non potuit etiam mutuò alterum in alterius tradere potestatem? Confirmatur ultimo, Inter primos parentes fuit uerum matrimonium, de illis enim dictum est, Propter hāc relinquet homo patrē, & matrem, &c. & præcepit illis Dominus, Crescite, & multiplicamini. & Adam dixit, Mulier, quam dedisti mihi, dedit mihi de ligno, & comedi, & tamen Scriptura non meminit pacti inter ipsos. ergo auctori
 E auctori

thoritate diuina fuerant coniuncti, quia Dominus in Euangelio dicere uidetur, Quod Deus coniuxit, homo non separet. Nec potest dici, quòd factum est per illa uerba, Hoc nunc os ex ossibus meis, & caro de carne mea: quãobré relinquet homo, &c. Nec unquam mihi placuit expositio illorum, qui ita dicunt. Nam primum illa fuerunt uerba solius Adæ, qui matrimonium solus facere non poterat. Deinde illa uerba uidentur esse post factum matrimonium. Habeo ergo pro certo, nec puto cuiquam dubitandum quin autoritate diuina posset constitui matrimonium eiusdem rationis: sicut si consensu partium contraheretur, & forsam ita factum fuit. *Palud.* uerò in 4. dist. 26. q. 11. articu. 2. dicit, quòd fortasse illud matrimonium Deus fecit inter Adam & Euam ipso dormiente, quod euigilans cognouit factum in se, & prophetauit faciendum in aliis: uerius tamen, inquit, est, quòd non fuit à Deo immediate, sed sibi fuit inspiratum, quòd consentiret, & ipso euigilante consentirent mutuò, & sic secutum est uinculum. Sed ipse hoc dicit, nec tamen probat. Vide S. Tho. dist. 27. q. 1. arti. 2. q. 1. ad 2. & dist. 33. q. 1. arti. 2. ad 3. & dist. 27. q. 1. arti. 1. q. 3. Itaque ex omnibus ultro, citroque iactatis, duo sunt, quæ pro compertis haberi possunt. Primum est, quòd *matrimonium quantum ad suam essentiam nihil aliud est, quàm

quàm uinculū, siue mutua uel indiuidua, id est perpetua obligatio uiri certi, ad certam scēminam, ad procreationem liberorum, siue ad usus generationis: ita ut per procreationē intelligamus & filiorum, & familiæ institutionem. Secundum est, quòd hoc uinculum licet Deus quidem sine dubio, nullo consensu uiri, & scēminæ interposito constituere possit, ex lege tamen naturali, & diuina non contrahitur, nisi coniugum ipsorum consensu.

¶ Sed contra prædicta arguitur. Nam in contractu sponsaliū est mutua obligatio ad usum matrimonialium: & tamen non est matrimonium: ergo non tota ratio matrimonii consistit in mutua obligatione, sed exigitur aliquis contractus, uel consensus. Respondeo, Primū nego, quòd in contractu sponsalium sit mutua obligatio saltē immediata ad usus matrimonii. Nō enim potest esse obligatio ad rē illicitā. Sola autē obligatione desponsaliū stāte, nō est licitus usus matrimonii, imò esset fornicatio, cū exigatur cōsensus de præsenti. Est autē in sponsalibus obligatio ad contrahendū matrimonium, in matrimonio autem est obligatio immediata ad usus matrimonii, & est actūalis traditio corporis, unde nascitur talis obligatio: & ita intelligendum est, quòd ratio matrimonii consistit in mutua traditione corporis, & obligatione ad usum corporis. sed tradi

tio intelligitur à quocunque fiat : uihil enim refert an fiat ab ipsis, qui traduntur, an à superiori. Secundò dico, quòd per obligationē intelligo nò solū ius, sed uerū dominiū. nò enim ita uxor debet uiro corpus uel usum corporis, sicut qui pecuniā ex aliqua stipulatione debet, quæ quidē debitoris, nò creditoris est, quāuis debita sit: sed corpus uxoris non est uxoris, sed uiri, & ecòtra : ut Paul. dicere uidet. Vnde etiā matrimonium nò solū est mutua obligatio, sed translatio corporis ad usus generationis. ¶ Verū ex hoc loco oritur latus disputationis campus. Si enim ita est, ut de ratione matrimonii non sit aut contractus aliquis, aut consensus coniugum, sed satis est mutua obligatio ad usus naturales cum actuali traditione corporis: & hoc ipsum Deus uniuersorum dominus non solū potest facere, non expectata cuiusuis autoritate, sed etiam aliquando fecit: an potestaté istam reliquerit reipub. uel ecclesiæ, an ecclesia, uel Imperator posset constituere matrimonium sine consensu, ut scilicet possit ex causa fœminā uiro in uxorem dare, aut utroque, aut certè altero inuito. Et uidetur quòd sic, quia in omnibus aliis negotiis omne ius, quòd conuenit alicui ex pacto uel consensu, potest conuenire ex ordinatione legis. Tā enim in repub. seculari, quàm in ecclesiastica inuenitur potestas trāsferendi ex legi-

timis

timis causis dominiū rei ab uno ad alterū dominiū, priori domino inuito. Cur hāc potestātē in hac una re coarctamus, & cōtrahimus, ut non possit ecclesia ex quacūque causā dare uiro ius & potestātē in corp' sœminæ, aut econtrā? potest si quidem princeps domum, agrū, equū, pecuniā unius legitimi domini ob criminis, aut stipulationis, aut alicuius conditionis causam trāsferre in nouū dominū, priore etiā reclamante: cur ecclesia hoc nō poterit ex probabili & iusta causā facere de corpore subditorū? Possēt ergo ecclesia cōstituere, ut post spōsalia & copulā esset matrimoniū, Cōfirmatur, Si hoc nō possēt ecclesia, esset propter uinculū inter uxoratos: sed maius uinculū est redigere aliquē in seruitutē: & tamē hanc potestātē nō negamus, imō & parentes possunt liberos in seruitutē dare, ius fasque aliquādo fuit, cur ergo hāc potestatem in matrimonio, scilicet hominis, tradendi tam obstinatē negamus? Præterea Aristoteles in Politicis dicit quòd homo *Aristo.* plus est reip. quàm sui ipsius. ergo respublica habet maius dominium super istum, quàm ipsemet. sed ipse potest se obligare: ergo si indiget respublica persona istius ad istos usus, scilicet matrimoniū, uidetur quòd possit uti illo etiam inuito, sicut possēt illum etiam exponere morti propter salutē totius communitatis. Quòd si maximē obuiam eatur huic dispu

tationi per hoc, quòd non idem ius sit superioribus in res hominũ aut in corpora aut in personas eorum, non tamen satis uidetur res expediti. Nescio enim unde exploratum habeatur, non residere hanc potestatem in superioribus, cũ tamẽ eis uitæ & mortis potestatem nõ negemus: quòd maius uidetur, quàm collocandi uxore uiro. Præterea, ecclesia uidetur hoc iam fecisse, quia habetur in c. si conditiones, de conditionibus appositis, si quis contrahat cum conditione impossibili, uel turpi, habetur pro matrimonio, dummodo illa conditio non sit contra substantiam matrimonii, ut, contraho tecũ si me feceris Deum, uel, si Petrũ occidas, tunc est uerum matrimonium, & tamen est sine cõsensu. ergo, &c. Nec sufficit dicere, quòd illud matrimonium est præsumptum, quia nulla uidetur præsumptio inter eum, qui apposuit impossibilem conditionẽ. Item, & certè fortiùs, ecclesia potest facere aliquem monachũ professum etiam inuitum: & tamen hoc est maius uinculum, cũ dirimat matrimonium. ergo etiã poterit ecclesia facere ex non marito maritũ. Maior probat ex i. c. de regularibus, libro 6. ubi decernitur. Si quis perseuerauerit in monasterio scienter, & uoluntariè, habeatur pro professo etiã sine cõsensu: & est uerus monach⁹, etiã si nolit: nec est p̃fessio præsumpta, sed uera, & est obligatus in foro interiori. Et certè oportet

te oporteret ostendere hanc exceptionē, unde scilicet habeatur, q̄ omnia alia quæ fieri possunt per contractum uoluntarium, possunt fieri autoritate superioris, & hoc solum nō potest. Item si hoc negatur ecclesiæ propter nimiam libertatē, quam Deus uoluit esse in matrimoniis contrahendis, cōtrā, Ecclesia cogit per excommunicationes, & alias pœnas sponsalia ad contrahendum matrimonium, quod adimit libertatem: imò posset princeps statuere pœnam mortis si quis, nō duceret sponsam, ergo postquā hoc modo potest adimere libertatem, quare negatur, quòd possit prorsus inuito matrimonium constituere? Itē si Christus potuit (ut certum est) hanc potestatem dare ecclesiæ, uidetur quòd saltem in casu dederit, putā si tota ecclesia periclitaretur nisi filius regis duceret filiā Turcæ, aliās Christianam, & uolentem, & ille nullo modo uult, quare papa nō poterit eum cogere? cogere inquam, hoc est obligare tantum, ac si omnino duxisset illam. Item in illo casu uel simili potest ecclesia præcipere ut ducat, & excommunicare nisi ducat. hoc autem omnino tollit libertatem, cū nullo modo possit euadere damnationem nisi ducat. ergo non obstat libertas, quin possit ecclesia constituere uerum matrimonium. Item quæ à Deo sunt, ordinata sunt, *Rom. 1. 13.* ad *Rom. 13.* & *Genes. 1.* Vidit Deus cūcta, quæ *Genes. 1.*

E 4 fecerat,

fecerat, & erant ualde bona, sed hoc expediret multum reipu. ut talis potestas esset in superioribus, cum aliquando esset remedium ad constituendam pacem, tollendum bella intestina. Et confirmatur, Casu quo essent decem homines, & foeminae, ut tempore Noë, quare non posset cogi uir ad accipiendum uxorem, ut Noë filios suos & filias? certe non uideretur intolerabilis error, si quis uellet defendere quod post sponsalia posset ecclesia matrimonium constituere, & obligare aliquem, sequuta copula, altero etiam inuito.

¶ Sed quia Theologis non licet in suis disputationibus, sicut iurisconsultis aliquid insolens, nouum & inauditum contra maiorum auctoritatem asserere: ideo secutus communem opinionem teneo, quod * matrimonium nulla auctoritate humana potest constitui, nisi consensu contrahentium. Probatur, Ex tali coniunctione frustraretur utroque fine matrimonium. ergo ecclesia non potest. Assumptum probatur. Prius enim finis matrimonii, scilicet pro creatio prolis, & educatio certe esse non posset inter inuitos, & se non inuicem amantes, cum commercium matrimoniale sit magnum signum amoris. Et probatur hoc, Paul. ad Ephe. 5. & Colos. 3. commendat uiris ut diligant uxores suas. & Dominus in Genesi, Propter hanc, &c. quia scilicet non possunt matrimonialia officia

*Ephe. 5.
Colos. 3.*

officia impendi sine mutuo amore, & animorum concordia, quæ inter eos, qui inuiti iuncti essent, malè coalescere posset, coniugibus malè inter se conuenientibus, & de liberis diuersa sentiētibus. Secundò, Etiam finis multo minus consequi posset. nam officia, & mutua obsequia nisi ex amore proficisci nō possunt, qui contingere aut uix, aut nunquam posset, si matrimonia inter inuitos constitueretur. Cōfirmatur, Quia potestas humana omne uinculum quod potest constituere, potest dirimere. Sed ecclesia non potest dirimere uinculū matrimonii: ergo nec constituere. Maior patet, Quia in omnibus aliis translationibus rerum sicut potest princeps rem transferre inuito domino, ita etiā post translationem postea inuito secundo, priori domino restituere, nō obstante quacunque possessione, & usu rei: ita quæ eandem potestatem habet ad rescindendum contractum, sicut ad constituendum: sed non potest papa rescindere contractum matrimonii, saltem partibus inuitis, uel post matrimonii usum: iuxta illud, Quod Deus coniunxit, &c. ergo. Et certè nulla ratio est, ut ex aliqua causa ecclesia posset matrimonium constituere inuitis parentibus, rescindere autem etiam ipsis poscentibus nullo casu possit. Tertiò, Si eodem tempore Petrus per uerba de præsenti contraheret cum

E 5 Maria

Maria, & Papa traderet in matrimonium Mariam Iohanni: tunc uel nullum esset matrimonium, uel illa esset uxor duorum. Patet, Ibi sunt duæ causæ sufficientes ad constituendum matrimonium. ergo uel utraque habet effectum: & sic illa erit uxor duorum: uel se mutuò impediunt, & tunc nullum esset matrimonium: & tunc nunquam sciri posset, an aliquod sit uerum matrimonium, uel nō, quia dubitari posset an papa uelit eam tradere alteri. Et si dicas, quòd in eo casu authoritas superioris maior est, & per consequens illa esset uxor Iohannis: contra, & est quartum argumentum, Si hoc papa potest, ergo & quilibet episcopus in sua diocesi. nescio enim quid papa posset in tota ecclesia, quod non possit episcopus in suo episcopatu, nisi fortè in illis quæ de se spectant ad uniuersalem ecclesiam, ut determinatio fidei: omnia enim alia quæ papa potest, uidetur episcopus etiam posse, nisi quòd in aliquibus potestas eorum contracta est iure, ut in dispensationibus uotorum, & impedimentorum matrimonii. Quintò, Ecclesia nunquam usa est hac potestate, nec in lege naturæ, nec in lege scripta, nec in lege euangelica, cùm tamē non sit dubitandum quin aliquando expediret uti hac potestate: ergo signum est non esse talem potestatem in ecclesia. Sextò, Ecclesia cogit aliquem ad contrahendū matrimonium, ut post sponsalia,

sponsalia, & tamen nolentes non iunget tanquam coniuges: & tamen in omnibus aliis si quis nollet reddere debitum, cogitur factò ad reddendum debitum, non solum decretis & pœnis. Ergo si ecclesia posset dare maritum puellæ ipsa inuita, deberet post sponsalia, etiã si nollet, tradere eam in manus uiri: quod tamen nunquam tentauit facere.

¶ Ad argumenta in contrarium patet quid dicendum. Dicimus enim quòd in omnibus aliis translationibus, & uinculis non impeditur finis propter quem inuentæ & institutæ sunt. In proposito autem (ut ostensum est) omnino tolleretur finis matrimonii. Secundò dicimus, quòd in aliis translationibus si fortè post factum sequatur maius inconueniens, potest remedium adhiberi. Possunt enim reuocari in priorem aut meliorem statum, matrimoniũ autem semel ritè perfectum dirimi, aut reuocari non potest. & ideò non est tantum periculum si fiant sine consensu eorum, ad quos spectant: & ideò etiam timor impedit matrimonium, & non alia. Tertiò etiam uidetur potissima ratio, quia in omnibus aliis negotiis idè effectus sequitur si aliqua translatio fiat auctoritate superioris, uel hominum uoluntate, & pacto. in eosdem enim usus & domus, quam aliquis sibi uendicat auctoritate legis, aut præscriptione, aut quouis alio legitimo titulo ac
si ha

si habuisset emptione, aut donatiōe dominiū.
 & idem est de pecunia, & omnibus aliis: matri-
 monium autem in eos usus Deus & natura cō-
 stituerunt, qui nisi à uoluntariis exigī nullo
 modo possunt. Nunquam enim quisquam in-
 uitus operam liberis dare poterit procreādis,
 aut procreatos educare, & instituere. Quare
 omnino si maximè princeps, aut ecclesia pos-
 set uiro uxore, aut ecōtra mulieri maritum da-
 re, omnino ea donatio inefficax esset, etiam
 in illos effectus, aut usus: quare prorsus uana
 esset huiusmodi potestas. secus autem est de
 Deo, qui non solum corpora, sed animas, &
 corda habet in potestate, & suo nutu mortales
 in quacūque officia uoluerit, uolētes aut nolē-
 tes trahere: & nō minorē potestātē habet ad
 iungendum inuicem corpora uinculis coniu-
 galibus, quā animas mutua beneuolentia, et
 amore. Quartò dicimus, quòd in tali necessi-
 tate, qua teneretur quis uxorem ducere, respu-
 posset quidem huiusmodi cōpēllere, sed si om-
 nino nollet, non posset inuito uxorem dare:
 unde nō excusantur filiæ Lot idēd, q̄ etiā, cre-
 dētes fortasse nullos alios superesse in genere
 humano, ingressæ sunt ad patrē, nō solū quia
 incestæ, sed quia ad nō suum uirū accesserunt.

De secundo puncto primæ partis.

SED RESTAT inquirere, *Qualis sit
 iste consensus matrimonii. Nec tamen est
 in animo

in animo omnia, quæ de consensu maritali à doctoribus disputatur, tractare (esset enim infinitum) sed solum unicum locum delegi, de quo iurisperiti, & Theologi ambigunt, & contendunt, & adhuc sub iudice lis est, An scilicet contractus per uerba de præsentì, & consensu interposita conditione de futuro, adueniente illa conditione, matrimonium teneat, non reuocato priori consensu, ut, Accipio te in uxorem, si pater tuus consenserit: uel, si pater tuus obierit. & uolumus etiam, quòd contractus fiat cum intentione contrahendi matrimonium posita conditione. Et quidem illustres, & celeberrimi doctores pontificii iuris defendunt assertoriam partem, prorsus affirmantes firmari eo casu matrimoniū adueniente conditione, nec opus esse nouo consensu, aut contractu. Panormita, c. de illis. de condi- *Panormita.*
tio. apposit. Hosti. in summa, quod etiam sen- *Hostien.*
tiunt theologi non ignobiles, inter quos uide-
tur esse Petrus Palustris, author alioqui quan- *Petrus*
tius pretii, in 4. d. 29. q. 2. ad 2. & ad 3. & con- *Palust.*
tendunt argumentis hoc confirmare. Primum
in omnibus aliis contractibus conditionatis,
adueniente conditione, manet cōtractus abso-
lutus, nullo consensu requisito. ut si cōtraha-
tur sic, Do tibi cētum libras ferri, si nauis mea
salua uenerit: do domum, si nuptui dederis fi-
liam: uendo agrum, si pater obierit: conditio-

ne po

ne posita tenet contractus. ergo etiam in matrimonio. Secundo si hoc negetur matrimonio quod conceditur aliis pactis, hoc esse non potest, nisi ratione libertatis singularis, quæ in matrimoniis præ aliis exigitur, sed hoc ipsum est contra libertatem scilicet non posse contrahere cum uoluerit, & pro tempore quo uoluerit, & sicut uoluerit. ergo si quis nunc uult contrahere pro crastina die, & non pro hodie, omnino uidetur contra libertatem, quod impediatur. Præterea ille contractus non est sponsalium: ergo est matrimonialis. Consequentia est nota. Antecedens probatur, Quia si esset sponsalium, uel pro tempore quo fit, uel pro tempore conditionis. Non primum, quia quod impedit matrimonium, impedit sponsalia, scilicet effectus conditionis: nec secundum, quia contractus sub conditione quando ponitur conditio, manet purus, id est, ac si esset sine conditione: ut sic, Contraho tecum, si habes licentiam patris tui: si conditio adest, tantum ualeat, sicut, Contraho tecum absolute sine conditione. ergo pro tempore, quo ponitur conditio, iam contractus ille manet absolutus, & per consequens est matrimonium. Confirmatur, quod non sint sponsalia pro nunc: quia ex illo contractu non nascitur publicæ honestatis iustitia. unde habetur c. unico de sponsalibus, libro 6. de sponsalibus conditionatis, quod non contra

cōtrahitur publicæ honestatis iustitia, nisi purificatus fuerit contractus per conditionis euentum, & tamen ex sponsalibus nascitur publicæ honestatis iustitia. Item contractus nihil efficit nisi ex intentione contrahentium, sed isti intendunt efficere matrimonium, & non sponsalia. ergo si nō efficiunt matrimonium, nihil efficiunt: cuius contrarium patet, quia talis obligatur illo contractu posita cōditione, ut dicitur in casu superiori. Præterea, Si talis contractus fieret tempore, quo ponitur cōditio, esset uerum matrimonium. Sed idem uidetur operari ille contractus præteritus, si interrim non est reuocatus, sicut si nunc esset. ergo uidetur quod faciat matrimonium. Sexto arguitur in c. de illis. de cōditionibus apposis. dicitur enim quod si quis his uerbis iurauerit fœminam se ducturum uxorem, si dederit pecuniam: si non dederit non est reus, nisi consensus de præsentī interuenerit: licet copula carnalis fuerit subsequuta. ergo à cōtrario sensu, si sit consensus, erit reus periurii. Sed in proposito, ut supponimus, est consensus de præsentī: ergo erit matrimonium. Item, si contrahō tecum crastina die, adueniēte crastina die, uidetur quod sit matrimonium, non pro nūc, sed pro crastina die. Probatur, Sicut si dicat, Si crastina dies fuerit, uel si sol oriatur cras, ducote in uxorem, est matrimonium. ergo etiam cum

cum alia cōditione, si adueniat conditio, quæ suspendit contractum, uidetur contractus purus, & per consequens matrimonium. Idem enim uidetur dicere pro, crastina die, & pro tēpore, quo dederis mihi centum. Præterea, Si quis contraheret his uerbis, Contraho tecum si consentias ut contrahas mecum, ipsa respondēte, Contraho, est uerum matrimonium, & tamen illa conditio est etiam de futuro: ergo à simili si dicat, Contraho tecū si intra annum consenseris, posita conditione, erit uerum matrimonium. Assumptum probatur, Nam in cōtractu matrimonii ita uidetur contingere, quòd alter prius dicat Cōsentio, & ad ueniente consensu alterius, perficitur matrimonium: unde semper uidetur quòd efficacia consensu dependeat à futuro.

¶ In contrarium est omnis sententia theologorum, ex quorum autoritate, & doctrina pono canonem uniuersalem, Si* ex aliquo pacto, aut stipulatione non statim ab initio oritur matrimonium, quicquid postea superuenerit, siue sit ætas, siue copula carnalis, siue dispensatio super impedimentum, siue conditio appositæ cōtractui, nunquā erit matrimonium, nisi de integro omnia ponantur, quæ necessaria sunt, & de essentia matrimonii. Vnde dico, quòd ad legitimum matrimonium, & uerum, sicut sufficit, ita exigitur mutuus cōsensus expressus

preſſus, & purus in præſenti, hoc eſt pro tempore, pro quo cōtrahunt, & pro tempore pro quo matrimōnium conficitur: & ſic in dubio oblato ſunt ſponſalia, & etiam adueniente cōditione. Probatur primò, Matrimōnium eſt ſacramentum nouæ legis, quod non uidetur dependere de futuro, & rati habitio non efficit ſacramentum. ergo. Patet (ut habetur in c. ſuper eo. de conditionibus appoſitis) Talis ſuperueniente conditione nō eſt matrimōnium, quia tunc ſi matrimōnium iam eſſet ratum, & integrum, non eſſet cogendus ad contrahendum, ſed ad cohabitandum, uel conſummādum matrimōnium. ergo talis contractus non habetur pro matrimōnio. Prætera, Matrimōnium cōficitur ex conſenſu. ſed ille conſenſus non fuit ſufficiens: ergo nec eſt ſufficiens poſita conditione. Præterea, Si talis ante aduentum conditionis reuocet conſenſum, iam non eſt matrimōniū, ut etiā authores cōtrariæ ſententiæ tenent. ergo nec nūc etiā ſi non diſſentiant. Probatur iſta conſequentia, Quia diſſenſus non tollit, nec irritat uirtutem contractus, ergo ſi contractus habeat uim cōficiendi matrimōniū, non obſtante diſſenſu, efficit matrimōnium. Quod uerò diſſenſus non irritet illum contractum, patet. Quia non obſtante quocūque diſſenſu, compelletur ad contrahendum, ut uidetur ex illo c. ſuper eo. aliās contractus con-

F diti

ditionalis esset nullius roboris, si per solā uoluntatē alterius cōtrahentiū rescinderet. Præterea, Si tenetur cōtrahere cū alia ante aduētū cōditionis, tenebit matrimoniū, ergo etiā adueniēte cōditione nō tenet matrimoniū cū prima. Probatur cōsequētia, Quia sine dubio si quis habet potestātē contrahendi cum alia, habet potestatem non contrahendi cum ista.

¶ Ad argumenta autē in cōtrariū dico ad primū, q̄ certē ex natura cōtractus nō habetur, q̄ adueniente cōditione, sit translatio rei, cū primus cōtractus solū uideatur promissiuus, sed hoc disponitur lege, q̄ qui promisit, uelit nolit stet promissis, quod (ut suprā dictū est) in matrimonio leges disponere non possunt. Vel potest dici absolutē, q̄ in aliis negotiis tenet cōtractus adueniente conditione, nō autē in matrimonio propter summā illā libertatē, quam Deus uoluit esse in matrimonio, ut scilicet quicūque nondū habet uxorem, sit in eius libertate, & potestate uel accipere, uel nō accipere. quare cū etiā secundū aduersarios talis ante aduentū cōditionis nō haberet uxore, in eius potestate est ducere, aut non ducere; & per hoc patet solutio ad secundū. Ad tertiū. dico, q̄ tale pactū est spōsalia pro nunc, & pro tēpore etiā cōditionis. Ad quartū dico, quod quantumcūque habeat intētionē nō spōsaliōrū, sed matrimonii, tamē in fauorem matrimo-

nii hoc ualet, & intelligitur illa clausula, Si nō
 ualet, ualeat ut ualere potest. Ad quintū dico,
 q̄ si quis cōtrahat in tempus incertum, nō est
 matrimonium, sed spōsalia, nisi fortē sit in tē-
 pus necessariū, ut in crastinū. Sed quid si super
 ueniēte cōditiōe perseverat cōsensus cōtrahē-
 tium, an sit matrimoniū? Et uidet̄ q̄ sic, quia
 si à principio fuisset posita cōditio, fuisset ma-
 trimoniū. ergo si nūc consensus utriusque ad
 est cum conditione, uidetur q̄ idem operetur.
 Et confirmatur, Quia (ut dictū est) consensus
 de præsenti sufficit ad substantiam matrimo-
 nii. ergo si nunc adest consensus, erit matrimo-
 nium uerum. Sed his non obstantibus dico,
 quòd etiam si consensus, qui ab initio fuit in
 utroque, perseveret, non est matrimonium. Et
 probatur, Ab initio nō fuit matrimonium: er-
 go oportet quòd de integro ponantur omnia
 sufficientia. sed ille consensus, qui fuit à princi-
 pio, non fuit sufficiens ad matrimonium, cū
 non esset purus, sed uerē conditionatus. ergo
 nec nunc sufficit. Item consensus non sufficit
 nisi exprimatur: sed consensus ille non expri-
 mitur per aduentum conditionis: ergo nō effi-
 cit matrimonium. Item ille consensus (ut habe-
 tur in illo c. super eo.) habetur non pro consen-
 su de præsenti, sed de futuro: ergo non sufficit
 ad matrimoniū. Præterea, Per id quod nō est
 in potestate alicuius, nō uidetur propriē cōfi

ci matrimonium. sed conditio illa non est in potestate contrahentis: ergo non potest facere matrimonium.

¶ Ad argumenta in contrarium. Ad primum nego consequentiam. Ad secundum dico, qd si nunc sit consensus, & nunc ponitur conditio, re uera esset matrimonium, saltem si exprimatur: sed si solum manet consensus, Quia approbo quidem primum pactum, & placet mihi, sed nihil de nouo uolo facere, non est matrimonium. Ex dictis patet quid dicendum ad casus contingentes, cum quis minor ætate contraxit per uerba de præsentī, & cum consensu etiam de præsentī, & cum intentione contrahendi etiam matrimonium: an cum peruenit ad ætatem legitimam, & prius non reuocauerit consensum, imò placet ei semper post pactum, an teneat matrimonium. Item si quis contraxerit cum consanguinea, ea conditione, si papa dispensauerit; etiam si habeat acceptam & gratā dispensationē. Ad omnia hæc & similia respondetur, nullū tale esse matrimonium.

¶ Sed restat scrupulus non cōtēendus, Quid
 10 * si deceptus cōtrahat; an teneat matrimoniū: an si eo casu uel simili credens iudicio, & sententiæ iurisperitorum, crederet se uerē cōtraxisse, & hoc errore seductus affectu maritali cōtraheret, & cōueniret cū huiusmodi muliere sibi desponsata, quā aliās non esset ducturus:

rus: an matrimonium esset ualidum. Disputari certè in utranque partem probabiliter posset. Nam primò uidetur matrimonium tenere, non enim iura uel doctores alium errorem tradunt impedire matrimonium, quàm errorem personæ: sed in casu posito non interuenit error personæ, sed iuris. ergo sibi imputetur si crediderit in hoc uiris minus sapientibus: quem admodum si crediderit esse uirginem, quæ passa est uirum, uel ditem, quæ pauper erat. Ecôtrario tamen adduci potest, nam hic non uidetur uelle aliquid de integro, hoc est quicquam agere noui, sed ratum habere, quod putat iam actum esse. si ergo reuera matrimonium antè nullum fuerat, nec nunc quidem erit sanè: quod tamè in alio loco prolixius dicendum reseruo. Sed in præsentia mihi potius placet, ut dicamus tale matrimonium nullum esse, non solum propter argumentum iam factum, quod tamen nõ infirmatum est: sed quia in uniuersum error circa ea quæ sunt de essentia contractus, uitiat contractum: tale autem uidetur casu contigisse, cum iste credat se iam non esse sui iuris, sed actam rem agere, & uerè esse matrimonium, atque ideo meritò rescinditur contractus tanquam ex errore procedēs. Facit quod ad hoc doctores notant in c. 1. de regul. libr. 6. Si quis ante annos pubertatis facit uotum religionis, nõ obligat maior factus, si ratificauerit ex erro

F 3 re: quia

re: quia scilicet credebat uotum tenere. Puto ergo omnino, quòd non est matrimonium, quia ille habet errorem circa essentialia, & fundamenta matrimonii, & nihil est tam contrarium consensui, quàm error. l. si per errorem. ff. de iurisdictione omnium iud.

Secunda pars Relectionis.

IN Secunda parte tractandum est de impedimento matrimonii, & primū est, An * sicut ecclesia aliquas personas sua autoritate reddit illegitimas ad contrahendum, an princeps posset hoc facere. utrum scilicet princeps secularis possit ponere impedimentum matrimonio, hoc est, an personæ legitimæ ad matrimonium possint lege ciuili illegitimæ reddi, ita ut si contrahant, factum non teneat. Et uidetur quòd sic, sicut suprà inductum est: sicut in naturalibus ita in moribus & in ciuilibus, ratio sumenda est ex fine. Potestas autem regia uel ciuilis constituta est propter bonū reipub. quicumque ille sit, siuæ pacificus conuictus, siue etiam simpliciter omne bonum quatenus humanum est: ergo quicquid uel necessarium est, uel contradicit ad talem finem, omnino uidetur cadere sub potestate regia, siue ciuili. sed bona pars communis, siue ciuilis boni constat ex matrimoniis. ergo potest princeps leges cōdere, ubi matrimonia quoquomodo obstan-

tia,

tia, commodò reipublicæ uitet, & irritet. Item uidetur, quòd finis matrimonii ordinatur ad finē legiflatoris, scilicet in bonū ciuile: ergo, &c. Secundò arguitur, Omnes rationes, quæ à doctoribus pōnūtur, ut ecclesia aliquos gradus cōsanguinitatis arceat à matrimonio, procedūt in lumine naturali, & intra prudentiā politicā. ergo cū prudētia politica sit regula principum & gubernatorum rerum publicarū (ut Aristo ponit. in Ethicis) sequitur quòd hoc spectabit ad humanam & ciuilem potestatem. Antecedens patet, Nam altera ratio solet assignari periculi cognatorum in eadē domo habitantium: ut si licentia matrimonii permetteretur inter se coniugio iungendi, daretur occasio incestus. & stupri. Altera est, ut amicitia propagētur, necessitudines intra unos eosdēque lares & parietes coerceantur, sed utraque res spectat certē ad ciuiles leges, quæ prohibere habent stupra, sicut & adulteria, & etiam in republica, amicitias inter ciues conflare & propagare. ergo tota res non uidetur excedere ciuilem potestatem. Tertio, Matrimonium uel est contractus ciuilis, uel fundatur in contractu ciuili: sed princeps habet potestatem super omnes tales contractus. ergo potest leges facere de matrimoniis contrahendis. Et confirmatur, Quia multæ leges latæ sunt, ubi aliqua matrimonia prohibentur, ut patet. ff. de ritu nu-

ptiarum, l. fororis. §. si quis. & l. semper. §. si fenatorium. & l. palam. §. fenatus. & l. quin etiam non est. & l. finali, dicitur q̄ quoddam est crimen incestus contra ius gētiū, quoddam solum contra ius ciuile. et idem l. si adulterium cum incestu. §. i. ff. ad l. iuliam de adulteris. Nec ualet dicere, quòd matrimonium est sacramentum, & idè eximitur à quacunque potestate, non spiritali: primò, quia redibit difficultas de matrimonio antequam esset sacramentum propriè, sed solum in officium. Secundò, quia non obstat, quòd sit sacramentum, cum priuati homines leges & conditiones apponant matrimonio, sine quibus non est sacramentum. Et rursus, Papa non habet potestatem super matrimonium, nisi solam in quantum est cōtractus quidam. ergo per hoc quòd est sacramentum, non excluditur à potestate seculari, sicut si emptio esset sacramentum. Nec rursus ualet dici, quòd matrimonium est cōtractus in foro conscientia, & apud Deum, & quòd princeps non habet potestatem in foro conscientia, & nisi in foro contentioso. Primò, quia etiam alii cōtractus ciuiles sunt cōtractus in foro cōscientia, ut emptio, donatio, & alii similes cōtractus. Et iterū falsum omnino & erroneum est dicere, quòd principes nō habēt potestatem in foro conscientia, cum potestas ciuilis sit etiam à Deo æquè ac spiritalis,

lis, dicente Pau. ad Ro. 13. Omnis potestas à do Rom. 13.
mino Deo est. & Qui potestati resistit, Deo re
sistit. Ergo nec ex hac parte potestas civilis à
matrimonio arcetur. Nec iterum sufficit dicere,
quod matrimonium est pactum naturale: hoc est,
quod est de lege naturali. Alia uero pacta sunt
civilia, uel ex ordinatione legum civilium, &
ideo non subiicitur legibus civilibus. hoc, in-
quam, non sufficit: nam etiam alia pacta, ut do
nationes, promissiones, & reliquæ stipulatio
nes tenent, & sunt uera pacta, exclusis legibus
civilibus. Nec demum diluit quæstionem dicere,
quod ad leges civiles spectet solùm præmiare bona
& punire delicta, ut adulterium, furtum, homi
cidium, non autem aliquid, quod natura sua
bonum est, aut licitum prohibere. exempli gra
tia, Consobrinam in uxorem ducere, non spe
ctat ad legem civilem hoc prohibere, sed si na
tura hoc illicitum sit sororem ducere, specta
ret ad legem hoc punire: non inquam hoc suf
ficienter satisfacit huic negotio: falsum enim
est. leges civiles non posse aliquid natura lici
tum uitare. ut enim Aristo. docet, leges ferun- *Aristo.*
tur de his, quæ prius quàm sciatur, nihil inter
est, sic, an aliter fiant. postea uero refert, & si
ne dubio potest lex non solum mala punire,
sed etiam aliquid. constituere in genere uitii
aut uirtutis: potest si quidem, lex prohibere sum
ptus alioqui licitos, ludos alias innoxios, &
F s multa

multa huius generis, quæ in republica esse possunt, alioqui potestas ciuilis esset deficiens, & respublica non sibi sufficiens, si non posset leges cōdere suo statui conueniētes, & de rebus nulla alia lege constitutis. In contrarium est, Quia idem non uidetur spectare ad diuersos principatus, & legislatores. Esset enim turbatio, & confusio rerū, si de eadem rediuersa in solidum constitueretur in ordine ad eosdem subditos, quod tamen in proposito contingeret, si princeps secularis, & pōtifex potestatem haberent de matrimonio constituēdo: posset enim aliquid contrarium ab uno constitui legibus alterius, atque adeo populus incertus teneri, cui maximè parendum est. Item alii gradus prohibentur lege ciuili, qui tamen non prohibentur lege canonica, inter quos matrimonia recipiūtur ab ecclesia. Item est causa spiritalis: sed potestas ciuilis non agit causas spirituales. ergo, &c.

¹² ¶ Ad hanc quæstionem respondeo primū, Mihi* nō est dubiū quin princeps secularis ex genere, & natura suæ potestatis uim habeat, & iurisdictionem super matrimonium, etiam ad prohibendum connubia inter cognatos, aut affines, & posset leges ferre, & impedimenta ponere similia, sicut ecclesia. Nec uideo cur Moyses legislator easdem leges propria auctoritate contra matrimonium ferre non potuerit, quas

rit, quas authoritate diuina tulit, etiam si ponamus eius potestatem nullo modo esse spiritualem, si fuit princeps populi Israël. Nec scio quare si lege naturali prohibitum non esset, matrem habere uxore, cur princeps huiusmodi legem facere non posset, irritans omnino si quid secus factum fuisset. Imò puto ante legem Christi nullam fuisse propriè potestatem, nec iurisdictionem spiritualem, qualis est in ecclesia: & tamen nescio cur principes non possent leges facere de matrimoniis contrahendis. Cōfirmatur, In lege naturali uidentur fuisse leges de matrimoniis, de suscitando semine fraterno: imò multa inconuenientia posita in Leuitico sunt de iure naturali, ubi nulla erat potestas spiritualis. Secundo dico, Hoc non obstante, ecclesia potest prohibere potestatem civilem ab hac iurisdictione: hoc est, princeps temporalis arceri potest, & impediri per potestatem spiritualem, putà per summum pontificem, ab hac iurisdictione. Probatur, Quia, ut impræsentiarum pro certo haberi uolo, temporalis respublica est quodammodo subiecta spirituali, & consequenter etiam potestas temporalis est subiecta potestati spirituali. Vt enim Aristot. ait, si finis unius artis, aut facultatis inferior sit, & ordinatus in finem alterius facultatis, etiam ars subiecta erit arti, & artifex artifice: ut fabrilis & nautica subiecta est militari facultati, ut

ti, ut etiam faber Imperatori. Cum ergo humana pax, & ciuilis honestas, & conuietus ordinetur in spiritualem felicitatem, & perfectum bonum hominis, in quantum homo est: consequens est, ut ciuilis facultas, & potestas certo modo sit dependens, & subiecta spirituali potestati. Ergo non solum in pactis connubiorum, sed etiam in aliis pactis & ciuilibus conditionibus, non est dubium quin spectet ad spiritualem potestatem, moderari facultatem, & secularem potestatem in his, quæ coniuncta sunt cum rebus spiritualibus, & terminos præscribere, & limites, quatenus & quo usque ciuilis potestas in huiusmodi progredi possit. Nec tamen uolo dicere, quod temporalis potestas sit in omnibus, aut etiam ordinariè subiecta spirituali potestati. Imò nihilominus puto quam principes esse uelut uicarios ecclesiæ, aut pontificum, sed habere iudiciariam potestatem à Deo. atque ipsi summi pontifices habent, quam nisi in casu spiritualis potestas impedire non potest. Verum dico ex iustis causis posse ecclesiæ potestati temporali tollere cognitionem, aut iurisdictionem aliquorum, de quibus alioqui iure suo discernere & statuere posset, quia scilicet ex natura sua spectat ad potestatem ciuilem, putà quia non satis commodè, & conuenienter ad finem spiritualem per solam potestatem spirituale administrari posset. Exem

set. Exemplum est in proposito. Nam cum pactum matrimonii pendeat ex iure diuino, & quid ad matrimonium exigatur, & inter quas personas transigi matrimonium possit, inter quas non possit, & pleraque ad huiusmodi contractum spectantia, solo diuino iure terminari, & intelligi possent: non possent leges cogere de matrimonio fieri ab eo, qui ius diuinum non habet cognoscere, cuiusmodi est princeps secularis. Nec enim humana solum eruditione satis cognosci possunt multa, quæ circa conubia occurrunt, inter quæ hoc est unum, quæ personæ ad matrimonium legitimæ sint. Quare iustis de causis totum negotium de matrimoniis paciscendis, & iugendis potestati spiritali seruatum est, etiam si matrimoniū non esset sacramentum. sicut enim puto episcopum in sua diœcesi posse etiam matrimonio impedimenta ponere, & omnia quæ papa potest, nisi ea causa pontifici reservata esset: sicut alia multa S. Thom. 4. distin. 25. q. 2. articu. 2. dicit. *S. Thom.*

Matrimonium quantum ad utilitatem, quæ matrimonium consequitur, sicut est amicitia, & mutuum obsequium, habet institutionem à lege ciuili. & distinctione 34. q. 1. articu. 1. ad 4. Personæ illegitimæ ad matrimoniū contrahendum dicuntur ex eo, quod sunt contra legem, qua matrimonium constituitur. Matrimonium autem in quantum est officium naturæ

turæ necessarium, statuitur lege naturæ: in quâ
tum est sacramentum, statuitur iure diuino: in
quantum est officium communitatis, statui-
tur lege ciuili, & non ex qualibet dictarum le-
gum potest aliqua persona fieri illegitima ad
matrimonium. Tamen dist. 40. articu. 4. ad 2.
dicit, quod matrimonium non est tantum sa-
cramentum, sed est etiam in officium: & ideo
magis subiacet ordinationi ministrorum ec-
clesiæ, quàm baptismus, qui est sacramentum
tantum: quia sicut contractus, & officia huma-
na determinantur legibus humanis, ita contra-
ctus & officia spiritualia legibus ecclesiasticis.
Palud. 4. distin. 26. q. 3. conclusione 2. tenet,
quod quæcunque ordinatio legis humanæ nõ
habet effectum non solum si est contra ius di-
uinum, & canonicum, imò etiam si non sit
iure canonico approbata, quia causa matrimo-
nii est spiritualis & ecclesiastica: laicis autem
in rebus ecclesiasticis ordinandis non est tri-
buita facultas aliqua, sed quid in talibus consti-
tutum fuerit, nõ est alicuius firmitatis, nisi ab
ecclesia fuerit approbatum. extra. de constitu-
tione ecclesiæ sanctæ Mariæ. Hæc Palud. & S.
Thom. in 4. d. 42. articu. 1. ad 4. expressè dicit,
quod prohibitio legis humanæ ad impedimẽ-
tum matrimonii, nisi interuenerit autoritas
ecclesiæ, quæ idem est, etiam interdicat.

Secunda

SECUNDA PARS SECVN

da partis de matrimonio.

An gradus prohibiti, sint contra ius diuinum,
& omnes de iure Canonico illegitimi.

S V M M A.

- 1 Gradus omnes, qui Leuit. 18. & 20. prohibentur, an sint iure naturali prohibiti.
- 2 Personæ aliquæ ex hoc, quòd iure diuino prohibeantur contrahere, quòd non sufficienter probetur si contrahant, matrimonium esse nullum & irritum.
- 3 Personæ aliquæ ex hoc, quòd in Leuitico sint prohibite contrahere, quòd non sit argumentum illas tempore legis euangelicæ iure diuino esse prohibitas.
- 4 Personæ quæ sint prohibite à matrimonio iure diuino, quòd terminari non possit nisi ratione naturali, hoc est, ex morali philosophia, & propositionibus cognitis ex lumine naturali.
- 5 Gradus in Leuitico prohibiti, quòd non omnes iure naturali sint prohibiti, ostenditur.
- 6 Ducere uxorem fratris defuncti, quòd non sit prohibitum lege naturæ.
- 7 Ducere relictam fratris sine liberis defuncti, ut in causa regum anglorum contingit, quòd nunquam fuerit prohibitum iure diuino legis ueteris.
- 8 Frater, quòd secluso iure humano, sine quacunque Papæ dispensatione posset accipere uxorem fratris siue cum liberis, siue sine liberis defuncti.

IN SECUNDA parte huius partis discutendum est in causa, & argumentū principum Anglorum, cuius causæ hæc summa est, Catherina inclytissima fœmina, filia regum Hispaniæ

Hispaniæ, nupsit primogenito Henrici Anglorum regis, quo sine liberis defuncto, iterum nupsit Henrico nunc Anglorum regi serenissimo, qui post multos annos cupiens eo matrimonio liberari, causatur illud coniugium esse prohibitum iure diuino, et naturali: atque adeo nec summum pontificem potuisse dispellere, ut uxor mortui fratris sibi inhereat, atque matrimonium irritum esse, & fuisse.

¶ Istius occasione quæritur, Vtrum* omnes gradus, qui Leuiti. 18. & 20. prohibentur, sint prohibiti iure naturali. Pro cuius solutione pono tale fundamentum. Ex hoc, quòd aliqui gradus sunt prohibiti iure diuino ad contrahendum: non sufficienter probatur, quòd si tale matrimonium aliquis tentet facere, nò teneat. Probatur manifestè, Quia non sufficit, ut matrimonium sit interdictum iure quocunque ad hoc ut non teneat. patet, Quia iure diuino prohibita est stipulatio, & etià collatio simoniaca, quæ tamen si fiat, dat uerum ius super tale beneficium. Et beneficiorum multitudo, quantum puto, est prohibita iure diuino: qui autem plura beneficia habent, legitimum dominium habent. De iure autem diuino prohibitum est post sponsalia ducere secundam: & tamen si fiat, matrimonium tenet. uel dicatur sic, Ante omnia præmitto, quòd multum interest, pactum aliquod aut factum esse prohibitum

bitum iure, & esse irritum iure, aut nullū. Multa enim sunt iure tam humano quàm diuino prohibita, quæ tamen facta tenent: exēpla sunt ita manifesta, ut reuocare in memoriam nō sit opus. Manifestū est prodigalitatem esse prohibitam iure diuino, & tamen donatio prodigalitatis tenet, & per illam uerum ius acquiritur. Contractus simoniacus, siue etiam collatio simoniaca prohibita est iure diuino: tamen quatenus ad ius diuinum spectat, facta tenet, ex tali collatione recipiens ecclesiastiū beneficium, aut sacerdotium, uerum titulum confectur. Beneficiorum multitudo prohibita est iure diuino, & tamen qui possidet, uerum titulum habet, percipitque iure fructus beneficiorum. Et ut propius ad argumentum, quod tractamus, accedamus, post sponsalia cum una facta, matrimonium contrahere cum secūda prohibitum est lege diuina & naturali: tenet tamen matrimoniū. Et in uniuersum ubique lege ecclesiastica est impedimentum impediens matrimonium contrahēdum, non autem dirimēs contractum: peccatur quidem contra legem in peccato matrimoniali, nihilo minus matrimonium ualidum est, & ratum. Item post uotum simplex, prohibitum est de iure diuino matrimonium, factum tamen tenet. Ex quo infero, quòd* ex hoc, quòd aliquæ personæ iure diuino prohibentur con-

G trahere,

trahere, non sufficienter probatur, quòd si cõ
trahatur, matrimonium sit nullum, & irritum.
patet, quia (ut ostensum est) non sufficit pactũ
esse prohibitum, ut sit irritum & nullum. non
ergo ad probandum, quòd aliquod matrimo-
nium sit irritum, satis est probare, quòd perso-
næ sint prohibitæ iure diuino. Et confirma-
tur, Nam sub eisdem uerbis, quibus personæ
coniunctæ consanguinitate, aut affinitate in
lege prohibebantur, etiã aliæ personæ, inter
quas tamen matrimonium constare poterat:
ut Exod. 34. prohibebatur filiis Israël accipere
uxores de filiabus Chanaan, & Leui. 21. prohi-
bentur sacerdotes accipere uxorem, scortum,
aut uile prostibulum: & tamen nõ puto si quis
contra mandatum Domini huiusmodi uxore
duxisset, non futurum uerum matrimonium,
cũ Deuterono. 21. licentia permittatur filiis
Israël accipiendi in uxorem mulierem ex capti-
uis alienigenis sub certis cõceremoniis, & solen-
nitate. S. Tho. tamẽ dis. 39. dicit, q̃ intelligitur
de aliis gẽtibus uel cũ uolebat cõuerti ad ri-
tus Iudęorũ. Et de Salomone legit 3. Reg. 2. q̃
habebat uxores Moabitidas, & Ammoniti-
das, & Ethæas de gẽtibus sup quibus dixit Do-
minus Israël, Non ingrediemini ad eas, nec de
illis ingrediẽtur ad uestras: & tamen illæ erant
ueræ uxores, sic enim Scriptura appellat eas. Et
Neemiæ ultimo legitur de filiis Israël, quòd du-
cebant

Exod. 34.

Leuit. 21.

Deute. 21.

S. Thom.

3 Reg. 2.

Neemi. ultimi-
mo.

cebant uxores Azotidas, Ammonitidas, & Moabitidas. Item habetur 1. Esdræ 10. & .3. 8. ^{1. Esdræ . 10.} & .9. Imò expresse dicitur c. 8. q. collocauerūt ^{Et 3. 8. 9.} & mulieres alienigenas sibi in matrimoniū. Vi de tamen S. Tho. 4. distin. 39. Vbi uidetur dice re, quòd nō fuit uerum matrimonium, nec ta men uidetur asseuerandū omnes illas pro scor tis, & concubinis habendas, & pro non legiti mis uxoribus. Nō ergo obstat præceptum Do mini, quominus etiam ex uetitis mulieribus accipere uxore quis possit. Ex quibus omnino infertur, quòd ex hoc, quòd aliquæ personæ prohibentur à matrimonio in Leuitico, non firmiter probatur, q. inter eas non possit esse uerum matrimonium, etiam durante lege. Et ut exemplo rem apertiore faciamus, si in Le uitico scriptum esset ne quæ uotum cōtinen tiæ uouisset, uirum acciperet: an si talis contra mandatum Domini nupsisset, non fuisset ue rum matrimonium? profectò non est dicendum, cū re uera nunc sit iure diuino prohibitum, & tamē hactenus nemo negauit seiusmodi mu lierem nubere posse. Necius diuinum effica cius esse poterat in ueteri testamento quàm in lege euangelica est. nō ergo satis uidetur esse, ut negemus inter aliquas personas matrimo nium constitui posse, quòd iure diuino prohi bitæ sint, &c.

³ ¶ Secundò dico, q. * ex hoc q. in Leuitico a-
G 2 liquæ

quæ personæ sint prohibitæ contrahere, non est argumentum, quòd illæ personæ sint prohibitæ tempore legis euangelicæ iure diuino. probatur, Quia totum uetus testamentum est abrogatû. Multa enim sunt in ueteri testamēto præcepta diuina, quæ tempore Euangelii euacuata sunt. Qualia sunt præcepta omnia ceremonialia, itē & iudicialia. quod satis cōstat non solum ex uerbo Domini in cruce, Consummatum est: sed etiam ex sententia & concilio Apostolorum Actû 15. ubi retractata hæresi Phariseorum dicentiû, quòd oportebat circumcidi eos & seruare legem Moyse, tandē uentû est in decretum illud, Visum est Spiritui sancto & nobis, nihil ultra imponere uobis oneris, quàm hæc necessaria. Et Pau. Rom. 7. Lex in homine dominat quāto tēpore uiuit: itaque uos fratres mortificati estis legi per corpus Christi. Quod exponit per similitudinem mulieris, quæ sub uiro est, quæ mortuo uiro soluta est à lege uiri. Et ad Galat. 4. hoc idem astruit per similitudinem pueri, qui est sub paedagogo usque ad definitum tempus à patre. Et rursus exponit per illud, Abraham duos habuit filios, unum de ancilla, alterum de libera, & dictum est ei, Eiice ancillam, & filium eius: & subdit, Itaque non sumus filii ancillæ, sed liberae: per ancillam uidelicet intelligens uetus testamentum, per liberam nouum testamentum.

Roma. 7.

Galat. 4.

tum. & ad Hebræos 7. Reprobatio fuit prio-^{Hebræ. 7.}
ris mandati propter infirmitatem eius & inuti-
litatem. Et illud ad Heb. 8. Inducit Ierem. 31. ^{Ierem. 31}
Ecce dies ueniunt, dicit Dominus, & cōsum-
mabo super domum Israël, & super domū Iu-
da testamentum nouum, non sicut testamen-
tum, quod feci patribus eorum. & subdit, No-
uum antiquauit prius: quod autē antiquatur,
& senescit, prope interitum est. Ex hoc ergo,
quod Leuit. 18. cauetur, ubi arcentur personæ
certæ, nullum trahitur argumentum. & si adii-
ciatur, Quia præcepta moralia ueteris testamē-
ti non cessauerūt. cum ergo Apostolus non fa-
ciat distinctionem inter præcepta, uidetur er-
go, quod nec ista cessauerunt. Ad hoc respō-
detur, quod argumentum omnino concludit,
quod omnia, quæ potuerunt cessare, cessaue-
runt. Vnde præcepta moralia nullum uigorem
habent ex lege. Itaque ex eo loco non maius ar-
gumentum trahitur ad probandum non licere
nunc matrimonium inter gradus illic prohibi-
tos, quàm si quis uelit probare ex eadem lege
abstinendum esse à carnibus suillis, uel certis
diebus à fermento. Nec solùm non adducitur
ex eo capite sufficiens argumentum, sede-
tiam hæreticum est asserere, ideo quenquam
prohiberi in lege Euangelica à matrimo-
nio consanguineorum, quod sit prohibi-
tum in Leuitico: cum sit hæreticum dicere,
G. 3. quod

quòd lex Mosayca currat simul cum Euangelica. ut in c. maiores de baptismo, & eius effectui. oppositum fuit error.

- 4 ¶ Tertiò dico, q̃ dubiũ hoc, * quæ scilicet per sonæ prohibitæ sunt à matrimonio iure diuino, terminari nõ potest, nisi ratione naturali: hoc est, ex morali philosophia, & propositionibus cognitis ex lumine naturali. Probatur, Nihil cognoscitur, nisi uel reuelatione, uel ratione naturali. Si ergo de hoc aut nihil, aut certè non adeò multum est de hac re in Scriptura traditum, ex quo tradi possit argumentum, in nouo testamento, tractata quæstio non inuenitur: in ueteri autem non satis pro præsentì tempore sufficit ad expediendum quæstionẽ, quid super hac re cautum sit. Restat ergo ut referendũ sit in iudiciũ naturalis rationis. Et confirmatur, Quia receptissimũ est apud oẽs theologos, & necessariũ est ita tenere, ex omnibus præceptis sola moralia integra, & firma restitisse in noua lege. Cũ autem eadem omnino sint moralia præcepta ex omniũ sententiis, quæ naturalia sunt uel iuris naturalis: eadẽ omnino quæstio est, an præceptũ Leuitici de gradib' matrimonii, nũc teneat, ac si quærat, an illud præceptũ sit iuris naturalis. q̃ autẽ sit de iure naturali, nisi naturali ratiõe cognosci nõ potest: quare, omnino tota res humanis & naturalib' rationib' trãsfigenda est. Et cõfirmat, Quia lex euãgelica

gelica tum multis iustissimis causis, tū uel ob hāc causam lex libertatis à Christo & ab Apostolis uocatur, quòd solo iure naturali, post Euangelium Christiani teneātur. Quare si iure naturali matrimonium aliquod damnatum non sit, omnino nihil est, quòd tale matrimonium illegitimum inter Christianos sit. Puto enim nullum esse præter præcepta iuris naturalis præceptum negatiuum in Euangelio. Cum ergo præceptum impediens matrimonium sit negatiuum, non est in noua lege, lex autem uetus anthoritatem nullam facit. rationi ergo naturali stare debemus. Nec eo tamen disputatio, aut examinatio erit infirmior: ipsa enim rationalis, non est humanum inuentum, cū naturale lumen ab ipso Deo naturæ conditæ donatum sit. Illud enim est lumen uultus Domini, quod signatum est super nos (ut propheta dicit) atque adeò, etiam. Paul. ad Roma. i. quæ naturali ratione cognoscuntur, re- *Roma. i.* uelationem diuinā uocat. Deus enim, inquit, illis reuelauit. Quare nō multo incertior erit diffinitio si ex naturalibus procedat, quàm si ex sacris literis argumentaremur.

¶ His præmissis pono cōclusionem, Nō* oēs gradus in Leuitico prohibiti, sunt iure naturali prohibiti. Probatur, Nam, ut à principio admonebam, ratio, & necessitas in moralibus, & prorsus in omnibus agendis sumenda est ex

sine, sed uterque finis matrimonii saluus prorsus & incolumis constabit, etiam si nō omnes illæ personæ à matrimonio arceantur, & eliminentur: ergo quātum ex iure naturali pendet, non omnes illæ personæ sunt prohibitæ ad matrimonium inter se iungendum. Probatur minor, Exemplo prohibetur in lege, ne quis ducat amitam, aut materteram: certè non uidetur quòd officiat, aut obstat ad finē matrimonii, siue ad procreationem, aut educationem prolis, siue ad maritalia officia, & obsequia. Et ut apertius intelligatur, secludamus totū, quod in Leuitico proditum est, postquam ex illo loco non potest trahi argumentum contra nostram conclusionē: nec plus obligat illud præceptum, quàm si nunquam latum esset, & agamus sola ratione. certè non inuenietur probabilis ratio, quæ amitam à cōnubio nepotis arceat. Et confirmatur, Nunquam aliquis philosophorum, qui tamen de cōnubiis multa scripserunt, putauit illicitum matrimonium inter huiusmodi necessitudines. non ergo uidetur hoc esse prohibitū iure naturali: certè enim alicui uenisset in mētē ius hoc, si naturale esset. Et cōfirmat ulterius, Huiusmodi enim matrimonia ut ex historia agnoscere est, passim celebrātur inter gentes sine quacūque reprehensione: & tamē, ut Apostolus ad Rom. dicit, Gētes, quæ legē naturæ nō nouerūt, naturaliter quæ legis sunt

sunt faciūt: hoc est, quæ legi naturę cōsentanea sunt, ergo omnino nō uident ea cōnubia lege naturali damnata. Secūdo principaliter arguitur. Nā aliquæ psonæ æqualiter cōiunctæ sicut illę, quę prohibentur in lege, eadem lege contrahere permittuntur, & tamen standū in lege naturali, eadem ratio uidetur de utrisque: ergo neque illæ, quę prohibentur in lege, omnes sunt de iure naturali. Antecedens patet, Prohibetur in lege, ne eadem mulier nubat duobus fratribus, & tamen nō prohibetur ne idem uir ducat duas sorores. cū autem prorsus uideatur eadem ratio de utrisque, cū sit eadem prorsus affinitas, & coniunctio: ergo si inter alteras matrimonium licitum est iure naturali, non uidetur quare inter alteros sit prohibitum. Tertiò arguitur, Ante legē scriptam inueniuntur aliqua matrimonia, etiam inter sanctōs confecta, quę tamē in lege prohibentur, ut cognoscere licebit sacrā scripturā euoluēti. ergo nō omnia, quę lege prohibent, prohibent lege naturę. Cōsequētia probat, qā ea quę sunt naturali iure prohibita, nō plus licebant ante legem, quā in lege. ergo, &c.

¶ Contra hanc conclusionem tamen arguitur primò, Aliquę personę prohibitæ in Leuitico sunt de lege naturę, & non uidetur maior ratio de aliquibus, quā de aliis. ergo omnes sunt prohibitæ lege naturali. Assumptum pa-

Aristo.

1. Corin. 5.

tet, de patre & matre cum filiis suis, quod esset contra leges naturæ. quod ex eo manifestum est, quia nunquam fuit aliqua natio tam barbara, quæ non huiusmodi connubia horreret, imò etiam bruta, & fera tales concubitus refugiant, ut Aristoteli lib. 1. de animalibus ponit. Item de uxore patris, de qua Apostolus 1. Corin. 5. Auditur inter uos fornicatio, qualis nec inter Gentes, ita ut uxorem patris aliquis habeat, unde uidetur quod sit contra legem naturæ matrimonium inter priuignum & nouercam. Et confirmatur, Si omnia connubia licita sunt ubi finis matrimonii saluus esse possit, sequitur, nulla prorsus esse illegitima. Potest esse enim educatio, & procreatio prolis, & mutua officia & obsequia inter quasunque personas, alioquin non steriles. ergo cum omnia sint legitima matrimonia sic, nec sufficit quod sint conuenientia ad fines matrimonii. Secundò, illud præceptum Leuitici non est cæremoniale, ut manifestum est: nec etiam uidetur iudiciale, cum iudicialia sint, quæ iustitiam componunt inter homines, ad quod illud præceptum non uidetur spectare. ergo uidetur quod sit præceptum morale, & ex consequenti de iure naturali. Tertiò arguitur sic, Illa quæ prohibentur in illo præcepto, erant illicita apud gentes etiam ante legem. ergo sunt de iure naturali Consequètia est nota, cum gentes alia lege non tenerentur.

Ante

Antecedens probatur, Nam post illud præceptum ubi prohibentur illæ personæ in eodem capit. subditur, Nec polluamini in omnibus his, quibus contaminatæ sunt gentes uniuersæ, quas ego eiiciam ante conspectû uestrum, & quibus polluta est terra, cuius ego scelera uisitabo, ut euomant habitatores suos. Ex quibus certè uidetur, quòd illa eadem quæ in loco illo prohibentur, essent illicita, & scelerata inter Gentes, quæ certè non fuissent, nisi lege naturali prohibita essent. Et cõfirmatur, Quia eisdem uerbis prohibentur omnes necessitudines, quæ arcentur, & interdicuntur à matrimonio in illo capitulo. Semper enim dicitur reuelare turpitudinem, quod uidetur quãdam naturalem inhonestatẽ præ se ferre, & eodem nomine appellat scelera abominationes, execrationes. ergo si aliqui gradus sunt cõtra ius naturale, & omnes.

¶ Ad hæc argumenta respõdetur. Ad primum quidem, cõcessa maiori, nego minorem: & dico sinè dubio esse prohibitum iure naturali cõnubium inter filium & matrem, & inter filiam & patrem. Pro quo est considerandum, quòd sicut uirtutes sunt connexæ (ut Aristot. tradit) & omne uerum uero consonat, ita & præcepta Dei inuicem consonant, nec ulla ex parte repugnant. alioqui Sapientia diuina non omnia suauiter disponderet, si quid uno loco præciperet,

Ephes. 5.

ciperet, alibi prohiberet. Non enim solùm præcepta non sunt sibi contraria, sed ita se mutuò iuuant, ut difficile admodum sit alterum sine altero seruari. ergo cum sit unum præceptum iuris naturalis uenerari parentes, & reuereri, ergo, &c. Item est præceptum, ut coniuges mutuò sibi inseruiant, cùm sit ille alter ex duobus matrimonii finibus, nullo modo matrimoniũ constare inter parentes & liberos potest. Quo modo enim mater filio salua reuerentia & pietate. seruire poterit? quo modo ex præceptis & nutu filii pendere? Aut quomodo filius sustinere poterit, ut matri imperet, & coniugalia obsequia exigat? Non ergo ullo pacto conuenire potest, ut filius matrem in uxore habeat. Et confirmatur ex illo Pauli ad Ephes. 5. Vnus quisque uxorem suam sicut seipsum diligit: uxor autem timeat uirum suum. Oportet ergo si mater nubat filio suo, ut filiũ timeat, quod exhorret naturalis lex. & in eodem, Mulieres uiris suis subditæ sint sicut Domino: quoniã uir caput est mulieris, sicut Christus caput est ecclesie: sed ecclesia subiecta est Christo, ita mulier uiro in omnibus. Oportet itaque matrem in omnibus subiectam esse filio cõtra legem nature. Quòd si contendat quis hac ratione bene obstari ne mater nubat filio, non autem impediri quin filia nubat patri: nec hoc quidem satis commodè fieri potest. Præterea,

Nam

Nā esto, q̄ uir caput sit mulieris, tamē mulier
focia est, non serua. & notū est nō posse inter
officia & munia coniugalia commodē seruari
pietas, & reuerētia liberorū ad parentes. Vxor
certē ius habet exigēdi debitū à uiro, quod fi-
liæ in patrē nō satis cōuenire potest. & Pau. 1.
Cor. 7. Nolite fraudare inuicē, nisi fortē ex cō-
sensu ad tēpus, ut uacetis orationi: nō est autē
cōsentaneū ut pater ad orādū filiaē consensum
expectare debeat. Et in eodē loco. Paul. Quicū
uxore est, sollicitus est quæ sunt mundi quomo-
do placea tuxori, & quæ nupta est, cogitat quæ
sunt mūdi, quomodo placeat uiro. Nihil autē
minus cōuenire uidet, quā ut pater sollicitus
sit quomodo placeat filiaē, aut mater quomo-
do filio placeat, cum ecōtrario filii solliciti esse
debēt, quomodo placeāt parētibus. Et præter-
ea, hoc omnino uidet tollere principalem finē
matrimonii, scilicet procreationē & educatio-
nē liberorum: nā ut in plurimum ita euenit, ut
cū filius adultus sit, mater iam sit effceta, & a-
nus, & minimē idonea uiro, ut intelliget faci-
lè quis si rationem ætatum humanarū habeat.
Atque adeò ex huiusmodi connubiis, aut nul-
la, aut certē rara proles possit procreari. & rur-
sus mater senescat necesse est, filio adhuc eo-
demque uiro in iuuentutis flore constituto,
quod præterquā quod esset continentiaē gran-
de offendiculū, cū tamē matrimonium sit
in reme

in remedium continentia, sed omnino impediretur magna ex parte liberorum procreatio, non habere scilicet huiusmodi marito ex qua filios susciperet: quod esset magnum reipub. detrimentum, & generis humani iactura. Et quanquam non ita uideatur grande inconueniens, si filia patri nuberet: tamen si ratio aetatum habeatur, æquè uidetur magna ex parte procreationem liberorum impediri ex talibus cōiugiis, & incontinentiæ adolescentium sceminarum incendiū grande parari. Quare prorsus pro indubitato haberi debet, eiusmodi connubia naturali lege esse modo illegitima, & incesta. Quod etiam satis significatur ex uerbis ipsius primi parentis Gen. 2. Propter hanc relinquet homo patrem & matrem, & adheret uxori suæ, significans scilicet aliam debere esse uxorem, & uirum, quàm patrē & matrem. Et quamuis non ita certum sit, aut notum, eadem uidetur ratio de uxore patris, siue de nouerca. Cū enim ex coniugio fiant duo in carne una, eadem pietas uidetur deberi uxori patris, & reuerentia, ac ipsi patri, quare nec illam decet in uxorem accipere: & eadem ratione liberorum generatio impediretur, sicut ex matrimonio cum matre. Quare hoc etiam matrimonium uidetur lege naturali prohibitum.

¶ Ad propositum descendendo de casu inter regem & reginam Anglorū, quæritur utrum accipere

accipere relictam fratris defuncti uxorem sit prohibitum iure naturæ. Ad hoc sit prima conclusio principalis, Ducere* uxorem fratris defuncti non est prohibitum lege naturæ. Pro cuius probatione præmitto, quod aliqua se habent tripliciter ad ius naturale: quædam enim sunt de se inhonesta semper, quæ scilicet in nullo casu licitè fieri possunt, ut periurium & adulterium, sicut econtrario quædam semper & per se sunt honesta, ut Deum colere, parentes uenerari, & similia. Hoc ius naturale dicitur necessarium, siue immutabile. Alia sunt de se quidem inhonesta, & prohibita iure naturali, sed quandoque propter graues causas possunt licitè fieri. Sicut econtrario sunt aliqua honesta quidem, & consona rationi, & principiis moralibus, seclusa etiam omni lege positiua, imò præcepta lege naturali: sed tamen non habent bonitatē immutabilem, uel necessariā, sed secundum diuersas temporis, loci, & personarum circumstantias, & conditiones uarietatem recipiunt, ut seruare fidem, reddere debitum, non habere plures uxores, & similia. Alia sunt, quæ non sunt quidem prohibita iure naturali, sed inter minora bona computantur, quale fortasse est matrimonium respectu celibatus, de quibus Paul. i. Corin. 6. Omnia mihi licent, sed non omnia expediunt. horum contraria naturali iure sunt approbata tanquam meliora

1. Corin. 6.

meliora quidem, sed non ut necessaria, absolute loquendo. Fortasse cælibatus (sicut diximus) iure naturali præfertur matrimonio: nõ tamen alterum est in præcepto, alterum prohibitum. Rationes Pauli 1. Corin. 7. quibus præfert cælibatum matrimonio, videntur procedere in iure naturali. Item paupertas melior est diuitiis, neutrum tamen sub præcepto. His suppositis dico, quòd ducere relictam fratris nõ est de primo genere prohibitorum iure naturali. Probat, Nulla ratione naturali, quæ quidẽ necessaria uideatur, probari potest, illum esse tam in honestum, ut in nullo casu liceat fieri. ergo, &c. Confirmatur manifestè, Quia illud aliquando (ut omnes fatentur) licuit. Hoc patet Deutero. 25. ubi præcipitur, ut frater accipiat uxorem fratris sui sine liberis defuncti. Si enim esset malum ex proprio genere, uel non posset Deus dispensare, secundum saniores sententiam, sicut nec in periurio, uel certè non ita passim, & sine grandi necessitate: solùm ceremoniæ, & significationis gratia dispensasset. & omnino absurdum est, & parum pium dicere, quòd Deus legem condiderit contrariã legi naturali primæuæ.

Deuter. 25.

¶ Secundo dico, quòd inter ea quæ continentur Leuit. 18. præter primum gradum, scilicet inter ascēdētes & descendētes, fortasse omnia alia sunt prohibita iure naturali. Secundo modo, hoc

do hoc est absolutè, & nō urgēte aliqua graui
causa, & rationabili. Illicitum est contrahere
in aliquo gradu prohibito in Leuitico. Proba-
tur, Quia ex tali matrimonio semper sequitur
aliquid, quod licet non tollat finem matrimo-
nii, tamen ex parte officii uel obstat fini, uel
est contra reuerentiam naturalem debitam cō
sanguineis, ut quòd nepos sit dominus & ca-
put amitæ aut materteræ, cui debetur idem ho-
nor qui matri: & non uidetur consentaneum
rationi naturali, ut amita seruiat nepoti, & ti-
meat nepotem: & simile posset dici de omni-
bus aliis gradibus prohibitis in lege. Sed ista
commoditas, quæ contingeret ex huiusmodi
coniunctionibus, omnino non est tanta, quin
possit compensari aliquo magno bono, quòd
ex tali coniunctione consequitur, aut graui
malo quòd deuitetur, ut ad constituendum
pacem in republica, ad tollendas simultates
inter illustres, ad supplendum insignem ali-
quam solitudinem, & raritatem hominum in
orbe, aut prouincia. In hoc ergo genere repo-
ni potest matrimonium uiri cum uxore fratris
defuncti. uidetur enim quòd ex tali coniun-
ctione irrogatur iniuria quædam priori uiro.
Semper enim æstimatum fuit uxorem ingra-
tam esse priori uiro, quæ secundò nupsit. Vn-
de etiam Dido apud Maronem.

Ille meos primū, quī me sibi iunxit, amores *vergi.*

H Abstulit,

Abstulit, ille habeat secum, seruetque sepulchro.

Et paulò prius.

Antè pudor quàm te uiolem, aut tua iura resoluam.

Quasi inhonestè, & turpiter acturam diceret, si priori marito alterum super induceret: turpius autem sic, per hoc quòd frater sit huius qualiscunque iniuriæ aut ingratitude author, ut particeps uxorem fratris ipse accipiens. Quare uidet sua natura illaudabile, & reprehensibile, nò quin ex causa aliqua còpèdari possit hoc quod de se parù honestum uidetur.

¶ Tertiò dico, quòd fortasse hoc ipsum matrimonium non in secundo genere, sed in tertio reponendum est: hoc est, non inter ea, quæ natura sua mala sunt, licet ex circumstantia bona esse possint, sed inter ea quæ minus bona sunt: hoc est, licet quidem solo iure naturali posito uxorem fratris accipere liceat, sed non expediat, hoc est, melius est abstinere ab huiusmodi matrimoniis, quèadmodù & quidã gradus ab ecclesia interdicti sunt à matrimonio, ut inter còsobrinos, uel in quarto gradu còsanguinitatis, aut affinitatis. non enim apparetratio malitiæ in tali còiunctione, licet ostendatur magis expedire, ut talia matrimonia interdicantur.

7 ¶ Secunda conclusio principalis, Ducere* reliquam fratris sine liberis defuncti, ut in causa regum

gum Anglorum contigit, nunquam fuit prohibitū iure diuino ueteris legis. Probatur, Si fuisset prohibitum hoc, maximè fuisset in illo præcepto Leui. 18. & 20. Non reuelabis turpitudinem uxoris fratris tui. sed hoc non probatur, quia aut intelligitur lex illa uiuente fratre, qualiter intelligitur illud Iohan. Baptistæ, ad Herodē, Nō licet tibi habere uxore fratris tui, & hoc non obstat conclusioni: aut intelligitur de fratre defuncto cum liberis, & nec hoc obstat: aut de fratre mortuo sine liberis, & hoc modo probatur, quòd non possit intelligi. Nam Deuter. 25. lata est lex, ut si frater sine prole decesserit, relictam fratris frater superstes accipiat. ergo lex illa Leuitica intelligi nō potest de fratre sine liberis defuncto. Nā audiendum non est, aut quòd in lege essent duo contraria præcepta, aut quòd id quod est in Deuteronomio, sit dispensatio eius legis, quæ est in Leuitico. Nō enim est satis intelligibile, ut eodē tempore aliquid prohibeatur, & dispēsetur in eo generaliter. nam dispensatio nihil aliud est, quàm relaxatio legis: ac per consequēs singulariter licebat fratri ducere uxorem fratris sine liberis defuncti. Non ergo erat lex, talia matrimonia interdicens: nihil enim plus efficiunt illæ leges latæ in Leuitico & Deute. quàm si eadem causa sanciretur primū, nequis uxorem fratris cum liberis defuncti duceret.

Leuiti. 18.

20.

Deutero. 25.

Secundum, ut uxorem fratris sine liberis defuncti superstes frater ducere teneretur, aut certe possit. Istis enim duobus capitibus cauetur omnino totum, atque idem quo in Levitico, aut Deuteronomio cautum est: atque adeo mihi non est dubium, nec cuiquam sanè sacras literas tractanti & intelligenti, nunquam lege diuina prohibitum esse, ne frater uxorem fratris sine liberis defuncti in uxorem accipiat.

¶ Ultima conclusio contra bonam partem theologorum, Secluso * iure humano sine quacunque papæ dispensatione frater posset accipere uxorem fratris siue cum liberis, siue sine liberis defuncti. Probatur primum, Si hoc connubium spectat ad ea quæ sunt iuris naturalis tertio modo, id est, quæ sunt quidè meliora, sed contraria, non est prohibitum. Patet conclusio. Nam dato quòd melius esset non ducere quàm ducere, nihilominus non esset illicitum ducere: & dato quòd esset de secundo genere iuris naturalis, nihilominus posset ducere. Probatur primum, si subesset causa rationabilis, ut declaratum est, qua scilicet illud quod sua natura malum est, licitum in eo casu faceret: sed (in quo est difficultas) dico quòd etiam si nulla subesset causa rationabilis. Probatur, quia in primo fundamento huius quæstionis diximus non esse idem matrimonium aliquod esse prohibitum, aut esse iure nullum, aut irritum.

Vnde

Vnde dato quòd esset illicitum iure naturali, non sequitur, quòd si contrahat, non teneat. sicut etiam quòd idem uidetur, si successiuè accipiat duas sorores, uidetur æqualiter prohibitū iure naturali, & tamen nō est dubitandū, quin secluso iure humano matrimoniū teneat, sicut beatus Ambrosius ad Paternū, dicit esse illicitum iure naturali, ut patruus accipiat neptem in uxorem, & tamen dubitari non potest, quin secluso humano iure si contraheret, matrimonium teneret, cū etiam tempore ueteris legis non esset prohibitū, cū Abraham habuerit Saram secundum August. & Hieronym. neptem ex fratre. Et post legem scriptam Othoniel frater Chaleb duxit Axam filiam Chaleb. Iosue. 15. & Iudi. 1. Non ergo est dubitandum, quin etiam nunc si quis duceret, teneat matrimonium.

¶ Et ad hunc sensum intelligenda sunt sanctorum dicta, dicentium, quòd aliqui gradus sunt prohibiti iure naturali, qui tamen nunquam in lege prohibiti inueniuntur, ut inter consobrinos. Item etiam quando cūque dicunt, quòd sit contra legem naturæ, accipere uxorem fratris, intelligendum inquam sine dubio est, quòd est quidem illicitum iure naturæ: non ita tamen, q̃ si fiat, non teneat factum sicut supra dictum est, quòd qui post uotum continentiae acciperet uxorem, peccaret quidem contra

H 3 legem

legem naturæ: nullus tamen hætenus defendit, quin tale matrimonium teneat. Oportebit ergo rationē reddere, ut quid, cum æquè, uel certè plus sit cōtra legem naturę, uxorem post uotum continentię accipere, quàm relictam fratris, ut quid inquam si in primo casu matrimonium tenet, nō in isto etiam teneat. Confirmatur apertè & manifestè ex c. finali. de diuortiis. Vbi cum esset consultus Innocentius tertius, Quid de Lenoniensibus conuerſis ad fidem faciendum esset, qui prius secundum tenorem legis Moyſi uxores fratrum sine liberis defunctorum duxerant. Respondet pontifex, concedens illis, ut in contractis matrimoniis perseuerent. Manifestum est etiā quòd si talia matrimonia essent irrita iure naturali, non posset pontifex illa concedere, aut approbare, maximè cum lex Moyſi, non solum apud Christianos, sed apud omnes mortales prorsus iam nullius sit uirtutis, & efficacię. Quare si nobis iure naturali interdiceretur talia matrimonia, non releuaret ab hoc interdicto uel lex, uel dispensatio Moyſi. Quare sine dubio concluditur, tale matrimonium nō esse iure naturali prohibitum: uel si est, non ita tamen, ut si attentetur, factum dirimatur.

¶ Ex quo sequitur corollarium quòd omnes infideles contrahentes in gradibus ab ecclesia prohibitis, si non constet esse iure naturali prohibi-

prohibitum, uere contrahunt, & est ratum matrimonium. Itaque si quis inter infideles duceret relictam fratris siue cum liberis, siue sine liberis defuncti, dubitandum non est, quin tale matrimonium esset ualidum, nec conuersi ad fidem indigent papæ dispensatione, imò neque quacunque autoritate possent separari, scilicet cum solo iure humano, quo infideles non tenentur, huiusmodi matrimonia sint interdicta.

HAEC HABVI PATRES GRAVISSIMI.

PRIMA CONCLUSIO.

¶ Quamquam de essentia, aut necessitate matrimonii non sit uiri aut mulieris consensus: ille tamen quacunque intentione, & uerbis, cōditione interposita ad matrimonium nunquam sufficit, etiam conditione consensum comitante.


SECUNDA CONCLUSIO.

¶ Non solum lege diuina, & ecclesiastica, sed ciuili etiam impedimenta poni possunt: nec tamen omnia in Leuitico cōtenta iure naturali aut diuino matrimonium dirimunt.

TERTIA CONCLUSIO.

¶ Sicut ecclesia fortasse matrimonium ratum dirimere nō potest, ita neque religionis professio semper dirimit etiam ante matrimonii consummationem.

FINIS PRIMI TOMI.



REVERENDI

PATRIS F. FRANCISCI DE

Victoria, ordinis Prædicatorum, sacre

Theologiæ in Salmaticensi Acade=

mia quondam primarij Pro=

fessoris, Relectionum

Theologica=

rum,

*

SECUNDVS


TOMVS.



Lugduni, apud Iacobum Boyerium,

M. D. LVII.

Cum priuilegio Regis ad decennium.



REVERENDI

PATRIS FRATRIS FRAN-

CISCI A VICTORIA, ORDINIS

Prædicatorum, sacre Theologiæ in Sal-

manticensi Academia quondam

Professoris primarii,

Relectio

*

DE AUGMENTO CHA-

ritatis, & diminu-
tione.

S V M M A.

- 1 Charitas, an augeatur per quemlibet charitatis actum.
Et quomodo de hoc tres opiniones recitantur.
- 2 Actus intensior habitu, an augeat habitum secundum
suam totam latitudinem, an solum secundum excessum,
quem habebat supra habitum.
- 3 Actus intensior, quod non augeat habitum per totam
suam latitudinem, sed solum secundum excessum quem
habet supra habitum, probatur.
- 4 Actus quilibet meritorius, quod augeat gratiam se-
cundum totam suam latitudinem, & non solum secun-
dum excessum supra habitum.
- 5 Charitas, quod non augeatur per totam latitudinem
actus, sed solum secundum excessum actus supra ha-
bitum.
- 6 Charitas, quod nunquam sit æqualis gratiæ, saltem
in adulto.
- 7 Gloria, quod respondeat gratiæ, & non charitati.
- 8 Opiniones secunda & tertia de augmento charitatis,

a 2 in quo

- in quo differant à prima, examinatur.
- 9 Agentia plura quòd nunquam producant maius lumen, uel calorem in primo puncto suæ sphaeræ, uel actiuitatis, quàm produceret unum illorum, quod maximum est.
 - 10 Lumen productum quod nūquam sit maius, quàm sit lumen in maximo luminoso.
 - 11 Charitatis per quemlibet actum quantumuis remissum, quòd mereatur quis, & habebit maiorē gloriam.
 - 12 Charitatis per quemlibet actum quantumuis remissum, quòd augeatur gratia.
 - 13 Charitatis si, per actū remissum non augetur charitas statim, quòd uoluntarium uideatur dicere, quòd augeatur in fine uitæ.
 - 14 Habitus in augmento, an habeatur respectus non ad intensiorem actus gradualem meritorij, sed ad quantitatem meriti.
 - 15 Habitus data opinione quòd non augeatur per actum remissum, an plures actus remissi possint augere habitum, uel etiam unus actus continuatus possit æquiuale in merito uni actui intenso. Et de triplici istius quæstionis opinione.
 - 16 Meritum, quòd nullo modo proportionetur intēssioni.
 - 17 Meritum, quòd non solum proportionetur intentioni, sed quòd nec magna multitudo actuum remissorum æquiualeat uni actui intenso, uel perfecto.
 - 18 Meritum quòd non duplicetur, nisi sit magna continuatio & perseuerantia in actu.
 - 19 Habitus, quòd sine dubio augeatur, quandocunq; peruenitur ad meritum æquale cum actu intenso, siue per multiplicationem, siue per intensiōem.
 - 20 Charitas quomodo dupliciter diminuat. Vno modo per peccatum ueniale, alio modo per mortale.

Charitas

- 21 *Charitas, uel gratia, an per peccatum ueniale dimi-
nuatur.*
22 *Peccatum ueniale quòd nullum possit tollere gratiam,
dato quòd quilibet tollat partem gratiæ.*



RELEGENDV S locus est
Pauli Apostoli Philip.1. Oro ut
charitas uestra magis ac magis a-
bundet &c. Relectio habet duas
partes. In prima agem^o de augmē-

to charitatis. In secunda, de diminutione eius.
De augmento non omnes quæstiones tractare
statuimus: neque enim liceret in tam breui ui-
tæ tempore: sed unam elegimus, quæ inter Do-
ctores celebrior est, & magis ad Theologum
spectat: & ea est, An^{*} per quemlibet actum cha-
ritatis augeatur charitas. Et quidem pro parte
affirmatiua arguitur, quia quilibet talis actus
est meritorius gloriæ, ergo & gratiæ, & per cō-
sequens charitatis. Assumptū patet, quia actus
bonus relatus in Deum, est bonus, & merito-
rius, ut latè tractat S. Tho. 1.2. Consequētia
patet, quia gloria correspondet gratiæ & cha-
ritati: ergo si pro tali actu datur maior gloria,
ergo maior gratia, & charitas.

¶ Pro parte negatiua arguitur, quia in agentibus
naturalibus agens remissum non agit effe-
ctum intensiorem: ergo neque actus charita-
tis remissus auget habitū charitatis intensum.
Consequētia probatur, quia de spiritualibus

& supernaturalibus debemus iudicare p proportionem ad naturalia, nisi oppositum constet testimonio scripturarum.

¶ De quæstione hac est triplex opinio. Prima tenet alterum extremum, quòd, scilicet, quolibet actu charitatis quantumcunq; remisso augetur charitas & gratia. Ista est communis opinio recentiorum, eorù scilicet qui nominales uocantur, ut est uidere apud Gabrie. in primo dist. 17. quæst. 4. & in 2. dist. 23. quæst. 1. & in eisdem locis apud alios Doctores.

¶ Secunda opinio tenet duo: primum, quòd pro quolibet actu quantumuis remisso datur maior gloria: secundum, quod per actum remissum non augetur charitas, aut gratia. Ista opinio est Scoti in 4. & Ricard. in 2. dist. 16.

¶ Tertia opinio tenet alterum extremum, quæ dicit, quòd per nullum actum augetur charitas, nisi sit intensior ipso habitu charitatis, & per cõsequens, quòd pro tali actu nõ datur maior gloria. Ista opinio uel est, uel attribuitur S. Tho. 1. 2. quæst. 52. art. 3. & 2. 2. quæst. 24. art. 6. & in primo d. 17. & uidetur opinio modernorum Doctorem 1. d. 17. q. 8. licet fortasse potius sit cum secunda opinione recitata. Ex his opinionibus, primo uolo examinare quod est commune tribus opinionibus. Commune autem est ipsis, quòd per actum intensiorem augetur habitus charitatis. Circa quod reuocatur

catur in dubium, An actus * intensior habitu
 augeat habitum secundum suam totam latitu-
 dinem, an solum secundum excessum, quem
 habebat supra habitum. Verbi gratia, si habitus
 est ut quatuor, & actus intensior ut octo, an
 habitus ille augebitur per octo gradus, an so-
 lum per quatuor. Et uidetur quod actus inten-
 sior augeat habitum secundum suam totam la-
 titudinē, quia aliās non seruaretur debita pro-
 portio præmiorum ad merita. Si enim Petrus
 habeat actum meritorium ut quatuor, & per
 consequens habitum charitatis & gratiæ ut
 quatuor, & postea habeat secundū actum me-
 ritorium ut octo, si actus nō augeat habitum
 per totam latitudinē, sed solum secundum ex-
 cessum, sequitur quod habitus charitatis &
 gratiæ in Petro erit solum ut octo: & cum glo-
 ria correspondeat gratiæ, etiam erit ut octo, &
 tamē habebit meritum ut duodecim. ergo glo-
 ria est minor meritis. Et iterum si Petrus &
 Paulus primo habeant meritum ut quatuor, &
 per consequens gratiam ut quatuor, & postea
 Paulus habeat secundum actum meritorium
 ut octo: iam secundum hanc opinionem gra-
 tia Pauli erit solum ut tria, & Petri ut quatuor.
 ergo est proportio dupla: & similis proportio
 erit in gloria: & tamen meritum Pauli fuit tri-
 plum merito Petri. ergo inter illos non seru-
 retur similis proportio inter præmia, quæ fuit

inter merita. In contrarium autem arguit. Quia in agentibus naturalibus agens intensum non auget effectum minorem secundum totam suam latitudinem, sed solum secundum excessum, ergo ita est in habitibus & in actibus. Antecedens declaratur, & probatur, quia si calefactiuum ut octo applicaretur calido ut quatuor, non faceret calidum, ut duodecim, sed solum ut octo. & quia solutio questionis principalis, bona ex parte pendet ex hoc dubio, uolo id diligentius examinare, & pono conclusionem
3 talem. Actus * intensior non auget habitum per totam suam latitudinem, sed solum secundum excessum, quem habet supra habitum.

¶ Ista conclusio probatur. Primo, de habitibus acquisitis, quia loquendo de habitibus, qui sunt in potentia naturali, puta intellectu, & appetitu sensitivo, uidetur sequi, quod habitus quicumque intendit, semper ad minus augetur in duplo, quam prius erat. Quia cum potentia naturalis agat semper ex toto conatu, uidetur quod semper actus elicited ab habitu, sit intensior habitu, & per consequens si auget habitum secundum totam suam latitudinem, semper augebit plusquam in duplo, imò uidetur sequi, quod per quemlibet actum sequentem augetur habitus plus quam per omnes præcedentes. Patet gradatim discurrendo per actus. Si enim habitus prius sit ut quatuor,
actus

actus sequens ex toto conatu ad minus erit ut octo, & habitus ut sex, & sequens actus ad minus erit ut decem, & habitus ut nouemdecim, & sequens actus ut uiginti, & habitus ut trigintanouem, & sic consequenter. Hoc autem consequens nō uidetur profecto admittendū, ergo nec ista opinio. Et confirmatur, quia omne agens potest agere conformiter ad formam, per quam agit, ut calidum ut quatuor, potest producere calorem ut quatuor: & lucidum ut quatuor, lumen ut quatuor. Ergo potentia agens per habitum ut decem, ad minus potest producere actum ut decem: & sic potentia merè naturalis semper habet actum ad minus æqualem habitui, & per consequens semper augetur ad minus in duplo. Secūdo confirmatur: Quia profecto nihil aliud uidetur esse habitus ut decem, quàm quòd possit producere actum ut decem: ergo habitus existens in potentia naturali, semper producit actum ad minus æquè intensum. Secundo principaliter probatur idem de habitu infuso, quia similiter sequitur, quòd si quis agit ex toto conatu, semper augebitur habitus infusus plus quàm in duplo, imò per quemlibet actum sequentem plus quàm per omnes præcedentes. Patet eodem modo, sicut prius, quia actus sequens habitum est ex toto conatu, uidetur quòd sit intensior habitu, & per consequens auget habi-

a 5 tum

tum secundum totam suam latitudinem, semper auget habitum plus quàm omnes præcedentes. Si enim omnes actus præcedentes fuerunt mille graduū, & per consequens est mille graduū actus productus ex tali habitu, ex toto conatu erit intensior quàm mille graduum, & sic augebit habitum plus quàm omnes actus præcedentes. Ex quo iterum sequitur, quòd talis actus erit maioris meriti, quàm actus præcedentes, & quòd pro quolibet actu sequenti habebit quis maiorem gloriam, quàm pro omnibus præcedētibus. Quod omnino uidetur absurdissimum. Neque enim est opinabile, quòd Ioannes Baptista, aut etiam beata Virgo per quemlibet actum, in ultimo uitæ suæ, plus mereretur, quàm per omnes præcedētes. Et certè hoc argumentum ita uidetur urgere, quòd non uideatur facilis solutio. Sed tamen potest responderi uno ex tribus modis. Primo, potest dici ad argumētum, quòd homines communiter non agunt ex toto conatu, et per consequens actus non est intensior habitu, & sic ruit id quod inferebatur. Sed profectò solutio nulla ex parte satis facit. Primo, quia salte aliquando uiri perfecti uidetur, quòd agat ex toto conatu. Item satis magnum inconueniens uidetur, quòd hoc possit contingere, etsi non semper contingat: neq; enim rationabiliter esset concedendum, quòd Petrus, aut
Paulus,

Paulus, aut etiam Adam post tot annos non mutato obiecto, neque aliis circumstantiis haberent unam dilectionem dei, per quam plus mereretur, quam per omnes actus totius uitæ. Et ideo secundo & apertius potest dici, quod etiam si quis agat ex toto conatu, actus non proueniet ad totā latitudinem habitus, quando habitus est magnæ intentionis: utpote si quis habeat charitatem ut centum, quantumcunque agat ex toto conatu, non habebit dilectionem ut centum, neq; fortè ut quinquaginta. Sed neq; hoc uidetur satis facere, quia non uidetur intelligibile quare habitus sit ut centum, nisi quia potest producere actum ut centum, cùm neque habitus dicatur in ordine ad actum, neq; est luminosum ut decem, quod non potest producere lumen ut decem, & cùm qualibet alia forma possit producere effectum secundum totam suam intensiōem in subiecto capaci, ut de calore, luce, & frigore patet, quod erit merè uoluntarium dicere, quod hoc est singulare in habitibus, ut non possint producere effectum æqualem sibi.

¶ Item saltem quilibet talis actus, qui sequeretur ex tali habitu intensissimo, esset incredibilis intensiōis. Cùm enim ceteris paribus, ex maiori habitu producatu intensior actus, si quilibet actus auget habitum secundum totam latitudinem, fiet breui tempore habitus ita intensus,

tensus, ut actus sequens non possit esse nisi intensissimus. Et maximè, quia quanto aliquis magis inclinatur ad aliquem actum, tanto agit cum maiori conatu, & sic cum habitus augeat inclinationem regulariter, semper erit maior conatus in actu sequenti, quàm in præcedentibus: & sic dato, quòd actus sequens non æquet omnes præcedentes, saltem æquivaleret medietati, aut tertiæ, aut quartæ parti omnium actuum præcedentium ipsum, quod non est paruum inconueniens. Et si addas, quòd charitas augetur non solùm per proprium actum, sed per omnem actum meritorium cuiuslibet uirtutis, & quælibet etiam uirtus inuicem per actus aliarum uirtutum: & sic actus auget habitum per totam suam intensiõem. Vides quòd progreditur intensio cuiuslibet habitus? Imò uidetur similis calculatio, qualis solet poni in aceruatione illa uulgari de ludo latrúculario, aut de granis frumenti. Siquis enim prima die soluerit unum granum frumenti, & secunda die duo, & tertia quatuor, & quarta octo, & sic consequenter, profectò ante finem anni, tam in immensum cresceret multitudo frumentum, ut totus ager Campaniæ ferre tantum frumenti uno anno non posset, imò neque tota Hispania. Similis profectò ratio uidetur sequi in proposito, si nuda potentia producat actum ut unum, & habitus sit ut unum, sequens actus uidetur

uidetur quòd sit ut duo, & habitus ut tria, secundum hanc opinionem, & sequens actus ut quatuor, & habitus ut septē, & sic semper qualibet die fiet duplo maior totus habitus, & paucis annis neq; cogitari quidem possit tanta intensio habitus. Item ad minus uitare non possemus secundum hanc opinionem, quin saltem in eo, qui per longum tempus perseverat in gratia, essent habitus infusi, certè plus quàm ostendat experientia. Neq; enim experiuntur boni tantam in se intétionem habituū, quanta esset in illis, si ad istum modum augerentur. Item si actus essent ita intensi ratione habituū, sequitur maior motus in appetitu sensitivo, qui naturaliter ex actu uoluntatis mouetur, quàm experientia monstrat. Si enim pœnitentia infusa esset ita intensa, sicut per hanc rationem oporteret esse, etiā de præteritis & præsensibus esset tristitia interior intensissima, & sequeretur intensissimus dolor in appetitu sensitivo, quod tamē raro sancti experiuntur. Sed ad hoc argumentū de experientia respondent, & est tertia solutio, quòd non habemus experientiam de intensione habituum infusorum, sicut nec de ipsis habitibus infusis. Sed nec hæc solutio sufficit. Primo, quia saltem haberemus experientiam de intensione ipsorum actuum præcedentium ab habitibus infusis, & iterum ex actibus uirtutum infusarum (secundum opinionem

nionem omnium aliorum à S. Thom.) produ-
cuntur, & augentur habitus acquisiti, & sic sal-
tem experientia perciperemus istam admirabi-
lem intensiorem habituum. Quibus omnibus
si addas argumentum factum à principio de
agente naturali, certè uidebitur conclusio po-
sita satis confirmata. Si enim calefactuum ut
octo, superueniens calido ut quatuor, non
auget nisi per quatuor gradus, nescio quis hoc
priuilegiū dedit actui ut octo, ut augeat habitū
ut quatuor per octo gradus. Sed restat modò
soluere argumentum factum à principio con-
tra conclusionem, quia uidebitur quòd ex illa
conclusionem non seruatur proportio præmiū
ad meritum, nec meritorū inter se ad præmia.
Pro cuius solutione præsuppono duo. Primum
est, quòd gratia distinguitur à charitate. Hoc
suppositum in præsentia non probo, quia mihi
satis est respondere ad argumentum secundum
principia S. Tho. Et qui hoc suppositum ne-
gant, habent quærere aliam solutionem. Se-
cundum quod suppono, est, quòd gratia non
oportet quòd sit æqualis charitati. Hoc tamen
ostendā necessario esse dicendum. Et uidetur
probari in Christo, in quo secundū opinionē
cōmuniorem fuit infinita gratia, & tamē non
fuit infinita charitas. Quod probatur, quia ea-
dem rationē fuissent omnes aliæ uirtutes infi-
nitæ, & sic esset actus eius infiniti meritorie,
ut

ut infinita tristitia, & ex consequenti non posset naturaliter uiuere : quia ex infinita tristitia in uoluntate, sequitur naturaliter tātus motus in appetitu sensitiuo, quòd non posset naturaliter cum illo uiuere.

¶ His suppositis ad argumentũ respondeo per quatuor dicta. Primũ, * quilibet actus meritorius auget gratiam secundum totam suam latitudinem, & non solum secundum excessum supra habitum. Patet hoc clarè, quia pro tali actu debetur gloria secundum totam latitudinem actus, & gloria correspondet gratiæ, ut in præsentia suppono: ergo augetur gratia secundum totam latitudinem actus, & gloriæ: ut si est gratia ut quatuor, & actus meritorius ut octo, dico quòd gratia fiet duodecim graduũ. Et confirmatur, quia iste est gravior uo octo, q̃ prius erat, ergo gratia est aucta ut octo. Secundũ dictum, Charitas* non augetur per totã latitudinem actus, sed solum secundum excessum actus supra habitum. Hoc est probatum omnibus argumētis suprã positis. Tertium dictum, Charitas* nunquam est æqualis gratiæ saltē in adulto. Hoc patet ex dictis, quia actus auget gratiam secundum totam suam latitudinem, & charitatem solum secundum excessum, ergo gratia est maior, quàm charitas. Quartum dictum, Gloria* respōdet gratiæ, & non charitati. Patet, quia per gratiam sumus grati & digni

digni gloria: charitas aut data est ad diligendum, sicut fides ad credendum. Item patet hoc de actu, ex tribus dictis iam positis. Ex his dictis patet solutio ad argumentum: respondente enim gloria gratiæ, seruatur proportio meritorum ad præmia, & etiam si charitas nõ augeatur secundum totam latitudinem, prout declaratum est. Neq; ex isto augmento gratiæ sequuntur inconuenientia, quæ suprà inferebamus: gratia enim non facit ad intensiorem actus, sed solum charitas: & sic licet augeatur gratia in duplo, non sequitur quòd actus sequens sit duplo maior, quàm prius, quia charitas non fuit aucta in duplo. Et certè quicquid secundum alias opiniones sit dicendum, uidetur necessarium respondere secundum opinionem S. Tho. & Durand. Scot. & Ricard. & omnium aliorum, qui tenent, quòd habitus non augeatur nisi per actus intēsiore. Si enim ita est, & actus auget habitum secundum totam suam latitudinem, necessarium est concedere corrolarium illatum, quòd habitus nunquam augeatur quin augeatur plus quàm in duplo, quàm prius erat, ut patet intelligenti. Et sic in Adam, uel alio ex patribus antiquis, qui ferme ad mille annos uixerunt, in ultimis annis uitæ suæ nunquam potuerunt augere habitū, quin augetetur plus quàm esset tota intentio habitus præcedentis, quod est absurdissimum

diffimum. Sed quia hoc dubium est commune in omni opinione, & argumentum uidetur procedere contra omnes, ideo ad hoc argumentum de proportionem meritorum ad premium tenendo quod gratia & charitas sunt idem, oportet respondere, quod charitas per actum meritorium augetur in esse gratiae secundum totam latitudinem actus, in esse autem charitatis solum secundum excessum. Et sic etiam seruabitur proportio meritorum ad premium: & uidetur quod etiam secundum communem opinionem oportet concedere, quod gratiam oportet esse maiorem in esse gratiae, quam in esse charitatis, ut patet in Christo, in quo gratia fuit infinita, charitas autem in esse charitatis finita, ut supra probatum est, & hoc modo conclusio posita posset defendi in omni opinione.

¶ Secundo oportet examinare id, in quo differunt secunda & tertia opinio à prima. Differunt autem in hoc, quod prima putat charitatem augeri etiam per actus remissiores. Secunda & tertia defendunt, quod non augetur charitas, nisi per actus intensiores. Arguitur ergo per secundam & tertiam opinionem contra primam. Primo argumento Durand. Quia non est dignus nouo beneficio & gratia qui abutitur, uel negliger utitur iam receptis beneficiis, sed qui habet charitatem intensam tepide & remissè
b operans,

operans, negligenter se habet & abutitur charitate. ergo non est dignus ut augeatur. Et si hoc argumentum uideatur prima facie leue, & infirmum, tamen si quis consideret quòd in hac materia non possunt fieri argumenta euidentia, multominus quàm in aliis materiis moralibus, non contemnet argumentum. Si enim licet arguere ab humanis ad diuina, profectò hoc est morale, & familiare in uita politica, ut qui in obsequendo & promerendo apud dominum uel principem sit negligentior, & remissior, non crescit in gratia, & amicitia apud dominum, sed bene agitur cum illo, si perseuerat in eadem gratia, in qua prius erat, etiam si aliàs non offendat. Si ergo inuisibilia Dei per ea quæ facta sunt intellecta conspiciuntur, non malè arguimus, & timendū est ne ita nobis cōtingat apud Deum remissè & negligenter operando. Secundo arguitur argumento S. Thom. Habitus acquisitus non augetur per actus remissiores, ergo nec habitus infusus. Et quia hoc est unum ex præcipuis argumentis, uolo examinare quantum ualeat. Et primò probatur consequentia, quia licet habitus infusus nō augeatur effectiue ab actibus, tamen uerisimile est, quòd communiter non augetur adeò ac si augeretur effectiue, sicut habitus acquisitus, aliàs si non oportet seruare proportionem ad naturalia, quid possimus fingere de rebus

rebus spiritualibus, utpote nobis ignotis? Et confirmatur cōclusio, quia si charitas augeretur effectiuè per actus meritorios, non aliter diceremus augere, nisi sicut habitus acquisiti. Et confirmatur iterum, quia secundum aduersarios per eosdem actus, per quos meritorie augetur habitus infusus, augetur effectiuè habitus acquisitus: ergo uidetur, quod si per actus remissos nō augetur habitus acquisitus, ergo nec etiam infusus. Antecedens autem, quia negatur non solum ab aduersariis nostræ opinionis, sed etiam à Durādo, qui est in eade sententia nobiscum, primo probatur, quia similes actus similes habitus causant. Arist. secundo Ethic. ergo uidetur quod actus remissi non possunt facere habitum intensum, quā non est sibi similis, quanquam scio non in hoc proposito locutum in eo loco.

¶ Item omne agens intendit assimilare sibi passum, ergo actus remissi non augent habitum: quia hoc non est facere simile, sed dissimile. Item passum in principio est dissimile agenti, & in fine simile. secundo de anima. ergo actus remissus non auget habitū intensum, aliā in fine actionis habitus non esset similis actui, sed dissimilis. Item calidum ut quatuor, non aget in calidum ut quinque: ergo nec actus ut quatuor, aget in habitum ut quinque: uel ostendatur hoc priuilegiū in actibus, quod

b 2 non

non fit in aliis agentibus naturalibus. Itē actus remissus nihil agit in continuatione, ergo nec in principio. Consequentia patet, quia non est maioris actiuitatis, nec est maior resistantia. Antecedēs probatur, quia agēs naturale quod agit sine resistantia, nihil agit in continuatione, sicut patet de sole respectu cœli: sed actus nullam habet resistantiam ad producendum, uel ad augendum habitum, ergo nihil agit in continuatione. Et confirmatur, quia si actus ageret in continuatione, malè uitaretur argumentum commune de infinita intensiōe. Si enim in quolibet instanti habitus augetur per certum gradum, sequitur infinita intensiō in quocunq; paruo tempore. Et confirmatur iterum per argumentum cōmune, quod etiam non facile uitabitur, quum sequatur infinita intentiō. Si enim actus ut quatuor, augeat habitum ut quatuor, & fiat ut quinque, iterum habitus ut quinque, augeat habitum ut quatuor, & fiat ut quinque, & iterum actus augebit habitum, & sic pro eodem instanti fit infinita intensiō actus & habitus. Secundum autē communem opinionem, uidetur facile expediti hoc argumentum. Siue enim in continuatione, siue in eliciōe actus quocunq; ueniat ad hoc, ut actus sit æqualis, uel minor habitu, cessat omnis actiō, & sic si actus sit ut quinque, & habitus ut quatuor, in primo instanti

stanti habitus fiet ut quinque, & neque per re-
actionem neq; per continuationem fiet ma-
ior intensio: quia iam agens & passum sunt si-
milia, & simile non agit in simile, neq; minus
in maius. Item ex contraria opinione sequi-
tur, quod assensus conclusionis erit intensior
assensu præmissarum. Consequens est contra
Arist. lib. Poste. & contra totam dialecticam.
Probatur consequentia. Sit enim ita, quod
assensus præmissarum sit ut quinque, & con-
clusionis ut quatuor: & per consequens habi-
tus scientificus etiam ut quatuor, uolo quod
habens talem habitum eliciat frequenter assen-
sum conclusionis, non cogitando actualiter
de præmissis, quia sine dubio est possibile, tunc
secundum opinionem contrariam augebitur
habitus scientificus, & poterit fieri ut quinque,
& ut sex: & per consequens etiam assensus con-
clusionis erit ut sex, & sic intensior assensus præ-
missarum. Et confirmatur, quia sequitur, quod
talis assensus erit euidentior assensu præmissa-
rum, quia quilibet gradus est euidentis: ergo si
assensus conclusionis est intensus ut sex, ergo
euidentis ut sex. Confirmatur secundo. Volo
enim quod post primam demonstrationem, in
qua assensus conclusionis sit ut quatuor, addu-
cantur nouæ demonstrationes æquales cum
prima euidentia & intensione, tunc per aduer-
sarios augetur habitus scientificus: & sic iterum

b 3 assensus

assensus scientificus poterit peruenire ad inten-
 sionem & euidentiā supra quemlibet assen-
 sum præmissarum. Ista argumenta etsi non con-
 cludant, & conuincant, certè uidentur ualde
 probabilem facere opinionem. Sed quia præ-
 cipuum fundamentum huius opinionis est,
 quòd in naturalibus agens remissum non au-
 get effectum intensiorem, uel quòd agens re-
 missum superueniens agēti intensiori non fa-
 cit effectum intensiorem, quòd non solum ad-
 uertit opinionēs, sed etiam Durandus, qui no-
 biscum sentit, negat: ideo arguitur contra hoc
 fundamentum: & probo, quòd agēs remissum
 augeat effectum intensiorem. Et arguitur argu-
 mento Durandi, & etiam Gabr. nam experien-
 tia docet quòd tria & quatuor lucernæ super-
 uepientes primæ lucernæ intensiori, uel æquali
 intensius illuminant quàm sola prima, ergo
 agens remissum, uel æquale &c. Idem probatur
 de ignibus, maiorem enim calorem producūt
 multi ignes uel æquales, uel etiam maiores &
 minores, quàm solus unus: ergo ruit funda-
 mentum de agenti naturali. Ad argumentum
 1º dico primo, quòd * nunquam plura agentia
 producunt maius lumen, uel calorem, in pri-
 mo puncto (ut ita dicam) suæ spheræ uel actiui-
 tatis, quàm produceret unum illorum, quòd
 10 quā lumen productum est maius quàm sit lu-
 men

men in maximo luminoso, ut si sit unum luminoso ut octo, & multa alia ut octo, uel minora, nunquam lumen productum erit supra octo. Et probatur utrunq; dictum & fundamentum principale. Certum est enim, quòd si sol diuideretur in duas medietates ut fierent duo luminosa, nulla alia mutatione facta, non producerent intensius lumen, quàm nunc produciunt: sed una medietas produceret intensum lumen sicut sol producit: ergo duæ medietates non producerent maius lumen, quàm una medietas. Minor probatur, quia sol est uniformis secundum lumen, & tam intensum lumen est in medietate solis, sicut in toto sole. Ergo tam intensum lumen producit medietas solis, sicut totus sol. Et idem est iudicium de igne & quolibet alio agente naturali. Si enim ignis sit omniformiter calidus, tantum calorem intensiùe produceret medietas ignis, sicut totus ignis, & duæ medietates separatæ non producerent plus quàm totum: ergo duæ medietates non producerent intensiorem calorem, quàm una medietas, & sic plura agentia naturalia non producerent intensiorem effectum, quàm unum illorum: nec agentia æqualia se adiuuant ad producendum intensiorem effectum. Et confirmatur, quia si sint decem luminosa ut quatuor, & ex illis fiat unum, totum erit ut quatuor, & non plus. Sicut si ex multis

albis ut quatuor, fiat unum album, erit solum ut quatuor. Sed quodlibet luminosum ut quatuor, poterit producere lumen ut quatuor. ergo luminosum compositum ex illis non producit intensius lumen, quàm singula luminosa ut quatuor. Sed non agunt intensius luminosa separata, quàm in unum composita, ergo non intensius agunt decem luminosa ut quatuor, quàm unum illorum. Et confirmatur, quia mirabile esset, quòd aggregatū ex omnibus luminosis non sit nisi ut quatuor, & producat lumen intensius quàm quatuor, cum nullum agens agat supra suam intensiōnem. Item aliàs sequeretur, quòd daretur maius maximo. Si enim agens æquale uel minus iuuet ad augendam intensiōnem, ergo si maximè calidum aut luminosum sit ut decem, & apponatur ei luminosum ut decem, uel ut quinque, lumen productum esset ut undecim uel duodecim, & sic maius maximo.

¶ Ad argumentum de experiētia dico primo, quòd magnitudo, seu multitudo materiæ etiā in eadem intensiōne facit ad intentionem actiuitatis, ita ut si calefactiuum pedale intensiōnis ut quatuor potest calefacere per uiginti passus, calefactiuū decempedale eiusdem intensiōnis ut quatuor calefacit per quinquaginta passus. Secundò, omne agens fortius agit in propinquū, quàm in remotum. Tertiò, agens agit
uni

uniformiter difformiter per spatium uel sphaerā actiuitatis, ita ut si agens sit ut octo, illuminaret spatium duorū passuum, ita ut in quinto passu esset lumē ut sex, & in decem ut quatuor, & in quindecim ut duo, & sic cōsequenter. ergo si adduntur alia quatuor similia luminosa, intensiōe & quantitate, iam erit spatium illuminatū quinque graduum, ut centum passuum, & uiginti passuum, ut prius erat lumē ut quatuor, erit plus quā sex, quia in quinque passuum erit lumen ut quatuor. Et idem erit, si luminosum ut octo addatur luminoso ut quatuor, augebitur in sphaera actiuitatis, & per consequens intensio. Secundo sequitur, q̄ nunquam erit maius lumē in quocunq; puncto, quā sit in maximo luminoso, quod si erat ut octo, nunquam in medio erit maius lumen quā ut octo, quocunq; sint agentia. Et confirmatur hoc, quia ut crescit lumen, aut calor, si luminosum idem aut calidum fiat maius in quantitate, sic si multiplicentur luminosa, ut notum est. sed si luminosum pedale aut ignis pedalis intensiōis ut octo fiat tripedale manente eadem intensiōe, nullus dicet, quod producat lumen aut calorem ultra octo: neq; unquam experientia aliter docuit multiplicatis agentibus augeri effectum, quā sicut dictum est. Imò ex hoc argumento arguitur contra opinionem cōtrariam.

Nam quotcūq; multiplicētur agentia ut quatuor, siue simul, siue successiue, nūquam producant effectum supra quatuor: ergo quantumcūque multiplicentur actus ut quatuor, nunquam producent habitum supra quatuor. Et ita patet quid dicendum sit ad primum argumentum contra fundamentum conclusionis.

¶ Sed arguitur aliter secundo, contra fundamentum de habitu acquisito. & probo, quod quilibet actus quantumuis remissus, augeat habitum acquisitum, quia aliās sequeretur, quod nunquam augetetur habitus, nisi augetetur conatus potentiae. Patet, quia si secundus actus non est maior: primo, nihil facit secundum opinionem: sed ut sit maior actus, uidetur q̄ sequitur maior conatus, ergo infertur illatum. Ad hoc dico, primo negando consequentiam, quia cum æquali conatu posito habitu producit maior actus. & est communis opinio, sed Durandus hoc negat, quia tenet quod habitus non facit de per se maiorem intensiōem: sed non est probabilis eius sententia.

¶ Tertio arguit, Experientia docet, quod ex frequentatione actuum semper augetur habitus, sed non uidetur quod semper actus sequentes sint intensiores præcedentibus, ergo hoc

hoc non requiritur ad augmentum habitus. Dico primò, imò experientia docet, quòd si quis remissè & tepidè operatur, non inuenit se promptiorem, quòd tamen esset, si habitus augetetur. Secundo dico, q̃ regulariter ubi est maior inclinatio, est maior conatus, & quia habitus auget inclinationem, consequenter qui operatur ex habitu, operatur ex maiori conatu, & ideo regulariter actus sequentes sunt intensiores. Et sic uidetur manere secundum argumentum principale in suo uigore.

¶ Tertio principaliter arguit pro nostra opinione, quia ut latè probatum est, actus intensior auget habitum solum secundum excessum, ergo actus æqualis, uel minor nihil auget. Patet consequètia, quia si actus ut sex, habet habitum ut quatuor, uel auget præcisè per duos gradus: ergo actus ut tria uidetur quòd nihil augeat. Si enim actus auget habitum solum secundum excessum, ergo si non excedit, uidetur quòd non augeat. Et confirmatur, quia in naturalibus, ut dictum est, remissius agens non auget effectum intensiorem.

¶ Quarto arguitur, Experientia docet, q̃ qui remissè & tepidè operatur, facile amittit habitum. quod non esset, si talis habitus augeretur: esset enim difficilius, & firmitus; quod non ita contingit. Imò qui consuevit tepidè operari

operari, facile definit operari. Plurima argumenta possent fieri de hac opinione, licet dicta sunt potiora.

¶ Sed pro maiori declaratione materiæ arguitur pro prima opinione contra secundum & tertium: & probo, quòd habitus augetur per quemlibet actum. Et primo arguo argumentum factum in principio conclusionis, quia talis actus etiam remissus, loquendo de habitu charitatis infuso, est meritorius. ergo respondet aliquis gradus gloriæ, & gloria correspondet charitati. ergo ratione talis actus augetur gratia & charitas. Dico primo quòd non est certum, quòd patres antiqui senserunt de hoc dubio, & moderni quidem ita uolunt intelligere. S. Thom. in 1. distinct. 17. quæst. 2. dicit, quòd ad multitudinem actus charitatis non necessario sequitur augmentum præmii essentialis. Scot. in 4. uidetur dicere, quòd pro actu remissio sicut habebit gradum gloriæ, ita habebit gradum gratiæ in fine uitæ. Quidquid senserint patres, quod probabilius est respondeo per tres propositiones. Per* quolibet actum charitatis quantumuis remissum meretur quis, & habebit maiorem gloriam. Hæc propositio uidetur esse S. Tho. 1.2. q. 52. & 2.2. q. 24. art. 6. licet fortasse super sententias aliter senserit. Eadē propositio est apertè Scot. Et primò probatur, quia uidetur repugnare quòd

quòd sit meritorius de còdigno, & non detur pro eo præmium. Item perfecti uiri uiderentur esse multo iniquioris conditionis, si habentes habitus intensissimos, fortè aliquando elicientes actus minoris intensiōis, omnino frustrarentur præmio, qui tamen actus apud imperfectos essent ualde meritorii. Item uidetur facere, quòd Dominus dicit Matth. 10. Quicumq; potum dederit calicem aquæ frigidæ (etiam non ita seruenti actu) non perdet mercedem suâ. Item uidetur facere Matth. 19. Si uis ad uitâ ingredi, serua mandata. Certum est, quòd per actus remissos charitatis seruat quis mandata. ergo pro illis habebit uitam æternam. Item attritio quantumcunq; remissa, dummodo habeat alias circumstantias, est sufficiens dispositio ad gratiam & gloriam. Item omnino uidetur absurdū, & acerbum, ut si quis heri habuisset actum ut decem, & habuisset pro illo magnum præmium, quia scilicet habebat habitum remissiorem, & hodie quia creuit habitus p simili actu, nullam mercedem habeat. Item pro actu intensiori, ut dictum est, augetur charitas solum penes excessum actus, tamen datur gloria proportionabiliter ad totam latitudinē actus, ergo pro actu remisso dabitur etiam proportionabiliter aliquis gradus gloriæ. Et quidquid sit de argumentis & opinionibus nouorū theologorum, nullo

nullo modo dubito de hac propositione, quia ex fide, & sacris literis habemus apertè, quòd pro bonis actibus, saltem ex gratia præcedentibus, habemus gloriam in cælo. An autem per actus remissos augeatur habitus necne, totū pēdet ex opinionib⁹, propter quas nullo modo debemus discedere à regula, & synceritate scripturarum, quæ apertè nobis permittunt præmium pro bonis operibus, iuxta id, Vt recipiat unusquisq; prout in corpore gessit siue bonum, siue malum. Hoc certè indignum uidetur diuina bonitate, ut pro actu malo quantumcunq; remisso recipiat quis pœnam, & pro actu bono remisso non habeat mercedem.

- 12 ¶ Secunda propositio, Quolibet* tali actu augetur gratia. Hęc patet ex primo, quia si pro illo debetur ei maior gloria, ergo talis est dignus maiori gloria: & per consequens, est gratior. Nihil enim aliud uidetur esse gratius, quàm dignius, & magis acceptum ad uitam æternam. ergo qui prius erat gratus ut decem, si pro actu ut duo debentur ei duo gradus gloriæ, iam est gratus ut duodecim. Similiter ergo sicut suprà diximus, quòd per actum intensum augetur gratia secundum totam latitudinem actus, charitas autem solum secundum excessum, ita dicimus quòd per actum remissum augetur gratia, non autem charitas.

¶ Tertia propositio, * si per actum remissum
nō augetur charitas statim, uoluntariū uidetur
dicere, q̄ augetur in fine uitæ. Nihil enim de
hoc est nobis traditum. Secundo principaliter
arguitur pro eadē prima opinione, quia actus
minus intensus potest esse magis meritorius
quā actus magis intensus, ergo si per actum
intensorem augetur habitus, ergo etiam per
actum minus intensum. Consequentia patet,
quia habitus infusus non auget nisi meritoriè,
ergo ubi maius meritum est maius augmentū.
Et antecedens probatur clarè, quia maius me-
ritum est dare totam substantiam pauperibus,
etiam per actum remissum, quā unum de-
narium per actum intensum. Dico quòd argu-
mentum petit dubium, An * in augmento ha-
bitus habeatur respectus non ad intensiōem
actus gradualem meritorii, sed ad quantitatem
meriti. Et posset quidem uideri probabiliter,
quòd debeat haberi respectus solum ad inten-
siōem, quia uidetur quòd augeatur habitus
meritoriè, sicut augetur effectiue, si actus pos-
set augere: sed si actus augetur effectiue habi-
tum, augetur secundum intensiōem gradua-
lem, & non secundum meritum, ut patet de
habitu acquisito, qui augetur ab actu merito-
rio, non secundum proportionem meriti, sed
secundum gradualem & naturalem intensiō-
nem: ergo similiter uidetur dicendum de ha-
bitu

bitu infuso. Et confirmatur, quia per actum meritorium uirtutis acquisitæ augetur habitus infusus, ergo uidetur quòd proportionabile sicut auget habitum acquisitum penes intensiorem gradualementem, & non penes meritum, ita augeat habitum infusum. Item quia sicut patet ex superioribus, augmentum charitatis non facit per se ad præmium, sed solum ad intensiorem actum eliciendum. Præmium enim est respectu gratiæ, & non charitatis. ergo rationabilius uidetur, quod magis in intensiōe charitatis habeatur respectus ad intensiōem gradualementem actus, quàm ad meritum. Sed his non obstantibus dico probabilius ad dubium, quòd etiam habitus charitatis, & alii habitus infusi augentur secundum proportionem meriti, & non secundum intensiōem gradualementem actus. Probatur, quia uirtutes infusæ sunt dona dei, & quodam modo præmia actuum bonorum. ergo omnino est tenendum, quòd melioribus dantur maiora dona, & maiores uirtutes. Sic qui magis meretur melior est, ergo magis augentur in eo uirtutes quantuncumque; alius habeat actus intensiores, sed non æque meritorios. Tertio principaliter arguitur, Ponamus Petrum in charitate ut octo, & habeat successiue duos actus meritorios, utrumque; ut sex: & Paulus item habeat charitatem ut octo, & habeat unum actum ut duodecim. Arguitur sic,
In

In Paulo augetur charitas, ergo etiam in Petro, qui tamen habet actus remissos. Patet consequentia, quia æqualiter meretur, & ex præcedenti determinatione in augmento habituum habeatur solum respectus ad meritum: ergo si augetur in Paulo, etiam in Petro: & quia tangitur eadem difficultas, arguitur quarto, quia actus in continuatione est meritorius, ergo quilibet actus quantuncumque remissus per continuationem potest peruenire ad meritum actus intensioris: sed ut dictum est, intensio fit ratione meriti, ergo per actum remissum augetur habitus: ut uerbi gratia, si quis habeat habitum ut octo, eliceat actum ut quatuor, ille actus per continuationem fit meritorius ut decem: quia certum est, quod quanto maiori tempore continuatur, tanto magis meritorius: & cum quilibet actus continetur, ut est communis sententia, & experientia docet, uidetur, quod quilibet actus remissus augeat habitum. Dico quod ista duo argumenta petunt dubium, An * data etiam opinione quod habitus non augeatur per actum remissum, plures actus remissi possint augere habitum, uel etiam unus actus continuatus possit equiualeere in merito uni actui intenso. De quo dubio sunt tres opinioniones. Prima, quod quandocumque peruenitur ad meritum actus intensi, siue per multiplicationem actuum, siue per continuationem

c

unius

unius actus, augetur habitus: quia, sicut dictum est, intentio habitus fit ratione meriti. ergo siue per multiplicationem actuum remissorum, siue per continuationem unius actus remissi pertueniatur ad æquale meritum unius actus intenzi, augebitur habitus infusus. Sed contrà, quia uidetur sequi, qd si per quemlibet actum quantumuis remissum augetur habitus, uidetur enim quòd per continuationem semper ueniatur ad meritum actus intenzi, maximè tenendo, sicut uerum est, quòd in quolibet instanti continuationis liberè cōtinuatur. Item, quia S. Tho. ut allegatum est in 1. dist. 17. dicit, quòd per multiplicationem actuum remissorum non necessario augetur charitas, & certè doctores, qui negauerunt intentionem habituum per actus remissos, nō admisisse, quòd per continuationem aut multiplicationem talium actuum augetur habitus: ideo est secunda opinio, quòd per actus remissos, neq; continuatos, neque multiplicatos, nunquam augetur charitas: & fortè hæc fuit opinio antiquorum. Sed contrà certum est, quòd per continuationem uel frequentationem actuum remissorum fit aliquis melior, quàm alius per unicum actum intensum, & inconueniens uidetur, quòd qui melior est, non habeat maiora dona dei, & per consequens maiores uirtutes infusas: ergo talis multiplicatio uel continuatio

tio actuum sufficit ad intensiorem habitum. Ideo est tertia opinio media, quod per actus quidem remissos non augetur habitus, sed adueniente aliquo actu intenso augetur habitus, non solum pro illo, sed etiam pro omnibus præcedentibus quâcumque remissis. Sed certe hoc uidetur esse diuinatio, & merè uoluntarium. Si enim ratione intentionis est meritum, & in præcedentibus actibus remissis fuit sufficiens meritum, commetum uidetur, quod oportet expectare aliquem actum, qui per se sit sufficiens ad augendum. S. Tho. ponit exemplum de guttis cauantibus lapidem, quod ultima cauatur uirtute præcedentium, & ita est de actibus meritoriis. Vnde uidetur, quod posito aliquo actu remisso cum præcedentibus, augetur habitus, qui tamen per se non sufficeret augere, sicut est de gutta, quæ cauatur lapidem.

¶ Dubium est quæ sit uerior de istis opinionibus. Quod probabilius mihi uidetur dicam per propositiones. Prima, contra sententiam multorum scholasticorum, Meritum * nullo modo proportionatur intentioni, hoc est, si dilectio dei est intensa ut tria, est meritoria ut tria, non oportet quod dilectio ut quatuor, sit meritoria ut quatuor. Secunda non * solum non proportionatur meritum intentioni, sed nec magna multitudo actuum remissorum æquualet uni actui intenso, & perfecto, hoc est,

uolo dicere, quòd magis meritoria est una dilectio perfecta, quæ sit uerbi gratia ut decem, quàm cétum imperfectæ, quarum quælibet sit ut unum. Probâtur ambæ propositiones. quia difficultas multum facit ad meritum, & difficilius est habere unam dilectionem perfectam, quàm centum imperfectas. Item quia magis còforme est præcepto de dilectione Dei, diligere semel Deum ex magno conatu, quàm tepidè & remisè, quia præceptum est ut toto corde diligamus. Item perfectior est una oratio cum magna deuotione & attentione, quàm multæ tepidæ remissæ. Et confirmatur totum hoc, quia certè in estimatione rerû, pluris æstimatur una res perfecta in sua specie, quàm decem imperfectæ, ut patet in margaritis. pretiosior enim est adamas magnitudinis auellanæ, quàm centû adamâtes minuti, etiam si omnes simul sint maioris ponderis, & hoc in omni genere margaritarum. Item in animantibus pluris est equus unus perfectus quàm decem imperfecti & inualidi, ita certè est in minoribus. Maioris precii est unum opus & officiû uirtutis perfectæ, quàm multa imperfecta & minuta etiam in eadem specie. Tertia, Idem est dicendum de continuatione: est enim absurda & ridicula calculatio scholasticorum. Vt si quis in elicione actus mereatur ut decem, q̃ in quolibet instanti continuationis tantundem mereatur

8 tur. dico enim quòd* nisi sit magna continua-
tio & perseverantia in actu, non duplicatur
meritum. licet possit esse tanta continuatio &
perseverantia, ut etià sit maius meritù in con-
tinuatione quàm in elicione. Quarta, Quan-
0 docunque * peruenitur ad meritù æquale cum
actu intenso, siue per multiplicationem, siue
per intensionem, sine dubio augetur habitus.
Sed hoc non ita frequenter contingit ut dictù
est. Probatur propositio, sicut probatum est,
quia talis est æquè bonus, sicut alius esset per
actum intèsum. ergo habet etiam æquales uir-
tutes. Videtur enim incouueniens, quòd qui
melior, non habet maiorem charitatem. Si er-
go quis fit melior per multiplicationem, aut
continuationem, quàm alius per intèfionem,
ergo habebit maiorem charitatem. Item quia
augmētum est quodammodo præmium, ergo
si est sufficiens meritù, erit etiam augmentum.
Item profectò absurdum uidetur, qui habet
charitatem ut centum, & orans per actum me-
ritorium ut quinquaginta, per totum diem
non mereatur augmentum charitatis. Hoc ui-
detur conforme dicto S. Tho. 2. 2. ubi supra,
dicētis, quòd quilibet actus meretur augmen-
tum, licet non statim, sed cùm sufficienter se
disposuerit, uidetur quòd hæc dispositio sit,
quando peruenitur ad meritum æquale cum
actu intenso. Et per hoc patet ad tertium, &

quartum argumentum. Quinto arguitur, quia uidetur sequi ex opinione, & quantumcunque quis agat ex toto conatu, nunquam in continuatione augetur habitus. Consequens uidetur incoueniens, scilicet, quod nihil operetur ad augmentum habitus, & aliquis diu perseueret in bono actu. Sequela autem uidetur probari, exempli gratia, quod Petrus habens habitum ut quatuor, eliciat actum ut octo, in primo instanti habitus fiet æqualis actui per supradicta, & actus manebit æqualis (ut supponimus) in continuatione, & per opinionem actus æqualis non auget habitum. ergo nunquam in continuatione augebitur habitus. Dico, iam dictum est, & in augmento habituum infusorum habetur respectus solum meriti, & in continuatione poterit perueniri ad maius meritum, quam sit latitudo habitus, uel quam esset meritum unius actus intensioris, & sic augebitur habitus. Sexto arguitur, Sequitur quod cæteris paribus esset melioris conditionis qui elicit primo actum remissum & postea intensum, quam econtrario qui prius elicit actum intensum, & postea remissum. uerbi gratia, Petrus habens charitatem ut octo, eliciat primò actum ut quinque, postea ut decem, per regulam positam augetur habitus per septem gradus, quia iam meritum peruenit ad octodecim gradus, & si contrario eliciat primo actum ut decem, &

& postea ut quinque, solum augetur habitus per duos gradus. Probat, quia statim cum primo eliciat actum ut decem, iam habitus auctus est per duos gradus, scilicet usq; ad decem, & per actum ut quinque, sequentem non augetur habitus. ergo omnino sequitur illatum, quod ordo ille actuum multum facit ad augmentum, quod uidetur absurdum. Dico primò fortasse, quòd hoc argumentum & alia similia ostendunt, quòd nostra opinio non caret etiam calumnia, nec bene se expedit à dubiis & difficultatibus, & fortasse q̃ oportet ponere aliam opinionem distinctam à tribus recitatis. Secundo dico, quòd cōsequens non est maius inconueniens concedere, quàm concedere de habitu acquisito. De quo oportet concedere, q̃ si quis habet habitum ut octo, & eliciat primo actum ut nouem, & postea ut decem, quilibet actus auget habitum, quia semper inuenit habitum remissiorem. Si autem mutato ordine primo eliciat actum ut decem, & postea ut nouem, prius quidem auget habitum, sed secundo non, quia inuenit iam habitum intensiorem se. Imo de aliis agentibus naturalibus uidetur, quòd oportet simile concedere. Si enim primo adhibeat calefactiuum ut quatuor, & postea calefactiuū ut octo, utrumque producit, uel auget calorem. Si autem mutetur ordo, & primo adhibeatur calefactiuū ut

octo, & postea ut quatuor, nihil facit, ut declaratum est: quanquam re uera nō est simile, quia in habitibus infusis actus remissus & intensus computatur pro non actu quantum ad meritum, & possunt facere unum augmentum, quod non potest dici de acquisito. Septimo arguitur, Quia saltem sequitur, quod si quis ex habitu intēso habet solum unum actū acquisitū, qui etiā per continuationē non perueniat ad meritum intēsum, sequitur, inquam, quod pro illo actu nunquam recipiet augmentū charitatis, cū tamen illo actu fiat melior alio, qui non habet illum actum cæteris paribus. Dico, omnino consequens uidetur concedendum secundum hanc opinionem, & satis est quod augetur gratia. Ex omnibus relinquatur, quod de augmento gratiæ eadem est opinio nominalium. Primo modernorum & S. Thom. differunt tamen ab opinione Scot. Secundo relinquatur, quod profecto nō est certum, sed ualde dubiū, quomodo fiat augmentum charitatis, & uirtutum infusarum. Neque mihi per omnia placet etiā opinio S. Tho. recitata, neque possum ex sententia satisfacere dubiis emergentibus ex illa. Tertio, uidetur tamen quantum ad hoc probabilius, quod non per quemlibet actum augetur charitas. Quarto, posset nihilominus defendi probabiliter, quod per quemlibet actum non ad modum

Eadē est opinio S. Tho. & modernorum de augmento gratiæ.

ad modum quidem quo aduersarii putant, sed ut dicamus, quòd charitas ut decem, augetur per actũ ut duodecim, per duos gradus, & per actum ut sex, per unum gradum, & per actum ut tria, per dimidium: etiam sic probabiliter & demum in hac materia facilius esset mihi dicere quod est falsum, quàm quod est uerum.

SECUNDA PARS DE

diminutione Charitatis.

IN secunda parte relectionis agendum est de diminutione charitatis. Duobus * autem modis solum imaginari potest aut disputari, quòd charitas diminuatur. Vno modo per peccatum ueniale. & secundo, per peccatum mortale, ita quòd ratione illius aliquis ad minorem charitatem & gratiam resurgat, quàm prius habuerat. De primo modo dubitatur, an * per peccatum ueniale diminuatur charitas uel gratia. Et uidetur quòd sic, quia quanto crescit offensa, tanto minuitur gratia, ut patet in omni uita ciuili. Tanto enim aliquis cadit à gratia alicuius, quantum illum offendit. Sed ueniale peccatum est offensa Dei. ergo minuit gratiam.

¶ In contrarium est, quia sequitur, quòd mul-

c 5 triplic

tiplicatis uenialibus tollerentur gratia & charitas. omne enim finitum per ablationem finiti consumitur. Dico, opinio est Altisiodo. celebrata in scholis, quòd peccata uenialia immutèt charitatem, quæ impugnatur ab omnibus doctoribus tam antiquis quàm modernis. De qua opinione & quæstione dico per duas propositiones. Prima opinio Altisio. non tam improbabilis est, sicut solet uideri in scholis. Probatur, quia pro illa sunt argumenta habentia apparentiam: & argumenta, quæ solent fieri contra illam, solutur apparenter. ergo opinio illa est probabilis. Argumenta pro illa opinione sunt, primum quod factum est non debet uideri ita infirmum. Si enim non imaginaremur gratiam esse habitum, sed hominem esse gratum Deo per uirtutem diuinam, quæ habet illum acceptum, sicut homo est gratus regi non per aliquem habitum, facile esset intelligere quomodo per paruas offensas, licet peccata uenialia, homo redderetur minus gratus, sicut etiam homo est minus gratus amico per multiplicationem etiam leuium offensarum. Et certè si licet arguere ab humanis ad diuina, non est dubium, quin hoc sit in usu hominum etiam bonorum, ut minuatur amicitia per multiplicationem etiam leuium offensarum, quæ tamen non sufficiunt tollere amicitiam. Nescio ergo

ergo unde nos diuinamus quòd sumus ita amici dei & ita grati post infinitam multitudinem peccatorum uenialium?

¶ Item pro eadem opinione arguitur, quia ex multiplicatione peccatorum uenialium redditur homo minus promptus ad actus charitatis, & aliarum uirtutum: minuunt enim feruorem charitatis, ut doctores concedunt. Signum est ergo, quòd habitus est minor. Maior enim habitus maiorem feruorem facit, & maiorem promptitudinem, & firmitatem, cuius contrarium experiuntur, qui habent consuetudinem peccandi uenialiter. Ad argumentum in contrarium, quando argumentatur, sequitur quòd per multiplicationem uenialium tandem tolleretur charitas & gratia: aliqui dicunt, quòd quando gratia peruenit ad illum gradum, qui possit tolli per unum ueniale, iam id ueniale fit mortale ex illa circumstantia.

¶ Contra hoc est argumentum, quia quilibet inuincibiliter ignorat illam circumstantiam. Nullus enim potest scire quando gratia est in tali statu. Item oportet confiteri de tali mortali peccato, quod non est dubium, quin ueniretur in multis, qui cauentes à mortalibus, tamen habent magnam consuetudinem uenialium. Nullus autem hactenus inuentus est, qui de hoc cōfiteretur, nec deberet, nec quisquam tale consilium dedit, ergo.

¶ Item

¶ Item arguitur, quia peccatū mortale, quod tollit gratiam, nō est grauius mortaliter seipso sine tali circumstantia. Occidere enim hominē in eo qui erat in gratia, nō est grauius, uel saltem non est grauius moraliter, quā in eo, qui est extra gratiam: ergo per hoc, quod mendacium tolleretur gratiam, nō mutaret speciem, nec esset infinitū grauius. Item arguitur. Præsupponitur unum falsissimum, quod aliquis teneatur ad conseruationem gratiæ ex speciali præcepto: quod non est uerum. Qui enim est in gratia, & adulterat, non peccat contra duo præcepta, sed solum contra præceptum non adulterandi. Et ideo alii aliter respondent, & secundum peccatum, etiam si sit æquale cum primo, non tantum tollit sicut primum, sed solum proportionabiliter, puta si primū tollit unum gradum, secundum tollit dimidium, & tertium quartam partem gradus. Et sic consequenter clarum est, quod si ita fieret, etiam si in infinitum multiplicarentur peccata, nunquā omnino tolleretur gratia. Sed isti nullam rationem afferunt, quare secundum peccatum non auferat tantum sicut primum, nisi solum, quia sequitur inconueniens: quod non est satisfacere ad argumenta, & uidetur uoluntaria solutio. Et ideo aliter dico etiam, quod

22 * nullum peccatum ueniale potest tollere gratiam, dato quod quilibet tollat partem gratiæ.

Et

Et ratio est, quia sicut augmentum gratiæ est quodammodo præmiũ, ita diminutio est pœna. Si autem aliquod ueniale omnino tolleretur gratiam, id puniretur plus quàm omnia uenialia præcedentia. Manifestum est enim, quòd maius malum & grauior pœna est priuari uno gradu gratiæ apud eum, qui solum habet illum gradum, quàm priuari centum gradibus apud illum, qui habet ducentos. Peius est enim cadere à gratia, quàm cum gratia uenire ad minimum. Et si diceremus, quòd si quis habet decem gradus gratiæ, per peccatum ueniale perdit unum gradum, & per alia uenalia multiplicata possunt perdi nouem: sed cùm uenitur ad decem, nullum ueniale, nec quęcumque uenialia possunt tollere totum illum gradum, sed poterit tollere uel dimidium uel tres partes. Nec hoc est uoluntarie dictum. Quia grauius est habenti unum gradum perdere dimidium, quàm habenti centum perdere decem: sicut & maior pœna est habenti decem aureos perdere omnes, quàm habenti mille perdere uiginti: & grauius est habenti decem perdere nouem, quàm habenti centum perdere quinquaginta, & hoc modo possemus elabi ex argumento. Si hoc non placet, posset aliter dici, quòd uenialia possibilia in tota uita unius hominis, sunt certa, & determinata, cùm sit certum tempus, & per consequens quamuis posset

set esse immensa multiplicata, est tamen certa, est em̄ aliquis determinatus numerus actuum, quos potest aliquis habere in una hora, & per consequens etiam in tota uita, quæ constat ex finitis horis. Hoc supposito ego dicere, quod minima gratia, utputa baptismalis, uel quæcumq; alia habet plures partes quàm sunt peccata possibilia in tota hominis uita, & unum peccatum ueniale nō potest tollere nisi unam particulam ex illis. Vt si dicamus, quod uenialia possibilia sunt decies centum mille, dico quod quæcumq; gratia ad minus habet decies centū mille gradus, aut particulas, & quod libet ueniale potest tollere unam particulam, & sic patet quod nunquā peruenietur ad ultimum. Neque hoc esset tam absurdum. Et si nec hoc quidem satisfaceret, dicerem adhuc, quod si quis diu uiuit in gratia, & non peccat mortaliter, dato quod cōmittat multa uenialia, impossibile est, quin sæpe mereatur & augeat gratiam, & sic etiam si uenialia diminuāt charitatem ex alia parte, augebitur plus quàm minuetur. Et iterum euadimus illud inconueniens, quod argumentum petebat. Et potest confirmari totum hoc. Quia temperantia acquisita, & aliæ uirtutes minuuntur per peccata uenialia contraria illis uirtutibus, & tamen nūquam possunt taliter corrumpere uirtutem. Si enim quis semel habeat uirtutem temperantia,

tiæ, quantumcumq; ostendat uenialiter in materia temperantiæ, nunquam desinet esse temperatus, & sic posset defendi sententia Altisiodorensis.

¶ Sed hoc non obstante est secunda propositio. Opinio communis, & contra Altisio. est longè probabilior, & quantum ego puto, uerior. Et præter argumenta communia contra Altisio. argumentor sic contra illum, quia sequitur, quòd charitas simul augetur & diminuitur, quia potest quis mereri, & peccare uenialiter simul, ut certum est: consequens autem uidetur non solum falsum, sed impossibile, & malè intelligibile. Quoniam potest esse, quòd qualitas non extensa pro eodem instanti augetur & diminuat. Et confirmatur, quia si charitas sit ut decem, & peccet quis uenialiter peccato, quo meretur perdere unū gradum, & mereatur augmentum unius gradus, hic nulla mutatio fiet in charitate, sed manebit ut decē, sicut prius erat, quod uidetur ridiculum dicere, quòd mereatur quis augmentum, & non detur ei. Item quia quæro si postea remittitur ueniale, an restituatur gradus gratiæ amissus, necne: si dicas quòd sic, frustra ergo fingimus illam diminutionem, cum oporteat concedere, quòd quando remittuntur uenialia, iterum redditur ad pristinū statum. Si autē neges contrā, quia non debent esse peioris conditionis uenialia

uenialia, quàm mortalia. Respondeo, per pœnitentiam redit homo ad pristinum statum, & restituitur amissa gratia, ergo multo magis per pœnitentiam uenialium restituetur amissa gratia per uenialia. Et confirmatur, quia cùm uenialia remittuntur, & per quodlibet sacramentum, & per dilectionem Dei semper perseverans in gratia recuperaret totam gratiam amissam ratione uenialium, & sic illa diminutio est uana & ficta. & ista sint satis de primo modo diminutionis: de secundo autem, quia nunc nō uacat, aliàs disputabimus. Et ista sufficiant pro hac relectione.

REVERENDI PATRIS F. FRANCISCI

à Victoria Relectio de Temperantia in secunda secundæ
S. Thomæ.

*

Locus relegendus Gen. 9.

*Omne, quod mouetur, & uiuit, erit
nobis in cibum. Quest. 1.*

S V M M A.

- 1 Vitam suam propriam quòd quilibet teneatur conseruare per alimentum, probatur.
- 2 Cibi, aut alimenti nullum genus fuisse, aut esse prohibitum homini iure naturali, ostenditur.

Carnium

- 3 Carnium usus, utrum ante diluuium esset concessus.
- 4 Condimentis, & artificio, an liceat uti ad edendum cibos suauiores.
- 5 Carnibus humanis an uesci liceat.
- 6 Carnibus uesci humanis, an in extrema necessitate liceat.
- 7 Sacrificare homines deo, ut faciunt barbari, quòd sit & iure diuino, & naturali prohibitum.
- 8 Abstinere perpetuò à certo genere alimentorũ, etiam in extrema necessitate, utrũ sit laudabile Cartusiensi, quòd etiam secluso scandalo non uideatur illicitum in extrema necessitate abstinere à carnibus.
- 10 Cartusiensi an liceret in casu necessitatis extremae carnes comedere.
- 11 Vitam reddere breuiorem per abstinentiam, utrum liceat.
- 12 Vitam per abstinentiam ex intentione reddere breuiorem, quòd non liceat.
- 13 Vitam quantum quis per alimenta possit protelare, quòd non teneatur.
- 14 Vti alimentis, quibus uita breuior reddatur, quando non esset peccatum.
- 15 Vti quis singulari inedia, & cibo nocuo, quando non excusaretur à mortali peccato.



AN sit licitum uesci carnibus humanis? & uidetur quòd sic, primò ex loco citato, ubi nulla fit exceptio, & saltem uidetur, q̃ non sit mortale, quia non est contra charitatem Dei uel proximi. Secundo, quia nunquam legimus prohibitum saltem lege & iure diuino. Tertio, quia
 d medici

Aristot.

medici utuntur in pharmacis carnibus humanis, quas uocant carnemomia. ergo in contrarium est ius gentium, apud quas semper fuit abominabile. Item Aristot. 7. Ethic. dicit, quod est feritas, uesci carnibus humanis. Duabus partibus circa materiam temperantiæ præsens quæstio absoluetur. Prima, utrum homo teneatur conseruare seipsum per alimentum. Secunda, An teneatur homo conseruare speciem per usum matrimonii. Circa primam partem quæritur nouem. Primo, An teneatur absolute, & quo iure. Secundo, Vtrum liceat uti omnibus alimentis absolute, excepta carne humana. Tertio, An liceat humana carne uti in alimentum. Quarto, An liceat sacrificare homines. Quinto, Vtrum hac ratione liceat barbaros debellare. Sexto, An liceat perpetuo abstinere ab aliquibus alimentis extra extremam necessitatem. Septimo, An liceat abbreviare uitam per abstinentiam. Octauo, An in extrema necessitate liceat abstinere à certo genere alimentorum. Nono, An ecclesia potuerit prohibere certum genus ciborum & alimentorum. Circa secundam partem quæritur tria. Primo quæritur, An aliquando fuerit in præcepto dare operam liberis. Secundo, Vtrum nunc sit in præcepto. Tertio, Vtrum si omnino esset peritura progenies hominum, tenerentur homines dare operam liberis, non obstante

obstante uoto, aut aliis impedimentis consanguinitatis. De primo, utrum homo teneretur seruare se per alimentum. Videtur quòd non, quia aliàs ægrotus, qui fastidio ciborum non comederet, damneretur de mortali. Item eadem ratione teneretur sumere pharmacum. consequens est falsum iuxta illud Agathæ, Medicinam carnalem corpori meo nunquam exhibui. & est inter epistolas Hieronymi ad hoc propositio quædam. Imo nationes sunt, quæ nō utuntur pharmacis. Et Cato uidetur condemnare usum medicorum apud Plin. lib. 29. *Plin.* c. 1. Et primū medicum Romam uenisse anno ab urbe condita 535. Item condemnato ad mortem per iudicem licet non comedere, quia condemnatus ad carcerem, uel ad mortem, non tenetur fugere. Respondetur, & sit prima propositio, Quilibet * tenetur conseruare propriam uitam per alimentum. Probatur primo, facere contra inclinationem, est illicitum: sed conseruari uescendo est inclinatio naturalis. ergo non conseruare se est illicitum. Maior probatur, quia inclinatio naturalis, uel sequitur ex iure naturali, uel e contrario. ius naturale oritur ex inclinatione naturali, & siue hoc, siue illud sit facere contra inclinationem, est facere contra ius naturale: hoc autem est illicitum: ergo. Maior probatur, quia omnia animalia naturaliter inclinantur ad utendum ali-

d 2 mentis

mentis, & inclinatio naturalis est, quam non usus, aut ratio, sed natura impressit. Sicut ius naturale est, quod natura omnia animalia docuit. Institut. de iustitia & iure. §. ius naturale. & ff. eodem titulo, leg. ius naturale. Et confirmatur, quia hoc modo probamus multa alia esse illicita, sicut probamus quod grauius peccant parentes, si odio habent liberos, uel etiam frater fratrem, aut consanguineus consanguineum, quia est contra naturalem inclinationem. Secundo, quilibet tenetur diligere seipsum, sed non conseruando uitam suam facit contra dilectionem sui. ergo illud est illicitum. Maior probatur, quia est præceptum

Matt. 22. diligere proximum sicut se ipsum. Matth. 22. Si ergo non teneretur homo diligere se, ergo nec proximum. Tertio, qui non utitur alimento necessario ad conseruationem uitæ, interficit se ipsum: Sed interficere se ipsum est illicitum. ergo maior patet, quia non pascere proximum tempore necessitatis, est occidere illum;

Ambrosi. iuxta illud Ambrosii, Pasce fame morientem, si non pauisti, occidisti. libro de officiis. & habetur distin. 89. Minor autem patet, quia ut

Augustin. Augu. dicit in de ciuitate Dei, Qui dixit, non occides, non excepit se ipsum. Vnde cum occidere se ipsum, sit occidere hominem, est illicitum. Item Hieronymus, Nihil interest quo pacto te interimas: quia de rapina holocaustum

stum

stum offert, qui vel ciborum nimia egestate, uel manducandi penuria immoderatè corpus affligit. Et S. Thom. i. parte. quæst. 97. art. 3. ad *S. Thom.* 3. dicit quòd Adam etiam peccasset, si nò sumpsisset cibum necessarium. Ad argumenta in contrarium ad primum dico, primo, quòd si uoluntariè quis abstineret se à cibo, ut legimus apud Valerium, & Plinium de aliquibus apud gentiles, non est dubitandum, quin peccarent mortaliter, quamuis illi simul cum aliis erroribus putarent illud esse laudabile. Secundo dico, quòd si ægrotus potest sumere cibum, uel alimentum cum aliqua spe uitæ, quòd tenetur sumere cibum, sicut teneretur dare ægrotanti. Tertio dico, quòd si animi deiectio tanta est, & appetitiuæ uirtutis tanta consternatio, ut non nisi per summū laborem, & quasi cruciatum quendam ægrotus possit sumere cibum, iam reputatur quædam impossibilitas, & ideo excusatur, saltè à mortali, maximè ubi est exigua spes uitæ, aut nulla. Ad confirmationem respondetur. Primo, quòd non est simile de pharmaco, & alimento. Alimentum enim per se est medium ordinatum ad uitam animalis, & naturale, non autem pharmacum: nec tenetur homo adhibere omnia media possibilia ad conseruandam uitam, sed media per se ad hoc ordinata. Secundo etiam dicimus, quòd aliud est mori ex defectu alimenti, quòd imputaretur

d 3 hom

homini, & esset mors uiolenta: aliud ex ui morbi naturaliter ingruentis. & sic non comedere, esset se interficere: non sumere autem pharmacum, esset nō impedire mortem aliunde imminentem, ad quod non semper homo tenetur. constat enim quod aliquando posset quis licitè defendere uitam suam, & non tenetur: & aliud est non protelare uitam, & aliud abrumpere. Secundum semper est licitum, non autem primum. Ideo dicimus, q̄ si quis haberet certitudinem moraliter, q̄ per pharmacum reciperet incolumitatem, sine pharmacō autem moreretur, non uidetur profectō excusari à mortali: quia si non daret pharmacum proximo sic ægrotanti, peccaret mortaliter, & medicina per se etiam ordinata est ad salutem à natura. sed quia hoc uix potest esse certum, ideo non sunt damnandi de mortali, qui in uniuersum decreuerunt abstinere à pharmacis, licet non sit laudabile, cū creauerit deus medicinam propter necessitatem, ut ait Salomon. De secundo, Vtrum liceat omnibus alimentis uti, & loquimur in genere exceptis carnibus humanis. Primo uidetur quod non, ut ex ueteri lege, ubi prohibentur multa, ut patet Leui. xi. tam ex animantibus, quàm a quatuorlibus & uolatilibus. Nec satis est dicere quod erant præcepta cērimonialia. Quorsum enim attinebat prohibere tam multas species quadrup

drupedum, uolucrum, & piscium? Nec uidentur habere aliquod mysterium, saltem omnia, sed uidentur precepta moralia. ergo non cessauerunt: caeremonialia enim pertinebāt ad cultum Dei, Exod. 18. Item Genes. 9. uidetur primo concessus usus animalium. ergo saltem *Exod. 18.* antea erat prohibitus. Et Gen. 1. dicitur, Ecce *Genes. 9.* dedi uobis omnem herbam afferentem semen. *Genes. 1.* ubi nihil habetur de animalibus, ergo saltem ante diluuium non licuit uti omnibus. Item post legem euangelicam, Act. 15. interdictum *Act. 15.* est etiam his, qui crediderunt ex gentibus, ut abstinere se à suffocato & sanguine. ergo saltem non licet uesti suffocato & sanguine. In contrarium est locus propositus pro themate relectionis, & ibidem legitur, Omnes pisces maris manui uestre traditi sunt, quia olera uirentia tradidi uobis omnia.

¶ Respondetur, & sit prima propositio, Nullū cibi, aut alimenti genus fuit, aut est prohibitum homini iure naturali. Probatur, quia omnia sunt propter hominē, iuxta illud, Omnia subiecisti sub pedibus eius, oues, & boues, &c. Sed homo nō potest uti maiori parte illorum, nisi in alimentum. ergo nihil est prohibitum. Et confirmatur ex illo Gen. 1. Dominamini *Genes. 1.* piscibus maris, & uolatilibus celi, & uniuersis animantibus, quæ mouentur super terram. Sed dominium est ius assumendi aliquid in suam

facultatem, sed homo non potest uti multis animantibus nisi in alimentū. ergo. Secundo, Quod est prohibitum iure naturali, potest cognosci ratione naturali: sed nulla ratione naturali potest cognosci, q̄ sit aliquod alimentum prohibitum. ergo. Tertio, Deus, & natura nihil faciunt frustra, sed essent frustra animalia, si non liceret uesti illis. ergo. Quarto, ut ait S. Thom. 1. part. quæst. 96. art. 1. Omnia animalia sunt naturaliter subdita homini. Probatur, nam imperfectiora cadunt in usum perfectiorum, sicut materia est propter formam, & plantæ propter bruta. ergo bruta propter homines. Vnde philosophus 1. Politic. infert, quòd uenatio syluestrium animalium est iusta, & naturalis, quia per eam uendicat sibi homo quod est naturaliter suum: & maiori ratione est dominus homo aliarum rerum. Dicitur *Genesis* 1. enim Gen. 1. Faciamus hominem, ut præsit 1. Tim. 4. uniuersæ creaturæ. Et confirmatur 1. Tim. 4. Omnis creatio dei bona est, & nihil reiiciendum quod cum gratiarum actione percipitur. Moralia autem præcepta non cessauerunt. ergo non est de iure naturali prohibit⁹ aliquis usus. Vnde S. Tho. 1. 2. q. 102. art. 6. ad primū ait, nulla genera ciborū immunda sunt immūditia culpe ex natura sua. Vnde Mat. 15. Nō quod intrat in os, cōinquinat hominem &c. & Actū 10. cum Petrus uidisset linteū, in quo erāt omnia quad

quadrupedia, & serpentia terræ, audiuit, Occide, & manduca. Et cum respondisset Petrus, Absit à me domine, quia nūquam manducaui commune, & immūdum: facta est uox ad eum, Quod Deus purificauit, tu commune non dixeris. Item August. contra Faustum libro 6. *August.* Nihil est immundum ex natura sua. & disputat hoc ad longum contra Manichæos, c. 15. citās illud, Omnia munda mundis. tit. 1. & uerba Aug. libro 6. contra Faustum. c. 8. ad hoc sunt, Omnis creatura Dei bona est, omnia enim quæ naturaliter sunt, in ordine suo bona sunt, & nemo in eis peccat. Manichæi autem carnes omnes immundas dicebant, & habere animas humanas.

¶ Ad argumenta in contrarium, Ad primum dico, quod omnia illa præcepta computantur inter ceremonialia, ut patet ex S. Th. 1. 2. q. 101. art. 1. Et ad rationem in contrarium respondet S. Tho. ibidem. Ad primum, quod ad cultum diuinum, non solum spectant sacramenta, & huiusmodi alia, quæ immediatè ad Deū ordinantur, sed etiam debita præparatio colentium Deum ad cultum ipsius, quod fit per certam rationem etiam cibi & potus. Sicut etiam ecclesiastica ieiunia in profectis sanctorū, spectant ad cultum diuinum. Omnes autem cibi, qui prohibebantur Iudæis, habent aliquem modum corruptionis & immunditiæ, sicut

S. Tho. eleganter declarat ibidē, & q. 102. ar. 6. præter hoc, quòd in multis obseruantis ciborum etiam continebatur figura & mysterium Christi, & sacramentorum eius. Vel etiam potest dici, quòd erant præcepta iudicia, quia spectabant ad bonam gubernationem populi.

¶ Ad aliud, quod est maius dubium, augetur dubium, quia illa obseruantia perseverauit in ecclesia non solum tempore apostolorum, sed etiam multò post. Erat enim temporibus Ter-
Synodus tulliani, ut patet in apolog. c. 9. & in Synodo
Gangr. Gangrensi. & habetur dis. 30. inter errores illic damnatos. Sic habetur, Siquis carnem manducantem ex fide cum religione præter sanguinem, & idolo immolatum, & suffocatū crediderit condemnatum, anathema sit. Et idem Rabanus in pœnitentiario, & quotquot ante quadringentos annos fuerunt: imò aiunt Græcos hodie obseruare, & abstinere se à sanguine, & suffocato. Ad hoc respondet S. Tho. 1. 2. q. 103. art. 40. ad 3. quòd hæc sunt prohibita, nō ad obseruantiam legalium, sed ut ab initio posset cōualefcere unio Gentilium, & Iudeorum. Iudæis enim propter antiquam consuetudinem sanguis & suffocatum erant abominabilia, & ideo interdicta sunt Gentilibus: sed cessante causa, cessauit effectus, adueniente lege libertatis, & luce euangelica, nihil est rejiciendum, quod cum gratiarum actione recipitur

tur. 1. Timoth. 4. Idem dicitur 4. d. 1. q. 2. art. 1. Item super Marc. c. 15. Licet antiqui dixerint, inquit, quòd ab his abstinendum est, quia immunda sunt. Vnde S. Tho. bene uiderat Tertullianũ, & concilium Gangren, & Rabanum: hos enim intelligit per antiquos. Ex quo sequitur, quòd illud fuit præceptũ iuris apostolici, non diuini. Sed quæritur, quando cessat obligare. Respondetur, primò. Per contrariam consuetudinem potuit abrogari, quia est præceptum humanum, quod per contrariam consuetudinẽ potest abrogari, ut patet ex S. Tho. 1. 2. q. 97. art. 3. & Doct. in c. 1. de treug. & pac. & c. fin. de consuetudine. & in l. de quibus. ff. de legibus. Vnde cùm iam abhinc quadringentis annis sit consuetudo in cõtrarium, abrogatum est illud præceptum. Ex quo sequitur, quòd si adhuc apud Græcos durat consuetudo abstinendi à suffocato & sanguine, non esset licitũ apud illos frangere illud præceptum apostolorum. Dico si sola consuetudine ablatum est præceptum. Hoc est probabile, sicut in nostra ecclesia fuisset peccatum ante sexcentos annos. Et ideo potest dici secundò, & melius, quòd cessante in uniuersum ratione legis positivæ, cessat uis legis, etiam sine alia abrogatione legis, nec spectata consuetudine: quia ipso facto, quòd lex est inutilis, nõ habet uim obligandi: quia si à principio legis ita fuisset

irrat

irrationabilis, & per consequens nec obligatoria, maxime cum esset onerosa. Sic autem est in proposito. Tota enim ratio legis illius fuit societas, & communicatio cōuersorum ex Iudaismo, & gentilitate, quæ iam nulla est. Vnde sequitur, quod non solum iam inducta consuetudo in ecclesia, sed ante omnem consuetudinem licebat uesci sanguine & suffocato, dummodo intelligeretur causam cessasse, & ideo S. Tho. ubi suprà, non fundat facultatem uescendi illis in consuetudine, sed in eo, quod causa legis omnino cessauit. Sicut si in tempore belli fiat aliqua lex, quæ pro illo tempore est necessaria, cessante bello, etiã ipso facto cessat lex, etiam si nõ exprimatur in lege. imò puto, quod tempore apostolorum nõ seruaretur illa lex ubiq;, sed solum ubi erat necessaria ad illam communicationem utriusq; populi. Fortè uerum est, sed nescio cum durauerit tandiu, pòst etiam ubi non erant Iudæi. Sed etiam facit,

1. Cor. 10. quod 1. Corinth. 10. dicitur, Omne quod in macello uænit, manducate, nihil interrogantes propter conscientiam. Et si quis uocat uos infidelium ad cœnam, & uultis ire, omne quod uobis apponitur, manducate, nihil interrogantes propter conscientiam. Et quod illa fuerit causa illius præcepti, patet: quia eodem contextu habetur, ut abstineatis uos ab immolato, similiter & sanguine, & suffocato, Sed tota ratio

tio quare prohibebatur comedere immolatū, erat propter conscientias aliorum, non autem quòd de se aliquid mali cōtineret, ut patet per Apostol. 1. ad Corinth. 8. ergo idem dicendum est de suffocato & sanguine. Et ex eodem patet, quòd etiam tēpore apostolorum licuisset gentibus extra communionem Iudæorum uiuentibus, comedere suffocatum, & sanguinē, quia non obstante interdicto de idolothyto, licebat sine scandalo comedere idolothytum, ut patet ex uerbis Apostoli 1. Corint. 8. De his 1. Cor. 8. autem, quæ idolis sacrificantur, scimus quia omnes scientiam habemus. & infra, Quidam autem cum conscientia usque nunc, quasi idolothytum manducant, & conscientia ipsorum cum sit infirma, polluitur. esca autem nos non cōmēdat Deo. Videte autē ne hæc licētia uestra offendiculum fiat infirmo. Si enim quis uiderit eum, qui habet scientiam in idolo recumbentem, nōne conscientia eius cū sit infirma, ædificabitur ad manducandum idolothyta, & peribit infirmus in tua conscientia frater, propter quem Christus est mortuus? Sic autem peccantes in fratres, & percutientes conscientiam eorum infirmam in Christum peccatis. Ex quibus uerbis manifestè patet, quod uesci immolatis, nō erat illicitum, nisi propter scandalum infirmorum: ergo eadem ratione ibi non erat opus abstinere à suffocato. Sed licet

cet illud uideatur probabile, tamen etiam potest dici, quòd non est simile de idolothyto, & suffocato, & sanguine: quia idolothytum prohibitum est solum propter scandalum, & ideo ubi non erat scandalum, non erat opus illa abstinencia, sed de suffocato alia fuit ratio, scilicet ut conualesceret amicitia inter utrumq; populum: & quòd licet illa fuerit ratio, tamen mandatum fuit absolutum, & sic non est simile. Et præterea posset quis respondere, quòd cùm Paulus scripsit epistolam illam, non erat facta prohibitio, cùm concilium illud fuerit quindecim annos saltem post passionē Christi, sed ratio temporum non consentit, & pro certo epistola fuit posterior concilio. Sed potest aliter probari, quòd non fuerint propter rationem scandali prohibita: quia eadem ratione prohibita fuissent alia legalia: ergo alia fuit ratio, ut arguit Altisiodor. lib. 4. in propria quæstione de suffocato & sanguine, dicens, qd ad litteram illud præceptum non fuit de suffocato in illo sensu, sed ne occiderent homines, id est, ne suffocarent minus potentes, & ne effunderent sanguinem humanum. Sed hoc est contra omnes doctores. Et Hieronymus expressè super illud Ezechiel. 44. Omne morticinum, & captum à bestia de pecoribus, & aui-
 bus, non comedent sacerdotes: ait, ne comederet illud, cuius sanguis effusus non est, quod
 epist

Ezech.

epistola Apostolorum decreuerat. Sed contrā arguit Altisiod. & bene. Quia si illud præceptū erat cæremoniale, contrā, quia beatus Petrus in illo concilio dixit, Quid tentatis imponere iugum super ceruices discipulorum, quod nec nōs, nec patres nostri potuerunt portare? Sed per gratiam domini nostri Iesu Christi credimus saluari, quæ admodum & illi. Actuum 15. *Act. 15*
 Ex quo patet, quod sententia Petri fuit, quod non imponerentur illis cæremonialia. Et Iacobus ibidem dicit, Ego iudico non quietari eos, qui ex Gentibus cōuertuntur ad Deū. Et aliter potest argui, quia profectō si solū illud præceptū erat eis impositum, quia Iudæi abominabantur suffocatum, & sanguinem, & ut possent simul conuiuere Iudæi & Gentiles, & multo magis abominabantur carnes suillas, de quibus tamen nihil prohibetur, non ergo uidetur illa causa: sed certè, quod liceret. Et Clitouxus in antilo. lib. c. 21. ubi dicit, quod non peccabant comedentes de immolatis, nisi esus māducatiō generaret aliis scandalum: imò ita dicit S. Tho. 1. art. 10. & 8. & etiam ex Aposto- *S. Thom.*
 lo ad Rom. 14. ubi per totum capitulum sine exceptione uidetur diffinire, quod nihil est imundū nisi ex conscientia, uel scandalo. Confido, inquit, in domino Iesu, quod nihil commune per ipsum, nisi ei, qui existimat, quid commune esse, illi commune est. Et S. Tho. dicit

cit illic nihil esse prohibitum. Est etiam determinatio expressa in concilio Florétino, quod uide in doctrina quæ ibi datur Armeniis, ubi sic legitur, Firmiter credimus omnem creaturam Dei bonam esse, nihilq; reiiciendum quod cum gratiarum actione suscipitur, quia iuxta uerbū Domini, non quod intrat per eos, coinquinat hominem. illaq; Mosaycæ legis ciborum mundorum & immundorum ad cæremonialia asserit pertinere, quæ surgente euangelio transferunt. Illa etiam prohibitio apostolorum ab immolatis simulachrorum, & sanguine, & suffocato, dicitur illi tempori congruisse, quo ex Iudæis, atque Gentilibus, antea diuersis cæremoniis, moribusq; uiuebant, & determinat, quòd iam cessante causa, cessat effectus, & nunc nulla est differentia faciendi.

- 3 Ad aliud, Vtrum * ante diluuium esset concessus usus carniū, S. Thom. quidem 1.2.q.102. art.6.ad.2.dicit, quòd esus carniū uidetur esse post diluuium introductus. Tūc enim Gen.9. dictum est, Quasi holera uirentia dedi uobis omnem carnem. & hoc ideo, quia à terra nascencia magis pertinent ad simplicitatem uitæ, esus autem carniū ad quasdam delicias, & curiositatem uiuendi. & Rom.14. super illud, Is qui manducat, non manducantem nō spernat, & qui non manducat, manducantem non iudicet. dicit S. Tho. Terra nascētia fuerunt concessa

Rom. 14.

cessa homini ad edendum. Primo secundum illud Genes. 1. Ecce dedi uobis omnem her- *Genes. 1.*
bam &c. Sed post diluuium primò legitur con- *Genes. 9.*
cessus usus carniū. Vnde legitur Gen. 9. quasi
holera uirétia tradidi uobis omnia, scilicet ani-
malium genera. Ex quibus uerbis S. Thom. ui-
detur dicere, quòd ante diluuium non solum
non fuerint in usu carnes, sed nec fuerint lici-
tæ. Sed quicquid sit de hoc, uidetur primùm,
quòd de iure naturali nō essent illicitæ, ut su-
prà probatum est. & confirmatur, quia per le-
gem Christi nō est aliquo modo abrogata lex
naturalis: si ergo nunc licet uesci carnibus, non
ergo est contra ius naturale. Secundo uidetur
quòd nō fuerit prohibitum lege diuina etiam
ante diluuium. Probatur primò, non habetur
talis prohibitio. Tertio illa dicebatur etas legis
naturæ, quæ scilicet regebatur lege naturali, si-
ne aliis præceptis, saltem erant paucissima. Et
S. Tho. 1. 2. q. 103. art. 1. ad quartum dicit, quòd
generaliter ante legem Moyfi nulla lege erat
prohibitus usus carniū aliquorum anima-
lium, sed solum propter abominationem, uel
consuetudinem ab aliquibus. Ita ergo potest
dici, quòd si ante diluuium non erat usus car-
niū, hoc erat solum ex consuetudine, non ex
aliquo præcepto diuino speciali. Nicolaus ta-
men Gen. 9. dicit, quòd tunc profuit concessus
usus carniū, quia terra iam non erat adeo
e fruct

fructifera, acceperat enim detrimētum magnū
 ex diluuiō. Idē dicit Abul. ibidē propter eandē
 rationē, scilicet q̄ ante diluuiū non erat cōces-
 sus usus carniū. & Ge. i. dicit idē Abul. Hic ta-
 xauit Deus cibos hominibus, ut scilicet carnes
 non comederēt, sed fructibus uescerētur. Et fa-
 cit quod Ge. i. dicitur, Ecce dedi uobis omnē
 herbam afferētem semen super terrā, & uniuer-
 sa ligna, quę habēt in semetipsis sementē gene-
 ris sui, ut sint uobis in escā, & cunctis animan-
 tibus terræ &c. Et factū est ita, id est, ita fuit fa-
 ctum. Vnde uidetur, q̄ non habuerūt aliud in
 escam. Confirmatur, Ge. 9. ostēditur naturalis
 elus carniū. s. carnem cū sanguine nō comedē-
 tis. ergo omnino tunc cœpit usus uel cōcessio.
 & Ari. 7. Et. c. 5. comedere carnes crudas nume-
 rat inter uitia feritatis. Hoc etiā Boët. uidetur
 dicere de Consolatione lib. i. Felix initiū prior
 ætas contēta dulcibus aruis, nec inertī perdita
 luxu, facileq; sera solebat ieiunia soluere glāde.
 & Qui. in i. Met. Cōtentiq; cibus, nullo cogēte
 creatis, Arbuteos fœt^o, mōtanaq; fraga lege-
 bāt, Cornaq; in duris herētia mora rubetis. Et
 quæ deciderāt, patula iouis arbore glandes, Et
 Pythagoras suos carnibus abstinere docuit. de
 quo Ou. io. Met. Parcite mortales, dapib^o teme-
 rare nephādis Corpora. & alia elegāter dicit.
 Argumentū est certē, q̄ antiqu^o ille mos māsit
 in memoria hominū, nec poētæ hoc finxerūt,
 sed

Aristotel.
 Boetius

sed acceperūt ex antiquitate. Solus Caietanus. Ge. 9. dicit etiā ante diluuium licitè usos carni nib°. Quod probat, quia Ge. 4. laudatur Abel, qui offerebat de primogenitis gregis sui, & de adipibus eorū, id est de pinguioribus. Si enim non uestiebantur illis, quæ laus erat afferre pinguires? uel in quē usum habebāt greges? et tamen Heb. 11. laudatur Abel, q̃ potiorē hostiam obtulit q̃ Cain. Sed ad hoc alii respondent, q̃ causa pelliū, & uellerū ad uestitū, & etiā lactis, quod edebant. Sed contrā, etiā lac non legitur cōcesum. ergo non erat usus ppter lac. Itē quod de uolucris cicuribus, uel gallinis quantum ad usum nutritissent, nam nec ipsa oua concessa fuerant Gen. 1. Et posset facere ad Caietanum, quod Ge. 7. dixit Dominus Noë, ut tolleretur de animalibus mundis septena, & septena, de immundis uero, duo & duo. Videtur enim, quod munda uocētur idonea ad uestendū, alia uerò immūda. Sed S. Tho. 1. 2. q. 103. art. 1. ad 4. dicit, q̃ munda, & immunda distinguebātur quantum ad sacrificium. Sed idem Caiet. 2. 2. q. 148. artic. 2. ad 3. Martini, dicit, q̃ deus primo Adæ dedit in escam uegetabilia, deinde Noë dedit animalia. Certè primū uidetur certū, q̃ scilicet in statu innocentie non fuissent usi carnibus in alimentū: quia ligna, & plantę fuissent sufficientia ad uitam, & omnino non uidetur dubitandum quin sequuti fuissent illam institu-

tionem Gen. 1. Ecce dedi uobis omnem herbam afferentem semen super terram, & uniuersa ligna, quæ habent in semetipsis sementem generis sui, ut sint uobis in escam. Secundo apparentiam habet, quod ante diluuium non fuissent usi carnibus, & uidetur ex illa prohibitione Genes. 9. Carnem cum sanguine non comedetis. Vel enim prius comedebant carnes aut non. Si comedebant, uel cum sanguine, uel non. Si comedebant carnes, non tamen cum sanguine, uidetur quod non esset opus illo nouo præcepto. Si cum sanguine, tunc oportebat reddere rationem quare Deus antea permiserat, & tunc de nouo prohibebat. Vnde uidetur profecto, quod tunc cœpit usus, & ideo docuit dominus naturalem modum comedendi. Et tunc hoc tenendo oportet dicere, quod licet non esset prohibitum iure naturali, erat prohibitum iure diuino. nec enim est dubitandum, quin haberet aliqua præcepta à Deo, quæ tamen non sunt scripta: uel cum conceduntur eis plantæ, uidentur negata animalia: uel forte solum ex consuetudine erat, & non ex aliquo iure. Tertio potest teneri cum Caietano, quod erat usus animalium, licet forte non ita communis sicut postea fuit, licet Auicenna i. c. dicat ueteres non nisi in prandiis usos carnibus, in cœna uero solo pane. Posset etiam confirmari, quod non esset licitum ante diluuium uesci
carn

carnibus, quia Gen. 9. non conceduntur plantæ, & ligna, quæ erant prius cōcessa, sed solum animalia. ergo postquam conceduntur animalia, signum est, q̃ non erant prius concessa. Sed pro opinione Caiet. facit, si ante diluuium non sunt usi carnib⁹, nec etiam piscibus, quia idem est iudicium, & eodem modo fuerūt de nouo concessi. Ge. 9. & Gen. 1. solum conceduntur, de quo tamen doctores non faciunt mentionem. Fortè non erat præceptum de abstinentia carniū, sed inspiratio interior, quæ non facit præceptū. Item quid Noë comedebat in arca? Et probatur omnino, quòd esset usus animalium. Et arguitur, nō uideretur quòd esset usus in sacrificiis, si non esset usus & utilitas rerum: quia uidetur quòd non sit sacrificium de re nullius utilitatis, uidelicet, si quis comburet paleas inutiles, uel serpentem, uel corium, tunc ergo quæritur, utrum facerent sacrificia, uel oblationes columbarum, uel turturum. Si sic, ergo erunt utilia ad aliquos usus, & non nisi ad edendum, ergo &c. Si non, contrà uidetur, quòd fieret sacrificium ex eisdem rebus, sicut in lege scripta. Sed in lege fiebat oblatio columbarum, & turturum, ergo &c. Item Gen. 7. *Genes. 7.* mandatum est Noë, ut tolleret in arca de animalibus mundis septena, & septena, & de im-mundis duo & duo, & sic dicit S. Thom. 1. 2. quæst. 103. art. 1. ad 4. quod intelligitur quoad

e 3 sacr

sacrificium. Tunc quæro, an ex columbis, & gallinis fuerint septena aut bina. Omnino septena, quia oportebat illa multiplicari, plus ergo erant munda. ergo erant in sacrificiis, & oblationibus: ergo erant inutilia, sicut corui, sed utilia, ad edendum scilicet. & S. Thom. ubi suprâ respondens ad illud Gen. 7. dicit, quòd non erant munda quo ad esum, sed quia nulla lege erant prohibita, uidetur quòd simpliciter loquebatur & ante diluuium, quia illa distinctio erat ante diluuium: nec de hoc potest haberi maior certitudo. & sic patet solutio argumentorum, & conclusio uniuersalis, scilicet quòd nullum est genus alimenti, nec in animalibus, nec in plantis, quo non liceat uti, quantum quidem spectat ad ius naturale, uel diuinum.

¶ Sed restat dubium, Vtrum * liceat uti condimentis, & artificio ad edendum cibos suauiores. Ad quod breuiter respondetur, quòd etiam de se non est illicitum, nam sponsa optat dare sponso poculum conditum. Cantic. 8. & sic licet sale condire, imò præcipitur Leuit. 2. Sale &c. Quare non aromatibus? Item S. Tho. 2. 2. quæst. 142. art. 2. ad. 2. dicit, quòd circa naturales concupiscentias parum peccatur, ut Aristot. etiam dicit 2. Ethic. sequendo scilicet naturalem concupiscentiam. Sed circa alia incitamenta, quæ hominum curiositas adinuenit, plurimum

S. Thom.

Aristotel.

plurimum peccatur, ut curiosè præparati cibi, & mulieres ornatæ, unde idem uidetur iudicium de utroque.

¶ Sed uenio ad quæstionem propositam, An liceat uesci carnibus humanis. Prima propositio est, Esus carnis humanæ est prohibitus iure diuino. Hanc propositionem aliqui probant ex eo, quod dicitur Gen. 9. Omne quod mouetur, & uiuit, erit uobis in escâ quasi olera uirentia tradidi uobis omnia, excepto quòd carnem cum sanguine nō comedatur. Videtur enim illic prohiberi esus carnis humanæ, ex eo, quod sequitur, Sanguinem enim animarū uestrarum requiram de manu cunctarum bestiarum, & de manu hominis, de manu uiri & fratris eius requiram animū hominis. Quicumq; effuderit sanguinē hominis super terram, fundetur sanguis illius. Itaque non uidetur posse haberi sensus illius dicti, nisi de esu humanæ carnis. Ita dicit Nicolaus & Burgens. ibidem. Sed contrà, quia Leui. 7. & 17. prohibetur esus sanguinis, & non est dubium, quòd ad literam intelligitur non de humano sanguine, aut carne, sed de quocunq; sanguine, sicut etiam decretum Apostolorum Actuum 15. ergo ita intelligendum est illud Gen. 9. & ita intelligebant Iudei, ut patet ex Iosepho, libro antiquit. Iosephus. c. 7. ubi describit historiā illam Gen. 9. Et ideo Caietanus in eodem loco, scilicet Gen. 9. di-

cit, quòd prohibetur carnibus uesti humanis illic per uerba sequètia, scilicet, Sanguinem animarum ueststrarum requiram, ut super omnia uerba penè usq; , sanguinem illius. Caietanus enim nò uult, quòd illa uerba sint consequentia, nec pertineant ad præcedètia illa, excepto, quòd carnem cum sanguine non comedetis. Sed est noua sententia, & non legit ly enim, sed utique, sanguinem utique &c. Itaque sensus est, carnem autem humanam prohibeo uobis &c. & quia quicquid licet sumere in alimentum, licet præparare, & si opus est, occidere: prohibeo autem (inquit) uobis uti carne humana in alimentum, quia quicquid effuderit sanguinem humanum &c. Sed septuaginta illic legunt, *καὶ οὐκ*, etenim, & ita legunt interpretes ex Chaldæo, & Hebræo. Sed adhuc potest bene stare sensus Caietani, & placet. Itaque in primis uerbis, ueruntamè carnem cum sanguine non comedetis, ostendit naturalem usum comedendi carnes, scilicet, non crudas, sed coctas, aliud enim est barbarum & fersale. Postea sequitur, sanguinem enim animarum ueststrarum. quasi dicat, iam statui uobis quod comedere liceat uobis: nò enim concedo uobis carnes humanas, requiram enim sanguinem uesttrum. Etratione probatur, ut à principio arguebam. Illud est abominabile apud omnes nationes uiuentes ciuilitè, & non inhumane

niter, ergo est iniustum. Patet autem ex historia. Nam circa Pontum, & Danubium leguntur fuisse feri homines, qui humanis dapibus uesceretur. Et Sydones populi Danubii accollæ parentum & propinquorum funera uictimis & festo conuentu familiarium celebrant, cadauera autem laniata, & pecorum uisceribus admista, obsonando, epulandoq; consumebant. Et Indorum Massagetæ propinquos cognatosq; cum ad multam senectutem peruenierint, uel aliquo casu morti appropinquaret, iugulatos antè magno epularum apparatu aliis eduliis mistos comedunt. Et Vlysses apud Homerum narrat Læstrigonas immanes homines socios suos ueribus affixos comedisse. Et Plinius putat Caiet fuisse Læstrigonum sedem, quales etiam Cyclopas describit Virgilius 3. Aeneidos. Omnes autem historici, & poëtæ tanquam feritatem & inhumanitatem nephandam talem consuetudinem referunt. Consequenter probatur, quia illud dicitur iuris naturalis quod natura distat, & quod apud omnes est commune, si ergo omnes homines sentiunt hoc esse turpe, ita est etiam de iure naturali. Item probat Caiet. ibidem, quia alimentum ordinatur ad id, cuius est alimentum, & per consequens debet esse ignobilius eo, ergo homo non est alimentum hominis: imò apud Gentiles tanquam infandum scelus habebatur: unde

de & Christianis hoc facinus à Paganis impon-
 nebatur, quòd in nocturnis sacrificiis infantes
 occisos comederint, ut est apud Tertullianum
 in apol. c. 5. & apud Eusebium in historia ec-
 clesiastica. Itē à posteriori, quia omnino essent
 causa cædis, & homicidii, ut patet apud Bar-
 baros, qui uestuntur carnibus humanis. Item
 ius sepulturæ uidetur esse de iure naturali, ut
 quilibet sepeliatur ubi uoluerit. ut c. fures. ha-
 betur, & c. quæsitum. 13. q. 2. & de pœnit. dist. 6.
 c. si quis. & de pœnit. & remiss. c. crimen. quod
 tolleretur, si liceret uesti carnibus humanis.
 Item fieret iniuria resurrectioni, cùm confun-
 derentur corpora hominū. Item sepelire mor-
 tuos est opus misericordiæ, ut patet de To-
 bia, & Simonide. ergo insepultos abiicere, est
 Deuter. 21. impietas. Item Deut. 21. prohibebantur relin-
 quere insepulta etiam cadauera maleficorum.
 Nec solum comedere carnes, sed etiam dare
 bestiis ad deuorandum, est inhumanum, ut le-
 gitur fuisse Caspios, Bactrianos, & Hyrcanos.
 & hoc uidetur ex illo loco Ge. 9. Sanguinem
 enim animarum ueststrarum requiram de manu
 cunctarum bestiarum. Vbi nihil aliud uidetur
 prohiberi, nisi ne detur bestiis humana caro in
 alimentum, de hoc enim agitur ibi. Item pro
 diro, & atroci facinore ponitur, & damnatur
 etiam à Paganis authoribus, potasse humanum
 sanguinem: ut patet in coniuratione Catilinæ,
 apud

apud Salustium, & Lucium Florum. Item est pietas naturalis etiam ad mortuos. ergo non licet abuti cadaueribus eorum. Item est peccatum feritatis comedere carnes humanas, ut Aristot. dicit 7. Ethicorum, c. 5. Sed tota difficultas est, An * in extrema necessitate liceat uesci carnibus humanis. & uidetur quòd sic, quia, ut impræsentiarum suppono, liceret uti carnibus suillis in ueteri lege (de quo postea) in tali necessitate, non obstante præcepto iuris diuini. sed tantam uim habet ius diuinum sicut naturale. ergo etiam liceret uti carne humana. Item, ad salutē hominis licet abscindere membrum: quare ergo non licebit comedere carnes, & illud membrum, si est necessarium ad conseruationem uitæ? Item licet uti in medicamentis carne, quam dicūt Medici Momiam. ergo in alimētis, si esset omnino necessarium. Hoc tamen non obstante sit conclusio probabilis, quòd in quacunq; necessitate non licet uesci carne humana. Patet primò, quia habitum est tanquam immane, quòd aliqui in obsidione usi sunt tali alimento, ut patet apud historicos. Vide etiam declamationem Quintiliani de eo, qui legatus ad frumentum comedendum non uenit. Item, scilicet tenerentur homines in tali necessitate uesci tali carne. cōsequens est falsum, cū nūquam fecerint homines, nec aliquis hactenus consuluerit tempore

pore famis, nec obsidionis, nec aliquis hoc auderet. Consequentia communiter probatur, quia si licet, & non est aliud medium, uidetur quòd tenerentur. Et confirmatur ex historia

Iosephus. Iosephi de bello Iudaico, lib. 7. c. 8. Vbi Maria Eleazari filia in extremis quidem angustiis filium occidit, coctumq; comedit medium, reliquias autem scelerati facinoris, nec contaminatissimi, & aliàs immanissimi homines edere sustinuerunt, sed timore correpti, tales epulas sunt auersati, non obstante extrema necessitate. Caiet. tamen 2.2. q. 148. art. ad secundum Martini dicit, quòd est probabile, quod in extrema necessitate uidetur, quòd non sit illicitum uti in cibum hominibus occisis in bello, licet aliàs, inquit, sit mortalissimum. Martinus etiam q. 2. de gula, dicit, quòd qui sine necessitate ex sola concupiscentia & delectatione uesceretur carnibus humanis, peccaret mortaliter. Vnde uidetur dicere, quòd in necessitate non esset mortale, uel non esset peccatum.

Abulens. Abulens. etiam 4. Regum. 6. tenet, quòd in extrema necessitate non est illicitum. sed *S. Thom.* 2.2. q. 142. art. 4. ad 3. dicit, quòd illa uitia, quæ excedunt humanam naturam, sunt exprobrabilia, sicut si aliquis delectaretur in comestione carniũ humanarũ, aut in coitu bestiarum, aut masculorũ. Ex hoc uidetur, quòd *S. Thom.* putat tam malum comedere carnes humanas, sicut

sicut coire cum bestiis, quod in nullo casu est
admittendum. ergo nec comedere carnes hu-
manas. Facit etiam quod Aristot. 3. Ethico. &
1. dicit, Sunt etiam quædam, ob quæ non licet
etiam compulsus, sed potius oportet summa
perpeßum tormenta mortem obire. Etiam si
omnium iudicio necessarium esset ad uitam
fornicari, non tamen liceret, & quod liceat co-
medere carnes humanas, quod multo grauius
est per se. Sed respondetur, quod fornicatio est
intrinsicce mala, non autem esus carniû. Sed
hoc est petere principium. unde enim habetur
illa differentia, cum apud homines omnes sit
abominabilior iste esus, quam fornicatio? Et
Almayn in moralibus, c. 3. ponit conclusionẽ,
Nullus metus etiã mortis excusat actum pro-
hibitum lege naturæ. Ex quo uidetur confir-
mari conclusio nostra, uide illum. Item si hoc
in extrema necessitate est licitum, ergo etiam
si terrore barbarorum aliquis cogeretur co-
medere: nihil enim facit an timor sit ab intrin-
seco, uel extrinseco illatus. Et mirũ est si hoc
licet, quomodo nunquã fuit permissum nec in
obsidione Hierosolymitana sub Vespasiano;
ubi tot millia perierunt fame, nec in obsidio-
ne Ierusalem sub Ioram rege Israël, 4. reg. 6. 4. Reg. 6.
ubi tantę fuerunt angustię, ut matres pacisce-
rentur de mutuo esu filiorum, præsertim cum
Elisæus esset, qui eos admonere potuit, nec
aliquis

aliquis hoc unquam consuluit in ultima fame
provinciarum. ergo nullo modo est licitum.

¶ In tertia quæst. Vtrum liceat in sacrificio uti
hominis sanguine. Dato q̄ ita sit; quòd non
liceat comedere carnes humanas, an liceat sa-
crificare ut Barbari faciūt. Et uidetur primo q̄
hoc non sit contra ius naturale. Primùm, quia
multæ nationes quondam habuerunt in usu,
ut Scythę Tauriq; aduenas Dianę immolabāt,
Laodiceæ, uirgines Palladi, Arcades Ioui Ly-
cæo puerum, Carthagenenses Saturno pueros
etiam regiæ nobilitatis: Sapiētes etiā Gallorū,
Druidæ: Cimbri, Blemmyę, de quo uide Ale-
xandrū de Ales, fol. 193. Imò ad propitiandos
deos uicti Carthagenenses ab Agatho, dicun-
tur nobilitatis filios mactasse ad aras. Et Ger-
mani, & Cimbri, & Senones, & penè omnes
nationes hoc in sacrificiis habuerunt, ut mun-
darent humano sanguine, imò hac superstitio-
ne non caruerunt. De quibus legimus, quòd
ex fatalibus libris Gręcorū, Et Gręcū in foro
Boario confoderunt ad placandas, scilicet iras
deorum. factūque hoc fuit per Cornelium Len-
tulum, & Publium Lucinium Crassum Con-
sules. Item dominus præcepit Abrahæ sacri-
ficare filium Isaac, Genes. 22. Non ergo debuit
credere si erat contra ius naturale. Item Iephte
Iudic. 11. obtulit unicā filiam in holocaustum,
& tamē ponitur inter sanctos, Hebr. 11. Mirum
est

est autem si hoc erat contra ius naturale, quod ipse non intellexisset, cum esset fidelis, esse impium, uel non admoneretur à sacerdotibus. Et maxime quia habetur, quod uenit spiritus Domini super Iephte, & ex illo spiritu uouit uotum, quod postea persoluit. uide S. Tho. 2. 2. q. 88. *S. Thom.*
 art. 2. ad 2. & idem. 4. dist. 38. q. 1. art. 1. q. 2. ad 2.
 & Heb. 11. lectione 7. & August. quæstione super Iudic. lib. 7. à pagina. 222. c. 49. ubi sub dubio reliquit, an peccauerit necne. Itē ipse Redemptor noster seipsum sacrificauit in cruce.

¶ In contrarium ponitur conclusio, Prohibitum * est iure diuino & naturali sacrificare homines Deo. Probatur apertè Deut. 12. Quando *Deut. 12.*
 disperdiderit dominus Deus tuus ante faciem gentes, ad quas ingredieris possidendas, & posederis eas, atq; habitaueris in terra earum, caue ne imiteris eas postquam fuerint te introeunte subuersæ, & requires caeremonias earum, dicens, sicut coluerunt gentes istæ deos suos, ita & ego colam, non facies similiter domino deo tuo. Omnes enim abominationes, quas auersatur dominus, fecerunt diis suis, offerentes filios suos, & filias, & comburentes igne.
 Item Num. 13. Dominus præcipiens, ut omnia *Num. 13.*
 primogenita offerrentur domino, & spectaret ad sacerdotem, primogenita tamen hoc unum iuuat, ut redimantur. Quicquid enim primum erumpit de uulua cunctæ carnis, quam offerunt domino

domino, siue ex hominibus, siue ex pecoribus tui iuris, ita duntaxat, ut pro hominū primogenitis pretium accipias. Ex quo loco August. super Iud. ubi suprā, satis dicit significari, quod immolatio quidem humanæ carnis est prohibita, & displicet Deo. Ex quo loco saltē Deut. 2. non solum constat esse prohibitum iure diuino, sed naturali, quia Gētes non tenebantur alio iure nisi naturali, & tamen cōputatur inter abominationes eorum immolasse sanguinem humanum. Sed quæ est ratio? Primum de innocente est clara, quia est contra ius naturale occidere hominem innocētem, cū sit præceptum decalogi. De nocente autem uidetur maius dubium. Quid obstat sicut occiditur taurus in honorē Dei, quin homo aliās maleficus, & impius, occidatur in honorem Dei? imò etiam nunc, an non pro amore Dei licet occidere infidelem? quare non est sacrificium? *S. Thom.* respondetur, sicut patet ex S. Tho. 2. 2. quæst. 85. art. 3. ad 3. & clarius quæst. 86. art. 1. quod sacrificium est, cū aliquid exhibetur in cultū diuinum consumendum: nō enim sufficit, quod offeratur ad cultum, sed consumatur in honorem Dei, unde calix oblatus, non est sacrificiū, sed eucharistia est sacrificium in missa. Ex quo sic arguitur, Vel nocens est damnatus, uel non: si non, non iustè occiditur, & est contra ius diuinum, imò naturale. nullus enim obligatur
ad

ad pœnam, antequam condemnetur: si autem
est damnatus propter delictum, iam non occi-
ditur ad cultû diuinum. Si enim aliâs esset peri-
turus, nō occiditur pro Deo, uel honore Dei:
sicut boues qui occidûtur in macello quantû-
cunq; lanius diceret, imò uellet occidere pro
amore Dei, non esset sacrificiû, & sic homines
nocentes, & condénati, sacrificari nō possunt,
nec licitè, nec illicitè. Propriè enim sacrificare
hominē Deo est, quòd illa sit causa occidendi
hominē, quod non est de homine aliâs dāna-
to. Præterea etiâ omne sacrificium est oblatio,
ut S. Tho. dicit ubi suprâ. Nō offert autē quis,
nec dicitur munus rei aliâs inutilis uel perden-
dæ. non em̃ esset uel munus, uel oblatio, si quis
uinum, aut bouem, aut ouem prorsus ad nūl-
los usus profuturam daret Deo, nō plus, quàm
si lapidem, aut arenam. Offerre enim est ut ali-
quid sibi subtrahat, ut Deo tribuat. Cum ergo
homo damnatus non sit alicuius pretij, sed per-
niciosus, non pōtest ex illo offerri sacrificium,
aut fieri, maxime quia *Leuit. 22.* prohibetur of-
ferri animal quocunq; modo morbidum. unde
uidetur irreuerentia offerre hominem no-
xium. Restat ergo quòd nec ex homine no-
cente, nec innocenti possit fieri sacrificiû Deo
acceptum, & præterea uidetur, quòd uita ho-
minis nō sit ita propriè in potestate hominis,
sicut uita aliorum animantium. Non ita est
¶ domin

dominus uitæ suæ, uel aliorum, sicut est brutorum, qui pro suo arbitrio potest perdere, aut occidere sine iniuria: homo autem seipsum occidens, facit iniuriam, & sic uidetur, quòd uita humana potius sit Dei, qui est dominus uitæ & mortis. Cum ergo sacrificium debeat fieri ex rebus nostris, quas Deo offerimus, uidetur, quòd non possit fieri sacrificium humanæ uitæ: & in summa quādo Deus debeat coli, non possumus scire nisi ab ipso Deo: ubicunque autem fuit diuina doctrina, & prophetica, nunquam fuerunt huiusmodi sacrificia, ergo omnino nunquam fuerunt Deo grata. Quia si quis contenderet hoc non esse prohibitum iure naturali, excusaremus istos barbaros ab impietate, saltem antequàm esset eis prædicata lex euangelica: quia excusabantur ignorantia iuris euangelii, in quo non solum sunt prohibita huiusmodi sacrificia, sed quæcunq; alia, excepto unico sacrificio missæ, ut patet ex Paul. ad Heb. Quia Christus Iesus introiuit semel in sancta, æterna redemptione inuenta. Non solum de sacrificio hominis, sed nec de quocunque alio posset reddi ratio aliqua, nisi quòd Deus reuelasset: quia cùm bonorum nostrorum non egeat, potius uidetur absurdum occidere in gratiam Dei animal quodcunque. Vnde ex ipso solo inferri potest, in statu innocentia nullum fuisse sacrificium. Ad argu-
menta

menta in contrarium. Ad primum patet quid sit dicendum. Primo enim respondetur, quòd nunquam aliquæ nationes usæ sunt huiusmodi sacrificio, quin prius essent idolatræ, unde post tantum errorem idem dæmon, qui suggessit in deos falsos colorem, idem etiam persuasit, ut nefariis sacrificiis colerent. Vnde ille error non inuasit, nisi post alios intolerabiles errores, ut dicit Paul. ad Rom. i. Propterea tradidit illos Deus in reprobum sensum. Secundo patet, quia Deus damnauit sacrilegos illos ritus, ut patet Deuter. 12. unde etiam Cornelio Lentulo, Publio Lucinio Crasso cōsulibus ne hominem immolare, nèue habitationem sanguine litare liceret, sancitum est. Ad secundum de Abraham beatus Augustinus libro 7. super Iudic. c. 49. dicit, quòd dato quòd lege generali prohibita sint huiusmodi sacrificia, tamen iubente domino specialiter possunt fieri, sicut & seipsum occidere, & innocentes, sicut præceptum est Sauli, ut occideret omnes habitatores Amalech. Vel fortè, inquit, putauit Abraham dominum filium suum suscitaturum, & sic nullam faceret Isaac iacturam. Sed quo modo credit illud esse à Deo, cum haberet præceptum Dei in contrarium? Respondetur, illa reuelatio uidetur esse interior, & cui Abraham resistere non posset. Sed hoc ipso, inquit August. ostendit displicere illi huiusmodi sacrificium,

cium, quod inhibuit Abraham. Ad tertium de Iephthe. beatus August. eodem loco multa dicit. Primum condemnat non solum factum & sacrificium Iephthe, sed etiam uotū, quia uotum per se malum fuit: nam non uidetur cogitasse de sacrificio alicuius. Nō enim dicitur, Quodcunque exierit obuiam mihi, sed quodcunque exierit de ianuis domus meæ obuiam mihi reuertenti in pace à filiis Ammon, Domino offeram illud in holocaustum. Nec pecora solent occurrere ducibus à bello reuertentibus, nisi fortè canis, qui tamen sacrificio adhiberi non potuit: unde uidetur in ipso uoto licet non de filia, tamen de homine cogitasse. Quia ergo de hoc uoto, inquit, nec de facto scriptura aliquid diffiniuit, sicut de facto Abrahæ, iudicandum reliquit nobis ex regul. scripturarum. Et possemus (inquit) dicere, Deo displicuisse tale uotū, & ideo permisit ut unica filia occurreret, ut de tali uoto uindictam sumeret: nec prohibuisse eum 60. dierum spatio, sicut Abraham prohibuit, licet infra eodē capitulo dicat, quod potest etiam dici, quod fecit totum ex spiritu domini & uotum & factum, & fortasse ut aliqua humana uictima, Christi significaretur uictima. Quod si uerum (inquit) est, non solum eius insipientia culpanda non est, uerum eius obedientia laudanda. Sed potius uidetur stare

S. Thom. in prima solutione *S. Thom.* .2.2. quæstione.

88.art.2.ad 2. Satis concordat cū illa prima solutione, & citat Hieronymum, quod in uouendo fuit stultus, & in reddendo impius. uidentur tamen S. Thom. & Hieronymus non damnare uotum: nisi tanquam indiscretum, quod posset habere malum euentum. August. autem uidetur damnare secundum se, quasi intentio fuerit simpliciter hominem sacrificare. Non enim magnum fuisset, ut pro tali uictoria uouisset holocaustum uinius bouis, aut arietis. certè aliquod magnum uoluit uouere. Aliter dicit S. Tho. 4. dist. 4. quæst. 1. artic. 2. q. 2. ad 2. Idem Hebr. 11. lectio. 7. Sed non condemnat uotum, sed factum, quod secutum est. Sed laudatur Iepte de fide quam habuit. Sicut & Gedeon eodem tenore laudatur à Paulo, qui tamen peccauit tentando Deum in uellere & faciendo Ephot, post quod fornicata est multitudo filiorum Israël. Sed de poenitentia utriusque creditur, ut ait S. Tho. Sed hoc iam constituto, quod nec sit licitum uesci carnibus humanis, nec sacrificare homines, sequitur quæstio moralis, An si quis habeat hanc sacrilegam consuetudinem, uel ut uescatur tali carne, uel sacrificiis tam nefandis utatur, ut sunt barbari isti inuēti in prouincia Yucatan, id est, in noua Hispania, an possint principes Christiani sua autoritate ista ratione bellum illis inferre, & quatenus hæc: & si hoc nō possunt

f. 3 sunt

sunt sua auctoritate, an saltem ex auctoritate summi pōtificis hoc possint. Et quidem Aug. Antho. Archidiac. & Syluester dicunt, quod si quæ nationes sint quæ contra ius diuinum supernaturale, & reuelatum faciunt, coërceri non debent, nec possunt, ut desistant ab illa uiolatione, ut si qui peccant peculiariter contra legem Christianam, uel olim contra legem Mosaicam. Et ratio est, quia nō possunt conuinci manifestè quod male faciant, & per consequens damnari iuridice non possunt: & quia nemo indānatus potest puniri, ideo non possunt illa causa, aut bello, aut alia persequutione coërceri à talibus peccatis. Hæc conclusio spectat ad relectionem de Indis, quam de hac materia author suprā egit, ibi uidere latè poteris. De illo tandem dubio, utrum * sit laudabile abstinere perpetuo à certo genere alimentorum etiam in extrema necessitate. Et uidetur quod non liceat, quia (ut suprā probatum est) homo tenetur seruare propriam uitam per alimentum. ergo ubi non est aliud alimentum, nisi huius generis, tenetur illo uti. Arguitur secundo, quia si liceret, maximè ratione uoti, quale dicuntur habere Cartusienses. Sed hoc non, ergo patet minor, quia uotum debet esse de meliori bono, ut S. Tho. 2. 2. q. 88. & doctores 4. d. 38. Et saltem illud quod sine uoto est malum, ratione uoti non fit bonum: ut si est malum

S. Thom.

malum inebriari, ratione uoti non est bonum: sed abstinere à cibo in extrema necessitate est mortale, secluso uoto, ergo etiam posito uoto. Imò tunc uidetur egregiè procedere dictum illud, In malis promissis, rescinde fidem. Tercio arguitur, Si quis faceret uotum abstinendi à carnibus non regulariter, uel semper, ut Cartusienfes, sed solum in extrema necessitate, profectò uotum esset stultum, & illicitum. Sed non uidetur quòd reddatur melius uotum, quia simul cum hoc uoueat abstinere etiam extra necessitatem, ergo &c. Item plus obligat lex diuina, quàm uotum: sed Iudæus in extremo tenebatur comedere carnes prohibitas, ergo etiam Cartusienfes. Quarto arguitur, Liceret etiam Cartusienfi in tali necessitate constituto comedere carnes, ergo uidetur quòd teneretur. quia si habet medium licitum ad conseruandam uitam, facit contra charitatem non utendo illo, ergo, &c. Nulla lex humana deobligat à diuina, sed uotum est peculiaris lex, ergo, &c. In contrariū uidetur consuetudo & authoritas religiosissimi ordinis Cartusienfis, ubi pro nulla necessitate uiolatur abstinencia illa à carnibus. Nec ualet dicere, quòd nunquam incidit necessitas, quia certè credendum est, quòd aliqui obierunt, quia non comederunt carnes. Pro dissolutione quæstionis nota, quòd Gerson in proprio tractatu de abstinencia

tia Cartusienſium, ponit duas concluſiones principales in ſententia. Prima, Cartuſienſes in extrema neceſſitate conſtituti, ſecluſo ſcandalo, tenentur comedere carnes. Secunda, ſi ex tali eſu carnum ſequatur ſcandalum, puta diſſolutio ordinis ſui, & religionis, obligatur non comedere carnes. Eaſdem ponit Maior, 4. diſtinctione. 38. quæſt. 4. & Martinus quæſtione de abſtinentia. Primam concluſionem probant. primo, quia talis occidet ſeipſum *Ambroſi.* non comedendo, iuxta illud Ambroſii, Paſce fame morientem: ſi non pauisti, occidiſti. Item nulla lex humana poteſt obligare ad diuina, ſed iſte tenetur lege diuina in tali neceſſitate comedere. ergo, &c. Item nulla conſtitutio contra charitatem habet locum, ſi hoc eſt contra charitatem, ergo, &c. Sed contra primam concluſionem arguitur 2. Machabæo. 6. Machabæi cum periculo mortis abſtinuerunt. ergo licet abſtinere ſaltem Cartuſienſibus in quacunq; neceſſitate. Reſpōdet Gerſon, quòd Machabæi tenebantur abſtinere, quia obligabantur lege diuina, & non eſt transgredienda lex diuina pro corporali uitæ ſaluatione. Et quòd Dauid comedendo panes peccaſſet, niſi habuiſſet reuelationē. Sed Maior aliter reſpōdet, & dicit, quòd Machabæi tenebātur ratione ſcandali, aliās debuiffent comedere, unde illo ſecluſo in neceſſitate liceret comedere il-
lās

las, quia maior est obligatio diuina seruandi uitam suam, quam alia lex de non comedendo carnem suillam. & ita dicit Almain in Moral. c. 3. imò quòd tenebantur. Ex quo infert Gerson, quòd si constitutio Cartusienfis diceret, quòd nò comederent carnes, etiam in extrema necessitate sub pœna peccati mortalis, nescirè, inquit, fateor, constitutionem istam defendere ab iniquitate. Hæc determinatio Gersonis, & Maioris, est ualde probabilis, & maximè declarando primam conclusionem per secundam, scilicet quòd ratione scandalipotest abstinere in extrema necessitate capiendolargè scádalum, id est, ex hoc, quòd Cartusienfis illa occasione uesceretur carnibus, inciperet dispèlatio, in casibus periculosis quidem, sed paulatim traheret ad multos casus, & omnes graues morbi essent occasio soluendæ abstinentiæ. & cùm Medici de industria augeant opinionem & timorem mortis in ægitudinibus, passim in infirmariis Cartusienf. uescerentur carnibus. Fatetur autè Gerson, quòd ne hoc eueniat, bene Cartusienfes abstinent perpetuò. Sed tamen si in casu occulto, ubi non posset nasci occasio, & talis indigeret carnibus, posset comedere. Sed sicut hæc opinio est probabilis, ita contra eam pono conclusionem probabiliter. Non * uidetur illicitū Cartusienfi etiam in extrema necessitate abstinere à carnibus,

Matt. 15.

etiam secluso scandalo. Probatur primò. Si comedere carnes in extrema necessitate est præceptum iuris diuini, ut ipsi dicunt, ergo hoc esset scandalum Phariseorum, de quo non est habenda ratio, iuxta dictum domini, Sinite illos, cæci sunt, & duces cæcorum. Matth. 15. Tunc enim maximè habet locum Gregorii dictum, scilicet, Facilius scandalum nasci permittitur, quàm ueritas relinquatur. Et confirmatur, quia secūdum istos doctores, talis, qui in isto casu abstineret, faceret contra præceptū negatiuum, quod nunquam faciendum est ratione scandali. Secundo arguitur, Sequeretur, quòd quodocunq; esset periculum ne moriatur ex abstinence carniū, tenetur comedere. Consequēs est falsum. ergo probatur sequela, quia extrema necessitas in moralibus ut certum est, uocatur, quando est probabile periculum. Falsitas consequentis patet ex ipso ritu, & consuetudine Cartusienſium, qui nūquam de hoc disputant, an indigeāt carnibus, necne. & dato quòd medicus dicat eum aliās moriturum, non respiciunt ad scandalum, sed omnino negant se daturus. Nec ualet responsio Arnaldi de Villanoua, qui dicit, quòd quicquid potest fieri per esus carniū, potest fieri per oua sorbilia. Nam ut dicit Maior, clarum est, quòd potest ex assuetudine incidere in fastidium ciborum, & omnino non posse comedere

dere. Tercio non semper quis tenetur seruare uitam per omne medium licitum, ut patet in multis casibus, ubi posset quis defendere propriam uitam, & tamen ad conseruationem uirtutis patientiæ quis posset permittere se occidi. Item uxor cum periculo uitæ suæ potest assidere, & assistere uiro laboranti, etiam ubi nõ est necesse, sed tantum ad conseruationem fidei maritalis. ergo, &c. Quarto non tenetur quis solum ad conseruationem uite mutare se, puta de cõsilio Medicorum deferre patriam, quia frigida est, uel aliquid huiusmodi. ergo nec comedere carnes. Quinto pro defensione patriæ posset quis procedere ad bellum cum probabili mortis periculo, & ubi non esset necesse. ergo pro conseruatione & augmento uirtutis, & abstinentiæ licet non comedere carnes. Sexto arguitur, quod non plus liceat comedere secretò, quàm publicè: quia dato quod illud factum sit secretum, tamen doctrina est publica: & si hoc liceret, non debet oppositum doceri, & si scandalizaret factum, etiam doctrina. non enim minorem occasionem præbet doctrina, quàm factum. Septimo nõ solum ad conseruandum, sed ad augendum uirtutem licet subire mortem, ut suppono: sed per hoc, quod Cartusienfes abstineant perpetuò, augetur illa abstinentia, & uirtus, ergo. Item nullus tenetur ducere uxorem, ubi

ubi certò instaret periculum mortis ex castitate, si fecit uotum. ergo, &c. Ad hoc argumentum dicunt aliqui, negando consequentiam, quia hoc (aiunt) non est ordinatum ad conseruandum uitam. Sed profectò non uidetur sufficere: nam maritus si indigeret extremè, uidetur quòd teneretur accedere uxorem. ergo quòd non teneatur, est pro bono castitatis, & non quia non ordinatur per se ad uitam. Pro solutione argumentorum, notandum est, quòd aliud est non protelare uitam, aliud est abrumpere. nam primum non semper tenetur homo, & satis est, quòd det operã, per quam homo singulariter potest uiuere: nec puto, quòd si æger non posset habere pharmacum nisi daret totam substantiam suam, quòd
10 teneretur facere. Secunda conclusio, In * casu extremæ necessitatis puto quòd liceret Cartusienfi comedere carnes, aliàs lex esset intolerabilis. Posset aliter ad quæstionem responderi, distinguendo de extrema necessitate. Aut enim est ex fame, quia nihil habet quod edat nisi carnes, ut posset cõtingere, & in tali casu posset teneri opinio Gersonis, quòd tenetur comedere, quia tunc fame moritur, quæ est mors uiolenta, & uidetur imputari isti. Alia necessitas uidetur esse ex ægritudine, & tunc carnes se habent tanquam medicinæ, & posset dici quòd in tali casu nõ teneretur, quia tunc moritur

ritur ex infirmitate, cuius iste non est causa, & sic mors non imputaretur. hoc enim non est interficere, sed non protelare uitam quantum potest, sicut supra dictum est de aliis medicinis: & sic maneret salua cōsuetudo Cartusienſium, qui pro nullo periculo infirmitatis comedunt carnes. & hæc eſſet confirmatio conſuſionis primæ, quòd licet abbreviare uitam per abſtinentiam carniū, ut poſtea dicemus per decem aut plures annos, quare non licebit ſenī octoginta annorum abbreviare uitam per unum annum ne comedat carnes. Ad argumenta in contrarium in principio poſita. Ad primum patet quid dicendum ſit, quia tenetur modo regulæ ſufficienti, & caſus extraordinarii non cadunt, ſub obligatione. Ad quintum reſpondetur, facere uotum ſolum de hoc, quòd in extrema neceſſitate non ueſcatur carnibus, hoc nihil bonitatis habet, ſed abſolutè abſtinere à carnibus perpetuò, eſt bonum, & per hoc patet ad tertium. Ad quartū negatur conſequentia. Ad ſecundum nego, quòd illud ſit cōtra legem diuinam, imò uidetur ſecluſo uoto ſiquis propoſuiſſet nūquam comedere carnes, poſſet abſtinere etiam in extrema neceſſitate. Fateor autem, quòd ſi regulariter & ſæpe contingeret quòd morerentur ægrotantes ex abſtinentia carniū, quòd non deberet ſeruari, ſicut ſi ut plurimum nauigantes pèrìrent,

non

non esset licitum nauigare, nisi pro maiori bono, quàm sit uita: sed quia hoc non frequenter contingit, ferenda est hæc iactura pro maiori bono, quod sequitur ex nauigatione. Ita in proposito, licet sit aliqua iactura, quia aliquando moriuntur Cartusienſes ex abſtinentia carnum, tamen meritò ferunt hanc iacturam pro maiori bono uirtutis abſtinentiæ. Ex hac ratione poſſet formari aliud argumentum pro conſuſione noſtra. Quia iſte eſt pars communis, & ideo bene facit pro bono ſpirituſuali communi ſubeundo periculum mortis cū iactura propriæ uitæ, & ſemper pro maiori bono licet ponere uitam. Sed eſt pro quodam argumento ſuprà facto de Machabæis, an licuiſſet comedere ſuillas carnes ſine ſcandalo in extrema neceſſitate. Et certum eſt, quòd in caſu Machabæorum erat magnum ſcandalum, quia exigebatur ab his in contumeliam legis. Sed ſi ponatur quòd fame perirent in ſolitudine, an tunclicereto. Variæ ſunt opinionēs. Et proſectò quicquid dicat Maior, opinio Gerſonis eſt probabiliffima, quòd non liceret. nam tantæ authoritatis eſt præceptum diuinum poſitiuum, ſicut naturale: ſi autem ex iure naturali eſſet illicitum comedere ſuillam carnem, non liceret etiam in extrema neceſſitate ueſci, ergo nec etiam nunc, cū eſſet de iure poſitiuo. Sed probabilius uidetur, quòd
utrum

utrunq; liceret in tali necessitate, & comedere propter necessitatem, ut discipuli uellentes spiritalis die festo, Matth. 12. ut dicit S. Tho. 3. p. q. 4. *Matt. 12.* art. 4. ad 3. & ita Machabæi bene fecerunt die sabbati non propulsantes, sed mortē oppetentes, ne uiolarent sabbatum propter reuerentiā legis, & fecerunt bene postea pugnantes die sabbati, ne omnes perirent. 1. Mach. 2. S. Tho. 1. *Mach. 2.* 12. q. 100. art. 8. ad 4. imò non condemnantur *S. Thom.* Gothi, qui in Italia permiserūt aliquot millia ex exercitu perire, ne pugnaret die sabbati. Sed S. Thom. 12. q. 4. art. 4. dicit, quòd esset tentare Deum, si quis non pugnaret in die sabbati in necessitate.

¶ Restat quæstio, Vtrū *liceat abbreviare uitā per abstinentiam. Et uidetur quòd non, ex illa autoritate Hieronymi. Item non liceret seni centum annorum tollere etiam unum annum ab ultima parte uitæ. ergo nec successiue perdere decē annos. Respondetur quòd ex primæ cōclusionis absolutione faciliè potest liquere, quid ad hanc sit respondendum. Breuiter ergo respōdetur per propositiones. Prima, Non *licet ex intentione abbreviare uitam per abstinentiam. Patet, quia est contra dilectionem sui, quia est nocuum uitæ. Confirmatur. Non liceret abbreviare uitam alterius, cuius haberet curam, ut filiorum, & seruorum. Secundo, Non licet abbreviare aliis mediis. ergo nec abstin

abstinētia. Vltimò authoritate Augustini, qui in regula mādāt, scilicet, Carnem uestram domate ieiuniis, & abstinētia escę & potus quātum ualētudo permittit. hęc in regula sua. & patet ex prima conclusiōe suprà determinata. Patet ergo, quòd ex intentione abstinere contra ualētudinem, est illicitum: & cum sit contra charitatem sui, esset mortale. Item August. de moribus ecclesię 12. q. 14. art. 6. Regula (inquit) temperantię est necessitas pręsentis uitę. Secūda conclusio, Non *tenetur quis pro-
¹³telare uitam per alimenta quantum potest. Patet, quia non tenetur uti cibis optimis, & delicatissimis & pretiosissimis, etiam si ea sint saluberrima, imò hoc est reprehensibile, ergo. Item non tenetur uiuere in loco saluberrimo, ergo nec uti cibo saluberrimo. Item hoc esset damnare omnia ieiunia ecclesiastica, & monastica. Item non tenetur abstinere à uino, ut diutius uiuat, ergo nec e contrario. Tertia con-
¹⁴clusio, * Si quis utitur alimētis, quibus homines cōmuniter utuntur, & in quantitate, quę solet sufficere ad ualētudinem conseruandam, dato quòd ex hoc abbreviētur uita, etiam notabiliter, & hoc percipiatur, non peccat. Patet breuiter ex secūda, quia non tenetur prolongare, nec mutare solum ad alium salubriorem locum, ergo nec cibum. Ex quo sequitur corrolarium, quòd non tenetur quis uti medicinis,

nis, ad prolongandam uitam, etiam ubi esset probabile periculum mortis, puta quotannis sumere pharmacum ad uitandas febres, uel huiusmodi. Quarta cōclusio, Siquis * singulari inedia, uel cibo ita nocuo uteretur, uel scienter, uel ex propria opinione contra bonorum & sapientum sententiam, ut breui abrumperetur uita, non excusatur à mortali. Hæc patet ex prima conclusione, & ex determinatione primæ conclusionis, nisi fortè faceret peculiari consilio, & reuelatione diuina.

REVERENDI PATRIS F. FRANCI-

SCI A VICTORIA

Relectio

DE HOMICIDIO.

*An scilicet sit fortis uiri
occidere se.*

S V M M A.

- 1 Mortem sibi consciscere, quomodo sicut semper impium, ita & mortem non solum patienter, sed liberè etiam subire, quòd plerunq; consilium, nonnunquam præceptum sit.
- 2 Interficere seipsum, quòd semper sit impium, ostenditur. Et multa de inclinatione naturali, an sit semper prona ad malum.

g

Inclin

- 3 Inclinationis hominis, quatenus homo est, quod sit bona, & quod ad nullum malum, aut uirtuti contrarium inclinetur, argumentis probatur.
- 4 Deus an naturas rerum immutare potuerit, uel ab initio alias facere, quam nunc sunt.
- 5 Deus quod naturas rerum mutare non possit ab auctore probari uidetur.
- 6 Deus supposito quod non possit rerum naturas mutare, quomodo fecerit hominem cum naturali inclinatione ad malum.
- 7 Inclinationis hominis quamuis sit ad malum, quod tamen non sit mala malitia morali, quandiu manet intra terminos appetitus.
- 8 Deus quod creauerit hominem sine inclinatione mala, qua appetitus inclinatur ad malum.
- 9 Deus quod dederit appetitui naturalem inclinationem ut obediret uoluntati.
- 10 Homo quod non inclinetur ad diligendum se plus quam deum, uel proprium bonum plus quam commune.
- 11 Præcepto, Non occides, quid & qualiter homicidium prohibeatur. Et de triplici opinione ibi recitata.
- 12 Præceptum de non occidendo, quod sit iuris naturalis, & non positiui, sicut etiam alia præcepta Decalogi, secundum auctorem.
- 13 Præceptum de non occidendo, quod semper fuerit æquale & ante legem, & in lege, & tempore Euangelij.
- 14 Interficere si licebat adulteram, aut furem in lege Moysi, quod & licuit ante legem, & licet in lege euangelica.
- 15 Præcepto hoc, Non occides, quomodo prohibeatur omne homicidium, quod stando in lege naturæ sola, est malum,

malum, & irrationabile.

- 16 Præcepto de non occidendo, quòd non magis prohibeatur homicidium auctoritate publicâ, quàm priuata.
- 17 Occidi quomodo dupliciter potest homo, scilicet ex intentione, & præter intentionem.
- 18 Occidere hominem reipub. nocuum ex intentione, quòd stando in iure diuino & naturali liceat.
- 19 Homicidium de iure naturali & diuino permissum, quibus sit commissum.
- 20 Homicidium omne ex intentione, quòd præcepto de non occidendo est prohibitum seu publicæ, aut priuatæ personæ, præter quàm id, quod reip. aut publicis magistratibus, & principatibus fuerit commissum.
- 21 Interficere seipsum quare non liceat.
- 22 Obiectum uoluntatis quòd non sit solum uerum bonum.
- 23 Deus quòd solus sit uitæ & mortis dominus, non homo, qui quantum ad hoc, est peculiariter seruus Dei, unde occidere seipsum, est deo iniuriam facere.
- 24 Homo, quòd in multis casibus quamuis licitis uijs possit uitam seruare, quomodo tamen non teneatur.
- 25 Homo, quòd semper teneatur defendere uitam proximi, etiam quandocunque licet, quòd non sit exploratum.
- 26 Panem quòd liceat alteri cedere cum certa pernicie propriæ uitæ.
- 27 Animam ponere pro amicis licet sit stultitia huius mundi, quòd tamen sit sapientia apud Deum.
- 28 Damnato ad mortem quòd uon liceat se fame interficere.
- 29 Damnato ad mortem quòd liceat fugere, & non mori.

tem expectare.

- 30 Dam nato ad mortem per cicutæ seu ueneni haustum,
quòd sibi liceat illud haurire, nec uidetur ad eius mor-
tem cooperari.
- 31 Auxiliari quòd liceat amico etiam cum quantocun-
que uitæ discrimine. Et quid dicendum de uxore,
quæ etiam cum magno periculo marito peste labo-
ranti adfideret.
- 32 Nauigare, & artem militarem exercere etiam cum
magno uitæ periculo seruatis circumstantijs quæ ma-
gis & ut plurimum contingunt, quòd liceat.
- 33 Vitam abbreviare quòd nullo modo liceat, etsi non
teneatur omnia media licita etiam facere, ut sibi ui-
tam reddat longiorem.
- 34 Alimentis insalubribus & nocuis uitam reddere bre-
uiorem, quòd non liceat, neq; tamen uti tenetur
optimis.
- 35 Vitæ conseruandæ ratione quòd non sint omnia me-
dia adhibenda, sed solum illa, quæ ad hoc sunt de se &
ordinata, & congrua.
- 36 Vita quòd non sit in discrimine pro bonis temporali-
bus ponenda, inter quæ gloria, honor, & fama re-
ponuntur.
- 37 Brutus, Cato, Decius, & alij in numeri, qui sibi mortē
consciuerunt, utrum excusationem habebunt, eò quòd
putabant in hoc se fortiter & laudabiliter agere. Et
quid de Samsone, Rasia, & Saule.



ON de nihilo dixit Ecclesiastes,
Qui addit scientiā, addit & laborē.
Habent agricolæ suā otia, habent
operarii, habent oēs opifices, & cū
diebus

diebus operosis uitā parauerint, festiuis diebus requiē habēt, & pro suo arbitrio remittunt, & oblectant animos, & corda oblita laborū. Nobis neq; festis, neq; profestis licet esse otiosos: nullas habemus studiorum serias, nullam uacationem ab exercitiis literarum. Ecce conuenimus patres religiosissimi, uiriq; spectatissimi in festo tam celebri ad hanc relectionem, cū mihi non licuit non solum in sequentem annū ut putaram, sed neque in alium quidem diem proferre. ergo, ne supra laborem necessarium, nouum etiam in procēmiis assumamus, rem ipsam superis præuntibus aggrediamur. Argumentum à me tractādum in præsenti relectione, non est aliquis nouus locus ad hoc designatus & in ordinariis lectionibus prætermisus, ut aliis relectionibus à me factum est, sed ut non nomine tantum, sed & re etiam sit relectio, cōstitui retractare aliqua prius in meis lectionibus disputata, nec tamen multa: nec enim possem. Sed consilium meum fuit impræsentiarum disputare quæstionem, An sit fortis uiri occidere se ipsum, uel cū conseruare uitam posset, mortem appetere quando, & quatenus hoc aut licitum, aut laudabile sit. Ad quam quæstionem commodius examinādā tanquam fundamentum huius relectionis sequentem conclusionem à principio pono.

¶ Prima conclusio, Sicut * mortem sibi con-

sciscere semper impium est, ita mortem non solum patienter tolerare, sed liberè etiam subire plerunque consilium, nonnunquam præceptum est. Hanc conclusionem pro temporis angustia, pro tenui meâ eruditione quàm poterò clarè uariè uersabo, immoraborque circa singulas partes, primo illam probando, deinde argumenta in contrarium obiiendo, illaque pro captu ingenii diluendo, ac dissoluendo: quod interim dum facio, uos patres obseruandissimi utique & ornatissimi oratos uelim, ut me non tam attentè, quàm beneuolè, & amicè audiat.

¶ **PRIMA** ergo pars conclusionis est, quòd semper est impiū, interficere se ipsum. Hoc primo probatur, quia * occidere seipsum est contra naturalem inclinationem hominis: sed facere aliquid contra inclinationem naturalem, est peccatum. ergo occidere se est peccatum. Minor est manifesta, non enim homo solum omniaq; animantia, sed res omnes resistunt suæ corruptioni, & pro uiribus adnituntur conseruare se in rerum natura, ut dicitur in secundo de generatione, & experiētia apertius docet, quàm ut probatione indigeat, nec opus est in re non dubia argumentis uti non necessariis. Est ergo contra naturalem inclinationem hominis, ut se interimat. Quia autem inclinationi naturali aduersari & repugnare sit illic

illicitum, non adeò exploratum est, neque ita in confessione. Si enim naturalis inclinatio semper in bonum & honestum propensa est, atque adeò nunquam malum suggerit, profecto huiusmodi inclinationem impugnare, aut in contrarium tendere, illicitum erit. Quemadmodum enim uirtuti quicquam contrafacere semper illicitum est, quòd ea non nisi ad honestum inducat: ita prorsus si id, ad quod homo suapte natura & inclinatione fertur, semper bonum est, huiusmodi inclinationi contrahenire malum erit. Bono enim nisi contrarium malum esse non potest. Quare cum hic sit uel primus locus, & præcipuum argumentum, quo hanc conclusionem doctores probare contendunt, operæpretium erit, si de hac ipsa re uberius disseruerimus. Et quidem sunt nonnulli, nec uulgares, neq; contemnendi, sed primi etiam Aristotelis expositores, quibus adeo non uidetur uerum, naturam semper ad bonum inclinare, & honestum, sed potius credunt naturam & gratiam, legem & naturalem inclinationem contrarias esse, sibiq; inuicem repugnare, quod multis argumentis, tum etiam testimoniis suadere conantur. Et primò argumentatur, Appetitus enim humanus fertur naturaliter in omne bonum, bonum autem delectabile est bonum quoddam, fertur ergo appetitus in bonum delectabile natura-

liter, bonum autem delectabile plerunque est contrarium uirtuti, atque ideo peccatum atq; malum. Secundo, uirtus omnis uersatur circa difficile (ex autoritate Arist. 2. Ethic.) quòd si natura inclinaret in bonum uirtutis, certè huiusmodi bonum difficile non esset. Nihil enim aliud inclinatio uirtutis facit, nisi reddere faciles ad iucundum ipsum bonum, quod alioqui difficile erat, non ergo natura inclinatur de se ad bonum, inclinatur autem, ergo inclinatur ad malum. Et confirmatur. Si enim homo de sua natura inclinaretur ad bonum, non essent necessariae uirtutes, quarum hoc unum officium est tollere difficultatem illam ad molestiam bonorum operum. Atque ideo qui probabilius philosophantur, negant necessariam esse aliquam uirtutem, anteponendam quidem ad ea bona ad quæ homines sua natura feruntur & inclinantur. Nemo enim paulo eruditus est, qui putet uirtutem esse aliquam ut homines cupiant felices esse, oderint autem miseriam. Tertio, Theologi ponunt motus subitos tam in uoluntate, quàm in appetitu, nihil uerò aliud sunt tales motus, quàm inclinationes quædam naturales in malum. ergo, natura inclinatur ad malum. Quarto, Nam quantum ad hoc, uel solum, uel certè potissimum ponebatur iustitia originalis in primis parentibus, ut appetitus sensituius contineretur in officio, & uoluntati

luntati sine difficultate pareret, & uoluntatem ipsam rationi, rationemq; diuinæ legi & uoluntati subiectam efficeret. quodd si humana potentia non sua natura aduersaretur uel rationi uel legi diuinæ, nullum fuisset aut munus aut opus iustitiæ originalis. Quinto, Homo secundum uirtutem & legem Dei tenetur diligere Deum plus quàm se, & commune bonum præferre bono priuato. Non enim charitas iuxta Apostolum, quærit quæ sua sunt, & tamen homo naturaliter diligit bonum proprium: & est ualde difficile Deum plus quàm se diligere, quia homo, ut à principio dictum est, naturaliter inclinatur ad conseruationem propriam. ergo natura inclinatur contra charitatem & legem Dei. Sexto, Inclinatio appetitus est naturalis, cum ipse sit potentia naturalis, nec eius inclinatio sit aliud ab appetitu, & tamen appetitus non obedit rationi, sed tendit in contrarium. ergo inducit in malum. Et confirmatur. Obiectum appetitus sensitiui est bonum delectabile, hoc autem plurimum est contrarium uirtuti & legi Dei. ergo appetitus naturaliter fertur in malum. Septimo, Fomes inclinatur ad peccatum, ut Theologi diffiniunt secundo Sententiarum. & tamen fomes nihil aliud dicit præter naturam & naturales potentias hominis destitutas dono iustitiæ originalis, ut in eodem loco Theologi defendunt.

ergo homo per naturales potentias fertur & inclinatur in peccatum. & confirmatur hoc. Si enim homo produceretur in puris naturalibus, hoc est, sine iustitia, & sine peccato, eodem modo inclinaretur ad malum, sicut nunc inclinatur ex fomite, ergo inclinatio naturalis est ad peccatum. Adducunt deinde & aduocant in fauorem huius sententiæ scripturarum testimonia. Et in primis dictum Domini

Genes. 8. in libro Gen. 8. Sensus, & cogitatio humani cordis in malum prona sunt ab adolescentia. Ex quo uidetur, quòd natura humana sit procliuvis & inclinata ad malum. Dominus item

Matt. 26. apud Matth. Spiritus promptus est, caro auté

Galat. 5. infirma. quod exponens Apostolus ad Galat. Caro (inquit) concupiscit aduersus spiritum,

Rom. 7. & spiritus aduersus carnem. Et Rom. 7. Video aliam legem in membris meis. & plura in hanc sententiam. Et rursum alibi. Si secundū carnem uixeritis, moriemini. Et iterū, Spiritu ambulate, & desideria carnis nō perficietis. Ex quibus omnibus manifestè constat, carnis appetitum esse in malum, & contrarium spiritui & legi Dei. Desideria autem carnis sunt naturalia, cū sint apud omnes. ergo prorsus naturalis inclinatio est in malum & in peccatum.

Aristot. 2. Ethic. Item Aristot. 2. Ethic. dicit, Quòd ad hoc, quòd homo fiat studiosus, oportet ut seruet se ab his, ad quæ natura maximè inclinatur. S. Thom.

2.2.q.166.art.2.ad tertium.

¶ His rationibus & testimoniis authores illi sententiam suam tuentur, unde etiam in naturam ipsam, illæ querelæ exortæ sunt, ut alii novercam, alii inimicam, alii scelerum altricem, alii malorū parentem, aliisq; invidiosis, odiosisq; nominibus appellent, ac dehonestēt. Inde etiam id quod homo ex se non potest nisi malum. Inde adhuc ille odiosior, & omnibus mortalibus insigniter iniuriosior error, quod omnia oranium hominum opera sunt peccata, & æterno supplicio digna, nisi misericordia Dei uenialia fierent, unum ex dogmatibus ueteranorum. Verum bona ueniantorum uirorum & pace, non adducor nec propositionibus, neque quibuscunq; aliis argumentis, ut credam humanā naturam, quam omnipotens & sapientissimus Deus ad imaginem & similitudinem suam condidit, tam malo genio, & prauis conditionibus formatam, & constitutam, ut cū reliquæ res omnes in fines & operationes sibi conuenientes suo ingenio & natura ferantur, solus homo non nisi in mala, atque ideo in perniciem suam & condemnationē feratur & inclinetur. Quare* impræsentiarum defendo inclinationem hominis, quatenus quidem homo est, bonam esse, atque adeo ad nullum malum, aut uirtuti contrarium inclinare: quod postquam autoritate prob

probare non sufficio, argumētis non infirmis probabile facere contendam.

¶ Et primò quidem sic arguo. Inclinatione naturæ humanæ est immediatè ab ipso Deo. ergo non potest esse inclinatio ad malum. Antecedens est notum, cùm Deus sit author ipsius naturæ, atque adeò omnium quæ consequuntur naturam, cuius in primis est tamen inclinatio naturalis. Qui enim (ut uerbis Arist. utar) dat formam, dat consequentiam ad formam. Est ergo Deus solus author & causa humanæ inclinationis. Consequētia uero probatur. Motus enim naturalis siue ex naturali inclinatione, attribuitur & imputatur generāti, id est, authori, & causæ ipsius naturalis inclinationis, ut Aristoteli meritò placuit 8. Physico. simulq; multis grauissimis Philosophis. Grauiam enim & leuiam hac una ratione à generante, & non à se ipsis moueri dicuntur, quòd eam inclinationem, atque adeò necessitatem ad motum uel sursum, uel deorsum à generante acceperint. Si ergo homo ad malum naturaliter inclinatur, illa inclinatio, & motus sequens talem inclinationem in peccatum, imputarentur ipsi Deo, quod prorsus dicere, uel cogitare impiū est. Certè si motus lapidis deorsum, aut motus ignis sursum peccatū esset, nulli dubium quin hoc peccatum Deo potius tribuendum esset, quàm ipsis grauibus & leuibus, quæ talem à Deo

Deo inclinationem acceperunt. Et similiter si peccatum esset appetere felicitatem, non tam homini imputandum esset, quàm Deo, qui sic hominem constituit ut naturaliter appeteret felicitatem. Quare hæc ratio efficax est ad probandum aliquem actum nō esse peccatum, qui procedit ex inclinatione hominis à Deo sibi data. Ex quo etiam loco arguit S. Tho. & alii Theologi graues nō inualidè ad probandum, quòd prima operatio angeli non potuit esse mala. Cū enim primā operatio sit dilectio sui, omnes enim aliæ operationes ex ista proficiuntur, ut Arist. docet in Ethicis, Amicabilia quæ sunt ad alterum, sunt ex amicabilibus quæ sunt ad se primā operationē angeli: oportet fuisse amorem sui: Cū ergo ex naturali inclinatione ad talem amorem inclinaretur, fieri non potuit, ut ille amor malus esset. Et sic prima operatio angeli non potuit esse peccatum. Secundo probatur idem. Nō posset Deus producere in anima habitum uitiosum inclinantem ad peccatum: hoc enim repugnat diuinæ bonitati, ergo neque potuit dare animæ rationali aut homini uitiosam inclinationem, qua scilicet ad peccatum inclinaretur; nō enim minus esset causa, inclinatio uitiosa mali actus, quàm uitiosus habitus. Tertio, Non posset Deus producere habitum inclinantem ad falsum, ergo nec inclinationem ad malum. Patet

con

consequentia. Nam non minus repugnat Deo inclinare ad peccatum, quàm ad falsum, imò multo plus: qui ergo non potest producere inclinationem ad falsum, multo minus potuisset dedisse inclinationem ad peccatum. Assumptum autem patet: ea enim est unica probatio Doctorum, quòd fidei non potest subesse falsum, quia scilicet est infusa à Deo, non ergo potest Deus infundere habitum ad falsum inclinantem. atque ista ratione probari quodam modo possunt prima principia, quãuis per se nota. Quid enim est si quis fatetur quidem se cogi ad assentiendum huic propositioni, quòd omne totum est maius sua parte, diceret tamen se timere ne fortè deciperetur, quemadmodum & homo aliquando cogitur ad credendum aliquid hominum autoritate, quibus fidem non habere homo non potest, & tamen fieri potest ut decipiat? Quid inquam, si quis diceret ita de primis principiis, an non aliqua ratione induci posset ad assentiendum illis? Ego uero puto, si quis mihi recipiat, Deum neq; mentiri, neq; decipere posse, quòd concedet etiã naturam rationalem esse à Deo creatam cum hac necessitate, & inclinatione consentiendi his principiis, & manifestè tenetur & conuincitur talia principia uera esse. Si enim falsa sunt, & Deus humanum intellectũ cogit ad assentiendum illis,

apertè

apertè constat Deum homines decipere, & per consequens mentiri. Simili ergo modo, si Deus produceret quencunq; habitum inclinantem ad falsum, meritò & mendacii & deceptionis argueretur. Quarto, Si homo induceret alium ad peccandum, peccaret, ergo similiter si Deus inclinat homines ad peccandum, peccat, quamuis non ualeat apud Theologos consequentia, Deus concurrit cum homine ad peccandum, ergo peccat. Tamen recipient istam, Deus se solo inducit homines ad peccandum, ergo peccat. Sicut consequens est impossibile, ita & antecedens, Deus autem se solo est causa inclinatiois humanæ: si ergo per talem inclinationem homo induceretur ad peccandum, uidetur etiam quòd Deus inducat ad tale peccatum. Item uoluntas humana nõ fertur in Deũ, nisi mediante ratione: ratio autem semper inclinat ad iudicandum, quòd omne malum est euitandum: ergo uoluntas non inclinat ad malum. & tãdem si inclinatio ad malum est à solo Deo, ut ipsi fatentur, non uideo quare negant, quòd Deus sit causa peccati, quod omnes Theologi tanquam impium semper reiecerunt. Quòd si rationes nostræ, ut uidemus, superiores, & probabiliiores sunt, de scripturis etiam oportet aliquod adducere. Et primo omnium facit autoritas Iacob. Nemo, *Iaco. i.* inquit, cùm tentatur, dicat, quòd à Deo tentatur,

tatur, Deus enim intentator malorum est. Ex quo loco sic arguitur, Si inclinatio naturalis tentaret ad malum, Deus esset tentator malorum, quod est contra Apostolum. ergo impossibile est, quòd natura tētet ad malum. Assumptum probatur. Nihil enim est tentare, nisi facere inclinationē ad malum. Si ergo Deus fecit & dedit talem inclinationem homini ad malum, qualem isti dicunt esse naturalem inclinationem, certè Dæmon non tentaret, cur ergo Deus tentare non diceretur? Secundo, id

Eccles. 7. Ecclesiastes 7. Fecit Deus hominē rectum, & ipse immiscuit se infinitis quæstionibus. Certè nō uidetur Deum hominem rectum fecisse, si cū ista pessima inclinatione & maledictione creauit, qua natura eius ferretur ad malum. Sed in primis uidetur facere, quòd Sapientia diuina attingit à fine usque ad finem fortiter, & disponit omnia suauiter, ut per Salomonem ipse testatur. Non esset uero suauis dispositio, si cū Deus homini legem & præcepta dedisset, naturā in contrarium trahentem, uocantem & allicientē dedisset. Cū enim Deus hominem cōdiderit ad laudandum creatorem suum, uitamq; æternam ab illo promerēdum, non utique tanquam sapiens architector hominem fabricauit, si naturam dedit fini repugnātem, & incommodam illi dederit, cū tamen uidit Deus cuncta quæ fecerat, & erant

ualde

ualde bona. Et alibi, Dei perfecta sunt opera. Profectò non uidetur opus aut ualde bonum, aut perfectum, si hominem cum huiusmodi inclinatione fecisset. Et demum ut quid Deus hominem non fecit propensum, & proclium ad bonum potius quàm ad malum? ad legem suam quàm ad transgressionem legis? an quia non potuit? Hoc uerò quid stultius, quid indignius diuinæ maiestati excogitari posset? An quia non uoluit? Inuidit ergo Deus mortalibus hanc felicitatem, qua tamen maximè ad diuinorum præceptorum usus esset obseruantiam. Angelos certè Deus non hac conditione creauit, ut non nisi ad peccatum & malum tantum inclinarentur. Quæ ergo ratio esse potuit, ut hac parte tanto benignior & æquior angelis esset, quàm hominibus, qui de Deo quidem non poterant esse meriti? Videmur ex parte probasse hominem sua natura non inclinari ad malum, sed relictum potius in manu consilii sui, ut utrumlibet pro suo arbitrio sequeretur, siue bonum, siue malum. Superest ut argumentis in contrarium adductis utcumque satisfaciamus, ad quorum expeditionem illud in primis meminisse oportet, hominem esse compositum ex duabus naturis, rationali, scilicet, ac sensitiua, quas apostolus ad Roma. 12. interiorem, & exteriorem hominem uocat: quod non est sic intelligendum, h ut

ut anima ipsa sit interior homo, aut natura rationalis, corpus uerò natura sensitiua: sed totus homo secundum spiritum est homo interior idem uerò secundum carnem est homo exterior, & natura sensitiua. Secundo est aduertendum, quod quia homo est homo simpliciter in quantum rationalis, non in quantum sensitiuus: inclinatio hominis absolute est inclinatio hominis in quantum homo est, scilicet, inclinatio uoluntatis, & intellectus, & non inclinatio partis sensitiuæ, quæ aut non est inclinatio hominis, aut non in quantum homo est, sed secundum quid, & non absolute. Comparatur enim appetitus sensitiuus ad hominem quasi aliquod extrinsecum, nec plus debet dici inclinatio hominis, inclinatio appetitus, quam inclinatio demonis aut mundi. Cupit enim & mundus & demon trahere humanam uoluntatem ad malum, cupit etiam nunc appetitus. Sed sicut non interest nostra, quod aut mundus, aut demon suggerat, sed quod ipsi per uoluntatem & rationem prosequamur, ita eadem ratio est de appetitu, ac si esset à nobis separata. Nec enim quod caro nobis suadet, imputatur, nec opus nostrum, aut desiderium dicitur, sed id tantum, quod per liberum arbitrium acceptum habuerimus, & secuti fuerimus. Quare quanquam sint nonnulli, qui etiam defendere uelint, nec ipsum etiam appetitum inclinare

clinare ad malum ex specie aut ex natura sua, sed ex peculiaribus uniuscuiusque conditionibus, quas non à Deo, sed à patria, uel à parentibus, uel astris unusquisque contraxit: tamen ego non nego quidem sensualitatem trahere & tendere ad malum, & peccatum ex specie, & natura sua, sed nego causam esse humanam inclinationem aut conditionem: imò contrarium, quemadmodum motus appetitus uoluntatem præcedentes, actus humani dicuntur, atque adeò simul uerum est, quòd appetitus sensituius inclinatur contra uirtutem: homo uerò interior, qui simpliciter est homo, inclinatur ad uirtutem. Vtrunque Apostolus, signanter & disertè expressit ad Rom. 12. *Con-* *Rom. 12. 12.*
delector, inquit, legi Dei, secundum interio-
rem hominem: uideo autè aliam legem in mem-
bris meis repugnantem legi mètis meæ. Quod
tamen Pau. nò aliter ad se pertinere arbitratur,
quàm angelus sathanæ, qui eum colaphizabat.
Et sicut manente uera inclinatione hominis ad
uirtutè erat angelus sathanæ, eum colaphizans,
ita aduersante, & contranitente appetitu sensi-
tuiuo manet integritas humanæ uirtutis, quæ
est hominis integritas, in quantum homo est.
 ¶ Verum restat scrupulus ex hac responsione.
 Nam æquè est à Deo inclinatio appetitus sensituius, sicut & uoluntatis: si ergo inconuenièns dicitur, quòd Deus sit causa inclinationi
 h 2 uolunt

uoluntatis ad malum, quare non idem habeatur pro inconuenienti de appetitu sensitiuo? quare inquam sapientissimus creator, & conditor rerum malam inclinationem dedit appetitui, & carni, & nō potius bonam, quæ magis conuenire uidebatur illi infinitæ bonitati? Dico primum omnium, dubium est certè inter
 * Theologos, & Philosophos, An * naturas rerū Deus immutare potuerit, uel ab initio aliàs facere, quàm nunc sunt. Et quidam sunt qui putent cum Gabri. 4. dist. i. quæst. i. Quamuis Deus species quidem rerum, & essentias uariare non potuerit, neque enim potuit aut hominem, aut bouem alterius speciei facere, quàm fecit, potuit tamen proprietates, & inclinationes naturales immutare, potuit (inquam) ignē frigidum naturaliter facere, & aquam calidam, ac rursus nigram niuem, & album coruum. Quod tali ratione probatur. Nam posse Deum ignem frigidum facere, aut calidam aquam, & cætera huiusmodi, dubitari non potest. Potuit ergo Deus ab initio aquam calidam facere, aut frigidum ignem, leuem terram, grauiem aërem, & legem ponere, ut sic perpetuò perseuerarent. Qua lege posita, illud esset proprium, aut naturale talium rerum. Nihil enim aliud est rerum natura, quàm id quod ab initio (ut Augustinus ait) Deus rebus materiæ dare uoluit. ergo potuit Deus
 contrar

contrarias naturas & inclinationes dare rebus
quàm dedit. Et confirmatur. Nam potuit
Deus res nudas creare, id est, essentias, sine
quibuscunque accidentibus, aut proprietati-
bus: ergo non necessario creauit cum his con-
ditionibus & proprietatibus, quas nunc ha-
bent. Hanc sententiam quanquam Theologi
& authores nonnulli, qui in pretio habentur,
defendunt, non puto esse probabilem,
nec uerisimilem. Vnde puto, quòd * Deus
non potuerit quidem ignem calidum natura-
liter frigidum facere, aut non naturaliter cali-
dum, aut niuem nigram, aut leuem terram,
& in uniuersum naturales inclinationes tol-
lere, aut mutare. Quod sic probatur. Nam
primum omnium, multæ sunt proprietates,
& aptitudines rerum, quæ secundum com-
munem opinionem, non conueniunt rebus
per aliquas qualitates superadditās, sed im-
mediate per suam essentiam: ut uerbi gratia,
Si risibile non conuenit homini per aliquam
qualitatem superadditam secundum opinio-
nem istorum, sed per essentiam, potuit qui-
dem Deus facere, quòd homo nunquam ri-
deret, non autem quòd non esset risibilis:
quia Deus non potest tollere effectum cau-
sæ formalis, manente causa formali. Si er-
go homo est formaliter risibilis per suam
essentiam, non potuit Deus facere quòd
h 3 sua

sua natura non esset risibilis. Secundo sic arguo, Aqua cum concursu Dei generali producit frigiditatem in se, ut patet in aqua reducete se ad frigiditatem. Ergo Deus non potuit facere quin cum tali concursu esset frigida, & per consequens naturaliter frigida. Consequentia probatur. Nam detur oppositum, Faceret Deus, quòd aqua naturaliter esset calida, quæro, an aqua cum concursu Dei generali potest reducere se ad frigiditatem, uel non. Si potuit, ergo non erat naturaliter calida, si non potuit, ergo nec nunc potest, quia concursus generalis Dei non potuit esse maioris actiuitatis, quàm nunc est, & ab eisdem causis semper producitur similis effectus. nec Deus potest facere, quòd causa naturalis, quæ nunc non potest in aliquem effectum, cum concursu generali possit in illum concursum uerbi gratia, nunc non potest homo suscitare hominem cum concursu generali Dei. ergo Deus non potest facere, quòd homo id possit cum tali concursu: nec Deus ipse posset cum generali concursu facere quod nunc non facit. Sicut ergo Deus non potuit facere ut homo naturaliter posset suscitare mortuum, ita non potest facere quòd aqua produceret calorem, aut quòd naturaliter lapis ascenderet sursum. Et confirmatur. Aut essentia rerum, aut species

cies de se sunt indifferentes ad quamlibet proprietatem, aut non. Si non, ergo non potuit fieri, quin id, ad quod essentia magis inclinatur, sit magis naturale, si sint indifferentes. Verbi gratia, Si natura ignis nuda, est indifferens ad calorem, & frigus. Ergo cum concursu generali non plus produceret calorem, quam frigus, & per consequens non poterit esse magis naturale unum quam aliud. Et confirmatur exemplo. Deus non poterat facere, quod cœlum naturaliter inclinaretur ad quietem uel ad motum à Septentrione ad Meridiem, ergo nec alias naturas rerum potuit mutare. Antecedens probatur, Si cœlum naturaliter inclinaretur ad istum motum contrarium quem nunc habet, uel ad quietem, non posset cum concursu generali moueri ad motum contrarium. Et confirmatur ualidè, quia si potest Deus mutare naturas rerum, faciat, ergo quod aqua sit naturaliter calida. Sic arguo, Calor nunc cum concursu generali sufficit corrumpere aquam. ergo cum simili concursu potuisset tunc corrumpere. ergo non est ei calor naturalis. non enim posset nunc Deus cum solo concursu generali impedire ne calor corrumpere aquam, & non est impotentiôr quàm à principio. ergo nec tunc potuit. Certè puto quod argumentum concludit. Item Deus non potuit

h 4 homin

hominem naturaliter facere incorruptibilem. Item non posset agens naturale cum concursu generali inducere formam aquæ in materiam indispositam per calorem & siccitatem. Ergo, calor & siccitas non possunt esse naturales aquæ. Vt enim arguebatur, quicquid creatura potuit posse (ut ita dicam) cum concursu Dei, potest nunc cum simili concursu: imò potuit omnes res naturaliter facere incorruptibiles. Potuit enim facere, ut quælibet qualitates essent naturales formis substantialibus, & sic quòd non possent corrumpi. Hoc ergo præsupposito, quòd * non potest Deus naturas rerum mutare, dico, quòd Deus fecit hominem, cum hac naturali inclinatione ad malum, quia aliter fieri non poterat. Secundo dico, quòd * talis inclinatio quamvis sit ad malum, non tamen est mala, quandiu quidem manet intra terminos appetitus sensitiui: malum inquam malitia morali: nam malitia pœnæ non inconuenit, cuius Deus semper est causa: sicut non dicitur mala inclinatio qua leo inclinatur ad homicidium. Sicut enim appetitus inclinat hominem ad malum, ita etiam obiectum ipsum, ut delectabile, aut utile inclinat etiam ad malum, & tamen natura ipsius albi, aut cibi dulcis bona prorsus est. Neque unquam aliquis conqueritur de Deo, quòd aurum pulcherrimum fece

fecerit, aut uinum suaue. Ita prorsus nunquam de appetitu sensitiuo mouet hominem ad malum, non aliter quàm ipsum obiectum. Item dico, quòd appetitus inclinatur ad malum, non ipsius appetitus, sed hominis: semper enim appetitus naturalis est conueniens. 1. part. quæst. 31. art. 1. Tertio dico, quòd * Deus hominem creauit sine tali inclinatione mala, creauit enim cum iustitia originali, quæ appetitum subiiciebat rationi, & nullo modo inclinabat ad malum: quòd si postea sua culpa incidit in hunc laborem, sibi potius, quàm diuinæ sapientiæ imputandum est, non plus sanè, quàm si oculos sibi erueret, quos illi creator dedisset, conqueri de creatore suo non posset. Quarto dico, quòd * dedit appetitui naturalem inclinationem ut obediret rationi, & sic tandem tota inclinatio est bona. Et ista pro argumentis satis esse uidentur, quatenus ad inclinationem appetitus spectabant. Sed aliunde arguebat, quia scilicet homo tenetur diligere Deum plus quàm seipsum, & commune plus quàm priuatum bonum, & tamen inclinatio hominis naturalis est in contrarium, atque adeò in malum. Ad hoc quanquam sint clari philosophi & theologi, qui ita esse arbitrentur, ego * uerò nego hominem inclinari ad diligendum se plus quàm Deum, uel proprium bonum plusquam commune. Sicut enim men-

h 5 brum

brum plus inclinatur ad bonum totius, quàm ad bonum proprium, periclitatur enim manus pro salute totius: ita etiam ex naturali inclinatione homo, quem Deus fecit partem reipublicæ, natura inclinatur ad bonum publicum plus quàm ad priuatum: & cum Deus sit bonum utile, plus etiam homo diligit Deum, quàm seipsum, sicut tota experientia docet, quòd aqua ascendit, deferens conueniens sibi bonum propter integritatem & cōtinuitatem uniuersi. Non est autem cōsentaneum ut deus rebus inanimatis aut membris corporis inclinationem dederit conuenientem suo fini; homini autem negauerit. Sunt uerò qui hoc ipsum negant, scilicet, membrum plus inclinari ad bonum totius, quàm ad proprium, nec membrum se exponit (ut aiunt) periculo pro salute totius, sed ipsum totum membrum tremens & resistens opponit pro se. Sed certè hoc ipsum est inconsonum rationi, & est condemnare industriam diuinam, dicere, quòd Deus cum mēbra corporis fecerit solum propter bonum totius, & non propter se, tamen membris dederit inclinationem contrariam bono totius, quasi uerò pedes sibi, & non homini ambulant, & aures sibi, & non homini audirent, & oculi &c. Et ut de membris hominis audiremus non à se, sed à toto exponi, quid de aqua dicturi sumus, cum sursum ascendit,

dit, an non ipsa se sursum mouet, an potius imaginandum est totum uniuersum concurrere ut aquam moueat? Profectò dicendum non est. Quod si ita est, ut certè est, cùm Deus fecerit hominem potius propter se, quàm propter hominem, absurdum est dicere non dedisse inclinationem suo fini conuenientem, quàm plus ipsum Deum, quàm se diligeret.

¶ Error tamen iste emanauit, quòd uiderent hominem cum magna difficultate, aut uitam, aut etiam bona temporalia ponere pro Deo, aut pro bono publico: quare ex hoc arguunt non inclinari naturaliter ad bonum publicum. Sed hoc perinde est, ac si quis dicat, hominem non amare propriam uitam plus quàm unum membrum, cùm uideant grauari nimis, & cum magna molestia, & difficultate secare aut urere membrum propter salutem totius: aut si quis neget aliquem cupidum esse uitæ, ideo quia potionem amaram non libenter sumit. Inde non statim si quis ægrè & molestè ferat aut uitã, aut fortunas perdere propter Deum, aut propter bonum publicum, non inquam statim arguendum est, hominem non plus naturaliter Deum aut commune bonum diligere, quàm priuatum. Vt enim Doctores docent, gratia non est contraria naturæ, sed perficit naturam, & naturalem inclinationem: difficultas autem prouenit tum ex appetitu,

tum

tum etiam quia licet plus inclinetur ad bonum totius, tamen etiam inclinatur ad alia bona, & sic patitur difficultatem, sicut de proiiciente merces in mare. Atque id demum cogitandum est, non esse Deum deteriorem artificem ipso homine, cum tamen artifex homo, si quod instrumentum ad aliquem finem fingat, curet omnem aptitudinem ad talem finem instrumento dare, idoneumque suo fini facere: quare ergo Deus, qui omnia fecit propter se, non talem inclinationem suæ creaturæ credatur dedisse, qualem ad illum finem conuenire nouerat? Nos ergo amoliamur huiusmodi querelas de summo artifice, ac cōditore, credamusq; naturam non nisi ad bonum inclinare, atque ideo omne quod est contrarium naturali inclinationi, esse malum. Perditio enim tua Israël. Salus autem maximè ex

Osée 13. me. *Osée 13.* Cum ergo, ut à principio arguebam, interficere seipsum sit contra naturalem inclinationem, ergo est illicitum, quod erat primum argumentum ad probationem conclusionis.

¶ Secundo principaliter probatur eadem cōclusio. Occidens seipsum, facit contra præceptum decalogi, Non occides: quod habetur *Exo. 20.* & *Deutero. 5.* ergo peccat & mortaliter. Hoc est argumentum beati Augustini i. de Trinitat. ad probandum, quòd occidere

derè seipsum, sit illicitum. Sed ut apertius constet quam uim habeat argumentum, sicut etiam de primo fecimus, conuenientissimum est etiam examinare quod prohibetur in illo præcepto, Non occides: cum in scriptura non inueniatur alibi prohibitum, aut reprehensum seipsum occidere. aut ex illo præcepto oportet esse illicitum, aut reuocari in dubium potest, an liceat se interficere. Cum enim præceptum sit absolutum, Non occides: & in multis casibus licitū sit occidere, ut certo constat, dubitari * merito potest, quid illo præcepto & qualiter homicidiū prohibetur. Quidam ergo ita intelligunt præceptum, ut absolute prohibeatur occisio cuiuscunque hominis, siue priuata autoritate, siue publica, siue nocentis, siue innocentis. Sed ab eo præcepto tanquam à canone generali excipiuntur lege diuina aliqui casus, in quibus licet occidere: uerbi gratia, homicida iuste à magistratu occiditur. Sed dicunt, quòd nisi hanc facultatē haberent à Deo ex sacra scriptura, quæ iubet, ut qui occiderit, occidatur, ut patet Leuit. 19. magistratus occidens latronem faceret contra illud præceptum, Non occides. Itaq; sine quocunque alio præcepto præter id, Non occides, erat sufficienter prohibitū regi occidere etiam malefactorem, nisi dominus excepisset de homicida, & quibusdam aliis malefactoribus. Et sic

fic apud istos in nullo casu licet etiam publicis potestatibus occidere, nisi in casibus expressis à iure diuino. Vnde ortum habuit illa opinio, quòd non licet inter aut adulteram, aut simplicem furem, quia non est expressum in iure diuino: neque adulterium, quia licet fuerit expressum in ueteri Testamento, tamen est reuocatum à Domino per illa uerba Ioan. 8. Nemo te condemnauit mulier, neq; ego te condemnabo.

¶ C O N T R A hanc sententiam arguitur, Illud quod est de se licitum, & per se bonum, non est prohibitum præcepto diuino, sed occidere hominem in casu, est per se bonum, uidelicet in defensionem sui, ergo non est prohibitum illo præcepto, Non occides. neque indiget excipi à regula id, quod nullo modo potuit cadere sub regula. Si ergo occidere inuasorem non potuit cadere sub præcepto, Non occides: non est factum licitum, quia exceptum sit ab illo præcepto. Item in lege data Moyfi fuit aliquando licitum occidere, aliquando non, & tamen non erat facta talis exceptio in iure diuino plus de homicida, quàm de adultera, ergo uel utrunque licet, uel neutrum. Et quæro, ante legem Moyfi, an licebat interficere blasphemum & homicidam, uel non? Si non, contrà, Quicquid nõ licuit in lege naturæ, nunquam licuit. Non enim

enim lex Moyſi, aut lex gratiæ ſunt diſpenſationes legis naturæ, ſed potius econtra, multalicebant in lege naturæ, quæ in lege Moyſi prohibita ſunt: ſi licebat interficere in lege naturæ adulteram, ergo ſine exceptione neq; expreſſione in iure diuino licuit in lege Moyſi. Et ideo alii dicunt, quòd in præcepto, Non occides, prohibetur ſolum mors innocentis. & illud præceptum Exod. 20. Non occides, uidetur explicatum Exod. 23. Inſontem & iuſtum non occides. Sed contra hoc eſt, quòd priuatus occidens peccatorem, & ſontem, facit contra illud præceptum, Non occides: ſi enim non peccat contra id præceptum, Non occides, nuſquam alibi in iure prohibetur occiſio nocentis hominis. Quare cùm certum ſit etiam apud iſtos priuatum hominem reum eſſe homicidii, etiam ſi nocentiſſimum occidat, certum eſt illo præcepto non prohiberi ſolum innocentis occiſionem pluſquam nocentis. Alii, qui propius ad ueritatem accedunt, dicunt, quòd prohibetur illo præcepto occiſio hominis priuata authoritate: ſed neq; iſti quidem ſufficienter uim illius præcepti explicarunt. Si enim reſpublica, aut rex innocentem hominem occideret, facit contra id præceptum, ut certum eſt: ergo non occidere prohibetur abſolutè priuata authoritate, ſed permittitur occidere publica. Neque ua-

let

ualet dicere, quòd qui interficit se defendendo, occidit publica authoritate: quia habet authoritatē à Deo per ius naturale. Hoc enim ineptum & ridiculum est. Hoc enim modo neque comedere, aut bibere nisi publica authoritate licet. Non enim liceret, nisi à iure diuino esset permissum. Et ideo dimissis uariis
¹² opinionibus, dico primò, quòd * hoc præceptum est iuris naturalis, & non positui, sicut etiam alia præcepta decalogi. Quod patet, quia in lumine naturali semper fuit notum homicidium esse culpabile, & illicitum. Secundo
¹³ infertur ex hoc, quòd * id præceptum semper fuit æquale, & ante legem, & in lege, & tempore Euangelii. Patet, quia lex naturalis nunquam mutatur. Nec enim abrogatur, aut limitatur, aut extenditur. Est enim lumen si-
¹⁴ gnatum super nos à principio. Tertio infero, quòd * si licebat interficere adulteram, aut furem in lege Moyse, & licuit ante legem, & licet in lege Euangelica. Quarto dico, & infero,
¹⁵ quòd * illo præcepto prohibetur omne homicidium, quòd stando in lege naturæ sola, est malum, & irrationabile: & ad hoc solum oportet respicere, & non ad exceptiones, uel promissiones factas in lege. Omnia enim illa uel solum sunt iudicialia, quæ iam cessauerunt: aut si sunt moralia, sunt explicatiua iuris naturalis. Quare ergo ad id est ultimo referendum

rendum, quando licet occidere, & quando non. Ad quod tamen iuuat scripturas consulere, neque hoc est (ut aiunt) explicare idem per seipsum, aut ignotum per ignotius. Non est enim homicidium malum, quia prohibitum: sed prohibitum, quia malum. Quare ad intelligendum quid sit prohibitum per illud præceptum, Non occides, optimè respondetur, quòd per causam, quòd omne id est iure naturali malum. Quinto dico, quòd * in illo præcepto non magis prohibetur homicidium auctoritate publica quàm priuata. Alia enim quæstio est, quem, & quando licet occidere: & alia quæstio est, cui licet occidere, & ali- quando est malum publica auctoritate. Sexto, quòd * dupliciter potest occidi homo. Vno modo ex intentione, & certo proposito, ut iudex intendit priuare uita malefactorem. Alio modo præter intentionem, non dico solùm à casu, & uoluntariè, sed propter alium finem, quem si posset occidens aliter consequi, non occideret: sicut cùm quis in defensionem sui, uel etiam Reip. occidit inuasorem, quem non occideret, si aliter posset se defendere. Septimo dico, quòd * ex intentione licitum est stando in iure diuino solum & naturali occidere hominem nocuum Reipublicæ, quia hoc est membrum communitatis: Et ideo sicut licitum est abscindere membrum corruptum &

i nocu

nocuum toti corpori, ita est licitum in iure diuino & naturali hominem perniciosum, & boni communis corruptorem interficere, etiam si hoc nunquam sit expressum in iure diuino scripto: quia hoc est notum in lumine naturali, quòd maius bonum debet præferri minori bono, & priuato bono publicum bonum. ¹⁹ Octauo dico, quòd * tale homicidium solum de iure naturali & diuino est commissum Reipub. aut publicis magistratibus, & principatibus, qui habent curam Reipublicæ. ^{Ro. II. 13.} ut patet ex Paul. ad Roman. 13. Non sine causa gladium portat, uindex enim est. Nono dico, ²⁰ quòd * ex intentione occidere hominem semper est prohibitum homini priuato. nunquam enim licet nisi in casu permissso. Non autem est commissæ cura publici boni defendendi, nisi publicis personis. ergo nulli priuato sua autoritate licet ex intentione occidere. Ultimo dico, quòd * omne aliud homicidium ex intentione, est illo præcepto prohibitum, seu publicæ, seu priuatæ personæ, præterquam in casu præmissso, quando uita alicuius propter peccatum eius est perniciosa Reipublicæ. Nam de homicidio non ex intentione, quale est in defensione sui, aut Reipub. latior est disputatio: quòd licet etiam ex iure naturali cognosciposset, tamen quia non est præsentis speculationis, missum facio. Ex his patet quam uim habet

habet argumentum ex illo præcepto, quòd non licet interficere seipsum. Cùm * enim nemo sit iudex suiipsum, neq; habeat auctoritatem in seipsum, nunquam licebit se interficere, etiam si dignus morte esset, & perniciosus Reipub. Tertio arguitur, & probatur conclusio, Se occidens, facit nocumentum Reipublicæ. ergo peccat. Consequentia est clara. Antecedens patet, Quia quicquid homo est, est ipsius Reipublicæ sicut pars sui est totius. ergo qui se occidit, aufert à republ. quod suum est. Quarto & ultimo probatur, Quia occidens se, facit contra præceptum de charitate. ergo peccat. Consequentia est nota, & antecedens probatur, quia non minus homo tenetur se diligere, quàm proximum sicut seipsum: sed si occideret proximum, semper esset contra charitatem proximi. ergo se occidens, facit contra charitatem sui. Ista duo argumenta, nō carent difficultatibus, & dubiis, possentque examinari sicut præcedentia. Sed quia impugnando conclusionem ipsam, commodius ueritas ipsius explicabitur, nec tempus nobis suppeteret, si utrunque uellem prosequi, ideo hoc relicto, contra conclusionem arguitur, & primo sic, Nemo potest se saltem de industria & uolens occidere. ergo cōclusio includit falsum, scilicet inueniri posse tale delictum & crimē. Antecedens probatur,

Quia uoluntas non potest uelle nisi bonum, ut Aristoteles habet, & impresentiarum pro rato habemus : sed non esse, aut desinere esse non est bonum, imò potius malum, ergo nullus seipsum potest interficere. Neque sufficit dicere, quod cum anima sit immortalis, non desinit esse saltè meliori sui parte qui se interficit. Saltem enim argumētum procedit de illo, qui non haberet spem alterius uitæ, qui non posset seipsum interficere, cuius oppositum ex historia constat. Et confirmatur, quia impossibile est quòd aliquis nolit esse beatus, ut disertè Augustinus tenet 17. de Ciuitate Dei. Sed qui uult esse, uult esse beatus, cum non possit esse beatus si non sit, ergo non potest aliquis nolle esse, & per consequens se interficere. Secundo arguitur, Nulli facit nocumentum. ergo non peccat se interficiendo. Antecedens patet, quia non fit sibi, quia uolenti non fit iniuria. ipse autem uolens patitur. ergo non patitur iniuriam. Nec sufficit dicere, quòd facit iniuriam reipublicæ, quia saltem qui bona uenia reipublicæ, uel adepti licentiam à reipublica (sicut mos apud aliquas nationes fuit) se interficerent, non peccarent. Et confirmatur, quia qui bona temporalia uolens perderet, neque sibi, neque reipublicæ iniuriam faceret. ut si quis equum suum occideret, & tamen non minus res temporales sunt reipublicæ, quàm homi-

nis uita, imò multo plus. ergo nec se interficiens facit iniuriam reipublicæ aut sibi. Item licet non se defendere à latrone inuadente, quando non potest uitam tueri nisi alterum occidat, ergo licet se interficere. Consequentia probatur, Eodé præcepto tenetur quis defendere propriam uitam, quo tenetur se non occidere, & si se posset defendere, & non se defenderet, esset contra præceptum de non se occidendo. Quarto, licet duobus existentibus in extrema necessitate, & habentibus solum unicum panem, unde alter posset tantum uitam conseruare, licet inquam alteri habenti panem cedere alteri, & hoc est se interficere. ergo. Quinto, si seruus esset cum rege in naufragio, & essent in tabula, uel nauicula, quæ utrunq; non posset sustinere, licet seruo desilire in mare sine spe euadendi, ut regem seruet à morte. ergo licitum est in casu se interficere. Sexto, licitum est damnato ad mortem, ut fame conficiatur, oblato pane non comedere, ergo licitum est se interficere. Antecedens patet, quia licitum est, & potest parere sententiæ, cui adiudicatum est. Septimo, licet damnato ad mortem habita etiam opportunitate fugiendi, non fugere, sed expectare, & sic dat operam morti propriæ. ergo. Octauo, licet damnato ad mortem ueneni hausti haurire uenenum. ergo licet se interficere. Nono,

i 3 licet

licet cum manifesto periculo mortis tempore pestis uisitare amicos. ergo. Decimo, Licet nauigare cum manifesto periculo mortis. ergo. Vndecimo, Licita sunt exercitia militaria, ut equilia, taurorum exagitatio, etiam cum periculo mortis. ergo seipsum interficere. Probatur consequentia in omnibus his tribus argumentis, quia eodem præcepto generaliter prohibetur interficere alium, & exponere se periculo occidendi. ergo etiam de seipso.

Duodecimo, Licet uitam breuiorem facere abstinentiis, & duro uictu, & aliis uitæ austerioris rigoribus. ergo se interficere. Consequentia probatur ex dicto Hieronymi, Nihil interest paruo an magno tempore te interimas. Et antecedens probatur, & patet de monasteriis, ubi certum est uitam esse breuiorem quàm extra. Decimotertio, Non tenetur aliquis constitutus in extremo periculo redimere salutem quacunque pecunia, uel toto patrimonio. ergo non tenetur conseruare uitam suam. Antecedens patet, Si enim quis indigeret ad salutem herba aliqua, ut (exempli gratia) radice pontica, quam non posset habere, nisi daret suum regnum, aut principatum, non teneretur dare. ergo. Decimoquarto, Semper est licitum subire minus malum, ad euitandum maius malum: sed maius malum uidetur fama, & ignominia, quàm mors:

ergo

ergo saltem ad uitandum ignominiam, & infamiam licitum erit subire mortem, & se interficere. Decimoquinto, Saltem hoc, scilicet non licitum esse se occidere, non est ita per se notum, quin possit ignorari, cum apud multos, qui reputati sunt sapientes, fuerit laudatum, ergo saltem excusabuntur illi, qui putant se fortiter & laudabiliter agere, se interficiendo, ut Cato, Brutus, & similes. Decimosexto, Legitur de quibusdam sanctis foeminis, quòd cum essent à Tyranno damnatae ut igne comburerentur, ipsae se in eum praecipitauerunt, ergo licet se interficere. Decimosextimo, Samson, Saül, Rasis, Eleazarus, se interfecerunt in libris Machabæorum, qui non solum non uituperantur in Scriptura, sed certè Samson inter sanctos refertur ab Apostolo ad Hebræ. & Eleazarus laudatur. Et idem argumentum potest fieri de uirginibus, cum fugientes Romanorum iniuriam, apud Aquileiam se in flumen praecipitauerunt.

¶ Pro solutione istorum argumentorum multa & uaria possent adduci, quæ si tempus ferret, non essent inutilia uel iniucunda tractatu, sed pro temporis breuitate solutione illorum in quantum potero, paucissima uerba conferam. Pro elucidatione ergo primi argumenti est aduertendum, quòd * obiectum uoluntatis non est solum uerum bonum. Cùm enim

obiectum non moueat uoluntatem nisi mediante cognitione, nihil refert ad mouendum uoluntatem an sit uerum bonum, aut æstimeretur uerum bonum. Itaque cum interficere seipsum, aut prorsus non esse, possit æstimari bonum, ex hac parte non impeditur, quin possit aliquis sciens, & uolens seipsum interficere, cum possit errare, & æstimare sibi bonum esse. Sed quoniam ista solutio solummodo ostendit aliquem ex errore posse uelle non esse, & per consequens se interficere, dico secundo, quòd nō inconuenit aliquem sine errore quocunque uelle non esse. Pro quo aduertendum, quòd sicut non inconuenit aliquid esse secundum se bonum, & tamen ex aliqua circumstantia fieri malum, ita econtrario aliquid, quod absolutè est malum, potest ex aliquo adiuncto fieri bonum. Atque in proposito non esse, licet absolutè sit malum, tamen tanquam medium ad uitandas misérias non solum potest æstimari bonum, sed re uera esse bonum. Et quamuis esse secundum se sit bonum, tamen coniunctum cum aliquo malo, potest non solum æstimari, sed fieri re uera malum. Vnde dico, quòd damnati sine quocunque errore cupiunt non esse. Quanquam enim esse absolutè esset eis bonum, tamen tale esse, scilicet cum summa miseria, re uera est eis malum, & melius esset eis non esse, quàm sic esse.

esse. Quod Dominus in Euangelio satis aperte ostendit dictum de Iuda traditore, Bonum erat ei, si natus non fuisset homo iste. *Luc. 23.* Quamvis enim aliqui ita hunc locum intelligunt, ut melius quidem fuisset Iudæ non nasci, non tamen melius non concipi, aut non esse. Tamen non puto Christum habuisse respectum ad differentiam illam inter natum esse, & conceptum esse, & prorsus esse, sed absolutè protulit, melius futurū illi omnino non esse, quàm ita perditum esse. Vnde *Ecclesiastici 30.* Melius est mors, quàm uita amara. Quare damnati non errantes, sed rectè intelligentes, cupiunt non esse. Et hoc plusquam satis ad primum argumentum. Sed instabat in confirmatione, quòd omnis homo necessario appetit beatitudinem, quam nō potest habere si non sit: & per consequens uidetur quòd necessariò uellet esse, neque posset uelle non esse. Ad hoc argumentum quamvis multifariam possit respōderi, tamen pro nunc dico, quòd nullus potest uelle absolute quod scit se nunquam adepturum, & per consequens nec medium eligere, ad consequendum illud, quod consequi non sperat. Quare cū damnati firmiter credant se nunquam futuros felices, sit ut nec etiam esse uelint, quod tamen necessarium est ad felicitatem: & eo ipso quòd damnati cupiunt felices
i 5 esse,

esse, cupiunt misérias uitare, quas fugere non possunt, ac per consequens uellent non esse. Pro secundo argumento, eiusque confirmatione est notandum, quòd differentia est inter alias res corporales, & inter uitam hominis. Est enim homo ita uerus dominus, ut possit pro suo arbitrio uti omnibus illis. Omnia enim Dominus subiecit pedibus eius: quare non tenetur homo ad conseruationem rerum temporalium, sed potest pro sua uoluntate, uel tenere, uel dimittere. Vnde occidens proprium equum, aut comburens propriam domum, nulli facit iniuriam: non est autem ita dominus, aut corporis, aut uitæ propriæ. Est enim solus Deus dominus uitæ & mortis, & quantum ad hoc homo peculiariter est seruus Dei: unde occidens seipsum, occidit alicui seruum, & facit iniuriam Deo, à quo tantum dono utendum accepit, non perdendum. Et sicut non est immunis ab iniuria qui alium interficit, etiam aliò petente, quia scilicet ille non est ita dominus uitæ suæ, ut possit facultatem cuiquam dare sibi uitam eripiendi: ita & qui seipsum interficit, iniuriæ reus est. Vt enim apud Ciceronem Pythagoras ait, Prohibetur mortales sine iussu imperatoris uel dominide præsidio & statione uitæ discedere. Pro tertio argumento, Quamuis nonnulli in illa sint opinione, ut putent hominem teneri ad tuendam uitam

uitam, quandocunq; licitè potest: tamen dico, quòd * non solum in isto, sed in multis aliis casibus homo posset licitis mediis uitam seruare, & tamen non tenetur. Vnde si inuasus à latrone, aliter non posset se defendere, quàm latronem interficiendo, non dubito, quin sit opus consilii, & perfectionis, permittere se occidere potius, quàm latronem in tali statu mittere in perditionem. Quod probatur. Si enim Christianus deprehensus in solitudine à Pagano inuaderetur, eo q̃ Christianus esset, dico quòd posset se ab illo defendere, etiam licitè, & sine scandalo fidei: tamen nemo dubitaret, quin esset opus patientiæ, ferre æquanimiter mortem in testimonium fidei. Probat-
tur secundo, Christus licitè se poterat defendere à Iudæis uel Gentilibus, qui tyrannicè oppresserunt illum. Ergo non quicumque licitè potest saluare uitam suam, tenetur. Item decem millia martyrum, qui pro Christo mortui sunt, non uidetur quòd non potuissent se defendere licitè, & pugnare aduersus tyrannos, sicut & nunc Christiani se tuentur contra Paganos. Vnde non dubito, quin plerunq; martyrium sit sub cōsilio, & quòd multi martyres se ultro martyrio obtulerunt, cum ad hoc non obligarentur: quod satis consonum uidetur consilio Apostoli ad Rom. 12. Non uos defendentes charissimi, sed date locum iræ.

Matth. 5. iræ. Et Dominus in Euangelio *Matth. 5.* Ego autem dico uobis, non resistere malo. Imò iste uidetur error Iudæorū, quem Dominus apud *Matth. 5.* elidit, quòd putabant non esse laudabile, si quis iniurias patienter toleraret. Pro quo est considerandum, quòd licet (ut dictum est) homo non sit dominus sui corporis, aut uitæ suæ, sicut aliarum rerum, tamen aliquid dominii & iuris habet in uita sua, ratione cuius qui nocet in corpore, nō solum facit Deo, qui est supremus dominus uitæ, sed etiam ipsi homini priuato iniuriam. Hoc ergo ius, quod homo habet in proprium corpus, potest homo laudabiliter dimittere, & perdere, quauis habeat ius se defendendi, & sic patienter ferre mortem. Contra hanc tamen solutionem potest instari, quòd quilibet tenetur defendere uitam innocentis, si quis per uiolentiam uelit eum interficere. Vnicuique enim Deus mandauit de proximo suo. Et *prouerb. 24.* Erue eos, qui ducuntur ad mortem, & eos, qui trahuntur ad interitum, liberare non cesses. Vnde si quis posset innocentem eripere de manu inuasoris, & non faceret, esset reus homicidii. Ex hoc sic arguitur, plus tenetur homo seruare propriam uitam quàm uitam proximi: si ergo tenetur homo defendere uitam proximi ab iniusto inuasore, ergo etiam propriam uitam. Ad hoc primo dico, quòd nō est exploratum, quòd

Prouer. 24.

quòd * semper homo teneatur defendere uitam proximi, etiam quâdocunq; licet. Si enim Christianus se ultrò offerret tyranno, ad augmentum fidei, etiam extra tempus necessitatis, quâdo scilicet est opus consilii, dato, quòd Christiani possent illum eripere de manu tyrâni, & licet sine scandalo, credo quòd nō tenerentur, & sic nō est uniuersaliter uerū, quòd quilibet tenetur defendere uitam innocentis, etiam cum licitè potest, ut patet de Petro Apostolo quem Dominus repræhendit, quia uolebat eum eripere de manibus Iudæorū. Secundo dico negando consequentiam. Neq; sequitur, quòd si teneor defendere uitam proximi, quòd teneor defendere meā. possum enim, ut dictum est, cedere iuri meo, non autē iuri fratris mei. Exemplum est clarum. Certū est enim quòd non teneor defendere bona temporalia mea, iuxta id, si quis petierit à te tunicam, da ei & pallium. Et tamen si possem sine periculo meo defendere bona innocentis à raptore, & latrone, certum est quòd teneor. Simili ergo modo quamuis possum non defendere uitam meam, non possum non defendere uitam proximi. Pro quarto argumento licet multi uertant in dubiū, an liceat pro priuata persona ponere uitam, & plures partem negatiuam defendunt, tamen ut aliàs à me disputatum est, puto probabilius hoc esse & laudabile, & uidetur laudatum.

datum à Domino in illo loco, Maiorem dilectionem nemo habet, ut animam suam ponat quis pro amicis suis &c. ubi non distinguit de priuata persona, aut publica. & Ioan. In hoc cognouimus charitatem Dei, quoniam ille animam suam pro nobis posuit, & nos debemus pro fratribus animas ponere. Neq; uidetur solum loqui pro spirituali bono proximorum. Statim enim subditur, Qui habet substantiam huiusmodi, & uidet fratrem suum necessitatem

Cantic. 8. habere, &c. *Cantic. 8.* Fortis est ut mors dile-

Ephes. 5. ctio, quia scilicet facit p amico mori. Ad Eph.

5. Viri diligite uxores uestras, sicut Christus dilexit ecclesiam, & semetipsum tradidit pro ea.

& 7. Ita uiri debent diligere uxores suas, sicut corpora sua. Et item, Vnusquisq; uxorem suam

Aristotel. diligat sicut seipsum. & *Arist. 9. Ethic.* Omnis

9. *Ethico.*

no debet maximam honestatem esse, mortem etiam appetere pro amicis: & filium patrem potius, quam se redimere oportet, & honestius esse, parentibus alimentis opitulari, quam sibi ipsis: quod si in extrema necessitate habet panem uitę necessarium patri relinquere, non est dubium, quin etiam liceat amico dare. Quare

26 * omnino concedo in casu proposito in argumento, quod licet panem alteri cedere cum certa pernicię proprię uitę. Sed contra hoc uehementer urget. Sit enim casus, quod sint in extrema necessitate filius cum patre, & alio extra-

neo

neo, & filius habeat unicum panem. Sic arguitur, Sequitur, quòd filius potest dare panē extraneo, relicto patre. Consequens autem est contra ordinē charitatis. ergo non sufficienter respondetur ad argumentum. Consequentia probatur, quia postquam filius habet ius seruandi sibi soli panem, si potest iuri suo cedere, ergo relinquere extraneo, & nullam iniuriam facit patri, cū pater nihil iuris habeat in pane illo. Ad hoc nego consequentiam. Quanquam enim filius possit sibi panem retinere, & potest cedere iuri suo, nō tamē cui uult, sed teneatur ex ordine charitatis subuenire potius patri, quàm extraneo: & eo quòd panis est in potestate filii, pater habet maius ius ad panē, quàm extraneus. Et per hoc patet ad quintum argumentum. Credo enim quòd in illo casu seruus possit relinquere nauiculam, aut tabulam, certus mori, & non solum pro rege hoc esset laudabile, sed pro quocunque etiam amico, aut proximo, quod Lactantius libro 5. de iustitia, *Lactantius.* cap. 18. disertè cōmendat. Quid (inquit) iustus faciet, si nactus fuerit aut in equo saucium, aut in tabula naufragum? non inuitus, confiteor, morietur potius, quàm occidet. At stultitia est, inquiunt, alienæ animæ parcere cum pernicie suæ, nunc etiam pro amicitia perire stultum iudicabitur. Et reliqua, quæ in hunc locum eloquentissimè congerit. Est sine * dubio pro amicis

amicis animam ponere stultitia huius mundi,
 quæ tamen sapientia est apud deum. Pro sexto
 28 argumento dico, * quòd talis tenetur com-
 edere. & sanct. Tho. 2. 2. q. 69. art. 4. ad 2. dicit,
 Quòd si non comederet, se interficeret. quod
 probatur, quia tenetur uti ad conseruandã uitã
 omnibus mediis à iudice nō prohibitis: iudex
 autem nō prohibuit, imo neq; potuit quidem
 prohibere, ne oblato pane nō ederet: non enim
 damnauit eum ut mortem sibi daret, sed solūm
 ut pateretur: ut patet, quia comedens non facit
 cōtra sententiã iudicis. ergo nō est pœna infli-
 cta à iudice, ut ipse se ab esu abstineat. Itaq; si li-
 cet ei comedere in casu posito, quod p cōfessio
 uideo inter oēs constare, omnino uidet q̄ tene-
 tur. Pro septimo argumēto similiter dico sicut
 29 ad sextū, q̄ * talis tenet fugere, quia nō est pars
 pœnæ inflictæ à iudice, ut maneat in carcere. ad
 minus dico, q̄ idem est iudiciū de eo, qui est in
 carcere, & de eo qui est in sua libertate, & si la-
 tro peccat, ultro se offerendo iudici & carceri,
 etiã peccat, si liberè potest fugere, & nō fugit.
 30 Pro octauo, certè * non uideo quare id sit
 negandum licere. etenim sicut sunt alia sup-
 plicia decreta cōtra nocentes, quare non pos-
 set id institui ut ueneno tolleretur, quòd sic
 illud supplicium potest esse iustum, cum aliter
 illa pœna irrogari non potest, nisi ut ille uene-
 num epotet, nihil uidetur cur non liceat ei
 haurire

haurire uenenum. Sicut licet damnato ad supplicium ascendere scalas, & ei qui damnatus est gladio, parare iugulum. neque enim unus magis cooperatur morti suæ, quàm alius. ergo si dicatur non posse tale supplicium constitui, consequenter dicendum est non esse licitum uenenum sumere damnato à tyranno, sicut neque se iugulare, aut gladio incumbere: hoc autem est probabiliter dictum. Non tenetur enim sibi aliquis pœnam inferre, sed solum ferre: unde non uidetur posse constitui pœna, ad quam necessarium sit ipsum nocentem cooperari. Mihi tamen primum magis placet quàm hoc, neque ualet, ergo posset dānari ut seipsum iugulet, hoc enim potest fieri per alium, quod non est de haustu ueneni, sed de hoc disputari potest. Ad nonum patet ex solutione ad quartum & quintum, Vbi* enim amicus meus indigeret auxilio meo, uel obsequio in ægritudine uel consilio meo in conscientia, non dubito quin possem consulere illi, cum quantocunque periculo meo, quod si nihil essem profuturus, profectò non uidetur carere temeritate exponere me periculo graui sine ullo fructu: quanquam hoc ipsum scilicet amicitiam, & fidem in amicis seruare magnus fructus est. nec uellem uxorem damnare, quæ etiam cum magno periculo marito peste laboranti assideret, etiam si hoc officiū non esset illi ullo pacto

K profu

profuturū, sed ut pereūti amico officiū & cōsolationē pręstaret. Ad decimū & undecimū est*
32 aduertendū, qđ ad cognoscendū quid in hoc casu liceat, nō oportet solū habere respectū ad circumstantias pro tēpore occurrentes, sed quę magis, & quod ut in plurimum contingat: neque respectus habēdus magis est ad bonum uel malum priuatum, quā ad bonum uel malum publicum & commune, nauigatio etiam pro tēpore periculoso est utilis bono cōmuni. Ex communicatione enim nationū & prouinciarū respub. magna comoda accipiūt & in pace & in bello. Quare si propter periculum tempestatum homines deterrerētur à nauigatione, fieret magna iactura publici boni, cū aut uix, aut nunquā, nauigari sine magno periculo possit. & eodem modo de exercitiis militaribus dicēdū: omnino enim est necessarium reipub. milites habere ad defendendū patriam, qui sine militari exercitio inutiles bello essent. Sunt autē quidem exercitia militaria parū periculosa, ut sunt equestria, & alia multa, quę sufficiunt ad exercēdos milites, & ideo aliis multū periculosis uti illicitū esset: uerum si nō possent milites exerceri sine etiā magno & graui periculo, non ideo omittenda essent bellica exercitia. Minus enim malum temporale tolerandū esset ad euitādū maius, ne scilicet patria perdatur, & tyrāni occupent illam

illam, aut in bello uictores hostes multo plures cædant, quia non sunt exercitati milites, quàm si omnia exercitia assumere potuissent. Ad duodecimum argumentum dico, quòd *nullo modo licet abbreviare uitã, sed est considerandũ, quòd (sicut in materia de abstinentia late differui) aliud est uitam minuere, aut non proferre. Secundò est aduertendum, quòd homo, licet teneatur nõ abrumpere uitã, non tamen tenetur omnia media etiã licita facere, ut longiorem uitã faciat. Quod manifeste patet, dato, quòd aliquis certò sciat, quòd in India est salubrior & clemẽtior aura, & quòd ibi diutius uiueret quàm in patria, non tenetur nauigare in Indiam, imò nec de una ciuitate ad aliam salubriorem. Nec enim Deus uoluit nos tam sollicitos de longa uita. Similiter dico de alimentis, quòd quædã sunt, quæ non sunt propriè alimenta, quia de se sunt insalubria, & nociua humanæ ualetudini, & istis uti esset interficere se, nec solùm intelligo de uenenis, sed etiam de aliis insalubribus cibis, ut si quis uelit uictitare ex fungis, aut crudis herbis, & acerbis, aut aliis similibus. Alia sunt alimenta, quæ licet non sint ita salubria sicut alia, non tamen sunt contraria uitæ humanæ, ut pisces, oua, potus aquæ. Itẽ dico, quòd oportet respicere ad id, quod cõmuniter accidit. Est autem commune, ut plures in iuuentute reperiantur

ex lautis, quàm ex pœnitentibus, plures enim interficit gula, quàm gladius. Istis præmissis
 34 dico ad argumentum, quòd* non est licitū uitam breuiorem, reddere alimētis insalubribus & nociuis. Secūdo, quòd non tenetur homo uti alimentis optimis, nō nociuis ut piscibus. Neque enim si medicus consuluit, quòd si bibāt uinum, uiuēt diutiùs decē annis, quàm cū aqua, ideo non licebit abstinere à uino: potus enim aquæ nō est contrarius uitæ, neque hoc est uitā minuere, sed non producere, ad quod non tenetur quisquam. Hoc dico de sanis & bene habentibus. ægrotantibus enim aliqui sunt insalubres, & nociui, qui sanis sunt salubres. Vnde ægrotis non esset licitum huiusmodi alimentis uti: sed de hoc uide in materia de abstinentia latiùs. Et idem est de mediis, & aliis pœnitentiæ exercitiis iudicium. Per hoc etiam
 35 patet ad decimum tertium. Non* tenetur quis, ut dixi, omnia media ponere ad seruandum uitam, sed satis est ponere media ad hoc de se ordinata, & cōgruentia. Vnde in casu posito credo, q̃ non tenetur dare totum patrimonium pro uita seruanda. & reputatur non habere remedium, & alius qui negat remedium, est homicida. Ex quo etiā infertur, q̃ cū aliquis sine spe uitæ ægrotat, dato quòd aliquo pharmaco pretioso posset producere uitā aliquot horas, aut etiam dies, nō tenetur illud emere, sed
 satis

satis erit uti remediis communibus, & ille reputatur quasi mortuus. Ad decimum quartum dico, quod uita* est maius bonum, quàm bona temporalia, inter quæ gloria, honor, & fama reponuntur. Cuncta enim quæ habet homo, pro anima sua dabit: omnia enim illa ordinantur ad uitam humanam sicut ad finem. Vnde Salomon dicit, Curam habe de bono nomine: hoc enim permanebit tibi magis, quàm mille thesauri. Nō comparat bonum nomen ad uitam, sed ad thesauros. & alibi, Melius est nomen bonum, quàm diuitiæ multæ. & Eccle. *Ecclesi. 30.*
30. Non est census super salutem corporis. Dico ergo, quod non licet ponere uitam pro fama aut gloria. Vnde non solum qui se interficiunt, sed qui sine alio titulo ponunt uitam in magno periculo propter gloriam humanam, grauiter delinquūt. Et Arist. 3. Ethico. ait, Vltimū malorū mors. Pro his omnibus quatuordecim argumentis est considerandum, quod in eis omnibus non est tractatum, an aliquis ex intentione, & uolēs, possit se occidere, sed solum præter intentionem. ut patet in omnibus illis, & ideo nihil possunt probare contra intentionē conclusionis propositæ. Vnde solum concedimus, quod nō possit se interficere ex intētionē ut se interficiat. Vnde siue id, quod in argumentis propositum fuit, sit licitum, siue non, nihil procedunt contra cōclusionem, non

non enim id est se interficere, ut in proposito accipimus, sed solū mors imperata, ex tali actu uolo me occidere. & ideo grauius argumētum
 37 est decimum quintum, Vtrum* Brutus, Cato, Decius, & alii innumeri, qui se occiderunt, nō poterant ignorare inculpabiliter talē mortem esse illicitam, cū ipsi omnino crederent esse optimam, & honestissimā, & à uiris, qui pro sapientibus habiti sunt, laudantur. Responde-
 tur, Nō uidetur maius dubium, quā de aliis diuinis præceptis. Multa enim sunt præcepta diuina, quæ apud paganos fuerunt, & hodie sunt ignorata, ut de fornicatione, de uindicatione iniuriæ, in quibus tamen non damus ignoratiam inuincibilē, sed dicimus cum beato Paul. ad Rom. i. quod in pœnā perfidiæ suæ tradidit illos Deus in reprobum sensum, ut faciant ea quæ non conueniunt, repletos omni iniquitate, malitia, fornicatione, homicidiis, &c. & sic q̃ excusantur, est sapiētia huius mūdi, quæ est stultitia apud Deum. Quod autem in lumine naturali cognosci possit, illicitū esse seipsum interficere, patet, quod philosophi studiosi uirtutis, id docuerunt, ut patet ex Arist. 3. Ethico. dicente, quod est nō magnanimi mortē sibi consciscere, sed pusillanimi, & non potētis ferre uitæ labores. & Cicero, mortem (inquit) cur mihi consciscerē, cū causam nullam habeam? cur optarē multas? quāquā hoc
 ipsum

ipsum sapienter, sapientis enim est neque optare mortē, neque timere. Ad ultimū de Samsonē, Rasia, Saūle, &c. non similiter de omnibus dicēdū uidetur. Samsonem enim necessarium est excusare, quem Paulus retulit inter iustos. Vnde Augu. dicit Samsonem hac ratione excusari, quia spiritu Dei motus fecit, nec hoc est diuinare, sed habetur expresse ex historia Iudicum, ubi dicitur orasse Dominū, ut redderet ei pristinā fortitudinē, ut ulcisceretur se de inimicis suis: quamuis posset & alia solutio dari. Non enim interfecit se ex intētiōe, sed uoluit hostes opprimere, & interficere, ad quod secuta est mors ipsius. ipse enim bene optasset alios perdere se saluō, si fieri potuisset: hoc autem sine noua reuelatione habetur licitū. Quis enim dubitat, quin aliquis in praelio, uel defendēdo ciuitatem, posset certus de morte facinus aggredi, quod sit quidē patriæ saluti, hostibus autē magnum detrimentū futurū: ut de Eleazaro legitur 1. Mach. 6. qui ingressus sub uētre elephantis, cui regem Antiochū residere credebat, elephantē quidem gladio cōfodit, ipse uerò bestię ruina oppressus, præclaram mortē inuenit, quia se libēter (ut dicit scriptura) pro populo suo posuit. quod factū adeo nō uituperatur, ut Ambro. libro de officiis, c. de fortitudine, Eleazarū mirificis efferat laudibus. Atque ita uidetur posse excusari Samson

sine recurſu ad inſtinctum cæleſtem. Eodem modo Eleazarus ſe interfecit, ſicut Samſon. De Saûle uerò nō eſt idem iudiciũ: cùm enim dimiſſus eſſet, imò repulſus à gratia Dei, non eſt neceſſe quærere excuſationes. Sabellicus ſcribit Saûlem nō ſe interfeciſſe, ſed cogitaſſe quidẽ de morte ſibi conſciſcenda: uerũ quia uiſum eſt impium uitam uiolenter abrumpe-
re, ab Amalecita quodam ignorante quis eſ-
ſet, interfectum. Sed eſt turpis lapſus Chriſtia-
ni hiftorici, cũ primi Regum ultimo legatur
Saûlem incubuiſſe ſuper gladium ſuũ, & ſic ui-
tam finiſſe. Raſias uerò probabilius poſſet
excuſari, quamuis S. Tho. ſecunda ſecundæ, q.

64. articu. 5. non excuſet illum. ſuper qua re
eſt contentio inter Nicolaum & Bur-
gẽſem, quos uidere poteris ad lon-
gum. Et iſta quantum ad
preſentem relectio-
nem ſuffi-
ciant.

* *

REVERENDI PATRIS

FRATRIS FRANCISCI A VI-

gloria Relectio de Simonia.

Locus relegendus est Matth. 10.

Gratis accepistis, gratis date.

S V M M A.

- 1 An licitum sit dare aliquid temporale pro spiritali.
- 2 Simoniæ definitio. Et quid sit. Et unde sit dicta simonia.
- 3 Simoniæ obiectum circa quod uersetur.
- 4 Spirituale quid dicatur in materia simoniatica.
- 5 Simonia, quòd non committatur nec circa scientiam, aut doctrinam, nec circa aliud spirituale à spiritu creato.
- 6 Spirituale, quòd in hoc proposito uocetur donum Spiritus sancti.
- 7 Simoniæ in definitione, quid per emptionem, & uenditionem intelligitur.
- 8 Emptio, & uenditio rerum spiritualium quòd non solum sit simoniaca, sed omnino dispensatio, & permutatio non gratuita.
- 9 Simonia, quòd sit illicita.
- 10 Simonia, quòd sit diuino iure prohibita.
- 11 Simonia, quòd sit iure naturali prohibita.
- 12 Simonia omnis an sit iure diuino prohibita, & an aliqua sit solum iure positiuo.
- 13 Contractus aliquis, qui non nunc est simoniacus, an sit uel possit iure positiuo fieri simoniacus.
- 14 Spiritualia, quòd sint aliqua iure positiuo. Et quæ sint.

K 5 Empti

- 15 Emptio, aut uenditio eorum, quæ iure positio sunt spiritualia, quod sit iure diuino prohibita.
- 16 Simonia aliqua, quod sit omnino præcisè de iure positio.
- 17 Simonia an sit aliqua circa ea quæ sunt uerè spiritualia, & secundum se & de iure positio. Et quomodo contractus aliquis, uel permutatio spiritualis secundum se de iure positio sit simoniaca.
- 18 Simonia peccatum, quod in lege scripta & potuit esse, & fuit.
- 19 Simonia peccatum quod in lege naturæ & potuerit esse, aut fuerit.
- 20 Simonia crimen, an inter paganos, & idololatrias esse potuerit.
- 21 Emptio, aut uenditio, quod non solum ex intentione apud idololatrias fuerit crimen simoniæ uerū, sed etiā ex obiecto.
- 22 Simoniacus an sit is, qui timore, consanguinitate, precibus, & fauore, aut obsequio administrat spiritualia.
- 23 Simoniacū quod non sit conferre spirituale sine respectu ad cōmodū, uel incōmodū, timore indignationis.
- 24 Spirituale dare ex timore alicui digno, quod uideatur non esse malum.
- 25 Spirituale dare digno ex timore mali temporalis, ut uitæ, aut exilij, aut carceris, dummodo hoc nō redundet in aliquod cōmodum temporale, uel sit ex pacto, aut aliquo modo per modum pretij, quod non uideatur esse malum.
- 26 Collatio spiritualis ratione consanguinitatis an sit simonia.
- 27 Conferre beneficium intuitu consanguinitatis, quod non sit simoniacum.

Benefi

- 28 Beneficium si quis conferat cōsanguineo, aliās idoneo, quantumcunque motus à consanguinitate, quòd non peccet mortaliter.
- 29 Pontifices parati ad dandum beneficia consanguineis sine deliberatione, quòd peccent mortaliter.
- 30 Beneficia conferre propter preces principaliter, an sit simonia.
- 31 Conferre spiritualia ad captandum quodcunque cōmodum non spirituale, siue digno, siue indigno, quòd sit illicitum.
- 32 Conferre spiritualia ad captandum quodcunque cōmodum non spirituale, quomodo ignorat author an hoc sit mortale, si aliās collatio fiat digno.
- 33 Conferre spiritualia ad captandum quodcunque cōmodum non spirituale, quomodo si fiat digno, non putat hoc peccatum esse propriè simoniam, author:
- 34 Simonia, quomodo esset, si fauor, uel preces, uel laus resoluenter tanquam pretium in aliquod temporale.
- 35 Simonia, quomodo fortè esset, si preces, fauor, uel laus, et amicitia deducerentur in pactum.
- 36 Simoniacum quòd sit, conferre officium ecclesiasticum pro obsequio, quum tale obsequium est pecunia æstimabile, ita quòd tandem resoluitur in commodum temporale. Et quid si non adsit pactum expressum, uel tacitum.
- 37 Præstare obsequium pontifici, ut illa ratione posset consequi beneficium, an, et quando esset simonia cum.
- 38 Simoniacus an possit esse summus Pontifex.
- 39 Papa, quòd in simonia, quæ est iuris diuini, æquè, uel grauius possit esse simoniacus, sicut alius homo.
- 40 Simoniacum utrum sit sperare beneficium spirituale ex officio

ex officio temporali.

- 41 Spirituality promittere, an sit simonia.
- 42 Simonia, quod in beneficijs uniuersaliter sit de iure positiuo, & quomodo Papa possit ea uendere sine rationabili causa, & sine uitio simoniæ, uel ex rationabili causa, & sine peccato.
- 43 Vendere Canonicatum simplicem, quod nõ minus sit simonia, quam uendere beneficium cum cura animarum.
- 44 Papa, quod non possit uendere sine uitio simoniæ ex quacunque causa quodcunque beneficium ecclesiasticum.
- 45 Præbendæ omnes militares, quas commendas uocant, quod autoritate Papæ possint uendi pro temporali sine uitio simoniæ.
- 46 Commendæ, quod pro beneficio commutari non possint, etiam ex autoritate Papæ.
- 47 Simonia an contingat circa pensiones.
- 48 Pensio, quæ assignatur alicui super beneficium altius ratione alicuius ministerij spiritualis, quod licita est, & honesta.
- 49 Beneficium habens, cui per aliquod tempus ministravit, quod licite possit autoritate Papæ concedere beneficio, retenta certa pensione super beneficium, & sine quocunque onerali officio spirituali.
- 50 Papa, quod nõ possit dare alicui pensionem aliquam super beneficio ecclesiastico, qui nullum ministerium neque temporale, neque spirituale conferat in ecclesia, uel alio pio titulo.
- 51 Papa quod det clerico pensionem aliquam in alieno beneficio solum, quia sit clericus, quod non uideatur irrationabile.

- 33 Papa quomodo si alicui iusto uel iniusto titulo concedat pensionem sine obligatione ad aliquod ministerium spirituale, neque ratione alicuius tituli spiritualis, quod talis pensio sit merè temporalis. Et quomodo uendere talē pensionem aut redimere pretio quolibet temporali non sit simoniacum.
- 33 Beneficium si quis contulit, aut permutauit pro pensione, etiam auctoritate apostolica, an talis pensio possit uendi, aut pecunia redimi, dubitatur.
- 34 Pensio quæcunque, quam Papa imponet, uel ex officio suo, uel ad alterius supplicationem, modò non sit causa permutationis, & sine obligatione ad aliquod officium, uel ministerium spirituale, quòd possit uendi & sine simonia redimi. Et an talis pensionarius teneatur ad officium canonicum.



SUPER hunc locū ponitur questio in præsentī differenda, An licitū sit dare aliquid tēporale pro spirituali. Pro parte affirmatiua arguitur, Licet recipere pecuniam pro administratione sacramentorū, & illa sunt maxime spiritualia. ergo licitum est pro spirituali tēporale recipere. Antecedēs patet ex cōsuetudine per totam ecclesiam approbata de recipiendo aliquid pro sacramento missæ, pro administratione sacramentorum, pro prædicatione, & similibus: ergo. Cōfirmat, quia prophete receperūt pecunias pro actu prophetandi, & tamen actus prophetandi ponitur inter spiritualia, & inter dona Dei: ergo. Maior patet, quia

1. Reg. 9. quia ut dicitur 1. Reg. 9. Saül dedit pecuniam Samueli, ut indicaret ei asinas patris sui, ubi sic habetur, quòd puer respòdit Sauli, Ecce inuenta est in manu mea 4. pars stateris argenti, de mus homini Dei, ut indicet nobis uiam nostram. Idè patet 3. Reg. 14 de uxore Ieroboã, quæ attulit munera ad Abiam prophetam, ut indicaret ei quid futurum esset de filio egrotãti. Et 4. Regum. legitur, quòd Elisæus uenit Damascũ, & Henadab rex Syriæ ægrotabat. annuntiaueruntque ei dicentes, Venit uir dei huc, & ait rex ad Azael, Tolle tecum munera, & uade in occursum uiri Dei, & cõsule per eũ dominum, dicēs, Si euadere potero de infirmitate mea hac? fuit igitur Azael habens secum munera, & omnia bona Damasci onera 40. camelorum. Et quamuis non legamus, quòd Elisæus ea non acceperit, non tamen legimus quòd reprehendit, nec scriptura reprehendit.
- ¶ Secundo, Licet recipere pecuniã pro sepultura, pro dote sacelli, etiã cũ pacto. Ergo. Confirmatur, quia Abrahã emit sepulturã, & habetur Gen. 22. Iacob emit ius primogenituræ cui eodem tempore uidetur fuisse annexum sacerdotium Genes. 25.
- ¶ Tertiò, Licet præstare obsequiũ cardinalibus & episcopis, nõ alia ratione, sed solũ ea ratione & spe, ut obtineant beneficia. ergo.
- ¶ Quarto, Licet emere, aut uedere calices, & ornamenta.

ornamenta. 10. q. 2. c. circa. ergo.

¶ Quintò, Licet dare pecuniã pro ingressu religionis, ut patet de monasteriis uirginũ, nec est ad rem, quodd recipiunt ad sustentationem, quia sepe recipiunt plus, & cum pacto.

¶ Sextò, Licet sperare spirituale pro tẽporali, ut patet de seruis episcoporum. ergo.

¶ Septimò, In matrimonio interuenit pecunia, et cum pacto, & est uerum sacramentum. ergo licet etiam dare pro aliis. Proposui tot argumenta, quia ex solutione istorum dependet magna ex parte solutio & explicatio materiæ de simonia.

¶ In cõtrarium sufficit locus propositus Mathæi 10. Quatuor partes habebit relectio. Prima de peccato simonię. secũda de pœna simonię. tertia de restitutione acquisitorũ per simoniã. quarta respõdebit ad argumẽta proposita.

¶ Pro solutiõe quæstionis notãdũ, qd simonia à doctoribus sic definitur. diffinitio simoniæ, Simonia* est studiosa uoluntas emendi aut uẽdendi aliquid spirituale, uel spirituali annexũ. Hæc diffinitio ponitur à S. Tho. & prius ab Altisiodorensi lib. 3. tractatu 21. & ponitur ab Hostiensis & communiter à doctoribus in iure canonico, & sumitur secundum omnes ex c. quicunque studet. 1. q. 2. ut ait frater Martinus in margarita decreti. Panormi. in c. nemo. de simonia, & addit in diffinitiõe, opere sublequuto.

quoto. Et etiam Hostiens. & dicit Panor. nota-
ri in definitione in c. insinuasti. i. q. 1. Sed tamē
uide Armacha. lib. 10. c. 12. expresse probantem
non opus esse illa particula. Et probat ex facto
Simonis, Actuum tertio: & ita dicit, q̄ simo-
nia dicta à facto Simonis, est uelle cōmunica-
re gratiam & potestatem petita, siue pro ea ha-
benda offerre pecuniam. Pro cuius declaratio-
ne dubitatur, quid in definitione dicatur spi-
rituale. hoc enim ante omnia operepretiū est
ut cognoscamus: quia est obiectum simoniæ.
Et ut aliqua certa ratione & uelut quibusdam
numeris procedamus distinctiūs, sit prima cō-
clusio,

³ ¶ Obiectum* circa quod uersatur simonia, est
res spiritualis. In qua conclusione omnes con-
ueniunt. Et probatur, Actuum 8. dicit Petrus,
Actuum. 8. Pecunia tua tecum sit in perditionem, quoniā
donum Dei existimasti pecunia possideri. sed
donum dei uocatur aliquid spirituale, & ab
eo conatu Simonis uocatur simonia. ergo si-
monia est circa aliquid spirituale. uide de hac
authoritate Armacha. lib. 10. c. 12. uoluit enim
emere potestatem, seu facultatem, ut cuiusque ma-
nus imponeret, acciperet Spiritū sanctū. Pre-
terea ratio e probat, Quia nihil est tēporale, qd
non uideatur posse cadere licitē sub pretio,
sed in hoc consistit simonia, quòd aliquid pre-
tio estimatur. ergo obiectum simoniæ non po-
test

test esse aliquid téporale. Sed hoc ipsum reuocatur in dubiũ, quid *in proposito dicatur spirituale: cum spirituale multifariè dicatur, non sine causa disputatur cuiusmodi spirituale sit materia, uel obiectum simonię. Pro quo est considerandum, quòd ut dicit S. Thom. in 1. senten. d. 10. articu. 4. spiritus prius dicitur de corporeis reb⁹, quàm de in corporeis. Dicitur enim spiritus ab spiràdo, qđ est halitũ emitte-
re, atque adeò spiritus id uidetur ex primaria si-
gnificatiõe, qđ halitus: quod adeò uerũ est, ut
gràmatici nostrę etatis nò probèt, aut recipiāt
ut uel Deus, uel angeli, uel omnino aliquid in
corporeũ, dicātur Latine spiritus, aut spiritua-
liter. quo nomine etiā Baptistæ mantuano Ita-
li negotiũ facessiuerunt, quod in suis pœmati-
bus in illa significatione frequenter usurpau-
rat. Sed defendit à uiro eruditissimo Pto-
læo fratre. Et certè præterquam quòd ita illa
uoce usi sint uetustissimi Christianorũ nò mi-
nus eruditioe quàm religione insignes, cuius-
modi fuerūt Cyprianus, Lactantibus, Hiero-
nymus, Ambrosius, Prudentius, Sedulius, &
ante eos Tertullianus, à quibus (bona uel ma-
la uenia istorum dexterim) oēs gràmatici latini
tatè discere potuerūt: sed præter hoc inquam
libèter ab illis quærerem, qua ratione, aut qui-
bus uerbis illi nouũ testamētum, aut totũ etiā
uetus ex Septuaginta interpretibus traducere
l possent

possent ubi propneuma et propneumatica pro
 incorporalibus usurpant, ut nunquā aliis uoca-
 bulis signetur. Dubitādū aut nō est, quin ipse
 Cicero si ex Græco traduceret, nō aliter quā
 spiritus, aut spiritualia uerterit. Vnde cū S.
 Tho. est notandū, 1. p. q. 4. arti. 1. ad 2. & in 1. sen-
 ten. ubi suprà, quōd licet ita sit, q̄ nomen spiri-
 tus primaria impositione impositum fuerit ad
 significandū aliquid incorporeum, tamē quia
 spiritus subtile quoddā etiā & inuisibile est,
 factū est ut illud nomen deriuatū esset ad oīa
 subtilia, & inuisibilia, ut Deus, angelus, & ani-
 ma, & omnia quę in eis sunt. Quare cū tā la-
 tē pateat nomen spiritus & spirituale in mate-
 ria & proposito de simonia, doctores distin-
 guunt, q̄ spirituale uel dicitur à spiritu creato
 uel increato. nō enim dicūt spirituale propter
 ordinem ad Spiritū sanctū. Gratia uerō spiri-
 tualis sic. Burīda 2. de anima, q. 22. dicit, q̄ hoc
 nomē spiritus prius fuit impositū ad significā-
 dū res indiuisibiles, sicut Deum & angelos, &
 postea translatus est ad significandū corpora
 subtilia. Est ergo opinio aliquorum, quōd in
 definitione simoniæ non solum capiatur spi-
 rituale à spiritu creato, sed etiam à spiritu in-
 creato. Vnde dicunt quōd emere, aut uendere
 sciētiam naturalem, simoniacum est, cuius sen-
 tentiæ fuit Altisiodorens. libr. 3. tract. 21. & se-
 quitur cum Syluest. uerbo simonia. §. 10. unde
 dicunt

dicunt, quòd uendere ueritatem non solum
 in scientia theologica, sed etiam in aliis scienti-
 iis, est simoniacum. Idem habet Alexand. Al.
 2. p. q. 135. membro tertio: & eadē uidetur sen-
 tentia glossæ in c. non licet. 11. q. 3. ubi dicit, q
 si aduocatus potest ferre patrocinium causæ
 iustæ sine labore reuoluendi libros, quòd te-
 netur gratis dare consilium. Et posset suaderi
 opinio, quia nulla scientia est æstimabilis pre-
 tio. Prouerb. 13. Quid prodest stulto habere di-
 uitias, cum sapientiam emere non possit? &
 Prouer. 23. Noli sapientiam uendere, & doctrinam,
 & intelligentiam. Sed contra istam opi-
 nionem sit secunda conclusio, Simonia* non
 committitur nec circa scientiam, aut doctrinam,
 nec circa aliud spirituale à spiritu crea-
 to. Huius opinionis fuit Durand. 4. d. 2. q. 3.
 quòd absolute docere, consulere pro pretio,
 non est simonia. Idem habet Ricard. 4. d. 25. &
 Palud. ibidē q. 5. Adria. quolib. 9. articu. 1. idem
 uidetur tenere Armacha. libr. 10. c. 2. nullam
 enim uidetur facere mentionem de spiritali
 alio, nisi pro dono Dei. & c. 9. ponit tres ratio-
 nes, quare dona dei, qui gratis acceperunt, gra-
 tis debeant impendere. Verum est, quòd S.
 Thom. in 4. d. 25. q. 3. articu. 2. q. 2. ad tertium
 dicit, quòd magistris artium licet uendere la-
 bores suos, sed nō scientiā, siue ueritatē, quæ
 spiritalis est. Vnde dicitur Prouer. 23. Noli uē
 dere

Prouerb. 13.

Prouerb. 23.

Durand.

Ricard.

Palud.

Adria.

Armacha.

S. Thom.

Prouerb. 23.

dere sciētiā. Sed in 2.2.q.100. nullā fecit mētiō
 nē de hoc. Et sic nō dubito illū reliquisse opi-
 nionē illam antiquorum. Atque adeò pro cer-
 to habeo nec simoniam, nec aliud peccatū cō-
 mittere, si quis quomocunque componat
 de pretio doctrinæ, aut scientiæ. Imò S. Tho.
 2.2.q.100. artic. 3. ad tertiū uidetur quòd idem
 dicat, quod in quartò loco citato. sunt uerba
 eius, Ille autē qui habet scientiā, & nō suscipit
 cum hoc officium ex quo obligetur, alii ūsū
 scientiæ licitē impendere potest, & pretiū suæ
 doctrinæ, uel consilii accipere, non quasi ueri-
 tatem aut scientiam uendens, sed quasi operas
 suas locans. Idem uidetur expressè dicere quo-
 libeto 8.q.6. artic. 5. & Adria. ubi supra. sed ni-
 hilominus probatur conclusio, Quia in scri-
 ptura nunquam prohibetur emptio, aut uendi-
 tio rei, eo quòd spiritalis sit, sed quia donum
 Dei, ut patet Actū 8. & Matt. 10. dicitur. Eun-
 tes autem prædicate dicentes, quia appropin-
 quabit regnū cælorum, infirmos curate, mor-
 tuos suscite, leprosos mūdare, dæmones ei-
 cite, gratis accepistis, gratis date. Præterea quia
 si eodem modo esset prohibitū uēdere hęc spi-
 ritualia sicut alia, non solū ueritatem ipsam,
 sed nec laborem annexum, nec effectum do-
 ctrinæ sed nec liceret uēdere sacerdoti laborē
 circa sacramentum, nec effectū sacramenti, &
 tamē liceret medico uendere laborē docēdi, &
effectum

Matth. 10.

effectum artis, scilicet curationem infirmi. Preterea, quia si non liceret uedere, ergo nec emere. utrumque enim est æqualiter illicitum: & tamē Prouerb. 13. dicitur, Veritatē eme. Verū est etiā q̄ Turre cremata in c. qui studiū 1. q. 1. tenet, q̄ scientiā uedere, est simonia. Et citat Hugonē. imò sanitatem uendere. Sed Caiet. in summa *Caiet.* titulo de simonia in primo. expressē tenet, quod non dicitur res spiritalis, nisi à spiritu sancto: licet infra regula sexta uideatur dicere, quod nō licet uendere ueritatē scientiarū. Et idē habet 22. q. 110. ar. 2. ad secundum dubium. sed contra istos omnes sunt rationes factę. Dubium tamen peculiare est de scientia theologica, An liceat uedere doctrinam theologicam secundum se. Et quidem Hostien. in cap. quia nonnullis. de magistris dicit, quod theologus *Hostien.* habens prębendam, si aliquid exigat, est simoniacus. & Palud. ubi supra concedens de aliis scientiis, de theologica dicit, quia uidetur quod accipere aliquid pro theologia, sit simonia. Quod sequitur Syluest. ubi suprā. Concurrentibus tamē duobus, primò quod legatur ex officio magisterii, secūdo, quod incidat pactū l. exactio. sed idem puto dicendū quod de aliis scientiis, si intētio solū feratur ad tradendū doctrinam, & non per modum consilii spiritalis, quia nō est donum Dei plusquam philosophica disciplina. Et Duran. & Adria. indi-

stinctè loquitur de sciētia. Præterea, quia cū temporale est annexum spirituali, non potest uendi temporale ratione spiritualis, sed solum ratione sui, ut patet in ecclesia, labor doctrine nil ualet, nisi ratione doctrinæ. ergo. Tertia conclusio, Spirituale* in proposito est, quod uocatur donum Spiritus sancti, quia Actū 8. de hoc cōdemnatur Simon, quia uoluit emere signum Spiritus sancti: & Matt. 10. præcipit apostolis gratis dare, quia gratis acceperūt. Primū corol. Omnia quæ Apostolus numerat 1. ad 1. Cor. 12. & ad Ephe. 4. sunt spiritualia isto modo. Diuisiones (inquit) gratiarum sunt, idem autē Spiritus, diuisiones ministratiōnū sunt. & infra, Vnicuique autem datur manifestatio Spiritus ad utilitatem, alii quidem sermo sapiētiæ, alii sermo scientiæ, alteri fides, alii gratia sanitatum, alii opera uirtutum, alii prophetia, alii discretio spiritūū, alii genera linguarum, alii interpretatio sermonum. Et ad Ephe. 4. Ascendens in altum, captiuam duxit captiuitatem, dedit dona hominibus. Et ipse dedit quosdam quidem apostolos, quosdam autem prophetas, quosdam uerò euangelistas, alios autem pastores, & doctores ad consummationem sanctorū, in opus ministerii. Omnia enim hæc sunt gratia & dona Spiritus sancti. Secūdū corol. Omnia quæ spectāt ad salutem hominis, dicuntur spiritualia in proposito. pa-
tet,

1. Corin. 12.

Ephe. 4.

Ephe. 4.

ret, quia omnia quæ spectant ad salutem animæ spirituales, sunt dona Dei, uel spectant atque ordinantur ad dona, uel procedunt ex ipsis. Confirmatur conclusio cum corollariis, Vbi-
cunque in Scriptura reprehenditur emptio, aut ueditio alicuius, semper est de aliquo spiri-
tuali, hoc modo, ut patet de Balaam, de quo habet nume. 22. & Deut. 23. qui cōdemnatur à Beato Petro. 1. Petri. 2. inde, quia mercede cōdu-
ctus, uoluit maledicere filiis Israël. & de Gihezi. 4. Reg. & de Hier. 3. Reg. 13. & constituebat sacerdotes pecunia & pretio. In omnibus autē illis erat aliqd spirituale, ut gratia sanitatis, spiritus propheticus, auctoritas sacerdotii, quæ omnia sunt spiritualia hoc modo. ergo ita capiendum est spirituale in materia simoniæ. Et confirmatur, quia prohibitio simoniæ sumpta est ex Scriptura. sed scientia, nec aliquod aliud bonum acquisitum in Scriptura uocatur donum Dei, nec spirituale: imò nec sancti antiquiores unquam dicerent geometriam esse bonū spirituale. ergo nulla ratione simonia cōsistit circa illā. Confirmatur secūdo, Nā si quis daret beneficiū pro sciētia geometriæ aut medicinæ, esset simoniacus. ergo scientia nō est spirituale, sed tēporale bonū. Probatur antecedēs, Quia si quis daret beneficiū ut doceret sibi geometria, pfectō esset simoniacus: sed quia geometria est spiritalis, non licet eā

uendere, ergo nec artes mechanicae, scilicet factoriae, sutoriae possunt uendi. S. Thom. 2. 2. q. 71. articu. 4. dicit, quod aduocatus in causa iusta potest uendere auxilium, & patrocinium, & consilium

¶ Secundu dubiu pro declaratione definitionis, Quid* per emptione & ueditione intelligatur in definitione simoniae, utru scilicet intelligatur solus contractus, ubi interuenit aliquid temporale, uel absolute prohibeatur omnis contractus non gratuitus. Et quidem uidetur primum, quia Act. 8. ubi primum uidetur damnatum hoc crimine in nouo testamento, solum prohibetur pactum temporale. & Matt. 10. satis ostendit Dominus idem prohiberi. statim enim subiungit, Nolite possidere aurum, neque argentum. Et in ueteri testamento patet in locis ubi supra, non damnatur nec temporalis merces pro beneficio spirituali, ut de Gihezi patet, & Balaam, & Hieroboam. Sed hoc non obstante est conclusio,

¶ Non* solum emptio & ueditio rerum spiritualium, sed omnino dispensatio, & permutatio non gratuita, est simonica. Hec conclusio est S. Tho. q. 100. arti. 1. ad 5. & Adria quot lib. 9. arti. 2. & Ricard. in 4. distin. 25. & Palud. distin. 5. & Syluest. uerbo permutatio. §. 4. & fuit antiquissima, unde etiam Cantor Parisiensis doctor antiquus definit simoniam, quod est spiritualium acceptio uel collatio non gratuita. Et

Ricar.

S. Thom.
Adria.
Ricar.
Palud.
Syluest.

Ricar. spiritualiter dicit, quòd non licet duobus adultis pacisci inter se, ut inuicem baptizentur. Probatur conclusio ex c. quæsitum de rerum permutatione: ubi disertè continetur, quòd permutationes præbendarum continèt ex pactione partium labem simoniæ. Et c. cum olim. Innocientius 3. reprobauit Archidiaconatû & Præpositatû ex eo, quòd inter se commutassent. & ratio est, quia talis permutatio non gratis fit, & per cõsequens prohibetur Matth. 10. Præterea illud est uitiosum, & non uidetur aliud peccatum, quàm simoniæ. ergo est simonia. Maior patebit inferiùs latiùs. Sed pro nũc probatur, quia spiritualia dantur propter utilitatem cõmunẽ, ut Apostolus ait 1. ad Corint. 12. & ad Ephe. 4. Ad cõsummationẽ sanctorũ in opus ministerii, in ædificationẽ corporis Christi. Sed si liceret huiusmodi commutationes facere potestates spirituales nõ distribuerẽtur pro utilitate communi, sed in fauorem priuatorum hominũ. ergo illud est illicitum. de quo tamen uberiùs paulo pòst differemus.

¶ Sequitur in definitione, Vel annexum spirituali. De hoc, ut nil sit extra controuersiam, sunt etiam variæ opinionones. Nam quidam intelligunt per spirituales; quod ex natura rei est spirituale, ut sacramẽta, & eorum effectus. per annexum autẽ spirituali illud qd per accidens, id est de iure positiuo, habet aliquid spiritua-

1. Corin. 12.
Ephe. 4.

litatis. Sed communior expositio doctorum est, ut per annexum spiritali intelligantur illa quę ad spiritalia ordinantur, ut uasa, & ornamenta sacra. Ita exponit S. Tho. 2.2. qđ. 100. articu. 4.

¶ Restat in definitione illa particula, studiosa uoluntas, in qua illud solum dubitari potest, ut quid potius simonia diffinitur per actum uoluntatis, quam homicidium, aut alia uitia, cum æquę ex sola electione uoluntatis sint aliqui rei homicidii aut adulterii secundum illud, Qui odit fratrem suum, homicida est. aut, Qui uiderit mulierem ad concupiscendum eam, iam mœchatus est, &c. Ad hoc dico, quod occasio huius fuit, quod Simon magus conatus quidem fuerit donum dei pecunia possidere, sed opere non perfecit. ideo in definitione simonię ponitur, Non opus ipsum, sed uoluntas, uel studium. hæc spectant ad quancunque definitionem intelligendam. Nunc redeundo ad questionem principalem,

10 Vtrum simonia sit licita, sit quę prima, conclusio.

¶ Simonia* est illicita. Hęc est nota ex euangelio, & ex sententia omnium Sanctorum & doctorum: sed quo iure, sit secunda conclusio.

11 ¶ Simonia* est prohibita iure diuino. hæc etiam est nota, tum ex ueteri, tum ex nouo testamento, ut patet ex locis superius allegatis Matth. 10. Actum 8. 1. Petri 2. Damnat Balaam. Errauerunt, inquit, secuti uiam Balaam, qui mercedem

dem iniquitatis amauit. Et de eodem Iudas in epistola, ut illis, qui in uia Cain abierunt, & in errorem Balaam mercede effusi sunt. & Iohã. 2. Cum fecisset dominus quasi flagellum de funiculis, omnes eiecit de templo, oues quoque, & boues, & mēsas numulariorum subuertit, & his qui uēdebāt columbas, dixit, Auferre ista hinc, & nolite facere domum partis mei domum negotiationis. simonia autem ita uidetur esse perniciosissimum negotiatoris in domo Dei. Imò quibusdam nō sine causa Iude uidetur eos esse indissimiles: ille enim redemptorem Christum uendidit, iste dona illius.

¶ Tertia conclusio, Simonia* est prohibita iure naturali. Probatur, quia lex noua nulla præcepta negatiua continet præter præcepta legis, nec, ut S. Tho. uidetur sentire, tum alibi, tum 2. q. 108. ar. 1. & 2. nec etiam præcipit affirmatiuū nisi de sacramētis, & de fide. ideo uocat lex libertatis Iacob. 1. ergo prohibitio simoniæ nō est superaddita in nouo testamēto, de iure naturali. Et mirū esset, q̃ hoc solū nouū mādātū inueniretur in nouo testamēto, nec Balaā itē peccasset hoc peccatū, qui solū lege naturali tenebatur. Præterea si hoc fuisset nouum præceptū, merito Simon magus excusari potuit, scilicet per ignorantiam. Præterea rationes, quæ sunt à doctoribus de Simonia, procedunt iure naturali. Quarum prima est, quia spirituale non potest

*Prouerb. 3.**1. Corint. 4.*

potest compensari aliquo temporali. unde de sapientia dicitur *Prouerb. 3.* quòd pretiosior est cunctis opibus. Et idè iudiciũ est de quo cunque dono diuino. Secunda, Quia homo non est dominus bonorum spiritualium secundum illud *1. ad Corint. 4.* Sic nos existimet homo, ut ministros Christi, & dispensatores ministeriorũ Dei. Tertia, quia quæ grãtis accepta sunt, sicut et alia, quæ sola benignitate mortalibus sunt collata, debent gratis cõmunìcari, ut aqua, sol, & alia quæ sine operibus nostris cõstāt. Quarta, quia data sunt à solo Deo. Nam uidetur iure gentium, quòd pisces maris, & feræ omnibus sint communes. Præterea si omnia dona Dei data sunt ad utilitatem communem, ut patet *1. ad Corin. 12* & *ad Ephes. 4.* ergo iniuriam facit, qui in priuatam communitatem uult ea uedicare. Præterea à posteriori, quia si permetteretur huiusmodi emptio, & uenditio, esset calamitas, & perditio rerum ecclesiasticarũ, quarũ dominatores, & administratores non essent meliores, sed ditiores, & auidiores. Omnes, inquam, hæ rationes procedunt stando in iure naturali. Ista est conclusio omnium doctorum, *S. Tho. q. 100. art. 2.* & *Armacha. lib. 10. c. 9.* & *Adria. quotlib. 9.*

¹² ¶ Sed maius dubiũ est, Vtrũ* simonia omnis sit prohibita de iure diuino, an aliqua sit solum iure positiuo. Durand. quidem in *4. dist.*

§. qđ. §. negat esse aliquam simoniam solum
de iure positiuo. Et probat aliquot rationibus:
sed duæ sunt potissimæ. prima, Si aliquid est
malum solum quia prohibitum iure positiuo,
nō est in alia specie nisi solum inobedientiæ.
ergo esset aliqua emptio, & uenditio illicita,
solum, quia ecclesia prohibuit, non esset ui-
cium simoniæ, sed solum peccatum inobedi-
entiæ. Et potest cōfirmari, Ecclesia prohibet uē-
di bona tēporalia ecclesiarū, & monasteriorū,
& tamen talis uenditio etiam contra ius, non
est simonia. Et hoc uidetur dicere S. Tho. 2. 2.
q. 104. arti. 2. ad secundum. Secūda ratio, Nam
simonia nō potest esse nisi de spiritali re. sed
non est ex institutione ecclesiæ, sed suapte na-
tura qđ aliquid sit spirituale, nec ne ergo nulla
simonia est solum de iure positiuo.

¶ In contrariū est cōmunis sentētia doctorū,
qui ponunt distinctionem, qđ aliqua sunt si-
moniaca de iure diuino, & aliqua de iure posi-
tiuo. Hæc est distinctio glossæ in c. ex parte de
officio delegati. quā sequitur Ioan And. & Ho-
tien. idem dicit Antonius de Butr. & Ioan. de
Imol. c. 1. de simonia. eandem ponit Archi. &
Adria. & Syluest. §. 2. & 4. & Caic. opus. de si-
monia. & in summa. & uidetur excerpta ex c.
Saluator. r. q. 3. ubi Urbanus papa determinat
simoniam esse emere, aut uendere quamlibet
rerum ecclesiasticarum, inter quas, aliquas
numerat,

numerat, quæ profectò nihil spirituale uidentur habere, ut est præpositura, & æconomia, ca-
staldanus, & aliqua huiusmodi. Palud. dist. 15.
q. 4. respōdet quidē ad rationes Duran. sed pu-
tat opinionem eius esse probabiliorem, & tu-
tiorē. ergo credo quòd distinctio iuristarum
in hac materia est bona, & necessaria. Quare
notandum, q̃ quæstio proposita, Vtrū omnis
simonia sit de iure diuino, potest dupliciter
intelligi. Vno modo in sensu cōposito. Vtrum
sit in potestate Ecclesiæ, quòd aliquis sit simo-
niacus, & tamen non sit illicitè, & quantum
ad hoc sit prima conclusio.

¹³ ¶ Nulla * simonia isto modo est prohibita
solū iure positiuo. Hæc patet clarè, Quia nō
dicitur simonia, nisi sit indebita emptio, aut
uenditio rei ecclesiasticæ, & sic est legitima.
nec hæc quæstio habet locum in isto sensu, sed
solū in sensu diuiso. hoc est, an aliquis con-
tractus, qui nunc non est simoniacus, sit simo-
niacus, uel possit fieri per ius positiuum. Et de
hoc sit secunda cōclusio.

¹⁴ ¶ Aliqua* sunt spiritualia, & solū iure posi-
tiuo. Probat, Vasa sacra, & uestes sacræ, in qua-
rum emptione non committeretur simonia, ni-
si haberēt aliquid spiritualitatis, ex hoc, quòd
ordinantur, & dicantur ad sacra, quæ solū ha-
bent ex institutione ecclesiæ. & ecclesia possit
facere, ut ista non essent dicata illi ministerio,
nec

nec essent uasa ad illum usum. præterea illa habent id ex dono Dei, & calix, & ara habent deuotionem, sicut templū. Tertia conclusio.

¶ Emptio * aut uenditio istorum est prohibita iure diuino. Hæc conclusio est cōtra doctores, ponentes illam distinctionem, qui illā simoniam prohibitam solū ponunt iure positiuo, ut uendere calices, & ornāmēta. Sed probatur conclusio, quia ministerium, & officiū illorum est uerè spirituale. ergo si ratione illius uenduntur, aut emuntur, est simonia, sicut uenditio aquæ est solū de iure positiuo, & tamen est uere spiritualis, & si ratione illius emeretur, esset uera simonia prohibita iure diuino, sicut si quis emeret ipsū sacramētū. & ita

ponit Maior & Syluest. & Ant. de But. & alii, qui uocāt simoniā solū iuris diuini, quoniā

est spirituale ex natura sua. Confirmatur clarè, quia etiam subdiaconatus, & fortasse diaconatus sunt in ecclesia solū de iure positiuo, & tamen non est dubitandum, quin cōsecratio illius ministerii emptā, aut uenditā, sit simoniaca de iure diuino, & ita est spiritualis consecratio ipsa calicis, sicut consecratio diaconi.

¶ Vnde infero corollarium, quod non minus est simoniacum de iure diuino recipere aliquid pro consecratione calicis, aut benedictione uestiū, quā pro cōsecratione sacerdotis. estque quarta cōclusio, Aliqua * simonia est om

Maio.

Syluest.

Anto. de bu.

est omnino præcise de iure positiuo: Quia ali qua sunt, circa quæ contingit simonia, quæ re uera nihil spirituale continent, neque ordina tur propriè ad aliquid spirituale, sed solû sunt annexa de iure positiuo rebus spiritualibus, ta lia sunt, quæ continentur in illo c. Saluator ut Oeconomia, Casteldanus, Præpositura, quæ omnia ordinantur potius ad administrationem temporaliû, quàm spiritualium: præterea ad ministratio hospitaliû, in qua nihil spirituale uidemus contineri. Et fortasse idem iudicium est de sepultura, quia non uidetur continere, nec ordinare aliquid spirituale: in istis, in quâ, nulla est simonia nisi quia propter concomi tantiam cum rebus spiritualibus prohibita sunt uendi. Et intelligatur differentia inter hæc & alia (de quibus in propria conclusione) dico quòd si calix consecratur, aut aqua benedica tur, sine quacunque noua prohibitione eccle siæ, erit simoniacum emere, aut uedere illa: sed administrationem hospitalis, aut officium pro curatoris, aut oeconomia ecclesiastica, nõ erit simoniacum emere, aut uendere, nisi quia ecclesia prohibuit, sicut posset prohibere. Confirmatur Sicut, simonia est quædam irre uerentia, & uiolatio rerum sacrarum, ita est sa crilegium: sed est sacrilegium aliquod, quia est prohibitû à iure diuino, si quis abutatur sacramentis, aut aliquid de se turpe in loco sa cro fa

cro faceret, aliquando autem est de iure positiuo, ut eripere hominem ab ecclesia, quod est præcisè de iure positiuo: ita etiam non inuenit, quod sit aliqua simonia præcisè de iure positiuo. Verum est, quod apud doctores antiquos, ut apud Altisiod. Alexand. & d. Thom. non inuenio hanc disputationem, nec unquam inuenio apud S. Tho. quod sit simonia emere aut uendere huiusmodi officia. *Armach. lib. 10. c. 16. dicit,* Quod si qua sunt officia, aut beneficia, quæ nullam curam omnino regiminis habent annexam, ordinantur omnino ad administrationem spiritualem: non uideo, inquit, in talium emptione & uenditione simoniam posse committi. Vnde & de præbendis canonicorum non inuenit modum quomodo possent emptiones aut uenditiones illarum esse simoniacæ, nisi capitula habeant specialem iurisdictionem, saltè in eos, qui de collegio suo sunt, & qui habet, ut ipse putat, auctoritatem prædicandi: unde reuera in illis officiis nihil est propriè spirituale, nihil simoniacum, sed tñ est prohibita iure. Cõfirmatur, Nam aliqua est emptio & uenditio nunc licita, quam si ecclesia prohiberet, esset simoniaca. Si enim ecclesia prohiberet propter reuerentiam sacramenti, ne calices uenderentur, etiam pro materia esset simoniaca. unde ergo aliqua simonia potest esse solùm de iure positiuo.

17 ¶ Sed est dubiū, An* circa ea quæ sunt iure spiritualia, & secundum se, & de iure diuino, sit aliqua simonia de iure positiuo, uel omnis sit de iure diuino. Est quinta conclusio, Aliquis contractus, uel permutatio spiritualis secundum se est simoniaca de iure positiuo. Probatur, Permutatio mutua beneficiorum sine auctoritate superioris est simoniaca, ut supra probatum est, & solum de iure positiuo: & beneficium est res spiritualis, saltem ubi est cura animarum. ergo. Antecedens probatur. Et primo ostendo, quod non est ita prohibitum de iure diuino permutare spirituale pro spirituali, sicut spirituale pro temporali. Patet, quia multa licent in permutatione præbendarum, quæ non licent in ordine ad aliquod tēporale. Primum licet dare beneficiū pro spe alterius, quod non licet pro spe temporalis concedi. Præterea licet cōuenire de permutatione. Præterea licet renunciare conditionali in fauorem alterius, qui permutaturus est, & nō aliter. Præterea licet exprimere causam. & in summa licet omnia facere quæ fierent, si cōmutaretur domus pro agro. Hoc excepto, quod per formam (ut aiūt) omnia referantur ad papam, uel episcopū. Hæc autem nec somnare quidem licebit, si quis uellet permutare beneficiū pro agro. ergo non est idem permutare temporale pro spirituali, & spirituale pro spirituali. dico autem hæc licere, id est,

est, sine uitio simoniæ fieri, non disputando de
alio peccato. Innoc. in c. quæsitum. tenet, quòd
in præbendis eiusdem ecclesiæ potest fieri per-
mutatio sine licentia superioris. Et quamuis
hoc non recipiatur, & oppositum teneat Ho-
tienf. & Ioan. de Imola in cap. finali de rerum
permutatione. & Io. Andreas, Quia in permu-
tatione rerum est noua collatio. ut in c. unico
de rerum permutatione, in 6. tamen signum est
quòd illud de se non est simoniacum. Præter-
ea doctores concedunt, quòd cum agitur de
sola permutatione, quòd potest fieri talis per-
mutatio ecclesiarum ut unus episcopus con-
cedat unam parochiam pro alia ad dirimendas
lites. Imò S. Thom. dist. 15. quæst. 3. artic. 3. ad
tert. dicit, quòd si permutationes huiusmodi
fiant pro aliquo terreno commodo, sunt si-
moniacæ, secus autem si sint pro commodo
spirituali. unde si est periculû de simonia, hoc
est propter temporale annexum. Præterea quis
dubitatur, quin iure posset concedi, q̃ permuta-
tiones, quæ fiunt autoritate superioris, pos-
sent fieri sola uoluntate partium saltem in ca-
su, & tunc non esset simonia cum quo nunc
est. Præterea principaliter probatur conclusio,
quia Actuum 8. certum est non condemnari
permutationem unius spiritualis pro alio, nec
Mat. 10. uidetur prohiberi nisi merces, uel pre-
tium temporale. ut patet ex eo, q̃ post illa uerba

Gratis accepistis, sequitur, Nolite possidere aurū, nec argentum. Et ita exponunt illum locum Hiero. Chrysost. Greg. Remig. & glossa, & alii doctores, nulla mentione facta de alia permutatione spirituali pro spirituali. nec in ueteri aut nouo testamento locus inuenitur, unde possit damnari, aut reprehēdi huiusmodi permutatio. Item rationes contra simoniam, nō uidentur procedere contra huiusmodi permutationes rerum spiritualium. non enim uidetur quid habeat inhonestū, ut componā tecum, ut ores pro me, & ego pro te, ut absoluas me, aut audias cōfessionem meā, & sis cōfessor meus, & ego sim tuus. nec sufficit dicere, quòd hoc est per modum pretii, quia certū est, q̄ non licet cōponere, ut absoluas me ut dem tibi pecuniam, eo modo, quo licet pacisci ut sis confessor meus, & ego sim tuus, maximè ubi ista fiūt pro maiori utilitate utriusq; ut tu legas in parochia mea, & ego prædicem in tua. Præterea ex hoc nulla iactura sequitur in republica Christiana, sicut in commutationibus pro rebus temporalibus. Præterea sicut superius arguebā, Sicut simonia est quædam iniuria, et abusus rerum spiritualium: ita sacrilegium. Sed circa res de se sacras est aliquod sacrilegium solū de iure positiuo, ut si quis celebrauit sine ara, & sacris uestibus, aut non ieiunus communicaret. ergo similiter erit aliqua simonia circa spiritualia de se sol

se solum contra ius positium. Præterea certum est, q̃ aliqua liceant nūc circa spiritualia per se, quæ essent simoniaca, si ecclesia prohiberet, ut exigere stipendium pro sacramento aut administratione sacramentorum, aut pacisci de pretio in necessitate (ut infra dicitur) quæ etiam & similia essent simoniaca, si ecclesia prohiberet. Innocent. Nerberius dicit, quòd in collatione beneficiorum potest prælatus pacisci, & exigere aliquid spirituale. Præterea doctores antiqui nil loquuntur de ista commutatione unius spiritualis pro alio, nec Magister sententiarum, nec Armacha. Præterea definitio cõmunis nil dicit de hoc. ergo uidetur quòd simonia, quæ cõtingit in permutatione unius spiritualis pro alio, nõ sit de iure diuino. unde nescio an certũ sit, quod dicit Ricar. q̃ si duo adulti paciscantur ut inuicem se baptizent, quòd sit simoniacum: potius credo, q̃ de se nõ esset illicitum: & cum de hoc nõ habeatur spiritualis prohibitio, nisi in materia præbendarum, puto q̃ non est formidandum in illis spiritualibus cõponere uel pacisci: quare nõ uideo quòd simoniacus esset, si cõmutaretur calix consecratus pro ara consecrata ratione confractionis, aut reliquiæ beati Petri p̃ reliquiis beati Dominici. Maior in 4. Maior. d. 25. q. 5. ad 4. dicit, quòd translatio & permutatio beneficiorũ non est simoniaca, sed p̃pter periculũ simoniæ, & fraudis, iura hoc prohibet.

Et simpliciter unum spirituale pro alio non est illicitum. Ex his patet, quod proprius loquitur est Duran. quam alii, ut Maior. quia Duran. non admittit simoniam nisi circa uere spiritualia, nec meminit simoniae in aliis officiis, neque spiritualis pro spirituali. unde negat distinctionem. Et Maior, qui negat simoniam circa illa officia uel circa spiritualia pro spirituali, debuit etiam non recipere distinctionem. Imò Maior dist. 25. quaest. 6. dicit, quod in spiritualibus aliis licet commutare unum spirituale pro alio, ut missam pro psalterio. Ex quibus omnibus sequitur corollarium primum, In spiritualibus solum improprie, & de iure positiuo, ut de hospitalitatibus, de sepulturis, de officiis ecclesiasticis, quae nil spirituale continent, ad iudicandum, an aliquis contractus sit simoniacus, habenda est solum ratio & consideratio iuris positui. quidquid enim iure conceditur, permittitur in ecclesia per se loquendo. unde circa illa quando non est certum utrum sit simonia, consulendum est ius scriptum, atque adeò si non constet esse simoniam, declarandum est potius in partem mitiorem, & absoluendum magis, quam condemnandum, maximè cum agitur de poena & restitutione, quidquid dicat glossa. Secundum corollarium, Eodem modo in permutationibus spiritualium pro spirituali si non est damnatum iure positiuo, non est damnandum, nec extenden

tendendum, sed potius restringendum, quia est odiosum. Tertium corol. Circa spiritualia propriè spiritualia, siue de iure diuino, siue positiuo ubicunq; interuenit pretium temporale, nil opus est consulere ius posituum, sed iudicandum est iure diuino. Ex his patet distinctione illam Iuristarum de simonia, de iure diuino & positiuo esse necessariam, & utilem in hac materia, si sanè intelligatur. Ad argumenta autem in cōtrarium respondetur ad primum, Falsum assumitur, & contra totam philosophiā moralem. Sicut enim lex diuina cōstituit aliquid nō solum in specie obediētię, aut inobediētię, sed in specie alteri⁹ uirtutis determinatę, ita & lex humana. Et sicut est intemperantia, quia prohibitum lege diuina, ita comedere carnes in quadagesima nō est inobediētia, sed intēperantia (nisi fiat in contemptum) sicut extrahere hominem ab ecclesia nō est inobedientia, sed uerum sacrilegium. Ad confir. dico, q̃ ecclesia nō prohibet uendi bona ecclesiastica tanquam sacra, aut ecclesiastica, sed sicut prohibet uendi bona pupillorum: & ideo non est simonia, quia non sunt ad ministeria spiritualia, sed ad sustētationem tēporalem. Ad secundum, dato, q̃ ita sit, q̃ ecclesia non posset facere spirituale per legē quod non erat spirituale, potest tamē annectere spiritualibus, & eisdem legibus subiicere, & ita facit de aliquibus, ut supra expositum est, &

hoc satis est, ut sit contractus simoniacus, de iure solum positivo. Sed an in permutationibus præbendarum, si aliqua præbenda est pinguior, possit aliqua pecunia interuenire ad cõpensandum tẽporale, ut de præbenda mille aureorum in redditu pro præbenda quingentorũ aureorũ, an liceat cõponere, ut des mihi mille aureos, quod dicuntur pensio pecuniæ numeratæ? Respõdit Angelus in sũma, in uerbo, pmutatio. §. 6. dicẽs hoc notasse Panor. in c. ad quẽst. de rerũ pmut. quando, scilicet, datur ratione tẽporalium, scilicet si ratione iurium, aut dignitatis spiritualis, quæ est maior in uno, quàm in alio. Sed Adri. quotl. 9. ad 8. principale, dicit Angelũ uehementer errasse in hoc, nec Panor. unquã hoc cogitasse, nec tex. loquitur de tali cõpensatione unitus præbendę cũ alia, sed de permutatione possessionum, quę possidẽtur iure proprietario, quę uendi possunt per se, & per consequens permutteri, sed nõ beneficiis admixtæ. Probatur. Nam si quis permutaret præbendam nullum habentem redditum, posset dare mille aureos ut haberet præbendam ducetorum aureorum in redditu, non dubito quin sit falsã opinio Angeli. Postquam ergo ita est, quòd simonia est illicita non solũ iure diuino, sed humano, dubitatur, quis primus hoc crimen inceperit. Videntur enim doctores dicere, quòd primus author & inuentor fuit Simõ ille dãnatus à beato Petro, quod

quod ex ipso nomine apparet: & uidetur quòd
 in lege naturæ cadere nõ potuerit, cum illic nõ
 esset aliqua potestas propriè spiritualis. Sed his
 non obstatibus est prima cõclusio. In* lege scri
 pta potuit esse, & fuit hoc uitiũ. Probatur, quia
 erant sacramenta, & sacerdotia, quæ licet nõ habe
 rent illam efficaciam spirituale, quæ habent in
 lege Euangelica, tamen erant ordinata ad il
 lum finem spirituale, & per consequens ne
 gotiatio illorum erat prohibita iure diuino. Et
 quòd ita fuerit, patet de Giezi 4. Reg. 5. de quo 4. Reg. 5.
 legitur, quòd accepit duo talenta à Naaman
 principe militiæ regis Syriæ, quæ Eliseus à lepra
 curauerat. & de Hieroboam, de quo legitur 3.
 Reg. 13. quòd fecit de nouissimis populi sacer
 dotes excelsorum, & quicumq; uolebat, imple
 bat manum suam, & fiebat sacerdos. Etiam 2. Mach. 4.
 Machabæorum. 4. de Iasone fratre Oniæ legi
 tur, quòd dedit Antiocho argenti talenta tre
 centa sexaginta, ut fieret sacerdos. & 2. Macha.
 4. legitur de Almachio, quòd uenit ad regem
 Demetrium, offerens coronam auream, & pal
 nam, ut cõstitueretur ab eo summus sacerdos,
 quod & factum est. Omnes (inquam) illi uno
 peccato peccauerunt cum Simone mago, quan
 quam de omnibus illis, saltè de Giezi, Hierob.
 & Iasone uideatur posse dubitari. Nã si Giezi
 fuit simoniacus qui recepit, ergo & Naaman
 qui dedit uiginti talenta, qui tamen non repre
 henditur

*Adrian.
Palud.*

August.

henditur à Scriptura. Ad hoc respondet Ar-
machanus lib. 10. ca. 21. quòd (ut constat) Naa-
man gratis dedit ad sustentationem uiri San-
cti. Sed Gihezi fraude accepit, dicens se ab
Elisæo missum, ut peteret ab eo. Sed maius
dubium uidetur de Hieroboam & de Iasone,
qui nullam potestaté emerunt, aut habuerunt,
cùm essent Sacerdotes idolorum, & potesta-
tem acceperunt à tyrannis, qui nullam dare
poterant. Ad hoc *Adria.* in quotl. de Hierob.
& *Palud.* in 4. etiam de Hieroboam & Iasone
dicit, quòd re uera ita est, quòd quanquam
tantum fuit ex obedientia, nullum peccatum
fuit simoniæ, sed fuit ex intentione: quod suf-
ficit & ad peccatum quantum ad speciem, &
quantum ad culpam. Vnde & beatus August.
l. q. 1. dicit q̃ ignis sacramenti, qui per septua-
ginta annos Babylonicæ captiuitatis sub aquis
uixerat, extinctus est Antiocho uendente sa-
cerdotiũ Iasoni. ¶ Secunda cõclusio, In *le-
ge naturæ potuit esse aut fuit peccatũ simoniæ.
Probatur, quia fuit uerum Sacerdotium, ut pa-
tet de Melchisedec. Gen. 14. & ad Hebrę. 7. &
in Psal. 109. ergo negotiatio esset simoniaca:
& propterea non est dubitandum, quin habe-
rent multa sacramenta ordinata duntaxat ad
finem & salutem spiritualem, & per conse-
quens emptio aut uenditio illorum esset si-
moniaca de iure diuino. Et quòd etiam fuerit,
patet

patet de Balaam propheta, Nume. 22. & 2. Petri 2. & in Epistola Iudæ. licet de Balaam possit dici, quòd non peccauit, nisi quia iniquus uoluit agere contra Israël. ¶ Dubitatur, an * inter Paganos, & idololatrias potuerit esse hoc crimen simoniæ. Videtur enim quòd non, cùm nulla potuerit esse apud eos potestas spiritalis, nec aliquid uerè spirituale. Ad hoc respondet tertia conclusio, ¶ Emptio * aut uenditio apud idololatrias non solum fuit ex intentione, sed etiam ex obiecto uerum crimen simoniæ. Probat, Nam, ut disputauimus in quadam relectione, in lege naturæ erat potestas apud populum, aut apud principes constituendi uiros Sacerdotes, quomodo etiam fuit Melchisedec, neque propter idololatriam amiserant hanc potestatem: ita quòd Sacerdotes gentilium erant ueri Sacerdotes, id est, habebant legitimam facultatem gubernandi populum in spiritualibus, quanquam illi abuterentur illa potestate ad cultum dæmonum: & ita negotiatio, & ambitio illorum erat peccatum pro tali sacerdotio, & eiusdem rationis, sicut nunc est. Vide autem quòd Hieroboam & Iafon non fuerunt simoniaci nisi solum ex intentione, non, ut putant Adrian. & Palud. propter quod illa essent sacerdotia idololorum, sed reuera: quia nec Hieroboam, neque Antiochus tradere poterant talem potestatem,

Simonia

apud infideles inuenitur

Apud gentiles erant uiri sacerdotes

tem, cum essent tyranni. Et ex his patet, quod
 & Cæsar, & illi, qui per largitionem cōsequuti
 sunt inter suos sacerdotia, idem peccatum pec-
 cauerunt sicut Simon. Secus autem uidetur
 iam uel apud Iudæos, uel apud Paganos, apud
 quos expirauit omnis potestas spiritalis, at-
 que adeo non uidetur quod esse possit pecca-
 tum simoniæ ex obiecto, sed adhuc circa defi-
 nitionem propositam, sicut determinatum est
 quid pro spiritali intelligatur. Est dubium
 longū & graue, quid pro temporali intelliga-
 tur. Postquam constituimus non esse simo-
 niacum per se & iure diuino, nisi interueniat
 aliquid temporale, descendendo distinctius,
 22 quæritur, An * si quis timore, consanguinita-
 te, precibus, fauore, aut obsequio recipit, ut
 administret spiritalia, sit simoniac⁹. Et primo
Bonauen. de timore d. Bonauē. 4. d. 25. tenet, quod dare
Durand. beneficium ratione timoris, est simonia. Præ-
 terea Durand. dist. 25. q. 4. dicit quod etiam si
Adrian. det digno, quo ad Deum est simoniacus. Idem
 dicit Adria. quotl. 9. art. 2. & proponit non so-
 lum ratione timoris de malo temporali, sed
 etiam ratione indignationis. Idem habet An-
Angelus. gelus, uerbo, simonia. §. 3. & Maior expresse, d.
S. Thom. 15. q. 3. Et Sanct. Tho. in 4. d. 25. q. 3. ad 3. dicit
 quod si spiritaliter mouetur propter timorē,
 manifeste est simoniacus. Præterea ex c. nemo.
 de simonia. Et probatur, quia qui taliter dat,
 non

non liberaliter dat, ego est simoniacus. & Cicer. 2. Rhetoricorum, Qui metu mortis facit, non liberaliter facit. Sed hoc non obstat. *Rhetori.* te est prima conclusio, ¶ Conferre * spirituale sine respectu ad illud commodum, uel incommodum, timore indignationis, non est simoniacum. Probatur. Talis dat gratis, id est, non pretio aliquo modo, ergo nō est simoniacus. Probatur, quia ex hoc, quod aliquis timeret offendere regem, non recipit, aut amittit aliquid temporale. Præterea si quis timore orat, celebrat, confitetur, non est simoniacus, neq; qui absoluitur, & tamen hæc sunt maximè spiritualia.

¶ Secunda conclusio, Non * uidetur malum dare spirituale digno ex timore. Probatur eodem modo, quia neq; celebrare, neq; communicare ex timore, est peccatum. Tempore enim quō aliās non teneor communicare, aut confiteri, si timore pœnæ impositæ à prælato confiteor, nullum est peccatum. Suppono enim in præsentia, quod opus ex timore seruili aliās bonum, non est peccatum, contra Lutheranos. Præterea facere ista ad uitādum pœnam inferni, non est peccatū, quia timor etiam seruilis est donum Spiritus sancti, secundum S. Thom. 2. 2. q. 19. artic. 4. & 6. & glos. ad Rōm. 3. Præterea incutere istum timorem, ut arguebam, est bonum. Vt si Papa minaretur Episcopo

po exilium, aut carcerem, nisi dignos promo-
ueat. ergo. ¶ Tertia conclusio, Idem etiam ui-
detur inditium de timore mali temporalis, ut
uitæ, aut exilii, aut carceris, dum modo hoc
non redundet in aliquod commodum tem-
porale, ut sit ex pacto aut aliquo modo per
modum pretii, ut tyrannus comminatur Epi-
scopo exilium, nisi Petrum ordinauerit. Pro-
batur eodem modo, quia gratis dat. Præterea,
incutiens timorem, non est simoniacus. ergo
nec patiens crit. Præterea, si esset lex, quod
Episcopus prouidens indigno soluat decem
marchos argenti, lex esset iusta. ergo Episco-
pus, qui illo timore prouidit digno, non est si-
moniacus. Præterea, quia tunc talis collator
incurreret pœnas excommunicationis, et alias
pœnas iuris, & recipiens beneficium teneretur
restituere. Hæc autem nec authores con-
trarii audent dicere, neque est in usu. Probatur
consequentiâ. Nam pœnæ latæ sunt aduersus
simoniacos in ordine, aut beneficio absolutè
sine distinctione. Præterea, quia in illo capit.
Saluator. 2. quæst. 3. ubi Vrbanus Papa latè tra-
dit modos & species simoniæ, nullam men-
tionem facit de timore. Præterea, si quis nol-
let conferre digno, nisi timore, quia tamen
uolitione conditionata, & uitiosa, hoc non
esset simoniacum, sed acceptio personarum,
uel aliud peccatum. Et nihilominus uelle dare
digno

digno ex timore pœnæ, imò ad uitandum pœnam adhuc esset bonum. Si autem talis timor resolueretur ad commodum, aut ad pretium temporale, credo quòd esset simoniacum, ut si princeps daret Episcopo salarium, aut stipendium, & Episcopus timens perdere, uelut de nouo haberet, conferret beneficium, esset peccatum simoniæ. Sed nec hoc uidetur certum, maximè si iste finis sit mediatu, puta uel timeret perdere amicitiam, uel munera Regis, uel sperat fieri amicus. ¶ Ad argumentum ex autoritate Sanct. Thom. respondeo, quòd intelligit de simonia largo modo, & in propria. Fateor enim quòd cùm respectu aliquo temporali fit administratio spiritualium, est peccatum à fine, sed non est simonia damnata à Christo, uel à Petro. Vel dicere uera, quòd Sanct. Thom. in 4. sequutus est opinionem sui temporis, quam postea reliquit in Summa. Imò Sanct. Thom. quæst. 100. suprà, per hoc probat, ut statim dicam, quòd conferre ratione consanguinitatis, non est simoniacū, quia non est illic emptio, aut uenditio, sine qua non est simonia, sed neq; quando fit ratione timoris. ergo nec hoc est simonia, cùm hæc uidetur esse sententia Caiet. in Summa, tit. de simonia. ¶ Dubitatur, An* collatio spiritualis ratione consanguinitatis sit simonia, Beatus Bonauent. dist. 25. tenuit quòd sic

fic. Et fuit opinio Parisiens. ut recitat Altisiodoren. idem Glos. cap. unico. ubi reprehendit Innocen. 3. Archiepiscopum Mediolan. quòd beneficium còtulerit in fauorem carnis. Glosa autem hoc dicit esse simoniam. & in capit. nemo. de simonia. dicit, quòd est simonia, si quis ex affectu consanguinitatis admittit impoenitentem ad sacramenta. Maior. dist. 2. q. 3. expressè id habet. Nihilominus est prima conclusio, ¶ Conferre * beneficium intuitu consanguinitatis, non est simoniacum. Hæc est S. Thom. q. 100. art. 5. ad 2. & Altisiod. ubi suprà. Et ratio est, quia gratis dat, & non est emptio. aut uenditio. Præterea si collator est simoniacus, ergo & qui sciēter eo intuitu recipit, quod nemo dicit, neq; talis damnatur ad restitutionem. Imò in cap. nec ecclesia. bene reprehenditur Archiepiscopus. Primum quia retinui sibi prouentus beneficii, quod contulerat, & hoc còdemnat tanquam simoniacum. Secundum est, quòd affectu carnali hoc fecisset, & hoc non dicit esse simoniacum, quanquam esset turpe, unde maius argumentum sumitur ex illo cap. quod non sit simoniacum: secundum amicitia consanguinitatis est honesta. ergo

28 ¶ Secunda conclusio, Si * quis conferat beneficium consanguineo aliàs idoneo quantumcunque motus à consanguinitate, non peccat mortaliter. Quod uidetur còtra Altisiodoren

qu

qui quamuis dicat nō esse simoniacum, tamen dicit esse mortale. Probatur, Actus ex obiecto est bonus, & circumstantia non est mortalis. ergo neq; actus. Sed opinio Altisiodor. est probabilis, quia uidetur notabilis iniuria. Præterea, fundare beneficium pro consanguineis, est licitum, ergo. Præterea, lex de patrimonialibus est licita, ergo. Præterea, dare extraneo ratione nobilitatis, atque alia humana ratione, nō est mortale. ergo nec ratione consanguinitatis. ¶ Tertia conclusio, Pontifices parati ad dandum beneficia consanguineis sine deliberatione, peccant mortaliter. Probatur, quia cōmuniter omittunt digniores, imò plurimi, qui non sunt digni, & saltem tales Episcopi gerunt propositum conferendi consanguineis qualescunque sint. Et præterea est magnum scādalum in ecclesia, & quidem dant pluribus occasionem dandi indignis. ¶ An cōferre beneficia propter preces principaliter est simonia? Glossa in c.ordin.2. quæst.1. dicit esse simoniā, saltē si preces sunt per se. Et probat ex illo c. ubi Greg. quart^o dicit, ordinationes in p̄tio, uel prece, uel obsequio factas, esse falsas. Et eadem quæst. c. si non multi. expressē dicit, quod in ordinationibus pecuniam quidem non recipiunt, sed summa in fauorem, aut gratiam, aut laudem aucupantur, gratis acceperunt, & non gratis dant. Et in c. Saluator.

Gregor.

n

1. quæst

1. quæst. 3. dicitur, quòd munus linguæ, uel pē-
Innocent. cunīa, uel obsequiū facit simoniam. Sed Inno-
 cent. c. neq; tuam de ætate & qualitate. dicit,
 quòd quomodocunque interponantur pre-
 ces, siue pro digno, siue pro indigno, si non
 interueniat aliud temporale, non est simonia.
 Quem sequitur Cardin. ibidem. Et idem Ho-
 stiens. licet sit turpe, & quasi simoniacum. &
Hostiens. Panorm. eod. cap. tuam. dicit, quòd in eodem
 casu, in quo glossa dicit esse simoniacum, non
 est simonia, nisi quis intendat obligare colla-
Adrian. torem. Adria. tamen in suo quotlib. sequutus
 glossam dicit, quòd inducere preces, ut colla-
 tor tanquam fauorabilis accipiat, est simonia-
 cum, & collatio simonia, etiam si sunt pro di-
 gno, & in beneficio simplici. Et probat, quia
 in dicto. c. tuam. tradunt doctores, q̄ qui pro-
 pter adulationē dat, est simoniacus. Præterea,
 quia talis pluris æstimat precem, quàm pecu-
 niam, & fauorē, quàm pretium. Et addit Adria.
 hanc esse opinionem theologorum, ut S. Tho.
 & Duran. Idem habet Maior q. 3. & Palud. Imo
 addit, si est paratus dare uni, & propter preces
 det digniori, est simoniacus. Hoc uidetur con-
Syluest. cedere Syluest. eodem tit. §. 13. dist. 16. Non re-
 fert, inquit, quantum ad Deum, an pro digno
 sint preces, uel pro indigno, licet quo ad eccle-
Durand. siam referat. Et idem expressè tenet Durand.
 d. 25. q. 4. ubi dicit, quòd siue preces fiant pro
 digno

gno, siue pro indigno, si principaliter mouetur
 collator fauore rogantis, quantũ ad Dei iudi-
 cium, simoniam committit propriè capiendõ,
 atque etiam incurrit pœnam iuris. Idem dicit
 Palud. q. 5. art. ult. Idem uidetur habere Arma-
 cha. lib. 10. art. 18. & S. Tho. dist. 25. quæst. 3. art. 3. *S. Thom.*
 3. dicit enim, quòd quicumque dat spirituale
 pro temporali cõmodo, est simoniacus. Idem
 uidetur habere 2. 2. quæst. 100. art. 5. ad 3. Tem-
 porale autem commodum, inquit, uel est ex
 parte animæ, sicut amicitia, uel fauor aliquis.
 Et ad tertium dicit contra canonistas, quòd si
 collatio fiat propter preces ad habendum fa-
 uorem, uel amicitiam, aut laudem, uel ut uitet
 pericula: manifestè, inquit, est simoniacus, siue
 pro se, siue pro alio, siue pro digno, siue pro
 indigno. Nec uidetur discessisse ab hac sententiã
 2. ubi suprà, ubi uidetur idẽ sentire. Et ratio
 eius est, quia fauor, uel amicitia humana, aut
 laus est æstimabilis pretio, & per consequens
 cadere potest sub ratione emptionis & uendi-
 tionis. Sed bona uenia tantorum uiuorum in
 hac parte libentius sequeretur sententiam cano-
 nistarum, & ideo respondeo probabiliter per
 conclusiones. ¶ Prima conclusio, Illicitũ * est
 conferre spiritualia ad captandum quodcunq;
 commodum non spirituale, siue digno, siue
 indigno, ut ad captandum amicitiam, laudem,
 fauorem. Ista est omnium doctorum: & sa-

tis probatur ex dictis in cap. Saluator. & in c.
 nemo. & in c. sunt & nonnulli. & quia uidetur
 esse cōtra dictum Domini, Matt. 10. Præterea
 quia omnes rationes, quæ sunt contra simo-
 niam pecuniarum, uidentur procedere contra
 istam. Primo, quia facit iniuriam rebus sacris,
 tam uili eas æstimando. Præterea, quia hac uia
 ecclesiæ bona uenirent ad potentiores, & non
 ad meliores. Præterea, quia sunt bona com-
 munita, & per consequens est acceptio perso-
 narum distribuere per fauores, & amicitias hu-
 32 manas. ¶ Secunda conclusio, Nescio * an hoc
 ipsum sit mortale, si aliàs collatio fiat digno.
 Probatur, Nam stando saltem in iure diuino.
 sperare, aut optare laudem humanam, aut fa-
 uorem ex aliis actibus spiritualibus, ut ex præ-
 dicatione, celebratione sacrificii, & collatione
 sacramentorū, neq; uideo cur ista condemner-
 tur de mortali, cum solum uideatur uana glo-
 ria, quæ est de numero uenialium. Dixi, stan-
 do in iure diuino, quia fortè ecclesia uoluit ita
 expresse prohibere. ¶ Tertia conclusio, Non
 33 * puto hoc peccatum esse propriè simoniam.
 Dico propriè, quia Dominus nō condemna-
 uit, aut beatus Petrus, neq; condemnatur ab
 ecclesia. Hanc puto esse sententiam domini
 Caietan, in Summa, uerbo, simonia, notabil
 quinto, ubi dicit, quòd triplex est muneris
 genus, ab obsequio, à lingua, à manu, ad ho-
 u

ut simoniam constituat punitam ab ecclesia,
 exigitur, quòd pretii rationem habeat, & pro-
 pterea si laus, adulatio, preces non per modum
 laudis, adulationis, pretii, concurrant, quan-
 tumcunque sint nephariæ, carnales, & pro in-
 digno, & efficaces: ita quòd inducant prælatus
 ad donandum beneficium, ad conferen-
 dum ordinem, simonia propriè non incurritur,
 quia uerè nulla est hic emptio, aut uendi-
 cio. Et primò contra distinctionem glossæ ar-
 guitur, nam certè si fundere preces per se est si-
 moniacum, ut ipse dicit, ergo & pro alio: & si
 pro digno, ergo & pro indigno. Præterea, ad-
 ministratio aliorum spiritualium propter fauo-
 rem, & gratiam consequendam, non est simo-
 niacum, & hæc sunt maximè spiritualia, quàm
 officia ecclesiastica. ergo neque collatio bene-
 ficiorum. Præterea, secundum illud essent simo-
 niaci, qui etiam post factum laudarent, aut fa-
 uerent alicui ratione prædicationis, aut alte-
 rius ministerii spiritualis, quod nemo conce-
 deret. Præterea, si quis offerat sacrificium pro-
 pter consequendam salutem spiritualem, uel
 potius temporalem, uel pro fructibus terræ,
 nullo modo esset simoniacus, quare ergo pro-
 pter fauorem aut laudem? Præterea, tales non
 incurrunt pœnas simoniacorum, neq; tenen-
 tur ad restitutionem. Vnde Palud. ubi suprà *Palud.*
 dicit, quòd qui consequutus est beneficium

propter preces carnales à se uel ab alio interpositas, si est dignus, non tenetur restituere, sed debet pœnitere de corrupta intentione. Ex quo patet, q̃ irrationabiliter idem ipse dicit, quòd si est indignus, debet resignare, quia certè nihil facit ad simoniam, an collatio fiat digno, uel indigno, nequè est mihi uerisimile, quòd ecclesia in hac materia uoluerit de nouo aliquid prohibere, præterquàm quòd Christus prohibuit. Imò in d.c. Saluator. 1. quæst. 3. ex illo Matth. 10. Urbanus Papa probat triplex munus, scilicet, à manu, à lingua, ab obsequio esse simoniã, unde nihil de nouo uidetur con-

34 stitutum. ¶ Quarta conclusio, Si * preces, uel fauor, uel laus resoluerentur tanquam pretium in aliquod tēporale, clarum est, quòd esset simoniacum. ut si Pontifex pro collatione beneficii ecclesiastici exigeret fauorem apud principem ad consequendam dignitatem temporalem, aut redditus consanguineis suis, aut laus ad consequendam pecuniam, uel aliquid simile. Et patet, quia nil refert quod pretium detur mediatè uel immediatè pro re spiritali. Hæc est Innocent. & Cardina. ind. c. tuam. de ætate & qualitate. ¶ Quinta conclusio, Si 35 * preces, fauor, uel laus, aut amicitia deducuntur in pactum, fortè esset simonia, quamuis hoc non habeo pro certo. Sed uidetur, quia tunc cederent per modum pretii. Et ita uidetur

tur sentire Caietanus ubi suprà. Totum hoc confirmatur de consanguinitate, timore, precibus, quia ista essent simonia. Omnis acceptio personarum, imò omnis inordinata distributio spiritualium, esset simonia, quia semper fit ex aliquo motiuo, & non spiritali. Ad authoritatem S. Thom. respondeo, quòd intelligit, cum preces, & alia interueniunt, sicut in 4. & 5. conclusione dictum est. Et in summa puto, quòd temporale in materia de simonia solum intelligitur quod est subiectum auaritiæ. Nam peccata multa solent contingere in administratione spiritualium. Sed in hoc erratum est, quòd uolunt de peccato facere simoniam in hac materia. Itaque simonia est dare, uel accipere aliquid spirituale pro bono aliquo utili, hoc est, facere quæstum de spiritalibus. Præterea, dico de munere ab obsequio per conclusiones.

¶ Prima conclusio, Cum * obsequium est pecunia æstimabile, ita quòd tandem resoluitur in commodum temporale, pro tali obsequio conferre officium ecclesiasticum est simoniacum. Verbi gratia, Si Episcopus releuatur à salario ministrorum, quod aliàs erat daturus, & ea ratione dat beneficia, simoniacus est. Hæc propositio uidetur nota, quia nihil uidetur referre, an pretium temporale mediatè uel immediatè interueniat. & ut Aristot. dicit 3. *Aristotel. 3. Ethic.*

Ethicorum, quidquid pecunia est æstimabile, pecunia uocatur. Et confirmatur de consanguinitate, timore, precibus, quia si ista essent simoniaca, omnis acceptio personarum, imò omnis inordinata distributio esset simoniaca, quia semper mouetur ex aliquo motiuo, non spiritali: & certum est, quòd Episcopus in tali casu non gratis dat, & ministri uolunt cum simonia donum Dei pecunia, id est, pecunia æstimabili possidere. ¶ Secunda conclusio, Si non adsit pactum expressum, uel tacitum, non puto incurrere pœnam iuris, neque esse obnoxium restitutioni, sed esset simonia mentalis, quia releuatur à restitutione. unde in capitulo mandato. extra. de simonia, non condemnatur. Nescio tamen an excusatur à pœna iuris & restitutione, quando inter alias conditiones prælatus hoc etiam addit familiari futuro, habens intentionem prouidendi, Dabo tibi in beneficiis usq; ad centum ducatos, uel dabo tibi salarium quinquaginta aureorum, quousque dederò tibi beneficium centum aureorum, ita quòd alia ratione alius nō iret in obsequium & famulatum Episcopi. hæc inquam uidentur malè sonantia, & certè periculosa: quia certè si talis Episcopus illis uerbis alliceret, quanquam donaret equum, non excusaretur à simonia. ergo si petens salarium illa conditione inducit ad remittendum, non

non uidentur excusari tales. ¶ Tertia conclusio, Præstare * obsequium ad consequendam beneuolentiam Pontificis, ut illa ratione posset consequi quis beneficium, quamuis credam esse illicitum, si tamé absit quodcunq; pactum, & obligatio, nō est simoniacum, quia tale obsequium non interuenit per modum pretii. Et hoc intelligo, etiam si hac ratione releuetur Episcopus à salariis pecuniariis, & postea beneficium conferat: itaque postea conferat, tanquam ex beneuolentia, & nō tanquam ex obligatione. Sicut etiam dare Episcopo munera ad consequendam beneuolentiam cum spe consequendi ecclesiastica beneficia cum tali beneuolentia, uel ex tali beneuolentia, turpe quidem & nepharium est, sed non simoniacum. Vtraq; conclusio uidetur ex mente Caiet. ubi suprā dixi uerò, quòd est illicitum quærere hac ratione beneuolentiam: quia si uellet esse familiaris, ut cognosceret facultatem, & idoneitatem eius, uel quia Episcopus etiam cōuenienter dignitates non dabit, nisi familiari, non uidetur illicitum.

¶ Dictum est utcunq; de peccato simoniæ in genere. Nam determinare casum in particulari, esset conatus laboris immensi: quanquam ex potioribus, & ex quibus explicatio aliorum possit haberi, aliquid dicemus. Sed prius, quia dictum est, q̃ simonia ex aliqua parte dependet

ex iure positiuo, & maximè ex autoritate
³⁸ summi Pontificis. ¶ Dubitatur utrum* summ^o
 Pontifex possit esse simoniacus. Et uidetur q^d
 nō, quia saltem beneficiorū & officiorum ec-
 clestasticorum ipse est dominus, sicut domini
 Iuristæ dicunt quod potest conferre pro suo
 arbitrio, neq; tenetur dare gratis. Nam una ra-
 tio, quæ affertur contra simoniacos, est, quia
 uendunt quod suum non est, quæ ratio non
 procedit contra Papā. Duran. ubi s. dicit, quod
 in quocunq; casu alius esse simoniacus, simili-
 ter summus Pontifex esset. Quem sequitur Pa-
 lud. ubi suprā. & S. Tho. in 4. ubi suprā, quæst.
 3. artic. 3. ad secundum, sine distinctione dicit,
 quod opinio, quæ dicit Papam non posse esse
 simoniacum, esse erroneam, sed quod potest
 Syluest. esse simoniacus sicut alius homo. Syl. §. 4. post
 Anto. de Anto. de Bu. & Hostiens. dicit, q^d Papa potest
 But. esse simoniacus in his, quæ de se sunt simonia-
 Hostiens. ca. Ratio canonistarū, & theologorū tenētium
 illam opinionē, est, q^d leges non obligāt legis-
 latores, ff. de legi. uel principes. & 6. q. 3. c. cun-
 cta. Panor. 1. de simonia, & Cardi. Respondeo
³⁹ per cōclusiones. ¶ Prima conclusio, In* simo-
 nia quæ est iuris diuini, æquè uel grauius po-
 test Papa esse simoniacus, sicut ali^o homo. Hęc
 nota est, quia nō est supra ius diuinū. In his au-
 tē quæ nō sunt uerè spiritualia, sed sunt annexa
 spiritualib^o solū iure humano, Papa posset ex
 ratio

rationabili causa sine uitio simonię cōferre pro temporalibus. Hęc probata est suprà, quia nil habent spiritualitatis, ut officiũ hospitalitatis, uel procuratoris, ut suprà expositum est. Et idem uidetur de officio Sacristę, & fortè de sepultura, & de aliis huiusmodi, quę profectò pauca sunt, & in illis quancūq; alius esset simoniacus. Si Papa sine rationabili causa faciat contractum aliàs simoniacum, grauiter peccaret. Hęc probatur, quia ut Sanct. Tho. probat *S. Thom.* 12. q. 96. art. 5. princeps est solutus suis legibus quo ad uim coercitiuam, sed non quo ad uim directiuam, & est subditus legi, ex æquitate naturali, ut habetur, extra. de constitutione, c. cū omnes. Quisquis ius in altero statuit, ipsi eodem iure uti debet, ut Sapiētis dicit auctoritas, Patere legem, quam ipse tuleris. Atque etiam improprianter, qui dicunt, & non faciunt, quia aliis onera grauiā imponunt. & ipsi nec digito uolunt ea mouere, ut dicitur *Matth. 23* Vnde, inquit Sanct. Tho. quātum ad indicium princeps non est solutus à lege. & dixi grauiter peccare: quia fortasse neque à mortali excusatur, & quia uendit non sua, & ratione scandali, & ratione iniurię, quam aliis facit, cogendo ad ius, quod ipse tenere non uult. Et idem iudicium de omnibus aliis, quę sunt iuris positiui. Vnde qui sine causa rationabili petunt dispensationes à Pontifice, dato quod adepti

adepti sint dispensationem, fortè excusantur, non tamen excusantur malè petentes, & quia Pontificem inducunt ad peccandum, quamuis Doctores dicant, quòd circa ea, quæ sunt iuris positiui, Papa posset peccare alio peccato, scilicet acceptione personarum, uel auaritiæ, non autem simoniæ. Videtur tamen, quòd illud sit peccatum simoniæ. Nam sicut peccaret peccatum intemperantiæ, si sine rationabili causa non ieiunaret, aut duceret uxorem, quæ sunt de iure positiuo. licet huiusmodi propositiones teneat glossa in cap. ex parte. Antonius de Butr. & Ioan. de Imola, & Cardin. in c. i. de simonia. Vnde est corollarium, Eodem modo potest Papa dispensare rationabili causa cum aliis in his quæ sunt simoniaca iure positiuo, & circa spiritualia, unde posset dare facultatem cõmutandi sine noua licentia. ¶ Sed ex primo dubio de obsequio oritur dubium, Vtrum

40 * hoc ipsum, scilicet sperare beneficium spirituale ex officio temporali, sit simoniacum. Ad hoc respondent Doctores, quòd sperare principaliter est simoniacũ, sed sperare minus principaliter, non est simoniacum. Sed parum expedit, quòd sit principaliter, uel minus principaliter. & ideo melius est ut distinguatur, mediata, uel immediata: quia si immediata per obsequiũ uult habere beneficiũ, simoniacum est. Si autẽ uult consequi beneuolentiã, ex qua

possit

possit habere beneficium, nō est simoniacum. ¶ Dubitatur, An * promittere spiritualia, sit simonia. Dico, quod nō, licet sit malè factum. sed circa hanc disputationem de simonia iuris diuini potissima difficultas est, quæ sunt illa, in quibus est spirituale de iure diuino, & quæ in quibus de iure positiuo. Vt inde intelligatur in quibus Papa potest dispensare, aut non, Et in primis est controuersia de beneficiis ecclesiasticis, an sint spiritualia ex sua natura, an solum de iure positiuo, & per consequens an uendi possint sine uitio simoniæ. ¶ De qua quæstione sunt conclusiones. Prima cōclusio, * In beneficiis uniuersaliter simonia est de iure positiuo, & per consequens Papa potest uendere sine rationabili causa, & sine uitio simoniæ, uel ex rationabili causa, & sine peccato. Hæc glossæ in. c. ex parte, de officio delegati, & Antonii de Butr. & Imol. & Cardin. c. i. de simonia. Pro ista opinione arguitur, Quia in omni beneficio sunt simul spirituale, & temporale, ubicunque hæc duo inueniuntur, potest uendi ratione temporalis, dum modo non pluris uendatur, ut patet de calice, uestibus, sacris. ergo præbenda, quæ habet redditus, potest uendi secundum iustam æstimationem temporalis redditus, dum modo gratis detur quod spirituale est in ipso beneficio. Et confirmatur. Quia quod hoc temporale sit annexum huic spirituali,

tuali, solum est de iure positiuo. ergo Papa poterit uendere, ac si non esset annexum, imò usque ad Vrbanum primum Ecclesia dicitur habuisse redditus. Præterea probatum est spirituale esse annexum temporali, & hoc non obstante, illud temporale potest uendi, ut patet extra. in c. seruire, & ex cap. ex literis. ergo simili ratione temporale adiunctum spirituali, in præbenda uendi poterit adiunctum cum spirituali. Verum hæc argumenta solum uidentur procedere de simplici præbenda, ut canonicatu, aut patrimonio, in quibus nil uidetur spiritualis propriè, cum neq; habeant clauēs, neq; administrationem sacramentorum.

¶ Secunda opinio sequitur aliud extremum, q̃ omnis simonia in beneficio ecclesiastico est prohibita iure diuino, & per consequens uendi non potest sine uitio simoniæ. Hæc est opinio theologorum, de qua statim plura.

¶ Tertia opinio sequitur uiam mediatam, scilicet quòd in beneficiis habentibus administrationem ordinis, uel executionem clauium, simonia est de iure diuino, & per consequens Papa non eximitur ab illa, neque alium eximere potest. In aliis autem non habentibus talem administrationem, aut executionem, simonia solū est de iure positiuo, & sic Papa poterit illa uendere sine uitio simoniæ, aliàs flagitiosè peccat. ut de canonicatu primo modo,

&

& si qua sunt alia similia. Hæc est Panormi.
cap. i. de simonia, & in receptione. capit. ultimo,
de simonia. ¶ De hac quæstione fit prima
conclusio contra Panormi & Hostiensem,
Non * minus est simonia uendere canonica-
tum simplicem, quàm beneficium cum cura
animarum. Probatur, Nam si uenditur offi-
cium, ita est spirituale, sicut aliud: si autem
temporale, non est magis temporale redditus
simplicis præbendæ, quàm beneficii habentis
curam animarum. ergo par ratio est de
utroque. Antecedens autem pro prima parte
probatur, in qua est difficultas, quia clericatus
est res spiritualis: quia quamuis sit ex
institutione Ecclesiæ, nihil aliud est, quàm
adeptio ad administrandum populo, & sacrificiis
diuinis. Et Sanct. Thom. 2.2. quæst. 100.
articulo 4. ponit clericatum inter spiritualia,
præbenda autem datur clerico, quia clericus
est primo ratione officii clericalis, & ex illo
habet ius capiendi fructus præbendæ, quod
etiam ius non potest esse, nisi spirituale, cum
fundetur in officio clericali, ratione enim
illius officii debetur illi sustentatio à populo
de iure diuino, iuxta illud 1. ad Corinth. 9.
Qui altari seruit, de altari uiuere debet: unde
sequitur quòd tam spirituale est officium
clericale, & ius recipiendi fructus in simplici
præbenda, sicut in episcopatu: & sic nulla uidetur

detur differentia inter beneficium simplex, & cum cura animarum. Præterea, ita est de iure positiuo subdiaconatus, sicut simplex clericatus: ergo si propter hoc licet uendere præbendas annexas clericatui simplici, licet uendere præbendas subdiaconatus, si quæ sunt, ut si esset præbenda assignata subdiacono pro officio suo, quod habet. ¶ Secunda conclu-

44 sio, Papa non potest uendere sine uicio simoniæ ex quacunque causa quodcunque beneficium ecclesiasticum. Probatur, quia in beneficio non reperiuntur nisi tria, officium, ius recipiendi, & ipsi fructus. Papa autem non potest dare secundum, nisi per primum, quia non competit ius recipiendi, ut dictum est, nisi ratione officii: sed tam primum quàm secundum est spirituale bonum. ergo Papa non potest illa uendere. Hanc habet Palud.

Palud.

Armach.

Adrian.

Caietan.

4. distinct. 25. & Armacha. libro decimo, capitulo 16. & Adrian. quotlib. 9. & Caieta. opusculo proprio de Simonia: qui hoc modo arguunt, Magis spirituale est actus eligendi Episcopum, qui tamen spectat ad canonicos: & præterea, quia non est minus spirituale officium Canonici quamuis sit de iure positiuo, quàm si esset de iure diuino, sicut non est minus spirituale officiũ subdiaconatus de iure positiuo, quàm sacerdotii de iure diuino. sed si canonicatus esset de iure diuino, uendi non posset.

posset. ergo neque & nunc Præterea, quia in
canonicatu tria inueniuntur (ut dictum est)
clericatus, siue officium, ius recipiendi fructus,
& ipsi fructus: quæro utrum canonicus ha-
buit officium gratis, uel pretio. si secundum,
est simonia. Quæro & de secundo, scilicet de
iure recipiendi fructus. Aut habetur gratis,
uel pretio. si secundum, est simonia, quia ut
probatum est, etiam est ius spirituale, quia ex
ratione officii spiritualis, sicut etiam ius deci-
marum in nouo curatu est spirituale. si autem
papa hoc gratis dedit, iste iam tenet titu-
lum, & dominium præbendæ, & hoc sufficit
ad recipiendum fructus, neque est ibi aliud,
quod papa possit uendere. Vnde est impli-
catio, quod papa gratis det, quod est spiri-
tuale in præbenda, & uendat quidem tem-
porale. & in hoc consistit ratio huius simo-
niæ. Et confirmatur. Nam papa non habet
maïorem titulum ad fructus præbendarum,
quàm ecclesia. sed ecclesia non habet nisi
ius spirituale, scilicet ratione administratio-
nis spiritualis. ergo neque papa: ergo nihil
habet, quod possit uendere. Et similis calum-
nia uidetur esse, si quis diceret, Ego do tibi
gratis titulum ac dominium ad fundum,
sed uendo tibi fructus. si enim habeo ius ad
fundum, fructus sunt mei. Præterea, si fructus
essent annexi canonicatui, iure diui-
o no, sicut

no, sicut in ueteri testamento, non possent
uendi. ergo neque nunc, quia non minus est
officium spirituale clericorum, quàm erat Le-
uitarum. Panormita. arguit pro ea parte, quod
est in hac sententia. Nam in capi. ex diligenter
de simonia dicitur, quod præstatio iuramen-
ti pro beneficio acquirendo, diuinis, atque
humanis legibus contraria esse dignoscitur
ergo papa non eximitur ab illo iure. Præterea
si papa potest facere. ergo dare facultatem alii
potest: quod omnino esset absurdissimum
sed totus iste error emanauit, quod isti credi-
derunt, quod illa, quæ sunt iuris positui-
non sunt uerè spiritualia, in quo uehemente-
erratum est. sicut enim spiritualis consecratio
ecclesiæ, aut consecratio sacerdotis, benedi-
ctio aquæ, absolutio sacramentalis, non sunt
temporalia, sed spiritualia. ita licet benefi-
cium canonicorum sit de iure positiuo, est
ita spirituale, sicut officium sacerdotis: quod
contradicere est erroneum. Papa enim non
potest uendere spiritualia bona beneficio-
rum sine titulo spirituali, quia non est do-
minus, ut ait Sanctus Thom. 2.2. quæst. 100.
Et probat Palud. Nam fundatores non reli-
querunt bona illa papæ, sed ministris solum.
neque spectat aliud ad papam, quàm proui-
sio ministrorum. Hæc uidetur contra Adria-

ut infra dicitur. si tamen papa sine titulo spirituali de facto uenderet, non esset simonia, similiter ac si rex uenderet illas, neque uenditio teneret. Non negamus tamen, quin papa pro communi utilitate ecclesiæ posset uendere, uel aliter transferre fructus, uel partem illorum, quia etiam de bonis clericorum potest disponere tanquam administrator. Ad argumenta in contrarium. Ad primum respondetur primò, quòd differentia est clara, quia in calice, aut in argento potest aliquis habere ius ad illud temporale, & non ratione spiritualis: non ita autem est in beneficio, ubi ad temporale non potest esse ius, nisi spirituale (ut declaratum est) Ad confirmationē negatur consequentia: quia licet sit annexum de iure positiuo, tamen annexum est debitum, sola ratione spiritualis. Ad aliud de iure patronatus respondetur, quòd differentia est clara, quia in patronatu spirituali sequitur ipsum temporale. contrario autem in beneficio temporali sequitur spirituale. & hæc de beneficiis, & officiis, in quibus est aliquid spirituale. Si quæ tamen sunt, quæ re uera, ut suprà dictum est, nullum continent officium spirituale, de quibus fit mentio in dicto capit. Saluator. non negamus, quin uendi possint sine uitio simoniæ, ut officium, & præbenda in hospitali, imo

& cathedra in uniuersitate, & alia similia: quia ista ad nihil spirituale ordinantur, & laici
 45 possunt concedi. Ex quo sequitur, quòd* omnes præbendæ militares, quas commendæ uocant, possunt autoritate papæ uendi pro temporali sine uitio simoniæ. Nam licet sint annexæ religioni, & religiosi, non tamen ratione officii spiritualis, sed pro officio militari. Ex quo iterum sequitur, quòd
 46 *neque ex autoritate papæ possunt commutare commendam pro beneficio. Patet quia commenda est merè temporalis, sicut stipendium ducis in bello. Adria. in quotlib. 9 ad quintum principale, dicit, quòd opinio quæ dicit, quòd papa in uenditione beneficiorum, non est simoniacus, uerissima est, quando intendit uendere ius recipiendi fructus, non mediatè aliquo officio spirituali. Contraria tamen opinio habet uerum, quando intendit uendere mediante aliquo officio spirituali. Et inquit, quòd papa hoc potest facere, quòd non mediante aliquo officio spirituali possit uendere præbendam, quia iura non possunt eum impedire. secus de prælatis inferioribus, & sic concedit, quòd autoritate papæ potest aliquis commutare beneficium pro officio temporali, scilicet notariatus, quod intelligitur, quòd papa dat illis præbendam temporalem pro officio illo, & non ius
 spir

spirituale. Sed probatur quòd hoc sit falsissimum. Nam quæro si papa uendidit Petro ius recipiendi fructus præbendæ, & non mediante aliquo iure spirituali, quare canonicus tenetur dicere officium diuinum, uel interesse in choro, quia papa non potest obligare ad hoc sine stipendio. Præterea, talis non faceret fructus suos, si non diceret officiū diuinū, ut decretum est in concilio Lateran. sub Leone decimo. ergo fructus debentur ratione officii spiritualis. ergo papa non dedit nisi illo titulo. Sequitur quæstio particularis de pensionibus. dubium, An * circa illud contingat simonia, si permutentur cum bonis temporalibus, ut cū redemptione pensionum. Et uidetur quod sic, quia est beneficium ecclesiasticum. ergo circa illud potest cadere simonia. Præterea, uel illud est temporale, uel spirituale: si spirituale, ergo non habet æstimari, aut redimi pecunia. si temporale, ergo non licet commutare beneficium pro pensione. Cuius tamen oppositum usus obtinuit. *Caiet.* in summa in uerbo de simonia, respondet, quòd ius annuæ pensionis est merè temporale. Quod probatur ex duobus. Primum, quia solos fructus beneficii ecclesiastici requirit. nam pensio non est beneficium spirituale, propriè loquendo, sed totum beneficium est illius, qui pensionem soluit. & secundo,

o 3 quia

.Thom.

quia solet laicis concedi, sicut ait S. Thom. 2.2. quæst. 100. articu. 4. ad tertium, quod cum papa concedit decimas, non concedit ius se-

Maior.

cundum quod talis pensio potest licite redimi certa summa pecuniæ. Maior in 4. distin. 25. ad quartum dicit, quod pensio non est aliquid temporale, sed est beneficium. sed glossa in c. cum inde constitutione. uidetur dicere, quod ubi præbendæ non est annexum spirituale, uidetur quod sit aliud temporale,

Adria.

& uendi, & redimi posse. Adria. in illo quotlib. 9. ad quintum, publicè admittit, quod pensio est temporalis, & per consequens quod nullo modo autoritate partium potest commutari beneficium pro pensione. Sed autoritate papæ potest, imo posset fieri pro nuda pecunia. Nam secundum eius imaginationem, illa pensio datur pro præbenda temporalis beneficii, & nullo modo pro aliquo iure spirituali. & quia nullus inferior papa potest conferre temporale beneficium nisi mediante spirituali, ideo neque dominus beneficii, neque episcopus, potest dare beneficiū pro pensione. Certe res uidetur dubia & fortasse ista commutatio pensionum non est ita tuta, sicut omnibus uidetur. sed utcunque respondeo per conclusiones. Prima conclusio, Pensio* quæ assignatur alicui super beneficium alterius, ratione alicuius ministerii spiritualis, licita est & honesta, sicut ratione

ratione adiutorii & subsidii: ut cùm episcopo titulari assignatur certa pensio super episcopatum alterius, ut adiuuet ad exercendum episcopalia. Ista conclusio est nota, nam datur stipendium iustum pro administratione spirituali. Et eodẽ modo posset assignari presbytero ut ferret subsidium pastori parochio senì, aut aliàs inualido, ad administrandum sacramenta. unde sequitur quòd talis pensio redimi nõ potest pecunia, non solùm transactione partium, sed neque auctoritate papæ, ut suprà probatum est, quia est uerum beneficium. Secunda conclusio, Habens* beneficium, cui per aliquod tempus ministravit, licitè potest auctoritate papæ cedere beneficio, retenta certa pensione super beneficium, & sine quocunque onerali officio spirituali. Hæc probatur, quia quandiu inseruiuit beneficio, honestum est, ut pro præterito ministerio, etiam in futurũ consulatur, & propitiatur ei, & detur sustentatio, si postea nõ potest commodè ministrare. Adhuc est uerum de illo, Dignus est operarius mercede sua. Eadem ratione uidetur, quòd talis pensio non sit uendibilis: quia ius ad illam est mediante officio spirituali, neque est minus spirituale, quàm si sit pro ministerio futuro. Sed etiam potest dici contrà, quia est merè temporalis, nam datur tanquam alimentum, & non remanet obli-

gatus ad aliquod officium spirituale, unde est
 so tertia conclusio. Papa * non potest dare ali-
 cui pensionem aliquam super beneficio eccle-
 siastico, qui nullum ministerium neque tem-
 porale, neque spirituale conferat in ecclesia,
 uel alio pio titulo. Hæc probatur, quia papa
 non est dominus, sed dispensator, & illud ef-
 fet dissipare. Præterea, nam in hoc faceret ini-
 iuriam populo, & ministris: populo quidem,
 quia cogeret soluere beneficium & stipen-
 dium nullo titulo debitum, cum tamen nul-
 lum aliud titulum possit habere ecclesia ad
 bona laicorum, nisi quod quia dominus or-
 dinauit, quod qui euangelio seruiunt, de
 euangelio uiuant. I. ad Corin. 9. quod fieret, si
 decimas ministris ecclesiæ debitas pro mini-
 sterio aliis otiosis distribueret. Dico autem,
 sine ministerio, uel alio pio titulo, sed solum
 pro suo arbitrio. Confirmatur, Nam non est
 dubitandum, quin papa possit errare, & pec-
 care in distributione beneficiorum ecclesia-
 sticorum: sed iste uidetur error manifestus,
 ut bona ecclesiastica, quæ sunt ministrorum,
 & pauperum, aliis distribuantur nullo titu-
 lo. ergo tales distributiones sunt iniustæ non
 minus, quàm si quis pro quotidiano sacrificio
 legaret perpetuos redditus, atque papa
 illos assignaret alicui, qui neque sacrificia-
 ret, neque aliud pium officium conferret.

Quarta

x. Corin. 9.

Quarta cōclusio, Non* uidetur irrationabile, ut papa det clerico pensionem aliquam in alio beneficio, solum quia clericus est. Probatur, quia si clerici certo numero, & nō ita sine discrimine, & passim ordinarentur, rationabile esset, ut ecclesia sustentaret ministros suos de quorum numero sunt omnes clerici. maxime quia alias non haberent unde honeste uiuerent, sed talis pensio etiā uidetur quod esset uerum Beneficium, quia titulus esset uerē spiritualis scilicet ratione ministerii, quia talis clericus uel impendit, uel adeptus est impedire, & per consequens non uidetur quod talis pensio possit uendi. Quinta conclusio, Vt cunque iusto, siue iniusto titulo papa alicui concedat pensionem sine obligatione ad aliquod ministeriū spirituale, neque ratione alicuius tituli spiritualis, talis pensio est merē temporalis, quia secundum se est tēporalis, neque est annexa alicui spirituali, postquam ius ad illam non est spirituale. ex quo sequitur, quod uendere, aut redimere talem pensionem, non est simoniacum pretio quolibet temporali. Sexta conclusio, Si quis* contulit, aut permutauit beneficium pro pensione, etiam auctoritate papæ nullo modo possum intelligere quomodo talis pensio possit uendi, aut redimi pecunia, neque sufficio soluere argumentum superius factum. Aut enim talis pensio est spiritualis, aut

temporalis. Si spiritualis, redimi non potest: si temporalis, permutari cum beneficio non potest. ergo talis pensio non potest cadere sub emptione aut redemptione. Vnde commentitium puto quod dicit Adrianus, quod auctoritate papæ possit permutari pensio cum beneficii præbenda, secludendo ipsum spirituale, quia (ut supra probatum est) papa non potest dare illud temporale, nisi propter illud spirituale. Imò neque dat, quia nunquam dat ius ad illud temporale, nisi ratione tituli & officii spiritualis. Dico tēporale, quod est in beneficio, unde cōmutari pro pensione non potest. Confirmatur. nam si quis obtinuit beneficiū quia dedit pensionem, si postea nō dicat officium canonicum, non facit fructus suos, ut determinatum est in concilio Lateranensi, sub Leone decimo. ergo signum est, quod talis non habet titulum ad fructus beneficii, nisi ratione officii spiritualis. Fictitium ergo est & sophisma, quod ille permutauerit quod temporale erat in beneficio pro pensione. Sed eodem modo permutauit sicut pro alio beneficio. neque de hoc est dubium. Itaque non uideo quomodo alterum cum altero possit stare, ut beneficium mutetur pro pensione, & iterum pensio pro pecunia. Et Adria. bene consequēter concedit, q̄ sicut à principio est facta permutatio beneficii cū pensione, poterit fieri cū pecunia
auth

authoritate pape. Confr. iudicio meo uehemēter, q̃a quod permutatur ab initio, nō poterit fieri cū pacto redēptionis pensionis, ut etiā fa-
retur D. Caiet. Neque quisquā alius negat. Ex hoc sic arguitur, Vel in illa permutatione per-
mutatur tēporale uel spirituale. Si spirituale, er-
go permutatio pro pensione temporali est si-
moniaca. Si tēporale, ut dicit Adria. ergo neq;
pactum de redēptione erit simoniacū, cū ni-
hil spirituale interueniat. Septima conclusio,
Quācūq; *pensionē papa imponat, uel ex of-
ficio suo, uel ad supplicationē alterius, quę nō
sit causa permutationis, & sine obligatione ad
aliquod officium uel ministeriū spirituale: o-
mnis, inquā, talis uendi potest & redimi sine si-
monia. Ista patet ex superioribus, quia talis pē-
sio est purē temporalis. Diximus autem sine si-
monia, quia nō dubito, quin talis negotiatio
sit uitiosa, & pręstās magnas occasiōes ad frau-
des simoniacas. Vnde est corollariū, Habentes
tales pensiones temporales nō tenentur ad of-
ficiū canonicū. Hoc corollariū uidetur cla-
rum. nā si pensio est tēporalis, nō est beneficiū
ecclesiasticū. Et hoc p̃fectō in hac materia ab-
surdū est, ut nō possimus aliter istos pensiona-
rios absoluere à uitio simonię, nisi excusando
eos à quocūq; officio & ministerio ecclesiasti-
co. Ex quo iterū seq̃r, q̃ nullo iusto ti. possidēt
tales pēsiōes, atq; adeo si istę redēptiones pē-
sionum

fionum non redigerent nos ad istas angustias, non pateremur perplexitatem, sed simpliciter diceremus pensiones esse uera beneficia, quæ dantur clericis ratione officii: & sic tenentur ad officium canonicū, quod multo honestius esset in pōtifice, & possessoribus pensionum.

SECUNDA PARS RELECTIONIS

De pœna simoniacorum.

S V M M A.

- 1 Accipiens aliquid temporale ratione contractus simoniaci, an teneatur restituere, quicquid simoniacè accepit.
- 2 Simoniacè consecutus beneficium ecclesiasticum, quòd nihil iuris acquirat in illo, neque faciat fructus suos, sed teneatur resignare.
- 3 Simoniacus an de iure naturali & diuino teneatur restituere, an de solo positiuo.
- 4 Restitutio pecuniæ acquisitæ per simoniam, quòd nō sit de iure diuino.
- 5 Beneficium simoniacè acquisitum, an sit restitutioni obnoxium de iure diuino.
- 6 Pecunia ex contractu simoniaco acquisita cui debeat restitui.
- 7 Restitutionem qui bona fide fecit dando pauperibus, uel illi, à quo accepit, an teneat factum.
- 8 Beneficium adeptus, qui quidē non dederat pecuniam episcopo, sed alius pro eo, ipso ignorante, an teneatur restituere.
- 9 Contrahentes cum Papa, an sint simoniaci, aut incurrant, pœnam iuris.
- 10 Accipere aliquid pro sepultura, an sit licitum, & quando.

quando.

- 11 Sepultura ius priuatum an possit quis obtinere, et quomodo.
- 12 Religionem si quis ingrediatur, an ille, qui eum recipit, possit pro ingressu aliquid recipere.
- 13 Legans monasterio perpetuò mille aureos ut faciat sacrum perpetuò: heres dicit, Ego dabo beneficiū simplex huius missæ, et dimittatis legatum, an hoc sit licitum, et fieri possit sine simonia.
- 14 Mediatores, qui pro alijs contractus constituunt simoniacos, quas incurrant pœnas.
- 15 Dare pecuniam, ut ab officio non deponatur, an sit simoniacum.
- 16 Simoniaci pœna quæ sit.
- 17 Temporale esto, quod non possit aliquis recipere pro spiritualibus titulo emptionis et uenditionis, an aliquo titulo spirituali possint esse media ad aliquod temporale.
- 18 Titulus triplex recipiendi temporalia mediantibus spiritualibus describitur.
- 19 Clerico utrum liceat suas locare operas in administratione spiritualium.
- 20 Locare operas in administratione spiritualium, quod non plus liceat, quàm ipsa spiritualia, neque licet aliquid recipere pro labore spirituali magis, quàm pro ipso spirituali.

QUIA pœna simoniacorum pendet ex restitutione, & hæc est potissima pœna, ideo solùm tractabo de restitutionis pœna: quia in hac sola uidetur magna difficultas consistere. Vnde est prima quæstio, An ille, qui aliquid

aliquid temporale accepit, ratione contractus simoniaci, teneatur restituere quicquid simoniace accepit. Ad hanc quaestionem respondent omnes doctores, quod sic, & habent eam tanquam certam & indubitata. & probant ex cap. si quis episcopus. i. quest. i. ubi tamen non arguitur de hac restitutione, sed solum cauetur, quod in ordinato per simoniam non proficiat talis promotio, & de episcopo ordinata dicitur, quod proprii gradus periculo subiacet. Sed argumentantur (ut solent) ex uno ad aliud. Plus tamen uidetur facere caput, mandato. de simonia. ubi habetur, quod simoniaci mentales non tenentur ad restitutionem, neque temporalium, neque spiritualium. Ex quo arguitur, quod si esset simonia exterior, teneretur ad restitutionem. ² Prima conclusio, Quicumque* simoniace consequutus est ecclesiasticum beneficium, nil iuris acquirit in illo, neque facit fructus suos, sed tenetur resignare. Haec expresse habetur in iure, c. ea que. i. qu. 3. & c. ex multis. & i. q. i. c. si quis. & c. presbyter. Et sunt extrauagantes aperte hoc habentes Martini quinti, Eugenii quarti, Pauli secundi & Sixti quarti. Sed dubitatur, ³ an* de iure naturali & diuino teneantur restituere, an de solo positiuo. Et primo de temporali uidetur, quod sit de iure diuino obnoxium restitutioni. nam ita est prohibitum de iure diuino recipere aliquid titulo simoniaco,

co, sicut usurario. sed usurarius tenetur restituere iure diuino & naturali quicquid acquisiuit ex usuris: ergo & simoniacus. Est etiam probatio sancti Thomæ, qui aliquid accipit contra uoluntatem domini, pro re, quam tenebatur dare gratis, tenetur ad restitutionem. Sed ita est in præsentī. ergo. Cōfirmatur, quia si emptor tenetur restituere beneficium sine conditione, ergo uendens tenetur restituere pecuniam. Præterea, si hoc solum est de iure positiuo, cū hoc sit pœnale, sequitur quòd simoniacus non tenebitur restituere ante condemnationem. Consequens est contra omnes doctores. Præterea, quia non uidetur cautum in iure, nisi de restitutione in ordine, uel beneficio, uel pro ingressu religionis. Si ergo ita restitutio est solum de iure positiuo, uidetur qui recipit pecuniam pro administratione sacramentorum, aut aliis actibus spiritualibus, aut celebratione missæ simoniacè, non tenebitur restituere. cū tamen ista sunt non minùs spiritualia, & per pactum non minus enorme. ergo. Præterea arguitur instanter. Nam non dicitur contractus, ubi alterum pro altero commutatur, si una pars iure non dat quod paciscitur. Vt si quis pro dono recipit pecuniā, si reuera non dat donum, tenetur restituere pecuniam. Et si emequum à non domino, tenetur mihi restituere

tuere pecuniam, & ego equum. Ita est in proposito, quod uendens beneficium, non facit emptorem dominum beneficii, neque dat ei titulum, sed emptor tenetur dimittere, ergo uenditor restituere, secluso omni iure positiuo. In oppositum est, quia apud Deum ita est simoniacus mentalis, sicut simoniacus exterior. sed mentalis non tenetur restituere, sed sufficit ei sola penitentia, ut habetur in d. c. mandato. de simonia. ergo non est de iure diuino. Ad questionem respondent Innocen. & Hostiens. in c. tua nos. de simonia. quod in simonia, quæ est de iure diuino, est obligatio ad restitutionem, etiam de iure diuino. Et ad c. mandato. respondent, quod intelligitur de simonia, quæ est solum de iure positiuo. Sed contra est cap. Loquitur enim de simonia, quæ est in ingressu religionis, quæ est de iure diuino. Neque uale dicere, ut alius respondet, quod in c. illo intelligitur non de pecunia accepta pro ingressu religionis, sed pro loco in ordine monachorum. Sed hoc est diuinare, cum c. absolute loquatur de loco abolito in monasterio, & propterea fortasse post ingressum religionis non esset simoniacum dare pro certo loco inter monachos pecuniam, etiam si fuisset exterior compositio, quod manifestè esset contra caput in eadem sententia. Cum Innocentio & Hostien est Maior 4. dist. 25. q. 5. Generale est, inquit. & de

& de iure, notare, q̄ homo non adquirat dominium per actum, quādo tenetur gratis. Imò addit, quòd neque papa potest dispensare ut retineatur pecunia. Et in hac sententia uideatur esse Adria. quotlib. 9. quòd tenetur de iure diuino simoniacus restituere. Sed cōtra istam opinionē statuo conclusionem. ¶ Restitutio pecunię acquisitæ per simoniā non est de iure diuino. Hæc est Caie. 2. 2. q. 100. ar. 6. & Syluest. uerbo simonia. §. 20. & pariter c. mādato. Ex quo uidetur sufficienter probari. arguitur sic, Si illa restitutio esset de iure diuino, & naturali, deberet fieri illi, à quo ablata est pecunia, ut in usura, & in aliis rapinis. consequens est contra omnes doctores, & fortè contra ueritatē. Confirmatur, Nam si do Petro 20. aureos ut interueniat cum usurario, ut det mihi mille aureos ad usuram, Petrus non restitueret, & tamē si darem ut interueniat apud episcopum, ut impetraret beneficium, teneretur. ergo non est idē iudicium de utroque. Preterea non minus obligatur ad restitutionem simoniacus spiritualis acquisiti, quàm tēporalis. sed hoc non est de iure diuino, ut statim aperte probabitur: ergo neque reliquorum. ¶ Sed argumenta in contrariū nō ita facile soluentur. Ad primū Panor. c. mādato conat̄ multas differentias ponere inter usurarium mentalem, & simoniacū, sed omnes sunt inefficaces.

p uide

uide illum, quia tandem uidetur consentire cum Innocen. & Hostien. Caie. ponit. differentiam, quia in simonia est uoluntaria translatio, quamuis iniqua, sed in usura non. sed fortasse differentia est, quod in usura efficitur iniuria illi, à quo exigitur usura, & ideo ei restituendum est: sed in simonia non fit iniuria illi, qui libenter dedit pecuniam, sed iniuria facta est rebus sacris, sicut si in loco sacro aliquis haberet rem cum propria uxore, non faceret illi iniuriam, sed tēplo. Ita in proposito dicit, quod nulla fit iniuria illi, à quo pecunia accepta est. sed rebus spiritualibus. & ideo nulla restitutio est facienda illi, qui dedit pecuniam de iure diuino. Ad secundum patet per idem. Illud enim est, ut si fuit cū iniuria. unde fortasse ita esset, si postquam habet aliquis ius ad beneficium, ut per electionem, aut præsensationem patroni, episcopus exigeret ab illo pecuniam, tunc enim de iure diuino tenetur episcopus illi restituere. Ad tertium dico cum domino Caiet. & cōmuni opinione, quod etiā ante condemnationē tenetur restituere. Probat, quia ecclesia potuit illegitimare illū contractū, ita ut nō transferretur illud dominiū pecuniæ in simoniacū. Sed hoc uidetur fecisse, quia fecit in illo quicquid potuit facere, in odiū simoniacorum. ergo creditur q̄ illegitimauerit cōtractum. Cōfirmatur aperte, quia ex solo statuto humano, ut

no, ut cōtinuò dicā, simoniacus nō acquirit titulū in beneficio, sed tenetur resignare etiā ante cōdēnationē. ergo cū nō minus sit absurdū & odiosum uendere quā emere, uidetur etiam q̄ uenditor nō acquirat dominiū pretii quod accipit. Ad cōfirmationē patet per idem. nō enim tenetur restituere nisi de iure positiuo. Ad quartum dico, q̄ forsan cōsequens est uerū, quia nulla facta est pecuniā dāti iniuria, & ideo si non esset cautū in iure, nō cadit restitutio. Vel dicatur, q̄ cū hoc sit tam odiosum in iure, licet arguere ab uno ad aliud, & sic si tenetur restituere in ordine uel beneficio, tenebitur etiā in aliis spiritualibus, & ita tenet Syluest. §. 10. Ad superiora respondetur q̄ in cōtra ctu simoniaci nō fuit cōuētio, ut collator beneficii, aut renūtiator uerē det titulū, sed solū q̄ faciat quod in se est de facto renuntiando, aut conferēdo: & sic nulla fit ei iniuria, nisi forte deciperet illū, persuadēs, q̄ nō acquireret titulū, neq; teneretur ad restitutionē. Idē etiā in iure diuino, et primū si starem⁹ in iure diuino, etiā dās pecuniā acq̄reret titulū beneficii. Potest cōfirmari solutio primi argumēti, quia simili peccato peccat dās pecuniā pro beneficio sicut recipiēs: dās autē nō facit iniuriā sibi ipsi. ergo neq; recipiēs facit iniuriā dāti, q̄ hoc peccatū nō cōsistit in iniuria personarū cōtrahētiū. Cōfirmatur, Nā non uidet imaginabile, q̄

in eodem contractu uterque contrahentiū patitur iniuriam, in cōtractu autem simoniaco si accipiens pecuniā facit iniuriā: ergo accipiens beneficiū. Quia nō plus licet extorquere beneficiū pro pecunia, quā e contra pecuniā pro beneficio. Præterea, etiā si Petrus deberet 100 aureos episcopo, & episcopus nō posset aliter recuperare illos nisi cōferendo beneficiū, & e ratione conferret, nihilominus esset simoniacus (ut suppono, & determinat à doctoribus) & ea ratione nō facit iniuriā Petro. tunc ergo non cōsistit simonia in iniuria partiū. & hoc expresse dicit S. Tho. & Syluest. §. 17. cōtra Angelū. ¶ An* beneficiū simoniace acquisitū est obnoxium restitutioni de iure diuino? Dico quod nō, sed de iure positiuo. Probatur eodem modo sicut de pecunia ex illo c. mandato. Si enim esset de iure diuino, monachus cōsequutus locū in monasterio pro pecunia, tenetur relinquere monasteriū, neque professio ualeret, cuius contrariū bene habetur ex illo c. Præterea probat, quia summus pōtifex electus simoniace, acquirit totū titulū, neque tenetur resignare, ut patet extra de elect. c. licet. ubi Alex. ad uitādū schimata dicit in cōsilio generali, q̄ electus à duab⁹ partibus Cardinaliū, sine ulla exceptione habeatur pro indubitato papa. Ex quo infert Maior, q̄ neque exceptione simonie. & ita tenet glossa in c. si quis pecunia. 79.

distin.

dist. sed cōtra 79. dist. c. si quis pecunia. Nicolaus papa dicit, Si quis pecunia, aut gratia humana fuerit apostolicę sedī introvatus, non apostolicus, sed apostaticus habeatur, liceatque Cardinalibus, & aliis clericis Deū timētibz, & laicis inuasorē illū anathematizare. Respōdetur in eodē c. q. intelligit si fuit electus ab illis, qui nō habebant potestātē eligēdi. sed Maior dicit, q. glossa est cōtra text. ideo ipse dicit, quod illud ius est reuocatū per nouū ius c. licet. Sed notandū, q. Iulius 2. anno Domini 1505. 19. Calend. Februarii edidit extrauagantē super electionē papæ simoniacā, q. nullū habet effectū, quā fecit publicē affigi in ualuis Basilicę beati Petri, & cācellarię, atque reuocare omnes constitutiones pontificū in cōtrariū, & nominatim illud c. licet. Vnde sequitur primo, quod hodie non teneret electio simoniaca. Secundò, quod hoc est de iure positiuo, quia nunquā papa dicit hoc esse de iure diuino, & reuocat cōstitutionē in cōtrariū. Tertio patet, quia ex c. licet. tenebat, & erat canonica papæ electio antequā reuocaret, & ita uidetur tenere glossa ibidē, quæ solā exceptionē hęresis dicit esse admittēdā: quod tamē Maior ait adhuc nō esse uerū, sed esse pontificē, etiā si esset hęreticus. Sed cōtra hanc opinionē & cōmunē per cōmunē modum intelligēdi, c. mādato. uidetur urgere c. si quis 1. q. 1. ubi sic legitur,

Si quis neque sanctis pollens moribus, uel neque clero populoque uocatus, uel pulsatione coactus, imprudenter Christi sacerdotium, iā quolibet facinore pollutus, iniusto cordis amore, uel sordidis precibus ore, sine comitatu, siue manuali seruitio, siue fraudulento munusculo, episcopalem seu sacerdotalem, non lucro animarum, sed inanis gloriæ auaritia fulrus, dignitatem acceperit, & in uita sua non spōte reliquerit, casuque insperata mors, pœnitentem non inuenerit, proculdubio in æternum peribit. Ex quo etiam probatur haberi, quòd etiam sine peccato exteriori, sed solum numere dato, uel obsequio etiam, aut precibus cōsequutus episcopatum, tenetur resignare: quod est contra illud c. mandato. Respōderi potest q̄ hoc c. reuocatur per illud c. mandato. Sed contra, quia papa in illo c. i. respondet consultationi, neque uult concedere nouum eius. Adria. quotlibet 9. putat, ex iure diuino esse obnoxium restitutioni, quod simoniacè acquisitum est, siue spirituale, siue temporale. Armach. lib. 10. c. 23. tenet adhuc latius, q̄ non solum simoniacè, sed ambitiosa hypocrisi peruenit quis ad sacerdotium, quòd nullum titulum acquirit, & tenetur restituere. quia non intrat per ostium, & per consequens est fur, & latro. Henri. de Gand. quotlibet. 9. q. 26. aut 16. tenet quòd simoniacus tenetur iure diuino re

no restituere quicquid est consequutus. Et ad
 c. mādato. dat illam glossam suprà positam, q̃
 intelligitur nō de receptione monachorum,
 sed de loco inter monachos. Maior. dist. 25. q.
 5. tenet, quòd est de iure positiuo, q̃ per simo
 niam non acquiratur titulus in beneficio. un
 de uidetur loqui, sicut prius dixerat uenden
 tem teneri ad restitutionem temporalium. Pa
 normi. in c. mandato. quia non placent ei diffe
 rentiæ, quas ponunt doctores, inter simonia
 cum & usurarium, ponit alium intellectum il
 lius c. ut intelligatur, non si quis principali in
 tentione dederit aut receperit pecuniã pro in
 gressu monasterii. Sed secūda intentione, aliàs
 quod teneatur restituere. & hoc inquit est tu
 tius. Sed in c. tua nos. de simonia, apertè dicit,
 q̃ simoniacus mētalis siue in simonia iuris di
 uini, siue positiui, non tenet restituere, & citat
 Io. An. in utroque c. Sed* cui debet fieri restitū
 tio de pecunia? Respōdetur primo ex sentētia
 omniū doctorū, q̃ nō debet fieri ei, à quo ac
 cepta est, q̃a nō est illi facta iniuria, licet de hoc
 nō adducāt doctores aliquē canonē id deter
 minātē, q̃ ego sciã. secūdò debet restitui eccle
 siæ, in cuius iniuriã accepta est. Si uerò nō est
 facta iniuria alicui ecclesiæ, dāda est pauperib⁹
 uel ecclesiæ cathedrali, quæ ex Syluest. §. 20. cū
 aliis colligere libebit. Tertiò uidet mihi, q̃ de
 bet expēdi, sicut aliæ pecuniæ, in opera pia ex

mandato episcopi. Vel (si hoc commodè non non posset) de uoluntate possidentis. Sed notandum, quòd si aliquis dederit pecuniam simoniace, & nò recipit beneficium, ita q̃ simonia non est consummata, pecunia est restituenda eidè, ut ait Caic. in sua Summa: quia de iure naturali, tenet restituere ei, à quo accepit, q̃ de eodem iure naturali est, ut non perdat sua, nisi recipiat illa, pro quibus illas dedit. Secundo etiam notandum, q̃ si tenebatur episcopus istud dare distinctè beneficiũ, & exigit pecuniã, etiã stando in iure naturali, tenetur illi restituere, quia fecit illi iniuriã. sed fortasse ius positiuũ uoluit priuare episcopũ ipso facto, sicut & beneficio. ¶ Hæc dicta sunt pro cõmuni sententia doctorũ. Sed fortasse posset defendi, q̃ restitutio pecunię est faciẽda eidè etiam. & ratio est, quia licet stando in iure diuino non fiat ei iniuria, sed quia ratione iuris positiui non acquirit titulum ad illud, pro quo dedit pecuniam, consequenter uidetur dicendum, quòd debet etiam restitui illud, quod dedit. Sed ad hoc responderi potest, quòd ille iam nouit quòd nò acquirebat ius in beneficio, & nihilominus uult dare pro illa translatione beneficii pecuniã, licet nò sit de iure diuino cui debeat fieri restitutio, nò uidet dubitandũ, quin debeat fieri collatori, idest talis debet addere in manus illius, ad quẽ spectat prouidere. At de fru

de fructibus beneficii idem uidetur indicium, sicut si ex aliis causis non faceret fructus suos, & debet considerare ad quē spectāt fructus de iure, uel dare in fauorē ecclesię, cui facta est cōtumelia, uel pauperibus, sicut de aliis pœnis fieri solet. ¶ Dubitat, An* si q̄s bona fide fecit restitutionē, dādo pauperibus, uel illi à quo accipit, teneat factū. Respōdetur q̄ sic, neque amplius tenebitur ad restitutionē. ¶ Dubitatur, Si* adept* quidē beneficiū nō dedit ipsi quidē pecuniam episcopo, sed alius pro eo, ipso ignorante, an teneatur restituere. Respondetur q̄ postquam primò sciuit, tenetur restituere perceptos fructus, exceptis tamen, quos bona fide consumpsit. Syluest. §. 13. parte 8. Antonius de Buteo, ca. de regularibus. de simonia, dicit, quòd episcopus non potest renuntiare sine licentia papę, neque inferiores sine licentia episcopi. Et pręter hanc pœnam restitutionis incurrunt omnes pœnas excommunicationis, à qua non possunt absolui, nisi à papa. Ex his patet, quòd papa potest dispensare in omnibus superioribus, scilicet ut si quis restituat beneficium per simoniam habitum, etiam pecunia, quāuis Maior dicat, quòd in pecunia non potest, quia illa est ecclesię, & papa non est dominus eius. Et hoc apparētiā habet, postquam in iure iam est acquisitum ab ecclesia. sed quia est pœnale, uidetur, quòd papa possit dispensare.

9 fare. An * contrahentes cum papa sint simoniaci, aut incurrant pœnam iuris. Respondetur primò, quòd incurrunt peccatum simonie. Secundò, quātūm ad pœnas, Syluest. §. 19. post Ioannē de Lignaris. c. 1. eodem tit. eo ipso q̄ ex certa sciētia scit & tolerat, dicitur, quòd limitandum est, quando simonia cōmittitur cum ipso papa, ut ab eo habeatur beneficiū, eo sciente & consentiente, quia tunc scientia principis hoc uitium purgat. Adria. quotl. 9. ac ult. ad quartum argumentū principale, dicit de contrahentibus cum papa, q̄ ubi expressè eximit eos, ne incurrāt, etiā incurrūt pœnas illas. Et uidetur etiā tenere Panor. c. 1. de simonia. & ca. extirpandę. de prębendis. Sicut in simili, ludens cū ipso ad cōzarium, super quo est lata sententia excommunicationis, nō uitiat sententiam, ut dicit Ioan. Andr. in regula, an licet. de regulis iuris. Palud. d. 25. q. 4. art. 1. tenet cū Syluest. q̄ papa uidetur dispēfare. Caiet. 2. 2. q. 100. art. ulti. tenet partem negatiuā, q̄ nō licet pręsumi uotum principis, nisi recta ratio suadeat: & hoc modo suadet recta ratio, ut papa dispenset cū illis. Imò contra uidetur argumentum, quia si papa confert beneficium excommunicato & scienter, nō intelligitur dispensare cum illo, ut in c. si sumus. de sententia excommunicationis, in Clemētina. ubi dicitur, quòd papa communicans scienter cum excommunicato, non intelligit

intelligitur absoluerit illum. Et glossa dicit, q̄ etiā si participet in diuinis. Sed Caietanus dicit hanc suam sententiam non esse firmā. Certē uidetur quod papa non intendat dispensare, quia intendit retinere pecuniam, quam profectō non potest retinere, nisi conferat beneficium. Et ideo teneo opinionem Syluestri.

¶ Dubitatur * an pro sepultura liceat aliquid accipere. Et uidetur quod sic, ex consuetudine ecclesię. S. Tho. 2. 2. q. 100. art. 4. dicit, q̄ idem *S. Thomas.* est iudicium, quod de uasis sacris, & ideo terra uendi potest, nō ratione consecrationis. Idē tenet in 4. d. 25. Imō in c. abolendę, de sepulturis, dicitur, q̄ ius sepeliendi uendi non potest. Vnde licet diuersę ecclesię habeant ius sepeliendi in eodem cœmeterio, una non potest uendere alteri ius suum. Primum dictum sancti Thomę intelligendum est, quod locus nondum consecratus in sepulturam uendi potest, duodecima, quęstione secunda, cap. aurum. Si uerō iam sit deputatus ad sepeliendum humana corpora, uendi non potest ad sepulturam. omnia iura in necessitate licet uendere alteri ecclesię. Hostiensis dicit, quod quicquid temporale datur uel permittitur, ut electio sepulturę fiat, est simoniacum, prima, quęstione secunda, quia pio. & de pactis, capite finali. Panormitanus in capite, apparen-
tiam. de simonia, dicit quod obseruari pos-
sunt

sunt laudabiles consuetudines, si tamen in spirituali prius conferantur, alias non est tolerabilis. tamen cauendum est, ne petant clerici aliquid pro sepultura. Sed possunt petere quod seruetur consuetudo, & hoc pro officio sepeliendi. Et hoc dicit Syluest. §. 20. Puto, quod quando est consuetudo, quod aliquid detur pro loco sepulturæ, ut notat Innocent. in cap. apparentiam. pro quo est text. in l. priui legia. cap. de sacrosanctis ecclesiis. ubi dicitur, quod ea, quæ ab antiquo sunt solita ecclesiæ, & ministris tribui, non debent aliquo modo impediri. Quantum ad hoc, uidetur mihi eodem modo prohibitum esse accipere pro sepulturis, sicut pro aliis spiritualibus, siue hoc sit de iure diuino, siue humano. Patet hoc ex cap. abolendæ ubi damnatur peruersa consuetudo exigendi aliquid pro loco aut terra sepulturæ. Glossa tamen dicit, quod licet clerici exigere non possint, tamen laici sunt compellendi seruare antiquas conditiones. uel ex cap. ad apostolicam. ubi dicitur de funeralibus. & ca. cum in ecclesia. de simonia. Secundò dico, quod seruare consuetudinem laudabilem tenentur laici, ut patet ex d. c. ad apostolicam. quauis in c. cum in ecclesia. dicitur, quod nulla consuetudine excusari potest, quod aliquid pro huiusmodi accipiatur, sed quod non intelligatur, quod non possint recipere, propterea quia non est mag

magis spirituale, quàm sacrificium. Et eodem tenore in d.ca. abolendæ. & c. ad apostolicam. & c. cùm in ecclesia. prohibentur exigere pro funeralibus, pro benedictionibus nubētium, & quibusdam aliis. Tertiò idem est iudicium de exequiis & funeralibus, quantũ ad hoc. Tamen Syluest. dicit ti. de simonia, §. 2. quòd pro his, ad quæ nõ tenentur, possunt exigere, aliàs non facere, dũmodo egeant, & citat Archidia. & Raymundũ & Pisan. An * possit aliquis obtinere ius priuatum sepulturæ, & quomodo. Syluest. de sepulturis. §. 3. dicit, quòd laicus nõ potest habere dominium sepulturæ, quia loca religiosa non possunt esse in dominio alicuius. Secũdo, Habere possunt quātum ad usum pro se, & suis sepeliendis, neque eis inuitis potest aliquis ibi sepeliri, nisi in necessitate. Tertiò, Mortuo illo & familia illius, potest aliis concedi usus illius sepulturæ, quia mortuo usu funerario, usus redit proprietario. Sed etiam quarto idẽ dicendũ de capellis. Quinto, Hoc potest fieri ex concessione ecclesiarum. Sexto, Pro hoc beneficio possũt ecclesię recipere doctem pro sustentatione, sicut pro aliis spiritualibus secundum consuetudinem laudabilem. Et eodem modo sicut pro missa celebranda, sed eodem modo debet abesse peccatum sicut in aliis, sed solũ fit donatio ex utraque parte.

¶ Dubium de ingressu religionis, An * ille, qui

qui recipit ad habitum, debeat aliquid accipere pro ingressu religionis. S. Thom. 2. 2. q. 100. ar. 3. ad quartum dicit, quod si monasterium est egenum, licet aliquid recipere ad sustentationem monasterii, addit Syluest. §. 15. quod licet exigere, & hoc S. Thom. dicit in 4. Si autem sine grauatione monasterii potest recipi nouitius, simoniacum est aliquid exigere. Hæc S. Tho. & ita Syluest. absolutè tenet, quod si egeant, possunt pacisci. Et est cõmunis opinio, licet contrarium teneat Supplemētum & Rosca. Tertiò, Si autem monasterium est opulentum, omnino est simoniacum quocunque modo pacisci, secundum omnes doctores. Hæc habentur c. quomodo. de simonia. & c. periculosa destitutione religiosorũ. lib. 6. ¶ Dubitat, Si

13 *quis legat monasterio perpetuò 1000 aureos ut faciat sacrum perpetuò, hæres dicit, Ego dabo beneficium simplex huius missæ, & dimittatis legatum, an hoc sit licitum. Respondetur quod fieri non potest sine simonia, ut patet, quia hoc est emere beneficium. Sed uidetur, quod papa potest in hoc dispensare: dico quod non uideo quomodo possit dispensare. ¶ Du

14 bitatur de *mediatoribus, qui pro aliis constituunt contractus simoniacos. Syluest. §. 18. dicit, quod easdem pœnas incurrunt, & eodem modo indigent dispensatione, ut absoluantur. prima, quæstione prima. cap. statuimus. & cap. si quis

si quis. de simoniacis. De matrimoniis etiam est difficultas, quia datur pro spiritali aliquid temporale. ¶ Dubitatur, *An dare pecuniā, ut deponatur ab officio, sit simoniacum. Respōdetur ex superioribus, quòd uidetur quòd non, quia est negatio uel omīssio spiritalis pro temporali. Sed econtra uidetur quòd sic, quia retinet spirituale pro temporali. Quicunque autem præsūmit non peccasse mortaliter, non incurrit pœnas iuris. Excipio quòd tenebitur ad restitutionem. Si tamen facit pactum, & nisi excusetur ignorantia, omnino tenetur restituere, & rescindere contractum. De pœna suspensionis uide Syluest. titulo, suspensio. §. 7. Simoniacus suspensus in ordine ab executione illius ordinis, extra de simonia. cap. tanta. 18. d. c. eas. Imò ab omnibus ordinibus. Clemē. capientes. in de pœnis. Neque dispensatur, nisi à papa, qui beneficium recipit simoniacè, suspensus est. in c. tanta. & in c. per tuas. ex Panorm. quòd si sit occultus per pœnitentiam & renuntiationem, ministrare potest. Sed manifestus indiget dispensatione, trigesima secunda, quæstione prima, §. uerūm. Sed post pœnitentiam episcopus potest dispensare. ¶ Dubitatur, An *dato quòd pro spiritalibus non potest aliquid temporale recipere aliquis tit. emptionis aut uēditionis, an aliquo titu. spiritali possint esse media
ad

- 18 ad aliquod temporale. Pro quo nota, q^d * triplex potest esse titulus recipiendi temporalia mediantibus spiritualibus, ut dicit Caiet. 2.2. in sua Summa. Primus, qui comprehendit communem contractum sub se inducentem obligationem legalem, & iste est omnino simonia & prohibitus, ut suprà dictum est. Secundus est sustentationis ministrorū. Tertius est locationis operum & cōductionis. Et de isto tertio uertitur dubium, quia locatio est quodammodo species emptionis & uenditionis.
- 19 ¶ Vtrum * licet clerico locare operas suas in administratione rerum spiritualium? Pro cuius quæstionis solutione nota, quòd duplices operæ, uel duplex labor inuenitur in administratione spiritualium. Quidam est necessarius labor ad ipsam administrationem spiritualiū, imò est ipsamet administratio, ut dicere horas, celebrare missam, cantare in choro. Et aliæ sunt operæ, quæ accidentaliter occurrunt, ut ire iter unius diei ad celebrandum, uigilare ad aliquod spirituale faciendum. Et de istis operibus secundi generis non est dubitandū, quia ratione illarum possimus aliquid exigere. Et est sententia omnium doctorum, quòd licet locare tales operas, & exigere pecunias pro tali labore. Eodē modo, sicut si quis faceret sumptus eundo ad administrandū uel celebrandū sacramentum, posset pacisci de expensis, dum modo.

modo in æstimatione illarum non habeatur respectus ad spiritualia. Hoc patet, quia illæ operæ sunt purè temporales, & per accidens, & impertinenter se habent ad administrationem spiritualium. de quo Caiet. 2.2. quæst. 100. art. 3. Sed de operibus & labore primi generis est maius dubium, & pro parte affirmatiua uidetur, quòd liceat illas locare, quia sunt temporalia, ergo ratione sui poterunt locari aut uendi. Præterea quia sacerdotes locant se ad celebrandum per menses, aut annum, & hoc ecclesia approbat, ut patet ex c. significatum. de præbendis. Præterea quia cantores in ecclesia locant operas suas. Confirmatur, Nam calix licet sit consecratus, potest uendi ratione temporalis, qd est in illo, ergo celebrandi aut orandi labor, licet habeat annexam spiritualitatem, potest locari. In contrarium est, quia si tales operæ uendi possent, cum omnia ecclesiastica constent ex operibus, sequitur quòd omnia ecclesiastica essent uenalia, & sic poterit uendi administratio sacramentorum, sicut & calix. Præterea si ministro debetur temporale ratione laboris & operum, ergo non debetur stipendium ratione sustentationis in administratione spiritualium, seu ratione ipsius spiritualis quod ministrat: esset enim irrationale, si acciperet duplicè mercedem: & esset simile, sicut si tutor uelit pro calceo pretium, & aliam mercedem

q cedem

cedem pro opera conficiendi calceum. Præter
 ea est contra definitionem simoniæ, qua dici-
 tur, quòd est emere, aut uendere spirituale, aut
 spirituali annexum: sed istæ operæ sunt anne-
 xæ spiritualib⁹. ergo uèdere illas est simoniacū.
 Nam si unum uendas, & alterum intelligitur
 quod uendidisti. De hac quæstione sunt qui-
 dem uariæ sententiæ doctorum. Et de parte
 quidem affirmatiua, secundum quòd licet lo-
 care operas, & recipere aliquid pro labore, ui-
 de Altisiodor. 3. p. q. penult. & de eleemosynis.
 & Bonauent. 4. d. 4. q. ultima, & Richard. eade
 d. q. 2. ubi dicit, quòd Episcopus recipiens sa-
 larium iuxta capitulum, cum sit Romana. re-
 spicit intuitu laboris, & consequenter dicit,
 quòd clerici dicentes psalterium pro mortuis,
 non peccant recipiendo pecuniam pro suo la-
 bore, licet quæst. 3. excipiat labores in admi-
 nistratione sacramentorum. Eiusdem senten-
 tiæ uidetur Armacha. lib. 10. ubi dicit, quòd
 pro laboribus licet recipere pecuniam. Idem
 tenet glossa in cap. significatum. de præbendis,
 ubi dicitur, quòd licet locare operas & recipere
 mercedem pro labore. Et Panor. eodem cap.
 ubi reprobatur Innocent. & Hostiens. qui con-
 tradicunt. Et probant ex c. finali 2. quæst. 2. &
 ex concilio Agathensi, ubi dicitur, Clerici sti-
 pendia sanctis laboribus debita, secundum ser-
 uitii sui merita, à secularibus consequantur.

Eand

Eandem uidetur tenuisse Hostiens. in summa post Gofredum, titulo de simonia, §. qualiter cōmittatur. Hoc tenet Adri. quotlib. 9. idemq; habet expresse Maior. 4. distin. 25. quæst. 6. ubi inter modos legitimos recipiendi aliquid temporale pro spiritualibus, ponit duos. Vnus est pro sustentatione, & alius pro labore celebrandi. Sed his non obstantibus sit conclusio, ¶ Non* plus licet locare operas in administratione spiritualium, quàm ipsa spiritualia, neq; licet aliquid recipere p labore spirituali magis, quàm pro ipso spirituali. Hæc est summa Durand. 4. d. 25. q. 1. & Palud. 4. ultima, & Caietan. 2. 2. q. 100. & in sua Sūma. & Syluest. de simonia, §. 9. & citat glo. c. ultimo extra. ne prælatus uices suas. & c. finali de pactis. Ex quo habetur, quòd ubi cessare debet conuentio, non licet locare operas. Idem tenet Aliacus tractatu de simonia contra Cancellariū Parisiensē, & dicit nullum antiquorum, oppositum tenuisse. Et etiam expressa Summa S. Thom. 4. dist. 5. q. 3. art. 2. glossa 2. in corpore. ubi circa actus spirituales distinguit. Aliqui enim sunt actus spirituales ex primo, quia scilicet procedunt à potestate spirituali: sicut celebrare & administrare sacramenta. Alii sunt spirituales solum ex parte finis: sicut docere, quod terminatur ad scientiam, uel ueritatem spiritualem. Et dicit, quòd in secundo genere operum licet locare

operas, non autem in primo; sed solum licet accipere aliquid in sustentationem. & idem ad litteram ponit quodl. 3. q. 6. & eadem uidetur sententia eius 2. 2. q. 100. ubi nunquam ponit aliud per titulum recipiendi aliquod temporale pro spirituali, nisi ratione sustentationis. Probatur conclusio, Quia talis labor, & operæ sint spirituales, & nullo modo temporales: sicut sanare infirmum, mundare leprosum ex sua natura sunt temporalia, tamen si procedant ex gratia spirituali, spiritualia reputantur in materia simonia, & ideo non possunt uendi, ut patet Matth. 10. Gratis accepistis, gratis date. & dixerat, Infirmos curate. Præterea talis, qui locat operas, non gratis administrat. ergo est simoniacus. Probatur antecedens, Quia cum administratio non fiat nisi per illas, imò reuera non est aliud administratio spiritualis, quam ipse eadē operæ, si non gratis datur administratio. Confirmatur. Pictor non diceretur gratis dare imaginem, si ita exigeret pretium operarū illarum. Et profectò similis uidetur sycophanti dicere, quod gratis quis celebrat missam, sed exigit pretium operæ & laborum: sicut si artifex dicat se gratis dare opus, exigeret tamē laboris pretium. Præterea minister tenetur gratis dare quantum poterit spiritualia, sed recipiens sustentationem posset non recipere pretium laboris. ergo si exigit, non dat gratis. Hoc enim est

est gratis dare, nihil recipere, sine quo posset ministrare, aliàs facit contra præceptum domini dicentis, Gratis date. Præterea arguit Caiet. Quia minister spiritualis est delegatus à Christo, neque licet eis plus accipere, quàm illis à Christo constitutum est: sed dominus primò dicit, Gratis accepistis, gratis date. Et postea, ut Paulus refert, ordinauit, ut qui euangelio seruiunt, euangelio uiuant. ergo nullo alio titulo licet accipere aliquid temporale, nisi ratione sustentationis. Præterea ratione spiritualis administrationis nullo alio habito respectu ad laborem debetur ei illud pretium. ergo pro uno opere debetur ei duplex merces, quod est omnino iniquum. Præterea si aliquid temporale est annexum spirituali, si illud temporale uendatur, debet æstimari quod ex se est, nullo habito respectu ad spirituale, ut patet de calice. Sed labor & operæ in administratione spiritualium nullius pretii & æstimationis sunt per se, neque aliquis daret aliquid pro illis nisi ratione spiritualis adiuncti, ergo ratione illorum nihil potest exigi. Caieta. ponit regulam, quòd res composita ex spirituali & temporalis, si temporale sit principale, uendi potest sine scrupulo, ut patet de calice, & de patrimonio, cui est annexum ius patronatus. Sed si contrario spirituale sit principale, res illa non potest uendi, etiam ratione temporalis in ea contenti.

tenti. Et quia in administratione rerum spiritualium principale non est labor, ideo operæ non possunt uendi. Et ita communiter dicunt Summistæ. Sed nescio si aliquid est temporale coniunctum cum spirituali, quare uendi non potest, siue sit magis, siue minus principale, neque de hoc datur aliqua ratio, saltem stando in iure diuino: quia cum sit temporale, non est prohibitum uendi iure diuino. Et ideo melius uidetur, ut dictum est, quod illæ operæ & labores non sint temporales, neque magis neque minus principaliter, sed purè spirituales, ut in proposito loquimur. & per hoc patet solutio ad primum argumentum. Ad secundum respondet Caietanus, quod licet ita sit, ut dictum est, quod non liceat locare operas necessarias in administratione temporalium aliàs spiritualium, tamen ratione circumstantiarum & accidentium, quæ concomitantur ipsam administrationem, licet aliquid accipere, & pacisci de illo, & sic presbyteri possunt pacisci de pensione. Nam illic est uinculum & obligatio libertatis, & alia grauiora, ad quæ non tenentur, & ratione illarum possunt facere pactum. Et sic intelligitur cap. significatum. hoc est, probabiliter & rationabiliter dictum, sed non caret calumnia. Si enim hoc est uerum, semper potest minister locare seipsum cū obligatione audiendi confessionem

fessionem, aut prædicandi etiam ad unum diem, aut plures, quia etiam est uinculum & adeptio libertatis ad quæ non tenetur. at de hoc dicam inferius. Ad tertium argumentum patet etiam ex dictis: à cantoribus enim in ecclesia non quæritur aliquid spirituale, sed potius temporale, quod est musica illa, & amœnitas uocum, sicut ab organista, & ideo illis licet locare operas suas. Quod etiam patet, quia nihil refert, an illi sint clerici, necne. Vnde constat, qd non ueditur spirituale, neq; emitur. Panor. in c. suam. de simonia, recedit à prima opinione, quam tenuerat in capitu.

significatum. & reprehendit do-

minum Andream, qui dicit,

quòd non licet accipere

aliquid pro spiri-

tualibus, bene

tamen pro

labo-

re.

REVERENDI PA-
TRIS F. FRANCI-
SCI A VICTORIA

Releſio

DE ARTE MAGICA.

Locus releſendus eſt,

*Non declinetis ad Magos, nec ab ariolis
aliquid ſciſcitemini. Levit. 19.*

S V M M A.

- 1 Magia ars an omnino ſit, hoc eſt, an inter mortales ſit ars, uel facultas aliqua ad uidendum, & faciendum opera illa mirabilia, quæ de magis ſcribuntur, & circumferuntur.
- 2 Magicorū opera, & mirabilia quæ referuntur, quòd eorum plurima ſint falſa, conſicta, & ex hominum uanitate credita.
- 3 Magorum opera, quòd non omnia ſint uana, & conſicta.
- 4 Magica ars, eſto quòd ſit alicuius efficacix, an tota eius uis uerſetur circa illuſionem ſenſuum, & imaginationis, ita quòd ex parte rei nullus ſequatur effectus, nec ſint entia uera, & naturalia, quæ à magicis fiunt, ſed ſolū præſtigium, & illuſio oculorum.
- 5 Magorum facta licet nonnulla fiant ſolū per illuſionem, & præſtigia ſenſuum, quòd tamen quedam in re, & ſecundum existentiam fiant, ostenditur.
- 6 Magorum mirabilia opera, an ſint omnia opera naturalia, hoc eſt, ex cauſis merè naturalibus, & non dependentia à ſubſtantijs ſeparatis.

Magica

- 7 Magia aliqua, quòd dici possit naturalis, & sine cō-
mercio alicuius substantiæ spiritualis.
- 8 Magiæ studiosi qui fuerint, recensetur.
- 9 Magica ars alia, præter naturalem, quæ non uiribus
& causis naturalibus constet, sed potestate aliqua, &
uirtute immateriali, & separata nititur, quòd non sit
dubium quin reperiatur.
- 10 Dæmon malus, an sit operum magicorum author, uel
an referenda sint potius in bonos angelos, uel in ipsum
Deum omnipotentem. Et an omnino sint dæmones.
- 11 Dæmones esse, quòd etiam stando in recta, & legitima
Philosophia, nullo modo sit negandum.
- 12 Opera eadem, uel similia, quòd fiant per artes magi-
cas, & per gratias gratis datas.
- 13 Opera aliqua quòd fiât à magis, quæ nullo modo sũt
per gratias, & econtrariò.
- 14 Magi, quòd nihil operentur, aut potestate diuina, aut
angelica.
- 15 Magi, quòd in suis operationibus nonnunquam utan-
tur facultate solum naturali.
- 16 Magorum operationes supra facultatem naturalem,
quòd malorum dæmonum potestate, & uirtute fiant.
- 17 Animæ defunctorum, maxime quæ sunt è numero
damnatorum, an se misceant artibus & operibus ma-
gicis.
- 18 Magi, an possint miracula facere.
- 19 Magi, quòd non possint miracula facere, probatur.
- 20 Magi, an possint cogere dæmones pro suo arbitrio.
- 21 Dæmones, quòd cogi possint aliquando, & cogantur
ab hominibus.
- 22 Dæmones quòd ab angelis cogi possint, & aliquando
cogantur.

23. Dæmones ut uirtute diuina coërceantur, aut angelica, quod multum refert, quibus uerbis, aut signis homines utantur.
24. Verba nulla, nec exorcismi, quòd non habeant efficaciam infallibilem ad cogendum dæmones, & arcendum illos, ita ut semper sortiantur effectum suum.
25. Magi, quòd aliquando possint cogere dæmones.
26. Magi quomodo possint dæmones cogere, & non alio modo.
27. Magi, quomodo habentes fœdus cum aliquo dæmone principali, possunt cogere inferiores dæmones, non autem ipsum principalem dæmonem. Et quid si non habeant tale fœdus.
28. Magorum tota opera, & efficacia in quo fundetur.
29. Dæmones superiores, an habeant aliquam potestatem in inferiores.
30. Dæmones superiores, quòd possint cogere inferiores.
31. Dæmon superior, an & quomodo possit inferiorem dæmonem tenere alligatum annulo, aut imagini.
32. Magi, an uirtute dæmonum possint corpora localiter transmutare, hoc est, per multa terrarum spatia, summa (ut ferunt) celeritate.
33. Dæmones, & magi, quòd uirtute dæmonum possint mouere, & transferre corpora de loco ad locum.
34. Magi an possint pro suo arbitrio immutare corpora, alterando secundum qualitates, immittendo, & contra sanitatem præstando.
35. Dæmones, & magi, quòd uirtute dæmonis non possint immediate imprimere in rebus naturalibus, & materialibus aliquam formam, ut calorem, frigus, morbum, aut sanitatem.
36. Magi, quòd uirtute dæmonum possint mirabiliter trans

transmutare materiam, & naturas corporales, applicando semina rerum, & actiua passiuis.



Quoniam in principio secundi sententiam, quem circa finem huius anni interpretamur, agitur de natura, & potestate angelorum tam bonorum, quam malorum, & potestas malorum angelorum inter mortales plurimum, ut opinio est, exercetur per magos. Ideo constitui hanc selectionem de magica habere. Et tota disputatio habebit duas partes. In prima tractabitur de potestate & facultate magica. In secunda de veritate & iniquitate magicę artis, hoc est, quatenus, & quantum liceat, aut non uti magicis artibus. Et ut scholastico ordine ex more procedamus, prima questio sit, An *omnino sit magica. Hoc est, an sit inter mortales ars, uel facultas aliqua ad uidentum, & faciendum opera illa mirabilia, quę de magis scribuntur, & circumferuntur: an prorsus omnia illa sint uana, & conficta ab impostoribus, & maleficis, & falso credita à uulgi leuitate, & uanitate, ut quidam putant. Et uidetur quod omnia illa sint uana & fabulosa. Primum, quia si fidem habere uolumus iis, quę de magis referuntur, eadē opera credemus, quę de Circe, & Medea, & aliis famosissimis magis prodita sunt, ut quod non solum Poetę, sed Varro narrat socios Diomedis in aues conuersos, quę longo tempore post circa templum Diomedis

dis uolabāt: q̄ socios Vlyſſis Circe mutauit in
 beſtias, & quòd Arcades quodā ſtagno traie-
 cto conuertebantur in lupos. Et quòd alii de
 Medea ſcribunt, Aefonem ſocerum à ſenectute
 in iuuentutem reuocaſſe, & iunctis draco-
 nibus per aëra uolaſſe. Credemus item mēſam
 Solis, quam, teſte Hieronymo, Apollonius ut
 uideret, uenit in Aethiopiam, in qua epulæ ſin-
 gulis diebus ponebantur ſine humano ope, &
 multa his ſimilia. Quòd ſi hæc pro fabulis ha-
 bemus, non eſt quare credamus, & recipiamus
 alia, quæ de magicis traduntur, iſtis nihil pro-
 babiliora, neq; minus abſurda. Quæ enim ma-
 ior ratio eſt, ut credamus opera Zoroaſtris, &
 aliorū, quàm Circes, aut Medæ? Nec ſatis eſt
 allegare authoritatem famæ aut antiquitatis.
 Multa enim ſimilia multis ſeculis credita & ce-
 lebrata ſunt, quæ tamen à uiris ſapientiſſimis
 pro uanis & falſis habentur. ut de Phœnice no-
 minatim dicit Herodotus, de qua pulchrū mi-
 raculum celebratū, ſcilicet, nunquā eam quen-
 quam mortalium uidiſſe, niſi in pictura, eſt cer-
 tum. Et confirmatur. Nam ex miraculis, quæ
 uulgo narrantur, perquàm pauca ad ueritatem
 reducuntur: multo magis credibile eſt oīa, quæ
 de magicis iactantur, ludibria eſſe, & proruſus
 conſicta. Nec ego in quenquā hominē fide di-
 gnum incidi, qui aliquid magicū ſe uidiſſe aut
 pro cōperto habere affirmaret. Secundo, Nam

non minor fama & opinio obtinuit de arte alchimistica, quæ montes aureos profitetur, & promittit, de cuius tamē uanitate, & irrito conatu, nemo est ita bardus, qui dubitet. Vnde non maior fides uidetur habenda magis, quàm alchimistis, qui spondent quas non præstant diuitias, ut ait Ioan. 22. in extrauag. spondent. Tercio, Magi promittunt diuinationem futurorum, quam tamen neq; habere neq; præstare possunt, ut certum est, & statim disputabitur: Aliàs essent dii. Esa. 41. Annuntiate quæ uentura sunt in futurū, & dicemus quia dii estis uos. Ergo pari ratione credendū est, magos alia polliceri, quæ implere non possunt. Ad hanc quætionem non desunt uiri docti, qui totam magicam non tanquam superstitionem seu superstitiosam, sed tanquam falsam, & uanam atque impostricem condemnent, & nullius usus, aut efficacix affirmant, inter quos est Plinius multis locis. Sed peculiariter lib. 3. c. 1. & profecto magno argumento. Multi enim uiri, & magni, & potentes cū magicis studiis operā summo studio dedissent, nihil tamen facultatis, aut efficacix supra alios homines consequuti sunt. Inter quos fuit princeps Nero, qui huic arti ualidissimè incubuit, cui nō opes defuere, non uires, non discendi ingeniū, ad quem Mithridates Armeniorū rex uenerat, & magos secum adduxerat, & technis, & ceremoniis eum initiauer

tiauerat:& tamē cū regnū ei Nero daret, hāc
 ab eo recipere artem nō ualuit, proinde tādem
 tāquam uanā, irritam, & intestabilem reliquit.
 Idem de Iuliano apostata legitur. Neq; est cre-
 dibile homines minoris facultatis & fortuna
 consequutos quod tanti uiri tenere nō potue-
 runt. Siue enim magicæ opes & uires naturales
 sūnt, nihil afferri potest p̄babile, quare Nero.
 & Iulianus non sunt adepti facultatem, quan-
 tantoperē affectabant, & nullo pretio nō redi-
 missent. Si autem dēmonū uirtute & potestate
 abutuntur, nescio cur dēmones humani gene-
 ris hostes operam suā pręstare noluerint sum-
 mis religionis hostibus, per quos nocere tan-
 tū poterant, quam postremis hostibus tam
 facile prębere dicuntur. Sed quia ista sententia
 nec nihil, nec totū dicit, sit prima propositio,
 2 Eorum * quæ de operibus magicis, & mirabi-
 libus referūtur, longē plurima sūnt falsa, & cō-
 ficta, & ex uanitate hominū credita. Probatur
 primo, Quia paucissima ex omniū hominum
 memoria referūtur, aut producuntur in histo-
 ria à fide dignis, ut uidere est apud nobilissi-
 mos historicorū, Diodorum, Herodotū, Pom-
 peium, Liuium, Plutarchum, Valerianum, qui
 sine dubio, si quid de huiusmodi admirabili-
 bus pro cōperto habuissent, in historia referre
 non neglexissent. Et secundo item mirum est,
 cū ex omnibus artibus semp̄ perseuerat ali-
 quod

quod opus, ut statuar, & imagines à nobilibus
 pictoribus, & sculptoribus, ab architectis no-
 bilibus insignia ædificia, magicæ uerò artes
 nulla imago, nullum pignus, aut uestigiū habet
 tur ex tanta multitudine imaginū, statuarū, &
 annulorū, quos illi quotidie fabricare dicuntur.
 Promittunt quidem magi miracula, & portē-
 ta, sed parturiūt montes, & nascitur ridiculus
 mus. Secunda propositio; Non * omnia ma-
 gorum opera sunt uana & conficta. Ista con-
 clusio manifestè probatur autoritate Scriptu-
 ræ, ut patet de magis Pharaonis, qui uirgas
 suas conuerterunt in dracones. Exod. 7. & de ^{Exod. 7.}
 maga, quæ suscitauit Samuelem, 1. Regum 18. ^{1. Reg. 18.}
 Item secundò, interdicitur magia iure di-
 uino, ut patet in themate relectionis. Et Le-
 uitic. 20. indicitur pœna mortis, si quis ad-
 magos & ariolos declinauerit. Et in iure ci-
 uili est capitale, ut patet in C. de maleficis. l. ne-
 mo. l. nullus. l. culpa. Itē in iure canonico 26. q.
 per totū. Non autē ita seuerè interdiceretur,
 si ars esset solum otiosa, & uana, & non esset
 efficax & perniciosa. Itē Psal. 57. Sicut aspidis sur-
 ta & obturantis aures suas, quæ non exaudiet
 uocem uenefici incantantis sapienter. Ex quo
 patet, q̃ incantatio habet aliquā efficaciam. Item
 Matth. 24. Surgent pseudo christi, & pseudo-
 prophetae, & dabūt signa, & prodigia, neq; alia
 ratia, aut arte, nisi magica. ergo. Et ut non de-
 uorem

uoremus & rapiamus sine delectu omnem historiam, & totū uulgi rumorem, tamen interperantis, & impudentis esset pernegare nōnulla magiæ opera mirabilia, quæ uiri graues literis mandauerunt, ut Cicero cū aliis locis, tum lib. de diuinatione: quædam etiā & Liuius, & Valerius, & alii nobiles authores, & ut Arisæ ait quod famā obtinuit nō est omnino falsum. E Porphyrius dicit ita notum esse magorū artificium, & supra mortalium conditionem operum quædā fieri, ut probatione nō indigeant. Et uerum omnia cessarent, satis est, quod de mulieribus nostris quotidie pro certo inuenitur dilas Braxas. Argumēta etiam in cōtrarium persuadent primam propositionem. Sed ad illud de Diomedis & Vlyssis fociis respondet Augustinus. 18. de ciuitate Dei, transformationes illas, de quibus Varro loquitur, nō esse secundum ueritatē, sed secundum apparentiā per aliquod præstigium phantasia hominis per aliquam speciem mutata: ut etiam dicit S. Tho. de potentia. q. 6. art. 5. ad 6. ¶ Sed ex hac solutione erit secūda quæstio.

4 Dato* quod ars magica sit alicuius efficacis, an tota ei⁹ uis uersetur circa illusionē sensuum, & imaginationis: ita quod ex parte rei nullus sequatur effectus, nec sunt uera, & naturalia, quæ à magicis fiunt, sed solum fit præstigiū, & illusio oculorū, & sensuum, sicut Augustinus dicit de Diomedis & Vlyssis fociis. Et uidetur quod omni

omnia magorū opera sint huiusmodi. Nam & de opere magorum, qui serpentes fecerunt, est opinio in glos. Rabani, Exod. 7. q̄ non fuerit uera conuersio uirgarum in serpentes, sed solum per aliquam pretiosam illusionem. Et ideo Augu. ad Simplicianum ponit tāquam probabile de illa suscitatione Samuelis, quod non fuerit uera, sed aliquod phantasma, & illusio imaginaria diaboli machinationib⁹ facta. ergo idem potest existimari de aliis omnibus magorum operibus, si de his, quæ in Scriptura habentur, ita putatur, & creditur. Item secundo arguitur uehementer ex c. episcopi. 26. q. 5. ubi refertur, quod quædam mulieres sceleratę dæmonū illusionibus, & phantasmatibus seductę, credunt se cum Diana nocturnis horis, uel cū Herodiade, uel cum innumera multitudine mulierum equitare super quasdā bestias. Et sequitur quod sacerdotes per ecclesias sibi cōmissas populo Dei omni instantia prædicare debent, q̄ nouerint hæc omnia falsa esse, & nō à diuino, sed à maligno spiritu phantasma mentibus fidelium irrigari arbitramur. Ex quo loco uidetur determinatum, q̄ ea, quæ fiunt à maleficis, non sunt uera, & realia opera, sed tantū phantastica, & præstigiosa. Si enim ea, quæ faciūt, aut patiuntur maleficę mulieres istę, quas nostri bruxas, Latini lamias, seu striges appellant, omnia sunt phantastica, & per illusionem sensuū

r nihil

nihil est, quare nō idem reputemus de aliis magorum operibus. Item tertio, Idem uidetur ex historia. Refert enim Cælius passerē quendam inter magicæ uanitatis sectatores prima nocte consueuissē refertissimum repente conuiuium hominibus discumbituris præmonstrare, mox ubi cubitum fuisset, euanuisse omnia, ita ut nihil omnino uiseretur. Et simile quiddā uulgò fertur de illo Marchione Santillanæ. Nec dubium est, quin epulæ illæ, & apparatus ueri nō essent, sed tantum oculorum præstigia, & illusiones. Item confirmatur ex eo, quod uulgo dicunt, Bienes del trasgo. nunquam enim uerū thesaurum præstat, sed tantisper sub specie auri relinquit carbones. Confirmatur secundo ex ipso nomine magorum. uocantur enim omnes præstigiatores. ¶ Ad hanc quæstionem sit prima propositio & unica. Eorum quæ à magis fiunt, licet nō nulla fiant solum per illusionem & præstigia sensuum, quædam tamen in re, & secundum existētiā fiunt. Prima pars probata est sufficiēter. Secunda autem probatur. *Augustin.* mo authoritate Augu. 3. de trin. c. 7. & 8. & 33. quæstionum. q. 79. ubi expressē asserit, magos Pharaonis uerē conuertisse uirgas in serpētes. Et satis uidetur constare ex historia, quæ postquam narrauit, quòd Aaron conuertit uirgam in serpentem, subiiciat, quòd malefici fecerunt similiter, proiecerūtq; singuli uirgas suas, quæ
quæ

uersæ sunt in dracones. Et ita tenuit Sanct.
 Thom. de potetia. q. 6. art. 5. ad 8. licet Rabinon *S. Thom.*
 de uerbo mirifico contrarium sentiat. Et ex-
 pressè Origenes super Marcum, hom. 13. tenuit *Orig.*
 cum beato Augustino. Item uidetur probari
 ex illo etiam Psal. 57. Sicut aspidis surdæ, &c.
 Ex quo loco uidetur, quòd incantatores uerè
 faciunt serpentes, & habent effectum circa il-
 las. Item probat S. Tho. de potentia. q. 6. art. 10.
 quòd aliquando in incantationibus audiuntur
 uoces magorum ab omnibus circumstantibus,
 quod fieri non posset per præstigium, & solum
 immutationem imaginationis, quia talis im-
 mutatio (ut ait S. Tho. lib. 3. contra Gen. c. 104.
 & uerum est) non fit integris & solutis sensi-
 bus exterioribus, sed in dormientibus, uel qui
 raptum & ecstasin patiuntur, ut experientia do-
 cet. Vnde cum ea, quæ à magis fiunt, uideantur
 nonnunquam, & audiantur solutis sensibus
 exterioribus, signum est, quòd uerè fiunt, &
 non secundum apparentiam. Et confirmatur,
 quia Peripatetici negantes aliquid fieri à magis
 quod excedat facultatem causarum naturalium,
 ut infra dicemus, tamen non audent negare hu-
 iusmodi mirabilia uerè fieri à magis: quod ta-
 men multum intererat ad opinionem suam
 tuendam: sed conuicti sunt historia, & expe-
 rientia rerum. Ad argumenta autem facta in
 contrarium de sociis Vlyssis, & de suscitatione

Samuelis &c. dicemus inferius, & ibi uidebitis quid de illis habeatur. ¶ Tertia quæstio, quæ sequitur, superior est, An * mirabilia opera magorum sint omnia opera naturalia, hoc est, ex causis merè naturalibus, & non dependentia à substantiis separatis. Et uidetur quòd possint omnia esse naturalia. Nam primùm omnium non est sufficiens argumentum, quòd non sint naturalia, quia sunt inconsueta, & præter solitum cursum naturæ. Vt si quis re uera per alchimie artem uerum aurum faceret, certe aliquid insolitum faceret, & fortasse hæctenus infectum: nullus tamen negaret opus esse nature. Vnde uidetur rudis, & imperiti ingenii statim damnare opus insolitum, quantumuis mirabile, & referre in dæmonum potestatem. Item secundo magi operantur adhibitis certis rebus naturalibus & materialibus. Item sub certo situ, & constellatione astrorum, & fabricantur suas imagines, & annulos, non ex quauis, sed ex certa materia, & obseruatis punctis, & motibus astrorum, quæ omnia frustra fierent, & adhiberentur, si effectus expectarentur à uirtute substantiæ separata, & non à causis naturalibus, ergo uidetur dicendum, quòd opera magorum sunt naturalia. Ad hanc quæstionem Hermes Trimegistus, ut refert August. 8. De ciuitate Dei, cõtendit, quòd omnia opera magorum fiant uirtute naturali, & maximè uirt

uirtute cælesti, nec oportet ex operibus istis
sumi argumentum substantiæ separatae. Et
eadem est communis sententia Peripatetico-
rum. Vnde Alexander in libro de magis hanc
opinionem multis uerbis defendit, & confir-
mat. Ad cuius probationem duo fundamen-
ta præmittit. Alterum, quod uirtus cælestis,
licet non formaliter, sed uirtualiter est uirtus
omnium elementorum & mistorum, & habet
efficaciam omnium illorum. Alterum, quod
multa possunt fieri concursu multarum causa-
rum naturalium, quæ ab una tantum fieri non
possunt, ut manifestè constat. Ex quibus fun-
damentis infert, quod nihil obstat, quominus
credamus, quod in imagine, uel statua, uel
annulo astrologico fabricatis, & compositis
ad certam influentiam, & positionem stella-
rum sit uirtus, & efficacia ad aliquos effectus,
ad quos oportet concurrere multitudinem cau-
sarum inferiorum. Et similiter quod adhibitis
certis, & paucis seminibus, & causis naturali-
bus sub certò situ, & concursu stellarum, &
astrorum, sequatur subitò opus, quod aliàs exi-
get grande temporis spatium, & concursum
plurium causarum inferiorum. Vt exempli gra-
tia, Si magus usus imagine uel annulo contuer-
teret subitò argentum in aurum, aut ex uirga
faceret serpentem, ut magi Pharaonis fece-
runt, non est quare negemus opus prorsus
esse
r 3

esse naturale. Si enim aliquæ causæ naturales conuertere possunt quamuis materiam in aurum aut serpētem, certè nihil inopinabile est, quod influentia cælestis opportunè adhibita, suppleat uicem omnium aliarum causarum. Imò inquit Alexan. mirum magis esset, si substantia separata posset talis effectus influere, cùm nullam habeat proportionem ad tales effectus, non plus quàm ignis ad producendum aquam. Addunt Peripatetici, & fautores eorū, historias in confirmationem suæ sententiæ. Vnde Danasc. referente Cælio scribit Sarcham Indorum principē annulos septem cōpegisse, ac septem stellarū nominibus præsignasse, quibus mirifica opera ederet, quos etiam Apollonius tyrannus dono ab eo accepit, quorum beneficio contigisse, Apollonium iuuentæ nitorem prætulisse, & conseruasse, quamuis annum centesimum iam excessisset, cùm diebus singulis singulos annulos gestaret secūdum dierum & planetarum nomina. Tertio, neque putāt prorsus absurdum Gygis annulum illum Platonis credere, cuius & Cicero in officiis & Gregorius Nazanzenus in Monodia, naturalem meminit fuisse, & magorum artificii egregium opus, quem cùm Gygis gestaret, quando uideri nolebat, paleam intra digitum uertebat. Qua ratione cùm in Lydorum regiam penetrasset, regem cepit, seque regem constituit.

Quar

Quarto, Ad huius fidem opinionis etiã facit, quòd Philosophi non reiciunt imagines quas uocant astronomicas, quas adhibent etiam in curatione membrorum, seu morborum, inter quos unus fuit Marsilius Ficinus, qui inter medicamenta naturalia imagines ponit astronomicas, ut uidemus uulgò annulos ferreos gestari ad certam stellarum positionem fabrefactos, quos putant certis ægritudinibus mederi. Sed pro determinatione quæstionis quædam in medium afferenda sunt, sitque prima propositio, Aliqua * magica potest dici naturalis, & sine commercio, & concursu alicuius spiritualis. Ante probationem quæstionis nota unum argumentum, quod remanet pro fulcimento illius opinionis. Nam Vuicleff. etiam de statu innocentie, cap. quarto, ut refert Vualdenfis, de sacramentalibus dicit, Adam habuit notitiam ad nominandum secundum proprietates naturales naturas sibi subditas, sub quibus nominibus homini naturaliter obedirent, & huic reseruantur reliquæ potestatis innocentie in uocibus exorcistæ, & naturaliter incantantis, & ad hoc credo uoces (inquit) Hebræas habere maiorem efficaciam. Hoc iam uiso, pro probatione conclusionis, & eius declaratione est notandum, quòd nomen magiæ de se non importat artem aut facultatem extra uel supra

omnem uirtutem & efficaciam causarum naturalium. Hoc patet, quia si hoc esset de ratione uel significatione magicæ, non relinqueretur locus dubio, aut disputationi, an effectus & opera magorum possint esse à solis causis naturalibus, quæ tamen quæstio fuit multum iactata inter Philosophos, & adhuc sub iudice lis est. Sed uidetur nomen magicæ à principio receptum pro arte & facultate ad efficiendum & patrandum opera occulta, & mirabilia, non solum extra solitum rerum cursum, sed supra hominum opinionem, & captum. Hoc supposito, probatur conclusio primo, Pauci hominum cognoscere possunt, cum nec sensu possint comprehendere, nec aliqua ratione inuestigare. Ars ergo, & facultas huiusmodi rerum & uirtutum merito magica dici potest, quia sit effectrix, & operatrix huiusmodi operum, & effectuum, quorum ratio comprehendere, aut intelligi mente non possit. Vnde si magnetis usus uulgo ignotus esset, & aliquis recens primum ostenderet, magus uulgo putaretur, & haberetur: esset enim admirabilis, & incredibilis operis author, & effector. Vnde Augustinus 21. De uit. capit. 4. tanquam pro miraculis refert se uidisse annulum ferreum à magnete pendentem, qui rursus secundum annulum traxit, & ille rursus secundus tertium, & sic usque ad

ad certum numerum, ut uelut catena texeretur
Et item aliud mirabile scribit se accepisse à
coëpiscopo Seuero, uerti scilicet uirgam fer-
ream super argentū concitatissimo cursu, cū
aliquis magnetem infra moueret, quod opus
nunc iam nemo miraretur, cum iam uulgata sit
uirtus & efficacia. Sed illud mirabilius, quod
idem asserit magnetem non rapere ferrum, si
iuxta eum adamas ponatur, & si rapuerit, re-
mittere. Itaque non uidetur magica naturalis
esse, nisi quædam pars secretioris & recondi-
tioris Philosophiæ, quæ si notior fiat, & in
consuetudinem uenire incipiat, non solum
uulgi, sed etiam philosophorum desinit uide-
ri & uocari magica, sed cum aliis artibus annu-
meratur. Item dici potest de arte alchimix,
quæ si ars est (quod ego non credo) magica dici
potest, cum sit secretum & mysterium doctis-
simis & peritissimis philosophorum ignotum.
Probatur secunda conclusio, Quia non est du-
bitandum (in quo Alexander rectè sensit)
quòd aliquid insigne, & singulare, & præter
consuetum ordinem naturæ, seu rerum con-
tingere possit, ad certum situm, & ordinem
astrorum adhibitis paucis rebus naturalibus,
quale opus etiam nullis causis inferioribus con-
fici possit. Qui ergo huiusmodi artem & fa-
cultatem haberet, siue à maioribus traditam,
siue experimentis & casu repertam, siue etiam

à substantia separata reuelatam, merito magus
⁸ dici potest. Item * summi philosophi fuerunt
 magiæ studiosi, ut Democritus, Pythagoras,
 Empedocles, Plato, & inter nostros Alber-
 tus. Tertio confirmatur, quia in nonnullis
 rebus naturalibus inueniuntur mirabiles effe-
 ctus, & prorsus similes magicis operibus, ut
 est illud, quod Aristot. refert lib. de mirabili-
 bus de lapide molari, qui in Tigride reperitur,
 quem qui portauerit, non uiolabitur à feris.
 Item herbam charisiam reperiri in môte Ege-
 ro, quam si mulier portauerit, homines ad sui
 amorem pelliciet. Et item illud quod de di-
 ctamo herba certissimi uthores tradunt, ca-
 pras in Creta cū eam ederint, sagittas excutere.
 Et alia non pauca huiusmodi, quæ non à ma-
 gis, sed à doctissimis philosophorum monu-
 mentis prodita sunt. Non ergo ut statim ali-
 quid ignotum & stupendum uideamus, conti-
 nuò pro superstizioso damnandum quis dice-
 ret. Item quod omnes asserunt de herba pici,
 Hispanè, el pito, quæ seras etiam ferreas aperit.
 Item illud uideri possit magicū, quod Plinius
 libro 7. scribit, hominis saluam perniciosam
 esse serpentibus. Item quis non diceret magi-
 cum esse, quod idem Augustinus ubi suprà ca-
 pit. 5. inquit, in Epiro esse fontem, in quo fa-
 ces ardentes extinguuntur, & extinctæ accen-
 duntur? Non ergo statim ut aliquid igno-
 tum

August.

tum uidemus, & stupendum, reclamandum est continuò, & pro superstitioso dammandum, ut iam uidemus. Secunda propositio, Præter * hanc magicam naturalem non est dubitandum, quin sit alia ars magica quæ non uiribus, & causis naturalibus constat, sed potestate aliqua, & uirtute immateriali, & separata nititur & utitur. Hæc ergo probatur à Sancto Thoma, libro tertio, super Genes. capit. 104. Primo, Quia aliqui effectus magicarum artium referunt, & pro certo comperti sunt, qui non possunt referri nisi in causam & naturam intellectualem. ergo non possunt uniuersaliter omnes effectus magicarum artium referri in causas naturales, & in corpora cælestia. Assumptum probatur, quia magi dant responsa de occultis, ut de furtis, & thesauris. Item aliqui per magicas artes consecuti sunt scientiam rerum, & artes liberales, & alia huiusmodi, quæ pro certò de magis referuntur. Item aliquæ statuæ magorum loquutæ comperiuntur, & respondisse ad quæsitæ de diuersis. Hec, & id genus alia, licet rara, manifestū est, nisi ab intellectu proficisci nō posse. Secūdo argumētatur S. Tho. Vel statuæ magorum sunt animatæ, uel non. Si primum, cōtrā, Nam principiū uiuendi est omnibus uiuētibus forma substantialis. uiuere enim est esse uiuentibus, secundo De anima: sed statuæ

statuæ non receperunt formam aliquam substantialem magico artificio, quia nō amittunt formam substantialem, quam prius habebant. Manet enim aurum aurum, & argētum argentum. non ergo est possibile, quòd huiusmodi statuæ recipiant formam substantialem aliquā, quæ sit principium uitæ. Item non est uita sine cursu: statuæ autem magicæ non sunt sensibiles. Primus enim sensuum est tactus, qui non conuenit nisi in organo temperato, qualis temperies non est in lapide, uel in metallo, ex quo fit statua: non ergo est possibile, quòd huiusmodi statuæ habeant principium uitæ. Si autem non uiuunt, contrà, Quia inanimata non mouent se, septimo Physicorum: sed magi, ut fertur, faciunt statuas moueri nullo impellente. ergo oportet dicere, quòd illum motum habent ab aliquo motore extrinseco, & uiuente, & non à uirtute cælesti, uel aliqua uirtute materiali. Tertio arguitur, Nam quęcunq; fiunt uirtute cælestium corporum, sunt formę naturales rerum materialium. quod igitur nulli rei est naturale, non potest fieri uirtute cælestium corporum: quædam autem talia fieri dicuntur à magis, ut quòd ad præsentiam alicuius quęcunque seræ pandantur: item quòd aliquis fiat inuisibilis, & alia huiusmodi. non ergo hæc referri possunt in uirtutem cælestium, sed in aliquam potestatem separatam

tam, & inuisibilem. Quarto, Quia effectum naturalem uirtutis cælestis contingit inueniri sine artis operatione. Et si enim aliquando artificiosè operetur aliquis ad generationem ranarum, serpentium, aut huiusmodi: contingit tamen hæc fieri sine ullo artificio. Sed nonnulla profitentur magi per magicam artem, quæ per aliam uirtutem naturalem non inueniuntur, ergo oportet ut illa sint non à uirtute cælesti, sed ab aliqua substantia separata. Et hæc est sententia omnium Platoniorum, ut Porphyrii, Iamblicii, Plotini, & aliorum ex eadem secta. Hoc ergo tanquam uero, & recepto pro certo, quod magorum opera tribuenda sunt substantiæ separatae, restat ut ponamus quartam quæstionem talem, ¶ An * author, & fautor magicorum operum sit malus dæmon, an referenda sint potius in bonos angelos, uel in ipsum Deum omnipotentem. Et ante omnia oportet scire, an omnino sint dæmones. Nam quidam putant, quod hominum uanitas & superstitio dæmones inuenerit, aut fecerit, de qua re in uera religione dubitari nullo modo potest: tota enim Scriptura ueteris & noui Testamenti plena est testimoniis, ubi planè, & disertè dæmones esse assumuntur. Et ratione probatur. Leuitic. enim 17. interdicitur immolari hostias dæmonibus. Et Deuteronom. 32. *Leuit. 17. Deut. 32.* in Cantico Moyse contra impietatem & ingrati-
tutud

gratitudinem populi dicitur, quòd immola-
2. Paral. 2. uerunt dæmoniis, & non Deo. Et *2. Paralip. 2.*
 dicitur de Hieroboam, quòd constituit sacer-
 dotes excellorum, & dæmoniorum. Et apud
 Tobiam prolixior historia textitur de dæmo-
 nio illo nomine Asmodæo. Et in pluribus Do-
 ctoribus frequens est mentio de dæmonibus,
 nec opus est aut plura ex ueteri Testamento,
 aut aliquid ex nouo in re apertissima citare.
 Vnde & mirum uideri potest, quomodo Sad-
 ducei negauerint spirituum aliquem esse, ut
Actu. 83. legitur *Actuum 23.* qui certè legem recipie-
 bant, nec à consortio templi, & sacrificiorum
Iosephus. excluderentur. Et Iosephus *2. lib. de bello Iud.*
 & *antiquitatum 13. & 18.* dicit de Sadduceis,
 quòd legem (sine aliis tamen obseruationi-
 bus) custodiebant. Item Iob *1.* Cùm uenissent
Iob 1. filii Dei ante faciem Domini, affuit etiam Sa-
 tan inter eos. Et ubicunq; in Scriptura inue-
 nitur mentio de illo. Sed quàm certum est in
 Scripturis dæmones esse, tam fuit olim du-
 bitatum, & controuersum inter Philosophos.
 Peripatetici enim pro maiori parte negant
 dæmones esse prorsus. Nec dubitatur, ut ait
 Auerrois, in epistola de resurrectione, quin
 hæc fuerit sententia Aristot. qui nullas nouit
 substantias spirituales præter motus orbium.
 Quod etiam putauit se demonstrasse *12. Me-*
tamphy. & in lib. de celo. Et de arreptitiis, qui
 uidetur

videntur à dæmonibus teneri, dicit uexari,
ab humore melancholico in Problema. parte
trigesima: & Alexander quidem inter Peripa-
teticos constanter tuetur hanc partem. Quæ
opinio ante fuerat Democriti, de quo histo-
ria scribitur, quòd cùm adolescentes quidam
personati in dæmonum habitum & figuram
ad Democritum noctu penetrassent, quasi ho-
minem territaturi, ille prorsus securus nullos
dæmones esse, Desinite, inquit, desinite: ita
certus erat nullos dæmones esse. Putant autem
Peripatetici uulgi persuasionē & opinionem
de dæmonibus inde obrepissē, quòd uiri sa-
pientes hæc terriculamenta cōmenti fuerunt,
ut ait Auerrois, ad arcendos, & terrendos im-
probos à sceleribus, quasi post hanc uitā mor-
talem supersint ultores malorum, quos dæmo-
nes uocant. Et nominatim Simplicius & ipse
Peripateticus, lib. de Anima Pythagoram tra-
dit huius inuenti & figmenti primum autho-
rem. Ex qua sententia illa opinio orta est,
quam suprà recitauimus, quòd omnia opera
magorum sunt naturalia. Sed contra Aristot.
& Peripateticos sit prima propositio ad quæ-
stionem principalem, Quòd stando * etiam
in recta & legitima philosophia, nullo modo
est negandum dæmones esse. Hæc conclusio,
sententia fuit omnium antiquorum Philoso-
phorū Empedoclis, Pythagoræ, Socratis, Pla-
tonis.

*Prima pro-
positio con-
tra Aristot.
& Peripa-
teticos.*

tonis. Vnde & Plato in Politica tyranni, dicit animas impiorum post mortem cruciari ab ultoribus. Et in symposi. dæmones apertè ponit. Quod idem facit Xenocrates in libro de morte. Nam de Socrate dubium non est, qui etiam dæmonem se habere profitebatur tanquam authorem, & uelut præceptorem Philosophiæ, quam suggerere suis auibus curabat, & contendebat. Sequitur enim hanc opinionem tota turba Platonicoꝝ. Herma. Mercurius in Pimãdio, Proculus in Alcibiade, Iamblicus de mysteriis Aegyptiorum, Caladius in cõmento, Porphyrius in libro de occasionibus, Plotinus in lib. de proprio cuiusq; , Apuleius, qui etiam de Socratis dæmone librum scripsit. nec in hac re peripatetici omnes ausi sunt Arist. sequi, sed plures ab eius sententia deuiarunt. Vnde & Porphyrius citat pro eius sententia magnum Theophrastum, in qua etiam fuit Ammonius philosophus, Auicenna, & eius socius Algazel. Imò ipse Arist. aliquando uidetur non fuisse alienus ab hac opinione, qui in lib. de mirabilibus dicit, referente Apuleio, Lemures, & Lamias habitare in orbe tristi. Pro hac opinione pauca uel nulla possunt fieri argumeta philosophica: sed cū etiã in contrariũ nulla adducatur, talia sufficere deberet cū autoritate summorum philosophoꝝ fama publica & æterna. Nam & ipse Arist. mundi æternitatem probare nititur

nititur ex memoria patrū per manus tradita,
& relicta. Et est sententia ueridica, quòd non-
nunquam aliquid ex opinione & persuasione
communi probatur. Secūdo etiā probatur ex
operibus magorum, quæ, ut probatū est, neces-
se est referre in aliquā substantiā separatā, & ut
statim probabit, nō possunt tribui nec Deo,
nec bonis angelis: ergo oportet ea assignare
dæmonibus. & certè, ut omittamus authorita-
tē religionis & scripturarū, uehemēter confir-
matur hæc sentētia ex eo, q̄ barbari homines,
nec persuasi, nec decepti à philosophis, ut pe-
ripatetici calumniātur, eandē retinent fidē, &
opinionē, nec dubitant dæmones esse, quales
sunt isti, qui ab Hispanis ante aliquot annos
reperi sunt, in quos publica fama est dæmo-
nes esse, & non rarò aliquibus in ea regione ap-
paruisse. Sed urgent peripatetici, obiicentes,
quòd dæmones si sunt, nullum ordinem, nec
locum naturalem uidentur habere in orbe.
Nec enim ordinantur ad res corporeas, &
multo minus ad incorporeas, si quæ sunt: un-
de uidentur frustra esse in rerum natura, at-
que adeò non esse. sed hoc argumentum for-
tasse satis probat, quòd dæmones non sunt
per se in orbe, nec sunt partes seu pars publica
mundi, sed per accidens, hoc est, ex malitia
eorum ex substantiis cælestibus redacti sunt
in substantias inferiores, & infra cælestes,
f quos

quos uerbo Græco dæmonas appellant, quod paripatetici ignorantes, nihil mirum si homines alioqui sapientes in hac parte lapsi sunt. ergo hoc fundamento firmiter iactō, redeundo ad quæstionem, dubitatur, an opera magica referenda sint in Deum, uel in angelum bonum, an in dæmones istos. & uidetur, quod possint, & debeant referri in Deum. Primo, quia magis nihil aliud tribuitur, nisi quod faciunt opera mirabilia, id est supra causas naturales, sed per gratias, quas theologi uocant gratis datas, sunt similes operationes, scilicet supra totam facultatem naturæ. Cum ergo gratiæ sint à Deo, nihil uidetur ob stare, quominus magi credantur habere facultatem illam à Deo. Nec sufficit dicere, quod gratiæ dantur ad effectus excedentes totā facultatem naturæ creatæ, etiam angelorum, & dæmonum. Ex quo constat esse à Deo. Nam inter gratias annumeratur gratia linguarum, & sanitatum, ut patet 1. Corin. 12. Sed utrumque non excedit potestatem angelorum, & dæmonum, qui certè nouerunt omnes linguas. ergo ex hoc non habetur differentia inter magicas artes, & gratias. Nec iterum sufficit respondere, quod magi sunt nequam uiri, & scelesti: contra autem habentes gratias, sunt uiri boni & pii. ergo Nā primo hæc distinctio est per accidens, & non est distinctio rerum sed subie

subiectorū, ut S. Tho. dicit 2.2.q.17 2.art.4. & S. Thom.
 1.178. art.2. Et præterea nihil prohibet, quin
 mali habeant gratias, ut uidetur ex illo 1. Corin. 1. Corin. 13.
 3. Si habuero omnem fidē, ita ut mōtes trans-
 am, charitatem autem non habeam, nihil
 um. Vnde uidetur, quod possit etiam esse gra-
 tia miraculorum sine charitate. Et Hierony-
 nus super illud Matt. 7. Nōne in nomine tuo
 prophetauimus, & uirtutes multas fecimus? di-
 cit prophetare, uel uirtutes facere, & dæmo-
 nia eiicere, interdum non est eius meriti, qui
 operatur. Imò August. libr. 83. q. affirmat quæ-
 am miracula sceleratos homines facere, quæ
 boni facere non possunt. & Balaam habebat
 gratiam prophetiæ, ut patet Numc. 21. & 23.
 & 24. & tamen erat malus, & magus, ut gloss.
 dicit, Numerorum 22. & Orige. homi. 13. super
 Numc. ergo malitia & bonitas non potest esse
 differentia inter magicas artes, & gratias. Et
 iterum nec ualet dicere, quod magi in ma-
 los fines utuntur magicis artibus, habentes
 autem gratias non abutuntur illis in malos
 fines. Nam iterum hæc differentia est extrin-
 seca, & per accidens, nec inconuenit ma-
 gum uti sua facultate propter bonum finem,
 ut ad soluendum maleficiatum, aut sanita-
 tem conferendam. & si habentes gratias pos-
 sunt esse mali, ut dictū est, poterunt abuti gra-
 tia omnino. ergo nō apparet quare facultas ma-
 gica

Matth. 7.

August.

Orige.

gica non possit referri in Deum authorem, sicut & gratiæ gratis datæ. Vnde uidetur solus argumentum S. Thom. de potentia, q. 6. articulo 10. Et contra Gent. c. 106. quo uult probare quod magica opera non referuntur in Deum aut bonum spiritum: quia boni spiritus non cooperantur hominibus ad illicita opera perpetranda, quod plerunque fit per artes magicas. patet inquam argumentum non procedere. Secundò confirmatur de his hominibus quos Hispani salutatores appellant qui (si uergo credimus) opera faciunt supra facultatem naturalem, & tamen ut plurimum sunt homines perdití, & pessimis moribus: tamen credimus eos gratiam sanitatis habere à Deo, neque pro maleficis habentur, neque puniuntur. Vnde ergo conuincere possemus, si quæ magicam exerceat, quod à dæmone potius quàm à Deo habeat. Tertiò, quod si omnino non placet referre magicas artes in Deum saltem non uidetur quare non referantur in bonos angelos potius quàm in malos. primò quia certum est, quod non minorem habent potestatem boni angeli, quàm mali. ergo si credat mali angeli communicare suam potestatem malis hominibus, quare non sunt credendum boni angeli communicare suam potestatem bonis & piis: & sic saltem erit aliqua magia pia, & bona, quæ bonos angelos habeat patrones.

ronos. Item quartò, si dæmones flectuntur
recibus, & sacrificiis, ut operentur mirabilia
secundum uota impiorum, & sacrilegorum,
quare etiam non boni angeli flectuntur pre-
stibus piorum, & bonorum, ut in fauorem eo-
rum faciant aliqua mirabilia? Item quintò, sal-
tem ad dissoluenda maleficia, & incantationes
maleficiorum, quare non sperandum est,
quòd boni angeli communicent potestatem
& uirtutem suam, cum omnino sit certum, bo-
nos angelos propensiores esse ad beneficia
conferenda, quàm dæmones ad maleficia? Item
aliqui Magi utuntur solis uerbis sacris, & signo
crucis, ut mulierculæ istæ, quæ, nescio quæ his
ignis faciunt. Itē sextò, cum boni angeli possint
præstare sanitatē præter solitum cursum natu-
ræ, reuelare thesauros, dare scientias, & artes
humanas, quare si aliquando aliquid huius-
modi contingat, quare, inquam referamus
semper in malos angelos, nūquam in bonos.
& si dicas, quòd cum hæc fiant uirtute diui-
na, aut angelica, non dicuntur fieri arte
magica, sed solum quando fiunt dæmonis
concurso, & uirtute, iam disputatio tota erit
de nomine, & frustra disputant doctores
qua uirtute Magi operentur. At pro solu-
tione quæstionis & dubii sit prima propo-
sitiō, Eadem* opera, uel similia fiunt per ar-
tes magicas, & per gratias gratis datas. Pro-

batur, Nam ad gratias pertinet demonia eiicere, serpentes tollere, sanitatem conferre, linguis loqui, ut patet Marci ultimo, & 1. Cor. 12. sed hæc sunt à magis. ergo eadem opera sunt utrisque communia. Secunda propositio, Aliqua* opera sunt à magis, quæ nullo modo sunt per gratias, & econtrario. Hæc patet, Nam magi operantur maleficia multa, & beneficia, quæ nullo modo competit gratiis gratis datis. econtrario autem in gratiis est prophetia, quam magi nullo modo habent, ut infra disputabitur. ergo conclusio est manifesta in utranque partem. Tertia propositio, Magi* nihil operantur aut potestate diuina, aut potestate angelica. Hæc probatur primo, quia aliàs magicæ artes non essent in uniuersum interdictæ & iure diuino & humano, ut supra ostensum est. Item si magi uterentur potestate diuina aut angelica, magicum non esset ars, sed gratia, & donum. Non enim aut Deus, aut boni angeli alliciuntur in opera hominum arte & disciplina, sed pietate aut propria Dei & angelorum bonitate, & gratia. Item tertio, Certè procedit argumentum recitatum ex Sancto, Thoma. datur enim, quòd mali possunt aliquando etiam miracula facere, non tamen hoc habent habitualiter, nec dicuntur habere gratiam, licet nonnulli

nonnunquam mirabilia per eos fiant propter reuerentiam nominis Christi, ut patet Matthæi 7. uel ad amplificationem religionis & fidei, qua necessitate, aut opportunitate sublata, nulla superest in malis facultas ad huiusmodi opera: magi autem operantur ex habitu quomodocunque uolunt. & præterea perniciosè, & cum magno hominum nocumento sæpe operantur: unde constat non habere facultatem uel à Deo, uel à bonis angelis. Item quartò, Quia, ut ait Sanctus Thom. contra Gent. ubi suprà, in operationibus magicarum artium continet magna incongruitas, & dissonantia rerum, quæ nullo modo potest tribui bono spiritui. requirunt enim huiusmodi artes (ut magi dicunt) hominem reuera non attractatum, cum tamen plerunque adhibeantur rebus amatoriis ad illicitos concubitus conciliandos. Item licet magi uideantur habere scientiam occultorum, tamen nunquam, aut rarò extendit se notitia eorum ad certas artes, & scientias, sed in minimis quibusdam, sicut in inuentione furtorum, in deprehensione latronum. unde constat, quòd spiritus, quibus innituntur magi, aut sunt ignorantes, aut inuidi, quia aut non possunt, aut nolunt impertiri suis nisi hæc minima, & inutilia, unde non

f 4 sunt

sunt boni spiritus. Itē quintò, cōstat quòd boni spiritus nō delectantur, nec utuntur præstigiis, aut mendaciis: Magi autē plerunque ludificant homines, & decipiunt. Item utuntur in suis operibus & incātationibus non solum mendaciis, sed impossibilibus quibusdā impressionibus. comminantur enim impossibilia, ut q̄ deponant sidera, quòd uertant celū, aut solem retro, ut narrat Porphyrius in epistola ad Anebriotem, & multa huiusmodi uana inueniuntur inter artes magicas, quæ manifestè conuincunt non esse à Deo, neque à bonis angelis. Secunda conclusio, Magi* in suis operationibus nonnunquam utuntur facultate solum naturali Hæc propositio probatur, Quia, ut suprà dictum est, aliqua est magica naturalis ad operandum mirabilia, & maxime utuntur herbis Magi uulgo ignotis, quæ continent præsentanea & efficacia remedia contra morbos, & alios effectus mirabiles habent, ut de corio cesia, & calicia herba, qua aquam glaciari refert Plinius libro 24. cap. 17. ex his enim ortum habuit magica, ut Plinius dicit 3. lib. cap. 1. Item de menarde, cuius succo protinus ictus serpentum sanatur: & uarias, & multiugas herbas refert Plinius, quibus Magi utuntur, uel ad morbos depellendos, aut etiam inferendos, quæ cum sint aliis ignotæ, & uelocissimæ operationis, pro

pro miraculo ab omnibus habentur . Potuerunt autem magi huiusmodi uirtutes herbarum scire , uel traditione magnorum in medicina uirorum : quales fuerunt Pythagoras, Democritus, Empedocles . Aut etiam dæmone reuelante , qua reuelatione semel facta, sequentes Magi uti potuerunt naturaliter, & sine cōcursu nec boni nec mali spiritus . Et uulgares magi plurimū hac ratione imponunt hominibus, & decipiūt uanos homines . Cū enim aliquid huiusmodi mirabile quidem, sed reuera publicum & naturale præstāt, pollicentur multa alia maiora, & mirabiliora, quæ tamen rarò implent . Sexta propositio , Operationes* Magorum supra facultatem naturalem malorum dæmonum potestate & uirtute fiunt . Hæc patet ex superioribus . nam si huiusmodi opera excedunt facultatem naturalem, & nō possunt referri in bonos spiritus, necesse est ut referantur in malos . Et hæc est sententia sancti Thomæ de potentia, & contra Gentiles, ubi supra . Et est determinatio Origenis homilia decimatertia Numeri. & libro tertio in Iob . & est etiam determinatio sanctorum, ut Augustini, secundo de doctrina Christiana, & tertio de trinitate, & multis aliis locis prolixè disputat, & ostendit, quem uide . Ad argumenta in contrarium . Ad primum, quod est principale, respōdetur, quòd

f 5 quam

S. Thomas.
Origenes.
Augustinus.

quamuis ita sit, ut dictum est, quod eadem opera possunt fieri à magis & à non magis, tamen non est difficile intelligere differetiam inter magum & non magum. Et primum omnium, quantum ad acquisitionem facultatis, qua aliquis operatur huiusmodi mirabilia, si enim habetur facultas per modum disciplinæ & artis, hoc est, per libros, aut præceptores, manifestum est illam facultatem non esse gratiam gratis datam, sed si non excedat facultatem rerum naturalium, potuit esse peculiaris aut secreta medicina, aut si excedat facultatem naturalem, sequitur quod est uera ars magica & dæmoniaca. Item, si tales utantur uerbis ignotis, aut etiam certis characteribus, aut aliis uerbis non spectantibus ad effectum, qui speratur aut quæritur ex tali operatione, manifestum est non esse gratiam, sed magicā. Item, etiam si utantur signo crucis, & solis uerbis sacris & religiosis, tamen si sint ritus & obseruantia peculiares & determinate, ut certis horis, ad certum situm stellarum, sub certo numero crucium, candelarum, ita ut non speret efficaciam operis aliter, nec alio modo, certum est non esse gratiam, sed magicam. Item, si utantur actibus & factis indifferentibus ad effectum, etiam est magica. Vt si ad expulsionem dæmonum radunt pilos, aut capillos, aut aliquid huiusmodi, est magica mani-
festa

feſta . Hæc omnia patent . nam ueri ſancti ,
qui gratiam Dei habent , nunquam utuntur
talibus ritibus & obſervationibus . ergo ſi-
gnum & argumentum efficax eſt , quòd qui
huiusmodi utuntur , non operantur ex gra-
tia , ſed ex uirtute dæmonum , nec gratiæ per
diſciplinam & artem poſſidentur . ſed , ut ait
Apoſtolus , omnes gratias operatur unus &
idem Spiritus , diuidens ſingulis prout uult :
magi autem alii ab aliis accipiunt aut artem ,
aut facultatem . Et licet bona , aut mala
uita non ſit omnino efficax argumentum ,
an uirtus faciendi huiusmodi mirabilia ſit à
Deo , uel à dæmone , tamen eſt magnum
indiciũ : unde qui hæc operantur , ſi prorsus
ſint homines improbatæ uitæ , credendi
ſunt potiùs malefici , quàm gratiarum poſſeſ-
ſores . Et ſic ad tertium argumentum , quòd ui-
detur maius , reſpondetur primò , quòd non
eſt negandum , quin boni angeli communi-
cent aliquando ſuam poteſtatem ad præſtan-
dum hominibus beneficia . ſed hoc faciũt , non
ſicut magi ad oſtentionẽ , uel ſicut dæmones ,
ut colãtur ab hominibus , ſed ſolũ ex charitate
hominum , & ut Deo ſoli gratiæ habeantur &
referantur : & ideo faciunt occultè regulariter ,
licet etiam uiſibiliter aliquando aliquid tale fa-
ciant , ut de Raphaële apud Tobiam , qui illo
modo

modo, quo Magi solent, usus est corde & felle & iecinore piscis ad expellendum & reiiciendum demonem à domo Raguelis, & postea ad restituendū oculos Tobie. In quo uno facto factis intelligitur, & posse bonos angelos præstare omnia, quæ mali dant, & uelle si ita expediat. Nec est dubitandum, quin multo plura beneficia recipiant homines à bonis angelis, etiam in ordine ad temporalia bona, quàm ab omnibus magis. Et primùm cum sancti angeli sint de numero beatorum, fortasse nūquam se miscet rebus humanis, & terrenis, nisi speciali mādato Dei: & ideo omnia beneficia, quæ homines recipiunt, quæ uidetur esse supra spem, & facultatem naturalem, omnia tribuuntur particulariter Deo auctori, siue sint immediate à Deo, siue mediantibus Angelis. Imò hīc ponitur una causa, cur angeli non operentur uisibiliter & apertè, ne pro diis ab hominibus colantur. facile enim homines diuinitatem irrogarēt illis, quos mirabilia operari conspiciunt, ut Actuum 14. in Lycaonia cum Paulus Lystris claudum quendam in nomine Iesu sanasset, homines uolebant Paulo tanquā Deo sacrificare: quod maius periculū esset de angelis, qui tam propè uidetur accedere ad dignitatem, & ideo solliciti sunt, ne hanc occasionem præbeant hominibus. Vnde cum Ioānes

Apocal.

(Apocal. 19.) uidisset angelum, & corruisset ut *Apocal. 19.*
adoraret eum, Vide, inquit, angelus ne feceris,
conseruus enim tuus sum & fratrum tuorum.
Et per hoc patet ad quartum & quintum & sex-
tum. Fatemur enim, quod boni angeli fleantur
precibus & sacrificiis bonorum, & opera il-
lorum dissolui maleficia & prestigia malorum
angelorum, & multo maiora contingere bona,
quam sit reuelatio alicuius thesauri aut furti.
Et ita tenendum est tanquam certum, quod ma-
gicę artes utuntur dæmonū uirtute & autho-
ritate, & non bonorum angelorum in suis ma-
leficiis. Ad solutionem secundi argumēti, quę
oblita est de saluatoribus, certè non satis mi-
hi constat quid sentiendum, aut pronuntian-
dum sit, cum uideamus ex maiori parte esse ho-
mines minùs probatæ uite, & etiam uti aliqui-
bus obseruationibus, non quidem adeo super-
stitiosis, sed nec satis religiosis, multum ue-
reor, ne sint impostores, & nullam efficaciam
habeant, & si qua habent, ne illa sit potiùs à dæ-
mone, quàm à Deo. Sed hæc dico non diffiniendo.
nam gratiæ dantur propter bonū commune.
Fieri potest, ut Dominus illā misericordiā ue-
lit impartiri hominibus per istos, qualescunq;
sint isti. Vel potest dici de istis hominibus, si-
cut de Psyllis scribunt authores, qui sunt po-
puli Lybiæ prope Garamantas, quorum cor-
pori ingenitum fertur exitiale uirus serpenti-
bus

bus, ut ait Plinius libro septimo, capite secundo uel tertio. ita ut odore suo sopirent eos. Et Plutarchus in uita Catonis scribit, cum exercitum in Africam traiceret, Pysillos secum habuisse contra serpentum uim & perniciem. Fortè ergo in istis similiter est aliquid contra canum rabiem. Simile etiam de Pysillis scribit Varro fuisse in Hellesponto serpentum ictus contactu leuare solitos, & eandem uim dicuntur habere Marfi in Italia. Sed remanet unum dubium, An* animæ defunctorum, maximè quæ sunt de numero damnatorum, misceant se magicis artibus & operibus. Et uidetur quòd sic. Primò, quia sunt eiusdem malitiæ cum dæmonibus, & ideo uidentur moliri & conari ad decipiendum homines, & tradendum in perditionem, sicut ipsi dæmones. Item, quia non rarò dicuntur intrare humana corpora, & apparere, & loqui hominibus, & magi dicuntur reuocare animas ab inferno, imò maga illa Phytonissa reuocauit animam Samuelis etiam à limbo. ergo. Respondetur ad hoc dubium, quòd sine dubio animæ defunctorum nunquam se miscent operibus magorum. Hoc probatur primò, quia de sanctis animabus, quamuis certum sit, qd possint liberè descendere à cælo in terram, & iuuare mortales, ut sanctus Thomas dicit in quarta, distinctione quadagesima quinta,

S. Thomas.

ta, articulo tertio. tamen hoc non faciunt ad inuocationem, aut incantationem magorum, sed ex propria bonitate, uel ex permissione particulari diuina, sicut aliquando etiam inueniuntur uisibiliter apparuisse, ut Augustinus narrat de Felice martyre, & plura exempla ponit Gregorius quarto dialogorum, licet hoc non habeant ex natura sua. non enim possunt assumere corpus, nec mouere. Animæ uerò, quæ sunt in purgatorio, exire à loco non possunt, & si aliquando permittantur ex peculiari gratia, ueniunt potius ad petendum suffragia uiuorum, quam ad miscendum se operibus magorum, imò nec mortalium prorsus rebus. Nec satis puto constantem, & religiosam consuetudinem, quæ cœpit corripere homines, ut in necessitatibus sperent præsidium animarum in purgatorio existentium. De animabus autem inferni non est timendum ne possint prodesse, aut obesse hominibus, quæ scilicet perpetuo sint carceri mancipatæ, nec possint etiam dæmonibus adiuantibus inde exire. Et quamuis aliquæ apparitiones huiusmodi ferantur, probabilius puto, quòd nunquam anima semel damnata egressa est locum inferni. Cum enim exire non possint, nisi ex mandato Dei, non est cur credamus hanc licentiam à Deo habere, maxime cum legamus historiam de diuite illo

Luc. 16.

illo Luc. 16. qui nec ad fratres quidem liberandos, ne uenirent in locum illum tormentorū, permissum est redire ad mortales. Atq; omnino ita credendum est apparitiones istas, quæ referuntur, cū sint pro maiori parte falsæ, tamen si quæ ueræ sint, esse ab ipsis dæmonibus, nec habendam esse fidem de istis dictis eorum, qui asserunt se ab inferno uenire, etiam si alio-

S. Thomas.

qui uideantur pia & religiosa monere. S. Tho. p. p. q. 117. artic. 4. ad secundum, citat August. 10. de ciuitate Dei. & Chrysost. super Matth. dicentes, quod dæmones frequenter simulant se esse animas mortuorum, ad confirmandum errorem Gentilium, qui hoc habebant. ideo cauendum est ab illis uisionibus. Sequitur iā, ut dicamus in particulari, quid possint Ma¹⁸gi, & sit quinta quæstio in ordine, An * Magi possint miracula facere, & uidetur quod sic. Primò, quia suscitare mortuos est miraculum. unde inter miracula Christi ponuntur.

Matth. 11.

Matth. 11. Euntes renuntiate quæ audistis & uidistis, Cæci uident, claudi ambulant, mortui resurgunt, pauperes euangelizantur. Sed & Phytonissa suscitauit Samuelem. 2. Reg. 28. ergo possunt miracula facere. Et cōfirmatur, Ad suscitationem mortuorum non uidetur requiri nisi dispositio materiæ. nam disposita materia, necessariò introducitur forma: sed uidetur quod dæmones possint disponere materiam, applican

applicādo actiua passiuis. Eiusdem enim rationis sunt dispositiones in resurrectione mortui, & in prima generatione, quę sunt ab agēti naturali. ergo magi dæmonis uirtute possunt mortuos suscitare. unde & resurrectio generalis futura est per angelos ministros. Item secundo, Maius miraculum uidetur, quòd canis loquatur, uel cantet, quàm quòd mutus loquatur: sed de Simone mago legitur, quòd faciebat canes loqui, & cantare, ut patet in itinerario Clementis. ergo. Item Valerius maximus narrat primo libr. c. 8. quòd fortunę simulachrū, qđ Romę erat in uia Latina, nō semel, sed bis loquutū est uerbis his, Ritē me matronę uidistis, riteque dedicastis. quòd autem lapides loquantur, maius miraculum est, quàm quòd muti loquantur. Item in eodem, & in historia Romana legitur de uirgine uestali, quòd aquam in uasē perforato de Tyberi portabat, aqua non effusa: hoc autem spectat ad miraculum, ut aqua stet, & non fluat in Iordanis diuisione, & eius statione. ergo. Item aduersitates Iob dæmone authore procuratę sunt, quòd dpatet ex eo, quòd Deus dedit potestatem in omnia quę erant Iob: sed huiusmodi aduersitates non sine miraculo contigerunt, ut patet de igne de cælo descendente. unde & 3. Regum. 18. Elias in hoc probauit

t prophe

Gene. 19.

prophetas Baal, ut descenderet ignis de cælo, & consumeret sacrificium. ergo. Item eadem quæ boni faciunt per miraculum, magi faciūt, ut serpētes Moyſi, & magorū. ergo. Septimò, Vxor Lot mutata est in statuam ſalis. Gene. 19. & hoc à dæmonibus, ut S. Thom. dicit de malo, q. 16. & q. 9. ad tertiū. ergo. Pro ſolutione notandum, quòd miraculi nomen à mirando est assumptum. Ad admirationem autem duo cōcurrunt, ut poteſt accipi ex uerbis Philoſophi in principio Met. quorum unum est, quòd cauſa illius, quod admiramur, ſit occulta. Secundum est, quòd in eo, quod miramur, ſit, uel appareat aliquid per quod uideatur contrarium debere contingere, quod miramur. Sicut aliquis poſſet mirari, ſi uideret ferrum aſcendere ad magnetem, ignorans eius uirtutem. Sed hoc poteſt dupliciter contingere. Vno modo ſecundum ſe, alio modo quo ad nos. Virtus autem diuina est ſimpliciter occultiffima, & remotiffima à nobis, quæ in rebus omnibus operatur ſecretiffimè: & ideo ea, quæ per aliquam uirtutē creatam fieri poſſunt, miranda quidem, & mirabilia dicuntur. Sed miracula propriè dicuntur, quæ ſola uirtute diuina fieri poſſunt, quæ ſcilicet tota natura creaturarum miratur. Et licet miraculi nomine Latini utantur ad ſignificandum quod

quoduis stupendum, ac mirandum: tamen theologi solum illud in hac significatione usurpant, & meritó. Ideo respondédo ad quaestionem sit una conclusio, licet August. tertio de trini. & alibi non timet uocare opera magorum miracula: sit (ut dico) una conclusio, Magi* non possunt miracula facere. Probatur primo ex ipsa significatione uocabuli, ut dictum est. nihil enim faciunt, ad quod diuina uirtus exigatur. Secundo, quia si magi possent uera miracula facere, sequeretur quod miraculum non esset efficax argumentum deitatis, & ueritatis, & sic periret ratio confirmandi ea, quæ sunt fidei, quæ miraculis comprobata sunt. Ad argumenta in contrarium. Ad primum de Samuele respondetur, quod dubium est, an uerè Samuel fuerit suscitatus, an potius fuerit aliquod phantasma. & Augustinus quidem ad Simplicianum putat probabile, quod fuerit uerus Samuel, qui apparuit. Saüli, & nuntiavit ei euentum belli, propter hoc, quod legitur Ecclesiastici 4. *Ecclesi. 4.* quod dormiuit Samuel, & notum fecit regi finem uite sue. Hoc ergo tenendo diceremus, ut dicit Augusti. quod non dominante arte magica, sed dispositione dei occulta, que Pythonissam, & Saülé latebat, permissum est, ut spiritus iusti se ostéderet aspectibus regis, diuina eü sententia percussurus. Nonnunquã enim

dum dæmon consulitur, ipse Deus per suum nuntium ueritatem annūtiat, sicut per Eliam ueritatem respondit nuntiis regis, qui mittebantur ad consulendum deum Accaron, ut habetur 4. Regum 1. Ad confirmationem dico, quòd sine dubio dæmones non possunt disponere materiam ad introducendum animam, quæ semel separata fuit: requiritur enim identitas temporis ad identitatem indiuidui, & ideo semel corruptum, non potest idem numero redire, nec solum hominem, sed nec muscam possent dæmones suscitare. Vnde si quæ resuscitationes mortuorum leguntur à magis factæ, ut ab Apollonio, Simone, uel aliis, omnes fuerunt præstigiøsæ, & non secundum ueritatem, ut de Simone summo magiæ artifice legitur, quòd apud Phoram Ephesippi dñi præsentis Ioanne euangelista, tres mortuos suscitauit, sed paulo post omnia euauerunt tãquam fallacia, & præstigiøsa. unde Sanctus Thom. 3. senten. d. 21. q. 2. articu. 4. q. 2. ad quartum dicit, quòd ea quæ dæmones faciunt præter uiam naturæ, non sunt diuturna. Ad secundum respondetur, quòd loquutio canum, & alia huiusmodi potuerunt fieri à magis per illusionem sensuum, & non per effectus ueritatis. Si tamen per ueritatem factum est, non dabat cani dæmon aut magus uirtutem loquendi, sicut datur mutis per miraculum,

lum, sed ipsemet dæmon sonum literarum,
& articulatae uocis similitudinem habentem
format, sicut & asina Balaam intelligitur fuisse
loquuta, angelo bono operante. & similiter
dicendum est ad tertium de locutione. Ad
quartum respondet S. Tho. de potentia quæ-
stio. 6. articu. 5. quod non dubium est quin in
commedatione castitatis Deus uerus per suos
angelos bonos huiusmodi miraculum per
retentionem aquæ fecisset: quia si qua bona
in Gentilibus fuerunt, à Deo uero fuerunt. Si
autem, quod propius uero est, per dæmones
factum fuit, nullum est miraculum: dæmones
enim possunt mouere localiter, & sistere cor-
pora, ut infra dicitur. Ad quintum dicitur, qd
dæmones sua naturali uirtute applicando
actiua passiuis, possunt conflare ignem in me-
dia regione aëris, & inde concitare deorsum
in terram. Et sic factum est in tentatione Iob.
Ad ultimum dicitur, quod uerè ita est, quod
idem opus factum à bonis & piis hominibus,
est miraculum, quod idem à mago non est.
Nam homo non potest, nec nouit applicare
actiua passiuis, nec semina, nec causas oc-
cultas naturæ ad conficiendum celeriter &
subito effectum aliàs naturalem. & ideo non
potest hoc facere nisi uirtute diuina: dæmo-
nes, qui omnia naturalia optimè nouerunt,
t 3 possunt

possunt utendo causis naturalibus hæc eadem subito facere. Vnde quòd Aaron conuerteret uirgam suã, & similiter quòd uir sanctus det sanitatem subitam alicui, miraculum est: quod idem magus sine miraculo potest facere, scilicet dæmone adiuuante, & causas naturales quidem, sed hominibus occultas, applicante. Vnde August. 3. de trinitate, c. 9. Illa, quæ per angelos sunt, quo difficiliora, & ignotiora, & mirabilia sunt nobis, illis autem tanquam suæ actiones notæ, atque faciles, sicut etiam ibidem ait Augusti. Solennia & usitata fulgura miracula non sunt, sed cum in monte Sinai inusitato modo fierent, miracula erant.

- ²⁰ Quæstio sexta est, An * magi possint cogere dæmones pro suo arbitrio. Et uidetur q̃ sic. Vt enim narrat Augu. 10. de ciuitate dei, Porphyrius refert se uidisse, quòd quidam uir Chaldæus tactus inuidia, abiuratas spirituales potentias precibus alligauerit, ne ab alio postularent, uel postulata concederent. & in 21. eiusdem libri dicit, Non potuit primum nisi dæmonibus docentibus disci, quòd quisque illorum appetat, quod exhorreat. ergo cogatur, &c. ex quo uidetur, quòd sint aliquæ incantationes, quibus dæmones cogantur. Item Iosephus de antiquitatibus libro 8. scribit, quòd Salomon instituit incantationes,

nes, & modos coniurationum, quibus obstri-
cti dæmones ne denuo redeant, effugantur.
& ipse Iosephus dicit se uidisse Eleazarū quē-
dam, qui præsentē Vespasiano, & eius filiis,
usus adiuratione Salomonis, & radice à Salo-
mone monstrata, dæmones expulit ab obse-
so, cuius operis argumentum dedit, quòd ca-
licem aqua plenum ante eos posuit, & dæmo-
ni imperauit, ut egressus ab homine, illum
euerteret, quod & factum est. Item tertio, cū
dæmones sint superbissimi, non est probabi-
le, quòd nisi cogèrentur, aduenirent ad mi-
nas, & terrores, & mendacia incredibilia, quæ
multū derogant excellentiam & sapientiam
ipsorum dæmonum. unde & Augu. 10. de ciui. *August.*
introducitur uerba Porphyrii sic dicentis, Quid
est homo? uitio cuiuslibet obnoxius intēdit, mi-
natur, eòque territat, & cælū se collidere mi-
natur, ut eis ueritatē extorqueat, ut illi dii tan-
quam iussi promptissimè falsis, & ridiculis
comminationibus territi, quæ imperauit effi-
ciant. Item quarto, Nisi dæmones cogerētur,
non allicerentur per quædam, quod ipsi ode-
runt, sicut per uirginitatem imprecantis, cū
tamen ipsi ad incestos concubitus homi-
nes inducere conentur. Item quinto, Saltem
uidetur, quòd si magi utantur uerbis sa-
cris, ut in nomine Iesu, & uirtute crucis,
Iuxta illud ad Philippen. 2. In nomine Iesu *Philippē. 2.*

omne genu flectatur, quòd dæmones cogantur. Nam certum est quòd dæmones oderunt illa nomina, & abominantur gloriam Christi. ergo si possent non uenire, & non respondere mago, nunquam responderent, & tamen aliqui magi dicunt se solùm uti uerbis sacris, & efficaciter operari: & mulierculæ utuntur solùm signo crucis ad curadum certas infirmitates, de quibus non creditur, quòd habeant gratiam sanitatis, sed quòd sint maleficæ. ergo. Pro responsione sit prima propositio, Dæmones *cogi possunt aliquando & coguntur multoties ab hominibus. Probatur, quia inter gratias gratis datas datur potestas super dæmones, ut patet ex illo Marci ultimo, In nomine meo dæmonia, &c. Item secundo patet, quia apostoli, & sancti uiri sæpe dæmones expulerunt ab obsessis: & certum est, quòd inuitos. non enim dæmones, si possent, darent operam ad gloriam & manifestationem nominis Christi, & eius religionis. Et etiam legitur sanctos uiros imperasse dæmonibus aliquando ad aliqua opera. ergo. Secunda propositio, Ab *angelis etiam possunt cogi dæmones, & aliquando coguntur. Et hoc primum probatur, quia angeli possunt uirtute diuina coërcere dæmones, sicut sancti uiri possunt. ergo. Item potestate

testate naturali, saltem angeli superiores, qui, ut statim disputabitur, habent potestatem naturalem supra inferiores. unde, ut ait sanctus Tho. de potentia, q. 6. ar. 10. ad ordinē potestatum pertinet arcere dæmones. Et ita nō est dubitandū, quin angeli custodes semper prohibeāt dæmones accedere ad suos clientes, ne noceant eis, & præsides prouinciarum impediāt frequenter dæmones à detrimētis & nocumētis, quę cuperēt & possent inferre ciuitatibus, & agris, & fructibus, & aliis mortaliū bonis. Tertia propositio, Ad * coërcendū dæmones uirtute diuina aut angelica, multū refert, quibus uerbis aut signis homines loquantur, aliās utantur, etiā si loquamur de uerbis sanctis aut sacris signis. Probatur, nā cū ecclesia habeat ex autoritate Christi potestātē super omnia dæmonia, multū interest ad coërcendos malignos spiritus uti uerbis & exorcismis ab ecclesia institutis, quę sine dubio maiorē uirtutem habent, quā quęcūq; aliā uerba & signa. Sicut etiam exorcistę ab ecclesia instituti maiorem potestātē habent ad expellendos dæmones, & aqua benedicta secūdū ritum ecclesię, quā si aliis uerbis esset benedicta, aut consecrata. pro certo enim pro autoritate, & reuerētia ecclesię credendū est, quōd Deus siue per se immediatē, siue per angelos suos, concurrat ad talem inuocationem. Quarta pro-

t 5 positio,

24 positio, Nulla* uerba, nec exorcismi habēt infallibilem efficaciam ad cogendum dæmones, & arcendum illos, ita ut semper sortiantur effectum suum. Probatur, quia cū uerba, aut signa non habeant talem efficaciam ex natura sua, sed solū uirtute diuina, aut angelica, non alligauit Deus potestatem suam ex lege sacramentalibus uerbis, sicut sacramentis, sed operatur quando sibi placet ad gloriam suam, & utilitatem credentium, & multū facit ad hoc pietas & fides ministrorum. Idem dicendum est de reliquiis sanctorum, & signo crucis, & cætera. Vnde aliter habent sacramenta effectum, aliter sacramentalia. Vnde Actū decimonono dicitur de filiis Sceuæ, quod inuocabant nomen domini Iesu super eos, qui habebant spiritus malos, dicentes, Adiuro uos per Iesum, quem Paulus prædicat. Respondens autem spiritus malus dixit, Iesum noui, & Paulum scio, uos autem qui estis? Et infiliens inualuit contra eos. Quinta propositio est, Magi* aliquando possunt cogere dæmones. Probatur, quia dæmon superior habet potestatem coercendi dæmonem inferiorem, reiiciendo, aut expellendo illum. Et hoc est, quod Iudæi calumniabantur de Christo, In Beelzebub principe dæmoniorum eiicit dæmonia. Quam calumniam Christus non ita confutauit, quasi hoc esset impossibile, sed

sed aliis rationibus & argumentis. Nec Iudæi tantum imponebant Christo magum esse, sed, ut refert Augustinus libro primo, de consensu euangelii, capite nono, pagani ita dicebant, & obiciebant Christianis, Christum magicis artibus illa mirabilia patrasse, de quare libros scripsisse & reliquisse. Sexta quæstio, Magos
* nunquam puto cogere dæmones, nisi ista ratione posita in præcedenti cōclusionē. Probatur, quia magi utuntur uerbis, & signis, & applicatione herbarum, aut aliarum rerum naturalium: sed omnia ista non possunt cogere dæmones, quia non est potestas quæ comparatur ei. Iob quadragesimo primo. Ergo ipse magus, aut per se, aut ratione rerum, quibus utitur, non potest cogere dæmones. Item, ut arguit S. Thomas, uerba de se, seclusa significatione, nullam efficaciam habent, nisi fortè inauditam, in quantum aut sunt signa, solum possunt mouere intellectum in ratione obiecti, quare non possunt efficaciter, & infallibiliter cogere dæmonem. nulla enim signa possent cogere hominē, qui tamē est multo im perfectior angelo, siue bono, siue malo, & intellectu & substantia. Septima conclusio, Magi
* habentes fœdus cum aliquo dæmone principali, possunt cogere inferiores dæmones, nō autē ipsum principale dæmonē: nō habētes autē tale fœdus, nullo modo possunt cogere ullum dæmonem

dæmonem: sed dæmones uoluntariè concurrunt ad operationes magorum. Hæc sequitur ex superioribus. Confirmatur, quia magi sæpe deficiunt in suis operationibus, ut ipsimet fatentur, & seruato toto ritu & cæremonia magica, ergo manifestum est, quòd non cogunt dæmones. Tertia conclusio, Tota* opera & efficacia magorum fundatur & nititur in condito & pacto inito & firmato cum dæmonibus. ²⁸ Ista sequitur ex præcedentibus. Nam si dæmones non coguntur, & respondent, & ueniunt ad inuocationes magorum & aliorum hominum, manifestum est quòd hoc non potest fieri, seu prouenire, nisi ex mutua conuentione & fœdere magorum & dæmonum, ut clarissimè patet. Ad argumenta autem in contrariū. Ad primum patet, quòd ille Chaldæus habebat pactum cum aliquo dæmone excellentiore, & uirtute illius poterat coërcere dæmones inferiores: & Porphyrius fortasse putabat maiorem uim inesse magicis incantationibus. Ad secundum respondet S. Thom. quòd si Salomon instituit exorcismos tempore quo erat dilectus Deo, potuerunt illæ incantationes habere aliquam uim ex institutione illius, sicut possent habere adiurationes institutæ ab aliquo sancto uiro, sicut habent maiorem uim adiurationes ab ecclesia institutæ. Deus enim ex meritis & orationibus sanctorum

rum occurrit specialiter cum operibus illorū. Si autem Salomon illos exorcismos ordinauit postquam recessit à cultu, & religione Dei, dicendum est de illis exorcismis, sicut de aliis incantationibus magicis. Ad tertium dicendum, quòd dæmones ueniunt, & illis mendaciis & uanissimis commentationibus alliciunt homines, ut confidant in mendaciis & fabulis, quomodocunque utantur adiutorio dæmonum. Ad quartum dicitur, quòd dæmones adueniunt ad nomen & titulum uirginitatis, ut suadeant hominibus eos amare uirginitatem, quasi sit argumentum excellentiæ & munditiæ eorum. Ad quintum respondetur primò, quòd rarò, aut nunquam, magi utuntur solis uerbis sacris, sed semper miscent alia uerba, aut ritum, & cæremoniam superstitiosam. Sed si aliquando utuntur solis uerbis sacris, hoc dæmones faciunt, ut uani homines putent eos non exclusos & alienos à religione Christiana. Vel fortasse aliquando dæmones coguntur etiam à magicis, uirtute tamen diuina, propter reuerentiam uerborum sacrorū, sicut suprà diximus, quòd mali etiam aliquando faciunt miracula. Vnde Casiodorus dicit libr. 6. tripartitæ. capi. i. quòd cū magus quidā perduxisset Iulianū apostatam ad quēdam locum Senatus, tamen illic aduocati dæmones apparuissent, terrore
com

compulsus Iulianus, frontem signo crucis munivit, quo uiso, dæmones repente disparuerunt, quod ualde mirandum est etiam ab homine apostata. ¶ Dubitatur circa conclusiones, & maximè contra ultimam. nam multi bona fide utuntur magicis incantationibus, & adiurationibus, qui nec uolunt, nec uellent aliquod commercium habere cum dæmonibus. Et si putarent dæmones quocunque pacto interesse, aut dare fauorem suis operationibus, nulla ratione illis uterentur, sed prorsus abhorrerent, & cessarent à tali usu & negotio. ergo uidetur, quòd efficacia magorum seu magicarum artium non sit semper ex instantia & commercio dæmonum, sed quòd in ipsis ritibus & operationibus magorum sit aliqua mala uirtus & efficacia. Respondetur, ut ait Augustinus secundo super Genesin, ad literam, quòd dæmon semper miscet se hominum operibus, illis ignorantibus & nolentibus, & sic sæpe contingit in istis superstiosis rebus: homines enim, & maximè fœminæ stultæ bona fide utuntur huiusmodi rebus & uerbis ad remedia infirmitatum, & sine dubio dæmones assunt operationibus illorum, ut decipiant, & persuadeant confidere in rebus uanis, & hoc est fœdus tacitum cum dæmonibus, ut Augustinus ibidem dicit. Vnde etiam est notandum, quòd licet

Aug

Augustinus dicat, quòd non potest sciri, nisi ipsis docentibus, quibus signis, aut rebus dæmones alliciantur: tamen pro certo dæmones miscent se, & adueniunt quibuscunque superstitionibus, ac intelligūt homines confidere, & maximè si ex intentione uellent inuocare dæmones. Ex quinta quæstione, ubi dictum est, quòd magi fauore, & uirtute superioris dæmonis possunt cogere inferiores, erit unum dubium, An * superiores dæmones habeant aliquam potestatem in inferiores. Et uidetur quòd non: nam in dæmonibus non sunt alia potentiæ, nisi intellectus & uoluntas, sed illæ non sunt potentiæ actiue ad extrà, ut Philosophus uidetur dicere nono Metaphysicorum. Et patet exemplo in hominibus, ubi intellectus & uoluntas nunquam agunt ad extrà, nisi mediante aliqua potentia. ergo uidetur, quòd dæmones non habeant aliquam actiuitatem super alios dæmones. Item, quia uel illa potestas esset naturalis, aut gratuita: non secundum, ut constat. ergo si esset naturalis, sequeretur, quòd dæmones perfectiores in naturalibus haberent potestatem naturalem super alios angelos imperfectiores in naturalibus. hoc est inconueniens, ergo. Item tercio, Si aliquid possent superiores in inferiores, maximè uideretur quo ad motu localem

calem. non enim apparet quid aliud possint imprimere superiores in inferiores. Sed hoc non uidetur, ergo nullam habent potestatem. Probat minor, quia dæmones, sicut angeli, non sunt in loco nisi per operationem: sed in dæmonibus non est alia operatio, nisi intellectus & uoluntas, ad quas cogi non possunt. ergo non apparet quomodo dæmones superiores possint cogere inferiores ad motum localem. Pro responsione est prima quæstio, Dæmones

30 * superiores possunt cogere inferiores. Hæc probatur primò, quia dæmones inter se habent prælationes & principatus, saltem ex nequitia & concordia illorū. Ex odio enim & inuidia, qua tenentur erga homines, non est dubitandum quin percusserint fœdus, & inter se constituerint ordines & societates ad istum finē, ut homines perdant: & sic, ut ait S. Tho. p. p. q. 109. artic. 2. aliqui dæmonum sunt præfecti, & uelut principes ad imperandum aliis, & inferiores dæmones se subiiciant illis, quos potentiores uiribus uident ad propriam nequitiam exequendam. Et ideo Christus Lucę 11. uocauit societatem regnum. Omne, inquit, regnū in se diuisum, desolabitur: & si satanas satanā eiiciat, quomodo stabit regnum eius? Iste est ergo unus modus, quo superiores dæmones possunt inferiores cogere, scilicet per imperium, cui inferiores resistere non ualent ex cōmun

S. Thomas.

LUC. 11.

communi concordia. Secundo etiam ex naturalibus suis hoc possunt, quia ubicunque sunt res subordinatæ, oportet quod etiam actiones subordinentur sibi inuicem. Sicut patet in rebus corporalibus, quia enim inferiora corpora naturali ordine sunt inter corpora cælestia, actiones, & motus eorum subduntur actionibus, & motibus corporum cælestium. Sed manifestum, quod inter dæmones aliqui sunt superiores ex naturalibus. ergo habent potestatem naturalem supra inferiores. Et confirmatur, quia dæmones habent potestatem mouendi localiter animas, & alligandi. ergo eadem ratione habebūt potestatem supra dæmones inferiores: & iste est alius modus, quo superiores angeli possunt coërcere inferiores. unde San. *S. Thom.*
Tho. 3. p. q. 43. arti. 2. ad tertium, dicit, quod dæmones superiores sua naturali uirtute poterāt, & de facto aliquando pellunt dæmones à corporibus. Augustin. 21. de ciuit. dicit, quod dæmones Nigromantiam potestate superiorum demonum alligant aliquibus imaginibus, uel annulis, aut aliis rebus. Et S. Tho. de anima. q. 21. dicit, quod aliqua substantia spiritalis alicui corpori alligetur, non est ex uirtute corporis potentis substantiam incorpoream detinere, sed est ex uirtute alicuius substantiæ superioris alligantis talem substantiam tali corpori: sicut etiam arte magica, Deo permittente, uirtute
u super

superiorum dæmonum aliqui spiritus alligantur annulis uel imaginibus. Idem dicit 4. cōtra Gen. capitulo 90. & multis aliis locis. Et *Palud.* Petrus de Palud. 4. d. 44. q. 7. dicit, quòd angelus fortior potest sistere & tenere minus fortem. Ad argumenta autem in contrarium. Ad primum respondetur, quòd in angelis est sine dubio potentia motiua, sed illa non distinguitur ab intellectu, & uoluntate. Ad secundum dico, quòd re uera ita est, quòd ex naturalibus aliqui dæmones possent obsistere angelis, & eos coërcere, sed non permittuntur à bonitate diuina, & etiam gloriæ doctes sufficiunt ad resistendum. Ad tertium pronunc respondetur, quòd angelus, aut dæmon potest esse in loco per passionem, sicut per operationem, & sic dæmon inferior patitur à superiori, per hoc, quòd applicatur loco, uel expellitur ab eo, sicut animæ sunt in purgatorio, aut in inferno, non agendo, sed patiendo. Sed occurrit statim dubium non dissimulandum, **31** * Quopacto dæmon superior potest tenere inferiorem alligatū annulo, aut imaginis: absente enim superiore dæmone, non uidetur quo modo possit impedire inferiorem ne recedat. Ad hoc respondetur primo, quòd profectò uirtute naturali non potest alligare inferiorem, ita ut eo absente alius descendere non ualeat. Secundo dico, quòd potest cogere illo mo

lo modo, ut si discefferit, retrahat ad eundem locum. Tertio dico, quòd potest cogere ad remanendum in imperio, cui inferior, ut dictum est, subiectus est. Quarto dico, quòd non est uerisimile, quòd dæmō, qui alligatus est annulo, aut imagini, semper sit præsens imagini, sed dicitur alligatus, quia uocatus à possessore annuli, semper uenit, nec indiget tempore ad redeundum ubicunque sit, & ad quamcunque distantiam potest cognoscere quid rerum generatur apud illum, in cuius potestate annulus, aut imago est: sed miseri magi putant se tenere dæmones tanquam compedibus, & ex maxima parte sunt fabulæ, quæ de huiusmodi dicuntur annulis, aut imaginibus.

¶ Septima quæstio, An * magi uirtute dæmonum possint transmutare corpora localiter, hoc est, transferre (ut ferunt) per multa terrarum spatia, summa celeritate. Et uidetur quòd non, quia si corpora obedirent dæmonibus quo ad motum localem, sequeretur quòd saltem quantum spectat ad naturam eorum, possent destruere ordinem, & machinam uniuersi, puta mouere cibum contrario motu, & tollere terram loco suo: hoc non est dicendum, quòd aliqua creatura habeat potestatem supra totam naturam, & possit perdere uniuersum, ergo, &c. Non enim angelis subiecit orbem Deus. ad Hebr. 2. Item si habent illam, *Hebr. 2.*

u 2 potest

potestatem, quomodo nunquam liberant amicos suos à manibus iudicum? Item arguitur ex d. c. episcopi. 26. quæst. 1. ubi, ut relatum est, damnantur qui credunt mulierculas deferri noctu per aëra. Item non apparet quomodo, an impellendo, aut quomodo se habendo. Ad hanc quæstionem fit conclusio, Dæmones
³³ * & magi uirtute dæmonum possunt mouere, & transferre corpora de loco ad locum. Pro-
August. batur primo authoritate Augusti 3. De trinitate, qui dicit, dæmones adhibere semina corporalia ad aliquos effectus producendos: hoc autem non fit nisi per motum localem. ergo, &c. Item angeli mouent cælos, &c. Item patet, Satan concussit quatuor angulos domus Iob, quæ corruens oppressit liberos eius. Iob, 1. Item patet manifestè in obscuris à dæmonibus, quos dæmones aliquando inuitos mittunt in ignem, & præcipitant deorsum, & iactant, & raptant uariè: nec uidetur alius modus, quo dæmon possit occupare humana corpora, nisi subiiciendo quo ad motus locales, ut mouendo linguam, aut tenendo alia organa, & membra corporalia. Vnde nulla ratione potest negari, quin dæmones possint mouere localiter corpora. Item quia angeli mouent cælos, mouent animas. Item assumunt corpora frequenter, & apparent in eis, quod non fit sine motu locali. Ad argu-
 menta

gumenta autem in contrarium, ad primum respondetur, quòd nec unus angelus, aut unus dæmon, nec omnes simul possent aut sistere cælum, aut contrario motu mouere, aut terram mutare de loco suo, ut ait. S. Thom. de po-
tentia, q. 16. art. 8. & 3. contra Gen. cap. 108. S. Thom.
& ratio est connexio, & ordo uniuersi, contra quem nulla causa particularis potest ex ipso ordine naturali, sicut nec omnium dæmonum artificio posset dari uacuum. Posset enim dæmon tollere aërem de loco ubi est: sed hoc supposito, omnes dæmones non possent ob-
sistere, quominus alius aër succederet in loco prioris. Ad secundum de illo capite episcopi. Iurisperiti ex illo loco multum dubitant, utrum ea quæ feruntur de istis mulierculis strigibus, an uerè gerantur, an sit sola illusio sensuum. Et uix adduci possunt, ut credant in ueritate mulieres transferri per aëra, & deduci in solitudinem, aut in quemuis locum in societatem hominum, & dæmoniorum. Et quidam frater Samuel ordinis minoris proprio opusculo satagit defendere hanc opinionem, quòd nunquam uerè dæmon transferat huiusmodi mulierculas, sed quòd rapit sensus earum, & relinquit uelut exanimas, & interim illudit, & commouet ita sensus interiores, ut uerè putent illa geri, scilicet se uolare, & uerè commisceri concubitu aut dæmoni, aut alicui

ex suo satellitio, cum tamen nū fuerint mutata. Et dominus Abulens. testatur se experientiam de hoc sumpsisse, cum muliercula una ex illo numero coram se unxisset se unguento, statim corruisse sine sensu, ita ut titione pedem illius combussisset, nec excitaretur, sed post spatium temporis cum ad se redisset, narrabat mirabilia, scilicet fuisse in campo cum multitudine hominum, & alia, quæ solent referri. Sed frater Ioannes Dodo ordinis prædicatorum fecit apologiam contra Samuelem, ubi tuetur sententiam, quòd licet ita sit, quòd plerunque ista fiant à demone per solum præstigium, & illusionem sensuum, tamen aliquando uerè gerūtur. Et ita tenet Turre Cremata super illud c. episcopi. Et ita tenendum, quia postquam demones possunt realiter ista facere, credendum est, quòd aliquando uerè faciant. Et hoc exploratum, & compertum est multis testimoniis, & experientiis. Ad uerba autem c. respondetur à Turre Cremata, quòd in illo capitulo multa continentur, quæ uerè non gerebantur, ut quòd equitarent cum Diana, cum Herodiade. nam Diana nulla est, Herodias autem est in inferno, nec permittitur exire ei, nec est mulier, sed sola anima. Item quòd ueri essent ibi equi, aut bestię, quibus per aëra uolarent. Equi enim, & alia, quæ ibi continentur, non uerè, sed præstigiöse facta sunt,

sunt: non negat autem, quin mulieres possent uerè à dēmonibus portari per aëra.

¶ An *magi possint pro suo arbitrio immutare corpora, immutare inquam alterando secundum qualitates, immittendo morbos, & contrà præstando sanitatem. Et uidetur quòd non. Nam dēmones, quorum uirtute magi operantur, sunt incorporei, & immateriales: cum ergo nihil agat nisi in sibi simile, non uidetur qua ratione possint dēmones imprimere qualitatem corporalem in rem materialem. Item sanctus Augustinus, ut suprà citatum est, negat quòd illę incantationes sociorum Vlyssis, & Diomedis, quæ dicuntur à Circe factæ, fuerint uerę, sed solum secundum apparētiā sensuū. Sed si dēmones possent immutare materiam, eadem ratione possent immutare figuras rerum naturalium, & sic potuissent uerè socios Diomedis & Vlyssis retinere sub figuris ferarum, & uolucrum. Item grauissimum periculum imminet nobis à magis, qui cum sint socii dæmonum, reputandi sunt tanquam hostes mortalium, si morbos, & mortes possint inferre hominibus: nec est uerisimile, quòd Deus talem potestatem permiserit dæmonibus ad perniciem humani generis. Item si possunt sanitatem præstare, sequeretur quòd possent ab omni morbo sanare, & sic facere homines immortales. De hac quæstione Phi-

Iosophorum non fuit una sententia. Auicenna quidem posuit, quòd substantia spiritalis, quæ cælos mouet, non solum mediante cælesti motu effectus in inferioribus corporibus causat, sed etiam præter omnem corporis actionem: uolens quòd materia corporalis multo magis conceptioni & imperio spiritalis substantiæ, quàm cuique corpori naturali subiiciatur, & ex hac causa prouenire dicit inuitas permutationes aëris, & infirmitatum curationes, quæ nos miracula dicimus. Et ponit exemplum de anima, ad cuius imaginationem absque omni alio corporali agente transmutatur corpus, & ad calorem & ad frigus, & quandoque ad febrim, uel lepram. Conformiter ad hanc opinionem dicendum esset, quòd substantiæ spirituales, quales sunt dæmones, possent immutare corpora, & alterare imprimendo corporeas formas, & qualitates. Et posset opinio confirmari, quia eiusdem uirtutis uidetur imprimere formam in materiam, & impedire ne imprimatur. Sed hoc dicit magos posse, ut quòd aliquis certis uerbis scriptis non lædatur ab igne, imò isti salutatores hoc faciunt. Item, quia possunt imprimere immediatè & immutare phantasiam, ergo & has formas naturales.

35 ¶ Ad hoc sit prima propositio, Nec* dæmones, nec magi uirtute dæmonis possunt immediatè

diatè imprimere in rebus naturalibus & materialibus aliquam formam, ut calorem, frigus, morbum, aut sanitatem. Hanc propositionem ponit Philosophus 7. Physi. ubi ostēdit, quòd formæ non imprimuntur in materia ab aliqua substantia separata, sed reducuntur in actum de potentia materiæ per actionem formæ in materia existentibus. Et probat, quia, ut ibi ostendit, id quod fit, propriè est compositum: omne autem agens agit in sibi simile, unde oportet quòd illud, quod facit res naturales existere per generationem, sit compositum, non forma sine materia, uel forma separata. Secundo probatur conclusio, quia si dæmon posset immediatè imprimere aliquam formam naturalem. ergo & omnes, cùm non sit maior ratio de una, quàm de aliis omnibus: consequens autem est falsum, quia tunc tota natura esset ei subiecta, & sic totus orbis. non autem subiicit Deus orbem terræ etiam angelis, Hebr. 2. Et hæc est expressa sententia Augustini 3. de trinit. cap. 6. Nec omnino, inquit, putandum est istis transgressoribus angelis ad nutum seruire hanc uisibilibus rerum materiam. Et finaliter hæc est communis sententia doctorum omnium, 2. dist. 7. post Magistrum sent. qui ita determinat. Secunda conclusio, Magi * uirtute dæmonum possunt mirabiliter transmutare materiam, & naturas corporales,

*S. Thom.
Arist.*

applicando semina rerum, & actiua passiuis. Hæc est determinatio August. 3. de trinit. c. 9. Et probatur manifeste ex superioribus. Nam ipsis obediunt corpora ad nutum quantum ad motum localem: sed ipsi optime nouerunt naturas, & uirtutes & efficacias omnium rerum naturalium, & possunt eas celerius & intimius applicare, quam homines, unde, ut ait S. Tho. De potentia. q. 63. sicut ars imitatur naturam, & ut ait Philosophus 2. Physic. quædam potest facere ars, quæ non potest natura: ita dæmones multa facere possunt, quæ sunt præter solitum cursum naturæ, & præter omnem artem, & humanum ingenium. Item, quia influentia cælestis multum facit, & operatur ad effectus naturales. Vnde in agricultura, & medicina necessaria est obseruatio, & consideratio motus, & cursus solis, & lunæ. cum ergo dæmones sint peritissimi astrologi, possunt melius eligere horas ad operandum. Et hæc fortè est una ratio, quare magi in inuocationibus dæmonum situs stellarum obseruant. Et sic est aperta ratio, quomodo, & quare dæmones, aut magi possunt immittere ægrotudines, aut sanitates, aut alias transmutationes facere, Confirmatur Iob secundo, Satan percussit Iob ulcere infestissimo. Ad argumenta autem contra primam conclusionem, ad primum respondetur à Sancto Tho. quòd sine dubio dæmon

dæmon non potest immutare, nec immediate ob stare, quominus agens naturale agat in subiectum dispositum, sed impedire ignem ne comburat, uel imprimendo aliquam qualitatem defensiuam per modum supradictum, uel etiam tenendo flammam ne perueniat ad tale subiectum. Ad secundum respondetur, quod dæmon non immutat phantasiam, imprimendo nouas species, nisi fortè aliquando exterius formato aliquo corpore phantastico, quo mouet oculos, sed mouet interiores spiritus, ubi sunt species: & taliter offert sensui interiori quod uult, ut uideatur res reuera esse præsentis, & geri ad modum somniantium, uel phreneticorum, imò perfectius, quanto (ut dictum est) potest subtiliter, & præter omnem artem applicare causas ad huiusmodi operationes, & sic ita perfectè mouet tales species, & presentat sensibus interioribus, ut tales, qui hæc patiuntur, firmissime credant rem uerè geri. Vnde prouenit, quod contingit in illis lamiis, ut cum uelut exanimes maneant in uno loco, credant se translatas per aëra, & uidisse, & egisse, uel passas esse quæ nunquam fuerunt in rei ueritate. De quo uide Turre Cremata in d. cap. episcopi. Ad alia argumenta in principio quæstionis. Ad primū iam declaratū est, quod non possunt immediate imprimere formas, sed applicando semina, & causas naturales.

Ad

Ad secundum respondetur, quòd licet dæmones possent immutare corpora, nō tamen possunt conseruare formas naturales sine dispositionibus naturalibus : & quia organizatio est dispositio requisita ad animam rationalem, non poterit dæmon figuram hominis immutare in figuram brutorum, manente rationali anima. ut S. Tho. dicit, De potentia, q. 16. ergo.

S. Thom. Ad tertium, Et si aliquid ueritatis habet illa historia, omnino dicendum est, quòd dæmon occisis sociis Diomedis & Vlysis, bestias pro illis supposuit, uel fortasse illæ bestię etiam erant phantasticę. Et sicut non potest hominem sub figura bestię conseruare, ita nec peculiarem figuram unius leonis tollere, & dare alteri. Vnde fabulosa uidentur in itinerario Clementis, quòd Simon magus Faustiniانو propriam figuram & faciem abstulit, & suam dedit illi: quod ego non credo. Ad quartum, Certissime dæmones nisi coërcerentur à Deo, & à bonis angelis, possent grauissimis calamitatibus mortales afficere, ut patet de aduersitatibus Iob. unde S. Thom. p. 3. q. 29. art. 1. dicit, quòd dæmones non permittunt facere omnia, quę naturaliter possunt, sed clemētissimus Dominus permittit eos uti sua potestate, & boni angeli etiam impediunt, & maxime illi, quibus orbis custodia & hominum commissā est. Sed mirum & mysterium est, quòd cum

cùm dæmones per se nocere non permittantur, tamen non adeò impediuntur nocere per homines, sicut per magos, per lamias istas, & alias maleficas. Ad quintum dicendum, quòd sine dubio dæmones possent à multis egritudinibus curare, à quibus nulli medici possunt, tamen non ab omnibus. Nam, ut dictum est, nihil possunt in hac re, nisi per applicationem causarum naturalium, nec sunt causæ naturales ac restituendum hominem ex quolibet morbo, maxime ex morbo senectutis. Sed certe uidetur, quòd ex quolibet morbo uiolento possent sanare, ut à febre, uulneribus, & similibus: possent enim sistere sanguinem, aut detrahare, & similiter quemlibet humorem. Sed uidetur, quòd saltem posset dæmon protendere uitam usq; ad millesimū annum. Si enim potest omnia naturalia, & aliquando uita naturalis fuerit mille annorum, ut patet in Adam & aliquibus aliis, quare non posset nunc conseruare uitam per tot annos, cùm sint omnia alimenta, & omnia remedia medicinalia, quæ tunc erant? Respódetur, Sine dubio dæmones non possent particularem uitam protelare per tot annos, sicut illo tempore. Ratio est, quia per intemperantiam & ignorantiam, hominum natura est ualde corrupta, & morbida, nec sufficiunt quæcunque res naturales restaurare in antiquam illam integritatem, & alimen

menta ipsa ex malo cultu non habent illum uigorem. Et ultimo & fortè principaliter ex influentia cælesti. Dominus enim prouidentia sua ita disposuit, ut primis illis temporibus essent constellationes cælestes naturales salubriores & efficaciores ad uitam hominum propagandam, & ut alimenta essent maioris uigores, & etiam medicinę, & aër, & aqua, & alia quę conseruant uitam mortalem. Alia erat hic quęstio, uel dubiũ, quia pręsupponitur semper, qđ demones sunt incorporei & immateriales, an hoc si omnino cerrũ. sed quia puto me p nunc satis dixisse de hac materia, hoc seruo

pro alia eiUSDem materię relectione,
quam Domino pręstāte promitto
uobis daturũ anno sequenti,

& si interim uolueritis

illud dubium scire,

uidete S. Tho.

prima part.

quę. 50.

artic.

I.

REV

REVERENDI PA-
TRIS F. FRANCI-
SCI A VICTORIA

Relectio

*De eo, ad quod tenetur homo ueniens
ad usum rationis.*

S V M M A.

- 1 Ecclesiastici liber an deberet recipi inter Canonicas scripturas, quomodo in ecclesia dubitatum fuerit, & quid tenendum.
- 2 Homini omni ad usum rationis peruenienti, an pateat aditus ad salutem, & uitam æternam.
- 3 Rationis usum habere, quid sit.
- 4 Liberum arbitrium aut usum rationis habere, quod non sit idem, quod habere actus intellectus, & uoluntatis.
- 5 Liberum arbitrium habere, aut usum rationis, quod non uideatur idem, quod posse agere, & non agere positis requisitis ad agendum ad sensum, in quo communiter doctores capiunt.
- 6 Liberum arbitrium habere, quod sit idem, quod esse dominum suarum operationum.
- 7 Liberum arbitrium, quod duo requirat, & quomodo secundum potest esse sine primo, & posito primo, ponitur secundum.
- 8 Rationis usum quod unus homo habeat, & alius non, unde proueniat.
- 9 Rationis usum, quod unus homo habeat, & alius non, possit immediate ex parte intellectus, & uoluntatis prouen

prouenire.

- 10 Rationis usum quod unus habeat, & alius non, quod talis differentia non proueniat ex aliquo habitu à natura concreto, uel intellectu, uel in uoluntate, qui solum sit in uno, & non in alio, uel in puero, & in adulto.
- 11 Defectus, & imperfectio, uel priuatio usus rationis, unde semper, uel ex maiori parte proueniat.
- 12 Appetitus sensituius, quod possit esse causa priuationis usus rationis.
- 13 Usus rationis posse tolli per habitus existentes in uoluntate, puta ex odio, uel amore uoluntatis, quod sit probabile, posita etiam omnimoda rectitudine ex parte sensituiua.
- 14 Dispositio qualitatum naturalium, quod nulla sine speciebus sensibilibus sit sufficiens ad usum rationis.
- 15 Educatio docta, & instructio, quod multum faciat, ut aliquis perueniat ad usum rationis.
- 16 Rationis usum an possit aliquis habere circa aliquam materiam, uel obiectum, & non circa aliud, utpote circa materiam iustitiæ, & non circa materiam temperantiæ, ut sit capax rationis ad deliberandum, & iudicandum an sit iurandum, uel nocendum alicui, & non sit capax ad consultandum de fornicatione, sed habeat se ad illam tanquam puerum.
- 17 Rationis usum habere sufficientem circa artes, qui non habeat circa materiam moralem, quod uideatur possibile.
- 18 Rationis usum habere sufficientem circa artes, qui non habeat circa materiam moralem, licet sit possibile, quod tamen uideatur multum difficile, uel nunquam contingere.

Ration

1. *Rationis usum habere circa aliquā materiam morālē, & non circa omnes, putatur impossibile ab authore.*
2. *Rationis usus primum instans, quid sit, uel quid uocetur. Et quomodo deliberatio non possit esse libera, id est, quod sit in potestate hominis deliberare, & non deliberare.*
3. *Deliberatio prima, quod sit ex causis non naturalibus uel prorsus extrinsecis, puta uel à Deo, uel ab angelo.*
4. *Deliberans primo, quod non habeat in sua potestate prius deliberasse.*
5. *Deliberans primò, quod potuit primò deliberasse.*
6. *Deliberatio, quod non possit cadere sub præcepto.*
7. *Deliberans primò, q. non tenebatur prius deliberasse.*
8. *Recentiorum dictum, quod detur tempus induciarum, in quo aliquis potest deliberare, quod sit uanum.*
9. *Instans primum, uel tempus usus rationis, in quo quis primo deliberat actu, quod non sit in quo potest primò deliberare. Et multa de usu rationis.*



Locus relegendus habetur Ecclesiastici 15. Deus ab initio constituit hominem, & reliquit illum in manu consilii sui. Quia de authore, & autoritate illius libri Ecclesiastici inter multos dubitatum est, nec defunt adhuc qui ambigant, non erit ab re, de hoc ipso pauca præfari, ne tota nostra disputatio lubrico loco innixa, nutare uideatur. Primum inter libros Canonicos liber Sapientiae, & Ecclesiasticus ab Hebræis nō recipiuntur.

tur. Hoc Hierony. in prologo Galeato, & in prologo ad Heliodorum, & Croniaticum, qui etiam de Ecclesiastico dicit, Nusquam reperi Hebræum; sed Græcum solum. Ideo hac ratione dubitatum * in ecclesia est, an deberet recipi inter canonicas Scripturas. Sed tamen omnes authores uetustissimi usi sunt testimoniis illorum tanquam propheticorum librorum, Egesippus, Irenæus, Tertullianus, Euaristus, Alexander, successores Anacleti, Clemes, Alexandrinus proximus Ioanni Euangelistæ, Origenes, Cyprianus, Ambrosius, Augustinus, Damascenus: & Eusebius libro 4. dicit duos ex antiquis patribus illis libris ante usos tanquam propheticos. & August. 17. De ciuitate Dei, cap. 20. expressè dicit esse propheticos. & Damascenus libro 4. c. 18. In concilio Carthaginensi 7. cui interfuit Augusti. c. 47. dicitur, Placuit ut præter Scripturas canonicas nihil in ecclesia legatur sub nomine diuinarum Scripturarum, sunt autem canonicæ Scripture Genesim, & Salomon libri 5. hæc à patribus legenda suscepimus sub nomine diuinarum Scripturarum. Hæc in concilio. Vnde patet, Sapientiam & Ecclesiasticum repositum inter sacras Scripturas Salomonis, aliàs non essent nisi tres. De authoribus illorum librorum licet nõ omnino constet. inter authores, sed

sed hoc est satis rationabile non esse editos à Salomone, continere tamen sententias Salomonis scriptas in diuersis libris Salomonis, sparsimq; multa constat scripsisse, quæ ad nos non peruenerunt, uel in memoria hominum. Egesippus, Irenæus, Tertullia. Cypria. Eusebi. citant librum sub nomine Salomonis. De Ecclesiastico satis cōuenit, authorem fuisse Iesum filium Sirach. Sed Iesum filium Sirach ex Hebræo Græcum fuisse, uel potius nouum fuisse circa tempora Ptolëmæi Euergetis 200. ferè annos ante natiuitatem Domini, sub Simone magno Sacerdote, Oniæ filio. De Sapiencia non ita conuenit, sed tribuitur Philoni Iudæo, non qui claruit sub Nerone, sed alteri antiquiori 160. annos ante Christum, sed uterq; uidetur scripsisse ore prophetico. Augustinus tamen De doctrina Christiana utrunque putat esse Iesu filii Sirach. Quod tamen retractauit 2. lib. retracta. c. 4.

¶ Ex uerbis præpositi loci satis cōstat Scripturā nō loqui de homine ante usum rationis, uel omnino priusquā possit deliberare, & consiliū sumere de agendis, atq; adeò nos impræsentiarum nihil loquimur de salute hominis, uel statu in utero matris, uel prorsus antequam peruenerit ad usum rationis, sed solum constitui in tota hac disputatione hoc argumentum tra-

etare, & hunc locum uersare, qua ratione, aut
 qua uia homini possit patere salus postquam
 est sui iuris, aut (ut Scholastici dicunt) postquam
 annos discretionis attigerit. Et ideo sit quæ-
 stio principalis, An * omni homini peruenienti
 ad usum rationis pateat aditus ad salutem, &
 uitam æternā. Pro parte negativa arguitur, Si-
 ne fide impossibile est placere Deo, & accedē-
 tem ad Deum oportet credere, quia est, & quia
 Hebr. 11. inquiringibus se remunerator est, ad Hebr. 11.
 Sed multis uenientibus ad usum rationis im-
 possibile est credere, aut habere fidem, ut patet
 de natis & educatis apud barbaros & ignaros
 Deitatis, & religionis: ergo talibus non patet
 aditus ad salutem. Item, Qui crediderit, & bap-
 tizatus fuerit, saluus erit: qui uerò non credi-
 derit, condemnabitur. Marci 16. & confirma-
 tur ex Paulo, Rom. 10. Quomodo inuocabunt
 in quē non crediderūt? aut quomodo credent
 ei, quem non audierunt? quomodo autem au-
 diēt sine prædicatē? Vbi Paulus apertē uidetur
 excusare eos, quibus non est prædicata religio,
 & nomen Dei. In contrarium est illud, Deus
 uult oēs homines saluos fieri, 1. ad Timoth. 2.
 item Ecclesiasti. 15. Ante hoīem uita & mors,
 bonū & malum, quod placuerit ei, dabitur illi.
 Ex quo loco uidetur, quòd omni (si per illum
 non stat) sit data supernaturaliter facultas per-
 ueniendi

ueniendi ad uitam æternam. item, In ueritate cognoui, quòd non sit personarum acceptor Deus. Actuum. 10. Ad hanc quæstionem dis- *Act. 10.* soluendam quatuor dubia oportet tractare. Primum, quid sit hominem habere usum rationis, & quid peruenire ad usum rationis, Secundum, quid potest homo, cum primum peruenerit ad usum rationis. Tertium, ad quid tenetur pro eodem tẽpore. Quartum, de principali quæstione: quibus expeditis, relectio erit solutã.

¶ Pro prima ergo quæstione est notandum, quòd licet ratio essentialiter idem sit quod intellectus humanus, tamen uoluntas ponitur à philosophis in ratione, ut uidetur Aristo. *Aristot.* sententia 3. Ethicor. c. 10. Et apertius 3. de anima. c. 6. Imò uocatur uoluntas per essentiam rationalis, ut patet ex S. Tho. in 3. dist. 23. q. 1. artic. 1. *S. Thom.* quæstiunc. 1. Quare usus rationis non solum dicitur usus, & facultas potentię electiue, sed etiam usus uoluntatis. Imò & Aristo. 3. Ethicor. c. 10. dicit fortitudinem, & temperantiam esse partium rationis expertium, &c. Et tamen appetitus sensitius est particeps aliquo modo rationis. ergo aliter uoluntas est rationalis, quàm participans. Similiter etiam quanquam liberum arbitrium sit etiam essentialiter idem quod uoluntas humana, ut disertè tradit Da-

masce. lib. 2. tamen quia actus liberi arbitrii est
 electio, ex Magistro in 2. d. 24. & electio adeo
 exigit consilium, ut Aristoteli. 6. Ethic. in dubium
 reuocauerit, an sit appetitus sensitivus, uel intel-
 lectivus, ideo etiam liberum arbitrium non so-
 lum ponitur facultas uoluntatis, sed rationis &
 uoluntatis, ut patet apud Magistrum in 2. d. 24.
 Hoc breuiter præmissis, ut à notioribus & fa-
 cilioribus incipiamus, sit prima propositio,
 ¶ Habere * usum rationis idem est, quod ha-
 bere liberum arbitrium. Hæc patet ex dictis,
 nam si habere usum rationis est habere faculta-
 tem intellectus & uoluntatis, hoc autem est ha-
 bere liberum arbitrium. ergo idem est utrunq;
 Et confirmatur, quia in quocunq; est usus ra-
 tionis, est liberum arbitrium, & e conuerso.
 ergo signum est quod sunt idem. Sed hoc ipsum
 non est satis exploratum quid est habere libe-
 rum arbitrium. Quanquam enim, ut idiote
 & rustici intelligere possint eum qui habet
 usum rationis, & liberum arbitrium, ab eo qui
 non habet: diffinire tamen in quo consistat ra-
 tio liberi arbitrii, & quid sit habere hanc facul-
 tatem, non est facile. sed utrumque uidebimus.
 Ad declarationem huius sit secunda propositio,
 Non est idem liberum arbitrium aut usus ratio-
 nis quod habere actus intellectus, & uolunta-
 tis. Patet, quia ebrii, & amentes non habent li-
 berum

berum arbitrium, & tamen habent actus intellectus, & uoluntatis: ergo non est idem. Maior est nota, minor probatur, quia habent actus circa res spirituales, quæ non cadunt sub sensu, ut desiderium etiam rerum spiritualium, ut experientia patet ex his, quæ tum faciunt, tum dicunt, loquuntur enim de Deo, & angelis, disputant de dialecticis. Et confirmatur de pueris & somniantibus. Somniantes enim postea meminerunt, sic habent actus intellectus & uoluntatis. Item habent aliquos actus uniuersales, quos non uidetur quod possit habere sensus, qui est solum particularium. S. Tho. prima part. q. 84. artic. 8. ad 2. loquitur, quo modo sensus & imaginatio plus uel minus ligantur, uel soluuntur in dormientibus, & concludit sic, Ergo per modum quo sensus soluitur & imaginatio, dormiendo ligatur iudicium intellectus, non tamen ex toto. Vnde aliqui dormiendo syllogizant, & cum excitantur, semper recognoscunt se in aliquo errasse. Ex his uerbis S. Thom. patet, quod dormientes habent actus intellectus, & per consequens possunt habere actus uoluntatis. Idem & clarius ponit in 4. d. 9. q. 1. art. 4. ad 3. & 4. Et ibidem ad quartum dicit, quod aliquando in somnio consentit quis turpitudini, unde etiam uidetur quod habet actum uoluntatis. & 2. 2. quæst. 172. articulo 1.

ad secundum, idem concedit de dormiente. Et confirmatur etiam ratione, quia omnes amentes, pueri, & somniantes habent aliquando actus sensuum sufficientes in uigilantibus & sanis ad actum intellectus & uoluntatis. ergo possunt esse in animantibus, quia tota causa quare amentes non habent usum rationis, est dispositio sensuum. Antecedens autem patet, quia iudicant per sensum aliquod esse bonum, aut malum: quod iudicium sufficeret mouere non amentem ad actum intellectus & uoluntatis. Et confirmatur, quia sensus in homine sunt eiusdem rationis sicut in brutis, licet sint aliquo modo perfectiores. sed amentes habent multos actus, quos bruta habere non possunt: ergo illi non proueniunt à solo sensu, sed ab intellectu, & uoluntate.

¶ Tertia propositio, Non * uidetur idem habere liberum arbitrium, aut usum rationis, quod posse agere & non agere, positus requisitis ad agendum ad sensum, in quo communiter doctores capiunt. Ista propositio non est ita nota, neque ita certa, sicut præcedens, & ideo fermè omnes doctores recentiores contrarium tenent, scilicet quòd omnis actus, qui non necessario producitur, procedit à libero arbitrio. Ego dico, quòd homo producit multos actus, quos potest non producere, etiam non

non habens liberum arbitrium, nec usum rationis. Probatur hoc primo, Pueri, & amentes, & somniantes habent actus uoluntatis (ut probatum est) & non necessario. ergo hoc non sufficit ad liberum arbitrium. Minor patet, quia uoluntas est formaliter ex sua natura libera, quia potentiæ rationales sunt ad opposita (tertio de anima) & nihil est in illis, à quo necessitetur uoluntas: ergo non necessitatur. Probatur minor, quia uel esset notitia intellectiua, uel sensitiua, uel passio appetitus sensitiui, quia nihil aliud potest imaginari unde necessitetur, sed nullum illorum potest necessitare, quia sensus non potest mouere uoluntatem nisi per intellectum (tertio de anima) ergo sola sensatio non potest necessitare uoluntatem, neque passio. Patet, quia aliquando amentes agunt sine passione, uel saltem potest esse tanta passio infano, sicut in amente, & puero, & somniante. Neque ex parte intellectus, quia quæcunque notitia est in amente uel puero, potest esse in adulto, & in sapiente, & in hoc non necessitatur. ergo neque in illis. Maior patet, quia uel est simplex apprehensio, uel iudicium, quodcunque tale potest esse in adulto. Et confirmatur, quia si aliqua notitia necessitaret, uel esset simplex apprehensio, uel iudicium incompletum, uel perfectum,

ctum. Non simplex, quia notitia non solum non necessitat, sed neque potest mouere uoluntatem (tertio de anima) quia intellectus speculatiuus non mouet, sed solum practicus, & amentes aliquando agunt ex iudicio, neque iudicium simplex bono uel malo, quia id non necessitat adultum. Iudicium autem completum non potest esse in amente, & dato quòd esset, non necessitaret. ergo nihil est, quod possit necessitare uoluntatem pueri, aut amentis, aut somniantis. Et confirmatur, quia plus mouet iudicium perfectum de bonitate obiecti, quàm iudicium imperfectum, uel simplex apprehensio. sed illud non necessitat, ergo multo minus iudicium incompletum quod est in amentibus. & profectò mirum est, quòd hoc iudicium, hoc est delectabile, uel dulce, quod puer habet, necessitet eum: & tamen idem iudicium cum istis aliis, hoc est bonum, honestum & meritorium, præceptum honorificum, quod est in adulto, non necessitet. Item, quia anima separata ab omni notitia quæ est in puero, aut amente, certum est, quòd non necessitaretur: ergo nec coniuncta. Patet consequentia, quia profectò intellectus, & tota anima separata est etiam in corpore existēs (tertio de anima) & intellectus nihil recipit à corpore nisi notitiam. Et ideo
non

non est dubium, quin positis æqualibus noti-
tiis intellectualib⁹ in duabus animabus, si una
non necessitat, neque alia, quia omnino diffe-
rentia ex parte corporis nihil facit si non fa-
ciat differentiam in notitiis ex parte intelle-
ctus. Secundo probatur, Motus subiti, quos
Doctores uocant primos, omnino non impu-
tabiles, non sunt necessarii, & tamen pro eo
tempore non est liberum arbitrium. ergo hoc
non sufficit ad liberum arbitrium. Assumptum
probatur, quia omnis notitia, quæ est in pri-
mo instanti, non necessitat. ergo nec tunc. er-
go neq; ualet dicere, quòd postea non neces-
sitat, quia superuenit nouum iudicium. Nam
stat, quòd iudicium superueniens magis mo-
ueat, quàm retrahat ab illa. ergo iudicium se-
quens non facit, quòd si prius necessario mo-
ueretur uoluntas, postea non moueatur uo-
luntas. Et confirmatur totum hoc de mania-
cis, qui secundum talem passionem habent;
quòd circa aliquam materiam particularē non
habent usum rationis, cū habeant circa oēs
alias, sicut aliquando etiam phrenetici illi non
uidētur necessitari circa materiam illam, sed
errare, & tamen nō habent liberum arbitrium
circa illam. ergo non est idem habere liberū ar-
bitrium, & nō necessario agere. Et certē uide-
mus amētes, & pueros multa agere rogatos uel
ad

admonitos ad modum aliorum hominū, neq;
uidentur necessitari in illis. idem uidetur posse
probari de omnibus actibus indeliberatis, ut
fricare barbam, scalpere caput, de quibus non
uidetur dicendum, quòd sint actus necessarij,
& tamen non procedunt à libero arbitrio.

¶ Sed contra hanc conclusionem potest argui
unico argumento apparenti, Quia si actus uo-
luntatis ante usum rationis uel in amente, &
somniautibus nō sunt necessarij sed liberi, er-
go sunt boni uel mali, & si liberè trāsgrediun-
tur præcepta, ergo peccant. Respondeo negan-
do consequentiam, quia nō satis est, quòd sint
liberi hoc modo, sed oportet quòd sint deli-
berati, quod non est in eis. *S. Tho. 1. p. & 4. ubi*
S. Thom. suprà excusat somniantes, non quia necessario
agunt, sed quia non habent perfectum usum
rationis, uel intellectus, sed est impeditus in-
tellectus: itaque defectus prouenit ex parte
intellectus, non ex parte uoluntatis. Et pa-
tet, quia circa materiam bonam etiam possunt
esse motus etiam primi, qui tamen non re-
putentur actus boni propter indeliberatio-
nem. Et confirmatur solutio data, quia siue
ita sit, siue non: tamen dato, quòd ita esset,
quòd pueri, & amentes haberent talem liber-
tatem ex parte uoluntatis, si tamen haberent
intellectum ita impeditum, sicut nūc habent,
quòd

quòd non possint cognoscere quid expediat,
aut quid noceat, omnino non imputaretur
eis quicquid agerent, non ampliùs, quàm
nunc imputatur. ergo non est opus negare li-
bertatem uoluntatis. Confirmatur ultimò,
quia amentia hoc uidetur solùm significare,
scilicet priuationem, aut turbationem men-
tis, sicut intellectus, nec dicit respectum ad
uoluntatem, manet. ergo si non certa, certè
probabilis propositio, in pueris, & amentibus,
& somniantibus, & etiam in motibus subi-
tis non necessitari uoluntatem, sed posse age-
re, & per consequens hoc non esse satis ad li-
berum arbitrium. Verum est tamen, quòd hæc
non est simpliciter nec propriè libertas, sed
imperfecta, & secundum quid, quæ non est
capax bonitatis, & malitiæ, neque laudis, &
uituperii, ¶ Quarta propositio, Idem est ha-
bere liberum arbitrium, quod esse dominum
suarum operationum. Ista conclusio est Sanct. *S. Tho.*
Thom. in multis locis, expressè 1.2. quæst. 1.
articulo 1. ubi dicit, quòd in hoc differt ho-
mo ab aliis animantibus, quòd est dominus
suorum actuum. Vnde illæ solùm actiones
uocantur humanæ propriè, quarum homo
est dominus. Est autem homo dominus sua-
rum actionum per rationem & uoluntatem.
Vnde & liberum arbitrium dicitur esse facul-
tas

tas uoluntatis & rationis, & articulo 2. dicit, quòd homo habet dominium suarum actionum per liberum arbitrium. Ad hoc (inquit) quòd dominus suarum actionum sit homo, duo requiruntur. Alterum, ut homo habeat facultatem consultandi, ac deliberandi quid bonum est, & quid malum est, & quid consequendum, quid fugiendum, quid uitandum. Alterum est, ut habeat in sua potestate post deliberationem, eligendi, & relinquendi quod sic deliberatum est, neque enim primum sufficit sine secundo. Neque quis esset dominus suarum actionum, si post deliberationem necessario aut sequeretur consilium, aut non posset sequi. Ista propositio est clara ex communi significatione, & acceptione uerborum. Nam is uerè dominus dicitur ab omnibus, qui habet facultatem utendi re. Ita enim definiunt, & Iurisperiti, & theologi. Et ista facultas non potest haberi sine facultate rationis, & uoluntatis, quæ est liberum arbitrium. Vnde idem est liberum arbitrium, quod habere dominium suarum actionum: & sic & dominium, & liberum arbitrium definiuntur per idem, scilicet facultatem. Est enim liberum arbitrium facultas rationis, & uoluntatis. Et dominium actionum humanarum est facultas etiam utendi ratione

tionē & uoluntate.

¶ Quinta propositio, Ex * duobus requisitis ad liberum arbitrium secundum potest esse sine primo; & posito primo, ponitur secundum. Hoc est manifestum. Nam ubi est facultas deliberandi, est facultas eligendi, & econuerso, nec unum inuenitur sine alio, ut patet in brutis, pueris, & amentibus, ubi nulla mutatione, aut differentia posita ex parte uoluntatis (ut dictum est) solum quia intellectus impeditur à deliberatione, & consilio, uoluntas etiam non habet in sua potestate eligere & non eligere. Et ideo etiam qui uellet tenere contra tertiam propositionem, & dicere, quòd in habentibus usum rationis, uoluntas necessariò elicit omnes actus, posset respondere ad argumenta facta, & dicere, quòd natura uoluntatis est, quòd si intellectus sit solutus, & capax deliberationis & consilii, uoluntas liberè agit. Si autem non sit capax, uoluntas necessariò agit, & naturaliter. Et ideo cùm quæritur à quo necessitatur uoluntas in amente, dico quòd non à notitia, sed à natura: sicut nec in bruto necessitatur ab obiecto uel notitia, sed à natura, quia libertas uoluntatis dependet ab intellectu. Licet enim libertas formaliter sit in uoluntate tanquam in subiecto, sed est in intellectu, tanquam in causa uel radice

S. Tho. radice, ut ait Sanct. Thom. I. 2. quæst. 6. arti. 2.

Aristo. ad 2. & quæst. 17. artic. 1. ad 2. & de ueritate, quæst. 24. artic. 2. Et Aristot. 8. Ethico. dicit, quòd desiderium, siue electio necessitatur ex consilio. Sequitur corollarium responsium ad quæstionem primam principalem, in qua quærebatur, quid est hominem habere usum rationis, uel peruenire ad usum rationis. Dico, quòd est hominem esse in tali statu, ut possit consultare, & deliberare de agendis; quamuis enim usus rationis præter hoc dicat & potestatem eligendi, quod spectat ad uoluntatem: tamen in quocunque est potestas consultandi, est etiam eligendi. Sed quamuis in hac determinatione omnes conueniant, uel omnino debeant consentire, nascuntur dubia ex ea, non quidem adeò graua, sed prorsus non contemnenda.

¶ Et primum dubium est physicum, unde
 8 * scilicet cum non solum omnes homines sint eiusdem speciei, sed etiam ipsæ humanæ potentia & uirtutes, imo, ut in præsentia supponimus, una non est perfectior alia: cum ista, inquam, sint ita, unde prouenit, ut unus homo habeat usum rationis, & alius non habeat? & item, cur in infantia non sit ut est in adolescentia? Et confirmatur, Idem est omnino intellectus in pueritia & in senectute.

te. Vnde sit prima propositio, Ista* differentia non potest prouenire immediatè ex parte intellectus, aut uoluntatis. Ista propositio clara est, quia licet reuocetur in dubium, an intellectus unius sit perfectior intellectu alterius, non potest tamen esse tanta inæqualitas, ut faciat amentiam, aut sanitatem. Et item non daretur causa de infantia, & adolescentia, cum sint eadem potentiæ. Et secundò probatur, quia si amentia proueniret immediatè ex parte intellectus, aut uoluntatis, tunc inueniretur etiam in animabus separatis, quod nõ solum absurdum sed impium esset dicere. Secunda propositio, Talis* differentia nõ prouenit ex aliquo habitu concreato à natura, uel intellectu, uel in uoluntate, qui solù sit in uno, & nõ in alio, uel in puero, & nõ in adulto. Hoc patet, quia anima nostra est tãquã tabula rasa, in qua nihil est depictũ, ut Aristot. disputauit contra Platonem, & si qui sunt, illi solùm sunt primorum principiorum, qui sunt communes omnibus, & neque transiens à uigilia in somnum perdit aliquẽ habitũ, neque à sanitate in demetiã, neque ergo acquirit aliquẽ habitum rediens à dementia in sanitatem. Tertia, Defectus,* & imperfectio, uel priuatio usus rationis, uel semper, uel ex multo maiori parte prouenit ex defectu & imperfectione partis sensi-

tiuæ cognoscitiuæ, scilicet à sensibus, & maxime interioribus. Primò pro pueris, cùm potentie rationales sint perfectæ (ut dictum est) (nihil potest reddi, quod sit in causa huius priuationis, nisi ex parte sensitua, neque item in dormiente & somniantē, eademque ratio sufficit in aliis, quia effectus communis causa est communis. Secundò, quia cùm nihil sit in intellectu quin prius fuerit in sensu (primò Posterior) & necesse sit intelligentem phantasmatà speculari (tertiò de anima) corruptio & imperfectio in sentiēdo necesse est ut redūdet in intellectu. ergo. Ista erit sufficiens causa priuationis usus rationis. & confirmatur, quia etiam diuersitas & inæqualitas ingeniorum prouenit etiam ex differentia sensuum, ut Philosophus secundo de anima dicit, Quod carne molles, siue delicati sunt aptiores mente & ingeniosiores : quod ideo est, quia omnis sensus fundatur in sensu tactus (ut ipse illic dicit) qui perfectissimus est in carne perfectiore. Hanc conclusionem probat S. Tho. ex prima parte, q. 84. articu. 8. ubi probat, quod ligatis sensibus, ligatur intellectus. Et Aristo. reddit rationem libro de somno & uigilia, quare sensus ligantur in dormientibus, quod scilicet resoluuntur uapores fumosi ad cerebrum & (ut dictum est) quanto sensus soluuntur, tanto

tanto etiam ratio ligatur. ergo totum pro-
uenit ex parte sensuum. Quid autē sit in causa
ut sensitua pars non sit apta ad officium sen-
tiendi in pueris, an humor immodicus in ce-
rebro, quæ item in phreneticis, & amentib-
us, non est huius loci quæstio, sed ad me-
dicos, & physicos relinquenda. Modo hoc
sciamus, eos, qui æquo modo se habent in
sensibus, æqualiter habere usum rationis ut
in plurimum. ¶ Quarta propositio, Appeti-
tus* sensituius potest esse causa priuationis
usus rationis: uolo dicere, quod dato q quis
habeat uires sensitivas conuenienter disposi-
tas ad officium sensuum; tamen ex uehe-
menti passione potest quis perdere usum
rationis. Hoc patet, quia ut Aristote. dicit
6. Ethicor. & 7. Perturbationes, & passionēs
impediunt iudicium rationis. Ita enim iu-
dicat homo in agendis sicut est affectus. Qua-
re, inquit, qui in perturbationibus sunt con-
stituti, eodem modo sunt constituti sicut
dormientes, furiosi, & ebrii: eodem enim
modo falluntur. atque ideo impossibile
est incontinentes esse sapientes, aut pruden-
tes. Si ergo perturbationes appetitus sensiti-
ui impediunt usum rationis, ergo tantum
possunt crescere, ut omnino tollant. Ari-
sto. 7. Ethico. expressè dicit, quod ira, &

cupiditates uenereę, cęteraque similia, non nullos in furorem & insaniam adigunt. Et cōmunius inueniuntur, qui ex iniuria insanire incipiunt. Sed uerum est, quòd licet fortasse appetitus sensitiuus posset immediatè mouere uoluntatem, & non solùm mediante notitia, tamen ira perturbat iudicium rationis: uidetur quòd non possit nisi turbando sensum. & sic ista causa huius priuationis tandem reducetur ad priuationem, scilicet ad impedimentum partis sensitiuę cognoscitiuę: quam posset oppositum dici ut statim disputauimus. ¶ Quinta propositio, Probabile* est quòd omnimoda rectitudine posita ex parte sensitiua, usus rationis posset tolli per habitus existentes in uoluntate, putà ex odio, uel amore etiam uoluntatis. Patet, quia etiam, ut Aristot. 6. Ethico. tradit, & experientia docet, mali habitus perturbant iudicium rationis: ergo taliter possunt crescere, quòd superent uirtutem naturalem intellectus, & omnino tollant potestatem deliberandi: quia si possunt inferre difficultatem, ergo & omnino impedire. Et confirmatur, quia tantum possunt perturbare mali habitus, sicut passiones. ergo si passiones hoc possunt, quare non etiam habitus? Et licet uerum sit, quòd etiam eo casu turbatur etiā sensus, tamen prior uidetur turbatio rationis.

rationis. Et confirmatur, quia à sensibus intellectus nō recipit nisi species, & ad usum rationis requiritur discursus, & ratiocinatio: ergo dato quòd sensus communes administrent species, potest aliunde intellectus impediri ab usu rationis. Quòd si hoc est uerum, posset aliquis furere, non ex imperfectione sensuum. Et dixi hanc propositionem esse probabilem, & non ita certam: quia ex hoc uidetur sequi, quòd qui ita insaniret in corpore, quòd etiā extra corpus, & perseveraret insania, quia habitus mali perseverant in animabus damnatorum, & sic essent aliquæ animæ in inferno non habentes usum rationis. Sed qui uellet negare illam propositionem, oporteret respondere, quare si habitus mali possunt aliquomodo turbare iudicium rationis, non possunt tantum crescere, & tantum impedire, ut iam non sufficiant ad usum rationis? Et ad hoc incōueniēs de anima separata, quod inferebatur, possemus dicere, quòd habitus quidē nō possunt esse circa omnes materias, imò habitus ita magni nō possent esse nisi circa raras materias: & sic remaneret intellectus liber circa materias alias: nec esset incōueniens, quòd anima separata insaniret circa aliquam materiā, sicut maniaci faciunt. Non est ita de passionibus, nam ex passionibus commouetur corpus, & ipsum

instrumentum, uel organum uirium sensitiuarum, quo corrupto, iam non est idoneum ad quancunque materiam, etiam si causa fuerit etiam circa unum solúm. ¶ Sexta propositio, Nulla* dispositio qualitatum naturalium sine
¹⁴ speciebus sensibilibus est sufficiens ad usum rationis, uolo dicere, quantumcunque organum esset optimè dispositum per qualitates naturales, & ad recipiendum species, non autem diceretur quis habere usum ratiois. Hęc patet manifestè. Nā ad iudicandū & cōsultādū quid uitandū est, & quid prosequēdū, requiritur multitudo specierum. Nam ad certè cōsultandū in agendis, oportet habere memoriā præteritorū, ut dicit Cicero 2. Rheto. & Arist 2. Ethic. q̃ uirtutes intellectuales indigent experimento, & tēpore, nec potest homo iudicare de contingētibus, nisi ex his, quę cōmuniter accidūt, quę sine memoria cognosci nō possunt. Vnde si quis amitteret omnes species, quātūcunque organa manerēt bene disposita ad recipiēdum nouas species, cōstat, q̃ ille non haberet usum
¹⁵ rationis. ¶ Septima propositio, Ad* hoc, q̃ aliquis perueniat ad usum rationis, multū facit docta educatio, & instructio. Volo dicere, quòd prius quis, cæteris paribus, perueniet ad usum rationis si bene instruatur, & inter ciuiles homines, quàm apud rusticos. Patet hoc,
 quia

quia ad usum rationis requiritur non solum
acquisitio specierum, sed etiam ordinatio, ad hoc
autem plurimum iuuat institutio. ergo. Ex quo
sequitur, quod etiam equales in naturalibus, non
in æquali tempore perueniunt ad usum ratio-
nis. Ex omnibus dictis patet, quod habere ali-
quem usum rationis, uel peruenisse ad illum,
nihil aliud est, quam esse in tali statu, quod præ-
sentato aliquo obiecto, circa quod contingit
operari, potest potentia propinqua sufficienter
deliberare, & consultare quid agendum, aut uitan-
dum, mediate uel immediate. Quod addo, quia
non oportet ut quicumque habet usum rationis,
possit per seipsum dignoscere, & iudicare quid
agendum: sed satis est ut hoc possit per se, uel per
instructionem aliorum, & ipse sit capax consilii,
iuxta illud Hesiodi quod Aristoteles adducit 1. Ethic.
c. 4. Optimus quidem ille est qui potest ex se se-
qui omnia. is rursus bonus, paret qui recta mo-
nentibus, &c. Quanquam reuera fateor, quod
fortasse neque ex omnibus que differuimus sa-
tis habetur quid sit habere usum rationis, neque
in quo consistit. Longe enim facilius est intelli-
gere & cogitare quod habet usum rationis, aut non
habet, quam experiri quid hoc sit. Illud enim idi-
ota quauis ineruditi, cognoscunt, & discernunt
amantes ab integris, hoc uero neque philosophis
facile est explicare. Nam et hoc ipsum, quod consistere

uidetur, & definitum est, non caret calumnia. Nam ignari, & aliās errantes in moribus, ut sunt hæretici, non sunt sufficientes consultare, & iudicare quid agendum, aut euitandum: aliās non ita aberrarent, & tamen non negamus eis usum rationis. ergo hoc non requiritur. Potest quidē responderi ad hoc, negando assumptum, sed omnes illi sunt sufficiētes, sed errant ex negligentia sua, uel corruptis affectibus. Sed hæc quidem sunt philosophica, in quibus theologum nō oportet adeo sollicitū esse: & ego intelligo me etiam cum non satifecerim, imminutū fuisse. ergo siue habere usum rationis sit id, quod constituimus, siue quid aliud nos supponamus, aliquem habere iam usum rationis, & de illo disputemus. ¶ Sed tamen hoc dubium, quod ex præcedentibus
 16 oritur, non licet prætermittere: An * aliquis possit habere usum rationis circa aliquam materiā, uel obiectum, & nō circa aliud, utpote circa materiā iustitię, & non circa materiam téperantiæ, ut sit capax rationis ad deliberandum, & iudicandum an sit iurandum uel nocendum alicui, & non sit capax ad consultandum de fornicatione, sed habeat se ad illam tanquam puer. & uidetur quòd non possit contingere. Quia aliās daremus hominem capax meriti, & demeriti circa aliquā materiā,
 & non

& non circa alias materias morales, quod nunquam aliquis concessit. In contrarium uidetur, quod aliquæ materiæ sunt multo notiores aliis. Ut, quod non est occidendū, quàm quod non est fornicandum, & species non simul acquiruntur circa omnia. Item (ut dictum est) Maniaci uidentur carere usu rationis circa aliquam particularem materiā, sicut amantes circa omnes. Profectò res est dubia, & ideo respondeo. Prima propositio, Videtur * q̃ quis possit habere usum rationis sufficientem circa artes, qui non habeat circa materiam moralem. Probatur, quia uidemus aliquos, qui incidunt in amentiam, non amittere artem, si quam antea didicerāt, sed sciunt scribere, legere, pingere, imò syllogismos facere, & similia, ut cātare. Maior confirmatur, quia pueri instituūtur in aliqua arte, etiam ante usum rationis. Item (ut dictū est) institutio multum facit ad usum rationis: sed potest quis institui circa aliquā artē priusquā circa moralia. ergo. Secunda propositio, Hoc * quod dicimus esse possibile, uidetur multum difficile, uel nunquā contingere, quia principia saltem moralia multo notiora sunt, quàm artificialia. ergo omnino uidetur impossibile, ut quis possit sufficiēter iudicare de artificialibus, & omnino sit expers rationis in agibilibus. Tertia propositio, Omnino * puto impossibile

possibile, ut quis habeat usum rationis circa aliquam materiam moralem, & non circa omnes. Probatur primò, quia principia morali sunt eadem circa omnes materias. ergo si habet iudicium ad principia unius materie, iam aliquo modo habet circa omnes. Ut qui iudicat qd non est nocendū proximo, iā habet principium, ita quòd non est furandum, & quòd non est occidendū: sicut qui scit, quòd in Barbara est bona consequentia, scit hoc tenere in omni materia: & qui cognoscit, quòd est aliqua lex diuina, quam tenemur seruare, habet principium tam ad materiā iustitię, quàm temperantię. ergo impossibile est, ut quis habeat usum rationis ad consultandum in materia iustitię, & non temperantię. Antecedens declaratur, exempli gratia, In materia iustitię deliberatio incipit ab hoc principio, quòd oportet seruare pręcepta Dei, & ex hoc quòd pręcepta Dei continentur in scriptura sacra, uel in doctrina ecclesię, & quòd uerum est non furari: eadem omnino uia, uel simili procedendum est in quacunque materia morali. Alius deliberat hoc modo, quòd in agendis oportet consulere peritiores, & est idem principium deliberandi in omni materia. Tertiò probatur, quia quicumque habet usum rationis, habet hoc principium, quòd in actionibus suis po

test

test bene & malè agere: sed quicumque habet hoc principiū, potest deliberare de omni agendo. ergo. Maior est nota, & minor probatur: quia omnis talis potest deliberare & quærere quid agendum sit, siue erret, siue non. Et ad argumentum factum in contrarium, quia aliquæ materiæ sunt notiores, respōdetur, Verum est, sed ex hoc non sequitur, quin ille qui potest deliberare circa magis nota, possit circa minùs nota, quia satis est, quòd potest dubitare, & per consequēs potest consulere. Ad aliud de maniacis respōdetur, quòd maniaci fortas se circa omnem materiā habēt usum rationis, sed differunt maniaci, quia circa aliquam materiam errāt uehementē, nec possunt reuocari ab illa opinione, sed error est quodāmodo naturalis & inuincibilis. Sed certum est, quòd maniaci deliberant an bene uel malè agant, & circa illam materiam, circa quam laborāt morbo, sed errant post deliberationē quasi naturaliter. Vel fortè potest dici, quòd mania tollit usum circa id speculatiuum, ut quòd quis putat se ægrotare, & ualeat, uel aliquid simile. Et similiter uidetur dicendū de phreneticis, qui uidentur insanire in aliquib⁹, sapere in aliis. Oppositū huius propositionis posset poni & defendi: sed hoc uidet⁹ pbabili⁹. Vt cūq; tamē sit, nō dicitur aliquis habere usum rationis simpliciter, uel peruenisse

uenisse ad illum, quousque posset sufficienter deliberare in materia morali. Hoc patet, quia solum de tali loquuntur philosophi & theologi: neque dicitur quis sapere in agendis, quantumcunque aliquis (si fieri posset) omnium artium esset peritus. ¶ Sed priusquam ad secundam quaestionem ueniamus, adhuc restat inquirendum, quid * sit, uel quid uocetur primum instans, uel primum tempus (nihil enim interest) usus rationis, ut primum instans, in quo peruenit quis ad usum rationis, uel liberi arbitrii. Et sit prima propositio, Deliberatio non potest esse proprie libera, id est, quod sit in potestate hominis deliberare, & non deliberare. Probatur, quia liberum proprie est ex electione, uel actus qui sequitur deliberationem, ut supra diximus, non est actus humanus, nisi sit deliberatus, sed deliberatio non potest sequi deliberationem, quia non est processus in infinitum, ergo non est proprie libera. unde sequitur, quod prima deliberatio non potest esse bona uel mala, meritoria uel demeritoria. Secunda propositio, Prima * deliberatio est ex causis non naturalibus, uel prorsus extrinsecis, puta uel à Deo, uel ab angelo. Probatur, quia non potest esse ex electione uoluntatis, quia (ut dictum est) non est libera, neque potest imperari ex electione, quia illa electio iam praesupponeret aliam deliberationem

tionem. ergo oportet, omnino ut sit uel ex
motu phantasmatum facto ab obiecto, uel ex
aliqua causa extrinseca. Vnde Aristoteles octa *Aristoteles.*
uo Ethic. dicit, quòd principium consultandi
est aliquod intellectiuum principium altius in-
tellectu eo, quod est Deus, & per hunc mo-
dum ostendit quòd non est processus in infini-
tum, Omnis actus uoluntatis præsупponit ac-
tum intellectus & econtrario. Sed primum
consilium non est à uoluntate. & idem S. Tho. *S. Thom.*
prima parte quæst. 82. artic. 4. ad tertium. quod
non uidetur sic intelligendū, quòd Deus con-
currat semper tanquam causa partialis ad pri-
mum consilium, sed dicitur principium es-
se Deum, quia primus talis motus intellectus
est naturalis, & naturalia attribuuntur Deo,
qui hanc uirtutem dedit intellectui: licet non
sit negandum, quin nonnunquam Deus, uel
per se, uel per angelos particulariter sit causa
talis deliberationis, quam inspirationem uoca-
mus. De quo uide Caietanum prima parte, *Caietanus.*
quæstione octuagesimasec. Hęc autē adeò uera
sunt, ut nō tantum cum quis primò deliberat,
prima deliberatio non sit in nostra potestate,
sed etiam postquam aliquis omnino cessauit
à motu intellectuuo, non sit in potestate eius
prima deliberatio, ut est in dormiente, qui à
somnia excitatur propter eandem rationem.

Tertia

- 22 Tertia propositio, * Cùm quis primò deliberat, nō habuit in sua potestate priùs deliberasse. Patet ex dictis, quia si ista non fuisset prima deliberatio, etiam alia fuisset naturalis, ut patet. ergo non potuit esse alia libera ante hanc.
- 23 Quarta propositio, Cùm* quis primò deliberat, potuit primò deliberasse, quia prima deliberatio est à causis merè naturalibus, ut dictū est, & illę potuerūt priùs concurrere. ergo potuit prius deliberasse. sed etiā illa fuisset naturalis.
- 24 Quinta propositio, Deliberatio* non potest cadere sub præcepto, non enim dantur præcepta, nisi de actibus, qui sunt in nostra potestate. Et confirmatur, quia posset scire tale præceptum, quia iam hoc ipsum esset deliberatio: iā enim habet usum rationis qui cognoscit se teneri præcepto. ergo impossibile est, quòd quis habeat præceptum primò deliberandi, nec omisio, nec impletio esset libera. Sexta propositio, Quicumque* primò deliberat, non tenebatur priùs deliberasse. Patet ex prædictis, quia non erat in sua libertate. ergo nō poterat ei esse præceptum. unde sequitur corollarium, Vnum* est quod dicūt recentiores, quòd datur tempus induciarum, in quo aliquis potest deliberare, & si non deliberet, non imputatur ei, quo transacto si non deliberet, iam imputabitur. Hoc inquā patet ex dictis esse falsum; quia si non

si non deliberat, nec est in libertate ipsius deliberare, imò si fieri posset, ut quis per centum annos bene dispositus nunquã deliberaret, nõ potest ei imputari. Secundum corollariũ, Primum* instãs uel tempus usus rationis, in quo quis primò deliberat actu, non est in quo potest primò deliberare. Probatur, quia primum instãs rationis uocatũ, in quo quis potest uti libero arbitrio primò, & in quo primò est capax præcepti, aut boni & mali, sed hoc nullo modo potest antequã primo actu deliberet. ergo id est primũ instãs usus rationis. Tertiũ, Cũ doctores quærunt, an homo obligetur ad aliquid in primo instãti usus rationis, & ad quid teneatur, intelligendũ est necessariò de primo instãti usus rationis, & ad qd teneatũ, intelligendũ est necessariò de primo instãti, uel tpe i quo deliberat. Pat. q̃a primò nõ est imaginabilis obligatio, sicut nec libertas. ergo. Et cõfirmatũ, q̃a omnino est impossibile, ut q̃s cognoscat quomodo primò potuit deliberare, si hoc fuit anteqũ actu deliberaret. Patet, quo enim signo uel argumẽto hoc posset cognoscere? ergo si aliud tẽpus designarem⁹ usus rationis anteqũ homo deliberaret, & i quo homo obligaretũ, null⁹ posset scire, nec p cõiecturas pĩgues & crassas, an impleuit necne illud præceptũ. Et i summa, est absurdũ. hoc ponere, sicut si q̃s dormiat, iposibile

fibile est dicere, quòd habet aliquod nouum præceptum ut expergiscatur, quod quidè priùs non haberet antequam dormiret. Dico ergo, quòd ad quamcūque dispositionem quis perueniat, antequam actu deliberet, nòdum peruenit au usum rationis, nec est tempus usus rationis, nec obligatur ad aliquid, nec de illo est dicendum apud theologum aut philosophum aliud, quàm de puero. Sed quando quærimus, ad quid homo teneatur in primo instanti usus rationis, intelligendum est, id est in quo primo actu deliberat, unde si quis excedat è uita, antequàm actu deliberet, impossibile est ut peccauerit. Hæc de prima quæstione.

SECUNDA PARS RELECTIONIS.

S V M M A.

- 1 Homo in Barbaria educatus, sine instructione, & mentione deitatis, & religionis, an cum primùm peruenit ad usum rationis, possit Deum cognoscere.
- 2 Homo ad cognoscendum quòd Deus est, saltem sine doctore extrinsecò, quòd indigeat non paruo tempore etiam post capacitatem ad percipiendum disciplinas.
- 3 Doctore non habens extrinsecum, quomodo uideatur pro tempore posse habere de Deo ignorantiam inuincibilem.
- 4 Ratio quòd nusquam sit nec unquam fuerit, nec erit, ubi non sit notitia de Deo probabilis, & cui omnes teneantur rationabiliter credere.

1. Rationis ad usum quod quis possit uenire, & pro ali-
quo tempore non habere notitiam Dei.
2. Rationis ad usum ueniens, etiam si Deum non cogno-
scat, an talis possit bene moraliter agere.
3. Homo cum omnis primum ad usum rationis perueni-
rit, etiam si Deum neque cognoscat, neque possit co-
gnoscere, quod potest bene moraliter agere.
4. Rationis ad usum perueniens, qui nec Deum cognos-
cit, nec potest cognoscere, an talis possit peccare.
5. Deum antequam cognoscat quis, aut possit cognosce-
re, quod potest peccare.
6. Legis diuinæ duplex consideratio.
7. Rationis usum an possit habere quis ad peccandum
uenialiter prius, quam ad peccandum mortaliter.
8. Rationis ad usum quilibet perueniens, quod non tenea-
tur se conuertere in Deum explicitè, distinctè, & for-
maliter.
9. Rationis ad usum quilibet perueniens, quod ad actum
aliquem teneatur statim.
10. Rationis ad usum quilibet perueniens, quod teneatur
se conuertere in bonum eo modo, quo tunc potest, id est
conformiter ad cognitionem, quam habet.

ERAT quæstio, Quid homo possit cum-
primum peruenit ad usum rationis : circa
quam maximè occurrunt quatuor dubia. Pri-
mum, An* homo cum primum peruenerit ad
usum rationis, possit Deum cognoscere. Et ut
omissis certis & facilioribus, ueniamus ad no-
dum difficultatis, loquamur de homine edu-
cato

cato in Barbaria, sine instructione, & mentione Deitatis, & religionis, An talis possit cognoscere Deum cum primum peruenerit ad usum rationis. & uidetur quod sic. Primò illud est per se notum, saltem apud S. Tho. i. p. q. 2. arti. i. ergo non indiget tempore ad cognoscendum. Secundò quod regula theologorum est, quod facienti quod in se est, Deus non deficiet in necessariis ad salutem: sed credere quod Deus est, est necessarium ad salutem. ad Hebr. 11. Accedentem ad Deum oportet credere, quia est, & quia inquirētibz se remunerator est: ergo si facit quod in se est, nō ignorabit. Et confirmatur ex illo 1. Iohan. 2. Vnctio eius docet uos de omnibus. In contrarium est, quia cognoscere quod Deus est sine doctore extrinseco, est ualde difficile, habitat enim lucem inaccessibilem, & cognosci non potest, nisi per ea, quæ facta sunt: & oculus noster se habet ad manifestissimam naturam, sicut oculus nocturnæ ad lumen solis, & ita uidetur de Deo. Et item Apostolus Roma. 10. Quomodo credent ei, quem non audierunt? & ponamus quod nihil audiuit: ergo nihil potest talis cognoscere, Ad hoc respōdeo per propositiones. Prima est, Ad cognoscendum quod Deus est, saltem sine doctore extrinseco, homo indiget nō paruo tempore, etiā post capacitatem ad percipiendū disciplinam.

sciencias. Quæ propositio primò probatur sufficienter argumentis factis. Item, quia si potest cognosci, hoc maximè est argumentis, & rationibus procedentibus ex solo lumine naturali, & experientia rerum, & cognitione creaturarum, sicut uidetur dici ad Rom. primo. sed hoc est ualde difficile, ut patet ex rationibus factis, tum ab Aristo. tum aliis philosophis, & doctoribus, quæ sunt difficiles, & procedunt ex principiis, quæ indigent magno ingenio, & doctrina, & hæc accepta à maioribus opinione, & commota iam disputatione. de Deo quanto difficilius inuenta & cognita, etiam apud eum, cuius auribus nihil unquam de Deo insonuit. Neque dubitandum mihi uidetur de hac propositione. De qua difficultate egregiè Cicero, in libro de natura Deorum sub persona Cottæ contra Balbum & Velleium, quâquam Velleius hanc dicebat esse prænotionem & prolepsym insitam animis hominum Deos esse. Secunda propositio, * Si quis non habet doctorem extrinsecum, uidetur q̃ pro tēpore possit habere ignorantia inuincibilē de Deo. probatur ex prima, & probationibus eius. & cōfirmatur, quia S. Tho. q. 10. 2. 2. artic. 1. dicit, Quòd apud eos, qui nihil audierunt de fide, infidelitas siue ignoratia fidei non est peccatū, sed profectò omnino uidetur

eadē ratio de illa, Deus est, apud omnes qui ni-
hil audierūt de deo, sicut de aliis propositioni-
bus fidei: & eadē uidetur intētio Augu. lib. 83.
q. & per hoc facilē posset respōderi ad dubiū
negatiuē, scilicet quòd uidetur dicēdū, q̄ non
omnis talis potest cognoscere Deū, cū primū
peruenit ad usum rationis. Et ad argumēta ef-
fēt facilē respōdere. Nā ad primū dicitur ex il-
lo Aristo. Oculus noctuē, &c. & 1. Phy. Nō ea-
dē sunt nobis nota & nature. Ad secundū dici-
tur, q̄ saltē prius esset q̄ iste quæreretur, & labo-
raret ad inueniēdū, & tūc Deus prouideret, &
iam saltē pro aliquo tēpore ignoraret. Et itē
Deus non semper prouideret docēdo: quia cla-
rum est, quòd aliquis etiam faciens quod in
se est, potest habere ignorātiā de necessariis,
ad salutem, putā de Christo, & de prāceptis,
saltem pro tempore: sed Deus prouideret, uel
uel illuminando, uel non imputando ignoran-
tiam. sed de hoc latiūs in 3. & 4. q. Sed his non
obstantibus sit tertia propositio probabilis,
⁴ Nūquā* est, nec unquam fuit natio, nec erit,
ubi non sit notitia de Deo probabilis, & cui
omnes rationabiliter teneant credere. Ista pro-
positio, fortasse non poterit ita manifestē pro-
bari, sed certē apparēter. Primū in historia nū-
quā legimus tam barbarā, & efferā nationem,
quē nō habeat aliquem religionis ritū, & puta
ret

ret deum esse. ut Balbus, & Velleius eloquen-
ter apud Ciceronem disputant. Et patet ex
omni historia tam sacra quàm profana: & si
qua fuit natio, facîle potuerunt scire ex aliis na-
tionibus, apud quas seruata fuit opinio de
Deo. Ita hoc fuit multo tempore notum, &
receptû in toto orbe etiâ post diluuium. ergo
nunquam traditum est obliuioni, quin perse-
ueraret in memoria hominum. Item Deus est
administrator & gubernator orbis, ut ex fide
notum est: sed in administratione hominum
maxima pars est religio, religio autem nulla
esse potest sine cognitione Dei. ergo adhuc
ostensum est homines per seipsos cognoscere.
Probat, Quia pater meus usque modo ope-
ratur. Et Sapientiæ 14. Tu pater gubernas om-
nia. Item Sapientiæ 8. Sapientia attingit à fine
usque ad finem, &c. Item Deus uult omnes ho-
mines saluos fieri, qui nõ possunt esse salui ni-
si per cognitionem Dei: non possunt nisi cum
magna difficultate, & multo tēpore cognosce-
re Deum, si Deus permittet tolli memoriã &
cognitionem sui ab hominibus, nulla posset
esse religio, quod non esset congruum Proui-
dentia diuinæ, & sapiētia ipsius, qui disponit
omnia suauiter, & attingit, &c. quod nullus sa-
piens homo permetteret, si posset impedire. Et
cōfirmatur, quia etiâ præcepta iuris naturalis,

& decalogi non sunt per se nota, & tamen ex
 prouidentia Dei doctores concedunt, quòd
 non stat ignorari, saltem nisi ex malitia, in
 quacūque prouincia, & natione. ergo cū mul-
 to magis ad uitam humanā exigatur cognitio
 Dei, quàm præceptorū, nullo modo est dicen-
 dum, q̃ Deus permittat aboleri memoriā dei-
 tatis. Itaq; semper homo si uellet adhibere di-
 ligentiā, posset cognoscere Deū esse. Et si cōtra
 hoc quis arguat, q̃ per millia annorum maior
 pars hominum falsos Deos coluit, & nullā ha-
 buit notitiā ueri Dei, dico q̃ nunquā uidetur
 defuisse philosophi, & ueri sapiētes, qui unita-
 tē ueri dei affirmarēt, ut patet ex Apostolo ad
 Ro. i. & ex historia. Et si hoc uerū erat circa tē-
 pora Apostoli, multo magis uidetur uerisimi-
 le superioribus tēporibus, quādo minus dista-
 bāt à lege naturæ & memoria Patrū: & alii te-
 nebātur rationabiliter illis credere. & sic Deus
 semper sufficiēter cōsultuit, & p̃uidit. Secūdo,
 possemus dicere etiā si gētiles habeāt falsas se-
 ctas de deo, tamē semper hoc erat omnibus cō-
 mune, q̃ erat aliquis Deus, siue unus, siue plu-
 res, cui debebāt cultū, et religiōē: et sic si quis
 uel ignorabat, uel negabat, uel dubitabat, aut
 ex culpa sua, ut Diagoras, q̃ atheos dictus est,
 & Theodotus, qui deorū naturā apertē sub-
 stulerūt, & Protagoras sophista, qui in dubiū
 reuoca

reuocauit, quo nomine Atheniensem iussu urbe & agro est exterminatus, librique eius in cōcione cōbusti. Et ex hoc respōdetur affirmatiuē ad quēstionē, scilicet q̄ quilibet cum primū peruenit ad usum rationis, potest habere notitiā Dei. Sed quia etiā si ista uera sint (ut certē sunt) tamen non probantur, quia saltem breui tempore posset aliquis esse sine notitia Dei. Ideo potest poni quarta propositio, q̄ potest quis peruenire ad usum rationis, & pro aliquo tēpore nō habebit notitiā Dei, quia argumenta hoc uidentur probare. Et ita tenet Caiet. q. 10. ar. 4. i. 2. expressē. Et quanquam ita sit, ut dictum est, q̄ Deus gerit prouidentia manifestandi nomē suum, non respondet ad casum de eo, qui nutritur in sylua sine mētionē religionis: nam Deus ordinaria uia nō prouidet, nisi per causas secūdas, & de doctrina per prędicatores ad Ro. 10. Secundū dubiū est, An* quilibet talis possit bene moraliter agere. Et quia de alio nō est difficultas, perseuerat dubiū de illo, qui ita educatus extra religionē, & sine doctrina, & mētionē Dei. De hoc dubio Grego. 2. d. 38. & prius dist. 26. contendit, q̄ ad actū moraliter bonum requiritur circumstantia ultimi finis, qui est Deus. Itaque nisi actu, uel habitu actus referatur in Deum, actus nō solū non est bonus, sed est malus, & peccatum. Idem

Rom. 10.

uidetur tenere Ochā in 1. d. 1. q. 1. quē sequitur
 Almain in Mora. c. 14. quantū ad hoc q̄ ad bo-
 nitatē moralē requiritur circūstantia ultimi fi-
 nis. sed uidetur æquiuocare de actu moraliter
 bono. unde Ochā apud Gab. 2. dif. 28. tenet, q̄
 ad actū moraliter bonū nō requiritur q̄ refera-
 tur in Deū. Et ita tenet Gabriel illic, & est cō-
 muniō opinio, de qua nos etiā latē in lectio-
 nibus ordinariis diximus. Et ideo quantū spe-
 ciat solū ad hoc dubiū, patet, q̄ secundū Gre-
 go. dicendum sit, q̄ si quis non cogitat Deum
 pro illo tēpore, non potest bene moraliter age-
 re. Contra quam opinionem argumentor sic,
 Quia sequitur, quōd nulla uia posset ille, qui
 aliquādo ignoraret Deū, peruenire ad cogni-
 tionem eius, saltē nisi casu haberet exteriorem
 doctrinā. Probat̄ & maximē secūdū sensum
 eius, loco citato, quia non potest peruenire ad
 talē cognitionem sine speciali auxilio Dei, sed
 iste nullo modo potest se disponere ad tale au-
 xiliū, quia per omnes actus suos nō potest. Se-
 cūdō sequitur, q̄ talis esset perplexus, quia nō
 potest saltē statim cognoscere Deū, & tamē te-
 netur seruare pręcepta secūdū eundē, 2. d. 34. &
 nō potest seruare nisi p̄ actū malū, ergo est per-
 plexus, quia ipse nō ponit actus indifferētes in-
 ter bonū & malū, imō uidetur q̄ talis actus sit
 mortalis q̄a est fruitio creaturæ. hoc argumētū
 aliter

aliter solui nō potest, nisi dicendo, quōd talis potest cognoscere Deum cum speciali auxilio Dei, & sic iam non est perplexus, quia potest uitare illud peccatum, saltem cum speciali auxilio, sicut ipse sibi respondet in illa d. 26. Sed hoc impugnatur uehementer, quia stat, quōd non detur tale auxiliū, & hoc sine culpa illius. ergo iam nō poterit uitare peccatū. Assumptū patet, quia non omnibus datur illud speciale auxiliū ad cognoscendum Deū (ut etiam ipse habet fateri) multi enim perseuerāt in tali ignorantia, & hoc non est propter culpam actoris, quia non potest illud uitare antequā illuminetur secundū ipsum. ergo adhuc manet perplexus. Item, uel ad hoc quōd illuminetur, requiritur, q̄ iste aliquid faciat uel non: si non, ergo non est in potestate ipsius quōd illuminetur, & sic erit perplexus sine culpa sua. Si oportet eum aliquid facere antequam illuminetur, cōtrā, Illud non potest esse nisi peccatum: peccatum autē non requiritur ad illuminationē. ergo. Item ipse in eadem d. dicit, quōd nullū potest esse meritum etiam de congruo ad primā gratiā, uel ad auxiliū speciale. ergo non requiritur dispositio, quia illa uideretur meritū de cōgruo. Itē, dato q̄ ex culpa sua talis nō illuminaretur, adhuc esset inconueniens, quia ex culpa præcedēti necessario incideret in nouū peccatum.

tum. Ad hoc argumentū respondet necessariō
 Greg. q̄ non obstante, q̄ Deus negaret alicui
 speciale auxiliū ad uitādum peccatū, nihilomi-
 nus imputaret ei, quia ista priuatio uel ignorā-
 tia est ex peccato originali. Et ita respōdet ex-
 pressē in illa di. 26. q. 1. in fi. sicut si quis ex igno-
 rātia, quā incurrit, uel ex originali peccato age-
 ret quod nō debet. Sed hoc profectō nō uide-
 tur catholicē dictū. Itē, quod iste, qui nūquam
 aliquid audiuit de Deo, cognoscat Deū esse,
 & uult finē & omnia referēda in ipsum, nō so-
 lūm est speciale auxiliū, sed etiam spiritus pro-
 phetiæ. ergo si quis ita natus & educatus esset
 sine religione & doctore, nullo pacto posset
 uitare peccatū, nisi in ipso primo instāti usus
 rationis, antequā quicquā boni aut mali egis-
 set, reciperet spiritū prophetiæ: quia quicquid
 prius faciat, neq; erit peccatū, etiā si Deus post
 duos dies mittat angelū aut prædicatorē. Imō
 dato q̄ statim mittat prædicatorē, impossibile
 est uitare peccatū, q̄a ipsum audire prædicato-
 rē erit peccatū, cū potest credere prius quā
 audiat. Hæc sunt absurdissimæ: & ideo si quis
 uellet omnino defendere, q̄ ad actū moraliter
 bonū requiritur circūstantia ultimi finis, opor-
 teret ut teneret simul, q̄ actus carēs illa circū-
 stantia esset indifferēs, neq; tamē hoc satisfacere-
 ret, quia magnū incōueniens uidetur, q̄ actus
 indifferens

indifferens requiritur ut illuminetur à Deo. Sed quia in moralibus nō oportet sollicitū esse, an possit aliqua sententia & opinio defendi, aut quomodo respōderi possit argumētis, sed considerare potius, qd uerisimilius sit. ideo fit ad dubium propositio. Prima propositio, Omnis * homo cum primum ad usum rationis peruenit, etiam si Deū neq; cognoscat, neq; possit cognoscere, potest bene moraliter agere. Hæc probatur propositio, quia (ut dictū est) liberum arbitriū est facultas rationis & uolūtatis: ergo quicūq; habet liberum arbitriū, potest nō solum cognoscere bonum & malū, sed etiā facere & uelle, ut suprà dictū est. nō loquūtur theologi aut philosophi de usu rationis aut liberi arbitrii, nisi in ordine ad bonū & malū, & ideo uocantur amētes & insani: q; si ad actū bonū requiritur relatio in Deū, talis qui non cognosceret Deū, nō solum nō posset bene agere, sed neq; cognoscere quid bonū esset. Itē, si ad bene agēdū requiritur relatio in Deū, uel hoc est de iure naturali, uel positiuo & diuino. Primū nō uidet, cū hoc nō sit notū in lumine naturali, imō secūdū sentētiā Greg. neq; cognosci quicqd esse potest sine auxilio speciali. ergo nō est de iure nālī positiuo, aut nō cōstat un. neq; n. Paulus cū dixit, Oīa in gloriā Deī facite, uoluit aliqd nouū ius promulgare, neq; aliquis philosoph

*Rom. 10.**Caietanus.**S. Thomas.*

philosophorum hoc unquam dixit, qui tamen lumen naturale habebāt. Item, dato quòd esset præceptum illius relationis, Paulus apertè excusat ignorantē, ad Rom. 10. Quomodo inuocabunt in quem nō crediderunt? Quòd si non credere est sine culpa, ut suprà probatū est, ergo nō inuocare, uel nō referre in illū actiones suas erit sine culpa. Et quidem de relatione formali in Deum, uel concomitante, uel etiā præcedente. Ita tenet Caiet. 1. 2. q. 10. art. 4. Dicit tamen quòd per hoc, q̄ actus humani referantur in bonum obiectū, feruntur in Deū, quia feruntur in res eo modo, quo Deus instituit, sicut & omnia naturalia fiunt propter finē. 2. Physic. & tamen non semper referuntur in talē finem ab ipso agente, ut actus hirundinis cūm cōponit nidū, aut formicę cūm frumentatur in æstate, referūtur quidem ad certos fines, nō ab hirundine uel formica, sed à superiori intelligentia. Ita cūm homo operatur bonum ex genere, licet non referat in Deū, tamen illi actus relati sunt in Deum ipsum, hoc dicit S. Tho. 2. d. 38. art. 10. Rerum (inquit) omnium unus est finis ultimus, id est Deus. Ita & uolūtatum omnium unus est finis ultimus, scilicet Deus. nihilominus sunt alii fines proximi, & si secundum illos fines seruatur debita relatio uoluntatis in ultimum finē, erit recta uoluntas. Debita

bita autem relatio seruatur secundū illum finē,
quo uolūtas nata est ultimū finem participare,
omnia propter semetipsum operatus: sicut ser-
uus, qui suū officiū facit, si eius dominus con-
stituit, uirtualiter facit propter dominū, & ad
finē, quem dominus ordinauit. Et uidetur fa-
cere ad hoc, quōd S. Tho. dicit 1. 2. q. 21. ar. 3 & *S. Thomas.*
4. q. homo natura est animal ciuile & sociale.
Qui autē in societate aut ciuitate uiuit, pars est
ciuitatis. Qui ergo aliquid in bonū & in com-
modū facit alicuius priuati hominis, facit etiā
in bonum publicū & cōmune, sicut qui priua-
tum hominē lædit, bonū cōmune lædit, cuius
ille est pars, atque laudem & præmiū meretur,
non à priuato homine solū, sed etiā à tota ci-
uitate aut collegio, & eadem ratione ab eo qui
præsidet collegio & ciuitati humane, & si nihil
de Deo cogitet. Et certè hoc naturalis ratio di-
ctat. Et confirmatur, Certè enim uidetur ini-
quū & contra Dei bonitatē excogitatū, q. of-
fendatur Deus etiā ab illo, qui nihil minus co-
gitat, quā Deū offendere. & tamen bene age-
re nemo potest, nisi Deo placere studeat, nec
est quisquam qui nō laudet uel probet factum
aut bonū collatū in amicum suū, aut utrūque
necessarium, etiā qui sibi nullo modo ualuerit
gratificare. Vt quid ergo affirmamus Deū cō-
dēnare, & omnia officia collata in Dei filios,
qui

qui non respectu Dei faciunt, neq; Deus præcepit parentes honorare propter Deū, sed honorare solum: & ita de aliis præceptis ita implere, ut rebus ipsius expediebat. sunt enim præcepta distincta de cultu diuino, & de reb⁹ humanis: atq; adeo nihil necesse est in omnibus aliis actibus Deum colere. Secundum dubiū in hac
 3^a secunda quæstione est, An^{*} omnis talis perueniens ad usum rationis possit peccare. Et loquimur semper de illo qui nec Deū cognoscit, nec potest cognoscere. Et pro parte negatiua fiunt argumenta, neque leuia, neque ita facile expedibilia. Videtur enim, q^d ille qui Deū non potest cognoscere, pro eo quidem tēpore neque peccare quidē possit. & primò quidē, quia Deum esse, imò Deum esse dominū, est præambulum ad legem diuinam: ut S. Tho. ait. 2. 2. q. 16. arti. 1. quia pressupponitur ante susceptio nē legis, ut quis fateatur subiectionē legislatori, iuxta illud, Accedentē ad Deū oportet credere quia est. neq; est intelligibile, ut quis recipiat legē ab illo, quē non cognoscit superiorē. Vnde qui nō tenetur recipere aut cognoscere Deū, aut legislatorē, neque legem eius tenetur recipere. ergo iste, quē ponimus sine culpa sua ignoratē Deū, nō tenet recipere legē Dei, neq; illi obedire. Sed peccatū est dictū, uel factū, uel cōcupitus cōtra legē Dei. ergo. Et probat auctoritate

thoritate Aug. 22. cōtra Faust. & Ambr. dicunt enim quòd est cælestiū inobedientia mādatorum. ergo uidetur q̄ in tali non possit esse peccatū. Et cōfirmatur, Ego nō habeo dominum neque superiorē cui tenear obedire. ergo non obligor aliqua lege. ergo nō pecco. Cōsequentiā uidentur notæ, quia nullus tenetur aliqua lege, nisi superioris: neque peccat, nisi faciēdo contra id ad quod tenetur. Sed antecedens est inuincibiliter creditum ab isto. ergo & consequens, & per consequens excusatur ignorātia inuincibili. Item sequitur, Non est Deus, ergo nullum est peccatum. Et cōsequētia uidetur nota, quia peccatum non est nisi contra legem Dei. Antecedens est inuincibiliter creditū ab isto, ergo & consequens. Et confirmatur, quia si per impossibile non esset Deus, nullus obligaretur. Sed pro eodem uidetur haberi, quòd non sit Deus, & quòd non possit. cognosci an sit, sicut quantū ad obligationem, pro eo factō habetur, quòd quis non haberet regem, uel ignoraret inuincibiliter se non habere regem, omnino est absurdū dicere quòd rex obliget me, de quo ego inuincibiliter iudico, q̄ nō est rex meus. Et probat, quia in omni mortali est auersio à Deo. ergo si nō esset Deus, uidetur quòd nō esset. mortale. Item Apostolus Ro. 4. Vbi non est lex, neque prauaricatio. ubi per

per prauaricationē nihil aliud uidetur intelligere, nisi peccatum, ergo ubi ignoratur lex inuincibiliter, etiam non erit peccatū, quia idem uidetur iudiciū, q̄ non sit lex, & q̄ ignoretur. Et confirmatur, quia lex non obligat nisi promulgata: in decretis leges instituuntur cū promulgātur. Si ergo quis ignoret legem, nō obligatur lege. Itē quia actus est bonus, uel malus in quantum est conformis, uel difformis rationi. 2. Eth. Sed ratio humana nō habet uim obligandi neque rationē legis nisi à lege diuina. ergo qui propter ignorantia excusatur à lege diuina, ergo à lege rationis. Et cōfirmatur, quia leges humanæ non obligant nisi uirtute legis diuinæ, quia omnis potestas à domino Deo est, ad Ro. 13. & Dominus in Euan. Io. 19. Non haberes potestatem aduersus me ullam nisi tibi desuper esset datum. ergo etiā neque ratio humana habet uim obligandi nisi à lege diuina. Itē omne malū est malum, quia prohibitum à lege æterna. ergo si ignoratur lex æterna, uidetur q̄ excuset à peccato: sed qui ignorat Deū, ignorat legem Dei, ut probatum est. ergo excusatur à peccato. Antecedens est S. Tho. 1. 2. q. 71. ar. 6. ad quartum, ubi dicit, quod omne peccatum est malum, quia prohibitum intelligitur peccatum iure positiuo. Sed omne peccatū est malum, quia prohibitum lege æterna. Item, uidetur

Rom. 13.
Iohan. 19.

S. Thomas.

uidetur quòd S. Thom. dicit illic ad quintum,
Peccatum quidem à philosopho consideratur
ut est contra rationem, sed à theologo ut est
offensâ Dei. Mirabile autè uidetur, q̃ quis of-
fendat Deū, què neq; cognoscit, neq; tenetur
cognoscere. Et confirmatur, quia ponamus q̃
talis antequā cognoscat, neque possit cogno-
scere, sed incipiens inquirere an sit Deus, nec
ne, habet tale propositum, si scirè esse Deum,
ego uellem placere illi in omnibus, tunc uide-
tur quicquid faciat, quòd excusetur. Item si
quis ignoret inuincibiliter Dominum, nō te-
netur præceptis Domini: ergo qui ignorat
Deum, non tenetur præceptis Dei. Item habet
ignoratiā inuincibilem obligationis ad pœ-
nam neque inferni neque purgatorii, ergo ui-
detur q̃ saltē nō imputetur ei peccatū. Itē facit
id, si non uenissem, & loquutus eis non fuif-
sem, peccatum non haberent. ergo à simili si
non cognoscatur Deus. & Iohan. 15. & 14. Ista
& alia similia, quæ pro parte negatiua afferri
possent, certè non parum mouere possunt ad
suadēdam partem negatiuā, quòd scilicet an-
tequā cognoscat, aut cognoscere possit Deū,
non potest peccare. Pro parte autem affirmati-
ua non oportet multa adducere, cū sit con-
sensus omnium doctorum, quòd quicumque
habet usum rationis, potest bene uel malè age

A re. Imò

re. Imò hoc uidetur ex diffinitione usus rationis, aut liberi arbitri. probatur tamen, quia aliqui actus sunt intrinsecè mali, ut mendaciū ex sententia Augustini, & doctorū: ergo si fiat ab habente usum rationis, erit peccatum. Itē probatur apertè ex illo Psal. 4. Multi dicunt, Quis ostendit nobis bona? signatum est super nos, &c. ubi uidetur tolli exculatio ignoratiæ. Itē, aliās prima principia non essent necessaria, puta, Nō est faciendum alteri quod tibi non uis fieri, quia in tali casu omnia licerent, si nō posset peccare. Ad hoc non uidetur omnino certum quid dicē dum sit, & si liceret more iurifconsultorum noua dogmata asserere, & recta in discrimen uocare, non uidetur absurdum defendere duas propositiones sequentes. Prima, Quicumque habet usum rationis, potest quamprimum bene & malè agere, & propriè peccare. Ista propositio satis probata est. Secūda propositio, Quicumque non cognoscit nec potest cognoscere Deū, non habet usum rationis. & sic de eo de quo positū est dubium tam primū quàm secundū quàm tertiū, diceremus, q̃ ista dubia præsupponūt falsum, q̃ scilicet talis habet usum rationis, qui nō potest cognoscere Deū, sed dicere q̃ est idē iudiciū de illo, & de puero, & amēte, neq; bene neq; malè potest agere. & sicut suprā diximus quātūcunque
quis

quis habeat usum rationis in artificialibus, uel in quibuscūq; aliis, si tamē nō possit sufficiēter deliberare de morib⁹, diximus q^d nō habet simpliciter usum rationis, ut loquit^r theologus & philosophus. Ita uidet^r dicēdū de eo, qui nō cognoscit, neque potest cognoscere Deū, q^d quātuncūque utatur ratione & cōsultet, nō dū peruenit ad usum ratiōis, quia nō potest deliberare de bono & malo: q^a ut uidet^r sentire S. Tho. 1.2. q. 19. ar. 4. & q. 71. ar. 6. nihil est bonū aut malū, nisi q^a probat, aut reprobat in lege diuina: & ideo qui nō cognoscit legē diuinā, deficit ei principiū ad deliberandū de agēdis, & sic non habet usum rationis. & confirmatur hoc, quia si per impossibile quis priuaretur notitia priorū principiorū circa agibilia, quātuncūque haberet principia speculatiuarū sciētiarū, imō & cōclusiones, nō diceret^r habere usum rationis, sicut neq; bruta animātia, & si discurrent de mediis ad finē, & haberēt potestātē agēdi, & cognoscēdi, nō dicerent^r habere liberū arbitriū, quia nō cognoscerēt bonū, aut malū in minoribus. Et possent ista cōfirmari ex illo ad Ro. 1. Qui cū cognouissent Deū, nō sicut Deū glorificauerūt: ita ut sint inexcusabiles. unde uidet^r, q^d si non cognoscerēt, essent excusabiles. Neque uideo quā possēt hoc uehementē impugnari, neque magna inconueniētia possent ex

hoc sequi, & maximè, quia ut suprà dictum est, providentia Dei factum est, ut hoc uel nō possit contingere, uel breui admodum tempore, ut non possit quis habere notitiā de Deo, non uidetur incōueniens, si quis paruula morula nō sit capax boni aut mali, quātumuis in alius bene intelligat. Sed quia hoc non omnibus auribus placeret, & nouū uideretur, ideo ad dubium affirmatiuè respondeo per hanc propositionē, Antequam* aliquis aut cognoscat aut possit cognoscere Deum, potest peccare. Ista propositio præter probationes iam positas adhuc potest probari, quia agere contra conscientiam est peccatum, iuxta illud Pauli, Omne quod non est ex fide, peccatum est: in tantum, ut etiam uoluntas discordans à conscientia, falsa sit & mala, ut omnes doctores dicunt. Sed ignorans sic Deum potest facere cōtra conscientiam, quia naturaliter homo iudicat quòd est malum iniuriā facere innocenti, parentes esse honorandos, ergo potest malè agere, & per consequens peccare. Confirmatur, quia etiam philosophi illi, uel qui negabāt Deū esse, ut Diagoras, uel qui negabant saltē quicquā ad Deum uel Deos attinere factum bonum, ut Democritus & Epicurus, dicebāt tamē aliqua esse bona, alia mala, & peccatū, & laudabilia, & uituperabilia, ergo id non dependet

det ex notitia Dei. Itē aliās si nullū peccatum mortale esset per se notū, nullū ergo principiū esset per se notū. Itē sequit̃, ergo, q̃ quicūque nō habet euidētiā, q̃ Deus est, nō habet euidētiā de aliquo malo, aut peccato. Pater cōsequētia manifestē Quia si periuriū esset manifestē peccatū, uel homicidium, pēdet ex hoc principio, q̃ Deus est: ergo qui nō habet euidētiā de illo peccato, ergo neque de alio, scilicet q̃ homicidiū est peccatū, sicut nō potest habere euidētiā maiorem aut certitudinē de baptismo, quā de Christo. Ad ratiōes in cōtrariū Gregorius quidē Ariminēsis in 3. d. 34. tenet duo. Primū, dato per impossibile, q̃ nō esset Deus, adhuc esset peccatū, & malū morale. secūdū dato, q̃ nulla esset lex prohibitiua diuina, adhuc est peccatū. Infert corollarium, q̃ multa sunt peccata ita secūdū se mala, q̃ nō sunt mala, q̃a prohibita etiā lege diuina, fundamētū eius potissimū est, quia ad hoc, q̃ quis malē agat, satis est q̃ agat cōtra rectā ratiōē, siue humanā, siue angelicā. Cū ergo hoc posset esse, etiā neque Deo neq; aliqua diuina lege existēte, ergo illa duo dicta cū corollario sunt uera. Itē ad Ro. 2. Gentes quę legem nō habēt, naturaliter quę sunt legis faciūt: ipsi enim sibi sunt lex. ergo ratio sufficit. Et cōfirmatur, quia si nihil est malū nisi prohibitū, cū posset nihil esse pro-

A 3 hibitum,

hibitū, posset nihil esse peccatū. Et sic odium Dei, & periuriū possent nō esse mala. Hāc tamē propositionē nullo modo puto probabilē: neq; est intelligibile quomodo aliquis peccet si omnino nō obligatur, neque uideo quomodo intelligatur, si nō habet superiorem. atque adeò si uel Deus nō esset, uel nihil præciperet, ego nō dubito, quin nullum esset propriè peccatum aut malum morale, licet posset esse peccatum, sicut est in natura uel in arte: nec erit aliter malū quòd homo interficeret patrē, quàm quòd lupo interficeret matrem, quòd uidetur etiā probari: quia etiam in his, quæ de se mala sunt, si fiant autoritate diuina, desinunt esse mala, ut interficere innocētē. Ergo si quid bonum aut malum est, tota bonitas aut malitia dependet ex autoritate diuina, & omnis obligatio est ex lege, sed lex non potest fieri nisi à cōmunitate, uel superiori, S. Thom. 1. 2. q. 9. articu. 2. Ex quo infero, quòd Deus nullo modo obligari potest, quia non habet superiorem. neque potest certè explicari quid sit Deum obligari. Si enim de lege nō stat, quin faciat hoc, uel quòd faciat illud, tūc ergo obligatur diligere se, & filiū, & Spiritū sanctū, & generare filiū, et itē quicqd aliud faciat pater ad extra quātuncūque cōstituerit legē, gratis omnino facit. ergo nō obligatur, neque

S. Thom.

que promissio diuina, aut lex inducit proprie obligationē in Deū sed reſtitudinē Secūdo in fero, q̄ licet bene aſſeratur à theologis, q̄ ſunt quædā quę Deus nō poteſt facere, ut peierare, nō ſeruare promiſſum, & ſimilia: tamen malè cōcedūt, q̄ ſi faceret, peccaret. Nō enim ſequit̄ per locū intrinſecū, Deus mentiſ, ergo peccat, nō plus quàm ſequitur, Deus facit duo cōtradictoria: ergo peccat. patet corollariū, quia nō tenetur, nec obligatur, ſed eſt eodē modo impoſſibile Deū mētiri, ſicut non eſſe, uel mori, uel ægrotare. Et ideo relictā imaginatiōe Gregorii, aliter dico ad argumēta facta cū S. Tho. 1.2. q. 19. ar. 4. ad tertiu, q̄ *lex diuinadupliciter poteſt cōſiderari à nobis, uno modo ut eſt in ipſo Deo. & ſic omnino eſt nobis ignota, neque hoc nos obligare poſſet. Alio modo prout nobis innoteſcit, uel per lumē naturale, uel per reuelationem: & hoc modo nos obligat. Dico ergo, quòd aliquis obligetur lege diuina, non oportet ut formaliter faciat eſſe aliquā legem, uel legiſlatorem, à quo lata ſit, ſed ſatis eſt quòd ſciat aliquid eſſe bonum, uel malum, etiam ſi ignoraret omnino cauſam quare eſt bonum uel malum, uel utrum ſit prohibitum uel non. Et ſic talis qui ponitur ſine cognitione Dei adhuc ex caſu, poſtquam ponimus eum habētem uſum rationis,

cognoscit aliquid esse malum, aliud bonū, & hoc satis est ut possit peccare, quia cognoscit aliquid esse uituperabile, & hoc est quia malū S. Tho. 1. 2. q. 21. ar. 2. dicit, Ex hoc actus est laudabilis uel culpabilis, quia est bonus uel malus. Et hoc cōfirmatur apparēter, quia si ignorantia Dei inuincibilis omnino excusaret à peccato, ergo dato quod ignorantia esset culpabilis deobligaret ab aliis præceptis legis diuinæ. Et qui omnino ex ignorantia crassa ignoraret Deū esse, nō teneret honorare parētes, neque diligere proximū. Consequēs est absurdum, dicere, quod impii negātes Deū esse, solum peccarent illo peccato, & nō fornicando, neque occidendo: ergo nullo modo est admittendum. Probo quod sequatur. Nam si ignorātes Christū inuincibiliter omnino excusantur à culpa, ita etiam ignorantes uincibiliter: licet peccarent illo peccato infidelitatis, tamen excusantur ab aliis præceptis Christi, ut de confessione, Eucharistia, & aliis. Neque Saraceni peccāt, quia nō cōfitētur, uel sumūt eucharistiā. Ergo etiā à simili si ignorantia Dei excusat ab omni peccato, ergo ignorantia culpabilis Dei excusabit ab aliis præceptis. Et per hoc potest responderi ad omnia argumenta. & ideo perseuero in conclusione supra posita, quod etiā ille, qui perueniens ad usum rationis, neque habet neque potest

test habere notitiã de Deo, posset nihilomin^o peccare. sed ex alio capite arguo, quòd perueniens ad usum rationis, nõ possit peccare saltẽ pro primo instanti usus rationis, quantumcunque habeat notitiam Dei: & loquimur de eo, qui nutritus est & educatus in uera religione. Et arguo sic, maximẽ in uia sancti Thomæ, homo non potest peccare in primo instanti sui esse, ergo neque in primo instanti usus rationis. Antecedens est sancti Thomæ, tum in multis locis, tum in prima parte, quæstione sexagesima tertia, articulo quinto. Consequentiã probatur, quia tempus præcedẽs ante usum rationis, uidetur omnino pro nihilo reputandum, quantum ad bonitatem uel malitiam hominis spectat, nec uidetur habere maiorem potestatem homo per hoc, quòd prius fuerit sine usu rationis, quàm si nunc inciperet esse cum usu rationis. Si ergo inceperit esse cum usu rationis, non potest peccare: contrà, nec ille, qui nũc primò peruenit ad usum rationis. Et confirmatur hoc, Sit puer quatuor annorum, cui Dominus pro hoc instanti acceleret usum rationis, & incipiat habere usum rationis, & sit alius quem Deus creet in eodem instanti cum simili usu rationis, certẽ nulla uidetur ratio, quòd primus possit peccare, & non secundus. Et confirmatur secundò, quia si Adam nõ potuisset

tuisset peccare in primo instanti, in quo creatus est, nulla uidetur ratio, quòd si creasset per unam horam antè sine usu rationis, quòd hoc idem fiet, ut possit peccare, cum primum habet usum rationis. Secundo arguo ratione S. Tho. quia primus actus creaturæ rationalis est ex inclinatione naturali: sed inclinatio naturalis nō potest esse ad malum, ergo primus actus nō potest esse malus. Maior probatur, quia id, quod est per se, est prius eo, quod est per accidens, sed naturalia sunt per se, ergo primus actus est ex inclinatione naturali. Minor autem patet, quia inclinatio naturalis tribuitur generanti, 8. Physic. sicut motus grauium & leuium: ergo si actus ex inclinatione naturali effect malus, tribueretur Deo. Sed hoc argumentū uidetur eodem modo procedere in primo instati usus rationis, quia est primus actus: tunc non poterit esse peccatum. Et confirmatur, quia primus actus in perueniente ad usum rationis uidetur quòd sit dilectio sui; sed illa non potest esse mala: ergo primus actus in instanti usus rationis non potest esse malus. Maior uidetur 8. Ethi. Amicabilia ad alterum sunt ex amicabilibus ad se, ergo primus actus est dilectio sui. Minor patet, quia diligere seipsum, est ex inclinatione naturali, ergo non potest esse mala. His tamen non obstantibus dico, quòd perueniens

ueniēs ad usum rationis, in primo instanti po-
test peccare, quia est liber ad bonū & malū. hoc
enim importat ad liberum arbitrium. Est con-
clusio sancti Thomæ Prima secundæ, quæstio
ne octuagesimanona, articulo sext. & omniū.
Item aliās sequitur, quod omnis talis perue-
niens ad usum rationis haberet necessariò gra-
tiam sine sacramento, etiam Saracenus, uel Iu-
dæus. Patet, quia uel facit totum quod tene-
tur pro illo tempore, uel non: si non, ergo pec-
cat in primo instanti, & habet intentum prin-
cipale. Si facit totum quod in se est ad quod te-
netur, ergo recipit gratiam. nam facienti quod
in se est Deus non deficit in necessariis ad sa-
lutem, ut est regula theologorum. ergo. Ad
argumenta. Primò possem dicere, quod idem
est iudicium de primo instanti usus rationis,
& simpliciter de primo instanti sui esse, &
quod sanctus Thomas non intendit negare,
quod homo in primo instanti sui esse non pos-
sit peccare, sed solum quod primus actus non
possit esse peccatum. Secus autem per omis-
sionem, neque argumenta eius id uidentur
probare: nunquam enim probat quin possit
peccare per omissionem. Et dicendum de pri-
mo instanti usus rationis, q̄ talis scilicet non
potest peccare cōmissiuè, sed bene omisiuè.
Et certè nō est facile probare differētiā, quātū
ad hoc

ad hoc, inter primum instans usus rationis, & primum instans simpliciter. Aliter dico, & fortè plus ad mentè sancti Thomæ, negando consequentiam factam in argumento à primo instanti simpliciter, ad primum instans usus rationis. Et ratio differetiæ est, quia qui nunc primò peruenit ad usum rationis, priùs habuit multos actus intellectus & uoluntatis: & dilexit se, & per consequens iam patet habere alios actus circa alia objecta, & sic potest habere actus malos. Quamuis enim actus usus rationis nihil faciant ad bonitatem aut malitiam, faciunt tamè ad ordinem actuum, ut scilicet possit quis habere aliquos actus cum peruenierit ad usum rationis, quos non posset habere, nisi illi præcessissent: notum enim est, quòd educatio ante usum rationis multum facit ad actus sequentes usus rationis, atque adeo permultum interest ad mores, qualis fuerit instructio ante usum rationis. Bene autem concedo, quòd si fieri potest, increatus sine usu rationis nullum actum habet ante usum rationis, omnino idem esset iudicium de illo, & simpliciter de primo instanti esse: nihil enim refert an sit primū instans simpliciter, an nō, si priùs nullum actum habuit. Et hoc de secundo dubio huius secundæ partis & quæstionis. Quartum dubium circa eandem quæstionem est, An * possit quis habere

habere usum rationis ad peccandum uenialiter, priusquam ad peccandum mortaliter, hoc est, an posset peruenire ad talem statum, ut sit sufficiens ad peccandum uenialiter, & non peccandum mortaliter. & uidetur quod sic. Nam semiplena deliberatio sufficit ad peccandum uenialiter & non mortaliter. Sed potest quis imperfectè deliberare antequam homo perfectè possit: ergo poterat peccare uenialiter antequam posset mortaliter. Maior conceditur ab omnibus theologis. & probatur manifestè de motibus subitis circa materiam moralem, qui propter defectum deliberationis non imputatur ad mortale. Minor uerò probat, quia maior capacitas requiritur ad perfectè deliberandum, quàm ad imperfectè. Et hoc uidetur sentire Iacobus c. i. Concupiscentia cum conceperit, parit peccatum, peccatum uerò cum consummatum fuerit, generat mortem. Et confirmatur, quia post primum tempus usus rationis contingit frequenter in adulto, ut habeat sufficientem notitiam ad peccandum uenialiter, & non ad peccandum mortaliter, quare non ita poterit in primo instanti usus rationis contingere. Item uidetur, quod aliquando ebrietas uel furia, relinquant usum rationis imperfectum sufficientem ad ueniale, & non ad mortale. Quare non poterit quis naturaliter uenire
ad

S. Thomas.

ad illam dispositionem. Item, hominem uehementer iratum excusamus sæpe à mortali circa materiam ex genere mortali, & nō à ueniali, & non uidetur, quia naturaliter quis posset peruenire ad similem dispositionē. Itē usus rationis acquiritur successiue: peruenit enim ex transmutatione naturalium qualitatum, quæ nō simul tota fit: ergo poterit prius habere usum rationis imperfectum, quam perfectum, & sic peccare uenialiter. Confirmat ex S. Tho. 4. distin. q. 1. arti. 4. q. 2. ad quintum. Vbi dicit, quod consensus in pollutione postquam quis euigilauit à somno, aliquādo quidē est mortalis, si sit ex plena deliberatione: uenialis uerò, si sit ex surreptione. unde patet, q̄ postquā perdidit usum rationis, potest ita redire ad illū, ut prius ueniat imperfectē ut sufficiat ad peccandū uenialiter, priusquā ad peccandū mortaliter, quod nō est nisi postquā est plenē expegefactus: ergo omnino uidetur, q̄ similiter carens usu ratiois possit etiā illicō peruenire ad usum rationis successiue: omnino enim uidetur similes quātū ad hoc, & dormiēs, & puer. His tamē nō obstatib⁹ dico negatiue, q̄ impossibile est, ut aliquis primò perueniat ad talē usum rationis, q̄ possit uenialiter peccare, & nō mortaliter. Ista cōclusio est S. Tho. 1. 2. q. 89. arti. 6. idē in 2. di. q. 1. ar. 4. & probatur. Primò, quia materia

ria peccatorū mortaliū notior est, quā uenialiū, ut notius est, q̄ homicidiū, periurium sunt mala, quā mēdaciū, uel uerbū otiosum. ergo nō potest quis ita esse dispositus, ut possit cognoscere uenialia peccata, & nullū mortale. Itē prima deliberatio nō potest esse circa materiā particularē, ut puta circa mēdaciū, uelludū, uel uanā gloriā, uel aliquid simile: sed necessariū est ut incipiat ab aliquo uniuersali, puta, q̄ est lex, cui tenemur obedire, uel q̄ homo potest bene aut malè agere, & posita deliberatione tali, in uniuersali sufficit ad mortaliter peccādū: & clarū est, q̄ prius est ut homo cognoscat q̄ est aliquod malū graue & aliquod leue, quā q̄ mēdaciū est malū. hoc enim per se nō est notū, & præsupponit alias cognitiones sufficientes ad mortale. Itē usus rationis, qui sufficit ad bene agēdū mortaliter, sufficit ad mortaliter peccādū: sed impossibile est ut quis habeat usum ratiōis ad peccādū uenialiter, quin possit bene moraliter agere. ergo omnis talis potest mortaliter peccare. Maior probatur, quia ad bene moraliter agendū, requiritur plena deliberatio; ut uidet̃ 2. Ethī. quòd ad bene agēdū oportet ut quis agat sciens, eligens, & propter hoc, prout sapiens determinauerit. Minor uerò patet, quia si quis posset peccare, & non bene agere, daretur uiator sine culpa in statu pec

3 *Thomas.*

peccandi, & non merendi, quod uidetur inconueniēs. Et confirmatur, quia nō potest ita perdi usus rationis, ut maneat sufficiens ad peccandum uenialiter, & non mortaliter: ergo neque etiam ita acquiri. Antecedens probatur, quia nunquam damus amentem, neque auditum est de quo putemus quod possit uenialiter peccare, & non bene agere. Item probatur à posteriori, quia sequitur, quod possit esse peccatum ueniale cum solo originali, quod infra ostendemus esse impossibile. S. Tho. 2. d. q. 1. art. 4. ad 7. sic dicit, Si aliquid est sufficiens ad excusandum maius peccatū, multo amplius sufficit ad excusandum minus peccatum. Sed imperfectio ætatis excusat peccatum mortale: ergo multo amplius excusat ueniale. & ideo non potest esse quod homo uenialiter peccet ante illud tēpus, quo usum rationis habet, ut iam mortaliter possit peccare. Ad argumenta uerò in contrarium dico, quod nunquam aliquis semiplenè deliberat, quin possit plenè de liberare, licet sit difficilius; & sic posset mortaliter peccare. Et sic causa quare motus subiti sunt ueniales, non est, quia non perfectè potest deliberare, sed quia non perfectè deliberat. Vnde quantumcunque aliquis posset perfectè, imò faciliter deliberare circa materiam illecebram, si tamen non deliberat actu, nunquam

quam est mortale, quantumcunque duret & perseueret illecebra. Secundo dico, quod postquam aliquis plenè & pluries deliberauit perfectè, potest semiplenè deliberare, sed non antè. Nam imperfecta deliberatio præsupponit perfectam: ex eo enim quod quis cognoscit quod homicidium est peccatû mortale, postea subito cognoscet esse malum, licet non consideret esse mortale. Ad secundum patet, quia uel nego, quod talis non possit perfectè deliberare: uel non est simile, quia in adulto præcessit plena deliberatio, & iam non potest esse semiplena, non ita est de alio. Ad tertium de ebrio, licet etiam posset dici, quod non est simile, quia in ebrio præcessit deliberatio perfecta, sed melius nego, quod hoc possit contingere: impossibile est enim quod cognoscat mendacium esse peccatum, & non periurium, uel homicidium. Ad quartum patet per idem, quia excusatur, quia non deliberat, non quin possit deliberare, aliàs esset amens. Ad quintû primò transeat assumptum, sed prius est circa materias uniuersales, quàm particulares, & prius circa materias grauiores, quàm leuiores. Secundo dico, & uerius, quod omnino est impossibile, ut quis habeat usum rationis ad deliberandum in una materia, quin etiam possit deliberare de quacunque materia quæ se offe-

B

ret.

ret. Clarum est enim quòd si quis cognoscit quòd potest bene & malè agere de quacunque materia agendorum oblata, poterit dubitare an sit bona, uel mala, & per consequens cogitare an sit bonum. scilicet, an malum: & similiter est ac si quis diceret, quòd aliquis dilecticus potest necere syllogismum ex materia philosophica, & nò mathematica. Ad sextum, & patet ex dictis, nam talis potest deliberare perfectè, sed non deliberat. Et item, ut dictum est, non est simile, quia iam præcessit deliberatio perfecta. & omnia argumèta præsupponunt falsum, scilicet quòd detur tēpus, in quo quis potest primò deliberare, cuius oppositum suprà probatum est.

Tertia pars

SEQVITVR tertia pars, & quæstio principalis huius relectionis, Ad quid teneatur homo cum primum peruenit ad primum instans usus rationis. Et intelligo quæstionem per se loquendo, id est ex eo solum, q̃ peruenit ad usum rationis, excludèdo à quæstione, si tūc occurrat per accidēs necessitas implendi aliquod præceptū particulare. Et uidetur q̃ non teneatur aliquo præcepto, pro illo primo instāti usus rationis, & loquamur generaliter de omni tali ad usum rationis ueniēte. Arguit ergo primo ad partē negatiuā, quia salte loquēdo de eo, qui nò sit institutus à sapiētibus, omnino ignoraret, neque posset scire tale præce

præceptū, cū nō sit per se notum. ergo non tenebitur pro tali instāti. Itē confirmatur, Quia tale præceptum est in dubio etiā inter sapiētes theologos: multi enim tenēt partē negatiuam. ergo indiget quis tēpore ad sciendū illud præceptum, & sic nō obligat in primo instanti. Itē non potest scire quomodo primo peruenit ad usum rationis. ergo nō potest scire quomodo obligat tali præcepto. Antecedēs enim est manifestū: quis enim unquā notauit, ego nūc primò habeo usum rationis? imò neque per aliquātam differentiā & spatiū tēporis. Itē, trāfacto illo primò instanti, nō tenetur statim, & si tūc omiserit, ergo neque in illo. Itē, qui est in peccato mortali, non tenetur se conuertere in Deum in primo instāti usus rationis. ergo ille qui est in originali, & multo minus qui est baptizatus, tenēt se conuertere in Deū in primo instāti usus rationis. Et cōfirmat, quia nullus etiam de numero eorum, qui timēt Deum, & sunt solliciti de salute sua, sentit cōsciētiā de tali trāsgressione, neque pœnitet, aut confitetur de illa, cū tamē nemo sit qui audeat affirmare se implessē tale præceptū. ergo nō est ponēdū tale præceptū. In cōtrarium est, quia si pro illo instanti nō obligat, cū nō sit maior ratio de tempore præsentī, eadem ratione nunquam obligabitur: quod non uidetur dicendum.

Neque uidetur sufficiens solutio communis, quod tenetur semel in uita. Hoc enim est absurdum dicere, quod Adam aut Mathusaleus qui millenos annos uixerunt, possent nongentos annos licite transigere sine fide, aut dilectione Dei. Neque satisfacit alia solutio, quod dantur induciæ, nam de iure naturali non possunt determinari tales induciæ, iure autem positivo multo minus. Respondetur primò, Nihil exploratū potest haberi, neque ex Scripturis, neque ex doctoribus in hac quæstione, quia quicquid dicatur, uidentur sequi non leuia inconueniētia, neque expediri facile possunt argumenta. Sed quod uerisimilius uidetur, dicam paucis propositionibus, prima, Nō* quilibet perueniens ad usum rationis tenetur se cōuertere in Deū explicitè, distinctè & formaliter. Ista propositio est expressè Caieta. 2.2. q. 10. arti. 4. ubi dicit expressè, qd ad diligendum Deum explicitè ut finem naturæ & uniuersè non tenetur homo semper, cū sit præceptum affirmatiuum, neque statim, quia non tenetur prius diligere, quàm cognoscere. Constat autem, quod post multum temporis aduenit homini ista cognitio, naturaliter loquēdo. Eandem tenet. 1.2. q. 89. articu. 6. & probatur efficaciter ex ratione Caieta. & ex aliis rationibus suprā positis, quibus probatum est, quod homo

Caieta.

homo nō statim postquam peruenit ad usum rationis, potest cognoscere Deum, quia nullus obligatur ad impossibile, ut ait Hieronymus, & certum est. ergo homo nō tenetur statim diligere Deum. Item procedit argumentū statim factū, quia non omnes sciunt, neque possunt scire tale praeceptū statim. Itē nusquā legitur hoc praeceptum. ergo temerē asseritur. Assumptum probatur, quia uel esset illud, Cōuertimini ad me. quod habetur & apud Hierem. & Oseam, & Ezechiel. & Iohannem, & alios prophetas: uel ex illo praecepto, Diliges dominū Deū tuū ex toto corde tuo. quod habet Deuter. 6. & Matth. 22. & Luc. 10. Sed primū, ut dictum est, obligatio nō est ad impossibile. Secundū id praeceptum, Cōuertimini ad me, ut patet ex propriis locis, fit ad peccatores actualibus peccatis, nec est mentio de alijs. Item ubi habetur, quod illud praeceptum Cōuertimini ad me, obligat statim potius quā alia praecepta affirmatiua? Itē illud praeceptū expressē est de poenitentia, ut patet locis suis, quia in omnibus locis ponitur, Et agite poenitentiam, uel in ieiunio, fletu, & plāctu, uel, à uicis uestris pessimis, sed ad poenitentiam, ut est communis sententia omnium, nō tenetur aliquis statim. ergo nec etiam ante peccatum. Aliud uerò praeceptum de dilectione Dei refellitur eisdem ar-

gumentis. Item non tenetur quis statim credere, ergo neque cōverti. Consequētia est nota ex Paulo ad Hebræos 11. Accedentem ad Deū oportet credere quia est. Antecedens patet ex eodē Paulo ad Roma. 10. Quomodo credēt ei quem nō audierunt? quomodo autē audiēt si ne prädicāte? sed nō quilibet statim potest habere prädicatorē, ergo neque potest credere. Et cōfirmatur ex eodē loco Pauli, Quomodo inuocabūt, in quem nō crediderūt? sed de hoc plura in 4. qō. Oppositū huius partis tenet Capreolus 2. d. 40. quæstione unica ad argumēta Scoti cōtra secundā quæstionē, ubi dicit, & uidetur tenere, q̄ statim, q̄ aliquis peruenit ad usum ratiōis, refert se in suum Deū, aut peccat mortaliter. Et putat se p̄bare ex S. Tho. sed certē non probat. Secūda propositio, Omnis talis tenet ad actū aliquē statim. Ista propositio nō uidet̄ certa, sed est p̄babilis, licet sit cōtra communē sententiā Scholasticorū. & est S. Tho. 1. 2. q. 89. ar. 6. & 2. d. 41. q. 1. ad 7. ubi dicit, q̄ statim q̄ homo usum ratiōis habet, si faciat qđ in se est, Deus ei gratiā infundit, si autē nō, peccat mortaliter, quia tūc tempus est, ut de sua salute cogitet, & ei operam det. Ista propositio probatur ratione S. Tho. ubi suprà, quia omnino est grauissima negligētia, q̄ aliq̄s nō disponat de ratione uitæ suæ, ex qua dependet salus & damna

dānatio eius. & cū statim oportet aut bene aut malè agere, neque homo posset suas actiones suspendere, uniuersaliter uidetur, quòd statim oportet disponere de summa uita, & de agendis: aliàs uidetur grauisima negligentia. Item si quis haberet curā alterius quo ad omnes actiones eius, & depēderet ex eo saluatio, uel perditio illius, uidetur quòd peccaret mortaliter, si non statim prouideret de salute alterius, si statim posset alius periclitari. ergo multo plus obligatur de seipso. Item à posteriori, quia aliàs sequitur, quòd aliquis habēs usum rationis facit totum quod debuit in tota uita sua, & tamen damnabitur. consequens non uidetur credendum, ergo neque id, &c. Consequentia patet manifestè de illo, Qui peruenit ad usum ratiōis, facit totū quod debuit in tota uita sua in peccato originali, qui si nullum actum tenetur habere statim: ergo si se haberet negatiuè, & moriatur, iam patet quòd facit totum, ad quod tenebatur, & tamen damnabitur. & confirmatur, ille ergo seruat omnia mandata, & tamen non saluabitur. ergo non esset uniuersaliter uerum, quod Dominus dicit Matth. 19. Si uis ad uitam ingredi, serua mandata. Item si non tenetur statim, ergo poterit tunc solū peccare uenialiter, & tunc si ille sit in peccato originali, erit

cū solo ueniali & originali, quod uidetur inconueniens, quia nō puniretur in limbo, quia non habet pœnam sensus: neque in purgatorio, quia est uia ad gloriam: neque in inferno. Tertia Talis* tenetur se cōuertere in bonū eo modo, quo potest tunc, id est conformiter ad cognitionem quam habet. Ista probatur ex præcedenti: quia si teneretur ad aliquem actū, non potest esse incognitū. ergo oportet quod sit conformiter ad cognitionem quam habet. Pro quo est considerandum, quod (ut suprā tactum est) prima deliberatio non potest esse circa particularem materiam morālē, quia nec esse est intellectum à notioribus procedere. i. Phy. & sicut simpliciter in cognitione ens est prius notum, quàm species, aut genera: ita in cognitione practica principia uniuersalia & conclusiones etiam magis uniuersales, sunt magis notæ, & oportet intellectum ab illis incipere, ut est id pricipium, Oportet uiuere cōformiter ad rectum rationem, expedit homini honestè uiuere, nō est facienda iniuria, uel aliquid huiusmodi, quod potest esse notum lumine naturali, etiam apud illum, qui educatus est sine notitia, aut religione Dei: aliquid tale principium, ut colendus est Deus à me, oportet me seruare legem Dei, non licet agere contra præceptum dei, uel aliquid simile. Est enim

enim impossibile, ut prima cognitio, uel deliberatio sit de eleemofyna aut de temperantia. Dico ergo, quòd cum primum homo habet tale iudicium sufficienter deliberatum, tenetur habere propositum bene agendi conformiter ad id iudicium: & si cognoscat Deum, tenetur formaliter conuerti in Deum, puta, uolo, aut propono seruare legē Dei, uolo colere Deum: si autem non cognoscat, satis est ut proponat bene uiuere cōformiter ad dictamē. ut propono uiuere secundum rationem, uolo honestè agere, nolo male agere. Hoc expressè dicit Sanctus Thoma. de ueritate, quæstio. 14. arti. 11. ad primum. ubi dicit de eo, qui nutritus esset in syluis, quòd si faciat quod in se est, ad prouidentiam Dei spectat subuenire in necessariis, & declarat quid sit facere, quod est in se, dicens, quòd est sequi dictamen legis naturalis cū appetitu boni, & fuga mali. & quòd hoc sufficit, constat manifestè ex dictis. Neque obstat quod quidā dicūt, quòd si hoc faciat, iam Dominus illuminabit eum de fide. Quid enim sit de hoc, de quo statim dicam, sed saltē prius est hoc ipsum facere quod in se est, quàm quòd illuminetur, & sic illa illuminatio nō spectabit ad primum tempus usus rationis. Et confirmatur ista conclusio cum præcedente, nam quilibet tenetur recipere fidem & legē Christi,

Christi, cum primum ei fuerit sufficiēter promulgata, neque liceret alicui differe in certum tempus, neque satis esset accipere semel in uita, sed tenetur proponere uiuere in lege Christi, & ipsum colere. ergo etiam cum primum ei est promulgata lex naturalis, tenetur eam recipere, sed non recipit, nisi proposito seruandi illam, & uiuendi conformiter ad legem, ergo tenetur habere tale propositum. Consequētia uidetur nota, quia non minus obligat lex naturalis, quā Christiana, cū sit æquē diuina. Promulgatur autem lex naturalis per hoc, quod aliquis cognoscit, quod uiuendum est conformiter ad rectam rationem, ut quod nocendum non est proximo, uel aliquid simile. & confirmatur iterum, quia uidetur impossibile, ut quis deliberet de uita & salute sua, & cognoscat quod expedit sibi ad bene esse uel felicitatem, ut bene uiuat, & uitet malū, ut nō faciat iniuriam, & quod suspendat actum uoluntatis, & non proponat uel sic uel aliter uiuere. Neque puto, ut quisquam, etiam de industria, hoc possit facere, scilicet suspendere omnem actū uoluntatis cum tali deliberatione. Prima autem cogitatio, quæ occurrit in primo instanti usus rationis, est, ut cogitet in genere & in uniuersali de salute sua. & S. Tho. dicit 1. 2. q. 89. arti. 6. id est de bene esse suæ salutis

tis, uel quod in cōmuni expediat ei. si ergo uidetur impossibile ut non habeat actum, & nō licet habere actū auersum à bono, ergo oportet quòd habeat actum conuersum ad bonum. Ex dictis patet corollarium, quòd non solum apud eum, qui nullo modo cognoscit Deum sufficit talis conuersio ad bonum & sine Deo, sed etiam aliquando apud eum, qui sit bene educatus in religione, & cultu Dei. Patet, quia dato quòd sit institutus in fide, potest fieri prima deliberatio per solum lumen naturale, & conuersio etiam illo modo sufficit. Ad hunc ergo sensum intelligenda est celebrata opinio Sancti Thomæ de cōuersione in Deum in primo instanti usus rationis, qui nihil aliud uult habere, nisi quòd cum primum quis actu cogitat & deliberat de uita sua, oportet ut habeat propositum ad bonum, siue in uniuersali, siue etiam diuinum conformiter ad cognitionem. Et hoc modo erit probabilis & sententia cōsona rationi. Et hæc est conclusio non solum theologorum, sed philosophorum etiam sententiis celebrata, de qua nobilem illam fabulā ueteres prodiderunt, de illo nobili Hercule: cū ille scilicet ad hoc ætatis peruenisset, de quo in præsentia disputamus, & sollicitus esset an uiam potius sequeretur uirtutis & laboris, an uoluptatis & desidii, duas illi matronas subtrò

tò astitisse, uirtutē scilicet ac uoluptatem, uariis que incitamentis & suasionibus utraq̃ue conatam ut ad se animam Herculis traheret, sed uicisse tandem uirtutem, atque Herculem in suam sententiam & contubernium traxisse. Simile est quod S. Tho. uult & docet, ut cū sci licet primo quis sollicitus est, ac deliberat, an potius sequitur bonum, aut malum, uitium, an uirtutem, non se expediat ab eo cōsilio, & deliberatione priusquam constituat ac proponat meliorem partem, id est uirtutem, potius sequi. Et ad hoc præceptum conuersionis tenentur non solum qui ad tale tempus perueniunt sine gratia, sed etiam baptizati, qui gratiam habent: præceptis enim non satisfacit, quis per gratiam, aut omnino per aliquē habitum, sed per actum. Ad argumentum in contrariū. Ad primum dico, quod perueniēs ad usum rationis ignorabat hoc præceptū sub illa lege, Cōuertimini ad me, in primo instāti usus rationis, uel alia simili forma. sed cognoscit, quod oportet seruare, legem Dei uel oportet uiuere secundum rectam rationem, uel huiusmodi iudicium, quia est ista prima deliberatio, & per hoc patet ad prima tria argumēta. Ad quartū, concedo, quod postea non tenetur, quia iam est transgressus illud præceptū, licet posset dici, quod per se tenetur quo ad usque impleat.

Ad

ueniens ad usum rationis.

397

Ad quintum nego consequentiam. Ad sextum dico, q, ut dictum est, est impossibile, uel ualde difficile, ut sic deliberans nō habeat uel bonum propositum, uel malum, & si habeat malum, iam de eo pœnitet. Si quis enim habet propositum non seruandi legem


Dei, pœniteat de illo. Et ista pro, præsente Relectione sufficiant.

*
* *

FINIS
SECUNDI TOMI

Handwritten text, likely bleed-through from the reverse side of the page. The text is arranged in several lines and is mostly illegible due to fading and the quality of the scan.

Handwritten text, likely bleed-through from the reverse side of the page. The text is arranged in several lines and is mostly illegible due to fading and the quality of the scan.





INDEX RERVM ET VERBORVM LO-

CVPLETISSIMVS

TOMI PRI-

MI.

A



Bbatissæ, et aliæ
monasteriorū
et uirginum
matres, quod

nullam habeant potesta-
tem nec iurisdictionem spi-
ritualē. numero 4. pag. 142

Apostoli, an æqualem acce-
perint cum Petro potesta-
tem. 10. 148

Amens, an possit esse domi-
nus. 22. 308

Apostoli domini quam pote-
statem, et authoritatem
habuerint in ecclesia. 7. 19

Apostoli omnes an habue-
rint potestatem immediatē
à Christo, an solus Petrus à
Christo, et alij à Petro. 8.

145

Apostoli, quod non solū po-
tuerunt relinquere sibi suc-
cessores, sed etiam quilibet

successorum eorum potue-
rit similiter sibi relinque-
re successorem. 28. 268

Apostolorum aliorum quili-
bet à Petro, quod potuerit
relinquere successorem, li-
cēt nō uniuersalem, saltem
in quacūq; prouincia uo-
luisset, qui esset uerus epi-
scopus illius prouinciæ.
27. 267

Apostolis alijs quod succeffe-
rit nemo cum æquali pote-
state et authoritate iuris-
dictionis. 25. 266

Authoris sentētia pro dubio,
an princeps secularis pos-
sit ponere impedimentum
matrimonio. 12. 458

Authoritas perfecta, et pro-
priē spiritualis, quod tota
inceperit ab aduentu Chri-
sti, qui fuit primus au-
thor, et dator clauium, et
potest

*

I N D E X

potestatis spiritualis. 3. 61
 Autoritas propriè, & per-
 fectè spiritualis (quæ sunt
 clauces regni calorũ) quòd
 nunquam fuerit in lege na-
 turæ, nec in lege scripta
 ante nostri Redemptoris
 aduētum, ostenditur. 5. 58.

B

Barbari, an priusquam ali-
 quid audissent de fide Chri-
 sti, peccabant peccato in-
 fidelitatis, eo quòd non
 crederent Christo. 32. 332

Barbari, an ad primum fidei
 Christianæ nuntium, te-
 neantur credere, ita quòd
 peccent mortaliter, non
 credentes Christo, solum
 per simplicem annuntia-
 tionem, &c. 34. 337

Barbari insulani quomodo in
 ditionem Hispanorum ue-
 nire potuerunt propter
 tyrannidem. 15. 368

Barbari Indi, quòd potue-
 rint in Hispanorum ditio-
 nem uenisse per ueram, &
 uoluntariam electionem.

16. 369

Barbari quando tenerentur
 recipere Christi fidem sub

mortalis peccati poena.

37. 340

Barbari, quòd causa religio-
 nis Christianæ propagan-
 da potuerunt in Hispano-
 rum ditionem uenire. Et
 quòd Christiani habeant
 ius prædicandi, & annun-
 tiandi Euangelium in pro-
 uincijs barbarorum. 9. 362

Barbari, quòd non sint de-
 bellandi, neque eorum bo-
 nis priuandi, si permittāt
 Hispanos libere, & sine
 impedimento Euangelium
 prædicare, siue illi fidem
 recipiant, siue non. 11. 364

Barbari, quòd in Hispanorũ
 uenire potuerint ditionē:
 quia cum bona pars eorũ
 esset ad Christum conuer-
 sa, Papa, illis petentibus,
 aut non petentibus, po-
 tuerit ex rationabili causa
 dare illis Christianum prin-
 cipem, ut est Hispanorum
 rex, alijs dominis infideli-
 bus repulsis. 14. 367

Barbari, quòd societatis, &
 amicitie titulo potuerunt
 uenire in ditionem Hispano-
 rum. 17. 370

Barb

T O M I P R I M I.

barbari, quòd nec propter peccata alia mortalia nec propter peccatum infidelitatis impediuntur quin sint ueri domini tam publice quàm priuatim. 19.

304

barbari, quòd amentie prætextu non impediuntur esse ueri domini, cum non sint amenes. 23. 309

barbari quomodo potuerunt uenire in ditionem Hispanorum ratione naturalis societatis, & communitatis. 1. 352

barbari, quomodo potuerunt in Hispanorum ditionem uenire, eo quòd cum essent conuersi, & Christiani effecti, eorum principes uel, aut metu uolentes eo, ab idololatria reuocare, ab Hispanis fuerint protecti, & sub eorum tutelam recepti 13. 366

barbari rogati, & admoniti, ut audiât pacifice loquentes de religione, quomodo si nolint, non excusentur à peccato mortali. 35. 339

barbari si nolint recognosce

re dominium aliquod patre, quòd non ob id possit eis bellum inferri, & illorum bona occupari. 31. 327

Barbari si uellent prohibere Hispanos quominus exerceat cū illis cōmercia, &c. quid esset agendum. 6. 353

Barbari, siue eorum domini, siue ipsa multitudo, impediunt Euangelij promulgationem, quomodo ab Hispanis (atq; tamen scandalo) possint coerceri. Et quid dicendum de his, qui prædicationē admittunt, conuersionem tamen aut interficientes uel punientes, siue terrentes ad Christum conuersos impediunt 12. 364

Barbaris an haecenus ita proposita & annuntiata fuerit fides Christiana, ut teaneantur credere sub nouo peccato, qnō satis liqueat secundum authorē. 38. 340

Barbaris et si quantūcūq; si des annūtiata p̄babiliter et sufficiēter fuerit, et noluerint eā recipere, q non tñ ob id liceat eos bello per

* 2 sequi,

- sequi, & bonis suis spoliare. 39. 341
- Barbaris, q. non liceat prohibere Hispanos à communicatione & participatione illorum, quæ apud eos sunt communia tam ciuibus, quàm hospitibus. 4. 356
- Barbaris si simpliciter annuntiaretur & proponeretur, & nollent statim recipere, quòd hac ratione non possent Hispani illis bellum inferre, neque iure belli contra eos agere. 35. 339
- Bellum an possit ex utraque parte esse iustum. Ex quo modo seclusa ignorantia hoc non possit contingere. 32. 402
- Bellum defensiuum, quòd qui libet possit suscipere, & gerere, etiam priuatus. 3. 384
- Bellum gerendi, aut incendendi penes quem sit auctoritas. 2. 384
- Bellum quando nullum esset iustum. 13. 193
- Bellum si satis commodè geri potest non spoliando agricolas, aut alios innoxios, quòd uideatur non licere eos spoliare. Et quid dicendum de peregrinis, et hospitibus qui sunt apud hostes. 40. 401
- Bellum ut dicatur iustum, q. nō semper sit satis principem credere se habere iustam causam. 20. 395
- Belli causas examinare qui non teneantur, sed possint fide adhibita maioribus, licite militare. 25. 398
- Belli iusti quæ possit esse ratio, et causa. Et q. iusti belli causa nō sit diuersitas religionis, probatur. 10. 309
- Imperij amplificatio, q. non sit iusta causa belli. 11. 389
- Belli iustitia si sit dubia, quid faciendum. Et quomodo si Princeps unus sit in legitima possessione, quòd maxime dubio nō possit alius bello, & armis repetere. 27. 399
- Belli iustitia, quòd sit summo pere, & magna cum diligentia examinanda. 21. 396
- Bello iusto, q. liceat occupare
- ex

T O M I P R I M I.

ex bonis hostium impēsam
belli, et omnia dāna ab ho=
stibus iniuste illata. 17. 39 2
Bello iusto, quò liceat recu=
perare omnes res perditas
& illarum partem. 16. 39 2
Bello iusto existente, quò li=
ceat omnia facere quæ ad
defensionem boni publici
sunt necessaria. 15. 39 2

C

Canones, siue regula uniuers=
salis obseruanda, si ex ali=
quo pacto, aut stipulatione
non statim ab initio oria=
tur matrimonium. 9. 448
Canones, seu regulæ belli ge=
randi describuntur. 60. 424
Capta in bello iusto, utrum
fiant capientium, & occu=
pantium. Et quomodo ca=
pta in iusto bello usque ad
sufficiētem satisfactionem
rerum ablatarum per in=
iuriā, & etiam impēsarum
fiant occupantiū. 50. 417
Captiuos aut deditos an li=
ceat interficere, supposito
quò etiam fuerunt no=
centes. 49. 417
Christus an totius orbis fue=
rit dominus. 15. 88

Christus in quantum homo, &
habuerit potestatem remit=
tendi peccata, et quomodo
sepe usus fuerit ea, imò &
eam tradiderit Apostolis.
Et de remissione peccato=
rum per clauēs Ecclesiæ
traditas. 4. 31

Christus quòd dono Dei non
habuerit dominium tempo=
rale, quale est dominium
principum. 17. 90

Christus & non fuerit rex hæ=
reditaria successione. 16. 90

Christi regnum in toto orbe
quò titulo fuerit. 18. 92

Christus quando clauēs dede=
rit Apostolis, uariæ senten=
tiæ recensentur. 9. 64

Christiani an sint aliqui, qui
bus conuenire non possit
potestati ecclesiastica. 1. 39

Christiani omnes, quòd nec
sint sacerdotes, nec omnes
æquales, sed quòd sit ordo
in ecclesia, & gradus ec=
clesiasticæ potestatis. 1. 135

Christianis quòd liceat mili=
tare, & bella gerere. 1. 381

Ciuitas, aut prouincia, de
qua dubitatur, an habeat
legitimū possessorem, maxi=
mè

- mè si est deserta morte legitimi domini, &c. quid in tali casu sit agendū. 28. 400
- Ciuitatū, rerumq; publicarū fons & origo, q. nō fuerit inuentū hominū, sed tāquā à natura profectum. 5. 81
- Claues ecclesiæ, q. solæ sufficiant ad salutē, & ad aperendum regnū calorū, ubi nulla alia uia esset apertum. 7. 38
- Claues regni calorū, potestas remittendi peccata, & excommunicandi, consecrandi &c. quod sint in ecclesiā. 6. 19
- Clericorum aliqua exemptio à potestate seculari, quod sit de iure diuino. 3. 100
- Clericorū exemptio, maximè quo ad personas, ita q. nec iudicari, nec puniri à seculari potestate possint, q. sit multum conformis iuri diuino, & naturali. 6. 104
- Clericorū exemptio siue sit de iure diuino, siue non, q. tamen non possit à principi seculari huiusmodi libertas, uel exemptio tolli. 7. 105
- Clericorum libertas si esset in manifestam Reipub. perniciem, & pontifices nolent remedium adhibere quid agendum. 8. 106
- Clericorum personæ, quod non omnino, & quoad omnia sint exemptæ à potestate ciuili, ne. iure diuino, nec humano. 4. 102
- Clericorum, quod non omnino exemptio sit de iure diuino. 2. 97
- Concilij facta determinatio, ne, quod nunquam in aliqua lege ecclesiastica dispensetur, an liceret nunquam Papæ dispensare in tali lege, & utrū dispensando ex quacunq; causa, peccaret mortaliter. 12. 248
- Concilium quæ maximè debeat cauere, si quando decretū aliquod esset faciendum, ut Papæ autoritas illibata conseruetur. 25. 279
- Concilium, quando, et in quo casu posset conuocari, & congregari contra uoluntatem Papæ. 24. 278

Concilium quando, & in quo casu posset declarare, & determinare, & etiam statuere, ut in aliqua lege ecclesiastica nunquam dispensaretur. 10. 247

Concilium quod uidetur non posse errare in determinatione, quod in aliqua lege ecclesiastica nunquam dispensetur. 11. 248

Concilium, si declarat aliquid esse de fide, aut de iure diuino, quod Papa in hoc nihil possit declarare, aut immutare, maxime si tale ius spectet ad fidem, uel ad mores ecclesie uniuersalis. 2. 228

Condemnatione facta etiam post mortem heretici, q. retro agatur confiscatio ad tempus commissi criminis, ad quamcunq; peruenit potestatem. 12. 302

Consensus inter uirum & foeminam, an sit de ratione matrimonij. 4. 431

Contritio quid importet. 8.

40

D

Decretum si fieret à concilio

quod in aliquibus legibus ecclesiasticis nunquam dispensaretur, quod tale decretum non deberet apponi in multis legibus, sed solum in paucis, hisq; grauissimis, & ualde necessarijs.

13. 260

Decreto facto per consilium, quod in aliqua lege ecclesiastica nunquam dispensetur. Si illo non obstante, Papa dispensaret, utrum teneret factum, esto quod male faceret. 14. 260

Deus quomodo uniuersalis ecclesie duas instituerit dignitates. 21. 21.

Dolor qualis sufficiat ad remissionem peccatorum cū clauibus. 10. 43

Dolor quando non dicatur contritio. 9. 41

Dominium utrum perdatur ratione infidelitatis. 7.

299

Dominij ut quis sit capax, an usus rationis requiratur. 20. 305

Dubitans de iure suo, etiam si pacifice possideat, quomodo examinare teneatur.

*

4

dili

- diligenter causam, si forte possit certum scire uel pro se, uel pro alio. 29. 401
- Dubius in rebus, quō post cōsultationem rei dubiæ debeat sequi id, quod diffinitum fuerit à sapientibus esse illicitum, etiam si aliàs esset licitum. 292
- Dubius in rebus, si post cōsultationem rei dubiæ diffiniatur à sapientibus illud esse licitum, quod aliàs est illicitum, ut sit tutus in cōscientia an debeat sequi sententiam illorum. 3. 292
- Dubius in rebus ut sit tutus in cōscientia, quomodo debeat consultare illos, ad quos spectat hæc docere. 1. 291
- Ducere relictam fratris sine liberis defuncti, ut in causa regum Anglorum contingit, quod nūquam fuerit prohibitum iure diuino legis ueteris. 7. 482
- Ducere uxorem fratris defuncti, quod non sit prohibitum lege naturæ. 6. 479
- Deus quod ea sapientia, qua constituit in naturalibus, ut inferiora regerentur à superioribus, eadem etiam prouidit, ut in ecclesia sua ordo rerum esset circa dignitates, et officia. 13. 24
- E
- Ecclesia ex quibus constet. 5. 121.
- Ecclesiæ quod insit aliqua potestas, et autoritas temporalis in toto orbe. 11. 81
- Ecclesiastici, quod iure sint exempti, et liberi à potestate ciuili, et c. 97
- Ecclesia sicut aliquas personas sua autoritate reddit illegitimas ad contrahendum, an princeps hoc possit facere. 11. 454
- Ecclesia utrum præter ciuilem, et laicam potestatem necessario habeat etiam aliam spiritualem. 3. 17
- Ecclesiasticæ personæ, dato quod non essent exemptæ iure Diuino, aut Cæsareo, quod summus Pontifex potuit eas eximere à potestate ciuili. 5. 103
- Electio summi Pontificis electibus cardinalibus, et c. quod

T O M I P R I M I.

- quòd non uideatur specta-
re ad totum clerū. 20. 162
- Electio summi Pontificis ad
quem spectaret cardinali-
bus deficientibus, negli-
gentibus, aut perniciosè
inter se dissidētibus. 19. 161
- Eligendi summum Pōtificem
ratio, quæ nunc seruatur
in ecclesia, quòd non sit
de iure diuino. 24. 265
- Eligendi summum Pōtificem
ratio, quòd sit ex consti-
tutione, & authoritate ec-
clesiæ, aut summorum
Pontificum, quæ eadem
est, & eadem authoritate
mutari posset. 25. 266
- Episcopus quilibet, quòd in
sua prouincia potuit con-
dere legem, ut presbyteri
eligerent episcopum, uel
aliam formam institutio-
nis dare, etiam sede Petri
inconsulta. 29. 270
- Error duplex eorum, qui di-
cunt uirtute clauium non
uere remitti peccata, sed
solum ostendi remissa. 5. 36
- Error quorundam recense-
tur, qui dicebant, nullum
in peccato mortali exi-
- stentem habere dominium
in quacunque re. 5. 297
- Examinata causa, quòd quā-
diu rationabiliter perseue-
rat dubium, legitimus pos-
sessor non teneatur cedere
possessioni, sed quòd possit
licite retinere, ostenditur.
3. 401
- F
- Frater, quòd secluso iure hu-
mano, sine quacunque Pa-
pæ dispensatione posset ac-
cipere uxorem fratris si-
ue cum liberis, siue sine li-
beris defuncti. 8. 434
- G
- Gradus ecclesiæ, quòd perse-
ueraturi sint in ecclesia
usque ad ultimum iudi-
cium, & mortuorum re-
surrectionem. 15. 154
- Gradus in Leuitico prohibi-
ti, quòd non omnes iure
naturali sint prohibiti,
ostenditur. 5. 471
- Gradus omnes, qui Leuit. 18.
& 20. prohibētur, an sint
iure naturali prohibiti.
1. 464
- H
- Hæretici uenditiones, dona-
tiones

tiones, & omnis alia alienatio bonorum, quod à die commissi criminis sint invalidæ, &c. 13. 302

Hæreticus an de iure bonorum perdat dominium bonorum suorum. 2. 301

Hæreticus in quo casu etiam titulo oneroso posset bona sua licite alienare. 18. 304

Hæreticus, quod à die commissi criminis incurrat confiscationem bonorum. 10. 302

Hæreticus, quod iure diuino non amittat dominium bonorum suorum ob hæresim commissam. 8. 301

Hæreticus, quod sit dominus bonorum suorum in foro conscientie antequam condemnetur. 14. 303

Hæreticus, quod titulo gratuito potest transferre bona sua, puta donando. 16. 304

Hæretico, quod non liceat titulo oneroso, puta uendendo, aut dando in dotem, bona sua transferre, si crimen posset uenire in

iudicium. 17. 304

Hæreticorum bona, quod non liceat fisco occupare ante condemnationem quamvis de crimine conflet. 11. 302

Hæreticus, quod licite potest uiuere ex bonis suis. 15. 304

Hominis miseria recensetur. Et quid faciendum oportuit, ut illius necessitatibus consuleretur. 4. 178

Hispani, quando, & in quo casu possent seuire in barbaros tanquam in perfidos hostes, & in illos omnia belli iura prosequi, eos spoliare, imò & in captiuitatem redigere, quin etiam & dominos priores deponere, & non uos constituere. 8. 360

Hispani quod potuissent barbaros redigere sub eorum ditionem, si certò constaret eos esse amentes. 18. 371

Hispani, quod habeant ius peregrinandi ad Indorum barbarorum prouincias, & illic degendi, sine tamen eorum nocumento aliquo, nec possunt ab illis prohiberi

prohiberi. 2. 352

Hispani si omnibus modestissime tentatis, non possunt consequi securitatem cum barbaris insularis, nisi ciuitates occupando, & subiiciendo illos, an hoc facere licite possint. 7. 360

Hispanis, quod liceat apud Indos barbaros negotiari, sine patriæ tamen incommodo, importando merces, quibus illi carent, &c. & offerendo inde aurum, & argentum, uel alia quibus abundant. nec illorum Principes possunt impedimento esse quominus subditi exerceant commercia inter Hispanos, &c. 3. 355

Hostes multare parte agri, quod liceat ratione iniurie illata, & nomine pœnæ, hoc est ad uindictam. Et quomodo hac etiã ratione potest arx, aut oppidum cum moderamine occupari. 56. 421

Hostes si nolint restituere res iniuria ablatas, & nõ possit, qui est læsus, aliunde recuperare, quomodo

possit undecumque satisfactiõnem capere, siue à nocentibus, siue ab innocentibus. 41. 411

I

Ignorantia ad hoc quod alicui imputetur, & sit peccatum, uel uincibilis, quid requiratur. Et quid de ignorantia inuincibili. 33. 336

Imperator, quod non sit totius orbis dominus. 5. 313

Indi barbari, utrum essent ueri domini ante aduentum Hispanorum priuatum, & publicè. Et uirum essent inter eos aliqui uiri principes, & domini aliorum. 4. 294

Innocentes, à quibus infuturum imminet periculum, an liceat interficere. 38. 409

Innocentes, & pueri esto quod non sint interficiendi, an saltem liceat ducere illos in captiuitatem, & seruitutem. 42. 412

Innocentes interficere in bello, an liceat. 34. 406

Innocentes interficere, quod nunquam per se & ex intent

I N D E X

intentione liceat. 35. 406
 Interficere an liceat omnes
 in bello nocentes. 44. 413
 Interficere innocentes per
 accidens, etiam scienter,
 quòd aliquando liceat, &
 aliquando non. 37. 408
 Interficere an liceat infantes
 & foeminas in bello con-
 tra Turcas. Et quid dicen-
 dū de agricolis apud Chri-
 stianos, togatis, peregrini-
 nis, hospitibus, & clericis.
 36. 407
 Interficere quòd aliquando
 & liceat & expediat oēs
 nocentes, & hoc maxime
 in bello contra infideles.
 Et quid in bello contra
 Christianos. 48. 416
 Interficere quòd liceat indif-
 ferenter omnes, qui in
 actuali conflictu praelij,
 uel in oppugnatione, aut de-
 fensione ciuitatis contra
 pugnant, & quandiu res
 est in periculo. 45. 414
 Interficere quòd non semper
 liceat omnes nocentes so-
 lum ad uindicandum iniu-
 riam. 47. 415
 Interficere quòd liceat nocen-

tes, parta uictoria, & re-
 bus iam extra periculum
 positis. 46. 414
 Iniuria accepta, quòd sit uni-
 ca & sola causa iusta ad
 inferendum bellum. 13. 390
 Iniuria quaelibet, & quanta-
 uis, quòd non sufficiat ad
 bellum inferendum. 14. 391
 Iure diuino quòd nullus alius
 de numero Christianorum
 præter foeminas excludi-
 tur à potestate ecclesiasti-
 ca, siue ordinis siue iuris-
 dictionis. 6. 144
 Inuasus à latrone, aut inimi-
 co, an possit repercutere
 inuasorem, si possit fugien-
 do euadere. 4. 384
 Ius conueniendi an satis sit
 ad matrimonij essentiam.
 3. 430

L

Lex aliqua etiam positiua,
 quòd posset esse in eccle-
 sia, & forte aliquæ tales
 sunt, in quibus expediret,
 ut nunquam dispensare-
 tur. 9. 244
 Lex diuina quòd sicut habet
 uim obligandi ad culpam,
 ita & lex humana. 17. 200

Lex

T O M I P R I M I.

Lex humana & diuina in quo differant, & in quo etiam conueniant. 16. 198

Legis ratione cessante, an cesset obligatio. 22. 208

Leges ciuiles an obligent legislatores, & maximè reges. 21. 206

Leges humanæ quando obligent ad mortale, & quando ad ueniale, qualiter distinguosci poterit. 19. 203

Legum humanarum transgressores, ad quam culpā obligentur, ad mortale, an ad ueniale solum. 18. 202

Libertas, quòd non sit minor in regali principatu, quàm in aristocratico, & democratico. 11. 191

Liberi, si apud Indos nascentur ex parentibus Hispanis illic domicilium habentibus, et uelint esse ciues, quod non possint arceri uel à ciuitate, uel à cōmodo aliorū ciuium, ostēditur. 5. 357

M

Matrimonij consensus qualis sit, inquiritur. 8. 444

Matrimonij uinculum, quomodo ex lege naturali aut

diuina non contrahatur, nisi coniugum ipsorum consensu, licet Deus sine dubio, nullo consensu uiri & foeminæ interposito, constituere possit. 6. 435

Matrimonium, quòd nulla auctoritate humana possit constitui, nisi consensu contrahentium, probatur. 7. 440

Matrimonium quantum ad sui essentiam quid sit. 5. 434

Matrimonium quid sit. 1. 428

Matrimonij quotuplex finis. 2. 429

Matrimonium si quis deceptus contrahat, an teneat. 19. 452

Militibus, an liceat ciuitatem permittere in prædam. Et quomodo non sit illicitum, sed & necessarium. 52. 419

Militibus, quòd non liceat prædas agere, aut incendia facere sine auctoritate, aliàs tenerentur ad restitutionem. 53. 420

Mobilia omnia quomodo iure gētium fiant occupantis

I N D E X

tis, etiam si excedant compensationem damnorum.

51. 143

Monachæ an non teneantur obedire Abbatissæ. 5. 143

Monarchia, siue regia potestas, quod non solum iusta sit, & legitima, sed quod reges etiam à iure diuino & naturali habeant potestatem, & non ab ipsa republica, aut prorsus ab hominibus. 8. 186

Mulieres, quod nec sacerdotes esse possint, nec aliquem ordinem aut potestatem ecclesiasticam habere, quæ sit de iure diuino. 3. 140

O

Obsides, qui uel tempore induciarum, uel peracto bello ab hostibus recipiuntur, utrum interfici possint, si hostes fidem frangerent, & conuentis non starent. 43. 4. 3

Occupare quod liceat ab hominibus, & tenere arcem aliquam, aut ciuitatem proparanda securitate, & uitando periculo, aut proceptione, & ut tollatur

ab hostibus occasio nocendi, &c. 55. 420

Occupare quod liceat, & tenere agrum, arcem, & opida hostium quantum necessarium fuerit ad damnorum illatorum compensationem. 54. 420

P

Papa an & quando esset audiendus rege contradicente, & quando non, in his quæ ad aliquam legem ciuilem, aut administrationem temporalem attinent. 14. 36

Papa, an sit orbis Dominus. 2. 68

Papa in quo genere decretorum aut canonum nihil possit immutare dispensando, & multo minus abrogando. 1. 216

Papæ mandatum, aut dispensatio, quod non semper obliget subditos ad parendum. 18. 166

Papæ mandatis, an liceat resistere per appellationem ad futurum concilium. 21. 272

Papa non obstante decreto irritante

T O M I P R I M I.

ritante concilij, quòd
offet dispensare in statu=
s eius.5.236

a quid possit, aut quid
on possit, &c. quòd non
esset ad subditos illud
eterminare, ut examina=
e, probatur.17.265.

a, quòd nullam potesta=
em temporalem habeat
a barbaros Indos, neque
a alios infideles.30.327

a quòd non sit dominus
iulis, aut temporalis to=
us orbis, loquendo pro=
rie de dominio, & pote=
ate ciuili.27.322.

a, quod non liceat dispen=
re in legibus, & decretis
conciliorum pro suo arbi=
rio, & sine causa ratio=
abili, etiam ubi nihil con=
inente iuris diuini.7.239

a, quòd potuerit negotiū
ouersionis Indorum bar=
arorū solis Hispanis de=
andare, & omnibus alijs
ō solum prædicationem,
d etiam commercium in=
erdicere.10.363

a, quòd non habeat po=
statem deponendi prin=
cipem

secularem, etiam ex
iusta causa ratione autho=
ritatis temporalis.6.76

Papa, quòd non habeat con=
firmare, nec possit infir=
mare leges ciuiles.7.76

Papa, quòd habeat potesta=
tem temporalem in ordine
ad spiritualia.29.324

Papa, quòd possit dispensare
in legibus, & statutis con=
cilij generalis.2.930

Papa, quòd in ordine ad fi=
nem spiritualem habeat
amplissimam potestatem
temporalem supra omnes
principes, & reges, & im=
peratorem.12.82

Papa, quòd non habeat ius=
dicare, saltem uia ordina=
ria, de causis principum,
aut regnorum titulis, nec
potest ad eum compelliari in
causis ciuilibus.5.74

Papa, quòd dispensando in le=
gibus, & decretis, tam
conciliorū, quàm aliorum
pontificum, possit errare,
& grauitè peccare.6.239

Papa, quòd multo minus po=
test abrogare sine causa
rationabili decreta concilij,
quàm

- quàm in eis dispensare. 8.
242
- Papa quòd non deberet egre
ferre, sed potius gaudere,
quòd fieret aliquod decre=
tum à concilio, quo caue=
retur, ut in aliqua lege ec=
clesiastica nunquam di=
spensaretur. 271
- Papa sicut peccaret dispen=
sans cōtra decretum conci=
lij, quòd ita etiam pecca=
ret petēs dispensationem,
& utens illa, ostenditur.
15. 262
- Papa si dispensaret, in quo
casu subditi non teneren=
tur parere dispensationi.
19. 270
- Papa si facta declaratione,
& decreto à concilio, con=
trarium mandaret, quid
agendum. 23. 275
- Personæ aliquæ ex hoc, quòd
in Leuitico sint prohibite
contrahere, quòd non sit
argumentum illas tempo=
re legis euāgelicæ iure di=
uino esse prohibitas. 3. 467
- Personæ aliquæ ex hoc, quòd
iure diuino prohibeantur
contrahere, quòd nō suffi=
cienter probetur si cōtra=
bant, matrimonium esse
nullum & irritum. 2. 465
- Personæ quæ sint prohibite
a matrimonio iure diuino,
quòd terminari non pos=
sit nisi ratione naturali,
hoc est, ex morali philoso=
phia, & propositionibus
cognitis ex lumine natu=
rali. 4. 470
- Peccatum mortale, quòd non
impediat dominium ciui=
le, & uerum dominium.
6. 298.
- Petrus, quòd inter Aposto=
los omnes fuerit authori=
tate, & potestate primus
& princeps, cum summa
supra totam ecclesiam po=
testate. 11. 150
- Petrus beatus, quòd potuerit
eligere, & designare suc=
cessorem, qui, eo defuncto,
sine alia electione esset
summus Pontifex. 23. 264
- Petrus beatus, quòd uel so=
lus, uel cum alijs Aposto=
lis potuerit constituitur for=
mam, & rationem, qua
post obitum eligeretur ei
successor. 22. 263

Petri

TOMI PRIMI.

etri successores, quod potuerunt, & possunt pro suo arbitrio episcopos creare in singulis prouincijs, & quasque leges de hac re prius latas tollere, & novas condere, prouincias distinguere, & omnia ad hoc spectantia pro suo iudicio, & potestate facere
30. 270

etro Apostolorum principe defuncto, quod aliquis ei successerit cum simili & autoritate, & potestate iurisdictionis in totum orbem. 17. 158

etro mortuo, quod ecclesia habeat potestatem subrogandi, & instituendi alium loco illius, etiam si Petrus nihil de hoc prius constituisset. 18. 160

ontificis dispensationes, quod sint in duplici differentia, & quæ sint. 16. 64

ontificis mandatis resistere & non parere, quod non uideatur permittendū cuiusque priuato sua auctoritate, etiam si huius modi madata esset contra deter-

minationem concilij. 22. 276

Potestas ad quid constituitur in republica. 4. 18

Potestas aliqua spiritalis quod potuerit esse in statu innocentie. 1. 53

Potestatis civilis & ecclesiastica differentia. 2. 48

Potestas civilis, quod aliquo modo subiecta sit, non potestati temporali summi pontificis, sed potestati spiritali. 10. 78

Potestas civilis, quod non sit subiecta potestati temporali Papæ tanquam domino temporali. 4. 73

Potestas ecclesiastica, an sit per se in tota ecclesia. 1. 108

Potestas ecclesiastica, & spiritalis tota, quæ nunc residet in ecclesia, quod sit de iure diuino positio mediatè uel immediatè. 4. 50

Potestas ecclesiastica, quod immediatè sit in concilio, & etiam ratio totius. Et multa de potestate concilij. 6. 122

Potestas ecclesiastica, quod sit duplex. Et de earum effectibus

- fectibus. Et quomodo non
nulli hæreticorū ab utraq;
clauē tollunt omnem effe-
ctum merè spirituale. 2. 28
- Potestas ecclesiastica, quòd
quantum ad aliquam po-
testatem sui habuerit ortū
à iure naturali, uel posi-
tuo. 3. 48
- Potestas ecclesiastica, quòd
sit uerè & simpliciter cau-
sa alicuius effectus spiri-
tualis. 1. 28
- Potestas ecclesiastica quòd
non solum fuerit in Aposto-
lis, sed etiam in alijs. 13. 153
- Potestas ecclesiastica quo in-
re sit introducta. 1. 47
- Potestas ecclesiastica siue or-
dinis, siue iurisdictionis,
quòd tota fuerit in Petro
Apostolo. 7. 145
- Potestas ecclesiastica, siue spi-
ritualis quomodo possit
esse in tota ecclesia, osten-
ditur. 2. 110
- Potestas gubernandi quòd
scientiam exigat. 9. 29
- Potestas merè temporalis,
quòd nulla sit in papa, ui-
delicet quæ ad finem ordi-
netur temporalem. 8. 76
- Potestas omnis ordinis & iu-
risdictionis, quæ priuserat
in Christi Apostolis, quòd
illis defunctis perseuerauit
in ecclesia, probatur.
14. 154
- Potestas omnis seu publica,
seu priuata qua respubli-
ca secularis administra-
tur, quòd non solum iusta
& legitima sit, sed ita Deū
actorem habeat, ut nec or-
bis totius consensu tolli,
aut abrogari possit, osten-
ditur. 1. 175
- Potestas omnis spiritualis
quæ fuit in lege naturæ,
licet potuerit esse solum
authoritate humana, quòd
tamen uerisimile sit uel
quòd ex speciali reuelatio-
ne diuina, uel instinctu &
motione diuina fuerit con-
stituta authoritas aliqua,
& potestas spiritualis, &
aliqua sacrificia & sacra-
menta, & aliæ cæremoniæ
spectantes ad cultum diui-
num, & ad salutem spiri-
tualem animarum. 3. 56
- Potestas ordinis in ecclesia,
quòd tota deriuata sit, &
pend

T O M I P R I M I.

pendeat immediatē ab epi
scopis. 16. 155

potestas, quod sit duplex, pu-
blica, & priuata. 2. 175

potestas regia quamuis con-
tineat omnem potestatem
ciuilem, q̄ tamen non ha-
beat authoritatē ad cultū
diuinum, & actiones spiri-
tuales, ostenditur. 10. 20

potestas spiritualis, quæ fuit
in ueteri testamento, quod
tota expirauerit, & anti-
quata fuerit in lege euan-
gelica, nec amplius perseue-
rauerit. Et quod sacerdo-
tes noui testamēti non sint
successores illorū, sed omni-
no sit noua potestas. 7. 61

potestas spiritualis, quod sta-
tim post peccatum fuerit
in lege naturæ. 2. 55

potestas spiritualis, quod sit
præstantior, & eminētior,
potestate temporali, osten-
ditur. 1. 67

potestas spiritualis, quod fue-
rit aliqua in lege scripta,
probatur. 4. 57

potestas spiritualis tota, quæ
fuit in ueteri lege, quo-
modo primo & solum in
tribus leuitica fuerit. 3. 110

Potestas spiritualis tota, quæ
fuit in ueteri lege, quod
fuerit de iure diuino posi-
tuo. 5. 50

Potestas temporalis, & ciui-
lis, quod sit integra apud
paganos. 8. 19

Potestas temporalis in sum-
mo pontifice, qualiter in-
telligatur. 13. 83

Potestas temporalis, quod
non dependeat à spirituali
omnino eo modo, quo ars,
siue facultas inferior de-
pendet à superiori. 9. 77

Potestas temporalis quod nō
dependeat à summo pon-
tifice, sicut aliæ potestates
spirituales inferiores, &c.
3. 71

Potestas uere, & propriè spi-
ritualis, qualis nunc est in
ecclesia, quæ uocatur po-
testas ecclesiastica, quod
nec primo, nec per se, imò
nullo modo sit immediatē
in tota ecclesia uniuersali
eo modo, quo potestas ciui-
lis est in republica. 4. 113

Potestas utraq; ordinis scili-
cet, & iurisdictionis, quod
habeat uerū effectum spiri-
tualem

- tualem, probatur. 3. 30
 Potestatis ciuilis causa efficiens. quæ. 6. 182
 Potestatis ciuilis finis quis sit. 3. 178
 Potestatis publicæ secularis tres causæ explicantur. 10. 190
 Potestatis spiritualis testimonia ex scripturis recensentur. 12. 12
 Potestatem ecclesiasticam aliam quam, quod nullus alius à Christo uideatur acceperisse præter sacros Apostolos. 12. 152
 Potestatem omnem, quam Apostoli habuerunt, quod receperint immediate à Christo, probatur. 9. 147
 Potestatem totam in ueteri lege iure diuino institutâ, quod potuerit israheliticus populus sua autoritate instituere, etiam si à Deo instituta non fuisset. 6. 62
 Potestates qui potius appellantur, ab authore recensentur. 2. 17
 Potestates, quibus infidelium respublica gubernantur, an sint legitimæ. Vel, an inter paganos sint legitimi principes, & magistratus. 9. 190
 Præcepta parentum, quod eodem modo obligent, sicut leges ciuiles. Et idem de præceptis meritorum in uxores. 4. 209
 Prætores, & magistratus omnes citra Principem, & grauiter errent, & peccent, iudicia exercentes cōtra priuilegia clericorū quāuis permiciosorū. 9. 106
 Princeps iusti belli recuperatis rebus ab hostibus, quid ulterius possit facere. 18. 393
 Princeps, quod eadem auctoritatem habeat ad indicendum & inferendū bellum, sicut respublica. 6. 387
 Princeps, siue subditus, qui ex ignorantia sequutus est bellum iniustum, si postea constiterit ei de iniustitia belli, an teneatur restituere. 33. 404
 Principis gloria propria, aut aliud cōmodum, quod non sit belli iusta causa. 12. 390

T O M I P R I M I.

incipi iusti belli, quod liceat parta uictoria, recuperatis rebus, ac pace etiā & securitate habita, uindicare iniuriam ab hostibus acceptā, et animaduertere in hostes, & punire illos p iniurijs illatis. 19. 394

principes Christiani, quod non possint, etiā auctoritate Papæ, coërcere Barbaros à peccatis contra legem naturæ, nec ratione illorum eos punire. 40. 344

principes hostium an liceat deponere, & nouos ponere & constituere, uel sibi principatum restituere. Et quomodo non passim, et ex quacunq; causa belli iusti hoc liceat facere. 58. 422

principes hostium quando legitime possent deponi, ostenditur. 59. 423

principum leges, & constitutiones quomodo obliget in foro conscientie. Et quid de præceptis parentum in filios, & maritorum in uxores. 15. 196

uer an possit esse dominus

ante usum rationis. 21. 307

R

Reguli, siue Principes, qui non præsumunt reipub. perficere, sed sunt partes alterius reipub. quod non possint bellum inferre, aut gerere. Et quid dicendum de ciuitatibus. 9. 388

Remedia duo efficacia ad remissionem peccatorum à Deo in ecclesia relicta. 6. 37

Respublica qualibet, quod habeat auctoritatem indicendi, & inferendi bellum. 5. 386

Respublica quid est & quis proprie dicatur Princeps. 7. 387

Respublica, quod tota possit puniri licite pro peccato regis. 12. 192

Respublica unde habeat potestatem civilem. Et de causa materiali eiusdem potestatis. Et penes quem iure naturali & diuino resideat. 7. 183

Reipublicæ sicut maior pars regem supra totam Rempublicam constituere potest, alijs inuitis: quod ita pars maior

** 3

I N D E X

- maior Christianorum, re=
liquis etiam renitentibus
monarcham unum creare
iure possit, cui omnes prin=
cipes & prouinciæ pare=
re teneantur. 14. 193
- Respublicæ, aut principes
plures, si habeant unum
communem dominum, aut
principem, an possint per
se inferre bellum sine au=
thoritate superioris prin=
cipis. 8. 388
- Rex si uellet non obligare ad
culpam, an posset. 20. 206
- S
- Sacerdotes ueteris legis, an
haberent potestatem fren=
di leges, & præcepta fa=
ciendi obligantia in foro
animæ. 6. 59
- Sedes Apostolica in quocun=
que casu uacaret manēdo
in solo iure diuino, ad quē
spectaret electio. 21. 262
- Senatores reguli, & uniuers=
saliter omnes qui admit=
tuntur, uel uocati, uel etiā
ultro uenientes ad consi=
lium publicum, uel regis,
quod teneatur iniusti belli
causam examinare. 24. 397
- Spoliare an liceat innocen=
tes inter hostes. Et quibus
rebus sint spoliandi. 39. 410
- Subditi si habeant conscien=
tiam de iniustitia belli, q,
non liceat illis sequi bel=
lum, siue errent, siue non.
23. 397
- Subditi, an teneantur exami=
nare causam belli. Et quo
modo si subdito constet de
iniustitia belli, non liceat
ei militare, etiam si Prin=
ceps impediret. 22. 396
- Subditis quod non solum li=
ceat in bello defensiuo in
re dubia sequi principem
suum in bellum, sed etiam
in bello offensiuo. 31. 402
- Subditos militantes quando
non excusaret ignorantia
de iustitia belli. 26. 398
- Summus Pontifex, dato quod
haberet potestatem secu=
larem in mundo, quod nō
posset eam dare principi=
bus secularibus. 28. 324
- Summus pontifex, quod non
solum possit dispensare in
statutis conciliorum, sed
in totum, & aliquando
abrogare talem legem, uel
stat

T O M I S E C V N D I .

statutum. 4. 293

T

tributa an liceat uicis ho-
stibus imponere. 57. 4 22
tyrannorum leges an obli-
gent. 23. 290

V

Vitæ quòd sint due, una ter-
rena, altera spiritualis. Et
quomodo humana societas
non possit sine utraq; ma-
nere. 5. 18

I N D E X T O M I
S E C V N D I .

*

A

Abstinere perpetuò à cer-
to genere alimento=
rum, etiam in extrema ne-
cessitate, utrum sit lauda-
bile Cartusienſi, quòd etiã
secluso scandalo non uidea-
tur illicitum in extrema
necessitate abstinere à car-
nibus. 8. 86

Accipere aliquid pro sepul-
tura, an sit licitum, &
quando. 10. 235

Accipiens aliquid temporale
ratione contractus simo-
niaci, an teneatur resti-
tuere quicquid simoniace
accepit. 1. 221

Actus intensior, quòd non
augeat habitum per totã
suam latitudinem, sed so-

lum secundum excessum
quem habet supra habitũ,
probat. 3. 8.

Actus intensior habitu, an
augeat habitum secundum
suam totam latitudinem,
an solum secundum exceſ-
sum, quem habebat supra
habitum. 2. 7

Actus quilibet meritorius,
quòd augeat gratiam se-
cundum totam suam lati-
tudinem, & non solum se-
cundum excessum supra
habitum. 4. 15

Agentia plura, quòd nun-
quã producant maius lu-
men, uel calorem in pri-
mo puncto suæ sphaeræ, uel
actiuitatis, quàm produ-
ceret unum illorum, quòd

* * 4. max

INDEX

- maximum est. 9.22
- A**limentis insalubribus & nocuis uitam reddere breuiorem, quòd non liceat, neque tamen uti tenetur optimis. 34. 148
- A**nimam ponere pro amicis licet sit stultitia huius mudi, quòd tamen sit sapientia apud Deum. 27. 143
- A**n licitū sit dare aliquid temporale pro spiritali. 1. 157
- A**nimæ defunctorū, maximè quæ sunt è numero damnatorum, an se misceant artibus & operibus magicis. 17. 286
- A**ppetitus sensitivus, quòd possit esse causa priuationis usus rationis. 12. 337
- A**ppetitus sensitivus, quòd possit esse causa priuationis usus rationis. 12. 339
- A**uxiliari quòd liceat amico etiam cum quantocunque uitæ discrimine. Et quid dicendum de uxore, quæ etiam cum magno periculo marito peste laboranti adstiteret. 31. 145
- B**
- B**eneficiū adeptus, qui quidem non dederat pecuniā episcopo, sed alius pro eo, ipso ignorante, an teneatur restituere. 8. 233
- B**eneficium habens, cui per aliquod tempus ministravit, quòd licitè possit auctoritate papæ concedere beneficio, retenta certa pensione super beneficium & sine quocunque onerali officio spiritali. 49. 215
- B**eneficium si quis contulit, aut permutauit pro pensione, etiam auctoritate apostolica, an talis pensio possit uendi, aut pecunia redimi, dubitatur. 53. 218
- B**eneficium si quis conferat consanguineo aliàs idoneo, quantumcunque motus à consanguinitate, quòd nõ peccet mortaliter. 28. 192
- B**eneficium simoniacè acquisitum, an sit restitutioni obnoxium de iure diuino. 5. 228
- B**eneficia conferre propter preces principaliter, an sit simonia. 30. 193
- B**rutus, Cato, Decius & alij innuunt

T O M I S E C V N D I.

innumeri, qui sibi mortem
consciuerunt, utrum excu-
sationem habebunt, eo
quod putabant in hoc se
fortiter & laudabiliter
agere. Et quid de Samfone,
Rassia, & Saule. 37. 1, 0

C

arnium usus, utrum ante di-
luuiū esset concessus. 3. 64
arnibus humanis an uesci
liceat. 5. 70

arnibus uesci humanis, an
in extrema necessitate li-
ceat. 6. 75

artus si in casu
necessitatis extremæ car-
nes comedere. 10. 92

haritas an augeatur per
quemlibet charitatis actū.

Et quomodo de hoc tres
opinionēs recitantur. 1. 5

haritatis per quemlibet
actum quantumuis remis-

sum, quod mereatur quis,
& habebit maiorem glo-

riam. 11. 28

haritas, quod non augeatur
per totā latitudinē actus,

sed solum secundum exce-

sum actus supra habitum.

3. 15

Charitas, quod nunquam sit
æqualis gratiæ, saltem in
adulto. 6. 15

Charitas quomodo duplici-
ter diminuatur. Vno mo-
do per peccatum ueniale,
alio modo per mortale.

20. 41

Charitas, uel gratia, an
per peccatum ueniale di-
minuatur. 21. 41

Charitas per quemlibet ac-
tum quantumuis remis-
sum, quod augeatur gra-
tia. 12. 30

Charitas, si per actum re-
missum non augeatur cha-
ritas statim, quod uolunta-
rium uideatur dicere, quod
augeatur in fine uitæ. 13. 31

Cibi, aut alimenti nullum
genus fuisse, aut esse pro-
hibitum homini iure na-
turali, ostenditur. 2. 55

Clerico utrum liceat suas lo-
care operas in administra-
tione spiritalium. 19. 240

Collatio spiritalis ratione
consanguinitatis an sit si-
monia. 26. 1, 1

Commendæ, quod pro bene-
ficio commutari non pos-

**

s

lint

- sint, etiam ex autoritate
Papæ. 46. 212
- Condimentis, & artificio, an
liceat uti ad edendum ci-
bos suauiores. 4. 70
- Conferre beneficium intuitu
consanguinitatis, quod nō
sit simoniacum. 27. 192
- Conferre spiritualia ad ca-
ptandum quodcumq; com-
modum non spirituale, si-
ue digno, siue indigno,
quod sit illicitum. 31. 195
- Conferre spiritualia ad ca-
ptandum quodcumq; com-
modū non spirituale, quo-
modo ignorat author an
hoc sit mortale. si aliās col-
latio fiat digno. 32. 196
- Conferre spiritualia ad ca-
ptandum quodcumq; com-
modum non spirituale,
quomodo si fiat digno, nō
putat hoc peccatum esse
proprie simoniam au-
thor. 33. 196
- Contractus aliquis, qui non
nunc est simoniacus, an sit
uel possit iure positiuo fie-
ri simoniacus. 13. 174
- Contrahentes cum Papa, an
sint simoniaci, aut incur-
rant pœnam iuris. 4. 234
- D
- Dæmon malus, an sit ope-
rum magicorum author,
uel an referenda sint po-
tius in bonos angelos, uel
in ipsum Deum omni-
potentem. Et an omnino sint
dæmones. 10. 269
- Dæmon superior, an & quo-
modo possit inferiorem dæ-
monem tenere alligatum
annulo, aut imagini. 31.
306
- Dæmones quod angelis cogi
possint, & aliquando co-
gantur. 22. 296
- Dæmones esse, quod etiam
stando in recta, et legitima
Philosophia, nullo modo sit
negandum. 11. 271
- Dæmones, et magi, quod uir-
tute dæmonū possint moue-
re, & transferre corpora
de loco ad locum. 33. 308
- Dæmones, et magi, quod uir-
tute dæmonis non possint
immediate imprimere in
rebus naturalibus, & ma-
terialibus aliquā formam,
ut calorē, frigus, morbum.
aut sanitatem. 35. 312

T O M I S E C V N D I .

æmones, quòd cogi possint
aliquando, et cogantur ab
hominibus. 21. 296

æmones superiores, quòd
possint cogere inferiores.

30. 304

æmones superiores, an ha-
beant aliquam potestatem
in inferiores. 29. 303

æmones ut uirtute diuina
coerceantur, aut angelica,
quod multum refert, qui-
bus uerbis, aut signis ho-
mines utantur. 23. 297

damnato ad mortem quòd
non liceat se fame interfi-
cere. 28. 144.

damnato ad mortem quòd
liceat fugere, & non mor-
tem expectare. 29. 144

damnato ad mortem per ci-
cutæ seu ueneni haustum,
quòd sibi liceat illud hau-
rire, nec uidetur ad eius
mortem cooperari. 30. 144

Dare pecuniam, ut ab offi-
cio non deponatur, an sit
simoniacum. 15. 239

defectus, & imperfectio, uel
priuatio usus rationis, un-
de semper, uel ex maiori
parte proueniat. 11. 337

Deliberatio prima, quòd sit
ex causis non naturalibus
uel prorsus extrinsecis, pu-
ta uel à Deo, uel ab ange-
lo. 21. 348

Deliberans primo, quòd non
habeat in sua potestate
prius deliberasse. 22. 350

Deliberans primo, quòd non
tenebatur prius delibe-
rasse. 25. 350

Deliberans primò, quòd
potuit primò deliberasse.
23. 350

Deliberatio, q non possit ca-
dere sub præcepto. 24. 350

Deus an naturas rerum im-
mutare potuerit, uel ab
initio alias facere, quàm
nunc sunt. 4. 116

Deus quòd naturas rerum
mutare non possit, ab au-
thore probari uidetur.
5. 117

Deus quòd creauerit homi-
nem sine inclinatione ma-
la, qua appetitus inclinatur
ad malum. 8. 121

Deus quòd dederit appetitui
naturalem inclinationem
ut obediret uoluntati. 9. 121

Deus quòd solus sit uitæ &
mortis

I N D E X

- mortis dominus, nō homo,
qui quantum ad hoc, est pe-
culiariter seruus Dei, unde
occidere seipsum, est Deo
iniuriam facere. 23. 138
- Deus supposito quod nō pos-
sit rerū naturas mutare,
quomodo fecerit hominē
cum naturali inclinatione
ad malum. 6. 120
- Deum antequam cognoscat
quis, aut possit cognoscere,
quod potest peccare.
- Dispositio qualitatum natu-
raliū, quod nulla sine spe-
ciebus sensibilibus sit suffi-
ciens ad usum rationis. 14.
342
- Doctorem nō habens extrin-
secum, quomodo uideatur
pro tempore posse habere
de Deo ignorātiā inuini-
cibilem. 3. 355.
- E
- Ecclesiastici liber an deberet
recipi inter Canonicas scri-
pturas, quomodo in eccle-
sia dubitatum fuerit, &
quid tenendum. 1. 322
- Educatio docta, & instru-
ctio, quod multum faciat,
ut aliquis perueniat ad
usum rationis. 15. 342
- Emptio, aut uenditio eorum,
quæ iure positiuo sunt spi-
ritualia, quod sit iure di-
uino prohibita. 15. 175
- Emptio, & uenditio rerum
spiritualiū quod nō solum
sit simoniaca, sed omnino
dispensatio, & permutatio
non gratuita. 8. 163
- Emptio, aut uenditio, quod
non solum ex intentione
apud idololotras fuerit cri-
men simoniæ uerum, sed
etiam ex obiecto. 21. 187
- G
- Gloria, quod respondeat gra-
tiæ, & non charitati. 7. 15
- H
- Habitus data opinione quod
non augeatur per actum
remissum, an plures actus
remissi possint augere ha-
bitum, uel etiā unus actus
continuatus possit æqui-
ualere in merito uni actui
intenso. Et de triplici illius
questionis opinione. 15. 33
- Habitus in augmento, an ha-
beat respectus nō ad in-
tensiolem actus gradua-
lem

lem meritorij, sed ad quantitatem meriti. 14. 31

abitus, quod sine dubio augetur, quandocunq; peruenitur ad meritū aequale cum actu intenso, siue per multiplicationē, siue per intensiōem. 19. 37

omicidium de iure naturali & diuino permissum, quibus sit commissum. 19. 130

omo ad cognoscendum quod Deus est, saltem sine dolore extrinseco, quod indigeat non paruo tempore etiam post capacitatem ad percipiendum disciplinas. 2. 354

omo cum omnis primū ad usum rationis peruenerit, etiam si Deū neq; cognoscat, neq; possit cognoscere, quod potest bene moraliter agere. 7. 363

omo in Barbaria educatus, sine instructione, & mentione deitatis, & religionis, an cum primū peruenerit ad usum rationis, possit Deum cognoscere. 1. 353

omicidium omne ex intentione, quod præcepto de-

nō occidendo est prohibitū seu publicæ, aut priuatæ personæ, præter quā id, quod reip. aut publicis magistratibus, & principatibus fuerit cōmissū. 20. 130

Homini omni ad usum rationis peruenienti, an pateat aditus ad salutē, & uitam æternam. 2. 324

Homo, quod in multis casibus quamuis licitis uijs possit uitam seruare, quomodo tamen nō teneatur. 24. 139

Homo, quod non inclinetur ad diligendum se plus quā Deum, uel proprium bonum plus quā commune. 10. 121

Homo, quod semper teneatur defendere uitam proximi. etiam quandocunque licet, quod non sit exploratum. 25. 141

I

Inclinatio hominis quamuis sit ad malum, quod tamen nō sit mala, malitia moralis, quandiu manet intra terminos appetitus. 7. 120

Inclinatio hominis, quatenus homo est, quod sit bona,

I N D E X

na, & quòd ad nullum malum, aut uirtuti contrariū inclinēt, argumentis probatur. 3. 107

Instans primum, uel tempus usus rationis, in quo quis primo deliberatactū, quòd non sit in quo potest primo deliberare. Et multa de usu rationis. 27. 351

Interficere seipsum, quòd semper sit impium, ostenditur. Et multa de inclinatione naturali, an sit semper prona ad malum. 2. 102

Interficere seipsum quare nō liceat. 21. 231

Interficere licebat adulterā, aut furem in lege Moysi, quod et licuit ante legem, & licet in lege euangelica. 14. 128

L

Legans monasterio perpetuò mille aureos ut faciat sacrum perpetuò : hæres dicit, Ego dabo beneficium simplex huius missæ, et dimittatis legatum, an hoc sit licitum, & fieri possit sine simonia. 13. 238

Legis diuinæ duplex consi-

deratio. 10. 375

Liberum arbitriū aut usum rationis habere, quòd non sit idē, quod habere actus intellectus, & uoluntatis. 4. 326

Liberū arbitriū habere, q. sit idē, quod esse dominū suarum operationum. 6. 333

Liberum arbitrium habere, aut usum rationis, quòd non uideatur idem, quod posse agere, & non agere positis requisitis ad agendum ad sensum, in quo cōmuniter doctores capiunt. 5. 328

Liberum arbitriū, quòd duo requirat, & quomodo secundum potest esse sine primo, & posito primo, ponitur secundum. 7. 335

Locare operas in administratione spiritualium, quòd non plus liceat, quàm ipsa spiritualia, neq; licet aliquid recipere pro labore spirituali magis, quàm pro ipso spirituali. 20. 243

Lumē productum quòd nunquam sit maius, quàm sit lumen in maximo lumine.

noſo.10.22

M

Magia aliqua, quòd dici poſſit naturalis, & ſine commercio alicuius ſubſtantiæ ſpiritualis. 7. 263

Magia ars an omnino ſit, hoc eſt, an inter mortales ſit ars, uel facultas aliqua ad uidendum, & faciendum opera illa mirabilia, quæ de magis ſcribuntur, & circumferuntur. 1. 251

Magica ars alia, præter naturalē, quæ non uiribus & cauſis naturalibus cōſtet, ſed poteſtate aliqua, et uirtute immateriali, & ſeparata nititur, q̄ non ſit dubiū quin reperiatur. 9. 67

Magiæ ſtudioſi qui fuerint, recenſetur. 8. 266

Magi, an uirtute dæmonū poſſint corpora localiter tranſmutare, hoc eſt, per multa terrarū ſpatia, ſumma (ut ferunt) celeritate. 32. 307

Magi, an poſſint cogere dæmones pro ſuo arbitrio. 20. 294

Magi, an poſſint miracula facere. 18. 288

Magi an poſſint pro ſuo ar-

bitrio immutare corpora, alterando ſecundū qualitates, immittendo, & contrā ſanitatē præſtando. 34. 311

Magi, quòd aliquando poſſint cogere dæmones. 25. 298

Magi, q̄ in ſuis operationibus nōnunquā utantur facultate ſolū naturali. 15. 280

Magi, quòd nihil operentur, aut poteſtate diuina, aut angelica. 14. 279

Magi, q̄ non poſſint miracula facere, pbatur. 19. 291

Magi quomodo poſſint dæmones cogere, & non alio modo. 26. 299

Magi, quō habentes fœdus cū aliquo dæmone principali, poſſunt cogere inferiores dæmones, nō aut ipſum principalem dæmonem. Et quid ſi non habeant tale fœdus. 27. 299

Magorū facta licet nonnulla ſiant ſolum per illuſionē, & præſtigia ſenſuū, quòd tamen quedam in re, & ſecundum exiſtentiā ſiant, oſtenditur. 5. 256

Magorum mirabilia opera, an ſint omnia opera naturalia

I N D E X

- turalia, hoc est, ex causis
merè naturalibus, & non
dependentia à substantijs
separatis. 6. 260
- Magorum operationes su-
pra facultatem natura-
lem, quòd malorum dæ-
monum potestate, & uir-
tute fiant. 16. 281
- Magorum opera, quòd non
omnia sint uana, & con-
ficta. 32. 355
- Magorum tota opera, &
efficacia in quo fundetur.
28. 300
- Magica ars, esto quòd sit ali-
cuius efficaciæ, an tota ei-
us refertur circa illusio-
nem sensuum & imagina-
tionis, ita quòd ex parte
rei nullus sequatur esse-
ctus, nec sint entia uera, et
naturalia, quæ à magicis
fiunt, sed solum præstigiū
& illusio oculorum. 4. 266
- Magorum opera, et mira-
bilia quæ referuntur, quòd
eorum plurima sint falsa,
conficta, & ex hominum
uauitate credit. 1. 2. 54
- Mediatores, qui pro alijs cõ-
tractus constituunt si mo-
- niacos, quas incurrant poe-
nas. 24. 138
- Meritum, quòd nullo modo
proportionetur intentio-
ni. 16. 35
- Meritum quòd non duplicem
tur, nisi sit magna conti-
nuatio & perseverantia
in actu. 18. 37
- Meritum, quòd non solum
proportionetur intèntioni,
sed quòd nec magna mul-
titudine actuum remissorum
æquiualeat uni actui in-
tensio, uel perfectio. 17. 35
- Mortem sibi cõsciscere, quo-
modo sicut semper impiū,
ita & mortem non solum
patienter, sed libere etiam
subire, quòd plerunq; con-
silium, nonnunquam præ-
ceptum sit. 1. 101
- N
- Nauigare, & artem milita-
rem exercere etiam cum
magno uitæ periculo ser-
uatis circumstantijs (quæ
magis & ut plurimū con-
tingunt) q. liceat. 32. 146
- O
- Obiectum uoluntatis, quòd
non sit solum uerum bo-
num.

T O M I S E C V N D I .

num. 22. 135

cedere hominem reipub.

nocium ex intentione, q
stando in iure diuino &
naturali liceat. 18. 129

ceidi quomodo dupliciter
potest homo, scilicet ex in=
tentione, & præter inten=
tionem. 17. 129

pera aliqua quòd fiant à
magis, quæ nullo modo
fiunt per gratias, & econ=
trario. 13. 278

pera eadem, uel similia,
quòd fiant per artes magi=
cas, & per gratias gratis
datas. 12. 277

piniones secunda & tertia
de augmento charitatis, in
quo differât à prima. 8. 17

P

anem quòd liceat alteri ce=
dere cum certa perniciæ
proprie uitæ. 26. 142

apa quòd det clerico pen=
sionem aliquam in alieno
beneficio, solum quia sit
clericus, quòd non uidea=
tur irrationabile. 51. 217

apa, quòd in simonia, quæ
est iuris diuinis, æque, uel
grauius possit esse simo=

niacus, sicut alius homo.

39. 202

Papa, quòd non possit uen=
dere sine uitio simoniæ ex
quacunque causa quod=
cunque beneficium eccle=
siasticum. 44. 208

Papa, quòd non possit dare
alicui pensionem aliquam
super beneficio ecclesiasti=
co, qui nullum ministerium
neq; temporale, neq; spi=
rituale conferat in eccle=
sia, uel alio pio titulo. 50.

216

Papa quomodo si alicui iusto
uel iniusto titulo conce=
dat pensionem sine obliga=
tione ad aliquod ministe=
rium spirituale, neque ra=
tione alicuius tituli spiri=
tualis, quòd talis pensio sit
merè temporalis. Et quo=
modo uendere talem pen=
sionem, aut redimere pre=
tio quolibet temporali, nò
sit simoniacum. 52. 217

Peccatum ueniale quòd nul=
lum possit tollere gratiã,
dato quòd quilibet tollat
partem gratiæ. 22. 44

Pecunia ex contractu simo=

niaco

- niacoacquisita, cui debeat
restitui. 6. 231
- Pensio**, quæ assignatur alicui
super beneficium alterius
ratione alicuius ministerij
spiritualis, quod licita est,
& honesta. 48. 214
- Pensio** quæcunq; , quam Pa-
pa imponet, uel ex officio
suo, uel ad alterius suppli-
cationem, modo non sit
causa permutationis, &
sine obligatione ad ali-
quod officium, uel ministe-
rium spirituale, quod pos-
sit uendi, & sine simonia
redimi. Et an talis pensio-
narius teneatur ad officiũ
canonicum. 54. 219
- Pontifices** parati ad dādum
beneficia cōsanguineis si-
ne deliberatione, quod pec-
cent mortaliter. 29. 193
- Præbende** omnes militares,
quas commendas uocant,
quod authoritate Papæ
possint uendi pro tēpora-
li sine uitio simoniæ. 45. 212
- Præceptum** de non occiden-
do, quod sit iuris natura-
lis, & non positiui, sicut
etiā alia præcepta Decalo-
- gi. secūdum authorē. 12. 128
- Præceptum** de nō occidendo,
q; semper fuerit æquale &
ante legem, & in lege, &
tempore Euangelij. 13. 128
- Præcepto** de non occidendo,
quod non magis prohibea-
tur homicidium authori-
tate publica, quā pri-
uata. 16. 129
- Præcepto** hoc, Non occides,
quomodo prohibeatur o-
mne homicidium, quod
siano in lege naturæ sola
est malum, & irrationa-
bile. 14. 118
- Præcepto**, Non occides, quid
& qualiter homicidium
prohibeatur. Et de triplici
opiniōe ibi recitata. 11. 125
- Præstare** obsequium pontifi-
ci, ut illa ratione posset
consequi beneficium, an,
& quando esset simonia-
cum. 37. 201
- R
- Ratio** quod nusquam sit, nec
unquam fuerit, nec erit,
ubi non sit notitia de Deo
probabilis, & cui omnes
teneantur rationabiliter
credere. 4. 356

T O M I S E C V N D I.

Rationis ad usum perueniens,
qui nec Deum cognoscit,
nec potest cognoscere, an
talís possit peccare. 8. 366

Rationis ad usum quilibet
perueniens, quòd non te-
neatur se conuèrtere in
Deum explicite, distincte,
& formaliter. 12. 388

Rationis ad usum quilibet
perueniens, quòd ad actum
aliquem teneatur statim.

13. 290

Rationis ad usum quilibet
perueniens, quòd teneatur
se conuèrtere in bonum eo
modo, quo tunc potest, id
est conformiter ad cogni-
tionem, quam habet. 14. 392

Rationis ad usum quòd quis
possit uenire, & pro ali-
quo tempore non habere
notitiam Dei. 5. 859

Rationis ad usum ueniens,
etiam si Deum non cogno-
scat, an talis possit bene
moraliter agere. 6. 359

Rationis usus primus instans,
quid sit, uel quid uocetur.
Et quomodo deliberatio
non possit esse libera, id
est, quòd sit in potestate ho-

minis deliberare, & non
deliberare. 20. 348

Rationis usum an possit ali-
quis habere circa aliquam
materiam, uel obiectum, et
non circa aliud, utpote cir-
ca materiam iustitiæ, &
non circa materiam tem-
perantiæ, ut sit capax ra-
tionis ad deliberandum, &
iudicandum an sit iuran-
dum, uel nocendum alicui,
& non sit capax ad con-
sultandum, de fornicatione
sed habeat se ad illam tan-
quam puerum. 16. 344

Rationis usum an possit ha-
bere quis ad peccandum
uenialiter prius, quam ad
peccandum mortaliter. 11
380

Rationis usum habere, quid
sit. 3. 326

Rationis usum habere suffi-
cientem circa artes, qui non
habeat circa materiam
moralem, quòd uideatur
possibile. 17. 344

Rationis usum habere suffi-
cientem circa artes, qui
non habeat circa materiã
moralem, licet sit possibi-

*** le,

INDEX

- le, quòd tamen utdeatur
multum difficile, uel nun=
quàm contingere. 18. 344
- Rationis usum habere circa
aliquam materiã morã=
lem, & non circa omnes,
putatur impossibile ab au=
thore. 19. 345
- Rationis usum quòd unus ho=
mo habeat, & alius non,
unde proueniat. 8. 336
- Rationis usum, quòd unus
homo habeat, & alius nò,
possit immediatè ex parte
intellectus, & uoluntatis
prouenire. 9. 337
- Rationis usum quòd unus ha=
beat, & alius non, quòd
talis differentia non pro=
ueniat ex aliquo habitu à
natura concreato, uel in=
tellectu, uel in uoluntate,
qui solum sit in uno, &
non in alio, uel in puero,
& in adulto. 10. 337
- Recentiorum dictum, quòd
detur tempus induciarum,
in quo aliquis potest deli=
berare, quòd sit uanum.
26. 350
- Religionem si quis ingredia=
tur, an ille, qui eum reci=
pit, possit pro ingressu ali=
quid recipere. 12. 237
- Restitutio pecuniæ acquisitæ
per simoniam, quòd non
sit de iure diuino. 4. 226
- Restitutionem qui bona fide
fecit dando pauperibus,
uel illi, à quo accepit, an
teneat factum. 7. 233
- S
- Sacrificare homines Deo, ut
faciunt barbari, quòd sit
& iure diuino, & natura=
li prohibitum. 7. 79
- Sepulturæ ius priuatum an
possit quis obtinere, &
quomodo. 11. 237
- Simonia aliqua, quòd sit o=
mnino præcisè de iure po=
tius. 16. 175
- Simonia an contingat circa
pensiones. 47. 213
- Simonia an sit aliqua circa
ea quæ sunt uerè spiritua=
lia, & secundum se & de
iure positiuo. Et quomodo
contractus aliquis, uel per
mutatio spiritualis secun=
dum se de iure positiuo sit
simoniaca. 17. 176
- Simonia omnis an sit iure di=
uino prohibita, & an ali=
qua

TOMI SECUNDI.

qua sit solum iure positi-
uo. 12. 172

Simonia, quomodo forte es-
set, si preces, fauor, uel laus,
& amicitia deducerentur
in pactum. 35. 198

Simonia, quomodo esset, si fa-
uor, uel preces, uel laus re-
soluerentur tanquam pre-
tium in aliquod tempora-
le. 34. 198

Simonia, quod sit diuino iure
prohibita. 10. 170

Simonia, quod sit illicita. 9.
170

Simonia, quod sit iure natu-
rali prohibita. 11. 171

Simonia, quod in beneficijs
uniuersaliter sit de iure po-
sitiuo, & quomodo Papa
possit ea uendere sine ra-
tionabili causa, & sine ui-
tio simoniæ, uel ex ratio-
nabili causa, & sine pec-
cato. 42. 205

Simonia, quod non commit-
tatur nec circa scientiam,
aut doctrinam, nec circa
aliud spirituale à spiritua-
li creato. 5. 163

Simoniæ crimen, an inter pa-
ganos, & idololatrias esse

potuerit. 20. 187

Simoniæ definitio. Et quid sit.

Et unde sit dicta simonia.
2. 159

Simoniæ in definitione, quid
per emptionem, & uendi-
tionem intelligitur. 7. 168

Simoniæ peccatum quod in
lege naturæ & potuerit
esse, aut fuerit. 19. 186

Simoniæ obiectū circa quod
uerfetur. 3. 160

Simoniæ peccatum, quod in
lege scripta et potuit esse,
& fuit. 18. 185

Simoniacus an possit esse
summus pontifex. 38. 202

Simoniacus an sit is, qui ti-
more, cōsanguinitate, pre-
cibus, & fauore, aut obse-
quio administrat spiritua-
lia. 22. 188

Simoniacus an de iure natu-
rali et diuino teneatur re-
stituere, an de solo positi-
uo. 3. 222

Simoniaci poena quæ sit. 16.
239

Simoniacum quod sit, con-
ferre officium ecclesiasti-
cum pro obsequio, quum
tale obsequium est pecunia

I N D E X

estimabile, ita quòd tandem
resoluitur in commodum
temporale. Et quid si non
adfit pactum expressum,
uel tacitum. 36. 199

Simoniacum quòd nò sit con
ferre spirituale sine respec
tu ad commodum, uel in
commodum, timore indi
gnationis. 23. 189

Simoniacum utrum sit spe
rare beneficium spirituale
ex officio temporali. 40.
204

Simoniacè consecutus bene
ficiū ecclesiasticū, quòd
nihil iuris acqrat in illo,
neq; faciat fructus suos, sed
teneatur resignare. 2. 222

Spirituale dare digno ex ti
more mali temporalis, ut
uita, aut exilij, aut carce
ris, dummodo hoc non re
dundet in aliquod commo
dum temporale, uel sit ex
pacto, aut aliquo modo
per modum pretij, quòd
non uideatur esse malum.

25. 190

Spirituale dare ex timore a
licum digno, quòd uideatur
non esse malum. 24. 189

Spirituale, quòd in hoc pro
posito uocetur donum Spi
ritus sancti. 6. 166.

Spirituale quid dicatur in
materia simoniatica. 4. 161

Spiritualia promittere, an
sit simonia. 41. 205

Spiritualia, quòd sint aliqua
iure positio. Et quæ sint.

14. 174

T

Titulus triplex recipiendi
temporalia mediantibus
spiritualibus describitur.

18. 240

Temporale esto, quòd non
possit aliquis recipere pro
spiritualibus titulo em
ptionis & uenditionis, an
aliquo titulo spirituali
possint esse media ad ali
quod temporale. 17. 239

V

Vendere Canonatum sim
plicem, quòd nò minus sit
simonia, quàm uendere be
neficiū cum cura ani
marum. 43. 207

Verba nulla, nec exorcismi,
quòd non habeant effica
ciam infallibilem ad cogen
dum dæmones, & arcendū
illos,


T O M I S E C V N D I .


illos, ita ut semper sortian-
tur effectum suum. 24. 298
itam per abstinentiam ex
intentione reddere breuior=
em, quod non liceat. 11. 95
itam quantum quis per ali-
menta possit protelare, q
non teneatur. 13. 96
itam reddere breuiorē per
abstinentiam, utrum li-
ceat. 11. 95
itæ conseruandæ ratione
quod non sint omnia me-
dia adhibenda, sed solum
illa, quæ ad hoc sunt de se
et ordinata, et congrua.
35. 148
ita quod non sit in discri-
mine pro bonis tempora-
libus ponenda, inter quæ
gloria, honor, et fama re-
ponuntur. 36. 149
itam abbreviare quod nul-
lo modo liceat, etsi non te-


neatur omnia media licita
etiam facere, ut sibi uitam
reddat longiorem. 33. 147
Vitam suam propriam quod
quilibet teneatur conser-
uare per alimentum, pro-
batur. 1. 51
Vsum rationis posse tolli per
habitus existentes in uo-
luntate, puta ex odio, uel
amore uoluntatis, quod
sit probabile, posita etiam
omnimoda rectitudine ex
parte sensitiua. 13. 340
Vti alimētis, quibus uita bre-
uior reddatur, quando non
esset peccatum. 14. 96
Vti quis singulari inedia, et
cibo nocuo, quando non
excusaretur à mortali pec-
cato. 15. 97

F I N I S .

The first of these is the
 second of these is the
 third of these is the
 fourth of these is the
 fifth of these is the
 sixth of these is the
 seventh of these is the
 eighth of these is the
 ninth of these is the
 tenth of these is the
 eleventh of these is the
 twelfth of these is the
 thirteenth of these is the
 fourteenth of these is the
 fifteenth of these is the
 sixteenth of these is the
 seventeenth of these is the
 eighteenth of these is the
 nineteenth of these is the
 twentieth of these is the
 twenty-first of these is the
 twenty-second of these is the
 twenty-third of these is the
 twenty-fourth of these is the
 twenty-fifth of these is the
 twenty-sixth of these is the
 twenty-seventh of these is the
 twenty-eighth of these is the
 twenty-ninth of these is the
 thirtieth of these is the
 thirty-first of these is the
 thirty-second of these is the
 thirty-third of these is the
 thirty-fourth of these is the
 thirty-fifth of these is the
 thirty-sixth of these is the
 thirty-seventh of these is the
 thirty-eighth of these is the
 thirty-ninth of these is the
 fortieth of these is the
 forty-first of these is the
 forty-second of these is the
 forty-third of these is the
 forty-fourth of these is the
 forty-fifth of these is the
 forty-sixth of these is the
 forty-seventh of these is the
 forty-eighth of these is the
 forty-ninth of these is the
 fiftieth of these is the
 fifty-first of these is the
 fifty-second of these is the
 fifty-third of these is the
 fifty-fourth of these is the
 fifty-fifth of these is the
 fifty-sixth of these is the
 fifty-seventh of these is the
 fifty-eighth of these is the
 fifty-ninth of these is the
 sixtieth of these is the
 sixty-first of these is the
 sixty-second of these is the
 sixty-third of these is the
 sixty-fourth of these is the
 sixty-fifth of these is the
 sixty-sixth of these is the
 sixty-seventh of these is the
 sixty-eighth of these is the
 sixty-ninth of these is the
 seventieth of these is the
 seventy-first of these is the
 seventy-second of these is the
 seventy-third of these is the
 seventy-fourth of these is the
 seventy-fifth of these is the
 seventy-sixth of these is the
 seventy-seventh of these is the
 seventy-eighth of these is the
 seventy-ninth of these is the
 eightieth of these is the
 eighty-first of these is the
 eighty-second of these is the
 eighty-third of these is the
 eighty-fourth of these is the
 eighty-fifth of these is the
 eighty-sixth of these is the
 eighty-seventh of these is the
 eighty-eighth of these is the
 eighty-ninth of these is the
 ninetieth of these is the
 ninety-first of these is the
 ninety-second of these is the
 ninety-third of these is the
 ninety-fourth of these is the
 ninety-fifth of these is the
 ninety-sixth of these is the
 ninety-seventh of these is the
 ninety-eighth of these is the
 ninety-ninth of these is the
 hundredth of these is the







2
BASSY
V845r





